







M







4-27. e. 18

# NATVRALIS PHILOSOPHIÆ

TERTIA PARS.

Quæ de ente Mobili Corruptibili  
agit ad libros Aristotelis,  
de ortu, & interitu.

AUCTORE

P. M. F. IOANNE  
DE S. THOMA

LISBONIENSI

*Ordinis Prædicatorum.*


Complutensis Academiæ publico  
Theol. Profefs. in Cathedra  
Vespertina,

legij S. Thomæ Regente, & Sacra  
Inquisitionis Censore.

CCCCCCCCCCCC

BONONIÆ, M.DC.LXXXIX  
Iosephi Longi, Super. permissu.





# INDEX

## QVÆSTIONVM, & Articulorum.

*In duos libros Aristotelis de Genera-  
tione, & Corruptione.*

PROEMLVM.	pág. 1
De Materia, & subiecto horum librorum.	2
Ordo quæstionum.	7

Summa Textus Libri Primi de Generatione, & Corruptione.	
Pag.	8

### QVÆSTIO PRIMA.

*De Generatione substantiali.*



Articulus I. Quid sit Generatio com-  
muniter dicta, & Generatio pro-  
pria viventium. 24

Articulus II. Quibus principijs Phi-  
losophia assequatur dari Genera-  
tionem substantialem. 37

Articulus III. In qua actione, & mutatione  
consistat generatio substantialis. 46

Articulus IV. Quid sit terminus formalis, &  
quis adequatus generationis substantialis, 60

*Index Quest. & Art.*

- Articulus V. Quod sit subiectum Generatio-  
nis, & de eius distinctione à Creatione.  
pag. 77
- Articulus VI. Vtrum in Generatione substan-  
tiali fiat resolutio omnis formę vsque ad Ma-  
teriam primam. 97
- Articulus VII. Quomodo vltima dispositio cau-  
setur, vel causet Generationem substantia-  
lem. 111

**QVÆSTIO SECVNDA.**

*De Corruptione.*

- A**rticulus I. Quomodo differat Corruptio  
in ratione mutationis à Generatione, &  
ab Annihilatione. 134
- Articulus II. Vtrum Corruptio, & Generatio  
sint eadem actio ratione cuius Generatio  
vnus sit corruptio alterius. 143
- Articulus III. Vtrum Corruptio sit naturalis, &  
per se intenta à natura. 154

**QVÆSTIO TERTIA.**

*De Alteratione incommuni.*

- A**rticulus I. Quid sit Alteratio, & quotu-  
plex. 169
- Articulus II. Ad quas species qualitatis detur  
per se Alteratio. 181
- Articulus III. Vtrum Alteratio sit vnus Motus,  
& continuus. 192

*Index Quest. & Art.*

QVÆSTIO QVARTA.

*De Intensione, & Remissione.*

- A**rticulus I. Quid sit intensio, & Remissio,  
& in quibus formis inueiantur. 210  
Articulus II. Vtrum Intensio fiat per additio-  
nem gradus ad gradum, vel per maiorem  
radiationem in subiecto. 228  
Articulus III. Expediuntur argumenta contra  
sententiam propositam. 247

QVÆSTIO QVINTA.

*De Actione, & Reactione.*

- A**rticulus I. Vtrum aliquid possit agere in  
se ipsum saltem per accidens. 262  
Articulus II. Vtrum simile possit agere in suū  
simile. 294  
Articulus III. Quæ proportio resistentiæ re-  
quiratur inter agens, & patiens ad reactio-  
nem. 302  
Articulus IV. Vtrum omne Agens in agendo  
repatiat. 315

QVÆSTIO SEXTA.

*De Mixtione.*

- A**rticulus I. Quid sit Mixtio, & quomodo  
fiat. 331  
Articulus II. Quomodo Mixtio fiat in liquo-  
ribus tam eiūdem, quàm diuersæ speciei.  
† 3 pag.

## *Index Quest. & Art.*

pag.	343
Articulus III. Quomodo fiat Mixtio inter Elementa, & quomodo illa mancant in Mixto.	
pag.	359

### QVÆSTIO SEPTIMA.

#### *De Condensatione, & Rarefactione.*

<b>A</b> rticulus I. Vtrum Rarefactio, & Condensatio terminetur primò, & per se ad qualitatem.	344
Articulus II. Vtrum sine Rarefactione, & sine additione quantitatis possit aliquid fieri maius altero.	383

### QVÆSTIO OCTAVA.

#### *De Nutritione, & Augmentatione.*

<b>A</b> rticulus I. Quid sint Augmentatio, & Nutritio, & quomodo distinguantur.	pag.	389
Articulus II. Quomodo intelligatur nutritio fieri ad partes substantiæ.		403
Articulus III. In qua actione consistat formaliter nutritio, & ubi resideat nutritiva facultas.		411
Articulus IV. Vtrum Augmentatio dum durat, & nutritio tota Vita, sint successivæ, & continuæ.		425
Articulus V. Vtrum in nutritione, & Augmentatione quælibet pars viventis augeatur, & nutriatur.		444
Articulus VI. Quomodo viuentia mancant eadem		



*Index Quest. & Art.*

*eodem toto tempore Nutritionis, & Aug-  
menti.* 451

**QVÆSTIO NONA.**

*De subiecto Accidentium, & principio Indivi-  
duationis.*

**A**rticulus I. Vtrum Accidentia materialia  
subiectentur in toto Composito, vel in  
sola Materia. 457

Articulus II. Quid debeat fieri in accidente, vt  
separatum maneat à subiecto. 484

Articulus III. A quò principio sumatur indi-  
uiduatio substantiæ materialis. 492

Articulus IV. Quid sit materia signata quan-  
titate, quæ est Principium Indivduationis.  
pag. 517

Articulus V. Vtrum accidentia indiuiduentur  
à subiecto nec possint esse in eodem duo so-  
lum numero distincta. 535

**Summa Textus Libri Secundi de  
Generatione, & Corruptione.**  
pag. 549

**QVÆSTIO DECIMA.**

*De Elementis, & primis qualitatibus.*

**A**rticulus I. Quid sit Elementum, & quo-  
ruplez, & quæ sint qualitates primæ.  
pag. 561

Articulus II. Vtrum qualitates contrariæ se  
ex-

## *Index Quæst. & Art.*

expellant in gradibus intensis, & compa-  
riantur in remissis. 574

Articulus III. Quæ qualitates conueniant cui-  
libet Elemento. 597

Articulus IV. Quomodo detur transitus de Ele-  
mento ad aliud tam in symbolis quàm in  
dissymbolis. 601

## QVÆSTIO VNDECIMA.

*De Mixtis, & temperamento eorum.*

Articulus I. Quæ sint mixta perfecta, quæ  
imperfecta, & quod temperamentum eo-  
rum. 614

Articulus II. Quid sit Temperamentum æqua-  
litis, & ad pondus, & an sit dabile. 620

## QVÆSTIO DVODECIMA.

*De Reproductione rei corruptæ.*

Articulus I. Vtrum repugnet rem corrup-  
ptam iterum reproduci. 630

Articulus II. Vtrum omnia Corruptibilia ha-  
beant determinatam periodum durationis à  
natura. 644

# INDEX TRACTATVVM, & Capitum .

*Tractatus De Metheoris .*

Ad quatuor libros Metheororum  
Aristotelis.

PROEMIUM.

pag. 651

## TRACTATVS PRIMVS.

*De Metheoris in communi .*

**C**aput I. Quæ Materia, quæ causæ sint Me-  
theorologicarum impressionum. 653

Caput II. Quæ sint loca in toto Vniuerso, vbi  
accidunt Meteorologicæ impressiones .

pag.

656

## TRACTATVS SECVNDVS.

*De impressionibus Cælestibus, quæ in ipso Cælo  
videntur .*

**C**aput I. De Galaxia seu Circulo Lacteo.  
pag. 659

Caput II. De Macula Lunæ. 663

Caput III. Num in Cælo Metheororum ali-  
quid de nouo generetur. 665

TRA.

*Index Tract. & Cap.*

TRACTATUS TERTIVS.

*De Metheoris ignitis in aere apparentibus.*

- C**aput I. De Cometarum materia, & causa efficienti. 667  
Caput II. De Accidentibus Cometarum, pagina. 671  
Caput III. De Tonitru, & Fulgure. 675  
Caput IV. De Fulmine, & eius effectibus. pag. 673  
Caput V. De aliquibus Ignibus in aere apparentibus. 682

TRACTATUS QVARTVS.

*De Coloribus in Aere apparentibus.*

- C**aput I. De Iride eiusque significationibus. 685  
Caput II. De Varietate Colorum aeris, itemque de halo, corona, voragine, & hiatu. pag. 692  
Caput III. De Virgis, & Parelijs.

TRACTATUS QVINTVS.

*De Ventis.*

- C**aput I. De Materia, & Causa efficiente Ventorum 696  
Caput II. De numero Ventorum, eorumque proprietatibus. 699  
Caput III. De Turbinibus Ennephia Typhonis, & Prætere. 703

TRA-

*Index Tract. & Cap.*

TRACTATVS SEXTVS.

*De Meteoris humidis genitis in aere.*

<b>C</b> Aput I. De Nube, & Pluvia.	705
Caput II. De Niue & Grandine.	710
Caput III. De Rore, Pruina, Melle, & Manna.	
pag.	716

TRACTATVS SEPTIMVS.

*De Mari eiusque Motu, & Salsedine.*

<b>C</b> Aput I. De Situ Maris.	720
Caput II. De Motibus Maris.	724
Caput III. De Salsedine Maris.	729

TRACTATVS OCTAVVS.

*De Fontibus, & Fluminibus.*

<b>C</b> Aput I. De ortu, & origine fontium, & fluminum.	733
Caput II. Dubia, quædam circa ortum, & decursum fluuiorum, & fontium enodantur.	
pag.	740
Caput III. De quorundam saporibus, alijsque qualitatibus.	743

TRACTATVS NONVS.

*De Terramotibus, & subterraneis ignibus.*

<b>C</b> Aput I. Quæ sit vera causa terræmotus.	
pag.	774
CA.	

*Index Tract. & Cap.*

Caput II. De accidentibus, & effectibus terræ-  
motuum. 750

Caput III. Qua materia, & vi, ignes sub ter-  
ra ardeant? 753

TRACTATUS DECIMVS.

*De Metallis.*

**C**aput I. De materia, & causa efficienti  
Metallorum in genere. 756

Caput II. De speciebus, proprietatibusque,  
& locis in quibus generantur Metalla. 759

F I N I S.



TER.

# TERTIA PARS

# PHILOSOPHIÆ NATVRALIS.

## PROOEMIUM.



Ost explicatum ens mobile in  
communi in octo libris Physi-  
corum, & ens mobile incorru-  
ptibile, quod est cœlum, de  
quo tractatum est in secunda  
Parte Philosophiæ, sequitur in  
hac tertia agere de ente mobili corruptibili, &  
generabili secundum omnes illos motus, qui  
ad generationem pertinent, vel ad illam ordi-  
nantur, nam secundum quod res generabiles ordi-  
nari possunt per motum localem ad acquiren-  
dum locū naturalem, & situationem in vniuer-  
so, pertinet de illis agere ad libros de cœlo, &  
mundo, vbi licet agatur principaliter de cœlo,  
adæquate tamen agitur de toto Vniuerso, quod  
componitur etiam ex elementis secundum quod  
disponuntur per situationem corporum in ipso.

*Totum* autem, quod pertinet ad ens genera-  
bile, & corruptibile comprehendit Aristote-  
les duobus libris. In primo explicat omnes  
mutationes ad generationem, & corruptionem  
pertinentes. In secundo descendit ad expli-  
candum corpora quibus conueniunt istæ mu-  
tationes, scilicet elementa, & corpora mixta,

*Phil. Nat. Pars III.*

A

qua-

quatenus videlicet sunt principia qualitatum actiuarum, & passiuarum secundum quas fiunt istæ mutationes ipsaque generatio, & corruptio.

*Mutationes* autem, quæ principalitèr ad ipsam generationem consequuntur, vel ordinari possunt ad illam, sunt septem. Prima & principalis, est ipsa generatio substantialis, & eius oppositum scilicet corruptio. Secunda, & quæ propinquius ad ipsam ordinatur est alteratio quæ genericè est vna, diuiditur verò in tres species, simplicem alterationem, intensiorem, & remissionem. Tertia est nutritio, vel loquendo communius aggeneratio. Quarta augmentatio. Quinta reactio, & repassio. Sexta addensatio, & rarefactio. Septima mixtio. Quæ omnia in primo libro tractantur à Philosopho. Circà corpora verò generabilia tria præcipuè considerat in secundo libro, primò, circà elementa quibus qualitatibus prædita sint, & quomodo inter se contrariantur. Secundo circa mixta quomodo temperata sint. Tertiò circa omnia corpora quæ corrumpuntur, an videlicet possint iterum reproduci hoc ipso, quod semel desinunt esse, quod etiam de quacunque alia re, quæ corrumpitur potest inquiri.

*De materia, & subiecto horum librorum.*

**C**ONSTAT ex his quæ diximus in quæstione prima Physicorum, subiectum adæquatum Philosophiæ esse ens mobile. Licèt autem obiectum formale sit vnicum, & impartibile, hoc ipso, quod scientia vna est secundum spe-



speciem aetheralem, tamen subiectum, seu materia multiplex est, quia una, eademque scientia de diuersis rebus agit, licet sub unica ratione formali. Et ita inquirimus in praesenti quae pars entis mobilis pertineat ad propriam materiam, & subiectum istius tractatus de generatione, quae pars quaedam est vnius scientiae naturalis. Et ferè omnes conueniunt, pertinere ad istos libros illud ens mobile, quod est generabile, & corruptibile, cum in nulla alia parte Philosophiae agatur de illo, nisi hic, in libris enim de anima agitur de ente mobili animato, quod licet corruptibile sit non tamen agitur de illo secundum, quod corruptibile, sed secundum rationem viuentis, seu animati, & secundum motus vitales. In libris autem de coelo, ut diximus solum agitur de motu incorruptibili, vel de toto vniuerso, ut componitur ex corporibus simplicibus.

*Solum* potest esse difficultas, an subiectum istorum librorum sit ens mobile ad formam substantialem, & sic solum generatio ipsa substantialis consideretur per se, de alteratione verò alijsque mutationibus ad generationem ordinatis, solum tractetur quasi de subiecto secundario, & quasi reductiue, an verò ad quantum subiectum sit ens generabile ut abstrahit à generabili substantialiter, vel accidentaliter, licet principale subiectum sit generabile substantialiter, seu ipsa substantialis generatio.

*Respondetur*, in sententia D. Thom. in proximo librorum de generatione, verius videri subiectum istorum librorum esse ens generabile in secundo sensu allato, scilicet ut abstra-

hic à generabili substantialiter, vel accidentaliter, licet præcipuum subiectum sit generabile secundum substantiam seu generatio ipsa substantialis. Dicit enim: *Quod pertinet ad istos libros tractare de motibus, qui non sunt communes omnibus corporibus, seu inveniuntur in solis inferioribus* (qui utique sunt omnes præter ubi, qui etiam in superioribus corporibus inveniuntur;) *Inter quos principalem obtinet generatio, & corruptio, alteratio enim ordinatur ad generationem, sicut ad finem, augmentatio etiam consequenter se habet ad generationem, ubi illa causatis D. Thomæ alteratio enim, &c.* Non reddit causam cur in istis libris agatur de alteratione, sed cur alteratio sit motus minus principalis, quam generatio, & ita non agitur hic de alteratione solū reductivè, sed tanquam de subiecto minus principali, sicut metaphysica agit de accidente, subiectum autem principale est generatio substantialis, sicut in metaphysica substantia, vel Deus, in logica demonstratio, id enim significat D. Thom. dicens, quòd in his motibus principatum obtinet generatio. *Ratione*, etiam id constat, quia alteratio, & augmentatio, & reliqui alij sunt verè species motus, & per se; ergo de illis agit Philosophia tanquam de aliquo pertinente ad illam per se, & non reductivè, sicut etiam agit de motu locali in libris de cælo, & de augmentatione hic: ergo assignanda est aliqua pars Philosophiæ, quæ per se agat de illis, sicut agit de motu locali, non est autem alia pars in qua tractetur de alteratione, & augmentatione nisi in ista.

*Unde colligitur, quòd subiectum istorum*  
li-

librorum est mobile ad formam intrinsecam secundum quam fit generatio, vel corruptio, vel quæ ad illam ordinatur. Nec propterea agit de aliquo conflato ex substantia, & accidenti, ita quod subiectum eius sit aliquod analogum, tum quia subiectum eius non est accidens, & substantia, sed mobile ad formam substantialem, vel accidentalem, quod in se quidem substantia est subiectiue, licet terminatiue ad aliquid accidentale terminari possit: tum etiam, quia de accidenti, & substantia potest tractari in aliqua scientia, tanquam de obiecto vniuoco in ratione scibilis, licet sit analogum in ratione entis, sicut patet in Metaphisica, quæ est vnica scientia, & tractat. de accidenti, & substantia, eo quod bene possunt res analogice conuenientes manifestari eodem lumine, & ex eisdem principijs, & sic in ratione manifestabilis, & scibilis conuenire vniuocè. §. *Obijcies*, si pertinet ad istos libros per se agere de augmentatione, & nutritione: ergo non pertinebit per se agere de illis ad libros de anima, cuius oppositum diximus ex D<sup>i</sup> Th. in initio Physicorum distrubentes partes Philosophiæ, iuxta species motus, in quibus augmentatio quia vitalis est pertinet ad libros de anima, vel agetur de augmentatione in eadem scientia bis. *Secundo* sequitur, quod tractatus iste de generatione præcedat tractatum de cœlo, siquidem in tractatu de cœlo agitur de motu locali, qui imperfectior est motu generationis, cum terminetur ad vbi, quod est imperfectius quantitate, qualitate, & substantia, ad quæ motus isti terminantur.

*Ad primum* respondetur in his libris agi de

## 6 PROOEMIUM.

Augmentatione, & nutritione non vt sunt motus vitales, & ab anima viuenti, sed vt sunt mutationes quædam corruptiue, vel generatiue partialiter. Non est autem inconueniens, quòd de eodem bis tractetur in eadem scientia secundum diuersas considerationes, sicut in libris de cœlo agitur de elementis, quatenus in hoc vniuerso determinatam situationem ad locum postulant, in istis autem libris quatenus sunt generabilia, & corruptibilia. In initio autem physicorum diximus de motu augmentationis agi in libris de anima quatenus vitalis motus est, & ab anima procedit, non sub ratione motus corruptiui.

*Ad secundum* respond. ad summum probare, quod libri de generatione sunt priores dignitate, quam libri de cœlo, non tamen ordine doctrinæ cum potius ab imperfectioribus procedatur. Addo quòd licet motus localis ex præciso conceptu ad suum terminum, qui est vbi, sit imperfectior alteratione, & generatione, tamen motus localis, qui conuenit cœlo prius tractari debet in Philosophia, quam alij motus, tum quia subiectum talis motus est aliquid dignius, & superius, scilicet ipsum cœlum tum quia habet causalitatem motus eius in reliqua inferiora, & sic dato, quòd incipiendum sit ab eo quod est dignius, & perfectius, etiam à motu locali isto, qui cœlo conuenit incipiendum est, quia prout sic causans, est dignior. Denique motus localis vniuersalior est, & pluribus conueniens, quam alteratio, & augmentatio, inuenitur enim in omni corpore; à communioribus autem incipiendum est.

*Ordo questionum.*

**T**otum tractatum duodecim questionibus  
absoluemus, nouem circa primum li-  
brum, & tribus circa secundum. *Prima*, erit  
de generatione substantiali. *Secunda*, de cor-  
ruptione ei opposita. *Tertia*, de alteratione  
in communi. *Quarta*, de alteratione in spe-  
ciali, vt de intensiōe, & remissione, &c.  
*Quinta*, de reactione, & repassione. *Sexta*,  
de mixtione. *Septima*, de condensatione, &  
rarefactione. *Octaua*, de augmentatione, &  
nutritione. *Nona*, de subiecto accidentium,  
& principio indiuiduationis.

Circa secundum librum: *Quaestio decima*,  
erit de elementis. *Vndecima* de mixtis. *Duo-  
decima*, de reproductione rei prateritæ.



# 8 CIRCA LIBRVM

## PRIMUM

### *De Generatione, & Corruptione.*



Intentum Arist. in hoc 1. libro est differere de ortu, & interitu rerum in communi, & de his quæ generationem ipsam consequuntur, vel concomitantur; in secundo autem libro agit de generabili, & corruptibili in particulari, scilicet, de elementis quæ sunt prima corpora generabilia, & de mixtis, quæ ex illis primis constantur. Circa generationem in communi decem capita distribuit hoc ordine. In primis duobus refert antiquorum sententias circa generationem, & corruptionem, & distinctionem earum ab alteratione. In duobus sequentibus suam sententiam declarat. A 5. cap. usque ad 10. agit de his quæ generationem, vel concomitantur, vel consequuntur sicut de augmentatione, & nutritione, de actione, & reactione, contactu, & mixtione.

SUMMA

# SVMMA TEXTVS<sup>9</sup>

## LIBRI PRIMI.

**I**N hoc cap. primo, intendit Philof. refutare duas opiniones antiquorum circa differentiam generationis, & alterationis, in seq. vero cap. alias duas circa modum quod dicebant aliqui fieri generationem. Opiniones ergo antiquorum, quas refutat in hoc 1. cap. sunt duæ. Prima eorum qui ponebant tantum esse vnum principium rerum naturalium, illudque esse ens actu. Hi enim non poterant distinguere generationem ab alteratione. Secunda opinio fuit eorum qui ponebant plura principia, quidem poterant ponere generationem substantialem distinctam ab alteratione, sed de facto non ponebant illam, quia ipsas qualitates dicebant esse formas elementorum, vt calorem, & frigus, negabant autem posse vnum elementum conuerti in aliud, quia non ponebant illa esse composita ex materia, & forma, sed esse primas materias non resoluibiles in alia principia. Specialiter autem arguit Empedoclem quod sibi contradixerit, quia ex vna parte negabat vnum elementum generari ex alio secundum substantiam, ex alia ponebat omnia à principio fuisse vnum per confusionem, & chaos, quasi amicitia ea omnia confundente: quod sine corruptione esse non poterat, aut si non erat corruptio, & generatio quomodo ex illo vno emergebant pura diuersificata?

Duo facit Aristot. in hoc cap. secundo. Primo proponit duas alias opiniones antiquorum circa modum generationis substantialis. Secundo specialiter disputat contra secundam, eiusque rationem soluit. Quoad primum docet Aristot. iam tunc fuisse communem opinionem quòd generatio, & alteratio distinguerentur, & quòd generatio fiebat per congregationem aliquorum, sicut corruptio per disgregationem; alteratio verò per aliquarum passionum transmutationem. In assignanda autem congregatione ex qua fiebat generatio, alia erat opinio Platonis, alia Democriti, & Leucippi. Nam Plato dicebat fieri generationem per congregationem superficialium, seu linearum: Democritus autem per congregationem athomorum, seu corporum indivisibilia.

Quoad 2. ponit rationem Democriti, & soluit eam. Ratio erat hæc; vel corpora naturalia componuntur ex corporibus indivisibilibus, vel ex diuisibilibus. Si primum, habetur intentum. Si 2. ergo illa diuisibilia poterunt iterum diuidi, & sic si fiat totaliter omnis diuisio possibilis, tunc illa facta, vel quod remanet erit corpus diuisibile, & hoc non, quia supponimus factam omnem diuisionem; vel erit nihil, & sic corpus ex nihilo componeretur; ex nihilo autem nihil fit; vel erunt puncta, & hoc est impossibile, quia alias corpus ex solis punctis componeretur, punctum autem additum puncto, non facit maius, cum careat quantitate; vel tandem resolveretur in qualitates, & hoc non, quia alias corpus ex solis qualitatibus constaret, & qualitates sic resolutæ, essent



sunt separatæ à corpore. Respond. Aristor. corpus esse diuisibile in alia diuisibilia successive, & sine categorématique, & in potentia, non autem posse omnem diuisionem actu esse positam, sed ita diuidi in aliquid actu, quod adhuc manet diuisibile, sicut dicimus ex materia aeris posse diuersa generari, sed non simul, semper enim remanet ad aliquid in potentia, Postremò ostendit non fieri generationem naturalem per congregationem diuersarum rerum, quia generatio non fit per positionem, & situationem partium sicut artefacta, vt nauis, aut domus, sed quia hoc totum dissoluitur, & aliud totum generatur.

Tria facit Arist. in hoc cap. tertio: Primo inquit an detur generatio simpliciter, idest qua fiat ens simpliciter, & substantialiter. Secundò proponit duo dubia ad resolutionem quæstionis necessaria. Tertio soluit principalem quæstionem.

Circà 1. ponit rationem dubitandi, quia si fit ens simpliciter debet fieri ex suo contrario, scilicet ex non ente simpliciter, hoc autem est impossibile, quia id ex quo aliquid fit, existit in eo quod fit, & prædicatur de eo, sicut lignum ex quo fit arca, est in arca, & de ea dicitur, & sic ens existeret in ente, & prædicaretur de eo.

Circà 2. proponit duo dubia ex quibus pendet resolutio quæst. Primum, quare generatio nunquam cesset ex parte causæ materialis, si enim in generatione fit ens simpliciter, in corruptione definit aliquid simpliciter, & sic per corruptionem consumitur aliqua entitas cum autem tota entitas vniuersi sit finita, tandem

consumetur per corruptiones rerum. Respond. Causam huius non esse quia materia sit infinita, cum nullum infinitum in actu deur, nec quod res quæ generantur modo fiant minores quam ante, & sic deinceps, cum non videamus istam minorationem, sed res æquales suis generantibus fieri: sed causam esse, quia corruptio vnius est generatio alterius eadem materia permanente, & ita finita materia sufficit pro infinitis generationibus. 2. Dubium est quare si corruptio vnius est generatio alterius, quædam dicuntur generari simpliciter, ut dum homo fit ex embrione, quædam secundum quid, ut dum ex homine generatur cadauer, potius dicitur mori hominem, quam generari aliquid. Respond. hoc iudicandum esse ex termino generationis, aliquando enim acquiritur forma completa, & vltima, aliquando forma media, & qua paratur via ad aliam. Quando acquiritur forma primo modo, dicitur generari aliquid simpliciter, quia ibi sistit generatio, ut cum fit homo, equus, lapis, &c. Secundo autem modo dicitur fieri secundum quid, quia adhuc restat aliquid faciendum, ut cum fit forma embrionis, restat fieri hominem, & cum fit cadauer restat fieri terram ad quam tenditur per formam cadaueris. Item cum generatur accidens fit generatio secundum quid, cum substantia, fit ens simpliciter. Denique cum generatur aliquid quod non facile sentitur ut aer, dicitur vulgò generari aliquid secundum quid.

Circa 3. respondet dari generationem simpliciter. Ratio est quia datur progressio ad esse simpliciter ut ad formam ignis, ex non esse  
talis

talis formæ quod est non esse simpliciter in materia, ergo datur generatio simpliciter, sicut, & corruptio datur, cum è contra mutatur illud esse simpliciter in non esse. Quid sit autem illud subiectum commune utrique formæ, scilicet materia, an sit non ens? Respondet esse ens in potentia non verò ens actu solum autem habet esse non ens ratione priuationis adiunctæ, quia caret forma. Et sic non fit generatio ex non ente omnibus modis, sed ex ente in potentia.

Explicata quæstione an est circa generationem simpliciter, scilicet eam dari, in hoc cap. quarto explicat quid sit. Et facit duo. Primo docet quid sit generatio, & alteratio: 2. Differentias inter eas assignat.

Circa 1. supponit differre accidentia à substantia quia illa inhaerent in ista ut albedo in homine, & circa utramque posse dari mutationem, videmus enim aliquando hominem substantialiter perire, aliquando secundum accidentia, ut secundum colorem vel calorem mutari. Quo supposito dicit alterationem esse mutationem circa qualitatem eodem subiecto sensibili manente, ut dum calescit aqua, quæ prius erat frigida. Generatio verò substantialis, est mutatio secundum totam rei substantiam, vel subiectum, & ideo non manet idem subiectum sensibile, ut cum ex ligno generatur ignis, solum enim manet materia prima quæ non est secundum se sensibilis, sed ratione formarum.

Circa 2. ad tradendum differentias inter alterationem, & generationem, supponit quòd in ipsa generatione aliquando sit etiam transmu-

mutatio qualitatum ut cum ex aqua frigida fit ignis calidus, aliquando non fit mutatio qualitatum, quia similis qualitas manet in genito, & corrupto, non verò contraria, v. g. cum ex aqua fit aer, in utroque manet diaphaneitas, seu transparentia, Hoc supposito assignat duas differentias inter alterationem, & generationem. Prima ex parte termini producti, quia in alteratione produciuntur qualitas, in generatione verò, forma substantialis. Secunda ex parte subiecti, quia subiectum alterationis est materia informata, seu facta in actu; generationis verò est materia prima informabilis, quæ est ens in potentia.

Ab hoc cap. quinto, incipit Philos. tractare ea quæ generationem consequuntur, vel concomitantur. Et primo agit de augmentatione, & nutritione in isto cap. In quo tria præstat. Primo ponit differentiam augmentationis ab alteratione, & generatione. Secundo explicat modum quo fit augmentatio, & diminutio. Tercio explicat quomodo differat nutritio, & augmentatio.

Circa 1. dicit augmentationem differre ab alteratione, & generatione in duobus. Primò, ex parte terminorum ad quos, quia alteratio est ad qualitatem, generatio ad substantiam, augmentatio autem ad quantitatem. Secundo, quia id quod generatur, vel alteratur, non necessario mutat locum, ut cum in eodem loco corrumpitur lignum, & fit ignis, augmentatio autem cum faciat crescere quantitatem, necessario mutationem aliquam exigit in loco in quo expenditur, & opposito modo se habebit diminutio.

Cir-

Circà 2. ad explicandum modum augmentationis proponit duo dubia, & soluit, duo item colligit corollaria, scilicet suppositiones. Primum dubium est, an id quod augetur, requirat additionem alicuius habentis magnitudinem, vel carentis illa. Respondet requiri, quod alimentum quod fit augmentatio quantitatem habeat; tum quia debet addere quantitatem ad præcedentem, ergo aliquam habere debet. Secundum dubium est supposito quòd tam illud corpus cui aduenit augmentum, quam alimentum ipsum debent habere quantitatem, quodnam ex illis dicatur augeri? Respond. non augeri alimentum, sed corpus illud cui alimentum aduenit per illud augmentum. Sumitur ratio ex triplici conditione ad augmentum requisita. Prima, ut illud quod augetur secundum omnes partes augeatur. Secunda, ut omnibus, & singulis eius partibus aliquid ne novo addatur. Tertia, ut illud quod augetur idem numero perseueret. Cum ergo alimentum non permaneat, sed conuertatur in substantiam viuentis, id autem quod alitur, & in cuius substantiam conuertitur, perseueret idem, profectò hoc est corpus quod augeatur.

Duo autem sunt quæ supponit ut certa. Alterum est per augmentationem primò augeri partes similes, id est quæ sunt eiusdem rationis in toto, & in partibus, ut tota caro, totum os, &c. Ratione autem partium similarium dicit augeri partes dissimilares, v.g. pes, manus, brachium, quæ ex ipsis similaribus, & alijs adiunctis constant. Alterum est quòd augmentatio fit secundum partes formales, quatenus

ñus viuens toto tempore manet idem numero; quod secundum partes formales verificatur.

Circa 3. colligit duas intercedere mutationes in augmento viuentis, vnā substantialem qua alimentum corrumpitur, & formam viuētis induit, alteram accidentalem, qua maior quantitas acquiritur; & istæ mutationes conueniunt in vno, scilicet quod vtraque fit per aliquam additionem alimenti, & quantitatis; differunt verò in duobus; primum, quod augmentatio fit ex quanto in potentia, nutritio verò ex eodem vt in potentia caro, vel os; secundum, quod nutritio durat toto tempore vitæ, augmentatio verò non, sed quandiu virtus est ita fortis, vt plus possit conuertere, quam deperdere.

In hoc cap. sexto agit Philos. de contactu requisito inter agens, & passum. Et facit duo, primo explicat necessitatem agendi de contactu corporum, secundo explicat tres modos contactus, & quiseorum pertineat ad præsens explicat.

Circa primum ostendit necesse esse agere de tactu quia necesse est agere de actione, & reactione mutua, & de elementis, & mixtis quæ ex eis fiunt, quæ omnia sine contactu fieri non possunt, & idè de illo est agendum.

Circa secundum ponit tres modos contactus. Primus, qui sequitur solam positionem localem, & competit corporibus etiam Mathematicè consideratis, & sic definitur, *quod ea se tangunt quorum extrema (idest superficies) sunt simul, & habent determinatam magnitudinem.* Secundus est propriè contactus physicus, quando scilicet actiua, & passiva mutuò in se agunt,  
&

& patiuntur, & extrema sunt simul, sicut aer, & aqua quando mutuò in se agunt, & sunt conjuncta, est enim contactus physicus, quia est secundum motum seu actionem, & passionem. Tertius est contactus communiter dictus, quia non est mutuus, nec reciprocus, sed ita vnum agit, quòd non patitur ab alio, sicut intelligentia tangunt cælus, sicut cælum tangit hæc inferiora, sicut contristans contristatum. Et sola secunda acceptio contactus pertinet ad præsens. Denique concludit duo. Alterum est, quòd agens, & patiens habent contrarias qualitates. Secundum est quòd mouere communius se habet, quam agere, sumendo agere strictè vt opponitur passioni, quæ est cum corruptione, & sic agere est mouere cum dispositione ad corruptionem, quod non omni mouere competit.

In hoc cap. septimo, & duobus seq. agit Philosoph. de actione, & reactione, & quidem in hoc cap. explicat conditionem agentis, & passivi, tum absolute, tum quando mutuò repatiuntur. In sequentibus adducit duas opiniones antiquorum circa modum agendi, & patiendi. Et tandem in cap. 9. ex propria sententia explicat quatuor conditiones ad agendum, & patiendum requisitas. Igitur in hoc 7. cap. facit tria. Primo explicat conditionem, & naturam agentis, & passivi quantum ad hoc, quod debeat passum esse simile agenti, vel dissimile. Secundo, quantum ad hoc quod agens repariatur à passo. Tertio explicat ad quod genus causæ pertineat agens, & passum.

Quantum ad primum refert in primis duas Philosophorum opiniones, quarum prima di-

cebat agens, & passum debere esse dissimilia, si enim vtrumque est simile non est maior ratio cur hoc agat, quam illud. Secunda dicebat debere esse similia, quia quæ sunt disparata, & dissimilia, nec agunt, nec patiuntur, vt album non agit in dulce, neque in graue aut leue, &c. Vtramque Arist. rejicit vt diminuatam. Quod enim non possint omnino esse similia probat, quia non esset ratio cur alterum esset agens, alterum patiens, & quia alias multo magis aliquid in se ipsum ageret, si ageret in omnino simile. Quod verò non possint esse omnino dissimilia constat, quia agens, & passum non possunt esse omnino diuersa, vt calor, & quantitas quæ in se non agunt, sed debent esse contraria, contraria autem sub eodem genere sunt, & sic habent aliquam conuenientiam, & similitudinem. Quare ex hoc colligit, quod agens, & passum partim debent esse dissimilia, scilicet à principio actionis, quia tunc contraria sunt, partim similia, scilicet in fine actionis, quia agens intendit assimilare sibi passum.

Circa secundum, an videlicet agens repatiatur à passio supponit duas diuisiones. Prima, quod mouens, aliud est primum, scilicet à quo primo incipit motus, aliud vltimum scilicet, quod est immediatum mobili. Secunda, alterans aliud est primum, scilicet quod alterat, & non alteratur, vt cælum, vt medicus qui curat, & non alteratur ab ægroto: aliud est vltimum, quod per se attingit passum vt medicamentum in sanatione. Sic ergo respondet, quod quando agens, & passum habent materiam communem, & eiusdem rationis,

agens



agens potest repati, sicut omnia sublunaria quia habent materiam communem, idest ad inuicem transmutabilem. Quæ verò non habent materiam communem, vt cœlum respectu sublunarium, ita agunt, quòd non repatiuntur. Et vno verbo, primum agens seu alterans non repatitur, sed vltimum.

Circa tertium docet, quòd agens pertinet ad genus causæ efficientis, tum quia ab eo incipit alteratio, efficiens autem est vnde incipit motus; tum quia non pertinet ad aliud genus causæ, non ad finem, & formam, quia agens est actu agens quando ab eo egreditur actio, tunc autem nondum sunt finis, nec forma, quia si essent, cessaret actio. Nec pertinet ad genus causæ materialis, quia hæc patitur, & sic potius ad eam pertinet passum.

Duo facit cap. octauo. Primo proponit tres opiniones antiquorum Philosophorum circa modum agendi, & patiendi. Secundo refutat illas. Circa primum opinio prima fuit Empedoclis, quòd corpora agebant ad inuicem, & patiebantur, quatenus vnum habet poros, vel concauitates, quibus alterum subintrat, & quasi penetrat, & sic fit mixtio, & mutua actio. Secunda opinio fuit Democriti, & Leucippi ponentium eosdem poros, sed plenos athomis seu corpusculis, quæ cum essent discontinua aliquid vacui relinquebant per quod mouebantur, & per congregationem eorum fiebat generatio, per disgregationem verò corruptio. Tertia opinio fuit Parmenidis, & Melissi: qui ponebant omnia esse vnum in mundo, segregari autem per vacuitates aliquas, remoto autem vacuo omnia vnum esse, &

& similiter vacuum requirebatur ut esset motus, nam si moueretur per plenum, dicebant penetrari corpora.

Circa secundum, comparatis istis opinionibus inter se, & in quo conueniant, & differant, quod non multum interest, impugnat opiniones illas duas de poris, & athomis. Et quidem Empedoclis opinionem reducit ad secundam, non enim differunt, nisi quia secunda opinio ponit illas vacuitates plenas corpusculis, sed athomis, prima verò solum ponit illa foramina, seu poros quibus subintrent alia corpora minuta ad agendum. Superflue autem inquit ponit istos poros ad istum modum actionis, quia vel corpuscula eos intrantia tangunt partes solidas, vel non. Si non tangunt, ergo neque intra illas agunt. Si tangunt etiam sine poris ab extra approximata tangent. Secundam verò opinionem de athomis latius impugnat. Sed breuiter id probatur, quia ut ista opinio dicit actio, & passio fit per vacuum, sed ipsa athoma non habent vacuum, ergo nec agunt nec patiuntur inter se. Item quia omne quod agit est molle, vel durum, aut aliqua simili qualitate affectum, sed corpus indiuisibile, neque est molle, nec durum, ergo non agit, nec patitur.

In hoc cap. nono ad statuendam veram opinionem circa modum actionis, & passionis duo facit. Primo ponit conditiones requisitas ad agendum, & patiendum. Secundo ostendit opinionem Democriti de athomis destruere generationem, alterationem, & augmentationem.

Circa primum, conditiones requisitæ ad actionem; & passionem reducuntur ad quatuor. Prima, quod agens sit in actu, & passum

sum in pōtētia , sicut ignis agit v̄t actū calidum , lignum patitur v̄t est in potentia ad calorem . Secunda, quòd agens, & passum se tangent, vel immediate si sit agens vltimum, & immediatum , vel mediate si sit remotum , sicut sol mediante aere tangit terram . Tertia conditio, quòd agens, & passum non sint continua, idest similia , & eiusdem rationis in agendo, alias enim continua secundum quantitatem bene possunt agere , & pati , sicut pars corporis calida calefacit non calidam . Quarta , quòd sint in debita propinquitate , & vnum intra sphaeram actiuitatis alterius . Excludit autem quintam conditionem, quam aliqui posuerunt, scilicet quòd passum non secundum omnem partem patiatur , quod est falsum , quia si passum est diuisibile , & habet partes , si omnibus applicetur agens secundum omnes patiatur .

Circa secundum ostendit opinionem Democriti præced. cap. relatam tollere alterationem, & augmentationem . Alterationem quidem quia constat posse totum corpus alterari calore , vel frigore sine vlla diuisione corporis , illi autem athomi intra poros congregantur generatione, & disgregantur corruptione, quod sine diuisione esse non potest . Augmentationem verò tollit , quia augmentatione quælibet pars debet augeri , in illa autem opinione non datur pars quæ augeatur, sed omnia sunt indiuisibilia , & deinde solum apponerentur athomi ad athomos , quod non est augeri intrinsece, sed per iuxta positionem .

In vltimo isto cap. decimo agit de mixtione, quæ maxime conducit ad generationem eorum, quæ sunt ex elementis , Diuiditur autem hoc

cap.



cap. in tres partes. In primo, ostendit dari mixtionem: in secunda explicat quomodo mixtio fiat. In tertia colligit quid sit miscibile, & quid sit ipsa mixtio.

Circa primum refert opinionem negantium mixtionem hoc argumento, quia ea quæ miscentur, vel permanent sicut antea, vel corrumpuntur, vel vnum permanet, & aliud corrumpitur. Si primum, & tertium non fit mixtio, quia quod se habet sicut ante non miscetur, quia non mutatur. Si secundum, ex re destructa, & non existente non fit mixtio; ergo. Respond. Philosoph. dari mixtionem, eamque distinguit à cæteris mutationibus. Datur quidem mixtio, quia miscibilia manent in mixtio non secundum actum, sed virtute, & potentia, & sic ex ipsis alteratis, & per suas qualitates manentibus, fit mixtio. Distinguitur autem à reliquis mutationibus: à simplici quidem generatione, quia in ea totaliter aliquid corrumpitur, non ex concurrentia plurium, & cum virtuali eorum permanentia, aliquid generatur. Ab alteratione differt, & augmentatione, quia quod alteratur, & augetur, idem permanet facta alteratione, & augmentatione, quod verò miscetur, facta mixtione non manet idem, sed mutatur in aliud.

Circa secundum refert primum duas opiniones antiquorum circa mixtionem. Prima dicebat fieri mixtionem per diuisionem in partes minutissimas, quæ secundum se diuisibiles, sed ad sensum non amplius diuisibiles apparent, sicut si farina tritici misceatur farina hordei. Secunda dicebat, quod mixtio fit per diuisionem in minima, quæ non solum secundum

dum sensum, sed etiam secundum se non sunt amplius diuisibilia. Vtramque refutat Philos. quia secundum hoc mixtio non esset aliud quam aggregatio plurium in vno loco, quorum quodlibet secundum se integrum maneret, & ab alio separatum, licet sensus id non discerneret; unde vltius fieret, quod mixtum non esset homogenum, id est, quod quælibet pars mixti, non esset mixta, cum tamen oppositum videamus, mixtio enim conuenit toti, & partibus. Repugnat etiam diuidi continuum in partes amplius indiuisibiles, alioquin ex indiuisibilibus continuum componeretur quod in 6. Physic. explosum est.

Verum ergo modum mixtionis tradit explicando tres eius conditiones. Prima, ut miscibilia sint mutuò actiua, & passiua, quæ enim mutuò non agunt, non miscentur, si ut ea quæ non habent materiam eiusdem rationis. Secunda, ut facile cedant, & diuidi possint, sicut mollia, & humida facile miscentur, non dura ut lapis, & ferrum. Tertia, ut non sint nimis magna, quia hæc difficile alterantur, sed in paruas partes diuidantur, ut vna possit aliam intrare agendo in aliam, & facile alterando. Quare mixtio ita fit secundum istas conditiones, ut proportionetur actiuitas vnius resistentiæ alterius, & sic in vnum temperamentum conueniant, nam si vnum nimis vincat alterum, non fit mixtio, sed simplex corruptio, & generatio, ut si in amphoram vini cadat gutta aquæ.

Circa tertium docet, quod miscibile est illud quod agit, & illud quod patitur, ut ex utroque fiat mixtum secundum temperamentum. *Mixtio autem Miscibilium alteratorum vno.*

QVÆ-

## QVÆSTIO PRIMA.

*De Generatione Substantiali.*

Ria sunt à quibus differt generatio, scilicet ab alteratione, à corruptione, & à creatione, & consequenter à transubstantiatione, quæ substantiam rei totaliter attingit; Et ideo declaranda est generatio substantialis secundum quod distinguitur ab istis tribus. Prius tamen præmittendum est de questione an est generationis, an detur, & quibus principijs à Philosophia inuenta sit, & quomodo definiatur.

## ARTICVLVS PRIMVS.

*Quid sit generatio communiter dicta, & generatio propria viventium?*

Generatio communiter dicta potest sumi pro generatione, vt abstrahit à substantiali, & accidentali, nam etiam accidens aliquando generari potest, scilicet, si accipiat esse per transmutationem ex non esse, vt mutatio, & non solum per transmutationem ex contrario, vt motus. Hoc modo sumpta generatione definitur communissime: *Quod est transitus, seu, mutatio de non esse ad esse, in subiecto, siue sit esse substantiale, siue accidentale, siue secundum quid, siue simpliciter.*

At

*At verò generatio substantialis communiter dicta accipi potest pro generatione communiter inuenta in viuentibus, & non viuentibus, & sic definitur generatio: Quòd est acquisitio seu mutatio formæ substantialis à priuatione illius in materiam. Sumiturque ista definitio ex varijs locis Aristotelis, quibus illam explicauit. Nam in octauo Physicorum, tex. 62. dixit: Quòd generatio est mutatio de non ente in ens. Et 1. de generatione cap. 4. Quòd est mutatio totius in totum nullo subiecto sensibili manente, idest in materia nuda ab accidentibus sensibilibus. Denique cap. 5. eiusdem libri dicit: Quòd generatio substantialis est mutatio à substantia in potentia ad substantiam in actu.*

*Denique generatio viuentium specialem definitionem habet, quia specialiori modo procedit. Et definiti solet dupliciter; vno modo communiter, quòd est Processio viuentis ab aliquo: vbi comprehenditur tam generatio viuentium vniuoca, quàm æquiuoca, tam quæ est ab alio viuente, quàm quæ est à non viuente, sicut cum animal generatur à cœlo. Propriè autem definitur generatio viuentium, quando etiam fit per actionem vitalem generatiuam, & sic definitur quòd est Processio viuentis à viuente à principio vitæ coniunctio in similitudinem naturæ, saltem in specie infima, & sic comprehendit omnem generationem vitalem, & rei viuentis substantialis etiam in Deo, vt postea explicabimus.*

*Est tamen aduertendum latius patere generationem substantialem, quàm generationem simpliciter. Generatio enim substantialis di-*  
*Phil. Nat. Pars III.      B      ci*

icitur per contrapositionem ad accidentalem, siue id quod generatur sit pars, siue totum, siue formæ ultimo complentis, & terminantis totam generationem, siue formæ non ultimæ, sed tendentis ad perfectam, & ultimam. Ad verò generatio simpliciter licet nunquam dicatur de generatione accidentis, quæ semper est secundum quid, tamen nec etiam dicitur de omni substantiali, sed de illa tantum per quam habetur esse simpliciter, & ultimatè completum. Vnde generatio partis non dicitur generatio simpliciter, sed potius aggeneratio; & de forma embrionis, quæ est imperfecta, & quasi in via, & tendentia ad formam hominis, vel equi non dicitur generatio simpliciter, quia in illo non consumatur generatio, sed vltcrius tendit. De quo videatur Diu. Thom. 1. de generat. lect. 8. & 9.

*Circa* definitionem generationis substantialis communiter dicta illa solum se offert difficultas, an sit de essentiali eius ratione quòd sit mutatio, an verò hoc accidentaliter illi conueniat, ita quod possit saluari generatio creata sine mutatione, nam de increata id certum est cum in ea non sit transitus de potentia ad actum in quo fundatur ratio mutationis, sed solum est communicatio actus puri assimilatiua termini generati principio generanti.

*Circa hoc* ergo, aliqui existimant generationem non esse essentialiter mutationem, sed posse esse, hoc tamen sibi accidere. *Fundamentum est*, quia non est de essentia generationis, quòd præcesserit duratione priuatio formæ generandæ, licet enim connaturali modo loquendo generatio non fiat nisi præcedat alteratio quasi



quasi disponens materiam , & incoans generationem , atque adeò supponens priuationem formæ generandæ duratione præcedere, tamen potest non præcedere duratione priuatio si in ipso instanti generationis producatür à Deo materia , quæ toto tempore antecedenti non fuerit , & in illo instanti introducatur forma, vt quando ex speciebus Eucharistiæ generatur aliquid, tunc enim in instanti generationis subrogatur à Deo materia, quæ maneat in ipso generato, & posset etiam talis materia subrogari, etiam si antecederet nihil aliud præcessisset, quod gereret vices materiæ , & consequenter haberet vices rei priuatæ forma , vt si à Deo crearetur materia de nouo, & applicaretur illi agens educe ns formam, tunc illa generatio non posset esse mutatio , quia non procedit de priuatione ad formam quod requiritur essentialiter ad rationem mutationis , quæ est de non esse ad esse , tunc autem non datur priuatio in toto tempore antecedenti , cum materia non fuerit , neque in ipso instanti generationis , quia sic esset simul priuatio , & forma .

*Nec sufficit dicere quòd præcedit priuatio in instanti naturæ , licet non in instanti temporis . Nam contra est , quia instans , seu prioritas naturæ non designat id quod est prius in existendo, & à parte rei , sed solum signat formalitatem secundū quam aliquid dicitur conuenire , vel non conuenire alicui , non autem quòd de facto conueniat , vel non conueniat, & sic præcedere priuationem in instanti naturæ nihil aliud est quàm quòd materiæ secundum suam essentiam non conueniat forma , seu ex se careat tali forma , non verò quòd de*

facto in re careat, quia in illo instanti non potest carere, siquidem in illo instanti habet formam, ergo non saluatur quod de facto, & in re sit mutatio, quia in re non transit de priuatione ad formam, quia in re non datur talis priuatio. Item etiam quia de ratione mutationis est ut subiectum aliter se habeat nunc, & prius, ut dicit D. Thom. 1. p. q. 45. art. 2. ad 2. sed materia in illo casu non se habet nunc aliter quam prius, siquidem prius non fuit in rerum natura, ergo non dabitur vera mutatio.

*Nihilominus* dicendum est omnem generationem creatam, quae habet causam materialem ex qua fiat, essentialiter, & intrinsece esse mutationem. *Constat hoc* in primis quia Philosophus perpetuo definit generationem per mutationem, & ita sentit quod est de eius essentia, & definitione. Patet hoc in isto libro de Generatione tex. 24. ubi definit generationem, quod sit transmutatio totius non manente subiecto sensibili, & text. 25. quod generatio est mutatio à substantia in potentia ad substantiam in actu. Et 8. Physic. text. 62. generatio est mutatio de non ente in ens, & 5. Phys. tex. 7. quod generatio est mutatio de non subiecto in subiectum. Vbi perpetuo assignat Arist. pro ratione generica generationis mutationem, quod est esse ipsi essentialem. Unde D. Tho. q. 2. de Potentia art. 1. ad 15. expresse dicit, quod generatio est species mutationis ex illa parte qua natura per generationem recipitur in aliqua materia quae est mutationis subiectum: ergo supponit quod mutatio est praedicatum genericum generationis, & consequenter est illi essentialiter.

tiale. Et idem sumitur ex illis locis in quibus docet generationem, & corruptionem esse duas mutationes, licet non sint duo motus, vt in q. 28. de veritate art. 1. & 6. & 1. 2. q. 113. art. 6. vt in sequenti articulo, ponderabimus. Denique definitio motus tradita à Philosoph. 3. Phys. etiam conuenit mutationi instantaneæ, & generationi, vt ex D. Tho. & Arist. probauimus 3. Phys. q. 14. art. 1.

*Ratio est*, quia generatio essentialiter versatur inter duos terminos à quo, & ad quem, educit enim, vel introducit aliquam formam quam respicit, vt terminum ad quem, siquidem est tendentia in talem terminum, ab eoq; specificatur, si autem essentialiter habet terminum ad quem, essentialiter etiam respicit terminum à quo, quia est impossibile quod intelligatur aliquis terminus ad quem fieri de nouo, nisi ex aliquo termino à quo, siue negatiuo, siue priuatiuo, siue positiuo, sed omnis transitus, sed tendentia de termino à quo ad terminum ad quem in subiecto, essentialiter est mutatio cum deseratur vnum, & acquiratur aliud; non enim vtrumque acquiritur, vel vtrumque deseritur, sed vnum accipitur, & aliud relinquitur: idque fit in aliquo subiecto, ergo essentialiter generatio est mutatio. *Et confirmatur*, quia per introductionem formæ in instanti generationis, etiam si priuatio non præcedat tempore, materia formaliter reducitur de potentia ad actum, & ipsa forma verè, & propriè educitur ex illa potentialitate materiæ, ergo verè, & propriè materia transmutatur. Consequentia patet, quia inuenitur ibi potentialitas materiæ, & indifferentia reducta

in actum per formam, & ipsa forma educta in actu de potentialitate illa materiæ: ergo inuenitur materia mutata de potentia ad actum, & informata per formam, quæ informatio in genere causæ formalis tollit potentialitatem materiæ, & excludit priuationem in facto esse, ergo etiam generatio quæ totum hoc efficit est mutatio in fieri, sicut per ipsam formam datur mutatio formalis, & in facto esse.

*Ad fundamentum oppositum respondetur,* quòd in casu generationis ex speciebus Eucharistiæ, iam diximus in q. 2. Physicor. art. 3. ad ultimum, quòd ibi non variatur naturalis ordo generationis, quia quantitas conseruata sine subiecto gerit in omnibus vicem substantiæ, & sic recipit dispositiones, antecedentes quibus determinatur materia ad generationem, & consequenter gerit vices materiæ priuatæ forma, & hac ratione præcedit in illa generatione priuatio non quidem in materia, sed in substituto materiæ, scilicet in quantitate prout gerit vices illius. In instanti autem generationis subrogatur materia à Deo vt componens rem generatam, cum eadem determinatione ad formam, quæ ex vi dispositionum præcedebat in quantitate perinde, ac si toto tempore ante præcessisset materia, quia producitur, vt continuata ad id quod gerebat vices materiæ antecedentes, & sic generatio illa fit ex priuatione quæ in illo instanti expellitur in facto esse à materia in toto autem tempore antecedenti præcessit non formaliter in ipsa materia, sed virtualiter, scilicet in eo quod loco materiæ habebatur. In causa autem quòd nihil præcessisset ante de materia, neque de aliquo, quod

quod gerat vices materiæ, & dispositiones recipiat ad generationem, respondetur, quod tunc sufficit ad rationem mutationis, qualis tunc inuenitur, quod præcedat priuatio prioritate naturæ non temporis.

*Et quando* vigetur, quod si priuatio non præcessit durationem non dabitur in re mutatio de tali priuatione ad esse. *Respondetur*, in primis, quod si tunc tollitur mutatio, etiam tollitur generatio, & quod sufficit vt generatio maneat sufficit vt maneat mutatio. Vnde addo quod sufficit priuatio non duratione præcedens, sed in re exclusa, & expulsa in illo instanti per formam introductam ab agente extrinseco vel educam è materia, vt detur in illo instanti mutatio, quæ non petit priuationis existentiam vt in re detur, sed exclusionem priuationis in re, excluditur autem priuatio etiam si non præcesserit duratione per hoc solum, quod potentialitas materiæ ab extrinseco agente immutatur educendo formam, & sic formæ carentia excluditur, non per propriam emanationem, sed per extrinseci agentis actionem, atq; adeò immutationem. Et licet prioritas naturæ non dicat existentiam, seu durationem rei, sed solum quod ex vi naturæ aliquid conueniat, vel non conueniat, tamen hoc sufficit vt dicatur subiectum mutari, quando per actionem extrinseci agentis excluditur priuatio, non quæ inerat formaliter, sed quæ debebat inesse, si per actionem illam non tolleretur educendo formam, vel vniendo.

*Ad ultimam* autem instantiam, quod mutatio dicit aliter se habere nunc quam prius respondetur, quod in mutationibus instantaneis

si illas præcedit aliquis motus per modum dispositionis requisitæ, sicut communiter accidit secundum ordinem naturæ, tunc necesse est, quod aliter se habeat nunc quam prius prioritate temporis in quo dispositiones illæ, & motus illi præcedunt, & similiter priuatio formæ generandæ. Caterum si mutatio instantanea sumatur secundum præcisum conceptum suum & remoto eo quod antecedit naturaliter, mutatio dicit aliter esse nunc quam prius prioritate naturæ, dummodo in subiecto impediatur priuatio ne detur, per actionem agentis extrinseci introducens formam, inde enim regulari debet quod sit mutatio, non ex præexistentia priuationis. Et ita in illo reali instanti est priuatio non afficiendo subiectum, sed in expelli ab illo per actionem extrinsecam, quia illa prioritas naturæ non est existentia, sed expulsionis, & consequenter mutationis pro illo instanti, in quo est introductio formæ.

*Et si dicas*, nam ad quietem non sufficit quod eodem modo se habeat aliquid nunc, & prius secundum prioritatem naturæ, aliàs posset aliquid quiescere in vno tantum instanti, sed requiritur quod se habeat sicut prius prioritate temporis, ergo similiter requiretur ad mutationem quæ opponitur quieti. *Respond.* quietem priuatianam requirere quod aliquid se habeat nunc sicut prius prioritate temporis, non autem quietem negatiuam, & similiter id requirere motum qui constat ex duabus mutationibus, scilicet generatione, & corruptione, non autem mutationem instantaneam ex suo præciso conceptu, vt quando non habet adiunctum motum aliquem præcedentem, nec cor-

ruptionem formæ oppositæ. Motus autem qui propriè opponitur quieti, est ille qui includit duas mutationes, corruptionis, & generationis, seu qui est motus successiuus, in quo inuenitur esse aliter nunc quam prius prioritate temporis, non verò requiritur ad mutationem instantaneam, sicut neque ad quietem negatiuam.

*De generatione viuentium.*

**C**Irca definitionem generationis viuentium duas particulas oportet explicare. Altera est quo modo fit *processio à principio vite coniuncto*. Altera est *in similitudinem nature*. Vt prima particula explicetur est aduertendum quòd ad generationem rei non viuentis, non requiritur quòd res genita, vel materia ex qua generatur sint coniuncta generanti, & intra ipsum, sed sufficit quòd materia sit iuxta posita, & intrinsecè applicata, vt ex illa aliquid generetur, sicut ignis generat ignem ex ligno iuxta seposito, & applicato, non intra se vnito. At verò viuentia intra se formant id quod generant, & ex sua substantia præbent materiam ex qua generetur, imò quanto perfectior est natura viuentis tanto res genita coniunctior est principio generanti, ita quòd in natura intellectuâli res, quæ procedit ab intellectu non solum quando fit, & formatur, sed etiam quoadiu existit intra intellectum manet, nec ad aliam potentiam, vel subiectum emittitur. Et ex hoc distinguit *Diu. Thom. 4. contra Gent. capite 11. & in 3. distin. 8. q. 1. art. 1. diuersos gradus emanationis in*

viuentibus poënes hæc , quòd res genita sit ma-  
 gis , vel minus coniuncta suo principio gene-  
 ranti, sicut videmus in plantis, & animalibus,  
 quòd procedit, & deciditur semen ex ipsis in  
 quo est virtus formatiua rei genitæ, & materia  
 ex qua formatur. Vnde ipse fœtus in princi-  
 pio colligatur suo generanti, vt fructus arbori,  
 fœtus matrici animalium, sed tamen inde  
 postea separatur quando nascitur, ideoque di-  
 citur procedere à principio vitæ coniuncto,  
 tùm quia materia qua formatur, & virtus se-  
 minis formatiua à generante deciditur, tum  
 quia primo illi colligatur, & intra ipsum for-  
 matur, antea quam nascatur. In vita autem  
 sensitiva per ipsas potentias sentientes produ-  
 citur cognitio, quæ magis intima est suo prin-  
 cipio, quia fit per actionem immanentem, sed  
 tamen non est totaliter intima, tum quia po-  
 stulat principium ab extra, scilicet speciem  
 impressam, & producit aliquem terminum,  
 scilicet idolum seu speciem in alijs potentijs,  
 scilicet à sensu externo in sensum communem,  
 & à sensu communi in phantasiam, & ab illa  
 in memoriam, vt in tertio de Anima dicitur.  
 In vita autem intellectuua adhuc emanatio  
 cognitionis est magis intima suo principio,  
 quia licet in nobis requirat species impressas  
 ab extra prouenientes, tamen species expressa,  
 seu verbum quod formatur per ipsas non tran-  
 sit ad aliam potentiam, sed in ipso intellectu  
 manet. Est tamen altior vita intellectuua in  
 Angelis, qui ab extra non accipiunt species  
 cum careant sensibus, sed intus intellectui na-  
 scuntur, vel infunduntur à Deo, ipsa etiam  
 species expressa intra intellectum manet, sed



ramen, quia est accidens, & non substantia ad perfectam generationem non peruenit. Quare perfectissima generatio ex omni parte est in Deo, in quo, & id quod procedit, est substantia, & ita coniuncta suo principio, vt sit vnum, & consubstantialle cum ipso iuxta illud Ioannis decimo, *Ego & Pater vnum sumus.* Totus hic discursus est D. Thomæ.

*Secunda* particula est in *similitudinem naturæ*, in qua designatur qualis debeat esse res procedens in generatione, & qualis modus procedendi. Requiritur enim ad generationem viuentis, vt id quod procedit non solum sit genitum, sed etiam filius, generantur enim ex viuente pili, vngues, vermes, & alia similia, quæ procedunt actiue à viuente, & ipso ministrante materiam ex qua formentur, nec tamen procedunt, vt filij, quia non in similitudinem naturæ. Secundo requiritur, vt ipsa generatio sit essentialiter assimilatiua, non solum concomitans, vel in primo modo per se, sed etiam in quarto modo per se, ita quod eo modo sit per se ista, *generans assimilans*, atque ista, *calidum calefacit, Medicus curat*, eo quod generatio est actio propagatiua naturæ, & ita debet esse productiua ad imaginem, & similitudinem generantis quasi expressiua illius quod est esse in quarto modo assimilatiuam, & non solum in primo modo per se.

*Qua ratione* intelligitur quomodo in diuinis processio verbi sit generatio, & non processio Spiritus Sancti, quia processio Spiritus Sancti est quidem processio rei similis identice, & concomitanter, imò, & essentialiter in primo modo per se, quia est processio intra

B 6      Deum,

Deum , & generali ratione , quidquid est intra Deum est Deus: formaliter autem , & in quarto modo solum procedit vt impulsus diuinus , cui ex eo quod est diuinus non tam conuenit similitudo , quam identitas essentialiter in primo modo per se cum eo à quo procedit , & sic eius processio non est assimilatiua . At verò verbum ex ipsa formali ratione qua procedit intra intellectum procedit , vt imago , & vt simile in quarto modo per se cum principio generante , & non solum ratione identitatis , quia est intra Deum , & ideo propriissime est generatio , & processio assimilatiua in substantia , & natura , scilicet in ipso intelligi , & intelligere diuino , sicut si homo posset producere alterum hominem ex limo terræ , & artificio manus , & similiter per seminalem propagationem , ille qui procederet per propagationem esset filius , qui autem artificiose non esset filius , licet vterque essentialiter esset verus homo . Sic ergo requiritur ad generationem quòd aliquid procedat in similitudinem tum ex parte ipsius rei generatæ , tum ex parte modi procedendi assimilatiuo modo , & hoc quantum est ex vi generationis , nam per accidens ex aliquo impedimento potest aliquid degenerare à perfecta similitudine , sicut monstrum , & tunc erit vera generatio , sed deficiens , & propriè degeneratio ,

ARTICVLVS II.

*Quibus principijs Philosophia assequatur dari generationem substantialem ?*

**T**Ota difficultas apud veteres Philosophos circa investigationem generationis substantialis consistebat, in eo quod non poterant intelligere materiam primam, quæ esset in potentia ad esse simpliciter, & tamen in se esset ens in re, & consequenter non poterant intelligere formam substantialem, quæ daret esse simpliciter materiæ, scilicet ipsum primum esse, sic enim materia de se careret omni esse, & consequenter non esset ens; ex non ente autem non fit ens, quia ex nihilo nihil fit, ut late tractat Philosophus in 1. Physicor. & in hoc lib. 1. de Generatione, & 1. Metaphysicæ cap. 2. Et ita diximus in quæst. 3. Physicorum, quod nisi ponatur materia ita esse ens in potentia quod careat omni esse entitativo ex se, hoc ipso caremus omni principio ad ostendendum dari formam substantialem, quæ det primum esse quod est esse simpliciter, & substantiale.

*Quare vel enim hoc manifestum sit apud Arist. & D. Thom. qui illum sequitur, omnino ignotum fuisse, quod materia prima haberet ex se actum entitativum, & existentiam incompletam, eo quod antiqui existimabant materiam esse non ens, & omnino nihil, hoc ipso quod esset ens in potentia, ut constat ex Philosopho in hoc 1. lib. de generatione tex. 12. ubi inquit: Hoc maxime timuisse Philosophos antiquos in  
ass.*

*assignanda generatione substantiali, ne ex nihilo praëxistenti aliquid generaretur. Quod explicans D. Thom. ibi lect. 6. circa fin, inquit: Quòd maxime timuerunt primi Philosophi, quòd aliquid generaretur ex nullo praëxistente, quod enim non est ens actu nihil est. Sic igitur videntur, quòd non possit esse generatio simpliciter hoc modo: Quòd substantia generetur ex non ente actu, ente autem in potentia. Existimabant ergo antiqui materiam hoc ipso, quòd esset ens in potentia esse nihil, & consequenter carere actu entitativo seu existentia partiali, si enim haberet illam bene sciret, quòd materia esset ens in potentia respectu formarum, & tamen non esset nihil, quia ut sit nihil, omni existentia debet carere etiam partiali, Philosophi verò antiqui inferebant, quòd si esset ens in potentia, & non in actu erat nihil, ergo existimabant carere omni esse etiam partiali si esset in potentia ens. Arist. autem reiiciens hanc sententiam antiquorum non dicit materiam habere actum entitativum seu existentiam, licet sit in potentia ad formas, sed dicit materiam non esse nihil, sed existere quatenus est sub diversis formis; ratione cuius generatio unius est corruptio alterius, & sic generationem fieri per se ex ente in potentia, per accidens autem ex ente in actu, quia ad generationem per accidens est, quòd extiterit materia sub ista, vel illa forma quæ corrumpitur per quam habet esse in actu, ut docet primo Physicorum. tex. 66: & 1. de generatione text. 17. ut explicat ibi D. Tho. lect. 7. circa finem. Si autem materia, ut concurrat ad generationem per accidens est ens actu, idest per formam quæ corrumpitur,*

ma-

manifeste supponit Arist. materiam ex se non habere actum entitativum, vel existentiam partialem, alioquin fieret generatio ex ente in actu per se, quia non per formam, sed per suam entitatem esset existens, seu ens in actu.

*Quare*, principium ad ostendendum contra antiquos Philosophos, quod detur generatio substantialis, & quod introducatur forma substantialis in materia, solum ex duplici cap. sumitur. Primò, ex esse quod discerit substantiam ab accidente, scilicet, esse per se, quod est primum, & substantia alijs, quia si datur generatio substantialis debet dari esse per se, & introducere formam quæ det tale esse. Secundo sumitur principium ex corruptione substantiali quæ generationi opponitur. Si enim hæc datur, etiam, & generatio substantialis. Primo ergo modo producendo necessario sumendum est pro principio, quod materia sit ens in potentia sine ullo actu entitativo, quia generatio substantialis supponitur esse illa per quam acquiritur esse substantiale, seu sit ens simpliciter, & quia antiqui dicebant, quod quidquid est ens debet esse ens in actu consequenter inferebant, quod si generatio supponit aliquod ens pro subiecto debet supponere ens actu, & sic nulla generatio datur, quæ possit facere ipsum esse substantiale, idest primum, & fundamentale esse, quod est substantiale. Cum ergo iuxta principia Arist. admittamus, quod ex nihilo nihil fit, & rursus, quod generatio substantialis faciat ens simpliciter dando ipsum esse primum, & substantiale, oportet dicere, quod subiectum ex quo fit generatio substan-

stantialis, scilicet, materia prima, neque sit nihil, neq; sit ens actu de se, sed in potentia per se, & in actu per aliud, scilicet per formam. Si autem semel ponatur materia de se ens actu, & existens per actum entitativum, non potest probari contra antiquos, quod forma ei adueniens sit substantialis, & quod generatio sit substantialis dans primum, & integrum esse, nisi probetur contra ipsos, quod etiam si supponatur esse parziale in materia, potest per formam aduenientem illi, resultare esse substantiale, & partes ipsas substantialiter coniungi. Ad hoc autem non datur principium apud Arist. nec potest dari, nisi petatur principium. Nec enim nobis potest constare contra negantes generationem substantialem, & formam substantialem, ut negabant antiqui, dicentes materiam esse totam substantiam rei, non in quam potest constare, quod forma aliqua, & actio sint substantiales, nisi ratione ipsius esse substantialis (idest, primi, & substantis omnibus) quod praebent. Si autem presupponunt aliquid esse parziale in materia, occluditur ista via, & enervatur istud principium. Vnde enim probabitur, quod illud esse, quod dat forma sit primum, & substantiale si supponit aliud in materia, cui aduenit. Et si dicatur illud esse parziale: Hoc restabat probandum, & est petere principium, negabant enim antiqui dari formam substantialem, sed materiam esse totam substantiam rei. Vnde ergo probatur illa partialia esse materiae primae, & formae, ita facere unum, quod constituat generationem simpliciter? Sicut si producitur aliqua pars integralis, & coniungitur alteri, habent iam esse,

mūtatio illa erit aggeneratio, & non prima generatio, quia supponit primum aliquod esse, ita si in materia supponitur esse, & forma producta addit ei aliud esse, etiam si sit parziale, non potest probari, quod sit generatio simpliciter: quia ex ipso primo esse, unde probari debet substantialitas ista, non probatur, siquidem supponitur aliquod esse in materia, & sic dicerent, antiqui quod forma non dat primum esse, & simpliciter esse, sed additionem seu aggenerationem ad esse præsuppositum. In nostra autem sententia cum sit tantum vnum esse, quod per formam tanquam per principium conuenit composito, & actuat materiam, idem est dare esse composito per formam, & dare primum esse, & simpliciter esse. Aliunde verò non probatur contra antiquos, istas duas partes esse substantiales, scilicet materiam, & formam, nisi vel supponatur dari tales partes, quod negabant ipsi, & sic esset petere principium; vel probetur esse substantiales, ex eo quod necessariae sunt ad generationem, & corruptionem, & hoc iterum est, quod ipsi negabant, dari scilicet generationem, & corruptionem substantialem, sed solum alterationem, quæ latentes formas apparere faceret, vel occultaret. Quare nisi dicatur formam dare ipsum primum esse, & consequenter materiam ita esse in potentia ad formam, quod nullum in se supponat esse, sed totum habeat per formam, non probatur generatio substantialis contra antiquos.

*Ex secundo principio*, probatur dari generationem substantialem, videlicet ex ipsa corruptione. Constat enim dari corruptionem substantia-

stantialem : ergo debet dari generatio . Consequentia est bona , quia si formæ quando desinunt substantialiter corrumpuntur , ergo quando incipiunt , substantialiter generantur , & non solum apparent de nouo , alias quando desinunt , solum occultarentur . Antecedens autem probatur , tñm quia si non esset corruptio substantialis omnis substantia esset incorruptibilis in esse substantiali : tum quia si forma non corrumpitur , sed manet in materia vel non distinguitur à materia : ergo etiam manebunt eius propriæ passionēs , nec enim est cur proprias passionēs separemus manente forma , & natura , cuius sunt , constat autem quòd quando animal moritur non manent potentiæ sensitiuæ in terra , vel igne , in quem conuertitur . Nec dici potest quòd manent ibi istæ potentiæ , sed impeditæ , & latentes , sic enim si in igne , v. g. est potentia videndi , & audiendi , sed tamen impedita , ignis esset cæcus , & surdus , quia habet istas potentias cum impedimento . Tum denique constat dari corruptionem substantialem in homine , quia ipso mortuo anima manet separata à corpore , alias non moreretur homo , si maneret anima vnita materiæ , & homo esset incorruptibilis substantialiter ; nec enim anima latet in materia , nec educitur , sed de foris venit . Recedente ergo anima oportet quod materia incipiat esse noua forma , per veram generationem , siquidem forma quam habebat substantialiter separata est ab illa .

*Aliæ probationes* solent afferri ab alijs authoribus quæ contra antiquos parum habent efficaciar , v. g. quòd materia prima est in potentia



tia passiva ad omnes formas, quòd dantur diuersæ formæ substantiales, quòd diuersa accidentia, & operationes sequi debent ad diuersas formas, eo quod materia de se est indifferens ad omnia. Hæc enim petunt principium, quia hoc erat, quod ipsi negabant, scilicet dari formas substantiales, aut accidentia sequi ad formam de nouo aduenientem, sed de nouo apparentem in materia, in qua secundum se latitabat, eo quod dicebant materiam esse ens actu, & non indigere forma substantiali dante illi primum, & substantiale esse, sed supponente materiæ existentiam, & sic omnis forma de nouo adueniens erit accidentalis, quia non conueniet ei propria ratio substantiæ quæ importat primum esse; quo est substans alijs. Quare nisi affirmetur, quòd materia est ens in potentia taliter, quòd etiam primum esse habet per formam, istæ probationes euacuantur.

*Contra* generationem substantialem sic explicatam pauca sunt, quæ difficultatem faciant. Argumentum enim antiquorum quo mouebantur non habet vim. Dicebant enim non posse dari formam quæ det primum esse quale debet esse, esse substantiale, sic enim illa forma adueniret subiecto nullum habenti esse, siquidem forma subiecto dat primum esse, ergo illud subiectum est nihil, & ita simpliciter aliquid fieret ex nihilo, quod est non generari, sed creari.

*Ad hoc respondetur.* Ex doctrina Aristotel. & D. Thom quòd materia prima, nec est nihil neque est ens in actu seu existens per se, & ratione propriæ entitatis, sed est existens per aliud,

aliud, scilicet per formam, & ita de se est ens capax existentiae, sicut, & forma, licet non sit ipsa forma, nec ipsa existentia. Quod autem est capax existentiae verè est ens, & non est nihil, ut contradictorie opponitur enti, quia nihil, neque per se, neque per aliud est capax existentiae, materia autem, ut subiecta formae verè existit non verò sine forma, imò etiam ipsum compositum substantiale, sine modo subsistentiae, & sine accidentibus non existit, neque operatur.

*Secundò obijcies.* Quia in ipsa substantia quae generatur, solum inuenitur essentia, & existentia. Essentia fieri non potest, cum remota existentia non maneat, nisi praedicata essentialia, quae sunt perpetuae veritatis, & independentia a tempore. Existentia autem non est substantia, sed aliquid accidentaliter conueniens substantiae, supposito quòd ab ea distinguitur, imò, & ipsa actio generatiua accidentis est de praedicamento actionis: ergo terminus eius est accidentis.

*Respond.* essentiam non fieri, nec produci ex parte connexionis essentialis praedicatorum, obiectiue sumptam, sic enim obiectiue est aeternae veritatis, sed subiectiue, ut in se existens producit ipsa essentia, & substantia, ut subiecta existentiae, ita quod essentia se habet ut res existens, existentia verò ut id quo existit, tanquam terminus actualis productionis, & essendi extra causas. Et licet existentia dicatur accidentaliter conuenire, non tamen tanquam accidentis praedicamentale, sed accidentaliter praedicabiliter, tanquam modus, vel terminus substantiae, quae reducitur ad eius pra-

prædicamentum . Re vera tamen essentia ipsa producitur , vt subiecta existentia , non seorsum ab illa , sicut neque seorsum à productione , sed per illam , & natura non producitur seorsum à composito , vel supposito , sed in illo . Essentia autem vt subijcitur existentia aliquid temporale est , & non æternum , neque æternæ veritatis , quia per temporalem actionem datur existentia , & subiecto essentia ad existentiam . Generatio autem est accidens de prædicamento actionis formaliter , sed terminatiuè respicit substantiam , eo quod exit à potentia generatiua in virtute substantia , & ideo est accidens ; & tamen ad substantiam producendam tendit .

*Denique* arguitur , quia si vna generatio succedit alteri , sequitur , quòd plures res specie diuersæ participant eandem materiam , atque adeò non erunt substantialiter , & ex omni parte diuersæ . Similiter etiam materia pertinebit ad diuersas species , modò ad vnam , modò ad aliam prout fuerint diuersæ formæ , quibus vnitur , & sic non manebit simpliciter eadem , siquidem actualitatem , & speciem summi forma .

*Respond.* non esse inconueniens , quòd res specie diuersæ habeant materiam communem , sicut habent genus , non tamen simul informando , sed successiuè , quia materia sic est capax omnium formarum , & in potentia ad illas . Et ita non communicant in eadem materia numero , sed eadem materia secundum potentialitatem seruit ad diuersas formas in diuersis compositis , successiuè vna forma excludente aliam , & diuersum compositum con-

stituente, quòd non est inconueniens. Nec inconuenit, quòd materia participet per informationem diuersas species formarum, & constituat diuersa composita successiue, quia est in potentia ad illas, de se autem non habet nisi entitatem potentialem, quam utique à forma non accipit, sed recipiendo in se formas, aetnatur ab illis, & reducitur in actum ad illam speciem à qua informatur, cum enim materia sit pars speciei, & compositi, quòd constituit, ad multas species potest reduci in actum, eo quòd ad omnes est in potentia.

### ARTICVLVS III.

*In qua actione, & mutatione consistat generatio substantialis?*

**V**T cognoscamus substantialem generationem inter multas actiones quæ ad illam concurrunt, oportet duo inuestigare. *Primum* an sit generatio substantialis actio, & mutatio distincta à tota actione dispositiua, quæ per alterationem operatur in materia, an verò posita alteratione vsque ad ultimam dispositionem, sine noua actione resuletur generatio. *Secundum* est, in ipsamet generatiua actione, quam debeamus assignare formalitatem in qua consistat ipsa ratio generationis substantialis; inuenitur enim in actione generatiua ratio educationis, vel productionis formæ, similiter ratio vnionis formæ ad materiam, ratio etiam conuersionis, & alia similia inter quæ oportet discernere, quid formaliter pertineat ad rationem genera-

rationis. Quod verò attinet ad actiones subsequentes generationem, non oportet inuestigare quomodo discernatur ab illis generatio, quia consumata, & transacta generatione, actiones quæ restant manifestum est quomodo ab illa distinguantur, & ad generationem constituendam non pertineant, sed illam supponant, vt nutritio, augmentatio, & aliæ similes. A quo verò principio immediate procedat generatio substantialis in illo instanti in quo perficitur, & in quo forma introducatur dicemus art. 7.

*Circa primum*, sentiunt aliqui generationem non esse actionem distinctam ab alteratione, sed posita alteratione, quasi resultare, & consequi ad ipsam, & hæc vocatur generatio, & se habet, vt terminus alterationis, non quidem ab alteratione productus illamque specificans, hic enim est qualitas, sed consequutus, & resultans sine noua efficientia propter connexionem naturalem cum illis dispositionibus, sicut resultant passioness posita essentia, sine noua efficientia.

*Fundamentum* sumitur, primò ex quibusdam authoritatibus. D. Tho. in quibus frequenter repetit generationem esse terminum alterationis. Et specialiter in tractatu de natura materiæ, idest opusc. 42. inquit. *Quod alteratio, per quam spoliatur materia à forma priori, in se requirit subiectum actu existens, quia ipsa est motus in suo verò termino non requirit subiectum actu existens, terminus autem eius generatio est.* Et loquens de generatione hominis 1. p. q. 118. art. 2. ad 4. inquit: *Quod homo generat sibi simile in quantum per virtutem*

*tem seminis eius disponitur materia ad susceptionem talis formæ.* Vbi generationem etiam reduplicatiue, vt est generatio rei similis constituit D. Tho. in actione seminis dispositiua. Deinde sumitur fundamentum ex ratione, quia non possunt accidentia se solis producere substantiam actione substantiali distincta ab accidentali (accidens enim per se producit) neque similiter substantia per se immediate potest talem distinctam actionem producere cum non sit immediate operatiua. Neque similiter accidens, vt motum à substantia potest illam distinctam actionem producere, quia est eadem difficultas de illa motione quomodo procedat à substantia, & non medio alio accidenti. Si autem accidens non recipit nouam, & excellentiorem motionem vt producat substantiam, ergo eademmet actio, qua producit accidens non excellentior facta neque eleuatior producit substantiam, & hoc est quod intenditur, quòd eadem actio, quæ attingit calorem transeat ad substantiam ignis mediante positione caloris resultantem ex connexionem ad illum.

Nihilominus oppositum dicendum est generationem esse actionem distinctam ab alteratione, nec substantiam resultare ex alteratione vel ex qualitate per illam producta sicut propriæ passionis resultant ex essentia, sed per veram efficientiam produci distinctam ab efficientia qua ipsa qualitas per alterationem producit, nec D. Thom. vnquam dixit substantiam ipsam resultare ex alteratione, vel ex qualitate per illam producta, sed quòd generatio, (idest actio ipsa) est terminus alterationis, si autem

autem substantia resultaret ex ipsa, non diceretur generatio esse terminus alterationis, sed res ipsa genita, si ergo generatio ipsa est terminus alterationis, ergo est distincta actio ab ea. *Quod autem D. Thom.* ponat ipsam generationem tanquam distinctam actionem ab alteratione constat in primis, quia in 4. contra gent. c. 69. inquit. *Quod si formæ accidentales, quæ sunt in rebus corporalibus habent proprias actiones multo magis forma substantialis habet aliquam propriam actionem, non est autem huiusmodi actio disponere materiam, quia hoc fit per alterationem ad quam sufficit uni formæ accidentales, ergo forma generans est principium actionis, ut forma substantialis introducat in generatum.* Ità D. Thom. ubi condistinguit actionem introducentem formam substantialem ab actione disponente materiam, quæ est alteratio ad quam dicit sufficere formam accidentalem, ad illam verò requirit formam substantialem generantis, licet non ut principium proximum. Item generatio, & corruptio, ita dicuntur terminus alterationis, quod etiam habent ulterius suos terminos, & pro ea parte qua ulterius habent terminos non sunt ipsa substantia genita vel corrupta, sed actio, seu tendentia ad ipsam. Antecedens probatur ex D. Thom. 2. 2. q. 164. artic. 1. ad 7. ubi inquit: *Quod mors potest sumi uno modo pro ipsa privatione vitæ, alio modo secundum quod nominatur ipsam corruptionem, quæ terminatur ad privationem prædictam. De corruptione autem, sicut & de generatione dupliciter loqui possumus; uno modo secundum quod est terminus alterationis; alio modo corruptio potest accipi cum alteratio-*

*Phil. Nat. Pars III.* C ne

ne præcedenti, prout dicitur aliquis mori dum  
 movetur in mortem: Ecce quomodo D. Tho.  
 & fatetur corruptionem esse terminum altera-  
 tionis sicut, & generationem ipsam, & tamen  
 corruptionem dicit ad privationem, atque  
 adeò similiter generatio terminabitur ad op-  
 positum privationis, quod est forma, ergo  
 sentit generationem, & corruptionem non  
 solum esse, quid distinctum ab alteratione  
 tanquam terminum productum, seu resultan-  
 tem, sed tanquam actionem utpote quæ re-  
 spiciat terminum.

*Fundamentum*, autem assertionis positæ est,  
 quia alteratio quæ toto tempore antecedens  
 instans generationis procedit, existit in subie-  
 cto desinente, & corrupto: ergo non potest ex  
 tali alteratione resultare ipsa substantia geni-  
 ta, nisi intercedat nova, & distincta actio pro-  
 ducens ipsam substantiam. Antecedens consta-  
 bit intra ar. 6. & 7. concediturque ab authori-  
 bus oppositæ sententiæ, eo quòd alteratio non  
 subiectatur in nuda materia, cum sit motus, sed  
 in composito, ante instans autem generatio-  
 nis non datur compositum generatum, sed  
 corrumpendum in instanti generationis: ergo  
 in illo subiectatur alteratio. Consequentia  
 autem probatur, quia non potest resultare ge-  
 neratio ex alteratione in eo subiecto in quo  
 existit alteratio, siquidem illud corrumpitur  
 per generationem, & sic in eo non resultat  
 generatio, cum sint incompatibilia res quæ  
 generatur, & subiectum in quo est alteratio  
 illa antecedens ad instans generationis. Si  
 autem resultat generatio in alio subiecto, in  
 quo alteratio non existit, quia corrumpitur ad



Corruptionem subiecti: ergo non potest resultare ex ipsa talis generatio, alioquin resultaret ex ipsa, id quod destruit ipsam, hoc autem est impossibile cum resultantia fundetur in connexionem necessaria, & per se vnus cum alio, non autem potest habere connexionem necessariam per modum resultantiæ, cum eo cum quo est incompatible.

Vnde non potest dici quod ad istam resultantiam non requiritur quod alteratio existat in eodem instanti in quo generatio resultat, sed sufficit immediate antea extitisse, & virtualiter manere in instanti generationis. In hoc enim fundamus totam vim rationis factæ, quia repugnat fieri aliquid per resultantiam, & non per nouam actionem hoc ipso, quod non existit, sed habet impossibilitatem aliquid cum illo, quia resultantia, vt distinguitur ab actione fundatur in connexionem necessaria, & per se vnus cum alio, ita vt existente illa existat alia resultans, quia eadem actione fiunt & cessante prima, cessat secunda, sicut ipsa passio resultat ex essentia, & existit cum illa, sed alteratio vt est actio, & motus, in ipso subiecto, quod corrumpitur definit, & non existit in instanti generationis: ergo ex illa non resultat res genita, nec per resultantiam habet esse ex illa, cum potius sit incompatibilis cum illa in eodem instanti. Quod si dicas intercedere hanc connexionem, quia dispositio illa necessitat ad generationem. Respond. intercedere connexionem & necessitatem vnus actionis cum altera actione, idest actionis alteratiuæ cum generatiua, & sic necessitatur agens ad illam secundam actionem ex suppo-

sitione primæ sicut posito assensu præmissarum necessitatur intellectus ad assensum conclusionis, & tamen assensus conclusionis est distinctus actus ab assensu præmissarum, hæc tamen connexio actionum supponit generationem esse actionem distinctam alioquin non sequeretur ex vi connexionis ut distincta a primæ non autem quod eadem actione qua fit unus terminus sine noua actione resultet alius in vltimo solius connexionis, sicut passionis propriæ.

*Ad primum* fundamentum oppositum desumptum ex authoritatibus D. Tho. respondetur, quod quando dicit generationem esse terminum alterationis, sensus est, quod est finis illius tanquam actio principalior ad quam ordinatur alteratio, non tanquam ad rem productam per resultantiam, sed tanquam ad actionem distinctam, quæ præsupposita, alteratione ut disponente, oritur necessario à generante, sicut si diceretur quod assensus conclusionis est terminus assensus præmissarum. Quod ex ipsa Doctrina D. Thom. manifestum fit, dicit enim quodlib. 11. art. 4. *Quod per alterationem materia disponitur ad formam, & per motum localem corpus luminosum accedit ad situm, in quo illuminat, & secundum hoc dicitur quod generatio, & corruptio sunt terminus alterationis, & illuminatio motus localis.* Et similia dicit 1. p. q. 53. art. 3. Vbi parificat motum localem respectu illuminationis cum motu generationis respectu alterationis, sed constat quod illuminatio est actio distincta à motu locali, ergo etiam generatio substantialis est actio distincta ab alteratione, & sic explicatur quod dicit D. Tho. quodlibeto 7. art. 6. quod

**A**lteratio habet duos terminos, scilicet qualita-  
tem, & formam substantialem, intelligitur  
enim habere duos terminos non per modum  
resultantiae vnius termini ad alium, sed per  
modum ordinationis huius actionis ad aliam.  
Et sic etiam exponitur quod dicit in opusc. 42.  
quod terminus alterationis generatio est, in-  
telligitur enim quod est terminus per modum  
finis tanquam actio distincta, & principa-  
lior, non quod ipsa substantia genita per re-  
sultantiam oriatur ex alteratione sine noua  
actione.

Ad id verò quod adducitur ex D. Thom. de  
generatione hominis; respondetur, quod ho-  
mo dicitur generare sibi simile in quantum  
per eius virtutem disponitur materia, non  
producendo, vel educendo formam ex mate-  
ria, sicut aliarum generationes; sed quia dispen-  
do materiam vnit illi formam, & sic illam at-  
tingit vt vnitam, quæ expositio sumitur ex ip-  
so D. Tho. q. 3. de potent. art. 9. ad 6. vbi inquit;  
*Quod in alijs generationibus generans est cau-  
sa ipsius formæ, in anima autem rationali est  
causa vnicuius talis formæ ad materiam per hoc  
quod disponit materiam ad eam, nec oportet quod  
sit causa ipsius formæ.* An verò sicut cum pro-  
ducitur forma in alijs generationibus, & da-  
tur distincta actio produciens formam ab alte-  
ratione disponente, ita quando attingitur for-  
ma hominis vnitue attingatur distincta actio-  
ne D. Th. non dicit. Et in hoc sunt diuersæ opi-  
niones, nam Ferrar. 1. cont. Gen. c. 89. solum,  
videtur admittere, quod homo virtute seminis  
non producit nisi dispositiones, quibus corpus  
disponitur, vt sit particeps, animæ rationalis,

ad quas dispositiones necessario sequitur vnio animæ in corpore, ratione cuius virtus seminis est causa prædictæ vnionis. Et hoc ideo, quia actio hominis non potest terminari intrinsece ad animam rationalem, quæ spiritualis est, solum ergo terminatur ad id quod ex parte materiæ se tenet, idest ad dispositiones.

At verò Caiet. 1. p. q. 118. art. 2. amplius concedit quam dispositiuam attingentiam, scilicet actionem quæ per se terminetur ad vnionem animæ ad corpus non quidem tenentem se ex parte animæ, sic enim infunditur à Deo dum creatur in corpore, sed ex parte materiæ quatenus facit non solum dispositiones, sed etiam quòd materia subsit formæ, non quidem attingendo ipsum esse formæ, sed eius in esse, seu communicari ad materiam, quatenus corporeo, & materiali modo materia subest, & vnitur formæ terminaturque ad animam quatenus eminenter est forma corporea, licet in se sit spiritualis; sic enim saluatur proprius, & formalis quòd homo generat hominem, & quòd forma humana est formalis terminus generationis, vt informans, & communicata materiæ.

*Ad fundamentum ex ratione petatum respondetur generationem, vt est actio distincta ab alteratione procedere à substantia medijs accidentibus, vt habent rationem instrumenti substantiæ, vt dicimus in q. 12. Physicorum, & sumitur ex D. Thom. 3. contra Gent. cap. 69. & 1. p. q. 115. art. 1. ad 5. vbi inquit: Quòd corpus agit, & ad formam accidentalem, & ad formam substantialem, qualitas enim aeterna ut calor, etsi sit accidens, agit tamen in virtute forma sub-*

substantialis, sicut eius instrumentum, & ideo potest agere ad formam substantialem sicut, & calor naturalis in quantum est instrumentum animæ agit ad generationem carnis, ad accidens verò agit propria virtute. Nec est contra rationem accidentis, ut excedat suum subiectum in agendo sed quòd excedat in essendo. Ita D. Tho. qui etiam videri potest de hoc 1. p. q. 45. art. 8. ad 2. Fatetur ergo D. Th. accidens habere sufficientem motionem ut attingat substantiam, hoc ipso quòd est virtus substantiæ quæ in ipsa radicatur, & tanquam aliquid illius, & ut instrumentum illius producit, alias solum produceret virtute propria si præcise secundum quod qualitas est operaretur, & non ut quid substantiæ. Quid autem addat ista motio supra ipsam virtutem ut sit instrumentum substantiæ diximus q. 12. citata art. 3. & videri potest D. Th. 1. p. q. 118. art. 1. ad 2. ubi inquit: *Quòd virtus illa æffina quæ est in semine ex anima generantis derivata est quasi quædam motio ipsius anime generantis, nec est anima, aut pars anime nisi in virtute sicut in serra, vel securi non est forma leffi, sed motio quædam ad talem formam, & ideo non oportet quòd ista vis æffina habeat aliquod organum in actu sed fundatur in ipso spiritu incluso in semine.* Et idem docet in quæstione de anima art. 11. ad 2. Fatetur ergo D. Tho. hanc virtutem non habere aliam vim præter motionem generantis, quæ non est aliud quam egressio talis virtutis ab ipso, postquam enim egressa est virtus à generante non recipit aliam motionem ab ipso.

*Quod si dicas, nam in instrumentis eadem actio quæ attingit terminum proprium, eadem*

Ut eleuata attingit terminum principalis agē-  
 tis, ergo similiter virtus instrumentalis gene-  
 rantis per eandem actionem quæ est alterati  
 attingit terminum proprium alterationis quæ  
 est qualitas, & eadem ut eleuata attinget ipsam  
 formam substantialem ut generatio. *Respondet*  
 hoc iam non pertinere ad sententiam quam im-  
 pugnamus quæ dicit resultare ipsam rem geni-  
 tam posita alteratione, obiectio autem procedi-  
 de vera efficientia attingente per alterationem  
 instrumentaliter rem genitam. Veritas tamen  
 est quod alteratio non est ipsa actio instrumen-  
 talis, quæ eleuatione superioris agentis attingit  
 effectum principalem, sed est actio antecede-  
 dens habens suum terminum qui est dispositio,  
 subiectaturque in re corrupta, & ordinatur ad  
 actionem generatiuam, tanquam ad principa-  
 lem, quæ consequitur, & inhæret in ipsa re ge-  
 nerata. Vnde virtus generantis mouet ordine  
 quodam duplici actione ordinata, prima per  
 alterationem ad dispositionem, quæ est pro-  
 prius terminus eius. Secunda per generatio-  
 nem substantialem in quo agit ex motione qua-  
 dam substantiæ generantis. Et in hoc illa vir-  
 tus habet rationem instrumenti licet enim  
 prius operetur ut causa principalis effectum  
 proprium, qui est ipsa dispositio, tamen post-  
 modum instrumentaliter, ut virtus substantiæ  
 generantis ipsam substantiam genitam attingit.  
 Nec oportet quod in instrumentis semper sit  
 eadem actio illa quæ prauie operatur disposi-  
 tionem, & quæ introducit formam principa-  
 lem, sed potest esse diuersa actio, præsertim  
 quando necesse est corrumpi dispositionem  
 prauam per productionem formæ principalis.

Secunda difficultas.

**C**irca secundam difficultatem notandum est quod generatio habet plures formalitates, seu respectus, habet enim rationem mutationis, conuersionis, educationis, siue vnitionis, productionis, & tandem corruptionis, quæ ex illa sequitur. Habet rationem mutationis respectu subiecti eius, quod est materia prout præcise reducit potentialitatem eius in actum. Rationem conuersionis habet etiam respectu materiæ cum respectu ad formas quarum vnã deserit, & aliam accipit, & sic vnã vertit in aliam. Habet rationem educationis respectu formæ prout dependenter à materia, & per eius transmutationem fit, & existit. Habet rationem vnitionis quatenus tam materiam, quam formam applicat, & immutat ad communicationem eiusdem vnitatis in composito. Habet rationem productionis respectu totius compositi, quod de nouo ponit in esse, vel etiam respectu formæ quam educit. Habet denique rationem corruptionis respectu compositi præcedentis quod destruit, nec oportet quod destruat formam, vt patet in corruptione hominis, sed sufficit quod eam amoueatur à materia, corrumperetque compositum.

Omnes istæ formalitates pertinent ad vnã, & eandem actionem, quod patet, quia ab vnica virtute, & in ordine ad vnũ terminum singularem tendit illa actio. Quæcumque autem actio, quæ est in indiuiduo, respicit terminum à quo, & ad quem, & subiectum, ergo fundat istas omnes formalitates, seu respectus, qui

in materia , & in forma , & in termino à quo , & ad quem , & in comparatione eorum ad invicem inveniuntur .

*In qua* autem ex his formalitatibus essentialius , & proprius consistat generatio artic. seq. dicemus agendo de termino formali generationis , inde enim dependet hæc resolutio tractando quis sit formalis terminus generationis : constat enim quòd cum generatio sit actio , & mutatio , formalis debet sumi per ordinem ad terminum ad quem , quam secundum formalitatem . & respectum ad terminum à quo .

*Solum* oportet advertere in præsentì quomodo generatio dicatur conversio . Quod constabit explicando , quid requiratur ad conversionem . Requiruntur enim ad illam quinque. Primò, quòd terminus conversus qui est terminus à quo, desinat esse, quia si manet non vertitur in alium . Secundò, quòd incipiat de nouo terminus ad quem, seu conuertens, vel absolutè in suo esse, vel saltem secundum aliquem novum modum essendi sicut alio modo est Christus in Eucharistia, quam in cœlo. Tertiò, quòd inter terminum conuersum , & conuertentem sit aliqua connexio , aut dependentia quatenus unus succedit alteri , & sic saltem in ipsa successione connectuntur . Quartiò, quòd sit inter terminos positivos quorum unus corrumpatur , & alius generetur , & quòd non corrumpatur absolutè quasi per annihilationem, sed desinendo in aliud in quod conuertitur . Quintò , quòd maneat aliquid commune utrique termino conuerso, & conuertenti, siue per modum subiecti , vt in generatione , siue per  
mo-



modum accidentis extrinseci ut in transubstantiatione; licet videatur probabile quod absolute potest fieri à Deo conuersio sine hac conditione, ut si conuerteret totam substantiam panis, & eius accidentia in substantiam, & accidentia Christi, aut Angeli; sed tamen tunc non haberet ita proprie rationem conuersionis. Vnde constat esse diuersam formalitatem conuersionis, & motus, licet vterque versetur inter terminos positivos ad constituendam latitudinem, & distantiam vincendam per motum, conuersio autem non respicit terminos positivos ut constituunt latitudinem, & distantiam pertranscendam per motum, cum possit saluari conuersio sine motu, ut in transubstantiatione, sed ut non fiat aliquid ex nihilo, sed supponatur aliquid transferendum, & transponendum in aliud.

*Conuersio* alia est substantialis alia accidentalis. Accidentalisis est quando fit transitus de vno accidenti in aliud, ut quando album fit nigrum, & hæc semper est coniuncta cum motu: substantialis est cum fit transitus ab vna forma substantiali ad aliam, & hæc semper habet coniunctam duplicem mutationem, alteram generatiuam, alteram corruptiuam. Item alia conuersio est formalis, alia totalis; formalis est quando manente aliquo subiecto de vna forma fit transitus ad aliam. Totalis est quando tota entitas siue substantia, nullo subiecto communi manente transit in aliam, sicut transubstantiatio in Eucharistia, & hæc non potest fieri naturaliter, quia nulla actio naturalis operatur nisi præsupposito subiecto, seu materia non destruendo illam. De quo vide

D.Tho. 3. p. q. 75. art. 8. vbi designat modos loquendi in istis conuersionibus.

*Ex his* autem colligitur generationem esse conuersionem, quia licet generatio pro termino formali à quo, habeat priuationem, tamen quia hæc priuatio antecedens, naturali modo est coniuncta alicui formæ positiuæ ratione cuius generatio vnius semper est corruptio alterius, & forma ista quæ corrumpitur non annihilatur, sed desinit in aliā, ideo verè, & propriè intercedit conuersio in generatione substantiali. Et formalitas conuersionis differt à formalitate generationis, quia generatio habet pro termino à quo priuationem, conuersio formam vt mutandam in aliam succedentem. Et sic est vnica actio, sed duplex mutatio, vt dictum est, eo quòd duplex forma mutatur vna de non esse ad esse, quæ fit de nouo, altera de esse ad non esse, quæ corrumpitur, actio tamen est vna quia ab vnico agente dimanat vna causalitas quæ respicit duplicem terminum vnum à quo alterum ad quem, inter quos constituitur distantia vnica percurrenda per motum, & actionem. In generatione autem, & corruptione hominis non fit conuersio in substantiam formæ rationalis, aut ex ipsa quia non desinit, sed in ipsam vt informantem, vel desinentem informare.

#### ARTICVLVS IV.

*Quid sit terminus formalis, & quis adequatus generationis substantialis?*

**D**istinguiamus in generatione terminum adequatum, seu totalem, & terminum for-

formalem, seu specificatum. *Primus* solet vocari terminus, ut *quod* seu *qui* producitur. *Secundus* terminus ut *quo*. In termino adequato, seu *quod* consideramus omnes partes, ipsamque naturam integram, constituentem, & subsistentiam qua talis natura subsistit, & existentiam qua existit. Dicitur enim natura subsistere in supposito subsistente, sicut partes in ipso toto, non quia natura, vel partes reddantur supposita, seu personæ in seipsis, sed quia redduntur terminatæ, & affectæ ipsa substantia, & personalitate in qua sunt, sicut partes lineæ terminantur puncto, non quia in se fiant punctum siue per se, siue per accidens, sed quia vnico puncto afficiuntur, & terminantur, sicut corpus quod afficitur albedine, non fit albedo, sic partes redduntur illo puncto terminatæ, & partes naturæ, & natura ipsa per subsistentiam, & suppositum non redditur in se aliud suppositum, seu persona, sed vnica eademque subsistentia redditur suppositata, & terminata, seu subsistens. Vnde non valet illud sophisma, Natura subsistit per aliud idest per personam, suppositum verò subsistit per se ergo natura, & suppositum sunt aliud, & aliud subsistens. *Respond.* enim ad antecedens, quòd natura subsistit per aliud quod est ratio subsistendi, & sibi communicatur ut subsistat, concedo, per aliud quod in se sit res subsistens ut quod, nego. Ad consequ. ergo est aliud, & aliud subsistens ut quod nego consequ. vnum ut quo, & alterum ut quod transeat; sed hoc est esse distinctum in ratione entitatis non diuersi subsistentis, sicut album, & albedo non faciunt duo alba ut quòd, sed vnum ut quo, & aliud ut quod, albedo enim  

dici

dicitur alba ut quo, idest ratie, & forma albi, licet sint duæ entitates corpus, & albedo.

*Formalis terminus* est id quo constituitur aliquid tanquam actualitate, & specificatione. Illud autem quo constituitur in sua specie substantia generata, vel est forma partialis, vel forma totalis. Forma totalis est integra natura, seu constans ex forma, & materia unitis ut distinguitur contra suppositum, vel personam, & significatur per modum formæ, quia significatur ut principium, quo aliquid est, sicut humanitas est id quo homo est homo. Forma partialis est illud principium quod distinguitur contra materiam, & illi unitum componit naturam, resultatque suppositum, seu terminus naturæ nisi per assumptionem diuinam impediatur. *Inquirimus* ergo in præsentia in primis de termino totali, an sit ipsum compositum ut natura, an etiam suppositum quod est terminus eius. Secundò de termino formali, an sit ipsa forma vel unio eius in materia.

*In hac re* varix sunt sententiæ Authorum de quibus videri possunt Conimbr. 1. de generatione cap. 4. q. 15. & Cursus Carmelit. disp. 2. q. 3. Circa terminum enim totalem aliqui dixerunt actionem aliquam terminari ad compositum distinctam ab ea quæ terminatur ad formam, quia sunt res distinctæ. Alij verò dicunt generationem intrinsece terminari ad formam, extrinsece verò, & secundariò ad totum compositum, & quasi per resultantiam, non ut terminum essentialem. Denique alij ponant pro termino adæquato ipsum compositum quod est natura, excludunt autem ipsum suppositum, vel substantiam.

*Circæ*

*Circa* terminum verò formalem etiam diuisi sunt Authores, nam quidam dicunt solam formam esse terminum formalem etiam si ipsa non producat, sed sola unio. Alij verò dicunt solam unionem esse per se terminum formalem generationis, non verò formam, eo quod in omni generatione producit de nouo unio, non verò semper producit formam, ut quando generatur homo, oportet autem assignare pro termino formali, & specificatio actionis aliquid de nouo factum, eo quod actio si nihil facit de nouo, non est actio. Alij denique dicunt formam esse terminum formalem quando per generationem educitur, vel prodit, quando verò non producit, sed unio, unionem esse terminum formalem de quo Conimbr. ubi supra. Denique quidam dicunt generationem conuenire cum creatione in eo quod est producere totum, differre autem in eo præcise quod siteductiua unionis.

*Dico primo.* Totalis, & adæquatus terminus generationis substantialis est ipsum compositum, seu totum non solum prout dicit naturam, sed etiam prout dicit suppositum, ita tamen quod substantia non se habeat in hoc toto, ut constituens, sed ut terminans naturam constitutam, verè tamen intrinsece attingitur à generatione, & non extrinsece. Hæc conclusio est expressa S. Tho. qui perpetuo docet ipsum fieri sicut, & ipsum esse solum conuenire rei subsistenti, seu hypostasi ut patet 3. p. q. 35. art. 1. ubi inquit: *Natiuitas potest attribui alicui dupliciter, uno modo sicut subiecto, alio modo sicut termino: sicut subiecto attribuitur ei quod nascitur, hoc autem proprie est hypostasis*

non

non natura, cum enim nasci sit quoddam generari, sicut generatur aliquid ad hoc quod fit, ita nascitur aliquid ad hoc ut sit, esse autem proprie est rei subsistentis, nam forma quæ non subsistit dicitur esse solum, quia ea aliquid est, persona autem, & hypostasis significatur per modum subsistentis. Idem docet de creatione, & de quocumque alio fieri, quod fit ad rem subsistentem 1. p. q. 46. art. 3. Item videri potest Philosoph. 7. Metaphys. tex. 27. ubi inquit: *Quid neque species sit, nec quodcumq; nominari oportet formam, quæ in sensibili est, nec est eius generatio, nec quod quid erat esse.* Vbi S. Tho. lect. 7. inquit: *Quia generatio est eius quod fit palam ut quod generatio non est formæ, sed compositi, nec iterum quod quid erat esse rei generatæ generatur nisi per accidens, sed forma, & quod quid erat esse est, quod fit in alio, idest in materia non per se.* Ita D. Tho. Ex quibus verbis colligitur, quod si id quod generatur tanquam terminus totalis, & tanquam quod non est forma sola, neque quidditas, seu quod quid, hæc enim est ipsa forma totalis, seu natura, quia sola forma partialis non est quidditas, & natura, sed principium eius, restat ut terminus totalis sit ipsum suppositum. Vnde etiam patet non legisse, aut non aduertisse verba Arist. eos qui dicunt eum non agnouisse suppositum seu personam in substantijs, si enim dicit: *Quod id quod fit, & generatur non est forma neque quidditas, sed compositum*, & nomine formæ intelligitur forma partialis, nomine autem quidditatis, seu naturæ intelligitur forma totalis, restat ut nomine compositi intelligatur ipsum suppositum, hoc enim solum est quod condi-

Rin.

stinguitur à natura, seu forma totali. Et hunc locum Philos. sæpè obseruat D. Tho. ad probandum formas non fieri, sed ipsum compositum, seu subsistens, vt in 1. par. quæst. 65. art. 4. & alijs locis.

*Fundamentum* autem conclusionis sumitur ex ipsa doctrina D. Tho. quia generatio per se primotendit ad constituendam rem in esse integrè, & perfectè, sed natura rei non habet totum esse nisi habeat illud subsistens, & per se, quia hoc est proprium substantiæ vt habeat esse terminatum, & subsistens; immò repugnat, quòd habeat esse nisi, vel in se subsistens, vel alteri subsistenti vnitum, sicut humana natura est in Christo, ergo generatio quandiu non dat tale esse sic subsistens in se, vel in alio manca est, & non integra nec censetur dare totum suum effectum, ergo tunc est adæquatus terminus in quo sistit generatio vbi ipsum esse generatum terminatur, & sistit: sistit autem in subsistente, ergo subsistens in tali natura est terminus totalis, & vt quod generationis. *Et confirmatur*, quia ad generans pertinet non solum dare formam, sed consequentia ad formam, sicut sunt propriæ passionēs, sed intimior est subsistentia, quam passionēs, quia istæ sunt accidentia pertinentque ad ornatum vel operationem substantiæ, subsistentia verò est terminus intrinsecus, & substantialis eius, vnde vnio ad subsistentiam Christi fuit substantialis in natura humana, ergo magis pertinet ad generans illam dare, quam proprias passionēs. Omitto quòd apud D. Tho. existentia est propria hypostasis seu suppositi vt quod naturæ autem vt quo, vt docet 3. p. q. 17. art. 2. & nos ostend.

ostendimus q. 7. Physicorum, ergo si generatio tendit ad dandum esse, terminus eius totalis, & ut quod erit id, cui conuenit esse ut quod, scilicet ipsum suppositum subsistens.

Et ex hoc deducitur vltima pars conclusionis, scilicet ipsam subsistentiam, seu suppositum pertinere ad intrinsecum terminum generationis, & non solum extrinsecum, & resultantem, ut videntur sentire Conimb. q. sup. cit. art. 4. concl. 2. & alij; Quia ille dicitur terminus intrinsecus, qui directè, & per se attingitur ab actione non secundariò, & mediatè, ac præsupponendo alium primarium; sed subsistens non potest esse terminus mediatuſ ac ſecundarius, ſupponens alium primarium productum, quia completum, & integrum eſſe primo, & per ſe inuenitur in ipſo ſubſiſtente, non ante ſubſiſtentiam, ergo res ut ſubſiſtens, & ipſa etiam ſubſiſtentia ingreditur terminum intrinsecum generationis tanquam pertinens ad integrandam, & complendam rem generatam, non ut prædicatum conſtitutum, ſed ut terminus intrinsecus rei generatæ reſpectu eſſe illius.

Dico ſecundo, terminus formalis generationis non eſt vnio, ſed forma conſtitutiva rei generatæ. Vnio autem prout dicit applicationem, & coniunctionem extremorum non eſt terminus, ſed applicatio, id veſt quod reſultat ex tali vnione ſi ſumatur per modum ſuppoſiti, eſt terminus totalis; ſi per modum naturæ eſt terminus formalis tanquam forma totalis. Hæc conclusio quæ inter Thomiſtas communis eſt, conſtat ex ipſo D. Thom. 3. p. q. 35. ſupra citata, ubi poſtquam dixit, quod natiuitas, &



generatio attribuitur tanquam subiecto ipsi personæ, & non naturæ, addit: *Quod tanquam termino attribuitur natiuitas naturæ, terminus enim generationis, & cuiuslibet natiuitatis est forma, natura autem per modum formæ significatur.* Vbi loquitur D. Tho. de termino formali, non de totali, quod est subiectum, de qua iam dixerat, quod est persona. Et similiter videri poterit in 3. dist. 8. q. 1. art. 2. & optimè in 1. dist. 6. q. 2. art. 1. vbi inquit: *Terminus generationis in creaturis potest accipi dupliciter, sicut etiam, & principium, dicitur enim principium generationis ipsum generans, & huic principio respondet sicut terminus ipsum genitum. Dicitur etiam principium generationis à quo incipit generatio, & hoc modo principium vel initium generationis est priuatio formæ inducendæ, & huic principio terminus oppositus est forma per generationem inducenda, ita D. Thom.*

Et fundamentum colligitur, quia in termino adæquato, & totali alicuius actionis illud est terminus formalis, quod in ipso termino se habet vt forma, quæ per se specificat actionem, & assimilat genitum ipsi generanti, hæc enim sunt munera termini formalis, scilicet formalizare ipsum terminam totalem, quod vtique fit specificando, seu constituendo, & assimilando ipsum genitum rei generanti. Constat autem, quod forma termini non est ipsa vnio, sed aliquid vnitum, vnio enim se habet, vt communicatio, & applicatio, qua communicantur extrema, ergo forma constituens debet esse extremum communicatum, & vnitum, hoc enim est vltimum, quod intendit generans, intendit enim assimilare sibi genitum in forma,

& posita assimilatione cessat; non cessat autem in vnione, quia vnio est applicatio vt forma reddatur vnita, ergo magis se habet, vt terminus formalis forma vnita, quam vnio coniungens. *Et confirmatur*, quia si ista vnio qua vnitur ista forma adhiberetur alteri eodem modo illam vniret materiae, ergo proprium distinctiuum, & constitutiuum formale huius generationis non est vnio propter vnionem, sed propter formam vnitam. Vnde etiam quando forma non producit per generationem, sed introducit, & vnitur, & sic sola vnio producit adhuc non producit, vt constituens formaliter, sed vt communicans, & applicans formaliter id quod constituit, vt forma.

*Ex quo colligitur*, quod cum assignatur formalis terminus, & ratione alicuius formalitatis designetur, si sumatur ly formalis pro formalitate communicata, & vniente, sic vnio est terminus formalis, si sumatur pro formalitate terminante, & constituente, & assimilante genitum generanti sic terminus formalis non est vnio, sed forma vnita, constat autem quod praecipue iudicandum est de termino formali, secundum quod terminat potius quam secundum quod mediat. Verum quidem est, quod, non potest forma constituere formaliter, nisi connotando, & supponendo vnionem tanquam conditionem, & applicationem, ipsa autem forma vnita se habet vt constituens. Et sic etiam vt supra diximus, art. 3. ex Caiet. 1. p. 118. art. 1. in generatione humana, licet forma non producat, sed vniatur; tamen, non sola vnio, sed etiam ipsa forma vnita attingitur a

generacione non secundum esse formæ in se, sed secundum inesse, ita tamen, quod unio se habet, ut conditio, & forma unita ut constituens formaliter, & terminans.

*Soluntur argumenta.*

**P**rimò arguitur, contra primam conclusionem. Quia saluatur vera generatio sine hoc, quod producat, vel attingatur suppositum, & similiter sine hoc quod producat natura, ergo neque suppositum est totalis terminus generationis, neque natura formalis. Antecedens patet, tum in generatione, qua Beata Virgo genuit Christum quæ fuit vera generatio, cum fuerit vera mater eius, & tamen non attigit suppositum, neque producendo, quia in Christo non fuit suppositum creatum, neque uniendo illud naturæ, quia hæc unio non est facta per actionem Virginis, sed per immediatam assumptionem Dei, tum etiam quia suppositum resultat posita natura tanquam modus, seu terminus illi adiunctus. Vnde si nunc humanitas dimitteretur à Verbo, resultaret de nouo substantia creata, ergo supponit terminum generationis omnino productum per actionem, siquidem quod restat solum fit per resultantiam: ergo suppositum non pertinet ad intrinsecum terminum generationis, ut actio est, sed posito termino actionis resultat, tum denique, quia Dion. Thom. nullo modo attribuit ipsi supposito rationem termini, sed subiecti generationis, rationem verò termini ipsi naturæ, ut patet 3. p. q. 35. art. 1. eo quod natura quæ constat ex unione materiæ, & formæ

mæ est integra , & totalis substantia , ergo de se terminat totalem actionem , & sic ut sit terminus totalis producibilis à generatione . non indiget aliquo alio , sed tamen quia illa natura est terminata supposito , & in illo tanquam in subiecto, ideo dicitur suppositum subiectum generationis non terminus, quia non terminat actionem, sed subijcitur seu supponitur naturæ terminanti .

*Quoad* secundam verò partem probatur antecedens in generatione diuina in qua totalis terminus est persona procedens , natura verò non habet rationem termini etiam formalis, alias distingueretur à principio à quo procedit , & sic non esset vna tantum natura in tribus personis .

*Respondetur* , neg. ante . Ad primam probationem resp. aliquos existimare actionem B. Virginis in ipsa productione humanitatis, & existentia eius, ita sistere, quòd non dicitur Mater Dei , idest personæ subsistentis in ipsa humanitate nisi materialiter, & secundario, & per accidens, sicut si modò Deus assumeret meam humanitatem destructa eius subsistentia, mater quæ me genuit, materialiter, & per accidens diceretur Mater Dei, quia esset mater hominis, cuius natura assumpta est à Deo ; sic producendo humanitatem in se existentem, & terminantem generationem Virginis dicitur mater Dei, quia est mater humanitatis, quæ alia actione non pertinente ad Virginem assumpta est à Deo . Si enim actio generantis non tangit suppositum , sed sistit in esse naturæ, quodcumque suppositum illi applicetur materialiter se habebit : & ita Beata Virgo for-

formaliter, & per se non dicitur Mater Dei.

*Nihilominus*, in sententia S. Thom. Beata Virgo propriissime, & formaliter est vera Mater Dei, non minus, quam mater Petri est formaliter mater illius hominis. Etenim in generatione hominum, generans non producit formam, neque eius existentiam, vel subsistentiam, sed forma rationalis in se subsistens creatur à Deo, & infunditur, generans autem vnit materiam illi formæ, & sic illud esse animæ, quod sic à Deo communicatur à generante ipsi corpori, & non est aliud esse in ipso corpore, & in toto composito, quam ipsum esse animæ sic communicatum, quia in ipso composito, secundum D. Thom. non datur nisi vnum esse, quod quidem provenit à forma ut à principio *quo*, conuenit verò composito, seu supposito ut *quod*. Vnde cum anima rationalis habeat esse per se existens, seu subsistens, licet communicabile materiæ, ideò generatio hominis formalissime dicitur attingere personam, quatenus hoc ipsum esse animæ, quod communicatur toti composito, seu personæ, à generante communicatur corpori, & facit integrum hominem. Et ita dicit D. Tho. 1. 2. q. 4. art. 5. ad 2. *Quod animæ humana remanet esse compositi post corporis destructionem, & hoc ideò, quia idem est esse formæ, & materiæ & hoc idem est esse compositi*. Similiter ergo in Christo est vnicum tantum esse, quod est personæ seu suppositi, & communicatur naturæ, ut docet idem D. Thom. 3. p. q. 16. art. 2. Sed tamen hoc esse verbi, seu subsistentia ordine quodam communicata fuit prius animæ prioritate naturæ, deinde corpori, quia prius natura assumpfit ani-

animam, quam corpus, & mediante animam corpus vt docet D. Thom. 3. p. q. 6. art. 1. ita quòd in ipsa creatione animæ simul se immiscuit assumptio verbi impediens propriam subsistentiam, & existentiam animæ, & suam subrogans per assumptionem. Cum ergo in illo puncto actio Beatæ Virginis generatiua attingit vnionem corporis formati ad animam, quam Deus infundebat, & assumebat, illudmet esse, & subsistentiam, quam inueniebat in anima, communicabat corpori. Et ita sicut actio generatiua ordinaria illud esse proprium, & naturale animæ communicat corpori, & hac ratione dicitur formalissime mater hominis, & personæ subsistentis in humanitate, ita generatio Virginis, esse & subsistentiam verbi, quam inuenit in anima assumpta, communicauit corpori, & ita formalissime dicitur mater illius hominis, seu personæ diuinæ vt subsistentis in illa humanitate constante corpore, & anima. Nec tamen Beata Virgo assumptionem ipsam efficienter attingit etiam instrumentaliter, quia hæc cum ipsa creatione animæ immediatè à Deo facta est, sed Beata Virgo animam prioritate naturæ assumptam à Deo, ipsa generatione communicauit corpori, sicut postea in resurrectione vniendo animam corpori sine noua assumptione iterum resultauit Deus homo, assumptio enim animæ virtualiter est assumptio corporis, eo quod anima est de se communicabilis corpori.

*Quod si dicas*, si tota subsistentia Verbi, & eius esse fuit collatum animæ, & mediante anima ad carnem, ergo separata anima in morte, caro mansit sine subsistentia verbi, sicut caro ho-

hominis mortui manet sine subsistentia animæ quæ separatur. Hoc autem est erroneum alias filius Dei non esset sepultus, quando eius corpus sepultum fuit *Resp.* ex D. Thom. 3. p. q. 50. artic. 2. ad. 2. ubi hoc argumentum soluit: *Quod Verbum Dei dicitur unitum carni mediante anima, quatenus caro per animam pertinet ad humanam naturam, quam filius Dei assumere intendebat, non autem, ita quod sit medium quasi ligans unita. Habet autem caro ab anima, quod pertineat ad humanam naturam etiam postquam anima separatur ab ea, in quantum scilicet in carne mortua remanet ex ordinatione divina quidam ordo resurrectionis, & ideo non tollitur unio divinitatis ad carnem.* Ita S. Thom. ex cuius verbis constat carnem in Christo mansisse unitam Verbo, non quia habeat distinctam subsistentiam quæ sibi suppleatur seorsum à forma, nec quia subsistentia animæ comunicaretur corpori post mortem, sed quia caro mortua etiam pertinet ad humanam naturam propter ordinem ad resurrectionem, & quidquid pertinet ad naturam humanam non fuit dimissum à Verbo, ideo corpus illud mansit assumptum non sub forma animæ, nec separatum ab omni forma, sed sub forma cadaueris quæ ad tempus assumpta fuit, in quantum requirebat ad constitutionem corporis humani mortui, quod adhuc ordinabatur ad humanam naturam, ratione resurrectionis.

*Ad secundam prob. respond.* quod suppositum non resultat ut passio, sed ut terminus naturæ omnino prærequisitus ad eius existentiam, unde sicut existentia non resultat, sed attingitur ab actione; ita & substantia quæ ipsam an-

recedit, & licet existentia antecederet, adhuc ab ipsa actione attingeretur intrinsecè, quia ante subsistentiam existentia ipsa non est terminata, & completa, & sic neque actio constituens rem productam in ratione status totius ipsum autem totum attingitur ab actione, quod verò resultant, sunt accidentia, quæ nec pertinent ad ipsum totum, ut partes, neque ut modi, seu termini totales sicut subsistentia.

*Ad tertiam* instantiam dicitur, quod D. Th. attribuit rationem termini naturæ, & rationem subiecti hypostasi, seu supposito, quia sustentat, & subijcitur naturæ, & sic nomine termini absolute dicti intelligit terminum formalem tanquam specificatiuum in quod tenditur, nomine verò subiecti intelligit, terminum totalem eo quod suppositum non est subiectum ex quo fit generatio (id enim est materia prima) sed quod nascitur per generationem.

*Ad secundam* partem argumenti respondetur, quod diuinitas non est terminus productus, seu procedens, sed communicatus, & sic est terminus formalis generationis verbi, est enim id in quo assimilatur suo principio, & generatio illa in quantum assimilatiua, est communicatiua naturæ Patris, atque adeo natura, ut natura est eius terminus formalis communicatus, non productus; in processione verò Spiritus Sancti, natura ut natura non est terminus formalis etiam communicatus, sed identicus, amor verò infinitus est terminus formalis, terminus autem productus est persona subsistens quæ etiam amor notionalis dicitur.

*Secundo* arguitur, ad probandum unionem non formam esse terminum formalem, quia  
sem.



semper est id quod producit de nouo, forma autem non semper, ut in generatione hominum, terminus autem formalis debet produci de nouo, quia quod non producit non terminat actionem, quia non accipit esse, actio autem noua debet dare nouum esse, imò quando educitur forma non producit nisi ut educta, & consequenter, ut unita subiecto, & per hoc distinguitur à productione creatiua: ergo formalis ratio specifica generationis est terminus ut unitus, siquidem per hoc, formaliter, & ultimate distinguitur à creatione. Denique ex sola variatione unionis videmus variari species actionis, ut cum anima rationalis unitur per generationem vel reunitur per resurrectionem non est variatio penes formam, sed penes diuersam formam unionem: ergo diuersa unio erit ratio diuersæ specificans, & terminus formalis, iste enim est qui specificat.

*Ad primam* partem argumenti respondetur quòd non est necesse formalem terminum produci de nouo in sua entitate, sufficit quòd in sui participatione, qua mediante specificat, proprium enim termini formalis est specificare, & formalizare id quod producit, ad hoc autem non conducit per se, quod entitas formæ specificantis de nouo fiat, sed sufficit, quòd ipsa de nouo communicetur specificato, & ita communicatio seu unio de nouo fiat, non tamen illa unio est terminus formalis, idest formalizans, & specificans, sed applicans, & vniens, vnde aliud est ratio formalis termini, aliud actio nouiter producti in re quæ generatur; producit enim de nouo terminus totalis, cui conuenit esse, & produci ut quod, forma autem,

cui conuenit esse ut *quo*, non est necesse, quod producat, sed sufficit, quod communicetur & sic specificet, & formalizet, ipsa autem *vnio* non est terminus formalis, idest forma da specificationem, sed applicatio termini formalis. Quæ doctrina sumitur ex D. Thom. q. 3. de poten. art. 9. ad 6. & ad 20. & 21. & notatur à Caiet. 1. p. q. 118. ar. 1.

*Ad secundam* partem argumenti respondetur non distingui specificatiue generationem à creatione, quia forma producit ut *vnio* quando educitur, nam etiam in creatione cum producat ipsum totum producantur partes ut *vnitæ*, sed quia ad creationem pertinet producere totum, nihil præsupponendo de partibus, sed omnes faciendo de nouo, & ex nihilo tam materiam, quam formam, ideo distinguitur ab educatione, quæ producit totum præsupponendo vniam partem, scilicet materiam cuius transmutatione educitur forma; quæ applicata materię totum constituit, & sic per educationem totum non tam fit, quam componitur, in creatione verò absolute fit. Unde non ratione vnionis formaliter diuinguuntur, sed ratione termini formalis, qui in creatione est totum ens ex nihilo, in generatione, forma constituens tale ens ex præsupposito subiecto, & sic etiam in creatione materia pertinet ad formalem eius terminum, quia pertinet ad rationem totius entis.

*Ad ultimam partem*, argumenti respondetur negando, quod diuersa *vnio* præcise sit diuersus terminus formalis in actione substantiali, qualis est resurrectio, & generatio, in vtrisque enim producit *vnio*, & sic non potest

est ex ipsa solum sumi diuersitas formalis istarum actionum; sed ex ipsa forma sumitur, ut stat sub diuersa ratione, & modo communicandi se materiae, diuersam enim transmutationem exigit generatio hominis, ut communicans animam corpori, quam resurrectio quæ sine tali formatione, & dispositionibus, sed præsupponendo priorem unionem fuisse corruptam, vniam animam corpori, & sic respicit formam ut reuocitam non ut præcise vnitam; similiter etiam formatio hominis ex terra, sicut in Adam, fuit actio distincta à generatione non propter diuersam unionem, tanquam terminum formalem, cum utrobique fuerit producta unio, sed propter ipsammet formam sub diuerso modo transmutationis communicatam, & sic fundantem diuersam formalitatem, seu respectum terminandi actionem, quatenus diuersas mutationes producit in materia, ut generet, vel ut resuscitet, vel ut formet ex terra, formalis autem terminus sumitur ex forma cum respectu ad viam, & ad transmutationes quibus fit; istæ enim etiam per actionem producuntur, ut ducentes ad terminum. An verò in actione accidentali, v.g. in intensione, sola unio producat de nouo, an verò formalis aliqua perfectio quæ addatur qualitati infra q. 5. inquiretur.

**A R T I C U L U S V.**

*Quod sit subiectum generationis, & de eius distinctione à creatione*

**T**riplex subiectum, seu triplex ratio subiecti distingui potest in generatione. Est enim

enim subiectum mutationis, est subiectum productionis, quod magis obiectum dici potest, quia est id ad quod tendit generatio: et denique subiectum denominationis, scilicet re quae denominatur generata. In generatione ergo mutatur materia de priuatione ad formam, sed non denominatur producta, neque generata. Dicitur autem producta forma quae educitur, vel compositum, quod de nouo accipit esse. Denominatur autem generatum ipsum suppositum, quod tanquam genitum respicit ipsum generans. Inter haec subiecta inquirimus, quodnam ex illis sit subiectum inhaerentibus, cui inhaereat generatio. Est autem difficultas ex differentia inter alterationem, & generationem; quia alteratio tam ex parte sui, quam ex parte sui termini, qui est qualitas, supponit pro subiecto substantiam completam, & in actu, quae est capax accidentium, actio autem generatiua non supponit, nisi materiam primam, quae non est capax accidentis antequam habeat formam substantialem, haec autem producit per ipsam generationem, ergo non supponitur illi tanquam subiectum. Et alia verò parte materia prima est subiectum mutationis, quia ipsa sola, & non totum compositum est quae, transmutatur de vna forma ad aliam, & in ipsa recipitur forma substantialis eique immediate vnitur ergo in ipsa debet esse generatio, quia actio in eo subiecto est in quo terminus eius, non enim seorsum à termino recipitur actio, vel mutatio. Et ad idem faciunt authoritates S. Thom. & Philosophi postea adducendae.

*Dico ergo primo, subiectum mutationis in*  
ge.

generatione substantiali est sola materia prima inhaesionis autem non est sola materia prima, neque materia prima ut subiecta formae corporeitatis, sed totum compositum, quod generatur per illam. De prima parte conclusionis non potest esse dubium, & in eo sensu loquitur S. Tho. cum pro subiecto generationis assignat materiam primam, & non substantiam in actu, expresse enim loquitur de generatione prout mutatio est, & de subiecto mutationis, ut patet 1. de gener. lect. 10. in fine ubi inquit: *Comparat praedictas transmutationes, secundum subiectum, quod est tantum potentia, & dicit, quod prima materia est maxime proprium subiectum susceptibile generationis, & corruptionis.* Eodem modo loquitur 1. p. q. 45. art. 1. ad 2. loquens solum de mutatione, & apertius q. 3. de potentia art. 3. ad 4. ubi inquit: *Quod in generatione, & est mutatio, & relatio, qua refertur genitum ad generans. Ratione ergo mutationis non habet pro subiecto ipsum generatum sed eius materiam sed ratione relationis habet subiectum ipsum generatum. In creatione autem est relatio, sed non mutatio, & ideo non est simile.* Dixerat autem in solutione ad 3. immediate antea quod relatio illa creationis ut est accidens inhaeret subiecto, & est posterior illo, quod generaliter de omni accidente probabitur inf. q. 9. scilicet subiectum inhaesionis ut quod esse compositum.

Ratio autem huius primae partis est quia illud est subiectum mutationis, seu motus, quod est subiectum termini motus, seu terminorum inter quos motus versatur, constat autem quod termini inter quos versatur generatio ut mu-

tatio est, sunt forma, & priuatio, vtraque autem habet pro subiecto materiam primam, nam ipsa est priuata forma substantiali, & ipsa etiam immediatè informatur substantiali forma, ergo ipsa est subiectum huius mutationis quæ est generatio: vnde in 1. Physic. assignatur triplex principium, scilicet, materia, forma, & priuatio pro ipsa re naturali in fieri, sed pro generatione, materia autem non est principium generationis, nisi vt subiectum talis mutationis, quia subiectum mutationis debet esse principium rei mobilis, non solum in facto esse, sed etiam in fieri, & in ipsa generatione, cum in hoc distinguatur à creatione, quòd procedit ex transmutatione alicuius subiecti, ergo oportet quòd materia sit principium generationis tanquam subiectum, non verò ipsum compositum, quia hoc est principium, & non principium.

*Secunda pars conclusionis*, scilicet, quòd materia prima vt subest formæ corporeitatis non est subiectum inhaesionis ipsius generationis, constat manifestè supponendo, id quod in libris de anima latius expendetur quod in quocumque composito substantiali tantum est vnica forma substantialis, quæ dat omnes gradus específicos, & genericos, non autem vna forma dat gradum corporeitatis, alia viuentis, alia sensibilis, vt optime consequitur D. Tho. 1. de Gen. lect. 10. in fine, & nos in q. 1. de anima probabimus. Quo supposito rectè sequitur quòd subiectum generationis non sit materia prima vt subest formæ corporeitatis. Quia nulla forma substantialis ita concomitatur materiam, quòd nunquam exuatur illa, sed

fed hoc ipfo quòd corrumpitur vna forma substantialis omnes gradus corrumpuntur, quia omnes illi sunt eadem, & vnica entitas formæ, ergo corrupta forma, materia non manet sub aliqua forma, vel gradu corporeitatis ad recipiendam formam de nouo genitam, sed sola, & nuda materia recipit illam, & forma præbet materiæ omnem gradum non solum primum, & remotum, sicut est gradus corporeitatis, sed etiam vltimum, & specficum, & sic tollit omnem gradum quem forma corrupta præbebat.

*Circa tertiam partem conclusionis, scilicet quòd subiectum inhæfionis fit ipsum totum compositum fumendo generationem non pro ipsa alteratione præcedente, quam constat recipi in composito antecedente, quod corrumpitur: sed fumendo generationem pro actione illa substantiali distincta ab alteratione, ut modo supponimus distinguere ex dictis supra art. 3. De hoc maior est difficultas etiam inter Thomistas, plures enim existimant subiectum inhæfionis eius esse ipsam materiam primam ut videtur sentire Caietan. 3. p. q. 35. art. 1. & alij quos citat, & sequitur Cursus Carmelitanus hic disp. 2. q. 5. Alij verò cum Magistro Bannez 1. de generat. c. 4. q. 11. dicunt totum compositum esse subiectum inhæfionis respectu ipsius generationis.*

*Dicimus ergo quòd suppositis duobus principijs, altero à nobis supra admisso, & probato quòd generatio est actio distincta ab alteratione, nec est pura, & nuda resultantia: altero infra probando, & admittendo, scilicet quòd materia prima immediatè, & per se non est capax inhærentiæ accidentis ita ut per materiam*

sustentetur in esse ipsum accidens, necesse est dicere, quod generatio in quantum est actio de praedicamento actionis non potest habere pro subiecto inhaesionis solam materiam primam. Vnde Cursus Carmelitanus ubi supra num. 61. fatetur generationem substantialem sumptam pro instantanea mutatione seorsum ab alteratione non esse accidens, sed aliquid substantiale tanquam modum. Rubio autem, & alij admittunt, quod aliquod accidens si sit incompletum, & quasi viale possit esse in materia, & non in toto. *Ceterum* nostra sententia quam infra ostendemus affirmat nullum accidens posse per inhaerentiam subiectari in materia tanquam in subiecto *quoad*, sed debet esse in toto composito, hoc autem vel est ipsum generans, vel id quod corrumpitur, vel id quod de nouo generatur. Et quidem generans non est subiectum generationis, cum non sit actio immanens, nisi forte dicatur subiectum actionis transeuntis esse ipsum agens, sed tunc restat inquirere subiectum generationis ut passio est, nam in omni sententia passio non est in agente, & sic restat explicandum, an materia sit subiectum istius generationis sic acceptae passivae, vel potius ipsum compositum. Et deinde restat difficultas in opinione quod actio sit subiectivae in passio, & non in agente quomodo generatio inhaereat in agente, si quidem generatio est in passio in hac sententia. Oportet ergo assignare aliud subiectum. Hoc autem non potest esse res quae corrumpitur, quia in instanti in quo est verum dicere nunc est generatio, est verum dicere nunc non est res corrupta, quia definit per primum non esse, ergo non



non potest illa generatio, quæ tunc primò existit, inhaerere in ipsa substantia corrupta, ergo solum restat quòd inhaereat in substantia genita.

*Quomodo* autem terminus generationis possit esse subiectum in quo inhaereat, explicatur ex eo, quod subiectum mutatum per ipsam generationem est materia prima, quæ est pars componens ipsum terminum, qui est totum. Quare cum actio non inhaereat nisi mediante termino producto, seu ab ipsa actione attracto cum eo enim identificatur actio, & ipse terminus totalis componatur ex materia, & forma, seu habeat materiam partem sui in idem coincident subiectum, & terminus, quia terminus substantia est, & sic non habet aliud subiectum cui inhaereat actio nisi in eo, qui est terminus totalis cum quo ipsa identificatur. Cæterum subiectum accidentium semper debet distingui ab ipso termino quando producitur accidens, eo quòd per talem actionem non producitur subiectum actuale, sed supponitur; per generationem autem substantialem subiectum actuale producitur quod est compositum. Et licet supponatur materia prima, quæ est principium recipiendi etiam ipsa accidentia, tamen nec est principium *quod* recipiens ea, sed principium *quo*, idest ratio qua ipsum compositum tanquam subiectum *quod* habet recipere accidentia, nec etiam est principium sustentandi in esse ipsa accidentia, quia principium sustentans in esse, supponitur habere existentiam, quam præbeat accidentibus; materia autem prima non habet illam nisi per formam ut in q. 3. I hysic. ostendimus, & supra

art. 1. habet tamen materia esse subiectum respectu formæ substantialis, quia forma non sustentatur in materia præsupponendo esse, sed recipitur ut ex ipsa, & materia constituatur compositum quod est habens esse; & sic distinguit D. Thom. inter subiectum, & materiam opusc. 31. in princ. Cum ergo generatio in quantum actio sit accidens, oportet quod pro subiecto inhaesionis, & sustentationis habeat compositum, & non solum materiam primam, licet illa sit principium quo recipiendi, & subiectum etiam mutationis, ut dictum est.

*Dico secundo.* Generatio, & creatio tam completa, & adæquata, quæ simpliciter dicitur creatio, quam inadæquata, & incompleta, quæ dicitur concreatio qualis est productio materiæ primæ, aut productio formæ dependentis à materia quando fit per creationem, differunt, tum ex parte termini formalis, tum ex parte modi producendi, licet in termino totali materialiter sumpto tam generatio, quam creatio completa conveniant. Hæc conclusio sumitur ex doctrina S. Thom. 1. p. q. 45. art. 2. 3. & 4. & q. 3. de potentia art. 1. & 2.

*Pro cuius* explicatione duo adverte. *Primum*, quod licet creatio sit unica, & indivisibilis actio attingens ipsum totum, & producens partes, tamen non æque denominantur omnia creari, sed ipsi toti convenit creari tanquam rei subsistenti, & habenti esse ut quod, partibus verò convenit creari, tanquam principijs constituentibus illud totum, & habentibus esse non ut quod sed ut quo. Hinc nascitur ista distinctio creationis, quod alia est adæquata, & completa, prima enim dicitur respec-

Qu

Actu totius, quod attingitur à creatione, ut absolute, & subsistenter habentis esse. Secunda verò respectu partium quæ attinguntur ut habentes esse in alio, & cum alio, à quo dependent, & cui subsunt ut sint, & ideo dicuntur concreari. Quæ doctrina est D.Tho. qui pluribus locis docet solum creari propriè res subsistentes, seu ipsum totum, & compositum, materiam verò, & formam non propriè creari, aut fieri, sed concreari ut patet 1.p.q.45.art.4. & 44. art. 2. & q.7. art.2. ad 3. & q.3. de potentia art. 1. ad 12.

*Secundum* quod supponimus est, quòd tam creatio quam generatio substantialis conueniunt in hoc, quòd est producere totum compositum, seu facere rem subsistentem, & completam, cui per se conuenit esse, sed differunt quòd generatio supponit ea ex quibus constare debet hoc totum, vel omnia, vel saltem materiam primam; generatio enim hominis neque materiam facit, neque formam, sed utramque coniungit, alia verò generationes saltem supponunt materiam primam, licet formam educant, & producant. At verò creatio ita producit totum compositum, quòd nihil supponit eorum ex quibus coalescit, siue partes, siue totum, sed quidquid entitatis est in re facit, & ita creatio est talis virtutis, quòd ex vi suæ rationis formalis habet attingere in re creata omnem rationem entis, siue sit materia, siue forma, siue potentia, siue actus. Quare generatio, necessario supponere debet creationem, nec potuerunt res primo incipere per motum; in quo hallucinati sunt. Aliqui antiqui Philosophi, & Arist. ipse qui existiman-

res non dari alium modum produçendi res, quam per motum, & generationem, inciderunt in illud inconueniens de æternitate mundi, non inuenientes initium quo res primum fuerunt productæ, si omnes per motum productæ sunt, nam hoc modo semper supponebatur aliquid, ex quo mutatio, seu motus fieret, si enim produceretur aliquid non supponendo aliud ex quo fieret, sine mutatione produceretur, quia ex nihilo, & non subiecto fieret. Vt ergo non ponamus infinitum processum, & æternitatem generationum in motibus, oportet deuenire ad productionem materiæ non ex alio subiecto, sed ex nihilo, & consequenter per creationem. Et quia materia non fit sola, & sine forma, sed sub illa, & descendens ab illa, sicut de facto fuit cum in principio creauit Deus cælum, & terrâ, ideo creatio semper est subsistentium, & compositorum, partis autem est concreatio.

*Ex quibus conclusio posita constare potest, & declarari differentia inter creationem, & generationem, tam ex parte termini formalis, quàm ex parte modi procedendi. Ex parte quidem termini formalis, quia generatio solum habet pro termino formali formam specificantem, siue vt educam, siue vt vnitam, creatio autem habet pro termino formali totam rationem entis, quæ reperitur in composito siue ex parte formæ, siue ex parte materiæ, & sic coincidit ibi terminus adæquatus, & formalis. Vnde S. Tho. 1. p. q. 45. art. 4. ad 1. explicans illud axioma ex libro de causis *primarum creaturarum est esse*, dicit quòd ly esse non importat substantiam creatam, sed importat pro-*

propriam rationem obiecti creationis, nam ex eo dicitur aliquid creatum, quia est ens non ex eo quod est hoc ens, cum creatio sit emanatio totius esse ab ente vniuersali. Igitur formalis ratio, seu terminus creationis non est forma, quæ informat, & speciem dat naturæ, sed tota ratio entis, quæ inuenitur in tali re, & sic ex parte termini formalis valde differunt generatio, & creatio cum id quod est totale in generatione sit formale in creatione.

*Ex parte* autem diuersi modi procedendi differunt generatio, & creatio, tum ex parte termini ad quem, tum ex parte termini à quo: ex parte quidem termini ad quem quia creatio facit ipsum totum simpliciter producendo omnia quæ in eo sunt, generatio autem facit totum vniendo partes, non producendo, vel saltem non omnes, quia materiam præsupponit. Ex parte termini à quo, quia creatio est ex pura negatione, seu ex nihilo, quia nullum subiectum supponit, generatio verò ex priuatione, quia supponit subiectum carens forma.

*An creatio sit eiusdem rationis in simplicibus,  
& in compositis?*

**E**X quibus deducitur creationem eiusdem rationis esse siue cum producit entitatem simplicem, vt Angelum siue cum producit compositam vt cælum, vel terram. Cuius oppositum sentit P. Vazquez 2. tom. 1. p. disp. 164. cap. 4. num. 17. & alij qui eum sequuntur, qui dicunt primo creationem non solum esse subsistentium simpliciter, & totaliter, sed sufficit quòd sit productio alicuius quod suapte natura

tura subsistere potest, & non inesse alteri, seu dependere sicut anima rationalis. Secundo addit, quod in qualibet re composita sunt singulae productiones singularium partium, & altera totius, quia ex compositione conflatur, tale autem compositum secundum eam rationem, qua à partibus distinguitur creari non potest, quia huius esse est ex aliquo nempe ex partibus quæ prioritate naturæ præcedunt, ergo non est ex nihilo sicut requiritur ad creationem, quòd enim nihil præcedat tempore, nequaquam requiritur, ut patet si res ab æterno crearentur, vera enim creatione fierent, & tamen non præcessisset tempore nihil. Addit tertio materiam creari vera, & propria creatione, quia de nihilo fit, & licet dependeat à forma, non tamen secundum entitatem suam, aliàs mutata forma mutaretur in esse, & entitate, imò quodcumque agens introducens formam in materiam faceret illam existere, quia produciens formam non solum facit illam esse, sed etiam quod per illam habet esse, idem enim est producere formam, & effectum formalem illius. Et deinde si Deus conservat materiam media forma tanquam principio, & materia est ex illa non creabitur à Deo quoties produciatur ut coniuncta formæ, & ita nullum compositum fieret per creationem præter hominem, quia omne aliud secundum formam non educitur è materia, secundum rationem compositi est ex partibus, non ex nihilo, secundum materiam est ex forma, siquidem fit dependens ab illa. Denique creationem materię assimilat creationi animæ rationalis, quia illa naturaliter fit cum coniunctione ad formam,

nam,

mam, hæc naturaliter cum infusione ad materiam, licet de potentia absoluta vnumquodque seorsum fieri possit.

*Nihilominus* dicendum est in creatione qua creantur res compositæ, non importari plures actiones, vnam, qua partialiter creentur singulæ partes, & aliam quæ ex partibus producat totum, sed vnica actione produci totum, & partes, & sic eiusdem rationis esse creationem rei simplicis totalis & rei compositæ, quia in vtrisque intenditur ens in quantum ens, materialiter verò se habet quod componatur ex partibus, vel non. Vnde S. Tho. perpetuo excludit à proprietate creationis materiam, & formam, & partes, quas solum dicit concreari, ipsum verò totum subsistens propriè creari, vt videri potest in q. 3. de potentia art. 1. ad 12. & 1. p. q. 7. art. 2. ad 3. vbi expresse affirmat materiam, & formam propriè non fieri, neque creari, sed concreari, specialiter autem loquens de materia quam Vazq. dicit creari compositum verò non; è diametro opponitur illi Diu. Thom. qui 1. p. q. 44. art. 2. ponens illud argumentum quod materia non creatur, quia non habet esse actu, per creationem autem solum fit ens actu, respondet, quod probat argumentum materiam non creari solam, sed sub forma, eo quod etiam id quod tenet se ex parte potentie in creatura à Deo est. Rursum verò q. 45. art. 4. ponens oppositum argumentum, scilicet, quod illud propriè producit per primam emanationem, quod supponitur in secunda, sed quod supponitur in generatione est materia, ergo materia propriè creatur, & non compositam quod certe est fundamentum Vazq. Respondet S. Tho.

S. Thom. eadem resolutione, qua argumentò antea posito, *scilicet rationem illam non probare, quòd sola materia creatur, sed quòd materia non fit nisi ex creatione, nam creatio est productio totius esse, & non solum materiae*. Sentit ergo S. Thom. quòd illud esse totius, ut distinguitur à ratione materiae partialiter sumptæ terminat creationem, & sic falsum est dicere quòd compositum, ut compositum creari non potest, sed solum pars illa, quæ non est ex alio, sicut est materia.

*Fundamentum* autem huius ex quo etiam aperitur deceptio oppositæ sententiæ, in eo est, quia ad creationem concurrunt duo, alterum ex parte modi producendi, scilicet quòd non fiat ex alio præsupposito, sed ex nihilo, alterum ex parte termini producti, scilicet, quòd producatur tota ratio entis, seu totum, & integrum esse alicuius rei; unde necessario exigit, quòd non fiat esse rei; unde transmutatione partis, & coniunctione earum in unam, id enim propriè pertinet ad generationem, non tamen excludit creatio, quòd faciat aliquid ex suis partibus, ita quod præbeat ipsi toti omnia eius constitutiva, & partes licet non præsupponat aliquam ut ex transmutatione illius perueniat ad ipsum totum. Et in hoc valde æquivocat, & claudicat fundamentum Vazq. dum confundit fieri ex aliquo ut ex parte constituyente tantum, vel fieri ex aliquo, ut ex principio transmutationis, quod est principium ipsius fieri. Quòd enim fiat aliquid ut constans ex aliquo tanquam ex parte vel prædicato constituyente se, non tollit quòd fiat simpliciter ex nihilo sit alias nullum principium præ-



præsupponit per cuius transmutationem fiat, hoc enim est quod solum opponitur ipsi creationi, ut est ex nihilo.

*Cuius ratio* manifesta est, quia in creatione fieri ex nihilo tenet se ex parte termini à quo, in composito autem constare ex partibus, & esse ex illis tanquam ex constituentibus se tenet solum ex parte termini ad quem, cum pertineant ad constitutum talis termini, ergo hoc quod est esse ex aliquo tanquam ex parte constituyente non opponitur hinc quod est ex nihilo simpliciter tanquam ex termino à quo, ergo neque opponitur ipsi creationi, quia creatio saluatur in hoc præcisè, quod fit ex nihilo tanquam ex termino à quo, & consequenter non quòd præsupponat aliquid tanquam subiectum transmutatum; si autem subiectum ipsum fiat, ut est pars constitutiva totius, magis fit ipsum totum, quam pars, siquidem non ex præsuppositione partis, ut transmutandæ ad hoc ut fiat totum, sed sine tali transmutatione ipsum totum fit. Si autem non præsupponit partem, ut ex eius transmutatione fiat totum, sed solum facit partem, ut constituentem totum, utique propter ipsum totum facit partem, & tanquam aliquid minus ipso toto faciteam, ergo principaliter respicit totum, & minus principaliter partem, ergo directè per creationem fit ipsum compositum non verò pars quæ est materia, sed ista concreatur tanquam minus principalis ad creationem totius, cui directè conuenit esse tanquam rei subsistenti ut quod, & consequenter creari ut quod, quia creatio directè respicit esse. Itaque fieri ex aliquo ut ex parte constituen-

tuyente, & pertinente ad esse rei non tollit creationem, neque constituit generationem, sed fieri ex aliquo tanquam ex principio præsupposito, per cuius transmutationem fiat ipsa res, hoc constituit generationem, quia generatio transmutatio est.

*Dices* S. Thom. in 2. dist. 1. q. 1. art. 3. inquit. *Quod esse est per creationem, & alie perfectiones super addite per informationem, & in compositis præcipue illud esse primæ partis, scilicet materia, ergo præsupponit* S. Tho. creationem primo, & directe terminari ad materiam, & illi conuenire esse.

*Respondet*, quod illud esse primæ partis scilicet materiæ est esse potentix, & dicitur præcipue esse per creationem ex ea parte qua non præsupponit aliquod subiectum ex quo fiat, non ex ea parte qua habeat esse absolutè, & simpliciter, hoc enim non habet nisi dependenter à forma, & hac ratione dicitur conuari, vt ex D. Thom. locis cit. constat, scilicet ratione esse per formam habiti, non absolutè in se.

*Ad instantias* adductas à P. Vazquez respondetur ad id quod dicit compositum fieri ex aliquo, scilicet ex partibus: & sic non fieri ex nihilo, iam respondimus non fieri ex aliquo vt principio transmutationis, sed ex aliquo vt intrinsecè constituyente, quod non tollit creationem, neque compositum fieri ex nihilo vt ex termino à quo cum pars constituens solum teneat se ex parte terminat ad quem.

*Ad instantias* quas affert ad probandum materiam creari primo, & per se, respondetur materiam fieri ex nihilo non vt habens esse, sed

sed ut pars potentia ad formam rei habentis esse, non est autem inconueniens, quod materia mutetur in esse actuali sicut mutatur in informatione transeundo de priuatione ad actum, & de vna forma ad aliam, & consequenter de vno esse ad aliud, quod non est corrumpi nisi per accidens, & quantum ad successionem in esse, non quantum ad totalem desitionem, quia ipsa entitas materię est capax existendi per quamcunque formam ex his, quas potest recipere, vnde esse modo sub vna forma modo sub alia, non est totaliter desinere, & amittere esse, sed transmutare illud relinquendo vnum modum inadęquatū essendi, & acquirendo alium intra spheram suarum formarum a quibus habet esse sicut si humanitas mea modo assumeretur a persona diuina acciperet aliud esse, & subsistere, non tamen corrumpetur quia ita exueret proprium esse, quod subrogatur aliud loco illius. Et vno verbo, amittere esse adęquatę, & totaliter est corrumpi, amittere esse inadęquatę, & cum subrogatione, & successionē alterius, non est desinere, nec corrumpi. Nec similiter generans, quod inducit formam in materiam dicitur producere, aut generare materiam, licet faciat illam existere, non enim facit materiam quantum ad potentialem suam entitatem quę est propria entitas materię, neque ex aliquo subiecto educit, sicut requiritur ad generationem, sed educendo formam ex illa, transmutat eius esse, & ita non facit illam absolute existere, eo quod entitas materię non est limitata ad esse vnius formę, sed est capax habendi esse sub quacunque forma, &

& ideo transmutans formas in materia non dat materiæ esse absolutè , sed transmutatiue de vna forma ad aliam , sicut existens in loco quantumcunque mutantur superficies dicitur manere in eodem loco , quia habet eundem effectum existendi in loco prouenientem à diuersis superficiebus successiue , quarum vna subrogatur alteri in locando ; & animal dicitur habere idem corpus licèt diuersæ partes succedant quia sub eadem forma , & dispositione , & ordine succedunt. Sic licèt materiæ succedant diuersa esse inadæquate ex diuersis formis , quia tamen succedunt in ordine ad conseruandum eandem entitatem potentialem materiæ , est capax omnium formarum , ideo permanet eadem entitas materiæ sub diuersa successione existentia , & esse formarum , & ideo generans tales formas , licèt communicet materiæ effectum formalem , & esse formæ non tamen dicitur materiam corrumpere , aut generare , quia non primo , & adæquate dat esse , sed conseruat entitatem eius in successione diuersi esse : sicut è contra qui diuersas partes materiæ successiue aggenerat animali , licèt diuersum corpus materialiter tribuat , non tamen dicitur generare illud , sed sub eodem corpore conseruare . Nec tamen , quia materia fit à Deo sub forma dicitur fieri ex illa , vt ex subiecto , sed dependenter ab illa vt ab actu . Quare nullo modo potest creatio materiæ assimilari creationi animæ rationalis , quia anima fit vt habens in se esse , & subsistens independenter à materia licèt communicabiliter materiæ , & quia communicabiliter , non suppositaliter , materia autem non fit , vt habens esse inde-

dependentē à forma, sed vt recipiens à forma.

*Ad rationem dubitandi*, à principio ad probandum, quòd subiectum generationis, quantum ad inhæSIONEM non sit res generata respondetur ex dictis, quòd subiectum mutationis non est subiectum inhæSIONIS sub eadem formalitate, & ratione, est enim subiectum mutationis quatenus est in potentia ad aliquam formam, est verò inhæSIONIS non solum vt recipit, sed vt est in actu dans esse, & sustentans in esse formam inhærentem; Vndè cum ratione materiæ substantia sit in potentia ad formas substantiales ratione totius habet existentiam, ita quòd ipsa materia secundum se eam non habet, sed prout in toto, inde fit, quòd ratione sui sit subiectum mutationis non verò sit subiectum inhæSIONIS, nisi mediante toto in quo solum habetur existentia, & ratio sustentandi in esse, vt dicemus infra quæstione 9. hoc autem non est res quæ corrumpitur, quia definit esse, ergo res quæ generatur.

*Sed instabit*, nam subiectum formæ eductæ, vel vnitæ, non solum quoad mutationem, sed etiam quoad informationem est materia, non compositum, ergo & subiectum educationis, seu generationis. Antecedens est certum, quia id quod est informabile à forma substantiali non est nisi materia prima, illud autem dicitur subiectum formæ quod est informabile ab ea. Consequentia tenet, quia actio identificatur cum termino: ergo quod est subiectum termini seu formæ erit subiectum actionis ad illam.

*Confirmatur*, quia in alijs motibus in eo subiecto est actio vbi est terminus, quia subiectum

Etum in quo inhæret mutatio debet esse commune utrique termino mutationis, ergo cum subiectum utriusque termini seu formæ quæ generatur, sit materia prima, illa enim recipit utramque formam, illa etiam debet esse subiectum generationis, quantum ad inhæsionem. Denique faciunt adhuc authoritates S. Thom. ut in 1. de generatione lect. 10. & 8. Meta. lect. 1. part. quæst. 45. art. 2. ad 2. & q. 3. de pot. art. 2. ad 4. & in dist. 12. q. 1. ad 2. Vbi perpetuo assignat pro subiecto proprio susceptiuo generationis, & corruptionis materiam primam.

*Respond.* negando consequentiam quantum ad subiectum inhæsionis: & ad probationem responderetur, quod actio identificatur cum forma, distinguo; inadæquate tanquam cum termino formali concedo, adæquate, & tanquam cum termino totali, nego. Itaque retorqueri potest argumentum, nam generatio identificatur cum termino totali; terminus totalis est compositum, ergo generatio est in composito, & non in sola materia, & sic subiectum inhæsionis non erit subiectum formæ, cum qua identificatur generatio, tanquam cum termino formali tantum, sed subiectum generationis quantum ad sustentationem in esse erit ipsum totum cui directè conuenit esse sustentium, materia autem prima erit subiectum quo recipiendi, non subiectum, quod sustentandi.

*Ad confirmationem respond.* quod in alijs mutationibus subiectum, quod mutatur est ipsum compositum, seu ens completum, & in actu, eo quod mutationes illæ sunt ad accidentia,

tia, & ideò idem est subiectum inhæſionis, & mutationis. Quod ſecus accidit in generatione ſubſtantiali, quæ eſt ad formam ſubſtantialem, ubi non poteſt assignari ſubiectum inhæſionis, & mutationis ſub eadem formalitate, ſed ſubiectum inhæſionis eſt ipſum totum ſecundum quod induit eſſe ſubſiſtens, & ſuſtens, eſt autem ſubiectum mutationis ratione materiæ, cuius potentialitas mutatur ad formam. Nec oportet manere vtrique formæ, ſeu termino commune ſubiectum inhæſionis, ſufficit, quòd maneat ſubiectum commune mutationis, licet actio inhæreat in composito, in quo eſt tale ſubiectum mutationis, quia materia prima non eſt ſufficiens ſuſtentare accidentia, niſi dependenter à toto. ut ſubiecto quod; hoc enim eſt inhærerere illi, ut latius dicemus q. 9.

*Ad authoritates D. Thom. reſpond.* loqui de ſubiecto generationis, ut mutatio eſt, non de ſubiecto inhæſionis, excludendo compositum imò expreſſe in citato loco quæſtionis tertie de potentia art. 3. ad 4. docet, generationem ſecundum rationem mutationis eſſe in materia prima, ſecundum verò relationem eſſe in composito, ut ſupra retulimus.

## ARTICVLVS VI.

*Utrum in generatione ſubſtantiali fiat reſolutio  
omnis formæ uſque ad materiam  
primam.*

**R** eſolui uſque ad materiam primam, idem eſt, quod ſpoliari materiam primam om-  
*Phil. Nat. Pars III. E ni*

ni forma, tam substantiali, quam accidentali quando fit generatio. Et inquirimus an tollatur à materia omnis forma, tam substantialis, quam accidentalis quando aliqua de nouo introducitur, quod alijs verbis etiam inquiri solet, an, videlicet, eadem accidentia, quæ erant in corrupto maneant in genito. Et quidem de resolutione omnis formæ substantialis in præfenti non tractamus, sed supponimus totaliter spoliari materiam forma substantiali, quando fit generatio; eo quòd in composito non sunt plures formæ substantiales, vt ostendemus in q. 1. de anima; vnde exclusa vna forma substantiali, vt altera introducat, omni forma substantiali præcedente spoliatur.

*De resolutione*, ergo omnis formæ accidentalis difficultas est. Nam ex vna parte videtur non posse omnia accidentia corrumpi, sed in instanti generationis debere permanere, tum quia in illo instanti debent esse dispositiones, vt reddant materiam dispositam, & determinatam ad hanc formam potius, quam ad aliam, aliàs maneret materia indifferens, & indeterminata ad talem formam. Similiter debent manere in illo instanti accidentia, quæ se habeant tanquam virtus ipsius generantis, si generans non sit illi coniunctum, oportet enim in illo instanti procedere generationem ab aliquo effectiue, non à generante, quia, vt supponimus, non est ibi, non à virtute generantis, vel coeli, aut alterius agentis, ibi relicta, quia virtus hæc subiectatur in re, quæ corrumpitur: ergo si desinunt omnia accidentia in illo instanti, perit etiam illa virtus: tum etiam, quia est specialis ratio de aliquibus acci-



videntibus quæ omninò à materia euelli non possunt, v. g. quantitas, quæ sequitur ipsam materiam, sicut qualitas formam, & mediante quantitate, redditur materia diuisa, & indiuiduata; constat autem in instanti generationis supponi materiam indiuiduam, & ab alijs materijs separatam: ergo habentem quantitatem per quam fit ista diuisio; quod specialiter vrget in homine, in quo quantitas non potest subiectari, nisi in sola materia, quia forma est spiritalis: ergo quantitas materiæ non euacuatur, quando producit homo, & consequenter, neque videntur tolli alia accidentia quæ mediante quantitate subiectantur in substantia; tùm denique est difficultas de aliquibus accidentibus, quæ non videntur competere rei genitæ, nisi maneant in ipsa materia, sicut videmus in cadauere manere eandem cicatricem, eundem colorem nigrum, eadem signa, &c. Aliquando etiam manet calor intra viscera an malis mortui, qui non potest generari à suo corrumpente, præsertim quando suffocatur ab aqua, neque enim aqua potest generare calorem. Similiter, si animal sursum impulsus moriatur in aere, non cessante impulsu, non potest in cadauere generari ille nouus impulsus, quia non potest produci à generante ipsum cadauer, cum tale generans non habeat vim impulsuam, cum non sit viuens, ergo ista accidentia non extrahuntur ab ipsa materia, nec alia ei similia producuntur, quia non est causa à qua producantur.

Ex alia verò parte obstant duo principia satis nota apud D. Tho. scilicet, quòd accidentia subiectantur in toto, quo pereunte pereunt

accidentia ; & secundò , quòd materia recipit formam substantialem , prius quàm accidentialem , ergo , exuta forma substantiali , exiit omnia accidentia ante recepta , alias manerent aliqua recepta immediate in ipsa materia , ante formam substantialem .

Hinc est , quòd ista difficultas maximè pendet ex alia infra tractanda , quaest. 9. an , videlicet , subiectum accidentium sit sola materia , vel ipsum compositum . Qui enim tenent materiam esse immediatum subiectum accidentium , consequenter dicunt non oportere in introductione formæ substantialis resolui omnia accidentia ; & ita tenet hanc sententiam P. Suarez disp. 14. Meta. sect. 3. vbi plures cit. ex antiquis , & plures etiam referuntur pro hac sententia à Cohinb. 1. de gener. cap. 4. q. 18. art. 1. præsertim ex nominalibus , vt Gabr. Ocham , Gregorius . Videri etiam potest Murcia , disp. 1. de gen. q. 5. & alij ex recentioribus .

*Nihilominus* sententia S. Thom. est , in generatione substantiali , fieri resolutionem accidentium , ita vt nullum , quod erat in corrupto relinquatur in genito , sed de nouo producat . Constat hoc ex ipso D. Thom. 1. p. q. 56. vbi inquit : *Impossibile est , quòd aliqua dispositio accidentalis cadat media inter corpus , & animam , vel inter quamcunque formam substantialem , & materiam suam .* Et hoc ibi probat ratione statim adducenda . Idem docet lib. 1. de gen. lect. 10. vbi inquit . *Non manere idem numero accidens , sed id , quod prius erat corrupti per accidens corruptione subiecti , & aduenire simile accidens consequens forma de nouo adueniente .* Et videri etiam potest , quaest. de spiritalibus

libris creaturis, art. 3. ad 19. & quæst. de anima, art. 9. ad 5. Eandem sententiam communiter sequuntur Thomistæ, Caietan. Sencinas, Capreol. Bannez, & alij, quos citant, & sequuntur Cohimbr. de Generatione, cap. 4. q. 18. art. 2. Carmelit. lib. 1. de generatione disp. 3. q. 6. Fonseca 5. Met. cap. 28. q. 20. sect. 2.

*Fundamentum* est illud duplex principium, supra insinuatum. Et quidem primum, scilicet, quod ipsum totum, & non sola materia sit subiectum accidentium infra q. 9. probandum à nobis est: ibi videatur.

*Secundum* principium, quod ponitur à D. Th. ubi supra, est quia materia, licet sit susceptiva formæ substantialis, & accidentalis, tamen ordine quodam recipit illas, eò quod ipsæ formæ inter se ordinatæ sunt, & vna essentialiter supponit alteram, sicut gradus vegetatiuus supponit sensitium, & actus intellectus supponit potentiam, sic esse accidentale supponit substantiale, tanquam naturaliter illi coordinatum, & ab eo dependens, esse autem substantiale datur per formam substantialem.

*Quod* ut radicatus percipiatur distinguendum est de accidentibus, quæ sunt propriæ passionēs, & quæ sunt communia. Si sunt accidentia propria certum est, quod non inhærent materiæ, neque illi vniuntur, nisi mediante forma, eò quod non conueniant materiæ, nisi ut dimanantia à forma, non dimanant autem à forma, nisi ut vnita materiæ, quia non dimanant ab ea, nisi ut habente esse, habet autem esse forma, quando est in materia, vel quia dependet ab illa, vel quia creatur in illa, ergo prius est forma inesse materiæ, & illi dare

esse, quàm materiam recipere accidentia dimanantia ab illa, & ita calor in igne productus non potest esse idem numero, qui erat in ligno, quando disponebatur ad ignem, quia iste dimanat à forma ignis introducta. Si verò accidentia sint communia, vel possunt dici communia, quia licet dimanent à forma, dimanant tamen secundum gradum communem, non secundum ultimam differentiam, sicut quantitas dimanat à gradu corporis, qui est communis omnibus, tam elementis, quàm mixtis, & de his accidentibus eadem ratio est, atque de proprijs, quia, ut aduertit D. Thom. 1. p. q. 76. art. 6. ad 1. sicut dantur diuersi gradus vnius, & eiusdem formæ, ita consequuntur vnumquodque genus, seu gradum sua propria accidentia. Quare ista accidentia, prout sic dimanantia, & consequuta, necessario supponunt formam in materia, ut ad eam consequantur, non verò ipsa prius ponuntur in materia, quàm forma ad quam consequuntur.

*Si verò* sint accidentia communia, & nullo modo dimanent à forma, sed fortuito conueniunt alicui, & tanquam non per se connexa, adhuc talia accidentia non remanent in materia, nec illi conueniunt ante formam. Primum quidem, quia illa accidentia non determinant materiam ultimo, neque disponunt ad introductionem formæ, cum non habeant connexionem per se cum forma, ergo non est ratio, cur ponantur in materia ante formam substantialem ad quam est immediatus ordo materiæ, quia materia est potentia substantialis, & ideo immediate respicit actum substantialem. Vnde si dispositiones per se requisitæ, &  
de,

determinantes materiam , non prius recipiuntur in illa,quàm forma, multo minus accidentia non per se connexa .

*Deinde* quia habitudo materiæ ad formam substantialem est immediata, & essentialis, antequam respiciat accidentalem , quia materia est potentia substantialis , cuius immediatum, & per se correspondens debet esse actus substantialis; ex ordine enim ad actum denominatur, & constituitur potentia . Vnde non solum materia respicit formam substantialem , tanquam principalem ordine intentionis, accidentalem, autem ordine executionis, vt Pater Suarez dicit vbi supra num. 56. sed formam substantialem respicit quasi immediatum specificatum , & ita debet respicere illam, vt prius intentione, non solum prius intentione, sed etiam executione, quia, quod essentialiter, & primario terminat habitudinem prius attingitur in executione , quàm secundarium , quia prius essentia constituitur in executione, & non solum in intentione quàm id, quod secundarium est . Et præsertim , quia accidens dependet à substantia in existendo , quia sua substantia per se existit , accidens autem inexistit , & inhæret, quod autem est prius in ordine existendi est prius ordine executionis, & non solum intentionis, executio enim respicit esse existentis, & ita cum forma substantialis det materiæ esse substantiale , consequenter dat esse in ordine , & linea existendi , quod est prius ordine inhærendi, & consequenter , si ordo executionis est ordo existendi etiam in hoc ordine debet esse prior forma substantialis , quàm accidentalis .

*Et hinc*, est, quòd, quia accidens dependet à

Substantia secundum ordinem existentiae, valde assimilatur dependentiae à causa efficienti, quatenus causa efficiens praesupponit esse, ut ab ea dependeat effectus, & ideo Deus, media efficientia sua, supplere potest dependentiam actuale accidentis à substantia sustentante, quia in hoc idem potest facere efficiens, quod sustentans. Quare materia remota forma substantiali, non potest retinere accidentia, & ideo non transeunt eadem numero de corrupto ad genitum, existendo immediatè in materia.

*Dices* sufficere ad sustentanda accidentia esse partiale, quod habet materia, atque adeo, licet dicat ordinem primò, & per se ad formam substantialem, adhuc sufficiens esse maneat in materia ad sustentanda accidentia praesertim, quae dimanant ab illa, ut quantitas, vel accidentia communia.

*Secundò* non sequitur corrumpi accidentia licet mutetur forma, & esse substantiale, quia subrogatur loco eius aliud aequè bene sustentans tale accidens in esse, qua ratione diximus supra materiam primam non perire adueniente noua forma, licet mutetur eius esse, quia subrogatur aliud aequè bene praebens esse materiae.

*Ad primum respondetur*, non sufficere illud esse partiale materiae ad sustentanda accidentia, tum quia materia non habet esse partiale, sed tantum esse accipit à forma, eo quod forma dat esse substantiale, atque adeo primum esse, quod substat alijs, aliàs non esset substantiale, non ergo supponit aliud prius in materia; tum quia, dato quod haberet esse partiale, adhuc non posset sustentare accidentia, nisi de-

dependenter à toto, seu composito tanquam existente ut *quod*, unde ipsa materia solum est principium sustentandi accidentia ut *quo*, remoto autem, vel destructo principio, *quod*, & non subrogato alio supplente in omnibus vices eius, principium *quo*, neque agit neque recipit. Falsum est autem, quod quantitas dimanat à sola materia siquidem dimanat à gradu corporeitatis, quem præbet forma, & sic iuxta diuersas formas videmus variari quantitates, aliàs si eadem quantitas semper inesset materiæ, fortius, & intimius vniiretur accidens materiæ, quàm forma substantialis, quæ variatur, cum tamen materia prius essentialiter respiciat formam substantialem.

*Ad secundum dicitur*, non subrogari accidenti aliud æquiualeus, quia subiectum diuersum non potest continere idem numero accidens quod aliud subiectum, quia vna causa naturalis non continet effectus alterius totaliter etiam quoad omnem indiuiduationem; sola enim causa prima potest id totaliter continere, & supplere propter omnimodam subordinationem causæ secundæ ad primam in omni ratione entis, de quo diximus, q. 12. Physicor. & dicemus infra q. 12. Et hac ratione Deus sustentans accidens extra subiectum conseruat illud idem numero. At verò materia subrogatis diuersis formis conseruatur eadem numero, quia quælibet forma inadæquate respicitur à materia, & omnium illarum est capax, ut à quælibet conseruetur, accidens verò non respicit plura subiecta, sed adæquate ab vno sustentatur, & indiuiduatur.

*Ad primum*, à principio de dispositionibus

determinantibus materiam, & efficientibus generationem in ultimo instanti dicemus sequenti articulo, quia de hoc est specialis difficultas.

*Ad secundum respond.* quod quantitas non sequitur materiam inhaesive, & dimanatiue, sed solum sequitur materiam, ut est sub forma, & ut accipit ab illa gradum corporeitatis, cuius proprium accidens est quantitas, ut S. Tho. docet sup. 1. p. q. 76. Dicitur autem quantitas sequi materiam, sicut qualitas formam, tum propter similitudinem, tum propter generalitatem; propter similitudinem quidem, quia materia est pure passiva, similiter quantitas nullo modo est actiua; propter generalitatem autem, quia tam generalis est quantitas materiae, sicut gradus corporeitatis, nulla autem materia reperitur, sine corporeitate, & nulla sine quantitate.

*Quod verò,* dicitur materiam indiuiduari per quantitatem, & debere supponi indiuiduum in instanti generationis, resp. materiam non indiuiduari per quantitatem substantialiter, sed per propriam incommunicabilitatem, quantitas autem solum concurrit, non tam ad rationem indiuiduationis, quam ad eius multiplicationem, & diuisionem, hæc enim fit per quantitatem, & se habet ut conditio diuidens, & requisita necessario, ut eius diuisione posita, non ab ipsa, sed à substantia, seu materia sub quantitate diuisa resultet diuersa indiuidualitas substantialis, ut dicemus inf. q. 9. agendo de principio indiuiduationis. Hanc autem quantitatem, qua indiuiduatur, & indiuiduat materia, sufficit, quod in instanti generationis habeat,  
prio-



prioritate causæ formalis à forma, prioritate dispositivæ causæ, & materialis à materia, non verò requiritur, quòd ipsi materiæ sit cœua, eique perpetuo inhæreat, quod ibi latius explicabitur. Nec hoc habet specialem difficultatem in homine, quia, licet forma eius entitativè sit spiritualis, informativè tamen, & virtualiter est corporea, & ut *quo* quatenus præbet gradum corporeitatis à quo sequitur quantitas sicut, & alia accidentia corporea. Et sic ipsum totum, quod resultat, simpliciter est corporeum, scilicet, homo, atque adeò capax quantitatis ut *quod*, principium autem recipiendi quantitatem ut *quo* est ipsa materia, ut subest. formæ, quatenus dat gradum corporeitatis.

*Ad secundum respond.* illa accidentia, quæ remanent in genito non esse eadem numero, quæ in corrupto, sed similia, ut expresse docet S. Th. 1. de gener. lect. 10. eo quòd aliquæ formæ habent talem symbolizationem, & affinitatem, ut perant similia accidentia præsertim in principio suæ, generationis, quando nondum omnem suam perfectionem obtinent, & inter istas formas est facilis transmutatio, sicut embrionis in animal, animalis in cadauer, & sic cum sint formæ viales, & tendentes ad ulteriorem formam petunt similitudinem in accidentibus.

*Aliquando* autem generans producit accidens simile ei, quod erat in corrupto propter necessitatem materiæ ex qua fit generatio. Pro quo notandum est, quòd formæ, quæ generantur, aut quando de nouo fit augmentatio, vel nutritio, licet accidentia propria, siue proprias passiones non habeant ex materia, multa tamen accidentia communia sortiuntur ex determi-

natione materiae, in quam introducitur forma, quia accidentia communia non emanant à forma, sed à generante præbente illa, iuxta occurrentem materiam, & circumstantias, sicut patet, quod à generante præbetur ubi, & situs etiam cum aliquid generatur extra proprium locum tanquam accidens commune, & mutabile; cum autem generans ita agat in passum quod etiam repatitur ab illo ut infra dicemus q. 5. nec perfecte vincit passum in omnibus, oportet quod in ipso genito producantur accidentia aliqua à generante non absolute ut est in se, sed ut modificato, & temperato per reactionem passi, ab illo enim determinatur generans ad producendum aliquas qualitates quas ex se solum non produceret, unde quando aqua, vel ignis, aut ferrum interficit animal, & generatur forma cadaveris, siue ab ipsis, siue à coelo, ut à principali agente, tunc illa accidentia communia producuntur, quæ iuxta passi resistantiam, aut exigentiam, generans potest producere, & ita aliquando producit calor in visceribus animalis, licet ab agente frigido introducatur forma cadaveris, eo quod illud agens frigidum licet per se, & directe solum producat frigus, tamen ut repatitur à calido, quando interficit animal imbuitur qualitatibus calidi, & sic etiam aliquid caloris producit cum forma cadaveris: aliquando verò talis calor producit per antiperistasis, seu circumobstantiam contrarij & à coelo, ut introducente formam cadaveris, tanquam à causâ per se. Quid sit antiperistasis dicemus q. 5. Et eadem ratione videmus nutritivam generare aliquando alimentum cum alienis qua-

qualitatibus, & nociuis propter repaſſionem à materia, quæ ſuis qualitatibus imbuunt nutritionem, & ſimiliter generari animal cum alijs qualitatibus, licet ſemen ſit bonum propter infectionem ſanguinis, qui eſt materia. Sic ergo agens, ſeu generans non ſolum conſiderandum eſt quid poſſit generare ex ſe, ſed quid poſſit iuxta modificationem, quam habet ex reſiſtentia paſſi, ſeu reactione, & ſecundum virtutem, quam inde participat, & ſimiliter ſecundum virtutem, quam habet à cœlo, & ab alijs circumſtantibus à quibus omnibus determinatur, vel accipit vim producendi aliqua accidentia communia iuxta exigentiam materiæ in qua operatur, atque adeò poteſt generare ſimilem colorem; cicatricem, & ſimiliter impulſum, & alia ſimilia non vi ſua de nouo impellendo, ſed continuando impulſum quatenus ex corpore impulſo generatur cadauer, & ita virtus impreſſa ab impellente ipſi animali, quod corrumpitur cum in corrumpente non inueniat diſpoſitionem contrariam, à qua extinguitur determinat ipſum corrumpens, & communicat illi vim continuandi ſimilem impulſum in cadauere. Nec obſtat, quòd ſenſus nullam in hoc ſentit mutationem, nec enim ad ſenſum pertinet iudicare de mutatione indiuiduali, quæ fit ex ſola corruptione ſubiecti, quando ſubrogatur illi accidens eiſdem ſpeciei, ſed tunc, quando alteratur, & mutatur accidens ſine alterius ſimilis ſubrogatione.

*Sed adhuc obijcies D. Thom. 4. cont. Gent. cap. 81. dicentem, quòd materia hominis poſt eius mortem, quæ tali formæ fuit ſubiecta manet ſub eiſdem diſpenſationibus ex quibus habet*  
bas,

*Est, ut esset materia individualis, ergo non denudatur materia omni accidente saltem quantitate, per quam sigillatur, & determinatur, ut sit hæc individua materia. Et confirmatur, quia dispositiones antecedentes non habent contrarium à quo corrumpantur; non per subsequentes, siquidem sunt eiusdem rationis cum illis, ergo manent. Nec dici potest, quod per defitionem subiecti desinunt; nam contra est, quia dispositio ultima, cum annexa sit ipsi formæ genitæ, non corrumpitur per eius destructionem, cum potius tunc generetur; dispositio autem infra ultimam est compatibilis cum subiecto corrumpendo, ergo non desinit ex sola defitione subiecti, sed à contrario hoc autem non datur, quia ultima dispositio non est contraria illi antecedenti, quæ est infra ultimam, sed est eiusdem speciei, v. g. calor ut octo cum calore ut septem.*

*Respond. D. Th. intelligi, quod manet materia cum eisdem dimensionibus radicaliter, quatenus materia est radix earundem dimensionum, non formaliter, quia non manet eadem quantitas, nec sub eadem forma, manet tamen in materia ordo ad eandem formam, idest ad animam, ut recuperandam per resurrectionem diuinitus, & sic manet eadem dimensio radicaliter. Quod confirmat ibidem S. Tho. dicens, quod corporeitas est duplex, alia substantialis, scilicet ratio corporis de genere substantiæ, quæ non est aliud, quam ipsa forma, alia accidentalis, quæ est species quantitatis quæ est corpus. Et de hac subdit S. Thom. *Quod licet cedat in nihilum corpore humano corrupto, tamen non impedit quod idem homo numero**

*resurgat, quia manet eadem corporeitas, eadem manente forma hominis.* Sentit ergo D. Tho. quòd non manet eadem dimensio quantitativa in materia hominis, sed idem ordo ad formam humanam unde habebit easdem dimensiones, quia habebit eandem corporeitatem. Alia loca D. Tho. ex q. 7. & 9. tertiæ partis explicabimus articulo sequenti.

*Ad confirm. respond.* dispositiones antecedentes non corrumpi ab vltima dispositione directè tanquam à contrario, sed indirectè, & per accidens, quia introducunt formam impossibilem præcedenti, & consequenter destruitur subiectum talium dispositionum antecedentium, & sic ipsæ desinunt ad destinationem subiecti in quo erant: non est autem inconueniens, quòd per accidens, & indirectè aliquid corrumpatur à suo simili, destructo fundamento eius, cui innitebatur.

## ARTICULVS VII.

*Quomodo vltima dispositio causetur, vel cause generationem substantialem?*

**S**Vpposita sententia in articulo præcedenti explicata, quòd forma introducitur in materiam denudatam omni forma, tam substantiali, quàm accidentali, duplex vrget difficultas in præsentì articulo pertractanda. Primò, quomodo vltima dispositio possit causari ad modum, quo cæteræ antecedentes causatæ sunt, aliæ enim in ipso subiecto, quod corrumpitur introducuntur, vltima autem dispositio, si in ipso subiecto causaretur, cum ipso  
 491-

corrumperetur, & sic non coniungeretur formæ substantiali, quæ de nouo generatur. Si autem producitur vltima dispositio in subiecto, quod de nouo generatur, tunc non produceretur per alterationem, sicut cæteræ antecedentes, & sic non continuabitur cum illis, & consequenter non erit causa corrumpendi formam, & disponendi materiam vltimatè ad introductionem formæ, siquidem non existit in subiecto ante generationem formæ substantialis, & consequenter non expellit formam corruptam, neque materiam ipsam disponit vt recipiat formam de nouo; siquidem post ipsam formam talis dispositio conuenit subiecto, quidquid autem infra talem dispositionem est compatitur cum forma corrupta, & sic non expellit illam.

*Secunda* difficultas est, quomodo vltima dispositio possit causare formam, quæ de nouo generatur, siue effectiue, siue materialiter, siquidem dispositio illa transit cum subiecto quod corrumpitur, cum in solâ materia nulla non remaneat, supposita sententia explicata articulo præcedenti, & infra quæst. 9. explicanda, quod accidentia non subiectantur immediatè in materia prima, & sic non transeunt de corrupto ad genitum, ex quo fit, quod vltima dispositio non potest materialiter determinare materiam, siquidem non inhaeret, nec afficit illam. Similiter etiam non potest effectiue attingere ipsam formam, quia consequitur post ipsam in subiecto, ergo non potest effectiue illam generare, & sic generabitur forma à dispositione remota effectiue, quæ est minor ipsa vltima, quod stare non potest, quia

com-

compatitur cum forma corrupta, nec habet perfectam, & ultimam virtutem, quæ ultimo ordinetur, & connectatur cum forma genita, ergo non potest in illam influere effectiue.

*Et argetur* amplius, quia si ultima dispositio non efficitur à generante in subiecto corrumpendo, sed in ipsa re genita, ergo in instanti generationis prius efficeretur ipsa forma substantialis, & mediante ipsa emanabit ultima dispositio tanquam accidens illius, ergo non est virtus efficiens ipsius generantis respectu formæ substantialis, cum potius ab ipsa forma emanet. Similiter in instanti generationis debet præsupponi materia præparata, & disposita, vt introducatur forma, sed tunc materia denudatur omni accidenti, & dispositione, ergo omni effectui formali accidentis disponentis, & determinantis materiam, ergo non remanet materia determinata, & disposita neque formaliter, neque virtualiter; non formaliter, quia nulla forma disponens tunc est; non virtualiter, quia nulla alia forma remanet in cuius virtute contineatur illa dispositio, nisi solum quædam connotatio extrinseca, quod immediate antea fuerit dispositio non ultima, quia ultima non fuit in tali subiecto; hoc autem non sufficit, vt materia dicatur intrinsece, & realiter determinata, & disposita.

*Denique* est generalis difficultas quomodo in illo instanti dispositiones possint operari effectiue, quia præcedentes tunc non sunt, sed desinunt esse, subsequentes autem efficiuntur tunc, ergo non efficiunt ipsam generationem. Et dato, quod tunc existant, non possunt agere effectiue in subiectum in quo sunt, vt docet

Et S. Thom. 1. 2. quæst. 85. art. 1. ad 4. Nec ipsum subiectum agit per illas, quia aliàs eadem pars ageret, & pateretur, esset mouens, & mota.

*Difficultates istæ* parum vrgenteos, qui tenent accidentia subiectari in materia immediata, & consequenter ea, quæ sunt in corrupto posse manere in genito, & sic facile concedunt dispositionem vltimam immitti à generante in ipsam materiam, quando est sub forma corrupta, & si sic; præparare materiam per dispositionem vltimam, quam habet ante formam, & consequenter ab ipsa forma non dimanare vltimam dispositionem, pro qua sententia plures citantur à P. Suarez disp. 14. metaph. sect. 3. Cæterum, quia multi alij existimant subiectari quidem accidentia in materia sola, præsupponendo tamen prius vnionem ad formam substantialem vt Conimb. 1. de generatione cap. 4. q. 4. & probabile reputat Suarez loco citato num. 37. & 40. & 60. ideo adhuc locus est in hac sententia, vt dicatur, dispositionem vltimam non dari in materia ante formam substantialem, sed ab ipsa forma dimanare. Vnde ipse P. Suarez tomo 3. de gratia lib. 8. cap. 13. num. 10. licet dicat esse probabilius dispositionem antecedentem non perire in instanti generationis, sed manere in genito; ibique consummari in ratione dispositionis vltimæ, oppositum tamen admittit, vt probabile, sed dicit, quòd in ea sententia oportet respondere, quòd vel vltima dispositio non præparat materiam, sed forma recipitur in materia immediatè, hoc ipso quòd denudatur omni forma, vel si præparat materiam ipsa prout præparans non est à for-



à forma , sed à generante.

Reducitur ergo difficultas ad hoc , an vltima dispositio procedat à forma genita quasi effectiue, & dimanatiue, & tamen præparet, & disponat ipsam materiam , an verò si præparat materiam non procedat ab ipsa forma , sed ab ipso generante, vel denique, an vltima dispositio nullo modo præparet materiam ad formam, sed introducatur in nuda materia, dispositio autem vltima sequatur formam , tanquam dispositio ornans non præparans , & determinans materiam ad talem formam . Quòd si vltima dispositio vtrumque habet, scilicet, determinare materiam , & consequi ad formam , restat videre quomodo id faciat in instanti generationis , & præsertim an dispositio vltima habeat esse virtus effectiua generantis in illo instanti .

*Dico ergo primo* siue accidentia subiectionentur in sola materia, siue in toto composito , dispositio vltima nunquam est simul cum forma, quæ corrumpitur, sed cum illa, quæ generatur. Hæc conclusio tanquam certa in hac difficultate statuenda est . Et probatur quia dispositio vltima expellit formam oppositam à materia, quia vt dicit D. Thom. q. 28. de verit. art. 8. ad vltimum , per calorem in summo expellitur forma aquæ, & ita non sunt simul. Et patet, quia hæc expulsio fit per impossibilitatem dispositionis vltimæ cum forma corrupta , omnes enim dispositiones antecedentes tendunt ad expulsionem, & corruptionem formæ, & ideo opponuntur, & contrariantur illi, ergo vltima dispositio est illa, quæ vltimo postponitur, & sic impossibilis est cum tali forma,

ma, siquidem non restat alia vltior, quæ ad  
expulsionem eius faciat, ergo non est simul cum  
tali forma, quia impossibilitatem habet cū  
illa: Vnde, etiam si accidentia recipiantur in  
sola materia, tamen, quia non potest habere si-  
mul oppositas, & impossibiles formas, non  
potest simul habere dispositionem vltimam,  
& formam corruptam. Et sicut forma genita,  
vt formaliter expellat corruptam non requiri-  
tur, quod simul cum illa sit in materia, aliàs  
duæ formæ essent in illa, sed sufficit, quod coni-  
ungatur illi per successionem, & expulsionem  
non per simultatem, ita vt dispositio vltima ex-  
pellat dispositiue formam corruptam non re-  
quiratur, quod simul existat cum ea, sed quod  
succedat illi expellendo non simul existendo.  
Quod autem dispositio vltima sit simul cum  
forma genita affirmat D. Tho. q. citat. de ve-  
rit. art. 7. ad 11. dicens: *Quod calor consum-  
matus simul introducitur cum forma ignis.* Et  
sumitur ex dictis, quia illa vltima dispositio si-  
cut est impossibilis cum forma corrupta,  
ita est possibilis, & connexa cum forma  
genita, ergo simul est cum illa, nec enim ma-  
teria datur aliquando sine aliqua forma sub-  
stantiali, cum qua sit illa accidentalis.

*Dico secundò.* Dispositio vltima bene com-  
patitur hæc duo, scilicet, quod præparet ma-  
teriam ad formam terminatiue, & consumma-  
te; quod est, non solum dari ad ornatum, sed  
ad præparationem materiæ erga formam, & si-  
militer, quod talis dispositio causetur à forma  
in ordine causæ formalis, & secundum depen-  
dentiam in esse. Vtrumque affirmat D. Th. q.  
28. de verit. art. 8. in fine corporis, & in 4. di-  
stinct.

Dist. 17. q. 1. art. 4. q. 1. & 2. & art. 5. q. 3. ubi affirmat dispositionem ultimam esse effectum formæ in genere causæ formalis, & tamen, procedere ipsam in genere causæ materialis. Sed præsertim videri potest D. Tho. in 3. d. 13. q. 3. art. 1. ubi distinguit triplex genus dispositionis. Vno modo, ita quod cadat medium inter subiectum, & perfectionem illam quasi instrumentum perfectionis illius, sicut diaphaneitas disponit ad lucem. Alio modo disponit aliquid ad formam, sicut præparando materiam ad receptionem formæ, ita, quod præexistat in materia ante formam ordine fiendi non ordine essendi, sicut calor disponit ad formam ignis, non quia medium cadit inter formam, & materiam, sed materia appropriatur ad formam ignis per aduentum caloris. Tertiò modo aliquid disponit ad perfectionem aliquam sicut quod facit ad bonitatem, & decentiam perfectionis sicut decet personæ facit ad dignitatem regiam. Ecce S. Tho. distinguit dispositionem præparantem materiam ad formam à dispositione ornante, & conducente ad decentiam, & in primo ordine ponit dispositionem ultimam, ut calor ad formam ignis, quæ ordine fiendi tantum præcedit, non ordine existendi, seu ut medium existens inter materiam, & formam, & consequenter non prius existens in materia, quam forma.

Explicatur autem conclusio, ostendendo illud duo non esse impossibilia, scilicet dependere, seu causari à forma, & præparare, seu determinare materiam ad talem formam consummative, & terminative, sicut dispositio antecedens, & alteratio ad illam præparat, & disponit materiam inchoative. Quod patet, quia dis-

positio vitima v. g. calor vt octo, & est accidens connexum cum forma ignis, ab illaque dependens in esse tanquam propria passio in eius radice contenta, sicut clarè videmus, quòd ignis genitus habet calorem vt octo, tanquam proprietatem, & secundò habet calor vt octo esse eiusdem rationis, & speciei cum calore vt sex, vel septem qui ante instans, generationis disponebat lignum ad formam ignis, & sic dispositio vltima habet esse terminus, & consummatio caloris antecedenter disponentis. Quod S.Th. apertè fatetur in q. 28. de verit. art. 9. ad 10. vbi inquit: *Quòd ea quæ in instanti fiunt dicuntur fieri & factum esse, quia quatenus illud instans est terminus prioris temporis in quo fiebat, usurpat sibi id, quod priori tempori debetur.* Ergo sentit D. Tho. quòd dispositioni vltimæ in facto esse etiam conuenit esse terminum antecedentis dispositionis, & prioris temporis, & sic eius denominationem usurpat sibi. Igitur dispositio vltima secundum istos duos respectus, seu formalitates potest consequi ad formam, & disponere materiam in diuerso genere causæ, quia enim est accidens impossibile cum forma præcedente, connexum autem, & subordinatum formæ genitæ tanquam proprium accidens illius, necesse est quòd ab ea dependeat, & ad eam lequatur. Quia verò est terminus, & consummatio præcedentis alterationis, per quam materia disponebatur ad formam generandam, ideò per illam vltimam dispositionem terminatiue, & consummatiue materia disponitur, & præparatur. Et sic illa vltima dispositio terminat duplicem actionem generantis secundum diuersam for-

ma.

malitatem, scilicet alterationem in quantum est consummatio, & terminus præcedentis alterationis, generationem autem in quantum est propria passio connexa formæ substantiali, & sic formam substantialem consequitur. Nec est nouum ad vnum effectum concurrere duas actiones secundum diuersas formalitates, sicut sol, & homo ad generandum hominem, vel si datur vna tantum actio scilicet generatio, illa virtualiter continebit vim alterationis præcedentis cuius loco subrogatur complendo ipsam.

*Dico tertio*, Dispositio vltima non est virtus efficienter influens in generationem substantialem neque in corruptionem formæ oppositæ. Est D. Tho. q. 28. de verit. art. 8. ad 5. ex his quæ secundo loco ponuntur, vbi inquit: *Quòd dispositio non facit aliquid ad formam effectiue, sed materialiter tantum in quantum materia per dispositionem efficitur congrua ad receptionem formæ.* Et loquitur de dispositione vltima. Ratio autem conclusionis manifesta est ex dictis, quia dispositio vltima cum sit accidens non potest operari effectiue, nisi vt virtus recepta in aliquo subiecto, & vt inhærens illi, neque enim calor dicitur calefacere, sed calidum, quia non potest operari forma, seu principium quo qualis est calor, seu dispositio vltima nisi operante aliquo principio quod, siquidem principium quo essentialiter est cuius operantis per illud, est enim id quo aliquid operatur, ergo essentialiter supponit principium quod. Si ergo dispositio vltima operatur efficienter generationem, necessario id facit vt recepta in aliquo subiecto, sed non

recipitur in corrupto, quia definit esse, neque in aliquo corpore circumstanti, quia illud non disponitur, neque ex illo generatur res, ergo in ipso genito ut ostensum est, quia ad eius formam consequitur, ergo non potest effectiue attingere ipsam generationem, quia non potest effectiue agere in subiectum in quo recipitur, ut dicit D. Thom. 1. 2. q. 85. art. 1. ad 4. & si posset efficere non tamen generare, quod si recipitur in illo, ut efficiat, iam supponit esse generatum, & existens.

*Si dicatur* influere saltem effectiue in corruptionem formæ oppositæ, contra hoc insiat D. Thom. q. 28. de verit. art. 8. in corpore, ubi ostendit gratiam non posse per actus à se elictos effectiue operari ad remissionem culpæ quod est corruptio formæ oppositæ, sed per informationem subiecti, informando enim expellit formam oppositam non efficiendo, & ratio est, quia efficientia non est directe ad corruptionem aliàs terminaretur per se primò ad non ens, quod est nihil efficere, sed primò, & per se terminatur ad aliquam generationem, seu ad formam, & secundariò ad corruptionem alterius, ergo, si dispositio vltima non potest effectiue concurrere ad generationem, neque effectiue influet in corruptionem.

*Sed ex hac conclusione* insurgit grandis difficultas, qua virtute generans, quando est absens, effectiue attingat ipsum genitum, nam dispositio vltima ut, diximus, non concurrit effectiue ad generationem dispositio autem infra vltimam non est sufficiens ad producendam formam genitam, v.g. calor ut septem ad producendam formam ignis, tùm quia non potest

test producere calorem vel octo cum sit illo inferior, ergo neque formam ignis, cum quia illa dispositio antecedens subiectatur in ipso corrupto, quia compatitur cum eius forma, ergo in ipso instanti generationis non existit, ergo neque effectiue operatur. Nec potest dici quod manet virtualiter aut quod illa dispositio antecedens continuatur cum forma genita ut significat D. Thom. 3. p. q. 8. art. 13. ad 2. dicens: *Quod dispositio quæ via generationis præcedit, naturaliter perfectionem sequitur, quam aliquis iam consequutus est sicut calor qui suis dispositis ad formam ignis est effectus profluens à forma ignis*; & cum sit. 9. art. 3. ad 1. dicit: *Quod per calorem disponitur materia ad suscipiendam formam ignis, quæ tamen adueniente calore non cessat, sed remanet quasi quidam effectus talis formæ*. Contra hoc instatur quia si ita est non fiet in generatione substantiali resolutio usque ad materiam primam quia illa dispositio præcedens continuatur cum forma genita, & sic manet in materia, vel saltem manet aliqua virtus in qua virtualiter continetur illa dispositio, & hæc virtus aliquod accidens est. Ad hoc ergo.

*Dico quarto* virtus generantis, quæ effectiue operatur ut decisa, & diffusa ab ipso generante tanquam instrumentum illius non est dispositio vltima, sed cum dispositionibus antecedentibus inuenitur, & in instanti generationis non operatur effectiue, ut existens in subiecto corrupto, neque in subiecto genito, sed in parte propinquiore ipsi rei genitæ. Supponit hæc conclusio, quod generans dupliciter potest se habere erga materiam ex qua gene-

rat, vel enim est illi in distans, & immediatum  
 immediatione suppositi, & virtus sicut ignis  
 est proximus ligno quod comburit, & tunc vir-  
 tus effectiua generantis non est nisi in ipso  
 met supposito generante, scilicet, calore qui est  
 in igne. Aliquando verò generans est distans  
 à materia ex qua generat., & solum est imme-  
 diatum illi per suam virtutem sicut sol cum  
 generat herbam, & animal quod mediante fe-  
 mine generat aliud., & tunc etiam datur virtus  
 effectiua diffusa; & decisa ab ipso agente tan-  
 quam instrumentum ipsius, vt dicit S. Thom.  
 quæst. 2. de potent. art. 11. ad 9. & alijs pluri-  
 bus locis, & nos probauimus q. 12. Phisic. De  
 hac ergo virtute diffusa in absentia, vel distan-  
 tia generantis procedit conclusio.

*Et prima pars* dicit quod non est dispositio  
 vltima, sed cum antecedentibus ponitur. Et  
 hoc manifestum est, quia dispositio vltima est  
 effectus conianctus, & annexus ipsi formæ ge-  
 nitæ, ita quod non existit nisi vbi existit for-  
 ma genita sicut calor vt octo non existit nisi  
 vbi forma ignis, ergo non operatur nisi exi-  
 stente forma ignis, ergo non ipsam formam,  
 seu generationem eius effectiue attingit.

*Secunda verò pars*, quod illa virtus effecti-  
 ua non sit in subiecto corrupto quando opera-  
 tur in instanti generationis, constat quia in il-  
 lo instanti non est illud subiectum siquidem  
 corrumpitur, ergo neque est illa virtus, quæ  
 inhæreat illi, quod autem non est, non opera-  
 tur effectiue per se ipsum, per aliquam autem  
 virtutem, non operatur, quia de hac erit eadem  
 difficultas in quo subiecto sit.

*Tertia pars* quod non existat in re genita  
 tan-



tanquàm in subiecto , neque in eius materia constat ex doctrina S. Tho. 1.2. q. 85. art. 1. ad 4. & q. 110. art. 2. ad 1. & quodlib. 10. art. 3. ad 2. ubi statuit dispositionem , seu accidens non agere effectiuè in suum subiectum , sed formaliter actuando illud , ergo dispositio existens in re genita non potest illam generare , vt de se constat , quia sic supponeretur existens ante subiectum , & consequenter deberet esse in alio subiecto : nec potest supponi vt existens in materia , & agere effectiuè in ipsam , & ex ipsa , quia cum accidens non possit operari nisi vt *quo* , & consequenter ipsum subiectum cui inhæret debet operari vt *quod* , idem esset dicere quòd accidens operatur effectiuè in subiectum , ac dicere quòd subiectum operatur effectiuè in se ipsum . Nihil autem se ipsum mouet effectiuè , & multò minus materia prima , quæ nullo modo est actiua , sed passiuæ , ergo non potest accidens existens in materia prima operari in illa effectiuè .

*Quarta pars conclusionis* , scilicet , quòd in casu quo generans est distans à materia quam disponit , & ex qua generat , debet assignari aliqua pars proxima , quæ per virtutem à generante decisam cum dispositionibus antecedentibus effectiuè agat in partem proximiorē , & sic fiat generatio , inde constat , quia nihil effectiuè agit in se ipsum , sed oportet distinguere agens , & passum , partem mouentem , & partem motam , ergo oportet , quòd generatio fiat agente vna parte in aliam quando ipsum generans non est ibi præsens , vt per se ipsum agat . Et hoc etiam benè notarunt Cohimb. in cap. 5. q. 9. art. 2. §. *Quare nostra* ,

*Et si infra* quia pars proximior non habet in se dispositionem ultimam, v. g. calorem ut octo, sed aliquid infra illum, alias esset in ea ignis genitus, & non solum virtus ad ignem generandum, ergo non potest talis virtus inferior producere dispositionem ultimam effectivè. *Respond.* quod illa virtus licet entitativè, & formaliter sit infra calorem ut octo, & infra dispositionem ultimam, virtualiter tamen in quantum instrumentum generantis, à quo est decisa talis virtus habet vim ad attingendum effectivè formam substantialem reagentis, & ipsam dispositionem ultimam illius. Et hoc sumitur ex D. Thom. 1. p. q. 76. art. 4. ad 4. dicente. *Quod in mixto manent qualitates propriae elementorum, licet remissæ, in quibus est virtus formarum elementorum;* cenlet ergo, quod etiam infra calorem, ut octo potest virtualiter manere vis formæ generantis. Itaque calor qui est intra gradum caloris, ut octo non potest per modum causæ principalis producere nisi calorem ut octo, si tamen consideretur, non solum ut calor, sed ut calor virtuosus, id est, ut derivatus ab igne tanquam instrumentum eius ad producendum substantiam similem sibi, & consequenter calorem ut octo, sic operatur illum instrumentaliter non principaliter. Quod si absente, vel destructo generante, virtus illa debilior, & perfectior facta sit, aut egressa fuerit, quam ut possit producere substantiam, si eam producit, id fiet virtute causæ superioris, scilicet cœli, vel causæ primæ suppletis, quod deest de virtute generantis, & sic plures formæ inanimatæ quandoque producantur à cœlo, ut quando cadaver generatur

tur ex iugulatione, vel ex suffocatione, ferrum enim non est productuum directe formæ cadaveris, sed ferri : tamen tollendo dispositiones vitales, v. g. calorem qui est in sanguine relinquit locum cœlo, vt introducat formam cadaveris. Quid autem, sit in virtute illa, quæ est quædam qualitas, esse virtutem substantiæ explicauimus q. 12. Phys. quòd non est aliquid superadditum qualitati, sed tantùm ab ipsa substantia esse deriuatam, & aliquid illius in ordine ad producendum similem substantiam.

*Ceterum* in generatione viuentium specialis difficultas est, quomodo distingatur pars efficiens, & pars effecta, cò quòd viuens, non generatur successiue à parte in partem, sicut inanimata, sed organizato corpore, & integrè disposito tota generatio in instanti perficitur, ideò non apparet, quomodo à parte vicina procedat ipsa forma viuentis, & vltima eius dispositio.

*Sed resp.* ex doctrina D. Th. 1. p. q. 118. art. 1. ad 3. & 4. de potent. art. 11. præsertim ad 3. vbi docet, quòd virtus actiua feminis non est in toto semine, sed in spiritibus qui in ipso semine includuntur, in quo etiam spiritu est aliquis calor ex virtute corporum cœlestium, quorum virtute agunt ista inferiora, & istæ partes spirituosæ feminis agunt in alias, quæ se habent, vt materia, & formant illas, & licèt materia illa corpulenta ex qua fit generatio animalium varietur per diuersas formas, quas vocamus formas embrionis, vsque ad perfectæ formæ introductionem, non tamen destruitur illa pars spiritiuosa in qua est virtus actiua seminalis, nec mutatur vt dicit S. Th. solutione illa ad 3.

precedenti art. citatis, & cum calor adueniens per introductionem formæ profluat ab ipsa forma ut eisdem locis, quæ in contrarium citantur affirmat D. S. non potest loqui de eodem numero calore, quia hic non potest profluere à forma introducta, qui antea præcesserat in subiecto.

*Ad difficultates à principio positas respond. ex dictis.* Ad 1. dicimus solam alterationem quæ precedebat in subiecto corrupto non producere ultimam dispositionem nisi interveniente, & adiuvante generatione, quæ producit formam substantialem, & dispositionem ultimam utili annexam, & ut terminum alterationis præcedentis, & secundum respectum ad formam ad quam sequitur, est posterior illa; secundum, verò quod terminat alterationem præcedentem, & consummat illam in eodem ordine accidentis, sic fungitur officio dispositionis tanquam terminus, & consummatio eius quæ precedebat, & quatenus consummat, & virtualiter continet præcedentem dispositionem, virtualiter dicitur præcedere.

*Ad secundam difficultatem respond.* ultimam dispositionem, non causare effectivè formam ad quam disponit, neque se habere ut virtutem generantis, sed solum ut dispositionem cum duplici respectu, primo ad formam genitam, ut illi annexam per modum propriæ passionis, secundo ad dispositiones antecedentes quarum est consummatio, & terminus, & secundum primum respectum subsequitur formam, secundum posteriorem antecedit non duratione, sed natura, & causalitate, ut dictum est.

*Ad probationes contra hoc.* Ad 1. de efficiencia resp. quòd virtus effectiua generantis non conuenit dispositioni vltimæ formali, sed dispositioni antecedenti, vt est virtus substantiæ generantis respiciens formam substantialem producendam, & ordinata ad illam, & consequenter ad dispositionem vltimam, quæ ipsam concomitatur, & ita vltima dispositio formalis est terminus, seu effectus virtutis generantis, non virtus efficiens rei genitæ. Nisi dicamus, quòd dispositio antecedens, & infra vltimam, in quantum est virtus substantiæ generantis est etiam dispositio vltima non formaliter, sed virtualiter quatenus virtute illam continet, sicut, & formam substantialem.

*Ad aliam probationem*, ex parte præparationis materiæ respondetur, quòd vltima dispositio præparat materiam consummatiue, & terminatiue, seu in facto esse, ita quòd vsque ad instans generationis exclusiue supponit materiam præparatam in fieri, & tendentiam per dispositiones antecedentes, in illo autem instanti introducitur forma in materiam concomitanter præparatam per illam dispositionem vltimam, quatenus terminus est, & consummatio dispositionum antecedentium, & illis coordinatur, & sic habet vim illarum tanquam terminus in quo consummantur, & sub hac ratione etiam habet vim causalitatis materialia, & præcedentiæ ad formam, sicut habebant dispositiones antecedentes. Ipsa autem forma secundum respectum, & causalitatem formalem, quia informat materiam, intelligitur respicere materiam secundum entitatem nudam materiæ, id est vt substantialiter informabilem,

positio vitima v. g. calor vt octo, & est accidens connexum cum forma ignis, ab illaque dependens in esse tanquam propria passio in eius radice contenta, sicut clarè videmus, quèd ignis genitus habet calorem vt octo, tanquam proprietatem, & secundò habet calor vt octo esse eiusdem rationis, & speciei cum calore vt sex, vel septem qui ante instans, generationis disponebat lignum ad formam ignis, & sic dispositio vltima habet esse terminus, & consummatio caloris antecedenter disponentis. Quod S.Th. apertè fatetur in q. 28. de verit. art. 9. ad 10. vbi inquit: *Quòd ea quæ in instanti fiunt dicuntur fieri & factum esse, quia quatenus illud instans est terminus prioris temporis in quo fiebat, usurpat sibi id, quod priori tempori debetur.* Ergo sentit D. Tho. quòd dispositioni vltimæ in factò esse etiam conuenit esse terminum antecedentis dispositionis, & prioris temporis, & sic eius denominationem usurpat sibi. Igitur dispositio vltima secundum istos duos respectus, seu formalitates potest consequi ad formam, & disponere materiam in diuerso genere causæ, quia enim est accidens impossibile cum forma præcedente, connexum autem, & subordinatum formæ genitæ tanquam proprium accidens illius, necesse est quòd ab ea dependeat, & ad eam sequatur. Quia verò est terminus, & consummatio præcedentis alterationis, per quam materia disponebatur ad formam generandam, ideò per illam vltimam dispositionem terminatiue, & consummatiue materia disponitur, & præparatur. Et sic illa vltima dispositio terminat duplicem actionem generantis secundum diuersam for-

ma.

malitatem, scilicet alterationem in quantum est consummatio, & terminus præcedentis alterationis, generationem autem in quantum est propria passio connexa formæ substantiali, & sic formam substantialem consequitur. Nec est nouum ad vnum effectum concurrere duas actiones secundum diuersas formalitates, sicut sol, & homo ad generandum hominem, vel si datur vna tantum actio scilicet generatio, illa virtualiter continebit vim alterationis præcedentis cuius loco subrogatur complendo ipsam.

*Dico tertio, Dispositio vltima non est virtus efficienter influens in generationem substantialem neque in corruptionem formæ oppositæ. Est D. Tho. q. 28. de verit. art. 8. ad 5. ex his quæ secundo loco ponuntur, vbi inquit: Quod dispositio non facit aliquid ad formam effectiue, sed materialiter tantum in quantum materia per dispositionem efficitur congrua ad receptionem formæ. Et loquitur de dispositione vltima. Ratio autem conclusionis manifesta est ex dictis, quia dispositio vltima cum sit accidens non potest operari effectiue, nisi vt virtus recepta in aliquo subiecto, & vt inhærens illi, neque enim calor dicitur calefacere, sed calidum, quia non potest operari forma, seu principium quo qualis est calor, seu dispositio vltima nisi operante aliquo principio quod, siquidem principium quo essentialiter est alius operantis per illud, est enim id quo aliquid operatur, ergo essentialiter supponit principium quod. Si ergo dispositio vltima operatur efficienter generationem, necessario id facit vt recepta in aliquo subiecto, sed non*

recipitur in corrupto, quia definit esse, neque in aliquo corpore circumstanti, quia illud non disponitur, neque ex illo generatur res, ergo in ipso genito ut ostensum est, quia ad eius formam consequitur, ergo non potest effectiue attingere ipsam generationem, quia non potest effectiue agere in subiectum in quo recipitur, ut dicit D. Thom. 1. 2. q. 85. art. 1. ad 4. & si posset efficere non tamen generare, quod si recipitur in illo, ut efficiat, iam supponit esse generatum, & existens.

*Si dicatur* influere saltem effectiue in corruptionem formae oppositae, contra hoc instat D. Thom. q. 28. de verit. art. 8. in corpore, ubi ostendit gratiam non posse per actus à se elictos effectiue operari ad remissionem culpae quod est corruptio formae oppositae, sed per informationem subiecti, informando enim expellit formam oppositam non efficiendo, & ratio est, quia efficientia non est directe ad corruptionem aliàs terminaretur per se primò ad non ens, quod est nihil efficere, sed primò, & per se terminatur ad aliquam generationem, seu ad formam, & secundariò ad corruptionem alterius, ergo, si dispositio vltima non potest effectiue concurrere ad generationem, neque effectiue influet in corruptionem.

*Sed ex hac conclusione* insurgit grandis difficultas, qua virtute generans, quando est absens, effectiue attingat ipsum genitum, nam dispositio vltima ut, diximus, non concurrit effectiue ad generationem dispositio autem infra vltimam non est sufficiens ad producendam formam genitam, v.g. calor ut septem ad producendam formam ignis, tùm quia non potest



test producere calorem vel octo cum sit ille inferior, ergo neque formam ignis, cum quia illa dispositio antecedens subiectatur in ipso corrupto; quia compatitur cum eius forma, ergo in ipso instanti generationis non existit, ergo neque effectiue operatur. Nec potest dici quod manet virtualiter aut quod illa dispositio antecedens continuatur cum forma genita ut significat D. Thom. 3. p. q. 8. art. 13. ad 2. dicens: *Quod dispositio quæ via generationis præcedit, naturaliter perfectionem sequitur, quam aliquis iam consequutus est sicut calor qui fuit dispositio ad formam ignis est effectus profluens à forma ignis; & cuxit. 9. art. 3. ad 1. dicit; Quod per calorem disponitur materia ad suscipiendam formam ignis, quæ tamen adueniente calore non cessat, sed remanet quasi quidam effectus talis formæ.* Contra hoc instatur quia si ita est non fiet in generatione substantiali resolutio vsque ad materiam primam quia illa dispositio præcedens continuatur cum forma genita, & sic manet in materia, vel saltem manet aliqua virtus in qua virtualiter continetur illa dispositio, & hæc virtus aliquod accidens est. Ad hoc ergo.

*Dico quarto* virtus generantis, quæ effectiue operatur ut decisa, & diffusa ab ipso generante tanquam instrumentum illius non est dispositio vltima, sed cum dispositionibus antecedentibus inuenitur, & in instanti generationis non operatur effectiue, ut existens in subiecto corrupto, neque in subiecto genito, sed in parte propinquiori ipsi rei genitæ. Supponit hæc conclusio, quod generans dupliciter potest se habere erga materiam ex qua gene-

rat, vel enim est illi in distans, & immediatum  
 immediatione suppositi, & virtus sicut ignis  
 est proximus ligno quod comburit, & tunc vir-  
 tus effectiua generantis non est nisi in ipso  
 met supposito generante, scilicet, calore qui est  
 in igne. Aliquando verò generans est distans  
 à materia ex qua generat, & solum est imme-  
 diatum illi per suam virtutem sicut sol cum  
 generat herbam, & animal quod mediante fe-  
 mine generat aliud, & tunc etiam datur virtus  
 effectiua diffusa; & decisa ab ipso agente tan-  
 quam instrumentum ipsius, vt dicit S. Thom.  
 quest. 3. de potent. art. 11. ad 9. & alijs pluri-  
 bus locis, & nos probauimus q. 12. Phisic. De  
 hac ergo virtute diffusa in absentia, vel distan-  
 tia generantis procedit conclusio.

*Et prima pars* dicit quod non est dispositio  
 vltima, sed cum antecedentibus ponitur. Et  
 hoc manifestum est, quia dispositio vltima est  
 effectus coniunctus, & annexus ipsi formæ ge-  
 nitæ, ita quod non existit nisi vbi existit for-  
 ma genita sicut calor vt octo non existit nisi  
 vbi forma ignis, ergo non operatur nisi exi-  
 stente forma ignis; ergo non ipsam formam,  
 seu generationem eius effectiue attingit.

*Secunda verò pars*, quod illa virtus effecti-  
 ua non sit in subiecto corrupto quando opera-  
 tur in instanti generationis, constat quia in il-  
 lo instanti non est illud subiectum siquidem  
 corrumpitur, ergo neque est illa virtus, quæ  
 inhæreat illi, quod autem non est, non opera-  
 tur effectiue per se ipsum, per aliquam autem  
 virtutem, non operatur, quia de hac erit eadem  
 difficultas in quo subiecto sit.

*Tertia pars* quod non existat in re genita  
 tan-

tanquàm in subiecto , neque in eius materia constat ex doctrina S. Tho. 1.2. q. 85. art. 1. ad 4. & q. 110. art. 2. ad 1. & quodlib. 10. art. 3. ad 2. vbi statuit dispositionem , seu accidens non agere effectiue in suum subiectum , sed formaliter actuando illud , ergo dispositio existens in re genita non potest illam generare , vt de se constat , quia sic supponeretur existens ante subiectam , & consequenter deberet esse in alio subiecto : nec potest supponi vt existens in materia , & agere effectiue in ipsam , & ex ipsa ; quia cum accidens non possit operari nisi vt *quo* , & consequenter ipsum subiectum cui inhaeret debet operari vt *quod* , idem esset dicere quòd accidens operatur effectiue in subiectum , ac dicere quòd subiectum operatur effectiue in se ipsum . Nihil autem se ipsum mouet effectiue , & multò minus materia prima , quæ nullo modo est actiua , sed passiva , ergo non potest accidens existens in materia prima operari in illa effectiue .

*Quarta pars conclusionis* , scilicet , quòd in casu quo generans est distans à materia quam disponit , & ex qua generat , debet assignari aliqua pars proxima , quæ per virtutem à generante decisam cum dispositionibus antecedentibus effectiue agat in partem proximiorē , & sic fiat generatio , inde constat , quia nihil effectiue agit in se ipsum , sed oportet distinguere agens , & passum , partem mouentem , & partem motam , ergo oportet , quòd generatio fiat agente vna parte in aliam quando ipsum generans non est ibi præsens , vt per se ipsum agat . Et hoc etiam benè notarunt Cohimb. in cap. 5. q. 9. art. 2. §. *Quare nosstra* ,

*Et si infra* quia pars proximior non habet in se dispositionem ultimam, v. g. calorem ut octo, sed aliquid infra illum, alias esset in ea ignis genitus, & non solum virtus ad ignem generandum, ergo non potest talis virtus inferior producere dispositionem ultimam effectivè. *Respond.* quod illa virtus licet entitativè, & formaliter sit infra calorem ut octo, & infra dispositionem ultimam, virtualiter tamen in quantum instrumentum generantis, à quo est decisa talis virtus habet vim ad attingendum effectivè formam substantialem rei genitæ, & ipsam dispositionem ultimam illius. Et hoc sumitur ex D. Thom. 1. p. q. 76. art. 4. ad 4. dicente: *Quod in mixto manent qualitates propriae elementorum, licet remissa, in quibus est virtus formarum elementorum*; cenlet ergo, quod etiam infra calorem, ut octo potest virtualiter manere vis formæ generantis. Itaque calor qui est infra gradum caloris, ut octo non potest per modum causæ principalis producere nisi calorem ut octo, si tamen consideretur, non solum ut calor, sed ut calor virtuosus, idest, ut derivatus ab igne tanquam instrumentum eius ad producendum substantiam similem sibi, & consequenter calorem ut octo, sic operatur illum instrumentaliter non principaliter. Quod si absente, vel destructo generante, virtus illa debilior, & perfectior facta sit, aut egressa fuerit, quam ut possit producere substantiam, si eam producit, id fiet virtute causæ superioris, scilicet cœli, vel causæ primæ suppletis, quod deest de virtute generantis, & sic plures formæ inanimatæ quandoque produciuntur à cœlo, ut quando cadaver generatur

tur ex iugulatione, vel ex suffocatione, ferrum enim non est productiuum directe formæ cadaveris, sed ferri : tamen tollendo dispositiones vitales, v.g. calorem qui est in sanguine relinquit locum cælo, vt introducat formam cadaveris. Quid autem, sit in virtute illa, quæ est quædam qualitas, esse virtutem substantiæ explicauimus q. 12. Phyl. quod non est aliquid superadditum qualitati, sed tantum ab ipsa substantia esse deriuatam, & aliquid illius in ordine ad producendum similem substantiam.

*Ceterum* in generatione viuentium specialis difficultas est, quomodo distingatur pars efficiens, & pars effecta, eò quod viuens, non generatur successiue à parte in partem, sicut inanimata, sed organizato corpore, & integrè disposito tota generatio in instanti perficitur, ideò non apparet, quomodo à parte vicina procedat ipsa forma viuentis, & vltima eius dispositio.

*Sed resp.* ex doctrina D. Th. 1. p. q. 118. art. 1. ad 3. & 4. de potent. art. 11. præsertim ad 8. vbi docet, quod virtus actiua feminis non est in toto semine, sed in spiritibus qui in ipso semine includuntur, in quo etiam spiritu est aliquis calor ex virtute corporum cælestium, quorum virtute agunt ista inferiora, & istæ partes spirituosæ feminis agunt in alias, quæ se habent, vt materia, & formant illas, & licet materia illa corpulenta ex qua fit generatio animalium varietur per diuersas formas, quas vocamus formas embryonis, vsque ad perfectæ formæ introductionem, non tamen destruitur illa pars spiritiuosa in qua est virtus actiua seminalis, nec mutatur vt dicit S. Th. solutione illa ad 8.

& sic semper manet distinctio inter partes, quæ effectiuè agunt, & partes in quibus introducit forma animalis, in illis enim partibus spirituosiss, quæ spumosiore sunt non introducit forma genita, quia ex illis non formatur fœtus, sed ex corpulentiori crassiori; materia seminis, & sanguinis, alioquin, vt ibi argumentatur D. Tho. si partes illæ spirituosæ mutarentur, & formaretur ex illis fœtus, vt ex materia, destrueretur illa virtus seminalis, & sic non potest virtutē seminis vtiq; ad completum perfici generatio. Quid autem fiat de illis partibus habentibus virtutem seminis postquam forma animalis iam est introducta? Respondet D. Thom. quæst. illa 138. cit. ad 4. quod euanescente spiritu, & dissoluto semine, definit esse illa virtus actiua, quæ erat in semine, eò quòd erat vis instrumentalis, quæ cessat producto iam effectu. Itaque resoluitur pars illa spirituosissima, & euaporatur in aliquod corpus; & sic semper distinguitur pars agens à parte in quam introducit forma. Et illa qualitas actiua seminis, licet formaliter sit inferior ad dispositionem vltimam, non tamen virtualiter in quantum est virtus substantiæ deriuata ab ea ad agendum.

*Ex quo* manifestum est quomodo dispositio influat effectiuè ad introducendum formæ, vel corruptionem; constat enim ex dictis, quòd virtus effectiua influens debet esse in alia parte, vel subiecto distincto ab illo quod disponitur, & sic semper distinguitur pars mouens, & pars mota, euitaturque illud inconueniens quòd dispositio non existens in vltimo instanti, operari possit, existit enim tunc virtus operans in

par-

parte proximiori. Similiter etiam constat quomodo materia dicatur disposita, siue à dispositione vltima, siue ab antecedenti non per extrinsecam denominationem, sed per talem informationem; quia ante instans generationis disponitur materia quasi in fieri, & tendentia ad formam per dispositiones antecedentes, quæ subiectantur in ipso toto, quod est corrum-  
pendum, & ipsam materiam determinant ad formam introducendam. In instanti autem generationis determinatur materia in facto esse, & consummatur per ipsam vltimam dispositionem, quæ non recipitur in sola materia, sed in ipso toto, quia semper est connexa cum ipsa forma, sed tamen illa dispositio habet duplicem respectum, seu officium secundum, quod correspondet duplici principio, scilicet, formæ genitæ ad quam consequitur, vt propria passio, & alterationi quam terminat, & consummat; & non est necesse, quod secundum vtrumque respectum præparet, & disponat materiam, sed sufficit quod vt terminus alterationis est, illam disponat, non vt proprietas formæ, sed quia de facto inhaeret, & existit in ipso toto, & in eius materia vt in principio quo recipiendi, hoc sufficit vt per realem, & intrinsecam denominationem dicatur disponere illam.

*Ad illa loca D. Thom. in quibus videtur dicere, quod calor qui erat in corrupto manet in genito. Respond.* non loqui de eodem numero calore, sed de simili, qui ideò dicitur non cessare, quia per calorem similem continuatur, non tamen idem numero manet vt expresse dicit D. Thom. 1. de gener. lect. 10, & alijs locis

præcedenti art. citatis, & cum calor adueniens per introductionem formæ profluat ab ipsa forma ut eisdem locis, quæ in contrarium citantur affirmat D. S. non potest loqui de eodem numero calore, quia hic non potest profluere à forma introducta, qui antea præcesserat in subiecto.

*Ad difficultates à principio positas respond. ex dictis.* Ad 1. dicimus solam alterationem quæ præcedebat in subiecto corrupto non producere ultimam dispositionem nisi interveniente, & adiuvante generatione, quæ producit formam substantialem, & dispositionem ultimam vtili annexam, & ut terminum alterationis præcedentis, & secundum respectum ad formam ad quam sequitur, est posterior illa; secundum, verò quod terminat alterationem præcedentem, & consummat illam in eodem ordine accidentis, sic fungitur officio dispositionis tanquam terminus, & consummatio eius quæ præcedebat, & quatenus consummat, & virtualiter continet præcedentem dispositionem, virtualiter dicitur præcedere.

*Ad secundam difficultatem respond.* ultimam dispositionem, non causare effectivè formam ad quam disponit, neque se habere ut virtutem generantis, sed solum ut dispositionem cum duplici respectu, primo ad formam genitam, ut illi annexam per modum propriæ passionis, secundo ad dispositiones antecedentes quarum est consummatio, & terminus, & secundum primum respectum subsequitur formam, secundum posteriorem antecedit non duratione, sed natura, & causalitate, ut dictum est.



*Ad probationes contra hoc.* Ad 1. de efficiencia resp. quòd virtus effectiua generantis non conuenit dispositioni vltimæ formali, sed dispositioni antecedenti, vt est virtus substantiæ generantis respiciens formam substantialem producendam, & ordinata ad illam, & consequenter ad dispositionem vltimam, quæ ipsam concomitatur, & ita vltima dispositio formalis est terminus, seu effectus virtutis generantis, non virtus efficiens rei genitæ. Nisi dicamus, quòd dispositio antecedens, & infra vltimam, in quantum est virtus substantiæ generantis est etiam dispositio vltima non formaliter, sed virtualiter quatenus virtute illam continet, sicut, & formam substantialem.

*Ad aliam probationem*, ex parte præparationis materiæ respondetur, quòd vltima dispositio præparat materiam consummatiuè, & terminatiuè, seu in facto esse, ita quòd vsque ad inflans generationis exclusiue supponit materiam præparatam in fieri, & tendentiam per dispositiones antecedentes, in illo autem instanti introducitur forma in materiam concomitanter præparatam per illam dispositionem vltimam, quatenus terminus est, & consummatio dispositionum antecedentium, & illis coordinatur, & sic habet vim illarum tanquam terminus in quo consummantur, & sub hac ratione etiam habet vim causalitatis materialis, & præcedentiæ ad formam, sicut habebant dispositiones antecedentes. Ipsa autem forma secundum respectum, & causalitatem formalem, quia informat materiam, intelligitur respicere materiam secundum entitatem nudam materiæ, id est vt substantialiter informabilem,

fic enim materia non est informabilis à forma substantiali mediante accidente, sed per se ipsam immediatè, & ità sub hoc respectu informandi solam entitatem materiæ respicit forma, non dispositiones accidentales, solum enim respicit illas, ut determinantes indifferentiam materiæ ad talē formam, & ad hoc sufficit, quòd concomitanter sit ibi dispositio in eodem instanti, dicatur autem præcedere sub respectu, & ordine causalitatis materialis in quantum terminus, & consummatio præcedentium dispositionum, quas virtualiter continet. Et ita cum instatur quomodo maneat materia præparata virtualiter ad formaliter, & in qua forma dicatur virtualiter manere illa præparatio: Respond. in re, & in ipso instanti generationis dari ipsam dispositionem ultimam anexam formæ, quæ tanquam terminus, & consummatio præcedentium dispositionum virtualiter illas continet, & continuat præparationem, & determinationem, quam illæ faciebant in materia usque ad illud instans exclusivè.

*Ad ultimam difficultatem respond.* dispositionem, quæ est virtus generantis effectiva non esse in subiecto, quod corrumpitur, nec in subiecto quod generatur, quia non agit effectivè in subiectum in quo est in hæsiuè, ut ex D. Tho. dicitur in argumento, sed est in parte proximiori, in qua etiam invenitur virtus generantis in eius absentia, ut satis supra ostensum est.

Ceterùm P. Suarez disp. illa Metaph. sect. 3. num. 28. non quiescit cum doctrina tradita, existimatque non satisfacere illam distinctionem

nem de mutua prioritate inter dispositionem, & formam; & instat contra illam, quia dispositio si est verè preparans, & non solum ornans, ac perficiens subiectum, oportet quòd determinet, & quasi limitee capacitatem eius ad talem formam, ergo etiam determinat ipsum agens ad talem formam introducendam, ergo fieri non poterit ut talis forma effectivè sequatur ex forma introducta. Consequentia patet, quia si dispositio fluit à forma, & forma efficitur ab agente, ergo agens non potest determinari à tali dispositione quæ producat formam, sed potius mediante forma determinatur agens ad talem dispositionem.

*Confirmatur*, quia illa dispositio non potest exercere causalitatem materiale, & habere præordinationem naturæ, neque respectu actionis qua fit forma, neque respectu materiæ, quam disponit. Non respectu actionis, quia illa dispositio sequitur mediante forma, ergo non potest habere causalitatem, & prioritatem respectu illius actionis, qua fit ipsa forma, si quidem quando fit forma nondum existit illa dispositio, nec est facta ut possit tunc causare. Respectu verò materiæ non potest habere istam prioritatem, quia non potest disponere materiam nisi informando illam, non autem potest informare illa dispositio materiam in illo priori, siquidem materia ante formam non informatur ab accidentibus, illud autem accidens non potest disponere nisi informando, & inhaerendo, quia sine inhaerentia non est, & sic, neque disponit; si autem in illo priori non disponit, cui inhaeret illa dispositio; non formæ quia sequitur ad illam, & sic pro illo priori

non dum inhæret formæ . Non composito, qui præparat ad illud , non verò disponit illud , sed materiam ad illud , ei autem inhæret, quod disponit , ergo inhærebit soli materię , atque adeò non est necesse, quòd consequatur ad formam , sed inest materię ab agente .

*Respond.* dispositionem ultimam non determinare ipsum agens ut efficiat , sed terminare tanquam effectum eius ; dicitur autem ultima dispositio determinare agens non ut virtus eius ad efficiendum , sed ut terminus dispositionis antecedentis , quæ erat virtus determinata ipsius agentis , & ab eo decisa . Deinde addo quòd agens , neque per ipsas dispositiones antecedentes quas emittit in materiam determinatur ad generandum , sed antequam illas emittat , determinatur ad generandum , & tanquam medium necessarium , & virtutem agendi emittit illas dispositiones quæ se habent , ut effectus eius , & virtus determinat ad generandum formam , & sic dispositiones istæ procedunt ab agente determinato, siquidem in virtute eius determinatè operantur . Nec obstat, quòd dispositiones antecedentes non sufficiunt determinare materiam , vel agens ; non sunt enim sufficientes determinare ipso facto esse , & consummative , bene tamen intendentiæ , & inchoative ; & in quantum virtus sunt substantię generantis , etiam effectivè .

*Ad confirm.* negatur antecedens . Ad probationem ex parte actionis resp. dispositionem non suscipere in se actionem qua fit forma , sed præparare materiam in facto esse , ut recipiatur in ea forma , quæ est terminus actionis , & hac ratione disponere dicitur ad actionem

in suo termino . Nec requiritur ad munus causæ materialis , quòd existentia præcedat , sicut in causa efficiente , sed sufficit quòd in re concomitetur , ita quòd in nulla duratione detur causa materialis sine existentia , ut in quæst. 11. Physic. probauimus . Ad probationem ex parte materiæ resp. illam dispositionem non posse disponere nisi inhærendo , & informando inhærentia , & existentia concomitante , & in re inuenta , non autem inhærentia formalizante , seu constituente formaliter omnem prioritatem , & causalitatem materiæ erga formam , vel formæ erga materiam : & ita pro illa prioritate naturæ , seu formalitate , & conceptu , quo materia intelligitur substantialiter recipere formam , non intelliguntur dispositiones informare materiam ( licet de facto ibi sint ) sed solùm materiam substantiale compositum cum forma constituere . Ipsa autem præparatio , & determinatio materiæ , erga talem formam solùm præsupponitur ibi concomitanter , vel antecedenter , non autem formaliter intelligitur , sed id pertinet ad aliam prioritatem , vel posterioritatem naturæ , est enim ibi antecedenter ratione dispositionum antecedentium , concomitanter autem ratione ultimæ dispositionis , quæ in facto esse illas terminat . Et sic patet ad illam interrogationem ubinam pro illo priori inhæret dispositio ? Dicimus enim quòd pro illo priori formali non inhæret , quia illa prioritas non est formalitas inhærendi , sed substantialiter componendi , concomitanter verò , & in re tunc inhæret in composito ut in subiecto *quod* , & sustentante illam , in materia verò ut in subiecto *quo* recipiendi , & deter-

mi-

minabili per illas dispositiones, nec est necesse ad hoc ut inhæreat in composito quod partim sit in forma partim in materia, sed sufficit quod in materia ut in subiecto *quo*, & in toto composito ut in subiecto *quod*, ut latius dicemus infra quæst. 9.

---

## QVÆSTIO SECVNDA.

### *De Corruptione.*

#### ARTICVLVS PRIMVS.

*Quomodo differat corruptio in ratione mutationis à generatione, & ab annihilatione.*



**T** resoluimus in 3. Phys. q. 14. & 5. Phys. q. 19. art. 1. ex Arist. motus ut distinguitur à mutatione communiter dicta, duas exigit conditiones. *Prima* ex parte subiecti quod eius subiectum sit ens in actu, idest informatum forma substantiali, non ens in potentia, quod est materia prima, quæ tamen sufficit ad mutationem. *Secunda* ex parte terminorum, ut videlicet motus propriè dictus sit inter terminos positivos, & consequenter propriè, seu positivè contrarios, ad mutationem verò sufficit oppositio privatiua de non esse ad esse, vel è contra in subiecto capaci vtriusque. Ex quo apparet corruptionem non esse motum striçte dictum ut contraponi-

tur mutationi, eò quòd non est inter terminos positivos, sed versatur ab esse ad non esse. Dubium autem est in duobus. *Primum* an ex eo, quòd terminus ad quem corruptionis sit desinitio formæ, amittat rationem mutationis substantialis, & solum sit privatio generationis. *Secundum* an ex eo quòd solum est in subiecto capaci differat ab annihilatione, qua res totaliter desinit in nihilum. Ideoque manet dubium an utraque tam annihilatio, quam corruptio sit mutatio. Et loquimur hic de corruptione in ratione mutationis, nam in ratione actionis sequenti articulo tractabimus, an generatio, & corruptio sint eadem actio, vel quomodo connectantur inter se.

*Ergo* si aliquorum sententia corruptionem non esse realem mutationem, sed privationem tantum actionis, & concursus quo forma præcedens conseruabatur, opponitur enim corruptio generationis, & non quia aliquid producit, sed quia destruit: ergo privatiue se habet, & sic realem mutationem non importat, immò neque identitatem in actione cum generatione, sed connexionem, & nexum, quia sicut introducta vna forma sequitur aliam extirpari, ita posita generatione, consequitur corruptio, consecutiue ergo se habent non identice. Et hoc non semper, aliquando enim potest dari generatio sine corruptione, vt si non præsupponatur forma positiua in materia, quæ corrumpatur. Ratio huius est, quia corruptio tendit ad negationem idest à non esse: ergo non est mutatio positiua, sed negativa; ex termino enim ad quem denominatur mutatio.

*Alia* sententia est per aliud extremum quæ  
sen-

sentit corruptionem, ita esse positivam mutationem, ut etiam annihilatio positiva mutatio sit, eò quòd ad annihilationem requiritur virtus infinita sicut ad creandum: ergo ipsa annihilatio est aliqua mutatio positiva, seu operatio siquidem fundatur in virtute positiva.

*Nihilominus.* Dico primò, corruptio essentialiter, & formaliter est mutatio distincta à generatione. Dico essentialiter, & formaliter, quia suppono generationem ipsam, cui opponitur corruptio non solum radicaliter, sed etiam formaliter esse mutationem, ut probatum est quæst. præced. art. 1. Corruptio autem si est mutatio cum sit formaliter oppositum generationi, formaliter etiam erit mutatio sicut ipsa, quòd magis verificatur in corruptione, quàm in generatione, eò quòd ad corruptionem necessario exigitur, quòd præcedat tanquam terminus à quo ipsa forma quæ corrumpenda est, & non potest præcedere solum prioritate naturæ, eò quòd per corruptionem definit esse forma, nihil autem definit, nisi prius existat cum sit transitus de esse ad non esse; nihil autem existit, nisi in aliqua duratione, non autem in sola prioritate naturæ, quæ non est prioritas existentiae, sed significationis, & formalitatis, & causalitatis, quatenus per illam significatur hoc dependere ab illo, & secundum hanc formalitatem, & non secundum aliam coordinari cum illo. At verò in generatione, cum præcedat de non esse ad esse, non supponit aliquam durationem sui termini à quo, & ita sufficit ad rationem mutationis in generatione, quòd privatio præcedat prioritate naturæ; sufficit enim ut aliqua subiectum quantum est ex natura sua



hac careat aliqua forma cum capacitate illius; ut indigeat actione acquisitiua talis formæ, & consequenter quæ respiciat illam tanquam terminum ad quem talis acquisitionis, & consequenter aliquem terminum à quo respiciat, qui utique est priuatio non quæ in illo instanti existat, seu afficiat subiectum, sed quæ in illo instanti expellatur, & non permittatur sequi ad naturam. Sufficit autem ad rationem termini, à quo ut in ipso instanti sit in expelli à subiecto non ut existens, & consequenter verificatur mutatio, quòd aliter se habebat in isto nunc temporis, quàm ante in prioritate naturæ.

*Quod ergo corruptio sit distincta mutatio à generatione manifestè asseritur à D. Tho. q. 28. de verit. art. 1. & 6. & sumi ur ex Philosopho 5. Physic. c. 1. lect. 2. apud D. Tho. ubi distinguit tanquam duas mutationes eam quæ est de subiecto in non subiectum ( hæc est corruptio ) & eam quæ est de non subiecto in subiectum ( hæc est generatio ) quæ autem est de subiecto in subiectum est motus, quia versatur inter contraria, & non inter contradictoria. Dicitur autem mutatio de subiecto in subiectum, vel de non subiecto in subiectum, intelligendo nomine subiecti non ipsum suppositum, seu substantiam, sed ipsum esse, vel non esse, seu affirmatum, & non affirmatum, ut explicat D. Tho. q. 28. cit. art. 1. Ratio autem huius est, quia non solum aliquid mutatur quando acquirit formam, sed etiam quando amittit, immò tunc maxime apparet mutatio, quando forma aliqua amittitur, ut cum aer amittit lucem, vel corpus albedinem, quia tunc verificatur, quòd*

quòd aliter se habet nunc quàm prius. Quòd autem sit distincta mutatio à generatione, patet quia respiciunt distinctos terminos, tam ad quem, quàm à quo, mutatio autem cum consistat in transitu de vno ad aliud, vbi est distinctus terminus à quo, & ad quem, est distinctus transitus, & consequenter distincta mutatio, constat autem, quòd corruptio transit de esse formæ ad non esse illius, generatio autem è conuerso, de non esse alicuius formæ ad esse illius, ergo important distinctum transitum, secundùm distinctos terminos à quo, & ad quem.

Quòd verò corruptio sit mutatio realis, ostenditur distinguendo de eo, quod est reale tanquam quid positium, vel de eo quod est reale, idest à parte rei inuentum, licet à parte rei non ponat, sed tollat, sicut dicimus tenebras, & cecitatem dari à parte rei, quia non fiçtè, sed verè inueniuntur. Hoc secundo modo distinguit D. Tho. realiter corruptionem à generatione q. 28. ci. art. 6. *Et ratio est*, quia hoc modo à parte rei inuenitur, & verificatur ipse terminus formalis, seu mutatur esse corruptionis, scilicet, deficitio formæ, quia de facto corrumpitur formæ, ergo, & ipsa mutatio, seu fieri realiter inuenitur. Non tamen dicitur mutatio positia, quia terminus eius positius non est, ergo, neque ipsa mutatio positia esse potest, nec enim positue fit, aut transit id quod in se positium non est sicut non esse formæ.

*Dices* per corruptionem non solum aliquid negatiuum resultat, vt terminus, scilicet, priuatio formæ, sed etiam aliquid positium, scilicet, formam illam manere in potentia materiæ in

ordine ad agens supernaturale, quæ antea erat in actu, ergo aliqua positiua mutatio inuenitur in materia, scilicet, nouus modus potentialitatis, & ordo ad diuersum agens. *Respond.* materiam ipsam nihil positiuum recipere per ablationem formæ, quod antea non haberet; quia etiam ante dicebat ordinem ad formam, ut educibilem semel ab agente naturali, & pluriès ab agente supernaturali. Quare educta forma, & immutata materia per ipsam, cessat respectus ad agens naturale, ne amplius possit, eam educere, non ex matatione potentie in materia, sed ex defectu agentis naturalis extrinseci; quando autem forma corrumpitur, nulla amplius mutatio fit in ipsa potentia materie quoad istum respectum continendi formam.

*Ex conclusione posita colligitur*, quod si in generatione alicuius rei non detur forma aliqua corrumpeuda positiua, sed tantum priuatio tollenda, ut cum lux destruit tenebras, tunc corruptio, & generatio non sunt duæ mutationes, quia corruptio non inuenit formam, quam destruat, & transire faciat ab esse ad non esse, sed solum inuenit priuationem ex parte termini à quo, quæ non mutatur de priuatione in aliam priuationem, transitus enim de non esse in non esse non est mutatio, ergo solum erit mutatio de priuatione ad esse, ergo corruptio priuationis non est alia mutatio, quam transitus ad esse, qui utique generatio est. Et ita doceri solet in materia de iustificatione, quod si culpa quæ destruitur non est nisi priuatio in anima, iustificatio est vnica mutatio in quantum ponit gratiam, & remittit culpam, si verò culpa quæ destruitur, relinquit aliquid habi-

bituale per modum positivi, & conuersionis ad creaturam, tunc est duplex mutatio, ablatio illa culpæ, & introductio gratiæ.

*Dico secundo*, corruptio, & annihilatio differunt ex parte termini ad quem, quia per annihilationem res totaliter desinit esse, tam ex parte formæ, quam ex parte subiecti; & ita annihilatio non est mutatio propriè dicta sicut neque creatio, licet significetur per modum mutationis. Hæc conclusio manifesta est, quia annihilatio opponitur creationi, & ita sicut creatio nullum concursum habet ex parte causæ materialis, sed solum ex parte causæ efficientis, quæ dat totum esse, tam ex parte formæ, quam ex parte materiæ, ita annihilatio non est desinitio rei per concursum alicuius causæ materialis, sed per solam ablationem, & suspensionem concursus diuini perficientis, & dantis totum esse, vnde cum non fiat in aliquo subiecto, non est mutatio. Ex quo fit, quod terminus annihilationis dicitur esse totaliter ipsum nihil, non solum, quia totaliter desinit ipsa res quæ corrumpitur, sed etiam, quia nullus terminus positivus illi adiungitur, qui de nouo fiat, & in quem desinat ipsa rei destructio, sed purè ex parte termini ad quem inuenitur nihil, & hoc præcipuum est in annihilatione, scilicet, quòd desinat in nihilum, vnde quantumcunque aliquid destruat, siuè totaliter, siuè partialiter, si tamen non desinat in nihilum, sed adiungatur illi aliquis terminus positivus, in quem desinat non est annihilatio. Ex hac ratione in Eucharistia non annihilatur panis, quia licet totus destruat, & desinat esse, non tamen, desinit in nihilum, sed in

Cor-

**Corpus Christi**, & ita est destructio panis per conuersionem, non per annihilationem. *Ratio* huius est, quia annihilatio, vt diximus fit per suspensionem concursus totaliter conseruantis in esse, ergo non solum pertinet ad ipsam totaliter rem aliquam destruere, sed etiam nullum terminum positium illi adiungere, & subrogare in quem destructio rei terminetur, siquidem ad ponendum istum terminum positium requiritur actio, & positio: alicuius influxus producentis, vel attingentis illum terminum, ergo si annihilatio est suspensio totius concursus, omnem terminum positium sibi adiunctum excludit, aliàs non desinet aliquid per viam annihilationis, sed ex vi productionis alterius termini impossibilis cum re quæ destruitur. Itaque ad annihilationem vtrumque requiritur, & destructio totius esse, & desinitio in nihilum, sine alicuius termini adiuncti positione hoc ipso, quod fit per suspensionem diuini concursus.

*Sed dices* benè potest Deus annihilare formam non annihilata materia, & accidens non annihilato subiecto, ergo non est de ratione annihilationis destructio totius esse; tunc enim, licet esse formæ in actu destruat, tamen manet in potentia materiæ, sicut quando per corruptionem desinit esse. *Resp.* Istam annihilationem non esse simpliciter, & omnibus modis annihilationem sicut è conuerso productio solius formæ, vel accidentia à Deo non est simpliciter creatio, sed concreatio, quando fit simul cum materia; ita suspensio concursus ergo solam formam non est annihilatio simpliciter, sed reducitur ad annihilationem, tanquam

ratio quædam illius, & quia habet modum annihilationis in quantum fit per suspensionem concursus sine hoc quod illi succedat alia forma, sed desinit in nihilum, ille enim concursus conseruat rem illam cum totali dependentia, & subordinatione ad Deum, & ideo eius suspensio dicitur annihilatio licet solum tollat partem entitatis. Quod verò maneat in potentia subiecti, non quidem in ordine ad agens naturale, sed in ordine ad potentiam diuinam non arguit, quod id fiat per actionem positiuam quia hoc quod est manere in potentia materiz non est terminus, vel effectus talis suspensionis concursus, sed in ipsa materia præhabebatur ex propria natura materiz, & quia hoc non destruitur per suspensionem concursus, ideo non est annihilatio omnibus modis, tam vt est in actu, quam vt in potentia subiecti.

Ex quibus colliges male aliquos affirmare posse per diuinam potentiam aliquam creaturam attingere annihilationem, eò quod non requiritur tanta virtus ad destruendum quanta ad producendum, facilius enim est destruere quam ædificare, atque ita cum per destructionem non ponatur aliqua entitas, sed tollatur, non inuoluit repugnantiam, quod à creatura aliqua fiat. Oppositum tamen sentit D. Tho. 3. p. q. 13. art. 2. loquendo etiam de causa instrumentali quam negat dari posse ad annihilationem. Et ratio est manifesta, quia licet destruere aliquid ponendo formam, seu dispositionem illi impossibilem sit facilius, quam ædificare, quia talis forma, vel dispositio destruens facilius ponitur, & producitur, tamen destruere aliquid per suspensionem concursus,

sus alicuius causæ non pertinet nisi ad illam causam, quæ talem concursum exhibet, unde cum concursus qui suspenditur per annihilationem sit concursus exiens ab ipso Deo, ad nullam causam creatam pertinere potest eius suspensio nisi ad solum Deum. Quando verò causæ secundæ aliquid corrumpunt, tollitur etiam concursus Dei erga formam corruptam, non quia per ipsas creaturas fiat talis suspensio, sed quia per ipsas fit productio formæ incompossibilis ad quam etiam Deus concurret, & concurrento ad ipsam desinit concurrere ad oppositam de quo articulo sequenti dicemus.

*Ad rationem dubitandi* positam pro contraria sententia respond. ex dictis corruptionem non esse meram priuationem, sed mutationem consequutam ex generatione, & terminatam ad priuationem formæ, est enim transitus de esse ad non esse, & sic probat argumentum, quòd non est mutatio realis positiva, idest, ponens aliquid ex parte termini, sed realis corruptiva, seu priuativa, quæ dicitur realis, quia in re inuenitur, non quia aliquid posituum ponat in re.

## A R T I C V L V S II.

*Verùm corruptio, & generatio sint eadem actio, ratione cuius generatio vnius sit corruptio alterius?*

**D**Væ istæ difficultates annexæ sibi sunt, & ex vnius resolutione alterius resolutio dependet. Circa primum erga dubium est, an cor-

corruptio aliquo modo, sit actio saltem secundario, an verò ad rationem actionis nullo modo pertineat, & quomodo ab actione generatiua distinguatur. In quo variè sentiunt Auctores. Quidam negant terminari aliquo modo actionem generatiuam in ratione actionis ad corruptionem formæ, tactus enim actionis ubique tangit, siue primario, siue secundario est actus efficientiæ, omne autem quod efficientia tangit, dando esse tangit, ubi autem non dat esse, sed tollit, ibi desinit tangere. Quare corruptio fiet ipsa suspensione concursus, seu omissione non verò secundaria attingentia actionis. Alij existimant scientiam, seu actionem secundario, & distincta saltem formalitate attingere corruptionem, de quo videri potest Mag. Bannez super cap. 4. lib. 1. de Generatione explicans hoc axioma, quòd generatio vnius est corruptio alterius, ibique citat Caiet. Et ratio est tum quia generatio, & corruptio sunt vnus motus, licet includat duas mutationes vt ex locis præcedenti articulo citatis constat, ergo est vna actio, tum quia suspensio concursus si sola sit non corrumpit, sed annihilat, adiuncta verò, seu consecuta ex actione, pertinet saltem secundario ad actionem illam, non enim minus pertinet ad actionem terminum producere, quàm oppositum tollere, & sic vt corrumpi est verum pati, & verum mutari, ita corrumpere, & destruere est verum agere, saltem secundario.

Cæterum vtrumque componi videtur dicendo quòd corruptio non est formaliter, actio etiam mediate, sed virtualiter. Dupliciter enim potest intelligi, quòd aliqua actio media-



diatè attingat aliquem terminum. Vno modo, quia principaliter vnum terminum attingit, & continuando eandem influentiam, sed rationem agendi, tangit alterum, vt minus principalem, & sub priori contentu, sicut produci-  
tur principaliter, & immediatè aliqua natura, & mediatè propria eius passio, mediatione influentiae, & causalitatis in illam. Alio modo, quia productio principali termino, cessat influentia actiua, sed mediante causalitate formali, scilicet informatione formae productae fit expulsio, scilicet priuatio alterius incompatibilis, cum tali forma producta, & sic qui facit rem incompatibilem cum altera, dicitur effectiue illam corrumpere efficientia virtuali, non actuali, scilicet, mediante termino, cuius informatio expellit, & corrumpit alteram formam, per modum effectus formalis secundarij. Dici-  
mus ergò, quòd corruptio non est actio prioris modo, sed secundo, non enim, producta forma, vltèrius actio influit ad corrumpendum, neque enim influxus intelligi potest, quia respectu formae corrumpendae nihil influit, sed tollit, ergo influxus positius non continuatur, quia non datur vltèrior terminus positius, ad negationem autem non est necessarius influxus. At verò posita forma, quae terminus actionis est, dicitur virtualitèr continere actionem, scilicet, terminatiue; hæc autem secum importat impossibilitatem formae oppositae, quia habet adiunctam priuationem illius, & sic tangit illam, & expellit non efficientia, sed impossibilitate orta efficientia formae, idest, ex forma effecta, & terminante efficientiam. Quae resolutio deducitur, ex Diu. Thom. in 2.  
*Phil. Nat. Pars III.* G dist.

dist. 34. quaest. 1. art. 2. ad 5. vbi inquit: *Illud quod corrumpit, & generat, non ex eodem habet, quod generat, & corrumpit, sed ex eo quod formam suam inducit, generat; ex eo autem, quod forma sua necessario coniungitur priuationi alterius formae corrumpit.* Vbi Diu. Thomas non ponit corruptionem in influentia actionis, sed in ipsa appositione formae, habentis priuationem adiunctam. Vnde non oportet, hoc reducere ad meram suspensionem concursus conseruantis formam oppositam, sed ad actionem producentem formam, illi impossibilem, quia impossibilitate posita, & ex vi illius cessat concursus. Et sic etiam saluatur vnitas actionis, seu motus propter vnitatem termini positiui; duplex autem mutatio in vi illius efficientiae, quia duplex terminus tangitur, alter agendo, alter destruendo, vt explicatum est.

*Circa secundam difficultatem, quomodo, scilicet, ordinentur istae duae mutationes generatio, & corruptio, ita vt generatio vnus dicatur corruptio, alterius, aliqui existimant ordinari tantum, istas mutationes consecutiue, & successiue, non identice in eadem actione, sed motu. Caterum Diu. Thom. quaest. 25. de verit. art. 6. ad vltimum euidenter dicit: *Quod generatio vnus, dicitur à nihil, corruptio alterius per concomitantiam, quia de necessitate sunt simul, vel propter vnitatem motus, qui ad has duas mutationes terminatur.* Vbi nomine motus intelligitur actio habens illam duplicem mutationem. Et in prima secunda quaestione 113. art. 6. ad secundum inquit: *Quod infusio gratiae, & remissio culgae secundum substantiam.**

*stantiam actus idem sunt.* Et eodem modo comparat generationem , & corruptionem . Sentit ergò , quòd identificantur in ratione agentis .

*Quare* generatio vnius , quando habet adiunctam corruptionem alterius , dicitur esse corruptio duplici ratione ; Primò propter successionem , & ordinem formarum , sibi succedentium , eò quòd formæ sunt incompatibiles , & sic intrante vna , recedit alia ; & tunc est sensus , quòd generatio vnius , est corruptio alterius causalitèr , quia connectitur , & succedit generationi corruptio . Secundò strictius , dicitur generatio vnius esse corruptio alterius , non solum propter successionem formarum , & mutationum , sed propter unitatem actionis , seu motus , eò quòd corruptio , non est actio distincta à generatione , sed eadem actio formaliter generatiua , virtualiter corruptiua , ratione termini generati , vt incompressibilis , cum forma opposita , in qua impossibilitate virtualiter , manet influenza positiua , vt terminata ad formam genitam , vt dictum est .

*Diximus* in conclusione , *quando generatio , habes annexam corruptionem* ad denotandum id , quod precedenti articulo , significauimus non dari corruptionem , quæ sit vera , & realis mutatio , nisi , quando datur forma positiua corrumpenda , si enim solum præcedit priuatio tollenda , per formam generatam , vt quando aer tenebrosus illuminatur , tunc ablatio illius priuationis , non fit per mutationem negatiuam distinctam , à generatione lucis , sed per ipsam generationem positiuam , sine alia mutatione corrumpitur priuatio , eò quòd priuatio

non tollitur, nisi per positivum esse, ergo per generationem, quæ est transitus, seu mutatio de non esse ad esse, de privatione ad formam, licet verum sit, quod per nostros conceptus possimus distinguere in luce conceptum positivum, constituendi lucidum, & conceptum remotivum tenebrarum, seu non esse privationis, eo quod privatio accipitur à nobis, ut ens rationis, atque adeo ad instar esse, quod corrumpitur in re, tamen privatio illa est non esse, & physicè non tollitur, nisi per esse, quod totum docet S. Thom. quæst. 28. de verit. art. 6. in corpore.

Vndè obiectiones, quæ fieri possunt, ex eo quod generatio aliquando datur sine corruptione nihil obstant, fatemur enim, non omni generatione essentialiter annexi corruptionem, sed tantum illi, cui annexitur forma positiva corrumpenda, & si forma corrumpenda fuerit partialis, tunc etiam corruptio partialis erit, & productio aggeneratio. Nec D. Tho. in 2. dist. 34. suprà citat. dixit quod generatio, & corruptio solum ratione differunt, sed dixit, quod forma ignis, & privatio aeris sunt idem subiecto, sed ratione differunt, quod est dicere privationem, & formam non distingui realiter, eo quod privatio, extremum reale non est, non tamen est dicere, quod ipsa generatio, & corruptio non sint mutationes distinctæ, eo modo, quo dictum est.

### *Soluntur obiectiones.*

**P**rimò arguitur, corruptio est privatio saltem ex parte termini ad quem, generatio autem

autem est positiua actio : ergò nullo modo possunt identificari , vera enim realitas non potest identificari , cum eo , quod est nihil , & ens rationis . Secundò , quia eadem ratione , qua probatur generationem , & corruptionem identificari in ratione motus , & actionis , probatur identificari in ratione mutationis , quia sicut eadem dispositiua actio , & motus sufficit primariò introducere formam , & secundariò destruere oppositam , ita simplex , & vnica mutatio positiua primariò erit transitus ad formam genitam , & secundariò transitus formæ oppositæ , nec enim repugnabit mutationem negatiuam identificari cum positiua , sicut negatiua actio , idest destructio , cum positiua generatione . Tertiò , quia si generatio identificatur , cum corruptione , generatio erit verus motus , quod tamen negat Phil. in 5. Phys. c. 1. sequela patet , quia in quantum identificatur , cum corruptione habet pro termino a quo aliquid positiuum , & ratione sui , vt generatio , habet terminum ad quem positiuum , ergo saltem identicè est inter duos terminos positiuos , à quo , & ad quem , quod est esse motum saltem identicè . Quartò , si generatio , & corruptio habent ordinem inter se , oportet , quòd fundetur in aliqua causalitate , seu ordine prioris , & posterioris vnus , ergà alterum , hoc autem non datur ; quia , vel n. utio se causant , & hoc non quia corruptio , non potest habere causalitatem in generationem , cum sit priuatio , vel non mutuo se causant , sed altera tantum est causa , & altera effectus , & hoc non , quia in primis corruptio non potest causare , vt dictum est , & sic non potest ipsa esse causa , & generatio effectus : &

quia aliàs esset per se primò intentà, generatio autem, vt consecuta. Si autem generatio est causa, & corruptio effectus, prius recipietur forma genita, quàm expellatur opposita, & sic non recipietur forma genita in nuda materia, nec supponendo expulsam formam. Denique si generatio vnius est corruptio alterius oportet, quòd in eodem instanti sint, si enim sunt in diuersis non identificantur, hoc autem esse non potest. quia corruptio tenet se ex parte dispositionis vltimæ, quæ tollit formam impossibilem formæ genitæ. dispositio autem vltima præcedit formam in ipso subiecto, in quo fit corruptio, ergò corruptio non identificatur cum generatione.

*Ad primum respondetur*, negationem alterius forma rei è posse identificari, cum aliqua positua forma; priuatio enim, & negatio diuersorum non opponuntur, sed imbibitur, & identificatur talis negatio cum ipsa forma, in qua fundatur, sicut fides habet obscuritatem, & calor priuationem frigoris, & quæcumque res negationem eius, quod à se distinguitur.

*Ad secundum negat*, esse eandem rationem de mutatione, & de motu secundùm, quòd motus significat actionem per modum influentiæ, non enim repugnat eandem numero actionem attingere plures terminos ordinatè se habentes, vel consecutos, siuè negatiuos, siuè posituios, eo quòd contingit actionem esse virtualiter multiplicem, & ad multa se extendere, sicut, & virtus ipsa, à qua procedit. At verò mutatio, non dicit aliquid efficiens, sed purum transitum in-èr terminos, & potius dicit aliquid effectum, quàm effectiuum, vnde vbi est distin-

**D**istinctus transitus inter terminos, ibi est distincta mutatio, non autem ubi est distinctus effectus, etiam materialiter, & distincta actio efficiens, sed tamen id, quod materialiter se habet ad rationem actionis, nec multiplicat illam, formaliter se habet ad rationem mutationis eamque multiplicat, quia formalitas mutationis solum consistit in illo transitu effecto, ut dictum est.

*Ad tertium* negatur sequela, non enim sufficit ad rationem motus strictè dicti, ut distinguitur à mutatione habere terminum, à quo positivum concomitanter, & propter impossibilitatem adiunctam, sed formaliter, & per se. Generatio autem substantialis formaliter, & per se non est à termino positivo, sed à privatione formæ. Quod autem corrumperet formam substantialem præexistentem non est, quia habeat illam pro formali termino à quo, per accidens enim, & materialiter se habet ad formam ignis quæ generatur, quod fiat ex stuppa, vel papiro, vel ligno; per se autem, quod fiat ex non igne; sed tamen corrumpit formam præcedentem quæcunque illa sit, quia sunt impossibiles formæ in eodem subiecto, propter privationem adiunctam, quia utraque est forma substantialis, & consequenter prima in subiecto. Unde non admittit aliam, tanquam secundam. Non tamen se habet, tanquam terminus à quo formalis forma præcedens; tunc enim se habet, ut formalis terminus, à quo, quando conducit, ad constitueretam positivam distantiam, vel latitudinem inter terminum à quo, & ad quem, tunc autem constituitur positiva latitudo, & distantia inter ter-

minos, quando sunt positiui, & habent medium, ita quòd ipsa extrema conducunt ad talem latitudinem, quatenus, ex eorum commensuratione, aut coniunctione constituitur medium, & per se postulant transitum, ex vna forma ad aliam per tale medium. Formæ autem substantiales non se habent, vt extrema, per quorum commensurationem, aut coniunctionem constituitur medium, nec per se ex vna forma ad aliam fit transitus, per aliquod medium, sed quæcunque forma immediatè receptibilis est in materia, si dispositio contraria non obstat. Vndè solùm ratione dispositionis, petit transitum per aliquam formam mediam.

*Ad quartam respond.* quòd inter corruptionem, & generationem, datur mutuus ordo prioris, & posterioris sicut formam expulsam, & generatam, est enim expulsio formæ corruptæ prior in genere causæ materialis, forma autem generata est prior in genere causæ formalis. Vndè D. Thom. q. 28. de verit. art. 7. inquit. *Quòd expulsio formæ præcedens, est prior naturaliter in ratione causæ materialis, omnis enim dispositio, ad formam reducitur ad causam materiale, denudatio autem materia à forma contraria, est quædam dispositio ad formam susceptionem.* Quòd verò introductio formæ sit prior in genere causæ formalis, docet in 4. distinct. 17. quæst. 1. art. 4. q. 3. *Quia remotio, inquit, formæ secundum ordinem causæ materialis, præcedit naturaliter introductionem formæ, sed secundum ordinem causæ formalis est e conuerso.* Et idem habet in 1. 2. q. 112. art. 8. ad 1. quid agens per formam agit, ad remouendum contrarium, sicut Sol per suam



fiam lucem agit ad remouendum tenebras, & ideo, ex parte Solis, prius est illuminare, quam tenebras remouere, ex parte autem aeris, prius est purgari à tenebris, quàm consequi lumen ordine naturæ, licet utrumque sit simul tempore. Quare Philosophandum est de corruptione, & generatione, sicut de dispositione vltima, & forma, vt supra dictum est, nec requiritur ad istam prioritatem, ex parte causæ materialis, quòd detur prioritas, etiam in existendo, sed sufficit, quòd concomitetur existentia in re, in illa autem prioritate solum explicatur formalitas, & officium illius dependentiæ, & causalitatis. Et licet corruptio sit effectus secundarius formæ genitæ, sicut etiam dispositio vltima in alio tamèn genere causæ, & sub alio respectu, scilicet, vt tenet se ex parte causæ dispositiue, potest habere medium causæ, & prioritatis.

*Ad vltim. respond.* generationem, & corruptionem dari in eodem instanti temporis, sed in diuersa prioritate naturæ. Dispositio autem vltima non est in aliqua duratione, ante ipsam formam genitam, nec in subiecto corrupto, licet secundum diuersas prioritates naturæ antecedit, & subsequatur in eodem subiecto genito, sicut supra explicatum est, & idem prorsus dicendum est de corruptione, & generatione.



## ARTICVLVS III.

*Virum corruptio sit naturalis, & per se  
intenta à natura?*

**S**upponimus ex 2. Physic. cap. 1. quòd naturale dicitur aliquid, ex eo, quòd habet in se principium sui motus, siuè quòd est à principio intrinseco naturæ, principia autem intrinseca sunt materia, & forma. Illa autem dicuntur secundum naturam, quæ se habent, vt accidentia, & affectiones conuenientes naturæ, vel est subiectum, cuius esse est à natura. Quæ verò conueniunt à principio extrinseco, vel violenter conueniunt, vel præter naturaliter. Hoc ergò inquirimus de corruptione, an conueniat ratione alicuius principij intrinseci, & ita si naturalis, an verò ratione principij extrinseci, & sit violenta, & præternaturalis. Et difficultas esse potest, quia ex vna parte corruptio habet aliquod principium repugnans, scilicet, ipsam formam, & compositum, quòd destrui ur per corruptionem, & ita non potest esse ei naturalis corruptio, sed violenta, vtpotè destructiua eius. Ex parte verò materiz, non inclinatur per se, & directè in corruptionem, quia corruptio est malum, & non esse, ergo non est terminus appetitus, ergo neque materia, quia materia, appetitus quidam est, & illud est ei naturale, quòd est ei appetibile. Non ergò corruptio est naturalis, ex aliqua parte.

*Et ex hoc nascitur secunda difficultas, an corruptio possit esse per se intenta à natura,*

eo quòd malum, vt malum intendi non potest; corruptio autem malum est cum sit defectus naturæ, ergò est præter eius intentionem, sicut etiam monstra non sunt ex in enione naturæ, sed ab ea exorbitant, vtpotè defectus illius, natura autem semper intendit id, quod sibi est debitum, non quod alienum, & exorbitans.

*Nihilominus, Dico primo*, corruptio simplici er est naturalis, & non violenta natura ratione materiae, quatenus dici naturam corruptibilem, sumendo naturale, vt opponitur violento. Tenet hanc conclusionem expresse S. Thom. 1. 2. q. 85. art. 6. & quæst. 5. de malo art. 5. Reddit autem materia naturam corruptibilem, tum quia in se habet priuationem, cum ap. itudine, & poten. ialitate ad plures formas, quarum quælibet non potest plenè satiare materiam, hæc enim est dispositio rei corruptibilis, vt docet S. Tho. 1. p. q. 66. art. 1. Tum quia admittit compositionem, ex contrarijs, vt patet in omnibus corporibus sublunaribus, omne autem corpus, ex contrarijs compositum, est corruptibile, cum contraria agant in inuicem, & sic generant, & corrumpunt, siquidem generatio, & corruptio est ex contrarijs. Sic ergò fundat D. Thom. quòd corruptio sit naturalis, tum loco proximè citato, tum in 5. distinct. 36. q. art. 1. siquidem materia talibus conditionibus est prædita, scilicet, poten. rialitate ad plures formas, & priuatione aliquarum, & susceptione contrariorum, ergò naturale est ei admittere corruptionem formæ, vbi enim principium, & radix naturalis est, id quod conuenit ratione talis principij, naturale esse debet, præsertim si hoc ipsum

conducatur ab bonum commune, quod sine generatione, & corruptione rerum stare non potest.

*Nec obstat* quod, id quod convenit solum ratione principij passivi, non videatur esse naturale, quia oppositum eius non est violentum, solum ratione principij passivi, cum non sit principium resistens agenti. Ad hæc non valet illa consequentia, radix, sed principium est naturale, ergo est actus, inquit ut enim in libero arbitrio, quod naturaliter est peccabile, cum sit ex nihilo, & tamen peccatum est contra naturam, alioquin peccatum non esset, ergo similiter, etiam si ipsa corruptibilitas sit naturalis non sequitur, quod corruptio non sit contra naturam. Hæc inquam non obstant. Ad primum enim diximus, quæst. 8. Physicor. art. 4. quod etiam principium passivum est naturale, ut opponitur violento, & habet inclinationem in aliquid à quo, si remoueat taliter, quod non subrogetur illi aliquid æquè naturale, dicitur pati violentiam, habetque resistantiam ad illud non actiuam, sed formalem. Et quod sufficiat ad rationem naturæ principium passivum, docet S. Thom. 8. Physic. lect. 8. ubi inquit: *Esse contra intentionem Philosophi, ut in materia sit principium actiuum, quod quidem dicunt esse necessarium ad hoc, quod sit motus naturalis sufficit enim, quod sit passivum, quod est potentia naturalis ad actum.* Quare impedimentum talis inclinationis, si ipsa totaliter frustretur, erit violentum principio passivo. Sed aliqui hallucinantur in appetitu, seu inclinatione materiæ, quæ est ad plures formas, ad quantum localem collectionem ad æquæ de ha-

habet ad singulas verò inadæquatè, & ideò sublata vna forma in particulari, non violentatur in recipiendo aliam, quia vtraque æquè naturalis est, & ideò ablatio vnius non est violenta, cum alia æquè naturalis subrogetur, sed si totaliter impediretur corruptio formarum, & acceptio aliarum, in hoc esset violentia materiz, quia impediretur naturalis eius tendentia ad plures formas successiue, & cum corruptione aliarum. Immò ex hoc deducitur argumentum, quia ideò non patitur violentiam materia, recipiendo vnā formam, & amittendo aliam, quia est in potentia naturali ad omnes, ergo ablatio vnius non erit violenta, ergo erit naturalis, omnis enim motus, aut fit natura, aut vi, vt Philos. inquit, Corruptio ergo, naturalis est principio passiuo, qui tenus naturale est illi, ex propria inclinatione habere plures formas, & non simul, sed successiue, vnā amittendo, & aliam acquirendo.

Ad tertium dicitur, quòd illa consequentia non tenet in defectibus voluntarijs, quales sunt peccata, tūm quia voluntarium opponitur naturali, vnde licet potentia deficiendi liberè, naturalis sit, sicut ipsa voluntas naturaliter conuenit homini, tamen actus eius voluntarius est, & liber propter indifferentiam potentiz, tūm etiam, quia peccata sunt contra naturam, vt rationalem, non v. limitatam, & ex nihilo, vnde simpliciter dicuntur contra naturam, quia sunt contra præcipuum, quod est in natura, sed proprium ipsius naturæ. At verò corruptio fundatur, in inclinatione naturali materiz ad plures formas, & in se naturalis est, & non violenta, nec voluntaria, & rursus, licet

fit

fit contraria formæ , quæ corrumpitur quantum ad esse suum , & similiter composito , ex tali forma , tamen ex alia parte ordinatur ad bonum commune , quod perpetuatur , & constat ex pluribus compositis , & rebus , quarum vna succedi alteri , quod fit per corruptionem eius , & sic non contrariatur ipsi materiæ , ut pender à tota collectione formarum , quibus subesse potest , sed solum contrariatur vni formæ particulari , quam excludit ; non est autem connaturale materiæ , solum ab vna forma habere esse , sed à multis successiuè . At verò peccatum voluntatis , non ordinatur ad aliquod bonum commune , sicut corruptio formæ , sed ab eo deordinatur vniuersaliter , & ex omni parte .

Ex quo deducitur , id quod in loco citato in quaestione 9. *Physic.* diximus , quod licet corruptio , sit contraria formæ , eique violenta , & ex hac parte corruptio non sit dicenda naturalis , tamen quia ex parte materiæ , naturalis est , simpliciter sortitur denominationem naturalis , & non violenti , non obstante , quod istæ duæ rationes concurrant ; eò quod denominatio semper sit ab eo , quod magis præponderat in aliqua natura , magis autem præponderat in hac parte , id quod se tenet , ex parte materiæ , quia non solum est naturale , & conueniens ipsi materiæ , ut disponitur ad vnā formam , quod fiat corruptio alterius , sed etiam ad commune bonum rerum corruptibilium conducit , quæ ex successione generationum , & corruptionum coordinantur , & ad communem appetitum ipsius materiæ , quatenus ad omnes formas extenditur , quod expresse , docet  
Diu.

**Diu. Thom.** quæst. 1. de malo art. 3. ad 18.

*Ad difficultates in 1. principio motas.* Ad primam respond. quòd corruptio habet aliquod principium repugnans, ex parte formæ solum ratione sui particularis esse, habet autem aliud principium connaturale ex parte materiæ quatenus, ex sua natura petit successionem in formis, & hoc ipsum ordinatur ad commune bonum totius ordinis rerum corruptibilium, & ideò simpliciter denominatur naturalis. Ad secundam similiter dicitur, quòd corruptio est malum particularis formæ, sed bonum materiæ, & communi rerum conseruationi. Sed tamen aliud est inquirere quomodo ista corruptio sit naturalis, aliud, quomodo sit bonum, & apperibile, hoc enim non habet directe, & primariò, cum sit priuatio; vt autem naturalis sit sufficit, quòd consequatur, ex aliquo principio intrinseco, & naturali, siue sit iuxta secundariam, tanquam requisitum, aut annexum illi, & ordinatum ad ipsam; vt autem sit bonum primariò, & per se, requiritur positiuæ entitas, vt statim amplius declarabitur.

*Dico secundo.* Corruptio non est intenta ab agente particulari, vt agens particulare est, nec immediatè, nec mediatè, nec ratione sui, nec ratione adiuncti ordinis ad bonum, sed respectu illius ordinis comparatur per accidens. At verò respectu agentis vniuersalis ordinantis, & prouidentis totum bonum naturæ, tales defectus sunt de eius intentione non primaria, sed secundaria, supposito tamen illo ordine ab bonum commune. In prima parte conclusionis non omnes conueniunt, sed aliqui  
sen-

sentiunt talia mala , & defectus posse esse de  
secundaria intentione naturæ particularis , &  
non omninò per accidens se habere , id enim  
insinuare videtur S. Thom. in 4. dist. 3. quaest.  
1. art. 1. ad 2. vbi tamen loquitur de natura se-  
cundùm se , & vt vniuersaliter se extendit ad  
agens particulare, vel vniuersale, vt statim ex-  
plicauimus , & eodem modo etiam loquimur  
quaest. 23. de verit. art. 2.

Pro intelligentia tamen conclusionis est ad-  
uertendum, quòd in aliquo malo, seu priuatio-  
ne possumus tria reperire. Primò ipsum bo-  
num super quod fundatur malum, vel priuatio  
tanquam subiectum, vel ex parte subiecti se  
senens. Secundò ipsum malum formaliter,  
seu priuatio secundùm se. Tertiò aliquis ordo  
ad bonum, quòd ex tali priuatione consequi-  
tur, non per se, idest, quatenus malum, & de-  
fectus est, sed vt deseruit alicui bono, quod  
non potest stare, nisi intemieriat tale malum,  
sicut non potest esse acquisitio, & generatio  
termini ad quem, nisi corruptio, & desinente  
termino à quo, nec potest ostendi fortitudo  
alicuius, nisi apposita persecutione alterius.  
Est ergò certum, quòd ipsa priuatio, seu ma-  
lum per se, & ratione sui non potest esse aliquid  
intantum, cò quòd caret in se ratione formali,  
qua intendi potest, scilicet, bono, omne enim,  
quod intenditur, & appetitur debet intendi,  
vt bonum, & vt conueniens, ergò quod caret,  
hac ratione formali, secundùm se non intendi-  
tur, sed si intenditur, erit per aliud, quod ei ad-  
iungitur, & quo vestitur, vnde non primariò,  
& per se, sed secundariò, & per accidens inten-  
ditur. Sed tamen hoc ipsum, quod per se



eidens, sed per aliud habent, & ratione cuius intendi possunt non pertinent ad omne agens, nec ad omne intendens, quia non omne agens respicit rationes vniuersaliores, sed agens particulare tantum rationes particulares, respicit non communes, & ideo prætermittuntur ab ipso, & solum, quia per accidens sunt illi rei coniunctæ ab eo attinguntur. At verò agens, quod respicit rationes communes, & vniuersales, id quod respectu particularis agentis, est per accidens attractum, & per se omissum, potest respicere, ut conducens ad vniuersaliorem finem suum, & sic potest cadere sub eius intentione saltem secundaria.

*Ex hac doctrina* componuntur varia loca S. Thomæ, quæ loquuntur de hac re, & veritas ipsa elicitur, quomodo corruptio per accidens se habeat, & quomodo possit esse intenta. Aliquando S. D. affirmat corruptionem, & alios defectus cadere sub intentione secundaria agentis vniuersalis, sicut 1. p. quæst. 22. art. 2. ad 2. *Corruptiones, inquit & defectus in naturalibus sunt contra naturam particularem, sed tamen sunt de intentione natura vniuersalis, in quantum defectus vnius cedit in bonum alterius, vel totius vniuersi.* Idem docet 3. contra gentes, cap. 94. circa finem, & cap. 71. & omnino idem vult, & non amplius in illa distinctione 36. citata, & quæst. 23. de verit. loquitur enim de natura absolute, non distinguendo de natura vniuersali, vel particulari. Aliquando verò affirmat, similes defectus omnino esse volitos per accidens, etiam à Deo, scilicet, ratione eius boni, cui coniunguntur, ut patet, 1. p. quæst. 19. art. 9. & in quæst. 49. art. 2. vbi dicit

dict: *Quod Fons in rebus causando bonum ordinis uniuersum ex consequenti, & quasi per accidens causat corruptiones rerum.* Et denique in 3. contrā Gentes, cap. 4 5. & 6. Videtur intendere, quod malum semper sit præter intentionē,

Hæc autem sic cohærent, quod defectus isti naturales, secundum se sumpti sunt priuationes quædam, & mala secundum, quam considerationem per accidens se habent, tam respectu agentis particularis, quam uniuersalis; malum enim sub ratione mali, non potest esse volitum, neque intentum, cum non sit appetibile, sed appetitu fugiendum, sed per accidens solum, potest se habere respectu operantis, quatenus, vel permittit illud, non quidem appetendo, sed non impediendo, vel in quantum per aliud appeti potest, idest, ut induit aliquam rationem boni, vel aliquem ordinem ad bonum, siue ad bonum commune, siue ad bonum particulare, & sic potest cadere sub aliqua volitione, vel permissione intenta. Hæc tamen intentio non spectat ad particulare agens, quia ad ipsum non spectat intendere nisi suum terminum ad quem, quidquid autem ex parte termini à quo se tenet nullo modo intenditur, sed relinquitur, nec etiam secundariò, quia ut secundariò intendatur debet secundariò se tenere ex parte termini ad quem; corruptio autem præcise se tenet, ex parte termini, à quo respectu agentis particularis, ergò nullo modo potest cadere sub eius intentione, sed solum per accidens comparatur ad ipsum. At verò agens uniuersale, licet in quantum concurrat, cum agente particulari ad suam generationem, etiam respiciat corruptionem, ut terminum à quo,

quo, tamen propter suam vniuersalitatē, potest secundū aliam rationem illud, quod est terminus à quo attingere, ut terminum ad quem, tanquam aliquid requisitum ad bonum commune, etiam quoad sui corruptionem, sicut Deus, qui omnem creaturam attingit, ut terminum ad quem, & solum pro termino à quo habet nihil, vnde de omni creatura habet disponere, siue quoad existentiam, siue quoad corruptionem, vnde corruptio respectu ipsius, non se habet per accidens, tanquam omissa, sed potest esse intenta saltem secundariò, ut induit aliquem ordinem boni, & non purè, ut priuatio se habet. De alijs verò defectibus, qui ex necessitate materiæ sequuntur dicemus conclusionē tertiā. Et sic concludit D. Tho. 1. p. q. 19. art. 9. quòd Deus malum naturalis defectus, vel malum pœnæ vult volendo aliquod bonum, cui coniungitur tale malum. Hoc est ergò esse de secundaria intentione, scilicet, non posse intendi, nisi præsupposito aliquo bono, quod in se res illa non habet, sed ex aliquo cui adiungitur.

Dico ergò nulla est differentia inter malum culpæ, & pœnæ respectu voluntatis, & prouidentia Dei, siquidem etiam ipsum malum culpæ ordinari potest ad aliquod maius bonum, puta ad humilitatem, vel pœnitentiam huius, & tamen D. Tho. ibi ponit differentiam inter defectus naturales, & mala culpæ, quòd malum culpæ Deus nullo modo vult, quia non vult bonum, cui coniungitur plus, quàm ipsam diuinam bonitatem, cui contrariatur, malum autem pœnæ potest velle volendo aliquod bonum cui coniungitur.

Resp.

*Respond.* esse latam differentiam inter malum culpæ, & pœnæ, quia licet importet priuationem, & defectum, qui non potest ordinari, nisi ex coniunctione ad aliquod bonum, tamen quia priuatio mali culpæ opponitur ordinationi ad bonum diuinum, non potest alicui bono coniungi, ratione cuius possit esse volitum, & ordinatum, quia omne bonum, debet esse volitum per subordinationem ad diuinum. Deus enim solùm vult omnia sub ratione diuini boni, & ideò solùm potest permitti tale malum, idest non impediri à Deo, & ipsa permissio ordinari potest ad bonum. At verò malum pœnæ, seu defectus naturalis non opponitur bono diuino, sed alicui bono particulari, vnde potest inducere ordinem ad aliquod bonum, quod magis præponderet, & diligatur, quàm illud particulare bonum, quod destruit, & ita ratione huius ordinis, seu boni cui coniungitur, non repugnat intendi, & ordinari à Deo, & non solùm permitti.

*Dico veritè.* Monstra, & defectus alij naturales, qui consequuntur dispositionem materiæ, ex qua aliquid generatur, respectu agentis particularis, aliquando sunt fortuita, & nullo modo intenta, aliquando secundariò volita; respectu autem agentis vniuersalis intenta esse possunt. Te hac conclusione videndus est S. D. in 2. contra Gent. cap. 5. vbi dicit: *Si fit alia priuatio, quæ priuat id; quod est debitum, generatio erit causale, & simpliciter malum, sicut cum nascuntur partus monstruosi. hoc enim non consequitur de necessitate, ad id quod est intentum. sed est ei repugnans, cum agens intendat perfectionem generalem, malum autem actionis acti.*

accidit in naturalibus agentibus, ea defectus virtutis activa. Unde si agens habet virtutem deficientem, hoc malum consequitur præter intentionem, sed non erit causale, quia de necessitate est consequens ad talem agentem, cum tale agens, vel semper, vel frequenter paritur hunc virtutis defectum, erit autem causale si hic defectus raro talem comitatur agentem. Ita D. Th. Qua propter agens particulare, quia solum bonum particulare intendit, & secundum formam particularem agit, tantum intendit facere suum effectum meliori modo quo potest, & ita ex intentione sua solum datur perfectio effectus, & assimilatio perfecta. Quod verò virtus eius sit deficiens, vel materia sit indebitè disposita, hoc est præter intentionem eius primariam, eò quod non pertinet ad formam suam tales indispositiones, vel defectus disponere, & ordinare, sed potius quantum potest removere. Sed tamen si omnes removere non possit, & tamen operatur, & sequitur defectus, aliquando sequitur, omninò præter intentionem agentis particularis, & sic casualiter se habent, sicut sunt illa, quæ ut in paucioribus accidunt, hæc enim casualia sunt, & omninò præter intentionem. Aliquando verò sequuntur defectus non omninò præter intentionem, sed ex intentione secundaria, quæ potius est non recusatio illius defectus, quàm intentio positiva eius; ut quando sunt defectus accidentales materiæ de necessitate, vel perpetuò, sicut artifex, qui vult facere gladium eligit materiam duram, ut ferrum, & hoc per se, sed quia rubigo sequitur ferrum, & hæc non conducit, sed potius deficit ab eius fine, non eligit illam,

ex primaria intentione, sed quia non inuenit materiam conuenientem, sine tali defectu, eligit ex secundaria intentione materiam, cum illo propter adiunctam duritiem, quæ conuenit suo fini; & similiter natura in corpore humano eligit materiam conuenientem operationi sensuum, & sic debet esse composita, ex contrariis; sed quia ex illa contrarietate sequuntur morbi, & senium, & alij defectus, illi sunt præter intentionem generantis, sed ex quo non inuenitur materia congrua, sine illis defectibus eligit cum illis saltem, ex intentione secundaria, hæc enim quia conueniunt ipsi generato, ex parte materiæ, & dispositionum quæ consequuntur illam, respici possunt, ex parte termini ad quem, utpotè conuenientes ipsi rei genitæ ex necessitate materiæ, ex qua formatur, ideò possunt pertinere ad intentionem saltem secundariam, quia sunt de necessitate consecuti ad materiam electam, eligitur enim cum talibus conditionibus, non quia eligantur illæ conditiones, sed quia non recusantur, & ita aliquo modo attinguntur secundario. Et hac etiam ratione foemina dici solet aliquid occasionatum, quia est præter intentionem particularis agentis, quod intendit meliorem effectum quem potest, scilicet, masculum, quod verò sequatur deficientior, scilicet, foemina, est præter eius intentionem propter indispotionem materiæ, vel virtutis actiue, ut docet S. Tho. 1. p. q. 92. art. 1. ad 1. & 3. contra Gent. cap. 94. & q. 5. de verit. art. 9. ad 9.

At vero respectu agentis vniuersalis, scilicet, Dei nihil horum est præter intentionem, quia respicit fines vniuersaliores, & ordinem

totius boni communis, ad cuius varietatem, & constructuram pertinent etiam ea, quæ respectu particularium videntur imperfecta, vel defectuosa, aut monstruosa, sicut quod fœminæ sint, est necessarium propter hominum multiplicationem, & multiplex operatio, & virtus naturæ apparet, etiam quando erratur in disponenda materia, & eueniunt monstra, sicut multæ species rerum manifestantur, ex commixtione monstruosa seminum in piscibus, & in animalibus, & alijs similibus, quæ omnia non intenduntur à Deo solum propter necessitatem materiæ, ad quam consequuntur illi defectus, sed propter bonum commune, quod manifestatur, & coalescit, etiam ex illis rebus, quæ solum, ex aliquo præsupposito, & per accidens, seu per aliud habent rationem boni.

*Ex quibus* responderi potest ad quascumque obiectiones, quæ fieri solent, ex eo quod peccata, & mala, & defectus non intenduntur, id enim iam solutum est ex predictis, & ostensum est, quomodo aliqua possunt cadere sub intentione saltem secundaria, quia ex parte rei generatæ se tenent, licet ab agente particulari solum intendatur propter necessitatem materiæ, ab agente autem vniuersali propter conducentiam ad bonum commune. Ostensum est etiam, quomodo aliqua relinquatur per accidens, & permittantur, sicut corruptio respectu agentis particularis, quia tenet se ex parte termini à quo, & auersio à bono diuino in peccato, quia, nunquam subordinabilis est bono diuino, sub quo diuina voluntas omnia attingit. Denique constat quomodo materia inclinetur ad corruptionem, scilicet, ratione generationis, vt.

sc i-

scilicet, possit potentialitatem ad omnes formas explere. Unde materiam, etiam singularis, & indiuidua considerata, secundum potentialitatem communem ad omnes formas, & ut subest agenti vniuersali, qui eam creauit, potest intendere secundario corruptionem, quia ad bonum eius pertinet secundario, & propter successionem formarum. Eadem vero materia, ut subest tantum vni formae, & agenti particulari, quod illam tantum formam intendit, non respicit corruptionem, nisi per accidens, & ex parte termini à quo.

## QVÆSTIO TERTIA.

### *De Alteratione in communi.*



**P**ost explicatam rationem generationis, & corruptionis, sequitur agere de alteratione, quæ illi maximè propinqua est, magisque deseruit. Et primò consideranda est alteratio in communi, prout comprehendit sub se simplicem motum alterationis, intensiorem, & remissionem, aliosque alterationis modos, seu actiones, quæ per alterationem fiunt, ut mixtio, & condensatio, & similia. Secundò in speciali considerabimus de istis speciebus alterationis.

Circa primum tria occurrunt consideranda. Primò de alteratione quid sit. Secundò ad quem terminum sit. Tertiò, an sit motus continuus. De subiecto autem alterationis com-



munis est quaestio, ac de cæteris accidentibus,  
& ideò in q. 9. tractabitur à nobis.

ARTICVLVS PRIMVS.

*Quid sit alteratio, & quoduplex?*

**A**lterationis nomen ab altero deriuatur;  
dicitur enim quasi faciens alterum. Sicut  
autem dicitur in cap. de differentia, aliud est  
esse alterum, aliud esse aliud. Nam ly alterum  
indicat differentiam accidentalem, ly aliud sub-  
stantiali. Et ita possumus nomen alterationis  
communissimè accipere pro omni mutatione  
accidentali in quocumque genere accidentis,  
sed non loquimur in præsentī de alteratione,  
ita vniuersaliter sumpta. Strictius ergo sumitur  
pro mutatione in qualitate, nam in quantitate,  
& loco peculiare mutationes sunt, scilicet, aug-  
mentatio, & motus localis: in qualitatibus au-  
tem, maximè aliquid fit alterum, præsertim  
quando per illas ordinatur ad aliquam corrup-  
tionem, corruptio enim maximè facit alterum.  
Vndè adhuc sumendo totum prædicamentum  
qualitatis, oportet distinguere, quòd quædam  
sunt spirituales, quædam corporeæ: & quædam  
naturales, quædam intentionales; quædam con-  
trarietatem habentes, quædam non. Et illæ quæ  
sunt spirituales, vel contrarietatem non haben-  
tes, ad physicam corruptionem, vel generatio-  
nem non ordinantur, & ideò licet possint la-  
tiori nomine alterationes dici, non tamen di-  
centur alterationes physice, de quibus præci-  
puè agimus in præsentī, quia ad corruptionem,  
& generationem non ordinantur.

*Circa qualitates* autem, etiam contrarietatem habentes duplici via procedi potest, vel per modum mutationis, vel per modum motus; per modum mutationis, quando proceditur à priuatione ad formam, ut à non albo ad album, quæ est generatio accidentalis, & tunc non est à contrario in contrarium, licet qualitas ipsa habeat contrarium: per modum motus, quando proceditur à termino positiuo ad terminum positiuum secundum latitudinem, & distantiam de vno ad aliud, hanc enim dari in qualitatibus manifestum est, ut ostendimus in quæst. 19. Physicor. sicut calor, & frigus, albedo, & nigredo, & alia similia, & tunc est vera contrarietas; & similiter penes magis, & minus in eadem qualitate datur positiua distantia, & latitudo à positiuo in positiuum, & totum hoc fit eodem subiecto sensibili manente, ergò habet omnes condiciones requisitas ad motum strictè dictum, distinguitur à mutatione; & de hac præcipuè agimus in præsentia.

*Hoc supposito*, alteratio ista quæ est motus, sic diffinitur ab Arist. in hoc primo lib. tex. 23. *Quòd alteratio est quando manente subiecto sensibili transmutatur in eius passionibus, aut contrarijs motibus aut entibus medijs*. Ex quo aliqui, sic eliciunt definitionem alterationis, *quòd alteratio est motus ad qualitatem sensibilem mediam, aut extremam*, seu ad qualitatem habentem latitudinem contrarietatis. Dicitur *motus* ad excludendas mutationes instantaneas, inter quas præcipua est ipsa generatio. Dicitur *ad qualitatem* ad excludendum aliàs species motus, quæ versantur circa qualitatem, vel locum. Dicitur *ad qualitatem sensibilem*  
ad

ad excludendum motus, qui sunt circa qualitates spirituales, ut circa habitus, vel actus. Dicitur *mediam*, vel *extremam*, idest contrarietatem, & latitudinem habentem ad excludendum eas qualitates, quæ contrarietatem, non habent ut lux, figura, & aliæ similes. Quare, licet aliæ mutationes ad qualitatem, largo modo dici possint alterationes, & ad eas reducuntur, propriè tamen alteratio respicit qualitates contrarias, & corruptivas, eò quòd ex natura sua alteratio servit generationi, & corruptioni, ut instrumentum eius, versaturque circa qualitates deservientes generationi, & corruptioni; & ita Aristot. in hoc lib. lect. 2. apud D. Th. facit hanc consequentiam contra antiquos Phil. quòd si est impossibile, ex aqua fieri ignem, & ex vno elemento aliud, etiam erit impossibile, ex albo fieri nigrum, & similiter, ex alijs qualitatibus, & sic destructa generatione destruitur alteratio, ergo alteratio ordinatur per se ad generationem. Quare rectè D. Thom. in 3. dist. 15. q. 2. art. 1. q. 1. colligens omnes condiciones alterationis, inquit: *Quòd ad hoc, quòd sit alteratio requiritur, ex parte alterati, quòd sit res per se subsistens, aliter enim subiectum motu esse non potest, & quòd sit corpus, quia solum tale movetur, & quòd habeat naturam contrarietati subiectam, quia alteratio est motus inter contrarias qualitates. Ex parte verò terminorum requiritur, quòd una qualitate expulsa, alia introducatur, sic enim de qualitate in qualitatem transitur.*

*Ex his deducitur differentia alterationis à generatione, & à reliquis motibus. Differt enim à reliquis motibus ex parte termini, quia*

augmentatio est ad quantitatem, motus localis ad ubi. A generatione verò substantiali differt, & ex parte termini, quia est ad substantiam, & ex parte subiecti, quia subiectum generationis est materia prima, alterationis verò, subiectum sensibile, seu materia informata, & ex parte mutationis, quia generatio est instantanea, alteratio verò successiua, & ex parte termini à quo, quia generatio est à priuatione, alteratio à termino positiuo, & contrario. Difert denique à generatione secundum quid, quia non fit per motum, neque à termino positiuo, sed priuatio, sicut cum album fit ex non albo.

*Sed obijcies* ad probandum, quòd alteratio non ordinatur per se ad generationem, nam productio albedinis, & aliorum colorum est vera alteratio, & non ordinatur per se ad generationem substantialem. Similiter acquisitio figuræ, & illuminatio, & obscuratio sunt alterationes, nec tamen ordinantur per se ad generationem substantialem. *Confirmatur*, quia aliàs si non esset possibilis generatio substantialis, non esset possibilis alteratio, siquidem essentialiter ordinatur ad illam, consequens est falsum, ergo: min. prob. quia alteratio non pendet per se à mutatione substantiæ, licet pendeat à substantia, ut à subiecto, ut patet in rebus incorruptibilibus, ut in cœlo, in corporibus beatis, & in damnatis post diem iudicii, in quibus non est possibilis generatio, & corruptio, & tamen dabitur alteratio, ut in cœlo illuminatio, & obscuratio, addensatio, & rarefactio, quadam enim partes cœli sunt densiores, aliæ rariores, immò, & contractio dari poterit,  
cum

cum locutio à beatis in cœlo fieri non possit, nisi per contractionem ipsius corporis cœlestis, vt D. Thom. admittit in 2. dist. 2. q. 2. art. 2. neque enim ibi est aer, qui confringatur quando formatur vox, neque illa formari poterit, sine aliqua addensatione corporis contracti, quia pars diuisa non penetratur cum alia, sed condensatur. In corporibus beatis erit respiratio, locutio, tactus, & gustus, quæ sine alteratione non fiunt. In damnatis erit calefactio, & frigefactio, quibus cruciabuntur, ergo dabitur alteratio sine ordine ad generationem. Denique si homines essent ab æterno non posset in eis esse generatio, vt probauimus in 8. Phys. & tamen in eis daretur alteratio, quia nutrentur, & respirarent, & loquentur, &c. ergo non omnis alteratio per se ordinatur ad generationem.

*Respond.* alterationem, quæ est motus, & versatur inter contraria, per se ordinari ad generationem, vt dictum est. Et ad probationem in contrarium, quod attinet ad albedinem, & alios colores dicimus, quòd licet immediate non deseruiant ad generationem tanquam dispositiones actiuæ illius, ordinari tamen possunt mediatè, & in sua causa, eò quòd isti colores causantur ex temperie primarum qualitatum, quæ ad generationem, & corruptionem immediatius conducunt, & idèò colores, vt ex talibus qualitatibus consecuti, etiam ordinantur mediatè ad generationem, & in sua causa. Acquisitio autem figuræ aliquando fit mediante alteratione, vt cum ex rarefactione, vel condensatione, vel ex alia qualitate partes ita mutantur, vt figuram amittant, & mutant, & tunc

alis acquisitio figuræ mediātē pertinebit ad alterationem : & eo modo etiam ordinabitur ad generationem . Aliquando verò contingit mutatio figuræ per solum motum localem , ut cum per diuisionem , vel coniunctionem partium per motum localem fit noua terminatio quantitatis , & resultat noua figura , & tunc cum non sequatur ad alterationem , nec ordinabitur per se ad generationem . De illuminatione autem , & obscuratione iam diximus non esse alterationem stricte dictam , sed largo modo , & sic non ordinatur per se ad generationem sicut alteratio , quæ est per se inter contraria physica .

*Ad confirm.* negatur min. nec enim alteratio solum requirit substantiam tanquam subiectum , sed etiam requirit mutationem substantiæ , quia est initium quoddam substantialis mutationis , eo quod substantia dependet in sui conseruatione , ab accidentibus , ut à dispositionibus , vnde remotio dispositionum est inchoatio corruptionis . Ad probationem responderetur , quod in cœlo non datur alteratio stricte dicta , quæ est inter contraria , illuminatio enim , & obscuratio non est de se alteratio corruptiua , licet per accidens in rebus inferioribus quatenus dependent ab influentijs cœli , quæ agunt mediante luce , consequatur ex illis alteratio qualitatum corruptiuarum in istis corporibus . Addensatio autem , & rarefactio in cœlis non datur , licet enim quædam partes inueniantur densiores , scilicet , stellatæ , aliæ rariiores , scilicet , diaphanæ , tamen hoc habent ab initio suæ creationis , sicut alia accidentia propria , non autem modò acquirunt illam per alterationem .

Ad id quod adducitur de corporibus Beatorum resp. omnia illa fieri sine motu alterationis, nam respiratio, & locutio fit per motum localem emittentis aerem, & ferientis; nec respiratio beati necessaria erit propter cordis refrigerationem, ut temperetur calor, sicut in nobis, quia corpora illa cum sint incorruptibilia, per alterationem caloris non immutantur. Ad locutionem autem sufficit aerem ferire, & motu locali diuidere. Quomodo autem hoc fiat in cœlo, valdè difficile est apud Theologos, supposita cœli incorruptibilitate, de qua in libris de cœlo. Quòd enim ex D. Tho. afferatur de contractione cœlestis corporis in locutione Beatorum, non dicit id D. S. ex propria sententia, sed supposita opinione aliorum, quòd in cœlo potest esse addensatio, & rarefactio, quam tamen dicit æquiùocè conuenire cœlo. Probabilius tamen videtur formandas esse voces in aere existente in faucibus, & ore Beatorum de quibus Psal. 149. *Exultationes Dei in gusture eorum*, nec est inconueniens, quòd aliquis aer inclusus in corporibus Beatorum ascendat super cœlum, licèt elementalís sit, sicut corpora ipsa beata virtualiter continent elementa, quia mixta sunt; ille autem aer, licèt sit incorruptibilis sicut, & alia corpora elementalia post diem iudicij, ex defectu motus cœli, poterit tamen addensari, aut rarefieri per compressionem, aut dilationem partium factam per motum localem sine alia alteratione, sicut etiam si tunc moueatur aqua, partes eius comprimuntur sine addensatione alteratiua, ut latius explicabimus infra q. 7. Formata autem voce in illo aere deteretur ad auditum alterius Beati

per coelum, tanquam per medium secundum species intentionales, non secundum alterationem physicam, vel fractionem corporis cælestis per sonum. Reliquæ alterationes in corporibus beatis circa passiones, & sensationes erunt solum actiones animales sensuum, per species intentionales, vel actus elicitos, non autem alterationes naturales, & corruptivæ, ut docet D.Tho. in 4. dist. 44. q. 2. art. 1. q. 1. ad 3.

*De corporibus* damnatis dicimus, quod patientur non per alterationem naturalem, quæ tunc omnino cessabit cessante primo alterante, quod est motus cœli, in cuius virtute alia inferiora alterant, sed alteratione intentionali per emissionem specierum, quæ tunc non cessabit, quia non dependet à motu cœli, sed à luce, & alijs qualitatibus intentionalibus, & ita ignis inferni per species tangibiles maxima sensationem sui causabit in illis corporibus de quo videatur D.Thom. in 3. dist. 44. q. 3. art. 1. q. 2. & 3. De homine creato ab æterno dicimus, quod sicut careret generatione per tempus infinitum, ita, & motu alterationis per idem tempus carere deberet, & mutatione, quæ aliqua generatione fit.

*Dicimus* obijcies, nam qualitas habet essentiam simplicem consistentem in indivisibili, ergo secundum suam essentiam non potest terminare motum, qui indivisibilis est, sed mutationem, solum autem poterit terminare motum ratione alicuius gradus secundum magis, vel minus, quod non pertinet ad alterationem, ut alteratio est, sed ut intensio, vel remissio. Antecedens autem manifestum est, quia qualitas



itas habet speciem constantem ex genere, & differentia, quæ quolibet addito, vel subtrahito variatur: ergo ipsa in indivisibili consistit.

*Respond.* quod ut dicit D. Tho. 1. 2. q. 5. art. 1. qualitas, seu forma potest dupliciter considerari. Vno modo secundum se. Alio modo in ordine ad subiectum, non quod in re forma sit sine subiecto; sed quia est diuersa consideratio formæ, vel secundum se absolutè, vel comparatiuè ad subiectum. Et primo modo species eius, & essentia dicitur indivisibilis, secundo verò modo habet diuisibilitatem, ratione cuius potest fieri per motum. Hoc autem benè intelligitur respectu intensiōis, & remissionis, quæ ut dicemus quæst. seq. conuenit qualitatibus per comparisonem ad subiecta; respectu tamen ipsius qualitatis, ut absolutè, & entitatiuè acquiritur, videtur currere difficultas proposita quomodo acquiratur per motum diuisibilem forma indivisibilis in sua specie, & essentia.

*Respondet.* ergo quod quando ipsa species alicuius rei essentialiter importat contrarietatem, & distantiam, seu latitudinem respectu alterius oppositæ, tunc licet formaliter consistat in indivisibili quatenus omnia prædicata essentialiter illi conueniunt, & in hoc modo conueniendi non potest aliquid addi, vel subtrahi, comparatiuè tamen ad oppositum terminum, latitudinem, & contrarietatem fundat, & admittit transitum non solum de priuatione ad formam, sed etiam de vna forma ad aliam; cuius signum est, quia per additionem, seu commixtionem vnus formæ cum alia fit variatio speciei, & resultat forma aliqua intermedia, vel plures intermedia, quæ latitudinem, & di-

stantiam constituunt inter extremas. Ratione ergò huius latitudinis, & contrarietatis inter aliquas formas, potest per motum diuisibilem acquiri qualitas, quæ licet sit indiuisibilis in ipsa formali ratione constituendi speciem, & essentiam suam absolutè, comparatione tamèn ad suum oppositum, habet modum acquisitionis diuisibilem. Et quia ista oppositio, & contrarietas exercetur inter formas per comparationem ad subiectum, ideò adhuc respectu acquisitionis qualitatris per alterationem, saluatur dictum D. Tho. quòd qualitas est indiuisibilis secundùm se absolutè, diuisibilis autem per comparationem ad subiectum prout, scilicet, in illo exercetur contrarietas.

*Circa secundum punctum, scilicet, quotuplex sit alteratio. Respondet.* Alterationem esse motum genericum ad tres species motus alteratiui, scilicet, simplex alteratio, intensio, & remissio. Simplex alteratio respicit ipsam substantiam qualitatis, vt motu acquirendam, scilicet, ex aliquo contrario positiuo. Intensio respicit augmentum qualitatis penès maiorem gradum, seu magis perfectum, remissio autem minorationem penès gradum magis imperfectum. Et hoc ideò est, quia inuenitur triplex modus latitudinis, & distantie in qualitate, potest enim considerari latitudo, vel inter diuersas species qualitatis, vel intra eandem. Inter diuersas, vt inter calorem & frigus, & alias contrarias qualitates, & sic processus ex vna ad aliam fundat motum simplicis alterationis. Intra eandem autem speciem inuenitur maior, vel minor participatio eiusdem qualitatis in subiecto, quæ diuersam graduationem, & lati-

rudinem constituit penes magis, vel minus, ergo diuersus motus fundatur procedendo à minori ad maiorem gradum per augmentum, & à maiori ad minorem per decrementum, & primum vocatur intensio, secundum remissio.

*Quod* si dantur aliz species alterationis, ve mixtio addensatio, & rarefactio, & aliz similes, oportet aduertere, quod istæ non sunt species diuidentes alterationem secundum formalitatem motus, idest secundum diuersum modum latitudinis, & distantie, sed secundum specificationem desumptam ex parte termini ad quem sicut addensatio, quia producit densitatem, & rarefactio raritatem, & mixtio qualitatem temperatam, differunt inter se, sicut etiam differt calefactio, & frigefactio, & aliz alterationes ex parte diuersorum terminorum, à quibus specificantur, licet quia mixtio, & addensatio, & rarefactio communiores sint, & specialiore habent difficultatem, ideo specialiter de eis tractatur in hoc opere.

*Dices* cur similiter non dabitur triplex species motus in quantitate, scilicet, ad quantitatem secundum se, & ad augmentum eius, & ad decrementum, & similiter in motu locali ad vbi secundum se, & ad ascensum, & descensum. Si dicatur, quod vbi semper acquiritur sub aliquo modo situationis, vel rectè, vel circulariter, vel curuè, & ideo ad vbi seorsum non datur motus. *Contra est*, quia etiam qualitas nunquam acquiritur, nisi sub aliquo gradu, vel intenso, vel remisso, ergo similiter non requiritur distinctus motus ad qualitatem, & ad intensiorem, vel remissionem eius. *Confirmatur*, quia in qualitatibus inuenimus,

Alios motus præter istos tres, scilicet, motum extensionis ergà diuersas partes in qualitatibus corporeis, vel ergà diuersa obiecta in aliquibus habitibus, ergò non est ista diuisio adæquata.

*Resp.* esse diuersam rationem de quantitate, & qualitate, tùm quia quantitas non habet partes contrarias inter quas fiat transitus de vna ad aliam per motum, quia species eius sunt linea, superficies, & corpus, inter quas non est contrarietas, neque motus transeundo de vna ad aliam, immò omnes per se requiruntur in qualibus parte continui; tùm etiam quia quantitas quando primò producitur, consequitur ad materiam, seù ad substantiam corpoream per modum dimanationis; quando verò præsupposita aliqua quantitate, alia pars superadditur, vel tollitur iam est augmentatio, vel diminutio, & sic non est locus motui ad quantitatem secundùm se: tùm denique, quia omnis motus physicus supponit quantitatem, cum fiat secundùm contactum, & diuisibilitatem, ergò supponit subiectum diuisibile, & tangibile, quod quantitatem importat. Similiter dicitur de vbi, quòd est diuersa ratio, eò quòd intra idem vbi non datur latitudo, & distantia, vt fiat maius, vel minus in ratione loci, eo quòd locus adæquatus est locato, & sic nisi locatum crescat, vel decrescat, non crescit, vel decrescit locus, augmentum autem, vel decrementum locati non pertinet per se ad motum localem, vt acquisitiuus est talis vbi. Solum, ergò datur latitudo, & distantia inter vnum, & aliud vbi, seù inter diuersa loca. At verò in qualitate non solum datur latitudo inter  
duas

duas qualitates contrarias, sed etiam intra eandem potest crescere magis, vel minus, & sic oportet, quòd detur motus intensiōis, & remissionis in eadem qualitate, & simplicis alterationis intèr diuersas. —

*Ad confirm. respond* quòd motus ille quo extenditur qualitas aliqua per subiectum non est motus distinctus ab aliquo ex prædictis, cùm enim ista extensio fiat per multiplicationem, seu productionem similis qualitatis, non per transitum de subiecto in subiectum, extensio illa qualitatis ad distinctam partem subiecti per inde se habet, ac nouæ qualitatis productio, quæ si fiat de contrario in contrarium erit alteratio, quæ est motus, si de priuatione ad formam erit generatio accidentis per modum mutationis. At verò quando qualitas aliqua extenditur ad noua obiecta, vt fit in habitibus in quibus inuenitur diuersa difficultas in attingendo vnum obiectum inadæquatum, quàm aliud, hoc non fit per alterationem physicam, & strictè dictam de qua agimus in præfenti, sed est alteratio largo modo loquendo, quæ fit per actionem intentionalem, vel appetitiuam, quatenus ex parte ipsius habitus, & non solum ex parte operantis, vel applicationis materiæ datur distincta difficultas in attingendo vnum obiectum, quàm aliud. Et in aliquorum sententia hoc non fit secundum perfectionem eiusdem qualitatis, sed secundum additionem formalem, & aggenerationem habitibus partialis ad habitum præexistentem, & tunc non est alia difficultas in extensione istius qualitatis, quàm in extensione, quæ fit per diuersas partes continui, vtròque enim produ-

ducitur noua pars qualitatis, licet extensio habituum uerseur circa diuersa obiecta inadæquata, v. g. circa diuersas conclusiones intra eandem scientiam. In sententia uerò S. Th. 1. 2. q. 54. art. 4. quam explicauimus in logica, quæst. 27. art. ultimo, per hanc extensionem non fit noua additio formalis per productionem nouæ entitatis, & qualitatis, sed est virtualis additio, quatenus eadem qualitas, seu habitus sub eadem ratione formali magis explicatur, & extenditur ad obiectum ad quod antea non se extendebat, quod est nouum modum perfectionis acquirere, non nouam entitatem, ideoque talis motus cum sit alteratio propriè dicta non est minus, quod non constituat speciem distinctam, sed reductur ad intensiorem, licet non sit intensio penes magis, vel minus circa idem, sed penes extensionem eiusdem circa inadæquata obiecta.

## ARTICVLVS II.

*Ad quas species qualitatis desur per  
se alteratio?*

**D**E hac difficultate agit Aristot. 7. physicorum capite tertio, ibique à pluribus disputatur, hic tamen uidetur esse proprius eius locus, ubi de alteratione ex professo agitur.

*Supponendum* est ergò in prædicamento qualitatis inueniri quatuor species, seu quatuor diuisiones specierum, quas in Logica q. 18. explicauimus, scilicet, habitum, & dispositionem potentiam, & impotentiam, passionem, & passibi-

bilem qualitatem, figuram, & formam, de quibus ibi videri potest, & inquirimus, quænam ex istis speciebus sint capaces terminandi primò, & per se alterationem.

*Deinde* suppono, quòd dari alterationem primò, & per se ad aliquam qualitatem, nihil aliud est, quàm alterationem, ita attingere aliquam qualitatem tanquàm terminum, quòd non mediet aliqua qualitas, vel aliquis alius terminus, ad quem prius talis actio terminatur; tunc autem datur motus secundariò ad aliquam qualitatem, quando per aliud immediatius attractum mediatè, & secundariò aliud attingitur sicut v.g. attingendo, & immutando calorem, vel frigus, tanquàm terminum immediatum, attingitur sanitas, vel ægrotudo, tanquam resultans ex temperamento frigoris, vel caloris, & sic inquirimus, an omnes istæ species qualitatis, vel solùm aliqua sit id, quod immediatè & per se ab alteratione attingitur, an verò solùm aliqua ex his possit immediatè attingi, aliæ verò secundariò, & mediatè, & si solùm aliqua immediatè terminat alterationem, quænam illa sit.

*Sic unica conclusio.* Alteratio physica secundùm quòd de illa loquimur in præsentì solùm est ad tertiam speciem qualitatis per se primò, idest ad passionem, vel passibilem qualitatem. Est Arist. citato loco 7. Physic. ubi etiam videri potest S. Thom. & 1. de generat. lect. 10. & in 1. 2. q. 52. art. 1. ad 3. Et loquimur de alteratione physica, ut excludamus alterationem latè sumptam, quæ etiam comprehendit instantaneas mutationes, & actiones spirituales, vel animales, quæ circa habitus, vel actus versan-  
tur,

tur, nec ordinantur ad generationem, & circa hanc potest dari alteratio latè sumpta, quæ est productio qualitatis. Et dicimus primò, & per se, quia secundariò, & ex consequenti bene potest dari alteratio physica circa aliquos habitus, vel dispositiones quæ sunt primò speciei.

*Fundamentum* huius sententiæ est duplex. *Primum*, quia alteratio physica, ut dictum est per se, & essentialiter ordinatur ad generationem substantialem, & ad corruptionem, generatio autem substantialis, & corruptio exigat contrarietatem in dispositionibus, siquidem per contrarietatem indispositionum fit expulsio, & introductio formarum, oportet ergò, quòd alteratio deserviens generationi primò, & per se tendat ad qualitates contrarias, sed contrariæ qualitates contrarietate physica, primò, & per se inveniuntur in tertia specie qualitatis, ut patet cum in qualitatibus, quæ sunt primò contrariæ, ut calor, & frigus, siccitas, & humiditas, quæ sunt qualitates tertiæ speciei, & similiter qualitates, quæ ex istis resultant tanquam qualitates mediæ, & contrarietatem inter se habentes, quæ omnes ad tertiam speciem pertinent: cum etiam quia qualitates illæ, quæ habent physicam contrarietatem primò, & per se, faciunt transmutationem subiecti, quod maximè ex contrarietate qualitatum transmutatur, & similiter per se immutant sensus secundum contrarietatem, quam inducunt, ergo per se habent inducere passionem transmutantem subiecta, vel sensum, & hoc est quod constituit tertiam speciem qualitatis, quæ idcirco dicitur passio, vel passibilis qualitas, quia, vel

trans-



transeunter, vel permanenter transmutat subiectum, & immutat sensum, & ut dicit S.Th. 1. p. q. 97. art. 2. passio propriè dicta est per quam aliquid à sua naturali dispositione remouetur. Ergò alteratio quæ primò, & per se versatur circà qualitates physicè contrarias, ut ita ordinetur ad generationem, directè solùm respicit tertiam speciem qualitatis, quæ per se primò facit transmutationem in subiecto, & in sensu per passionem.

*Secundum fundamentum* sumitur ex Phil. in 7. physic. cap. 3. discurrendo per omnes species qualitatis, in quibus non datur alteratio physica primò, & per se. Breuiter autem probatur, quia habitus, vel dispositiones, aut sunt spirituales, seu vitales, & pertinentes ad potentias apprehensiuas, siuè appetituas, aut sunt purè corporales, ut sanitas, seu pulchritudo. Si primomodo se habent non pertinet ad præsens, quia non acquiruntur per alterationem physicam de qua loquimur in præsenti, sed per actionem spirituales, vel animalem, licèt præsuppositiuè aliqua alteratio primarum qualitatum, etiam ad istas dispositiones, seu habitus prærequiratur, in eo videlicèt in quo appetitus, vel phantasia ab aliqua dispositione organorum dependet, quæ sit per corporales qualitates. Si verò habitus, & dispositio sit purè corporalis, etiam non potest primò, & per se acquiri per alterationem, quia tales dispositiones important convenientiam aliquam, vel inconvenientiam ad subiectum, ortam ex aliquo temperamento primarum qualitatum, sicut patet in sanitate, & pulchritudine, ergò prius terminatur alteratio ad illas primas qualitates,  
 &

& mediâtè ad sanitatem, vel pulchritudinem : Et in hoc consistit vis probationis Aristot. in loco citato dum dicit, quòd ad habitum, & dispositionem non datur per se alteratio, quia se habent ad aliquid, non autem datur motus per se primò in ad aliquid, ut probatur in 5. phys. quod non est ita intelligendum, quasi dispositio, & habitus consistant in relatione prædicamentali, quæ sola non potest terminare motum per se : in hoc tamèn parificantur relationi prædicamentali, quia sicut relationes consequuntur ex fundamento, & ideò ad ipsum fundamentum terminatur motus per se primò, ad relationem autem consecutiue, ita quia dispositiones istæ corporales resultant ex debita commensuratione, vel proportionem qualitatum, id quod primò attingitur per alterationem eris qualitas illa, ut proportionata, vel attemperata, consecutiue autem ipsa dispositio conueniens, vel disconueniens.

*Quod attinet ad secundam speciem qualitatis. scilicet, potentia, & impotentia, constat non terminare primò, & per se alterationem, non solum in potentijs spiritualibus, quas non attingit physica, & corporalis alteratio, sed etiam in potentijs naturalibus, tum quia non inuenitur in potentijs latitudo contrarietatis sicut nec inuenitur magis, vel minus ratione sui præcisè, tum quia potentia sunt principia innata, tanquam propriæ passiones ab ipsa natura dimanantes, ergò non acquiruntur per alterationem primò, & per se, sed ad generationem consequuntur. De hoc tamen vide quæ dicemus quæst. seq. art. 1.*

*Denique in quarta specie, scilicet, figura, & for-*

forma non datur per se primò alteratio physica, tum quia figura non admittit latitudinem contrarietatis, sed habet se sicut numerus, quia quolibet addito, vel subtracto variatur, & sic latitudinem non habet: tum quia figura resultat ex terminatione quantitatis, & ita aliquando producit ad ipsam quantitatis productionem in ipsa prima generatione rei, ut cum aliquis nascitur cum tali figura; aliquando verò resultat, ex diuisione quantitatis, & tunc etiam non terminat alterationem, aliquando denique, ex alteratione aliqua consequitur, ut ex nimia densitate, vel raritate, aut aliquo simili, figura ipsa mutatur, & tunc non primò, & per se terminat alterationem, sed terminatur alteratio primò, & per se ad illam qualitatem, ad quam consequitur mutatio in terminatione quantitatis.

*Dices* discursum hunc nimium probare, sequitur enim ex illo, quòd ad aliquas qualitates medias, quæ resultant ex primis non possit dari alteratio primò, & per se, sicut ad colorem viridem, vel rubrum, & alias qualitates, quæ ex frigore, & calore resultant, & tamen pertinent ad tertiam speciem qualitatis, ut densitas, & raritas, aliaque similia, ad quæ tamen datur per se primò alteratio.

*Respond.* esse diuersam rationem, quia istæ qualitates secundæ, quæ resultant ex primis, etiam per se alterationem terminare possunt, nec eodem motu attinguntur primò, & per se terminato ad aliam qualitatem, & secundariò ad se, sed requirunt distinctum motum præter illum, qui terminatur ad primas qualitates, tum quia aliquando sunt sine alteratione erga illas,  
sicut

sicut cùm aliquid dealbatur , vel denigratur non præcedente aliquo frigore , vel calore ; tùm quia quando fiunt isti colores ex temperie primarum qualitatum , fiunt per mixtionem sicut aliæ qualitates secundæ , in mixtione autem corrumpuntur qualitates miscibiles , & sic fit vna tertia , vnde necesse est quòd alteratio non sistat in qualitatibus primis , vt in termino , consecutiue autem resultent secundæ , sed potius , quòd destruantur primæ , & tanquam ad terminum ad quem tendat alteratio ad secundam , quæ est mixta ex illis , & ideò per se datur alteratio ad illam . Secus est in dispositione corporali , vt in sanitate , quæ non est qualitas mixta ex corruptione , seu mixtione primarum resultans , sed ex proportionem , & commensuratione , sanitas enim calorem non corrumpit , nec frigus , sed commensurata habet .

*Soluntur argumenta .*

**P**rimò arguitur ad probandum dari per se alterationem ad primam speciem qualitatis , nam quando acquiritur sanitas , vel pulchritudo , aliquo speciali motu , seu mutatione acquiritur , alia est enim mutatio de ægritudine ad sanitatem , quæ est sanatio , quàm à frigore ad calorem , quæ est calefactio , inuenitur etiam diuersa contrarietas inter ægritudinem , & sanitatem , quàm inter calorem , & frigus , & diuersus terminus à quo , & ad quem ; ergò dantur omnia requisita , vt dentur distincti motus præsertim , quia illa mutatio , seu actio , quæ identificatur cum sanitate non identificatur cum calore , & talis motus , seu mutatio , vt ad sanitatem

tem præcisè non est nisi alteratio, nec ad aliam speciem motus pertinere potest, ergo datur alteratio per se primò ad primam speciem qualitatis saltem eo modo ad qualitates secundas, seu mixtas datur alteratio, licèt resulet ex primis.

*Et confirm.* quia in prima specie qualita: is datur propriè, & per se intensio, & remissio ergò, & alteratio, siquidem intensio, & remissio sunt species alterationis, vt art. præceden: diximus: Datur etiam in illa vera contrarietas, vt inter errorem, & scientiam, vitium, & virtutem, sanitatem, & ægritudinem, vbi autem est contrarietas primò, & per se, ibi est fundamentum motus primò, & per se.

*Respondetur*, negando quòd sit diuersa mutatio formaliter ad ægritudinem, vel sanitatem quàm ad primas qualitates, ex quarum proportionem, vel disconuenientia consurgunt, & illa contrarietas inter ægritudinem, & sanitatem, & diuersitas termini à quo, & ad quem totum consecutiue se habet, & est materialiter diuersum respectu alterationis, quæ fit ad tertiam speciem. Quod deducitur ex ratione D. Tho. 1. 2. quæst. 42. art. 1. ad 3. vbi inquit: *Quòd alteratio primò quidem est in qualitatibus terciæ speciei, in qualitatibus vrò primæ speciei potest esse alteratio per posterius.* Et subdit rationem, quia facta alteratione secundum calidum, & frigidum, sequitur animal alterari secundum sanum, & ægrum. Igitur licèt attingatur sanitas, & ægritudo ex vi alicuius mutationis, quæ quidem in re est alteratio, tamen quia non attingitur, vt terminus primò, & per se attractus, sed vt consecutus siquidem semper de.

debet fieri mediante aliqua alteratione caloris; aut frigoris, aut alterius primæ qualitatis, ideò mutatio ista prout tangit sanitatem, & identifiatur cum illa, non est primò, & per se alteratio physica, nec sanitas per se immediata tacta, sed consecutiue, & ideò potius ex ipso argumento sequitur, quòd non detur alteratio primò, & per se ad istas dispositiones, sed consecutiue. Secus est de qualitatibus medijs eiusdem tertiæ speciei, quæ ex mixtione primarum qualitatum resultant, & ita exigunt distinctum motum terminatum ad ipsas qualitates medias, & corrumpentem, ac miscentem primas quod non contingit in acquisitione sanitatis, vt dictum est.

*Ad confirm. respond.* intensiorem, & remissionem physicam, & corporalem esse species alterationis physicæ, & corporalis, sic tamen non inueniri in habitibus, & actibus spiritalibus; vnde nec in illis datur alteratio physica, de qua in præsentì loquimur, & simili et contrarietas, quæ datur non est contrarietas physica, seu corporea, sed communiter dicta, & quæ ad generationem, & corruptionem non ordinatur.

*Secundò arguit.* nam in secunda specie, quæ est potentia, & impotentia potest dari vera alteratio, nam potentia potest debilitari, & impotens reddi per aliquam nouam transmutationem sicut visus, qui est acutus, & vigorosus in iuvene, potest fieri debilis in sene, & ingenium etiam potest hebetari, & impotens reddi ex aliquo accidenti, istæ autem transmutationes non possunt pertinere ad aliam speciem motus, quàm ad alterationem, ergò alteratio

potest versari primò, & per se circa potentiam, & impotentiam.

*Respondes.* quòd potentia, quæ semel dimanavit à natura tanquam à proprio subiecto, non potest tolli, nisi, vel per impotentiam oppositam, vel per intrinsecum impedimentum. Primo modo non potest accidere, permanente una, & eadem natura in eodem statu, nec enim potest ab eadem natura, modò dimanare potentia, modò impotentia sicut ab homine risibilitas, & irrisibilitas. Quòd si pro diuersis statibus dimanaret ab eadem natura, modò potentia, modò impotentia, sicut diuersæ passionēs solent conuenire pro diuersis statibus, adhuc tamen non terminarent alterationem primò, & per se, sed noua dimanatione resultarent. Si verò impotentia consistat in extrinseco impedimento eiusdem potentiæ, tunc alteratio versabitur circa illud extrinsecum impedimentum non circa ipsam potentiam; extrinsecum enim impedimentum pertinet ad qualitatem aliquam tertiæ speciei, per quam ipsa dispositio debita organi, ita alteratur, quòd potentia, quæ à dispositione organi dependet non potest tali indispositione, debite operari, & hac ratione visus acutus redditur debilis, & ingenium heberatur, quia organum visus impeditur, ex aliqua intemperie dispositionum; & similiter imaginatiua, vel phantasia redditur indisposita ad subministrandum intellectui, quod pertinet ad ingenium, & ad istas qualitates dispositiuas potest per se dari alteratio.

## ARTICVLVS III.

*Utrum alteratio sit vnus motus, & continuus?*

**V**Nitas alterationis potest considerari, vel in ratione mutationis, quatenus vnum terminum destruit, & alium producit, vel in ratione motus, qui vtramque mutationem includit, quomodo videlicet sit vnus motus, vel vna aut plures mutationes. Continuitas autem potest tripliciter considerari in alteratione. Vno modo ratione subiecti in quo est, quod, scilicet, per partes continuas alicuius subiecti diffundatur qualitas. Secundò ratione temporis, quod, scilicet, sine vlla interruptione durationis continuetur alteratio. Tertiò ex parte formæ, quod videlicet forma non solum introducatur in instanti, & indiuisibiliter tota, sed aliquid illius continuatiue in tempore, & aliquid in instanti.

*Dico ergo primò.* Alteratio in ratione motus est vnus, includit verò duas mutationes, alteram corruptiuam termini à quo, alteram quæ est acquisitiua termini ad quem. Quod istæ duæ mutationes dentur, constat ex his quæ supra diximus agendo de generatione, & corruptione, quæ duplicem istam mutationem important, & in quæst. 14. Physic. art. 2. vbi ostendimus has mutationes esse necessarias ad motum, quia in illo fit transitus de quodam in quiddam, & consequenter acquirendo vnum, & corrumpendo aliud. Quod verò motus sit vnus patet, quia est vnus transitus, & via de subiecto in subiectum, idest de termino positivo



tivo in terminum positivum inter quos invenitur latitudo, & distantia, vel contrarietas, hæc autem est una, quando solum sunt duo termini inter quos exercetur, sic autem invenitur in alteratione cum sit transitus de vno contrario in aliud contrarium, ergo datur vnus motus. Et eadem ratione est vna actio, quia est vnum agens, & vnum passum, & consequenter vna processio causalitatis.

*Sed dices*, cur similiter generatio substantialis, & corruptio, quæ sunt duæ mutationes non facient vnum motum sicut in qualitatibus? Respond. quod etiam mutationes, non efficiunt motum, nisi inter ipsos terminos positivos fundetur aliqua distantia positiva, vel contrarietas vincenda, & non solum esse, vel non esse mutandum.

*Cuius ratio est*, quia in mutatione, vt præcisa mutatio est solum intenditur acquisitio alicuius esse de nouo, & consequenter ex parte termini à quo solum per se petit non esse, seu priuationem. Si verò hæc priuatio sit coniuncta alicui formæ positivæ id erit per accidens ad talem mutationem, quatenus, scilicet, illa priuatio invenitur coniuncta ad aliquam formam. At verò in motu non solum intenditur acquirere esse de nouo, sed distantiam vincere inter terminos inter quos versatur, & hi debent esse positivi, nam inter priuativum, & positivum non datur latitudo, quia sine medio opponuntur tanquam esse, & non esse, & si aliquid invenitur de medio, est ratione alicuius positivi præsuppositi: contra autem habent medium per quod positivè distant. & opponuntur. Vnde cum inter formas substantia-

les, non attendatur aliqua latitudo contrarietatis, sicut inuenitur in qualitatibus, eò quòd ex participatione formarum substantialium, tanquam ex extremis non participatur, nec contempeatur aliquod medium, neque in vna, & eadem forma inuenitur distantia, & contrarietas inter formas substantiales fundans motum, sicut inter qualitates.

*Secundo* instabis contra conclusionem, nam sequitur ex illa, quòd intensio, & remissio non sint duo motus cum tamen in art. 1. dixerimus illas esse duas species motus. Sequela probatur, nam quando est motus à calore, vt vno ad calorem vt septem, ibi est intensio caloris, qui acquiritur, & remissio frigiditatis quæ deperditur, tantum enim deperditur de frigiditate, quantum acquiritur de calore, ergò illa frigiditas mutatio, est remissio, & tamen est vnus motus, siquidem est tantum vna via, & vnus terminus acquisitus, & vnus deperditus, alioquin quoties intenditur qualitas, essent duo motus, alter à minori calore ad maiorem, alter remissiuis frigiditatis à maiori ad minorem.

*Respond.* intensiorem, & remissionem secundum se esse motus distinctos sicut accretionem, & decretionem, ascensum, & descensum, & tunc sunt contrarij quando versantur circa eandem formam, v. g. intendendo, aut remittendo calorem. Quando autem versantur circa diuersas formas, v. g. intendendo calorem, & remittendo frigus, vel habebunt se disparatè illi motus, si formæ ipsæ ordinem, & connexionem inter se non habeant, vel coordinatè se habebunt si formæ ipsæ consecutiue se habeant, ita vt vna remittat, vel expellat aliam.

Cæterum quando inuenitur motus intensiōis corruppens frigiditatem , vel attenuans , non est per se motus remissionis , quia non est per se minoratio , sed ex consequenti , quatenus est corruptio frigoris inuenti in subiecto . Quia tamen hoc per accidens est respectu intensiōis caloris , ideò ille motus non denominatur remissio , nec fit per modum motus , sed per modum mutationis corruppentis aliquid de frigore ex consequenti , & per accidens , cum intendatur calor : motus autem non sumit speciem suam , neque constituitur in ratione motus penès id quod est per accidens , & ex consequenti , sed penès id quod ex per se , & ex parte termini ad quem se tenet , non ex parte te:mini à quo tantum . Et ideò quando intenditur calor , licet detur remissio frigoris , non tamen est motus remissionis , quia illa minoratio frigoris præcisè se tenet ex parte termini à quo , vt terminus mutatus , & destructus , & consecutiue se habens ad acquisitionem caloris , non vt motus per se minoratiuus , cuius terminus ad quem fit minoratio frigoris , & ideò non ex per se motus remissionis , sed mutatio destructiua frigoris non per se minoratiua , & temperatiua illius . Potest autem dari aliquando intensio sine remissione oppositi , vt in intensiōe lucis , quæ iam supponit tenebras expulsas , vt in intensiōe charitatis , quæ supponit peccatum expulsum per sui primam introductionem , vnde non semper intensio est coniuncta remissioni , etiam per modum mutationis , & per accidens factæ .

*De continuitate alterationis.*

**D**ico *secundò*, alteratio quæ verè est motus, est continuus, vt opponitur discreto si attendamus ad continuitatem, quæ fit per extensionem qualitatis in partibus continui, siue quæ fit penès durationem temporis, siue quæ fit per intensiorem formæ. Et dicimus *vt opponitur motui discreto*, quia si sumamus continuum, vt dicit rationem perpetui, & non cessantis, sic alteratio non est continua, sed definitur, & interruptitur sæpissimè. Itaque licet qualitas possit produci in instanti, vt quando fit vltima dispositio, tamen quando fit per verum motum, neque fit in instanti, neque per multas instantaneas actiones, ita quod inter instans, & instans nihil producat de qualitate, sed solum disponatur, vt in instanti fiat productio, vt aliqui senserunt. Sed oppositum tenetur communiter, vt videri potest apud Mag. Bannez, super primum librum de Generatione, quæst. 6. de alteratione, & Cursum Carmelitanum, disp. 4. de alteratione, quæst. 10. Conimbric. & alios.

Duo ergò, nobis probanda sunt. *Primum*, quod alteratio non potest fieri in instanti, sed habet successionem in duratione temporis: *Secundum*, quod in extensione, vel intensiōe qualitatis non solum in instantibus, sed etiam in tempore intermedio inter instans, & instans producat aliquid qualitatis, & non cessat actio alteratiua.

*Primum* probatum est à nobis, q. 21. Physic. art. 2. quia motus successiuus non habet esse

in

in instanti, quia hoc ipso, quod est successus non est indiuisibilis, omnis enim successio dicit partem post partem: ergo dicit diuisibilitatem, ergo non coexistit, nec mensuratur instantanea duratione. Deinde deducitur ex doctrina D.Tho. 1.p.q.63.art.3. vt etiam ibi adduximus, quia non potest stare, quod subiectum aliquod toto tempore quiescat sub vna forma, & in vltimo instanti illius temporis fit sub alia forma quasi mutatum ad illam in facto esse, ergo motus nunquam post perfici in vno instanti, ita quod ante illud instans nihil sit de motu, & in vltimo instanti fit motus, & terminus motus, sed mutatum esse; quia non potest dari mutatum esse, nisi precedat aliquod moueri, idest aliqua tendentia ad illam formam acquirendam, & oppositam expellendam; vt autem quiescat toto tempore ante, oportet quod ita sit sub vna forma, quod non sit in via corruptionis ad eam, nec tendentia ad aliam, sed ita se habeat nunc, sicut ante; ergo non potest stare, quod in vltimo instanti aliquid sit mutatum, & toto tempore non precedat moueri, sed quiescere. Quod etiam in instantaneis mutationibus, si ordine, & modo nature fiant, apparet, precedit enim aliquis motus, siue per modum dispositionis, siue per modum applicationis; sicut patet in generatione substantiali, & in illuminatione; nam generatio substantialis fit dependenter ab alteratione precedenti, quæ est motus; & similiter luminosum non illuminat naturaliter in hoc spacio, vbi ante non illuminabat, nisi quia hic de nouo producit, vel quia hic de nouo adducitur; si de nouo adducitur precedit, motus localis,

si de nouo producitur per generationem naturalem, ut si fiat ignis, præcedit alteratio, & ita naturali modo nunquam ponitur aliquid sub noua forma etiam in instanti, nisi præcedat aliquis motus. Si autem virtute diuina aliquid producatur, vel creetur subito, sine aliqua dispositione, vel motu præcedenti, hoc non pertinet ad naturalem modum operandi de quo loquimur in præsentī, & sic etiam non est mirum, quòd Corpus Christi ponatur sub speciebus panis in aliquo instanti, cum ante nullus esset motus ad illud, quia hoc fit supernaturali virtute non naturali modo. Et hac ratione probat D. Tho. loco cit. Angelum non posse moueri in instanti quiescendo toto tempore antecedente in alio loco. Si autem Angelus existit in alio loco per totum, & integrum instans, sine ullo tempore, vel motu quiescendo, oportet quòd aliud sit instans pro existentia in vno loco, & aliud pro existentia in alio, ita quòd in vn loco quiescat non toto tempore, sed toto instanti, & in alio instanti sit in alio loco, sed tunc desinitio vnius loci, quæ est in instanti, & per vltimum esse, & inceptio alterius, quæ est in alio instanti non mesurantur vnico instanti, sed duobus, & ita motus ille discretus non est in instanti, sed in instantibus. Vnde nunquam verificatur motus, etiam discretus in vnico instanti.

*Secundum* in hac conclusione probandum est, quòd datur motus continuus continuitate se tenente, ex parte formæ in hoc sensu, quòd si aliquid formæ producit in instanti, aliquid etiam illius acquiritur in tempore, & non cessat actio, & continuatio formæ inter instans, &

instans. Et sic negatur ab aliquibus ista pars. Deducitur tamen ex D. Tho. in 2. dist. 5. q. 2. art. 1. ubi probat dispositiones ad generationem substantialem præcedere tempore introductionem formæ, quia alteratio est motus continuus, & ideo principium eius, & medium præcedunt introductionem formæ: ergo alteratio datur in tempore, & non est discreta per instantia. Eandem continuitatem alterationis per tempus medium inter duo instantia ponit S. D. in quodl. 9. art. 6. & videri etiam potest in 1. de gener. lect. 24. circa tex. 84. & 5. Phys. lect. 7. & sumitur ex Philos. in eodem 5. Phys. tex. 39. ubi dicit: *Quod continuus omnis motus est, & simpliciter quidem unum, & continuum esse necesse est.*

Ratio autem est, quia, vel inter duo instantia continuatur aliquis motus, ita quod non cessat actio, neque quiescit, vel cessat inter instans, & instans omnis motus, & actio productiva qualitatis. Si primum; ergo ille motus, & fluxus inter instans, & instans non potest intelligi sine aliqua forma fluente, quæ in instanti quidem habeat mutatum esse, sed in facto esse fiat, in tempore autem, sed motu sic in fieri, & moveri, quia motus non est præter res ad quas est motus, & sic si realiter datur motus inter instans, & instans, realiter datur forma, cum qua identificatur tanquam cum termino fluente, & successive transeunte de non esse ad esse. Si secundum dicatur, est impossibile, quia si in hoc instanti datur qualitas producta, & immediate post, cessat motus, & in sequenti instanti datur aliquid productum, illud non erit acquisitum per motum, nec per alterationem, quæ

est motus, sed alia actione distincta à successionem, & motu, quæ non apparet quæ sit. Deinde quia inter instans, & instans agens est debite applicatum ad agendum, & passum capax ad recipiendum, & non impeditum non minus, quàm in sequenti instanti, quia ut supponimus nec passum est mutatum inter instans, & instans à sua dispositione, neque agens à sua actiuitate, quomodo ergò suspenditur ab agendo inter instans, & instans? Denique in motu locali non cessat aliquis moueri inter instans, & instans, quia paulatim de vno loco ad alium transitur per medium, & vincitur distantia inter duo loca, ergò similiter distantia, & contrarietas qualitatum, & intensiōis eius vinci debet per successionem, & continuationem motus producendo aliquid inter instans, & instans.

*Nec potest dici*, quòd inter instans, & instans, agens producit aliquid, sed non formam, v.g. calorem, sed dispositionem aliquam ad calorem, v.g. raritatem, vel quid simile. Sed contra, nam præterquamquòd ad calorem non datur dispositio, cum ipsa sit prima qualitas, adhuc hoc dato idem argumentum fit de illa dispositione, nam vel est qualitas, vel non: si non est qualitas non est assignabile quid sit & ad quod prædicamen um pertineat, vel si est modus eiusdem qualitatis, quis modus sit præter intensiōnem, & remissionem, isti enim si producuntur in tempore iam motus intensiōis erit continuus. Si autem illa dispositio est qualitas, v.g. raritas ergò iam aliqua qualitas produci-tur inter instans, & instans, & consequenter eadem ratio erit de ipso calore.

*Dices licet in intensiōe qualitatis motus sit*  
con-



continuus, & producatur aliquid inter instans, & instans, tamen quando alteratio est de una qualitate ad aliam, v. g. inter album, & nigrum, quid qualitatis producitur inter instans, & instans? cum qualitas media non producatur diuisibiliter, sed indiuisibiliter, est enim species vera qualitatis habens esse indiuisibile, & terminans mutatum esse. *Respond.* quod cum transitur de albo ad nigrum per mediam qualitatem, v. g. per pallidum, tunc inter instans, & instans sit pallidum imperfectè, quatenus incipit albedo de florescere, & deficere à perfectione sua, & sic est albedo in corumpi, quod est pallidum in fieri, & hoc sit inter instans & instans, quia habet latitudinem illa corruptio albedinis, & acquisitio palloris, & ita secundum aliquid latitudinis sit in tempore, & in facto esse consummatur in aliquo instanti.

*De indiuisibilibus alterationis.*

**C**um continuum constet ex partibus connexis, quæ utique aliquibus indiuisibilibus continuantur, oportet explicare quomodo in qualitatibus, & alteratione successiva denuntur ista indiuisibilia? *Respond.* quod iuxta diuersos modos diuisibilitatis in qualitate debent considerari eius indiuisibilia. Est enim inuenire diuisibilitatem extensionis ratione subiecti quanti, & diuisibilitatem motus ratione successionis, & denique diuisibilitatem formæ penes magis, & minus in intensiōe, & remissionē. *Quantum ad primum,* sicut accidentia habent extensionem quantitativam mediante quantitate

tate, quæ afficit substantiam, & extendit eam, & accidentia, quæ in ea sunt, sic mediante quantitate redditur qualitas extensa, & diuisibilis, & consequenter mediante ipse habebit etiam indiuisibilia continuantia talem diuisibilitatem quantitativam. Et sicut substantia non habet diuisibilitatem, nec indiuisibilia, nisi mediante quantitate ut probatur est in 6. Phys. q. 20. & in q. 16. Logicæ, ita neque qualitas, & alia accidentia materialiter extensa habent indiuisibilia huius extensionis nisi mediante quantitate, est enim eadem ratio de ipsis, & de substantia quoad hoc.

*Quoad secundum* dicemus, quod in alteratione quatenus motus est, dantur indiuisibilia sicut in alijs motibus, scilicet, quod indiuisibilia sunt ipsa mutata esse in successione qualitatis, quæ terminant, vel continuant ipsam successionem motus sicut explicauimus q. 20. Phys. art. 1. hoc autem mutatum esse, ut sumitur ex D. Th. 1. p. q. 53. art. 3. explicatur per hoc, quod mobile non sit in eadem dispositione in quolibet instanti illius temporis in quo mutetur. Et sic quatenus illa dispositio est in fieri, dicitur esse in moueri, quatenus terminatiue est in facto esse, dicitur mutatum, & tunc est alia dispositio, & ita, siue hoc mutatum esse consistat in al quo indiuisibili in quo finitur, & terminatur, siue in aliquo alio modo, vel ratione, tamen illud constituit formaliter mutatum esse, quod constituit mobile in alia, atque alia dispositione terminatiue, & in facto esse, ita quod omnes partes, quæ sunt in fieri per tempus, sint in instanti in facto esse, & ex illo facto esse sequatur aliud fieri alterius partis, quæ in fa-

esse esse sic in alio instanti, usque ad ultimum in quo sistit motus. Qualitas ergo sic induens diuersa mutata esse, constituit diuersa indiuisibilia successiua motus alterationis.

*Quo ad tertium*, scilicet, de indiuisibilibus ipsius qualitatis, seu formæ, quæ acquiritur per alterationem potest esse difficultas, vel intra eandem qualitatem quando intenditur, vel remittitur, an ista latitudo intensiōis, vel remissionis, quæ diuisibilis est, aliquibus indiuisibilibus partes suas debeat continuare, & copulare. Ea de hoc pertinet ad sequentem quæst. ubi de intensiōe, & remissione qualitatum agemus. Potest etiam esse difficultas, utrum in ipsa latitudine, seu distantia, quæ inuenitur inter duas contrarias qualitates per quam fit transitus de vna ad aliam (vt inter album, & nigrum ponitur pallidum, viride, cæruleum, &c.) an etiam ponenda sint indiuisibilia, quibus ista latitudo, & distantia, quæ diuisibilis est coaugmentetur. Sed tamen in hoc non apparet ratio aliqua constituendi indiuisibilis, quia istæ species non sunt continuæ inter se, nec habent partes eiusdem rationis, quæ indigeant copulari diuersis indiuisibilibus, sunt enim diuersi colores, vel aliæ qualitates mediæ, inter species coloris datur latitudo de colore imperfecto, & inchoato ad alium colorem medium imperfectum, & de illo ad alium, usque ad extremum cum corruptione prioris, qui expellitur, & tunc non acquiritur aliquod indiuisibile copulatiuum partium, sed species quædam determinata, & certa, quæ tamen, quia media est, & imperfecta viam parat, & transitum ad aliam, quæ ex temperatura, & mediatio alterius confugiat.

ideoque latitudinem facit motu vincendam,  
non indiuisibilibus copulandam.

*Soluntur argumenta.*

**P**rimò obijcies contra continuitatem alterationis. Motus alterationis in intensione non potest esse continuus, e.gò falsa est conclusio, quæ loquitur de omni alteratione. Antec. probatur, nam id quod producit per talem motum est aliquis modus maioris, ac maioris radicalionis in subiecto, tales autem modi sunt indiuisibiles in se, vt sequenti quæstione probabitur, ergò non possunt terminare motum, quia ad illum terminandum requiritur aliqua diuisibilitas, & latitudo in termino, ita vt pars motus correfpondeat parti termini, & indiuisibili motus indiuisibile termini. *Confi. m.* quia quælibet pars motus verè, & propriè aliquid producit ergo oportet, quòd in ipso termino motus aliquid cuilibet parti motus correfpondeat, & ita habeat partes priores, & posteriores, ergò si quilibet gradus aliquid indiuisibile est, saltem formaliter totus producat per primam partem motus, & sic nihil relinquitur alteri parti, seu medietati, quod producat.

*Respond.* non repugnare, quòd partes motus terminentur ad aliquid indiuisibile; quatenus est partium terminus sicut partes lineæ terminantur indiuisibili, & similiter in motu omnes partes motus terminantur ipso mutato esse, eo quòd omnes partes motus se habent in fieri respectu illius; immò omnis terminus debet esse indiuisibilis, & terminare partes diuisibi-

biles ; non quòd cuilibet sigillatim inhaereat , & adæquatè , sed inadæquatè alicui indefignatè , vt diximus in quæst. 20. *Phyfic. art. 3.* & ita licèt non adæquetur illis informa iuè adæquatur tamen terminatiuè , quia omnium illarum terminus est. Sic ergò in qualitate quando intenditur , acquiritur gradus aliquis , seù terminus per motum , qui licèt in se sit indiuisibilis , v potè terminus , virtualitèr tamen diuisibilitatem dicit secundùm quòd partes præsupponit , & illarum terminus est ; & sic non requiritur diuisibilitas in termino secundùm se , & formalitèr , sed ratione partium quas terminat , & quas successiue oportet acquiri per motum .

*Ad confir. respond.* quòd quælibet pars motus producit aliquid , nempè illud mutatum esse , non tamen quælibet pars motus producit illud adæquatè , sed inadæquatè , licèt enim terminus ille indiuisibilis sit in se , est tamen terminatum plurium , quæ sub illo stare possunt , & illud respiciunt , v factum esse suum ; quòd si haberet partes priores , & posteriores non esset terminus earum , sed compar. Nec prima pars motus producit totum indiuisibile , seù mutatum esse , tùm quia ibi non datur prima pars motus vbi omnes sunt indefignatæ , & confusæ , tùm quia illa medietas producit terminum inadæquatè , idest , vt partialiter fieri alius , non integrum fieri eius .

*Secundo arguitur* , quia in alteratione , & intentione non est vnus terminus tantùm , sed plures qui continua ipsa actione acquiruntur , ergò non potè esse vnus motus , quia non est vnus terminus à quo sumatur vnitās . Antec. patet ,  
quia

quia dum continuatur, mo- us alterationis plures  
 ei: mini produciuntur, v. g. plures gradus in in-  
 tensione, vel plures qualitates. mediae in altera-  
 tione de vna specie ad aliam, ergo terminus  
 non est vnus, & consequenter, neque motus,  
 & sic nec erit continuus. *Confirmatur*, quia si  
 alteratio esset motus continuus, & duraret, v. g.  
 per horam, in fine horae esset infinita qualitas  
 producta, quia sunt infinita instantia, & con-  
 sequenter infinita mutata esse, ergo si sit in-  
 tensio per totam illam horam, attinguntur illa  
 infinita, quorum quodlibet augeat in tensionem,  
 & gradum, & consequenter in fine horae qua-  
 litas reddetur infinita.

*Respond.* quod in alteratione continua datus  
 vnus terminus adaequatus, licet plures inadae-  
 quati, habet autem vnitatem terminus adaequa-  
 tus ratione ultimi in quo sistit motus, & ad  
 quem caeteri ordinantur, sicut in motu locali  
 quando plura loca attinguntur, vsque ad vlti-  
 mum, ab illo vltimo sumitur vnitatem continuata  
 talis motus, & ideo simpliciter est vnus, quia  
 simpliciter terminatur in vno, vt latius dixi-  
 mus. *quaest. 19 Physic.* Itaque in quolibet in-  
 stanti potest acquiri diuersus locus inadaequa-  
 tus, in eo instans autem, & instans fit transitus  
 de loco ad locum, & tunc dicitur esse in loco  
 quasi in mutari, non in mutato esse, de quo ibi  
 latius diximus.

*Ad confirm. respond.* in primis argumentum  
 illud procedere, etiam si alteratio sit motus dis-  
 cretus, quia sicut intra vnā horam sunt infinitae  
 partes diuisibiles, ita sunt infinita instantia  
 inuisibilia eodem modo, quo partes infinitae,  
 & ideo licet inter instans, & instans non sit

motus, neque actio, eadem manet difficultas quomodo in infinitis instantibus, quæ includuntur intra horam fiat intensio illa quali actus, & non sint infinita. Respondetur ergo, quod infinitas illa instantium, & par ium infinitarum, quæ in quolibet continuo includuntur, est infinitas in potentia, & non in actu, quia est infinitas; quæ includitur, & consumitur in partibus aliquotis, & finit is, & ideò est aliquid finitum in actu, & solùm infinitum in potentia, vt latius ostendimus in quaestione 15. & 20. *Physicorum*. Itaque vt sit infinitum in actu oportet, quod constet partibus infinitis aliquotis, quia debent esse æquales vni tertio, & non communicantes inter se; illæ autem partes infinitæ sunt proportionales, & inde signatæ, & inter se communicantes, vt locis citatis explicauimus, & eodem modo se habent instantia, sed indiuisibilia, quæ cum partibus ipsis, & ad earum modum multiplicantur in continuo, vnde solùm ex illis resultat infinitum in potentia, hoc est, quia potest designari ex quacumque parte in infinitum diuisibilitas totius, & sic ex eo quod tota hora duret intensio solùm sequitur, quod qualitas habebit infinitas partes in potentia, & similiter indiuisibilia, finitas autem in actu, vt potè inclusas intra terminos finitos vnius horæ.

*Tertio arguitur*, quia si alteratio est motus continuus non poterit incipere per primum esse, sed per vltimum non esse, sicut alij motus hoc autem est impossibile, ergo. Min. probat. quia si incipit per vltimum non esse, est verum dicere nunc agens non alterat, immediatè post alterabit, in illo ergo nunc, vel agens est debere

bitè applicatum passio, & tunc non est ratio, quare non ager posita illa applicatione, vel non debite applicatum, & tunc nec immediate post ager, quia immediate post non potest completi tota applicatio, quia diuisibilis est, cum fiat per motum, & in parte diuisibili, & sic immediate post non erit totaliter applicatum in facto esse, ergò neque sequetur actio. Similiter etiam est inconueniens, quòd qualitas, quæ est res permanens non incipiat per primum esse, præsertim cum sit dispositio determinata, & in illa assignari debet minimum, & consequenter aliquid certum, & determinatum, atque adeò debet incipere per primum esse. Denique confirmatur, quia hæc videtur esse mens Arist. 8. Physicor. tex. 23. ubi inquit: *Quòd dicere alterari continuum, est rebus persicinis aduersari*, & subdit, quòd alteratio non fit per partes sicut congelatio sed subito sicut canalis lapidis ab ultima gutta, quam constat non esse motum continuum. Et idem affirmat S. Tho. super eundem locum lect. 5. & 6. Phys. lect. 5. & 2. contra gent. c. 59. & in alijs locis.

*Respond.* quòd sine dubio alteratio sicut, & alij motus, & qualitas per eam producta incipit per ultimum non esse. Et ad probat. dicitur, quòd siuè applicatio agentis ad motum fiat in instanti, siuè non, tamen applicatum esse de facto, pertinet ad mutatum esse, & est in instanti, in illo tamen non incipit intrinsecè motus, sed extrinsecè, atque ita non benè sequitur, agens est applicatum de facto in hoc instanti, ergò in hoc instanti intrinsecè est actio, seu motus, non enim sequitur, quòd actio sit in hoc instanti intrinsecè nisi actio ipsa instanti.



stantanea sit, sed sufficit, quòd incipiat extrinsecè, quia immediatè post erit. Quare non est necesse, quòd motus sequatur ipsum applicatum esse nisi iuxta naturam suam, ita quòd si aliquid est applicatum in instanti, motus non dabitur in instanti intrinsecè, sed immediatè post, & ita in illo instanti incipiet extrinsecè, sicut graue cum generatur sursum in eodem instanti incipit moueri non intrinsecè, sed extrinsecè. De facto tamen non datur primum applicatum esse, sicut nec primum mutatum esse in motu, applicatio enim per motum fit. Quod verò dicitur qualitatem esse rem permanentem, & ita debere incipere per primum esse, distinguo, est res permanens quando est in facto esse determinatè concedo, quando est in fluxu, & fieri nego: vel secundò est res permanens incipiens modo permanenti nego, incipiens modo fluenti, & successiuo, & ad modum motus transeat, & tunc accommodatur ipsi modo fieri qui est per motum, non modo proprio essendi quem habet in facto esse: qualitas tamen, quæ est dispositio ad formam substantialem sub statu illo dispositionis, debet dicere aliquid determinatum, præsertim loquendo de dispositione vltima, nam aliæ latitudinem, & indiuisibilitatem habere possunt, & ita illa incipiet in instanti, & non per modum motus.

*Ad confirmationem respond.* Arist. & D. Tho. in citatis locis solùm intendere contra aliquos antiquos Philosophos, qui ponebant omnia semper moueri, & nunquam quiescere, quòd alteratio non est motus continuus, idest non perpetuò durare, non tamen quòd quandiu durat sit discretus; quando verò dicit quòd al

eratio non fit per partes, sed subito, intelligitur de alteratione pro ultimo effectu, & dispositione, non absolutè, & secundùm se.

---

## QVÆSTIO QVARTA.

### *De intensiōe, & remissione.*

#### ARTICVLVS PRIMVS.

*Quid sit intensio, & remissio, & in quibus  
formis inueniantur?*



Generaliter loquendo omne augmentum, vel decrementum dicitur quantitas in quacunque re contingat, eo quòd id quod nobis sensibilius, & manifestius est in augmentis rerum est quantitas. Tripliciter autem potest inueniri ratio ista quantitatis in qualitatibus, vel formis. Vno modo per extensionem in subiecto, & hoc solum conuenit qualitatibus, quæ inhaerent in subiecto habente partes quantitativas sicut cum albedo diffunditur per aliquod subiectum, & crescit in illo, quia est in pluribus partibus subiecti, & hoc modo dicitur qualitas magna, seu quanta per accidens quantitate subiecti. Alio modo attribuitur quantitas, seu magnitudo qualitati ex parte obiecti circa quod versatur sicut conuenit habitibus intellectus, vel voluntatis, qui versantur circa aliqua obiecta, & aliquando plura, aliquando pauciora com-  
pre-

prehendunt, & secundum hoc dicuntur extendi, vel augeri in ordine ad obiecta, & hæc vocatur extensio virtualis, seu quantitas virtutis, eo quod magna virtus dicitur per ordinem ad obiectum, seu pondus quod ferre potest. Tercio modo dicitur quantitas, seu magnitudo qualitatis secundum participationem maioris perfectionis penes magis, & minus, & hoc pertinet ad intensiorem, & remissionem, de quo videri potest S. Thom. quæst. 1. de veritat. art. 11. ad 10.

*De hac ergo intensiōe duo supponimus in præsentī articulo, & alterum, quod difficilius est disputamus. Primò supponimus dari tale incrementum intensiōis, & decrementum remissionis, quod pertinet ad quæstionem an est. Hoc autem constat ex ipsa experientia, nam videmus qualitates aliquas crescere, aut decrescere penes magis, aut minus, quod non potest reduci ad alias duas extensiones, seu magnitudines dictas, nam videmus calorem, vel albedinem, aut lucem aliquando esse perfectiorem, & maiorem, non quia plures partes subiecti occupet, sed easdem, nec quia subiectum sit densius, vel rarius, siquidem in eodem aere lux solis est perfectior, quam lunæ stante eadem raritate aeris, & ita hoc augmentum non pertinet ad quantitatem extensionis formalis; similiter neque pertinet ad extensionem virtualem, quia lux, & calor, & similes qualitates non habent diuersa obiecta circa quæ versentur, sed subiecta, quæ informant. Relinquitur ergo, quod sit quantitas, & augmentum intensiōis penes magis, & minus.*

*Secundò supponimus definitionem intensio-  
nis, quod pertinet ad quaestionem quid est?  
Definiri autem potest intensio, quòd est motus  
ab imperfectiori esse, suè statu eiusdem quali-  
tatis ad perfectiorem, eodem subiecto sensibili  
manente. Remissio verò è contra à perfectiori  
ad imperfectiorem. Ita tradit M. Bannez q. 2. de  
alterat, & dicitur ab imperfectiori esse, vel statu,  
vt definitio abstrahat ab omni opinione, an fiat  
intensio penès diuersos gradus, vel diuersos  
modos, vel diuersam participationem in esse,  
de quibus postea dicemus. Dicitur autem motus  
quod est genus ad alterationem, & consequen-  
ter ad intensiōem, sed quia non omnis inten-  
sio fit per alterationem propriè dictam, vt in  
spiri ualibus qualitatibus, ideò vtimur gene-  
rali nomine motus, & excluditur etiam per hoc  
acquisitio noui status in aliqua qualitate, vel  
forma non per motum, sed per aliquam eleua-  
tionem, vel modum operandi diuersum, sicut  
charitas, quæ est in via mutat statum in patria,  
non per maiorem intensiōem, & motum, sed  
per nouam apprehensionem obiecti clarè visi.  
Denique significatur distinctio intensiōis à  
simplici alteratione per hoc, quòd fit eiusdem  
qualitatis ad perfectiorem statum, sed è esse,  
quia alteratio simplex producit ipsam qualita-  
tem primò, & per se, non autem solùm perfe-  
ctiorem statum, vel esse illius.*

*Inquirimus autem quænam formæ sint ca-  
paces huius incrementi, & magnitudinis penès  
magis, & minus, quæ est intensio, & remissio.  
Et hæc difficultas per aliquas conclusiones re-  
soluenda est.*

*Dico primò substantia est incapax augmenti*

*in-*

Intensionis, & similiter quantitas, & relatio. Sententia est expressa Philosoph. & sequuntur communiter omnes eius interpretes, nam in cap. de substantia ponitur inter proprietates eius non suscipere magis, & minus: & de quantitate idem docet in cap. de quantitate; & de relatione etiam docet, quod non suscipit magis, & minus, nisi ratione sui fundamenti, sicut est intensior similitudo, quando convenientia extremorum est maior, licet formæ ipsæ, seu res minus sint intensæ in se, & ita sequitur intensio relationis intensionem fundamenti proximi non remoti.

*Fundamentum* huius conclusionis in communi sumi potest, quia ad ista tria prædicamenta primò, & per se non datur motus strictè dictus, scilicet, qui fit secundum latitudinem positivam, intensio autem motus est. Quod si aliquis motus datur, est secundum extensionem, ut in augmentatione quantitatis, nam substantiam constat fieri per mutationem, & non per motum cum non fiat ex eodem subiecto sensibili, sed ex materia prima. Similiter quantitas quando primò producitur, consequitur ipsam generationem sine alio motu; quando autem postea extenditur admittit motum augmentationis, sed non alterationis, & intensio- nis; unde una pars quantitatis addita alteri, non facit perfectiorem gradum, sed eiusdem perfectionis extensionem; facit enim maius non melius. Et hoc præsertim, quia species quantitatis variantur essentialiter penes diuersam terminationem, ut patet in numeris, & figuris, in bicubito, & tricubito, &c. ergò de earum ratione est indivisibilitas, seu terminatio,  
ergò

ergò non admittunt in eadem specie lãtitudinem . Ad relationem denique non datur per se motus, vt in 5. Physicor. dicitur, & ibidem probauimus quæst. 19. solùm enim relatio resultat posito fundamento non ad illam motus datur, & ita non habet intensionem per se primò, sed si habet est consecuta ex fundamento .

*Secundò in particulari* sumitur fundamentum: ex D. Tho. in 1. 2. q. 52. art. 1. quia videlicet forma, ex qua sumitur species rei quam actuat, non potest non consistere in indiuisibili, & consequenter non suscipere magis neque minus, si enim id quod speciem constituit haberet lãtitudinem, vel tota illa lãtudo requireretur ad constituendam speciem, vel sine tota illa posset species constitui, etiam si aliquid illius deesset. Si 1. non saluatur diuisibilitas in tali forma, siquidem non constituitur species per ipsam eius lãtitudinem, sed per totalitatem, & consumationem eius, quod vtique indiuisibilitatem dicit, vltimum enim semper est indiuisibile . Si 2. ergò sine aliqua parte illius lãtitudinis saluatur species, & sic illud sine quo saluatur non spectat ad constitutionem speciei, neque est prædicatum quidditatum cum sine ipso quidditas saluetur .

*Ex quo* deducitur formam substantialem non suscipere magis, & minus, quia per se intrinsecè ordinatur ad constituendam speciem substantialem rei, cuius est forma. Et licet qualitas, & alia accidentia, etiam habeant suam speciem, & essentiam tamen formæ illæ non ordinantur ad constituendam speciem sui subiecti, quod informant, sed supponunt consti-

tutam, & ita per se primò non constituunt speciem eius in quo sunt. Forma autem substantialis constituit per se primò speciem eius in quo est, & propter hoc forma substantialis habet repugnantiam cum intensione, seù receptione magis, & minus, non autem ex hac parte id habet forma accidentalis, licèt, vt de facto intensio ei conueniat, plures aliæ conditiones requirantur: sed sufficit pro nunc, quòd forma substantialis in eo in quo inuenitur dat speciem essentialem, & per se, forma autem accidentalis non, sed supponit speciem constitutam. Vndè signanter D. Tho. loco citato non dixit ideò formam substantialem non suscipere magis, & minus, quia habet speciem, vel dat illam quomodocunque, sed quia participat talem formam, habet speciem secundum ipsam. Quare respiciendum est ad munus, quod exercet forma in suo participante, seù in suo subiecto in quo recipitur; si enim subiectum ita respicit aliquam formam, quòd per ipsam habet species suas, & constitutum suum, talis forma in tali participante non suscipit magis, & minus. Formæ autem aliæ, quæ ita adueniunt subiecto, vt per eas participans non habeat speciem, sed potius speciei constitutæ adueniant, ex hac parte non repugnat, quòd aliquam latitudinem habeant in tali subiecto, non obstante, quòd habeant aliquam speciem, sed non constituentem ipsum subiectum in quo participantur, & ideò ex tali participatione in subiecto non repugnat latitudinem penès magis, & minus habere.

*Quòd si dicas, nam omnis species consistit in aliquo indivisibili, sunt enim species sicut*

numeri, qui, quolibet addito, vel subtracto variantur. *Respond.* aliud esse quòd species quantum ad sui constitutionem consistat in indiuisibili, aliud quòd per ipsam constituatur ipsum subiectum participans talem formam, vel quòd ipsa indiuisibilitas sit aliquod prædicatum ex constitutiuis talis speciei, hoc enim non inuenitur in omni specie, & ideò non omnes repugnant diuisibilitati, & latitudini quam habent in participatione subiecti, licet dicatur quælibet species in indiuisibili consistere propter integritatem, quam requirit omnium prædicatorum essentialium ad sui constitutionem, non tamen omnis species diuisibilitatem excludit ex parte participationis subiecti, vnde sumitur latitudo intensionis, vt dicemus statim.

*Dico secundo* in sola qualitate inuenitur intensio non tamen in omni specie qualitatis. Et quidem loquendo de intensione physica, quæ est species alterationis, non est dubium, quòd sicut alteratio non datur nisi in prædicamento qualitatis, ita neque intensio eius species. Sed tamen ne aliquis dicat, quòd intensio potest inueniri in spiritualibus, & non solum in alteratione, ideò generalius probanda est conclusio. Et in primis quòd in hoc prædicamento inueniatur intensio saltem quoad aliquas eius species, nullo modo dubitari potest, cum manifestè nitatur experientiæ, sicut videmus calorem aliquando magis intendi aliquando remitti, & idem est de alijs primis qualitibus, & de qualitibus medijs vt colore, raritate, & densitate, & similibus.

*Discurrendo* verò per species istius prædicamenti



camenti, quia sunt capaces intensiōis non solum alteratiuæ ( hæc enim ad solam tertiam speciem reducitur sicut ipsa alteratio ) sed etiam communiter dictæ, constat in primis, quod habitus, & dispositio est capax intensiōis, quia habitus virtutum aliquando sunt frequentiores, aliquando remissiores, & similiter scientia aliquando est profundior, & efficacior, aliquando obtusior non solum p̄nēs extensiōem ad diuersas conclusiones, sed circa eandem veritatem potest dari maior claritas, & resolutio ad sua principia, quod pertinet ad maiorem intensiōem, & ita denominatur aliquis magis sciens, vel magis virtuosus, & hoc etiam extenditur ad supernaturales habitus, sicut de charitate dicitur ad Philip. i. *Oro vt charitas vestra magis, ac magis abundet* Apocalyp. vltimo. *Qui iustus est iustificetur adhuc*, & denique iniustitia accepta crescere sanctificator definit Concil. Trident. sess. 6. cap. 10.

*Quod attinet*, ad secundam speciem, aliqui existimant non suscipere magis, & minus, vt intellectus, & voluntas, potentia visua, &c. quia sunt propriæ passionēs, & immediatē sequuntur essentiam rei per emanationem non autem per motum, & secundum contrarietatem latitudinis conueniunt subiecto. Oppositum tenet Magister Sanchez, i. de gener. cap. 4. quæst. 1. conclus. vltima, ponitque exemplum in potentia visua, quam constat magis, ac minus suscipere, & modò esse actiōis visus, modò hebetioris. Certè Aquila videt intensius, quàm homo, & inter homines quidam melius, & fortius alijs, & incompara-

biliter videbunt acutius oculi eiusdem hominis post resurrectionem, quàm modo. Nec obstat quòd sint propriæ passionis animæ, quia etiam calor, & siccitas aliæque primæ qualitates sunt proprietates elementorum, & tamen suscipiunt magis, & minus, Caiet. 1.2. quæst. 52. artic. 1. in fine media via incedit, & dicit, quòd potentia naturales, quæ consequuntur immutabiliter substantias non intenduntur, sicut neque ipsæ substantiæ; quæ verò non immutabiliter consequuntur, sed dependenter ab aliqua alteratione, vt durum, & molle, aliaque similia non inconuenit, quòd suscipiant magis, & minus. Et quia potentia affixæ organis corporeis dependent à qualitatibus alteratiuis, quibus organa temperantur, idèò videtur, quòd illæ possunt suscipere magis, & minus, sicut potentia visua potest esse acutior, & similiter auditus, &c. Et videtur hæc sententia satis rationabilis, non enim est ratio cur non suscipiant magis, & minus huiusmodi potentia, quæ à qualitatibus primis, vel alteratione dependent, præsertim cum experientia suffragetur, quæ in illis intensiorem & remissionem sentit, vt in potentia visua, & molli, & duro, & alijs constat. Nec obstat quòd per generationem instantaneam fiunt, quia etiam aliqua, quæ instantaneè fiunt possunt intendi vt lux, & actus spirituales intellectus, & voluntatis. Quòd autem aliqua potentia non intendatur idèò est vt Caiet. dicit, quia immutabiliter sequuntur, ad aliquam naturam, idest independentem à qualitatibus alteratiuis, & præsertim quæ alicui conueniunt secundum vltimum gradum constitutum na-

træ, ut intellectus, & voluntas ad gradum rationalem, non suscipiunt magis, & minus, quia ipse gradus ultimationem quandam dicit. Itaque non est hoc regulandum per hoc quod aliqua qualitas sit propria passio, vel non, sed per hoc quod aliqua indiuisibilitas sit de ratione alicuius formæ, vel non sit, ut supra insinuauimus. Et ita quia quædam potentia sunt immediatè consequutæ ad substantiam, & independentes ab aliqua alteratione, ideò non recipiunt latitudinem secundum magis, & minus; aliæ verò, quæ non ita immediatè consequuntur, neque independentes sunt ab aliqua alteratione, & primis qualitatibus recipiunt magis, & minus, ratione earum.

*Quod attinet ad tertiam speciem qualitatis, non est dubitandum in illa posse inueniri intensiorem eamque physicè alterationem, siquidem in tertia specie qualitatis ut probauimus, quæst. preced. inuenitur propriè alteratio physica, & consequenter in ensu inueniri potest, quæ est eius species, idque etiam ad sensum patet in calore, & frigore, aliisque qualitatibus sensibilibus, quæ ad istam speciem pertinent.*

*Denique in quarta specie qualitatis non inuenitur motus intensiōis; quia de ratione figuræ, quæ ad talem speciem pertinet est terminatio quantitatis ex qua resultat, & hæc variatur in specie, quacunque varietate terminationis facta, terminatio autem secundum aliquid indiuisibile fit, & ita non comparitur latitudinem intensiōis.*

*Dico ultimo præter intensiōem, quæ est motus secundum magis, & minus, & præter ex-*

ensionem per partes quantitativas corporis datur etiam augmentum extensivum in ali quibus qualitatibus non penes partes subie cti cui inhaeret, sed penes obiecta quae attinguntur, quia sunt obiecta inadaequata, & secundum quod aliquis habitus diversa obiecta attingit, magis dicitur augeri extensivè. Ita sumitur ex D. Thom. 1. 2. quaest. 52. art. 1. ad 2. & 2. 2. quaest. 24. art. 5. ubi docet quod habitus quidam augentur per additionem respectu obiectorum sicut scientia, quae paulatim addiscitur, augetur de nouo circa diversas conclusiones, quas antea non attingebat, & hoc augmentum non est intensio, quia non versatur circa eandem veritatem, sed circa diversas: intensio autem scientiae fit per hoc, quod clarius, & profundius eandem veritatem comprehendat.

*Circa hoc augmentum extensivum nota tres propositiones. D. Thom. Prima, quod tale augmentum non contingit in omnibus formis, seu qualitatibus, sed in illis, quae specificantur ab aliquo extrinseco, sed dicunt ordinem ad aliud. Ita docet 1. 2. q. 52. art. 1. in fine corp. Secunda est, quod necque in omnibus habitibus dicentibus ordinem ad obiectum specificans inuenitur istud augmentum; charitas enim dicit ordinem ad obiectum, nec tamen admittit additionem per augmentum extensivum, ut docet S. Thom. 2. 2. quaest. 24. citata, eo quod quaecumque minima charitas implet totam legem, & omnibus tentationibus resistit, & sic quaelibet attingit omnia obiecta, scilicet Deum, & proximum, non ergo fit maior per extensionem ad obiecta. Scien-  
tia*

etiam verò indiget ista extensione, quia per distincta media procedit ad distinctas conclusiones probandas, licet omnia coordinata sint inter se, & sub eodem lumine ideoque ad eundem habitum spectant, sed diuersam explanationem obiecti petunt, & distinctas species, vel ordinationem earum, ac distincta media probatiua, de quo latius diximus in Logic. quæst. 27. art. 3.

*Quod si dicas*, nam etiam virtutes morales, etiam si sint infusæ possunt habere nouam difficultatem circa diuersa obiecta partialia, vt in loco citato Logicæ diximus, immò indè argumentum sumpimus ad probandum, quod scientia est simplex habitus, licet vincat distinctas difficultates inadæquatas, ergo falso, & inconsequenter dicimus in præsentī virtutes morales non suscipere additionem, sed solū scientiam.

*Respond.* quod vt diximus citato loco Logicæ in solutione ad confirmationem primi argumenti virtutes infusæ vt charitas, & fides, possunt habere diuersam difficultatem circa diuersas materias non ex parte ipsius virtutis, sed ex parte operantis, quæ est difficultas accidentalī, & tamen vnica qualitas simplex sufficit ad illas superandas, similiter ergo sufficit in scientijs ad superandas distinctas difficultates circa distinctas conclusiones, licet requiratur ad illas diuersa motiua inadæquata, eo quod vniuntur sub eadem ratione formali, & lumine, sunt enim coordinata inter se illa motiua, quatenus vnum deducitur ex alio. Itaque ducitur efficax argumentum à simili ad probandum, quod vna qualitas sufficit ad at-

tingendum diuersas conclusiones, licet quælibet habeat suam probationem, & motuum distinctum, & diuersam difficultatem ex parte ipsius mediij, & non solum ex parte operantis, quia adhuc restat locus unitati habitus, quia saluatur principalis ratio, vnde sumitur unitas eius, nempe eadem ratio formalis scientifica, sub qua omnia illa motiua, & probationes coordinantur, & continentur. Vnde si non repugnat, quod qualitas vna attingat distinctas materias, & vincat distinctas difficultates ex parte operantis, dummodo seruetur eadem ratio formalis, vt patet in virtutibus, etiam non repugnabit stante unitate rationis formalis, quod eadem qualitas attingat diuersas conclusiones, & vincat distinctas difficultates requirentes distincta media sub eadem vnica ratione formali, & lumine ordinata.

*Tertia* propositio est, quod hoc augmentum extensiuum dicitur à D. Th. fieri per additionem, qua augetur habitus secundum se, intensio verò per radicationem in subiecto, & non per additionem, non quia noua qualitas addatur in augmentum extensiuo, id enim negat S. Thom. 1. 2. quaest. 54. art. 4. sed quia additur nouum augmentum obiectum, & quia ordo ad obiectum dicitur conuenire habitui secundum se, participatio verò, & radicatio intensio fiat per ordinem ad subiectum in sententia D. Thom. ideò ad distinguendum vnum augmentum ab alio, dicitur illud augmentum fieri per additionem, hoc verò non, quia ibi additur nouum obiectum, & noua explicatio habitus ad illud, hic verò non additur, nouum sub-

subiectum, sed in eodem fit intensio, nec etiam  
nova entitas qualitatis, & ita ex nulla parte fit  
additio.

*Soluntur argumenta.*

**P**rimò arguitur quia non stat quòd intensio  
augeat qualitatem secundum magis, &  
minus nisi ipsa species, & essentia qualitatis  
varietur, ergò ratio intensificationis explicata est  
nulla. Antecedens probatur, quia illud in  
quo qualitas fit magis, & minus est ipsa pro-  
pria ratio, & species qualitatis, species autem  
sunt sicut numeri, ut quolibet addito, vel sub-  
tracto varientur. Si dicatur fieri intensio-  
nem per magis, & minus non in ipsa ratione  
essentiali, & specifica, quæ consistit in indivi-  
sibili, sed in aliquo extrinseco, ut in additione  
gradus, vel entitatis nouæ, aut in maiori parti-  
cipatione, vel radicatione in subiecto. Con-  
tra est, quia in primis intensio non potest fieri  
per additionem nouæ qualitatis eiusdem spe-  
ciei, ut dicemus articulo sequenti: diuersa  
autem participatio in subiecto, & radicatio  
non potest fieri secundum aliquid accidenta-  
le, sed secundum ipsam essentiam qualitatis,  
& oppositum dicit D. Thom. esse propriæ vo-  
cis ignorantiam 1. 2. quæst. 24. art. 4. ad 3. &  
q. 2. de virt. art. 11. ergò in ipsa essentia fit va-  
riatio per intensificationem. Deinde quia si inten-  
sio non fit secundum variationem in ipsa ra-  
tione essentiali, seu specie qualitatis, sed in  
aliquo extrinseco, vel pertinente ad indivi-  
duationem, sequitur quòd formæ substantia-  
les possint intendi, quia potest saluari indivi-  
sibi;

ibilis species, quam præbet forma cum augmento penes magis, & minus in aliquo extrinseco, & individuali, ut quia perfectiori modo uniuntur subiecto, vel sunt radix perfectioris modi operandi cur ergò in illis non erit augmentum intensificationis? Et idem argumentum fieri potest de quantitate, quia secundum diuersum modum terminandi subiectum potest perfectius, & imperfectius participari in subiecto modo quodam extrinseco, & non pertinente ad intrinsecam speciem, cur ergò non recipiet magis, & minus?

*Respond.* negando antecedens. Et ad probat. dicitur per intensificationem non variari speciem, sed modum speciei in actuando subiectum, & perfectius reducendo de potentia ad actum, ut sequenti articulo dicetur. Ut autem additio aliqua, vel subtractio variet speciem alicuius formæ debet addere, vel subtrahere aliquod prædicatum quidditativum, vel modum talium prædicatorum intrinsecum, & essentialiter requisitum non autem addere, vel tollere solum aliquem modum diuersæ participationis in subiecto, vel additionem nouæ entitatis quasi integralis, sicut videmus in substantia materiali plures, vel pauciores partes integrales addi, vel subtrahi, sine variatione speciei.

*Ad primam* replicam dicitur non fieri intensificationem per additionem nouæ entitatis, sed per maiorem radicationem in subiecto, ut dicemus sequenti articulo. Dicit autem D. Th. ignorare propriam vocem, qui dicitur augeri formam per radicationem in subiecto, & non secundum essentiam, quia radicationem  
ipsam



ipsam intelligebant non pertinere ad entitatem accidentis cum tamen entitas accidentis ex se postulet inherere, & participari in subiecto, & sic magis radicari, sine dubio entitatem ipsam inuoluit, & ita inquit D. Thom. in 2. 2. loco citato, quod nihil est aliud ipsam secundum essentiam augeri, quam eam magis inesse subiecto, quod est magis eam radicari. De quo plura art. 3.

*Ad secundam* replicam respondetur ob stare formæ substantiali ne intendatur, quia non habet latitudinem, & contrarietatem per quam sit capax motus, & consequenter in ensionis, ut iam supra dictum est. Et licet species indiuisibilis formæ stare possit cum augmento diuisibili secundum magis, & minus, hoc tamen in forma substantiali locum non habet, quia non solum in se habet speciem, sed constituit suum compositum, quod informat in specie, vnde neque ex parte suæ speciei, neque ex parte suæ participationis, & subiecti participantis, latitudinem fundat, sed si aliquo modo variatur, tota species variatur in se, & in participatione subiecti. Secus est in accidente per cuius participationem subiectum ipsum non constituitur in sua essentiali specie, sed constitutum supponitur vnde ex hac parte non impeditur forma accidentalis intendi, & remitti. Nec tamen ex eo sequitur, quod omnes formæ accidentales possint intendi, aut remitti, si alias condiciones non habeant, ut contrarietatem, seu latitudinem, ita quod indiuisibilitas in constitutione illarum non sit intrinseca, & de ratione earum sicut in constituendis speciebus quantitatis supra ad-

uertimus, & in alijs speciebus qualitatibus latitudine carentibus, & indiuisibilitatem includentibus.

*Quod si dicas* Aristot. in 8. Metaph. tex. 10. & S. Thom. ibi lect. dicere, quod materia fortè suscipit magis, & minus. Respondet D. Thom. 1.2. quæst. 52. art. 1. id intelligi de materia secundum materiales dispositiones non secundum suam substantiam, secundum quam componit cum forma indiuisibilem speciem naturæ.

*Secundò obijcies*, Qualitas secundum se, & antecedenter ad respectum ad subiectum habet contrarietatem, v. g. calor cum frigore, quia habet contrarietatem cum illo, quam non emendicat à subiecto, sed ubi est contrarietas est maxima distantia, ergo etiam est latitudo secundum magis, & minus, & consequenter intensio, & remissio; immò ista contrarietas formarum solum est penes gradus, quia in gradibus remissis non contrariantur qualitates, sed in intensis, in quibus solum se non compatiuntur, ergo non per ordinem ad subiectum dicentur habere magis, & minus, sed secundum se. Item si Deus separaret albedinem niuis, & albedinem hominis, perfectior esset illa, quam ista, & non per radicationem in subiecto, quia extra illud sunt, ergo secundum se; & sic non repugnabit substantiæ intensiorem habere. Denique quia eadem est albedo in concreto, & in abstracto: ergo si in abstracto non intenditur, nec in concreto, vel è contra si in concreto intenditur etiam in abstracto. Quod si accidens in concreto, ut album sumatur non pro forma existente

in subiecto, sed pro composito ex corpore, & albedine, hoc non intenditur, quia aliquid quod includit, scilicet, corpus non intenditur.

*Respond.* quòd licet aliquæ qualitates secundum se fundent contrarietatem, ut inter formam, & formam, & non solum secundum participationem subiecti (licet exerceri non possit contrarietas, nisi in subiecto, quia contraria in eodem subiecto mutuo se expellunt) tamen latitudo, & distantia penes magis, & minus in intensiōe formarum non sumitur penes contrarietatem aliquam inter formam, & formam, sed penes latitudinem participationis, & radicationis formæ in eodem subiecto. Et quando dicitur, quòd ubi est maxima distantia, etiam est latitudo penes magis, & minus. *Resp.* quòd est penes magis, & minus in diuersis formis, quæ non sunt extremæ, sed mediæ inter extrema contraria: magis autem, & minus in eadem forma non fundat contrarietatem, & distantiam nisi respectu subiecti in quo radieatur, & participatur; atque ita contrarietas inter formam, & formam, siue penes maximam distantiam, siue penes formas medias conuenit formis secundum se, distantia autem penes magis, & minus in eadem forma, non conuenit ei nisi secundum diuersam participationem in subiecto. Contrarietas ergo inter formam, & formam prouenit ex ipsa natura talium formarum; licet statum perfectum requirat, ut contrarietas exerceatur, quòd non fit nisi in gradibus perfectis, quia imperfecti mutuò compatiuntur in eodem subiecto, ut latius dicemus infra quæst. sc. Ad

id verò quod dicitur de albedine hominis, & niuis separata. Respondetur, quòd vna illarum erit intensior altera non, propter maiorem radicationem actualem in subiecto, qua carent, sed propter aptitudinalem, quam retinent, & ordinem quem dicunt ad subiectum. Quando autem D. Thom. dicit albedinem separatam habere omnem perfectionem possibilem, & non posse intendi, loquitur de albedine si esset subsistens; & neque actu, neque aptitudine respiceret subiectum. Denique ad id quod dicitur de albedine in abstracto, & in concreto dicimus, quòd est eadem forma, sed non in eodem statu, nec cum eodem respectu, quia in concreto respicit subiectum, in abstracto relinquit, vnde dicit D. Thomas, 1. 2. quæst. 53. art. 3. ad 3. quòd intensio, & remissio tribuitur accidentibus in concreto, & ita non dicitur magis albedo, sed magis album: album verò pro composito non intenditur ratione partis, scilicet, ratione formæ, vt communicabilis subiecto.

## ARTICVLVS II.

*Utrum intensio fiat per additionem gradus ad gradum, vel per maiorem radicationem in subiecto?*

**C**onueniunt serè omnes ad intensiorem qualitatis, aut requiri, aut consequi maiorem aliquam radicationem in subiecto quatenus qualitas intensa firmior est, & tenacior in subiecto, & hoc est radicatio. Ceterum difficultas est an ad istam firmitatem, quæ

quæ etiam argumentum est qualitatis, requiratur additio nouæ entitatis, seu formæ ad eum modum quò fit augmentum in quantitate addendo nouam quantitatem, an verò sine additione nouæ entitatis per additionem noui modi fiat hæc maior radicatio: & de ipso modo, etiam est difficultas, an sit nouus modus addens nouam vim informatiuam, seu rationem formalem informandi ipsi formæ, an verò solùm addatur nouus modus, qui sit noua explicatio, seu applicatio eiusdem formæ sine noua rationis formalis additione. Et utimur nomine *gradus*, communiter in omni sententia, quia *ly gradus*, non solùm significat diuersam entitatem superadditam, sed etiam diuersum modum, & ita generaliter perfectionem intensiōnis nomine *gradus* designamus, siue fiat per additionem entitatis, & formæ, siue per additionem modi, quia etiam diuersus modus graduat. Vndè Caiet. qui additionem ab intensiōne relegauit 1, 2. q. 52. art. 2. tamen expressionem graduum non abhorruit, vt ibidem patet, §. *ad euidentiam*.

*In hac ergò parte præcipuæ sententiæ reducuntur ad duas. Prima, quòd intensio fit secundùm additionem vnius qualitatis ad aliam, quæ additio cum non corrumpat præcedentem, sed illi vniatur, & componat cum illa habet se tanquam partialis qualitas, sicque imaginatur hæc sententia intensiōnem qualitatis ad modum augmenti quantitatis. Secunda sententia docet, quòd intensio fit sine additione nouæ qualitatis, seu formæ, sed per eiusdem communicationem maiorem in subiecto, quæ nouam terminationem, seu modum inducit in qua-*

*qua-*

qualitate. Primam sententiam sequitur Scotus in 1. dist. 17. q. 3. & ex recentioribus Fonseca, Suarez, Vazquez, Rubio, Granados, & alij quos citant, Carmelitani hîc disp. 4. q. 8. Secundam sequitur, S. Th. in 1. dist. 17. q. 2. art. 2. & q. 1. de virt. art. 11. & 1. 2. q. 52. art. 2. & 2. 2. q. 24. ar. 5. & communiter sequuntur omnes Thomistæ.

*Cæterum* in utraque sententia explicanda plures aliz sententiæ diuiduntur. Nam circâ primam sententiam, quidam existimant illas partiales entitates, seu gradus, qui formam intensam constituunt esse eiusdem rationis, & æqualitatis, nec plus habere gradum secundum, vel tertium, quam primum, reddi autem secundum, quia præsupponit primum, cui superadditur, & sic de reliquis. Alij verò existimant gradus illos esse diuersæ rationis, & gradum secundum non esse eiusdem perfectionis, & æqualitatis cum primo. Ita P. Suarez, disp. 46. Metaphysic. sect. 1. à n. 29. Ad hæc adduntur indiuisibilia, quæ istos gradus tanquàm partes uniant, & similiter in ipsis gradibus datur latitudo secundum partes aliquotas finitas, & secundum partes proportionales in infinitum. Et vno verbo; omnia considerantur ad modum augmenti in quantitate. Sunt tamen qui subordinationem admittunt istorum graduum inter se, ita vt secundus præsupponat primum, & tertius secundum, naturali quadam subordinatione, & dependencia, vt à materiali dispositione, & sic habent inæqualitatem indiuidualem, de quo videri potest Murzia disp. 2. de alterat q. 5. Omitto sententiam illam Scoto antiquiorem cuius meminit S. Tho. cit. loco sent. artic. 1. & postea sequutus est Durandus in 1. dist.

dist. 17. q. 5. & 7. & alij quòd intensio producat nouam qualitatem totalem destruendo antiquam, hæc enim sententia non ponit eandem qualitatem intendi, & remitti, sed diuersam generari, & corrumpi.

*In sententia* autem D. Tho. explicanda non parum etiam laboratur circa id quod intelligitur nomine radicationis, seu communicationis maioris, & communiter intelligitur esse aliquem nouum modum, sed valde diuiduntur Authores in explicando quis modus sit; nam aliqui ponunt esse nouum modum qui præbeat qualitati nouam vim informandi subiectum quasi rationem formalem se communicandi. Alij verò solùm ponunt modum nouæ terminationis, vel explanationis formæ in subiecto, quod pertinet quasi ad vnionem, & applicationem ipsius. Vnde aliqui dixerunt esse nouam vnionem, seu inhærentiam qualitatis. Alij nouam existentiam. Alij nouam reductionem subiecti de potentia ad actum, esseque distinctum modum ab inhærentia, & vnione. Alij putant consistere hunc modum in eo quòd plus abiiciatur de forma contraria, ita quòd ipsa forma purior, & impermixtior maneat. Et redit hic eadem difficultas, quæ circa præcedentes sententias, an videlicet isti noui modi habeant inter se aliquam subordinationem, nec sint eiusdem rationis, & æqualitatis, an verò omnes æquales sint, & solùm dicatur secundus, vel tertius, quia præsupponit priorem.

*Dico ergo primò.* Intensio non fit per additionem alicuius nouæ formæ, vel qualitatis siue quæ corrumpat pristinam, & nouam produ-

ducat, siuè quæ, supponendo priorem, aliãam producat tanquam partialem illique coniunctam, quæ maiorem efficiat. Hæc conclusio est expressa S. Thom. locis nuper allegatis, ubi ex professo quæstionem istam tracta, & resoluit, & quidem quòd non producatur forma, quæ corrumpat præcedentem, communiter ab omnibus admittitur, quia illa qualitas præcedens non potest destrui à superueniente, quia non est illi contraria, sed eiusdem speciei, nec ex defectu subiecti, vel causæ conseruantis, quia manent, vt supponimus: & quia aliàs vt diximus non esset intensio augmentum, & perfectio eiusdem qualitatis, sed generatio nouæ, sicut non posset dici quantitas augeri si corrumpere ur præcedens, & alia de nouo produceretur.

*Secunda verò pars*, quòd, scilicet, non fiat in intensione noua pars formæ, seu qualitas quæ addatur præexistenti, manifestè est D. Tho. & præsertim videri potest loc. cit. ex 1. 2. sol. ad 2. Vbi inquit: *Quòd causa augens habitum, facit quidem semper aliquid in subiecto, non autem nouam formam, sed facit quòd subiectum perfectius participet formam præexistentem.* Et ad 3. inquit: *Quòd id quod est minus solidum, aut album non est in potentia ad formam, cum iam actu formam habeat sed est in potentia ad perfectum participationis modum, & hoc consequitur per actionem agentis.* Et 2. 2. q. 24. art. 5. *formam, inquit, esse maiorem, est eam magis inesse susceptibili, non autem aliam formam aduenire, hoc enim effet si forma haberet aliquam quantitatem ex se ipsa non comparatione ad subiectum.* Ergò secundum D. Tho. maior ra-  
di-



dicatio in subiecto non fundatur in noua entitate formæ, sed in nouo modo participationis formæ. Vnde non solum negat D. Th. fieri intensiorem per additionem, ne videatur ponere distinctionem formarum, eo quod ad intensiorem pertinet, quod eadem forma remaneat, sed vltcrius se explicauit D. Thom. quod non fit per additionem intensio, quia non acquiritur noua forma, sed nouus modus, seu participatio formæ, ergo sentit absolutè non fieri intensiorem per nouam entitatem, sed per modum.

*Nec obstat*, quod aliqui obijciunt dixisse D. Tho. ignorare propriam vocem qui dicunt qualitatem intendi secundum maiorem radicationem in subiecto, & non secundum essentiam. Ex quo inferunt sensisse S. D. quod intensio non fit sine additione entitatis. Cæterum sensus D. Tho. clarissimus est, redarguit enim eos qui volebant qualitatem intendi in subiecto sine hoc, quod intrinsecè in se perficeretur; sed solum quia subiectum diuersimode se haberet in participando formam, ipsa forma omnino inuariata manente in seipsa, quod repugnat, & est ignorare propriam vocem, nec enim forma potest communicari subiecto per solam extrinsecam denominationem, sed per intrinsecam immutationem, siquidem perficitur forma ex ipsa communicatione subiecti, siquidem ad hoc intrinsecè ordinatur eius essentia, vt subiectum informet, vnde loco cit. ex 2. 2. art. 4. ad 3. postquam dixit D. Th. quod ignorant propriam vocem qui dicunt charitatem non augeri secundum essentiam, sed secundum radicationem, vel feruorem subdit,  
*quia*

quia nihil aliud est eam secundum essentiam augeri, quam eam magis inesse in subiecto, quod est magis radicari in subiecto, ergo augeri secundum essentiam non est apud D. Th. augeri per additionem, sed est idem, quod magis radicari, & inesse subiecto, quod non sine mutatione ipsius entitatis intrinsecz inuenitur in forma, per modum scilicet ei additum.

Supposito ergo quod hæc est sententia S. Th. restat tradere fundamentum huius veritatis. Ad illud autem tradendum supponit S. Th. tanquam certissimum, quod si augmentum intensionis fiat secundum additionem formæ ad formam, impossibile est hoc intelligere sine aliqua distinctione, & numero formæ ad formam, idem enim sibi ipsi addi non potest, & ipsa separatio graduum quando qualitas remittitur, & perdit illos, manifestè ostendit distinctionem aliquam, eius quod perditur, & eius quod remanet. Quo supposito duo sunt, quæ in sententia D. Th. impossibilem reddunt intensionem per additionem qualitatis ad qualitatem. Primum, quia secundum ipsum D. Thom. non possunt duo accidentia numero solo distincta, & eiusdem speciei recipi in eadem parte, & indiuisibili subiecto, ut ostendimus infra quest. 9. Si autem intensio fieret per additionem nouæ qualitatis eiusdem speciei, necessario reciperet idem subiectum diuersa numero accidentia, eo quod quælibet ex istis qualitatibus, si sola sumatur, & sine conjunctione cum altera, est sufficiens facere vnum individuum accidentis, ut patet quando ante additionem manebat qualitas in subiecto indiuiduata sine illa noua parte superaddita

addita, id ergo quod postea superadditur, de se, etiam indiuiduari postulat à tali subiecto sicut præcedens, ergo iam sufficienter possunt duo accidentia indiuiduari ab eadem parte subiecti; per accidens autem est, quòd coniungantur in vnum. Et in hoc fundatur id quod D. Th. 1. 2. q. 52. art. 2. citat ex Philos. in 4. Phys. tex. 84 quòd non potest intensio fieri per additionem, *quia ex calido fit magis calidum nullo addito in subiecto calido*, reputat enim D. Th. pro eodem, quòd addatur calor, & quòd addatur calidum, eo quòd calor non potest addi nisi addatur distinctum subiectum à quo indiuiduatur, & sic perinde est addi calorem, & addi calidum. Sed de hoc infra tractandum est dicta q. 9. & ideo in præsentì non oportet illud expendere.

*Secundum ergo principium in doctrina D. Tho.* est quia nulla forma potest habere quantitatem, & partes nisi per ordinem ad subiectum, & per accidens, non autem per se, quia aliàs esset composita ex pluribus partibus, & sic non esset pura forma, sed aliquid constitutum, & compositum, quod est contra rationem formæ, quæ debet esse aliquid simplex, & pars componens, non autem res composita. Si autem forma adueniens non componit cum præcedenti, nec constituit vnum per se, solùm erit qualitas intensa vnum per accidens; id est plures qualitates remissæ in eodem subiecto constipatæ, vnde non esset ita vna qualitas intensa sicut remissa nec motus intensiōis esset circa eandem qualitatem, quæ magis, aut minus esset talis, sed circa diuersas; & ulterius qualitas operatiua (sicut calor) quando esset

esset intensa non posset vnica operatione operari, sed deberet plures operationes facere, quia non procederet ab vnica qualitate, sed à pluribus, & sic faciens actum qualitatis intensum, faceret plures actus, & non vnum, quia procederet à pluribus formis remissis quarum quælibet haberet operationem suam, quæ omnia valde absurda sunt, & inconuenientia.

*Si ergo* plures partes componunt vnā qualitatem, vel sunt partes integrantes illius, vel essentielles. Essentiales esse non possunt, tum quia sine quælibet illarum saluatur essentia qualitatis vt patet in qualitate remissa, tum quia partes essentielles si componunt vnum per se, debet altera se habere, vt materia, altera vt forma, siue vt potentia, & actus, illæ autem partes siue gradus se habent vt formæ, quia informant subiectum, non autem vna se habet vt materia, altera vt forma, vel vt potentia, & actus, aliàs qualitas informaret qualitatem, tanquam forma materiam, neque illa, quæ se haberet vt materia: esset actiua, & operatiua per se, sed solum quando haberet actum suum, quo informaretur, cum tamen videamus, quod tam pars remissa caloris, quæ videtur esse materia, quàm intensa, quæ videtur esse forma operatiuæ sine, & actuales. Partes autem integrantes esse non possunt, tum quia forma ex illis partibus non potest esse composita, quia de ratione formæ est, quod sit principium compositi, non autem principiatum. & compositum, sed simplex principium: tum etiam quia specialiter repugnat formæ, seu qualitati compositio ex partibus integrantibus, quia partes integrantes sunt materiales, & ratione materiæ con-

conueniunt, vt infra dicemus quæst. 9. eo quòd partes integrales conueniunt in forma, & differunt p̄nes quantitatem, siquidem sine quolibet illarum saluatur quidditas, & substantia rei, & sic additio partis integralis non facit additionem formæ. Cum autem forma sit id quod aliquid constituitur tanquam principio, additio formæ per modum partis integralis non addit rationem formæ, sed potius materializat ipsam formam, & multiplicat secundum aliquid materiale non formale, & sic non facit formam perfectiorem, & magis talem in ratione formæ, quod pertinet ad intensionem sed materialiter multiplicatam, quod pertinet ad extensionem. Nec potest dici quòd sint partes integrales similitudinariè, eo modo quo in virtutibus assignantur partes integrales à Diu. Tho. & Theologi 2. 2. q. 48. & q. 128. & q. 142. Etenim istæ partes integrales non intendunt virtutes, sed important conditiones quasdam, vel dispositiones, seu habitus adiunctos principaliori virtuti dantes diuersas operationes, & hæc etiam in virtute remissa inueniri possunt, sicut temperantia habet honestatem, & verecundiam; fortitudo, fiduciam, & magnificentiam: prudentia memoriam docilitatem, etiamsi sint remissæ; qualitas autem intensa, & remissa non ita differunt, sed vtraque habet eandem rationem adiuuitatis, vel operationis, licet non eundem modum perfectionis, non tamen vna se habet vt conditio, vel dispositio ad alteram.

*Denique* probatur conclusio, quia multiplicatio entitatum quantò minor fuerit tantò est conuenientior naturæ, si ergò non fuerit impos-

possibile, neque inconueniens, quòd sine additione formæ, & entitatis nouæ fiat intensio, talis additio non erit ponenda: quòd autem hoc non sit impossibile, neque inconueniens probabitur amplius conclusione sequenti, vbi ostendemus posse fieri perfectiorem vnionem alicuius formæ, sine additione nouæ entitatis, idque magis explicat vnitatem, & simplicitatem formæ quia quantò minor sit additio tantò est simplicior in entitate, licet sit multiplex in virtute, pertinet autem ad rationem intensiōnis, quòd forma eadem manente fiat perfectior, & virtuosior, ergò si hoc potest fieri per maiorem communicationem sui ad subiectum, sine additione nouæ entitatis conuenientius hoc erit ad naturam intensiōnis.

*Dico secundo.* Intensio non fit per additionem alicuius noui modi præbentis formæ nouam vim informatiuam, sed nouam rationem formalem informandi, sed nouam explicationem eiusdem formæ in subiecto tollendo confusionem, & potentialitatem ipsius, & reducendo illam ad maiorem vnitatem, & subiectum magis subiiciendo ad talem formam, ex hoc autem consequitur, quòd si habuerit contrarium, expellat illud, non tamen in hoc formaliter consistit intensio. Ita sumitur ex D. Thom. in 1. dist. 17. q. 2. art. 2. ad 3. vbi inquit: *Quòd non est de ratione intensiōnis alicuius qualitatis, quòd sit per remotionem à contrario, sed hoc accidit qualitati secundum quod est in subiecto participante contrarium, sed hoc est de necessitate intensiōnis, ut qualitas educatur de imperfecto ad perfectum, sicut patet in diaphano in quo nihil est contrarium luci, quod potest lumen inten-*

*intendi secundum incrementum illuminantis. Hæc autem imperfectio est ex potentialitate ipsius naturæ, quæ subijcitur perfecti. & ætui, cum enim omnis potentia receptiva ad multa se habeat secundum istam multitudinem ipsius dissimile est principio agenti, quod est terminatum ad ætum unum, & secundum quod ista coniunctio potentialitatis magis subijcitur ætui perfectior perficitur ætus, & ipsum perfectum magis efficitur unum, & magis assimilatur principio agenti. Ita D. Tho. quietiam in 2.2.q.24. art. 5. in corp. & ad 13. explicat istam intensiorem fieri per hoc, quod subiectum magis reducatur in ætum, & per hoc quod forma magis infit subiecto, & quod fieri maiorem ipsam formam, est eam magis inesse susceptibili non autem aliam formam aduenire.*

*Ut fundamentum huius conclusionis tradatur, & explicetur, duo facienda sunt. Primum ostendere, quod non repugnat unionem, & communicationem formæ ad subiectum, habere latitudinem, & posse variari sine hoc quod addatur nova entitas formæ. Secundum, quod modus iste non debeat addere novam vim informativam, sed novum modum communicationis, & unionis. Primum constat aliquibus exemplis, nam videmus quod eam quantitas sine additione partium, & quantitatis novæ potest mutare terminationem, & modum existenti in subiecto, ut infra dicemus q. 7. sicut fit in rarefactione, & condensatione. Similiter forma substantialis animæ sine additione novæ entitatis potest se diverso modo explicare, & unire materiæ advenienti per nutritionem, & in una parte unum effectum præbere, in alia  
aliud,*

alium, ut in oculo dat potentiam videndi, in manu tangendi, & potest priuari vno effectu, & non alio, & rursus effectum illum quem perdidit præbere si materia debitè disponatur. Similiter ergò non repugnabit quòd eadem qualitas, diuerso modo subiectum actuet communicatione sua, & diuerso modo explicet suos effectus in materiam secundùm latitudinem, quam habet: cuius signum est ipsa contrarietas formarum quæ potest magis perfectè, vel imperfectè tolli. Itaque non repugnat totam formam communicari subiecto sed non totaliter, & secundùm omnem modum, vel effectum quem potest illi præbere, & sic magis, vel minus assimilare sibi subiectum, & reducere potentialitatem eius ad vnitatem actualitatis, sicut etiam totus Deus videtur à quolibet beato, sed non to aliter, ideoque potest diuerso modo vniri, & se communicare sine additione entitatis per maiorem explicationem eiusdem. Similiter in gratia videmus, quòd vni-  
ta vni subiecto explicat aliquem effectum, v.g. facere filium adoptiuum, quem in alio subiecto, ut in Christo propter incapacitatem personæ facere non potest. Et species visibilis in aere non reddit informatum subiectum representatiuè, & intentionaliter, sed solum entitatiuè, in oculo autem etiam intentionaliter informat sine illa additione entitatis, & similia multa alia exempla suppetunt, quæ manifestè ostendunt eandem formam, sine additione entitatiua posse explicare diuersos effectus formales, vel eundem diuerso modo propter diuersam dispositionem subiecti, quæ diuersimodè subiicitur formæ. Immo addo, quòd etiam  
si in-



si intensio fieret per additionem formæ ad formam, adhuc necesse esset variari vnionem siquidem cum accrescit vna pars ad alteram partem, & ex vtraque sit vna forma, non potest illa vnio, quæ ante vniebat, & solum modificabat formam antecedentem, modificare, & afficere illam nouam formam, quæ ex vtraque conflatur, ergò oportet nouam vnionem dari, sicut, & nouam formam conflare, nisi fortè dicatur manere plures vniones partiales diuersarum partium eiusdem formæ, quod tamèn non tollit dari vnica[m] totalem, quæ ex omnibus conflatur, sicut datur vnica forma quæ ex omnibus illis partibus sit, vnio autem correspondet formæ, ergò sicut forma totalis est diuersa, ita oportet totalem vnionem variari.

*Secundum* verò explicatur, quia in defendenda sententia D.Th. duo sunt modi dicendi. *Quidam* enim ponunt produci per intensiõem nouum modum, qui non solum se tenet ex parte vnionis, sed etiam ex parte ipsius formæ, seu principij informatiui, ita quòd addat illi nouam actualitatem, & vim informandi perfectius quam sine illo modo, & nunc modum distinguunt ab ipsa vnione, & ab existentia, & inhærentia, vocantque illum modum radicacionis. Et fundamentum est, quia nulla forma potest præbere effectum formalem perfectiorem nisi in se ipsa, & tanquam principium quo sit perfectior, & actualior, siue entitatiuè, siue modaliter, ergò præter vnionem oportem, quòd forma ipsa perfectior reddatur, & actualior per modum, qui ipsi formæ det vim, & actualitatem informandi. *Alij* verò dicunt quòd modus qui de nouo producit, seu resultat per intensio-

nem non addit aliquid actualitatis, & rationis informativæ ipsi formæ, sed solum tenet se ex parte unionis, & explicationis ipsius in subiecto

*Primus* modus dicendi non ita est conveniens, neque perfectè videtur saluare sensum D. Thom. sed videtur ex parte relabi in sententiam impugnatam de additione entitatis ad formam, quæ intenditur ut intensior reddatur. Etenim si ipsa forma quando redditur intensior accipit maiorem vim informativam tanquam rationem formalem, ergò accipit additionem formæ, siquidem vis informativa non est aliquid superadditum formæ, sed ipsa entitas, & actualitas formæ, non enim forma informat, & causat effectum suum formalem per aliquid superadditum sicut efficiens per virtutem superadditam efficit, sed per communicationem suæ actualitatis, & entitatis causat formaliter; ergò idem est accipere maiorem vim informandi, quòd accipere novam actualitatem, seu entitatem formæ. Et hoc est quod opposita sententia dicit, scilicet, fieri intensiorem per additionem formæ, seu entitatis. Et conf. quia ille modus non potest perficere vim informandi quæ erat in qualitate remissa addendo ei virtutem informativam accidentalem, & distinctam ab entitate formæ, nec enim forma causat nisi per communicationem sui non per virtutem additam, ut efficiens, ergò per hoc quòd ille modus se habet ut forma, seu formalis ratio dans effectum formalem intensiorem, cum tamen remissa forma det effectum realem per aliquam realitatem, quod stare non potest, cum forma intensa tota sit qualitas simplex, non partim qualitas, partim modus, & effectus

cor-

Correspondentes formæ, ut intensæ reales sint, non modales tantum, sicut quod sit dispositio ad formam substantialem, quod maiores effectus operetur, &c. Ergo correspondent principio reali, non modali. Denique si intensio in ratione intensificationis formæ est modus, cum non sit maior ratio de isto gradu quam de illo, omnes enim gradus per intensificationem crescunt, sequitur quod omnis gradus præsertim certus, & aliquotus erit effectus formalis alicuius nodi, & reliquum præter omnes gradus erit effectus entitatis formæ, quid autem est illud, quod restat præter omnes gradus in quantitate? certè nihil. Similiter in hac sententia forma non intenditur secundum eandem formalem rationem, sed vnus effectus formalis ius erit realis, & quasi essentialis proueniens reali entitate formæ, alius modalis, & non entitativus, scilicet, qui pertinet ad augmentum, & sic non sunt effectus formales eiusdem omnino rationis, nec dicetur propriè intendi forma, quia non perficitur in ipsamet ratione formali priori, ut realis est, sed aliam accipit e nouo, quæ modalis sit. Quare hæc sententia non multum recedit ab ea quæ ponit partes entitativas secundum additionem gradus ad gradum, siquidem admittit, quod forma dans effectum formalem remissum non habet in se efficientiam quantum ad ipsam vim formæ, sed rationem formalem præbendi effectum intensum, ut tenet se ex parte formæ, sed iniget additione nouæ rationis formalis, licet conueniat illam in nouo modo non in noua entitate formæ.

Si vero ille modus ponatur tanquam conditione

ditio, non *ut* ratio formalis informans, talis modus non potest distingui ab inhaerentia, seu communicatione formae, quia conditio requisita non potest esse aliud quam applicatio, seu coniunctio ad passum, qua illa forma se explicat, & communicat subiecto perfectiori modo, & antea tota illa forma, & principium formale in subiecto erat, sed non totaliter, ergo modus qui postea acquiritur non pertinet ad vim informatiuam, & nouam rationem formalem ipsius formae, sed ad nouum modum, qui sit conditio tanquam communicatio, vel applicatio de nouo illius formae, qua non solum sit tota in subiecto, sed totaliter, & modo perfectiori, sine qua conditione, seu applicatione forma non dat illum effectum perfectiorem, qui entitatius quidem est sicut effectus formalis remissus, & antea praehabebatur in forma, quia tota ibi erat sed non explicatur totaliter in subiecto.

*Et sic intelligitur mens D. Thom. qui perpetuo explicat intensionem formae per nouam explicationem ipsis in subiecto non per additionem nouae vis informativae: dicit enim: Quod intensio fit per hoc, quod subiectum magis, ac magis terminetur illa forma, & magis participet illam, & acquirat perfectum participationis modum, ut 1. 2. q. 52. art. 2. & per hoc quod subiectum magis reddatur in actu ipsius qualis, ut q. 1. de verit. art. 11. & per hoc quod forma magis educatur de imperfecto ad perfectum, ut in 1. dist. 17. cit. & per hoc, quod qualitas magis infit subiecto, & radicetur, in 2. 2. q. 24. artic. 4. ad 3. quae loquutiones indicant modum aliquem applicantem diuersimodè formam*

in subiecto, non dantem nouam vim informatiuam, & mutantem rationem formalem.

*Quod si quæras*, quomodo ista vnio mutetur per intensiorem non addita noua ratione formali informatiua, ita quod ille modus sit noua vnio, & noua existentia, & inhxrentia formæ in subiecto? *Respond.* Quod vnio formæ cum subiecto requiritur ad duo. Primo, vt constitutur vnum ex forma, & subiecto. Secundo, vt mediante tali vnione, & coniunctione forma habeat esse in subiecto, quia ab illo dependet in existendo. Quantum ad hoc secundum non additur noua existentia ipsi qualitati, quia non additur noua entitas, sed tota entitas formæ iam præhabebatur in subiecto, & consequenter tota existentia, quia existentia sequitur ipsam entitatem, vt productam extra causas, vnde cum in nostra sententia tota entitas formæ sit in subiecto etiam si non sit totaliter, consequenter etiam si crescat per intensiorem, non mutatur existentia, siquidem non mutatur entitas, & ita quantum ad hoc non mutatur vnio, seu inhxrentia in ratione medij dantis existentiam entitati formæ. Quantum verò ad vnitatem, quam facit forma cum subiecto, in hoc crescit vnio ipsa, seu perficitur, vel potius forma quæ noua actione immutatur, vt subiectum afficiat, eò quod subiectum est in quadam potentialitate, & indeterminatione ad multa, & secundum illam potest subijci diuersis formis, aut eidem formæ non vnico tantum modo, & indiuisibili, sed vel magis confusè, & potentialiter, vel magis actualiter, & determinate secundum reductionem ad maiorem vnitatem, & similitudinem

cum forma. Et sic explicat D. Th. dist. illa 17. cit. radicationem istam per maiorem reductionem ad unitatem, & ad diuersum modum terminandi dissimilitudinem, seu confusionem, & potentialitatem subiecti ad actualitatem, & unitatem formæ. Et hoc sufficienter fit per ipsam unionem, seu inhærentiam, quia ad unionem pertinet facere unitatem, & tollere confusionem, seu potentialitatem ad multa quæ est opposita unitati, ergò tunc perfectè forma communicatur subiecto, quando perfectè fuerit ista unitas per ipsam unionem, & hoc est magis radicari, idest magis sibi subijcere potentialitatem subiecti, & eius indeterminacionem, seu confusionem ad maiorem unitatem reducere ad modum radicis arboris quæ quanto plus penetrat in terra tantò firmiorem reddit arborem.

*Sed dices*, unio vt diximus, quæst. 6. Physic. non est modus medians inter formam, & subiectum, ergò si maior intensio consistit in maiore unione, & illa non est modus, intensio non fiet per additionem modi, cum tamen S. Tho. expressè admittat modum in intensione, vt patet in 2. q. 52. art. 2. ad 3.

*Respond.* unionem in nostra sententia non esse modum tanquam rationem, & medium formale uniendi, quia forma quæ secundum se est actus, secundum se habet rationem formalem faciendi unitatem, siue accidentalem, siue substantialem, prout ipsa forma fuerit, & sic quia unitas quæ resultat non est modalis, sed substantialis, vel accidentalis: ideò nec ratio formalis, nec medium uniendi est modus, sed forma ipsa, Non tamen negamus inueniri aliquem

quēmodum in vnione antecedentem, vel subsequentem, quatenus extrema debent immutari, vel saltem vnum extremorum, vt vniantur, & dependes fiat, & ad vnitatem cum subiecto immutetur, ipsa etiam immutatio passiuē manens in ipso extremo vnito est modus subsequens vnionem, quod magis pertinet ad dependentiam, seu statum, quem accipit ex vi vnionis formæ, quam ad rationem formalem, seu medium vniendi, pertinet tamen ad intensiōem, quia intensio magis præbet statum formæ in communicando se, quam vim formalem informandi.

### ARTICULVS III.

*Expediuntur argumenta contrā sententiam propositam.*

**M**ulti conantur D. Thom. in contrariam sententiam adducere, & præcipuē fundantur in autoritate illa, quam iam supra explicauimus quando dicit in 2.2. quæst. 24. art. 4. ad 3. quæst. 1. de virt. art. 11. *Quod propriam vocem ignorant qui dicunt qualitatē intendē per radicationem, & non secundū essentiam,* ergo vult S. Thom. quod intensio fiat per additionem entitatis non autem per solam radicationem. Sed iam hanc autoritatem supra explicauimus, & de ea videndus ex Diu. Thom. quodlib. 9. art. 13. vbi inquit; *Cum dicimus charitatem secundū essentiam augeri, denotatur augmentum subiecti, & fit sensus, ipsa essentia charitatis augetur, sicut cum dicimus album augetur secundū essentiam suam, non*

autem designatur forma specificans motum, ut fit sensus, augetur secundum essentiam, id est augmentum eius est motus in esse, vel in essentia, & sic dicitur augmentum esse secundum quantitatem. Ecce quomodo D. Thom. interpretatur, quid sit augeri secundum essentiam, non quidem per additionem nouæ entitatis sicut ad terminum, sed quia ipsa essentia est res quæ augetur. Nec obstat, quod aliquando negat D. Tho. charitatem augeri tanquam subiectum augmenti, negat enim quod charitas dicatur subiectum augmenti quasi inhesionis, & ut quod, & sustentans non tamen, quod dicatur subiectum modificationis, quia ipsa forma est quæ distincto modo explicatur, & communicatur subiecto, & si modificatur ipsa communicatione.

Minus obstat quod adducitur ex D. Tho. 3. par. quaest. 7. art. 11. ubi expresse admittit dari gradus in calore, & consequenter intensio fiet per additionem gradus non per radicationem. Accedente additur testimonium Phil. 4. phys. textu 85. ubi inquit: *Quod sicut ex calido fit frigidum, & è contra, quia eadem quæ erat in potentia, sic, & ex calido magis calidum.* Si ergo parificat Arist. educationem magis calidi ex minus ipsi educationi calidi ex frigido, sicut hoc fit per nouæ entitatis productionem, ita, & illud. Nec sufficit educatio noui modi, quia hæc non potest intelligi in formis realibus, nisi per nouam entitatem dependentem à subiecto, ergo ubi datur maior educatio formæ, datur, & productio entitatis.

Ad hæc facile respondetur, quod in primo loco Diu. Thom. non intelligit nomine gradus



nouam entitatem additam entitati præcedenti; sed nouam participationem eiusdem in subiecto, & hoc conuenienter appellatur gradus, quia sicut anima per gradus quos habet diuerso modo se explicat in materia, stante eadem entitate, & non omnibus partibus præbet eundem gradum, & formale effectum, ita qualitas diuerso modo explicat actualitatem suam in subiecto; & diuersus gradus non est diuersa entitas formæ, sed eadem diuerso modo se communicans, & effectus præbens.

Ad secundum locum dicitur, quòd ex minus calido fit magis calidum sicut ex frigido calidum, non quantum ad entitatem productam, sed quantum ad modum producendi, quia utrobique fit aliquid de nouo, & habetur terminus à quo, & ad quem, sed tamen quando fit calidum simpliciter fit ex potentia ad calidum, quando autem fit magis calidum ex minus calido non est in potentia ad formam, sed ad modum participationis formæ ut S. Tho. dicit 1. 2. q. 52. art. 2. ad 3. quòd verò dicitur non dari educationem nisi sit productio, distinguo, educatio formæ quoad entitatem non est sine productione entitatis, concedo; educatio formæ quoad nouam explicationem, & modum participationis in subiecto, non est sine productione entitatis, nego; solum enim est melioratio formæ educatæ, & solum productio modi, non entitatis formæ.

*Secundo* arguitur ratione, quia intensio est motus realiter distinctus à prima productione qualitatis, & est vera alteratio, ergò debet producere realitatem distinctam à prima qualitate, & non solum aliquem modum, quia alte-

ratio primò, & per se est ad qualitatem, & non ad modum, & quia virtus intensa ratione intentionis habet maiorem virtutem producendi, quam non intensa, quia producit perfectiores effectus, modus autem non est virtus, neque producit effectus reales, qui illi specialiter corrépondeant. Nec denique potest dari nouus modus inhærentiæ, seu vnionis, nisi addatur noua entitas inhærens, aliàs eadem entitas duplici inhærentia inhæreret, ergo oportet, quod id quod additur sit distincta entitas sicut est distinctus motus: vbi autem motus sunt realiter distincti, etiam termini realiter debent esse distincti, aliàs si esset eadem entitas, etiam motus inter se identificarentur, quia quæ sunt eadem realiter vni tertio, sunt eadem inter se. *Confirmatur*, quia alias si intensio non produceret qualitatem, sed modum, posset per solam productionem modi qualitas produci, quod patet, quia motus intensio non habet minimum, sed incipit secundum successionem, non per primum mutatum esse, sed per vltimum non esse, ergò si per intensio- nem non producitur entitas, sed modus; potest per intensio- nem incipere qualitas ab vltimo non esse gradus, & ita tota qualitas incipiet per modos.

*Respondet.* intensio- nem esse motum realiter distinctum à prima productione qualitatis cum possit à diuerso agente, & pro diuerso tempore procedere, & similiter per se terminatur ad qualitatem tanquam vera alteratio, non tamen ad qualitatem absolutè, & entitatiuè, sed ad qualitatem sub tali modo, scilicet, vt perficiendam, & meliorandam, sicut tran-

transubstantiatio, est actio ad Corpus Christi, licet non producat illud absolutè, sed sub nouo modo; & in hoc differt intensio ab alijs motibus, quia in alijs acquiritur aliquid distinctum ab illo quod inerat, vt in augmentatione noua pars, in motu locali nouum vbi, & locus; in qualitate verò id quod prius inerat melioratur, & perficitur. Vnde non requiritur, quòd nouam formam producat, sed eandem sub perfectiori modo attingat: ad hoc autem vt motus, seu actiones distinguantur realiter, non requiritur, quòd termini sint realiter, & entitatiuè distincti, quasi materialiter, sed sufficit, quòd formaliter, alias omnis modus, qui producitur in subiecto, vt sessio, vbi, &c. Non deberet distincta actione reali produci. Quando autem dicitur, quòd quæcunquæ sunt eadem vni tertio sunt eadem inter se, in primis intelligitur quando sunt eadem vni tertio simul, & non pro diuerso tempore. Deinde quòd sint eadem vni tertio re, & ratione, idest sub eadem ratione, & formalitate, non eadem vni tertio, quasi materialiter, & secundum diuersas formalitates, vel secundum diuersas formalitates, vel secundum quòd aliquid est virtualiter multiplex, vt intelligit D. Thom. 1. part. quest. 28. art. 3. alioquin multas habet instantias illud axioma. Quòd verò additur qualitatem intensam ratione intensio- nis habere plures effectus reales, qui correspondent ei in quantum intensa. Responde- tur, istos effectus non correspondere qualitati secundum se, neque soli modo intensio- nis superaddito, sed ipsi entitati reali formæ, vt subest tali modo, & ideo vt aliqua virtus, vel

forma producat novos effectus non requiritur additio entitatis, sed sufficit eadem entitas secundum diuersam formalitatem, & communicationem sui, sicut eadem anima secundum gradum sensitium producit diuersos effectus reales, quam secundum vegetatiuum, nec tamen requirit nouam entitatem superaddi ad illos, sed eadem diuerso modo communicari in materia. Quod verò dicitur nouam inhærentiam postulare nouam entitatem. Respond. nouam inhærentiam formæ non præhabita in subiecto, nouam quoque entitatem formæ postulare, formæ verò in subiecto præhabita non postulare nouam entitatem, sed eandem nouo participationis modo subiecto communicare, & sic non tam dat nouam inhærentiam absolutè, quam nouæ inhærentiæ terminationem, vt in ultimo argumento dicitur.

*Ad confirm. respond.* quòd si intensio non inueniat qualitatem in subiecto, sed illam primò producat, tunc non solum producit modum, sed etiam entitatem, si autem inuenit qualitatem productam, solum nouum modum superaddit, non nouam entitatem sicut transsubstantiatio Corporis Christi si non supponeret illud in rerum natura, substantialiter illud produceret. Modò autem non producit illud sed conuertit panem in illud sub nouo modo.

*Tertiò arguit*, quia vbi est realis separatio est realis distinctio, sed separatur vnus gradus ab alio, v. g. secundus à tertio, vel à quarto, vt patet in remissione qualitatis, ergò isti gradus realiter distinguuntur, & præsertim cum

videamus quod continuatio calefactionis est similis primæ productioni, & eiusdem speciei, & vera ac propria actio, & mutatio ergò realem terminum, & entitatem postulat, nec enim est mutatio sine nouitate, neque actio sine termino producto. *Confirm.* quia actiuitas virtutis agentis fit maior per additionem partium, & multitudinem formæ, sicut ferrum candens actiuus agit, quam flamma stuppæ, ergò etiam intensio fiet per additionem partium, siquidem illa est intensio quæ facit virtutem aliquam magis actiuam. *Respond.* gradus nunquam separari à qualitate, sed qualitatem ab illis, idest à quolibet eorum seorsum, licet non à tota collectione, quod est signum distinctionis modalis, sicut corpus separatur à quolibet situ, vel vbi, nullum verò vbi à corpore. Quod verò dicitur de continuatione calefactionis. Respondetur, quod continuatur ratione ipsius qualitatis, seu formæ participatæ, & sic est actio eiusdem rationis cum prima productione qualitatis, est ramen diuersa ex parte modi participationis; & ad talem modum produendum requiritur distincta actio, & mutatio realis, nam etiam modi per realem actionem producuntur vt diximus sicut vbi, & situs, & alij similes, & sic talis mutatio est cum nouitate essendi saltem in modo qui est terminus productus.

*Ad confirmat.* dicemus, quæst. sequenti agendo de actione, & reactione, & in quæst. 7. agendo de densitate, vbi ostendemus, quod ratione densitatis, seu multitudinis partium non datur maior intensio qualitatis nisi occasione illarum partium agens producat intensio-

fio rem qualitatem , de se enim multitudo partium solum conducit ad conditiones actiuitatis , scilicet , ut velocius , vel perfectiori applicatione agens operetur , quibus tamen conditionibus positis potest agens perfectiorem , & intensiorem qualitatem producere , ut ibidem latius dicemus .

*Quarto arguitur* , quia non potest intensio fieri secundum perfectiorem modum unionis , vel inhaerentiae , ergo debet consistere in aliqua additione nouae entitatis . Antecedens probatur , quia unio , & inhaerentia qualitatis non est diuisibilis , sed semper eadem , quia naturaliter inhaeret subiecto , & sic inhaeret quantum potest ; similiter tota inhaeret , & vnitur , ergo non apparet quomodo crescere possit ista unio , praesertim quando entitas qualitatis est indiuisibilis , ut qualitas spiritualis ; & in eodemmet subiecto indiuisibili intenditur . Deinde quia in ipsa remissione non apparet à quo producat minor illa unio , seu raditatio caloris , nam quando calor ut sex remittitur usque ad duo , non est à quo producit unio caloris ut duo ; non ab agente remittente calorem , cum potius sit agens contrarium , quod non potest producere calorem ut duo ; nec ab aliquo alio agente , v. g. igne vel aere , quia in illam remissionem non habent influxum , si sit casus , quod tunc non detur ignis approximatus , sed solum aqua remittens . Et praeterea si quilibet modus gradualis , v. g. ut duo , vel ut quatuor esset indiuisibilis , tunc si remittitur , aut tota illa unio perit , aut nihil , si tota perit , remissio erit corruptio quia pereunte tota unione

ne petat tota forma vnita. *Et confirmat.* quia si intensio consistit in maiori vnione, ergo qualitas vt intensa non poterit separari à subiecto, siquidem stante vnione non potest separari, sed remota, ergo si intensio consistit in vnione, vt intensa non poterit separari, & sic si Deus separaret albedinem niuis, & albedinem hominis, illa non esset perfectior ista.

*Respondet.* vnionem illam habere aliquam latitudinem sicut supra pluribus exemplis monstratum est. Et cum dicitur, quod inhæret naturaliter quantum potest, distingo, quantum potest iuxta exigentiam subiecti, & dispositionem agentis, concedo; quantum potest absolute ex vi formæ, nego. Et quia exiguntur tales dispositiones vt qualitas intensa sit, ideo naturalis illa vnio semper facit quantum potest iuxta exigentiam subiecti, & capacitatem; remotis autem omnibus impedimentis, & posita dispositione requisita ex parte agentis, & passi non stat qualitatem non intendi, & ista intensio tunc non fit sine intrinseca perfectione qualitatis, quia ipse ordo participationis ad subiectum sic dispositum, aliquid intrinsecum est qualitati.

*Ad aliam partem argumenti, à quo producatur gradus remissior remoto agente intendente, dico quod procedit à duplici causa, vna per accidens, scilicet ab impediente perfectiorem illum, & intensiorem modum vnionis, quatenus redditur subiectum indispositum, & inhabile sicut qui tollit dispositiones vt anima fit in corpore occidit hominem. Alia causa est per se, scilicet ipsamet forma ex qua emanat ille modus remissior ex vi prioris a-*  
tio.

ctionis, qua vnita fuit subiecto ab agente à quo fuit producta, quæ actio producentis, licet formaliter modo non detur, virtualiter tamen manet manente forma producta quæ fuit terminus eius, taliter enim fuit vnita subiecto fortiori illa, & perfectiori vnione, quod virtualiter retinet vnionem inferiorem, & remissiore, si dispositiones ad perfectiorem tollantur, eo quod minus perfectum virtualiter continetur in magis perfecto, sicut si tollatur punctum terminans lineam, resultat aliud ex vi prioris productionis quantitatis: isti autem modi intensiōis quasi terminationes quædam sunt, quibus forma magis terminat, & subijcit sibi potentialitatem subiecti, determinatur autem ut resulter potius gradus iste, quam ille, v.g. ut duo vel ut tria, iuxta maius, vel minus impedimentum oppositi agentis, & dispositionem subiecti.

*Denique* ad id quod additur de illo modo si est indiuisibilis. Responderetur, quod illa vnio est indiuisibilis entitatiuè, sicut, & ipsa forma, diuisibilis autem virtualiter, quia ut supra diximus secundum vnitatem, quam facit forma cum subiecto, & actualitatem, quia illud reducit ad sui similitudinem, habet illa vnio crescere magis, & minus: eo quod licet forma sit tota vnita, sed non totaliter, & sic bene stat quod entitatiuè sit indiuisibilis, respectiuè autem diuisibilis, seu virtualiter, quia non sub omni respectu, & formalitate qua participari potest forma est vnita, etiam si tota vnita sit ut statim magis explicabimus in sequenti argumento.

*Ad confirmat, respondet, quod qualitas inten-*  
sa



si separari potest, & dicetur intensa non ratione unionis actualis ad subiectum, ista enim destruitur facta separatione, sed ratione ordinis, & habitudinis ad subiectum cui inesse petit non quomodocumque, sed cum tali, vel tali modo participationis, qui pertinet ad intensiorem qualitatis. Vnde sicut in accidente separato non manet inhaerentia in actu, sed in aptitudine, qua respicit subiectum cui debetur, & iste respectus non est in potentia, sed in actu in ipso accidente separato, licet inhaerentia ipsa non sit in actu, ita remanet respectus talis, vel talis modi inhaerentiae secundum quem fit intensio, & licet actu non habeat illam unionem, actu tamen habet respectum, & aptitudinem ut sic uniatur, & ratione illius dicitur actu intensa per ordinem ad subiectum non cui actu unitur, sed quod actu respicit, & quod ei debetur, ut uni actui tali modo.

*Ultimo arguit.* quia per hoc quod fiat intensio per istam radicationem non euitamus inconuenientia alterius sententiae, quae ponit fieri per additionem partium, nam vel ponimus plures uniones in eadem forma quae sic radicitur, & explicatur in subiecto, vel unicam: si plures, ergo iam admittimus in eodem subiecto plures modos numero diuersos, quod in alia sententia euitare intendimus, ne ponat plura accidentia numero distincta in eodem subiecto. Si unicam vel est diuisibilis, vel indiuisibilis, si indiuisibilis, ergo facta intensiōne, vel remissione, quaelibet unio corrumpitur, cum intensio consistat in maiori unione, & consequenter corrumpit minorem, & si est diuisibilis totam corrumpit, corrupta autem unio.

vnione corrumpitur forma vnita, & sic incedemus in illam sententiam quæ dicebat intensiōem fieri per corruptionem vnus partis, & additionem alterius. Et deinde si quilibet modus intensiōis est indiuisibilis, ergo non potest terminare motum intensiōis, quia motus non solum requirit indiuisibilia, sed etiā partes, cum motus sit diuisibilis. Nec potest dici quod vnio entitatiuè sit indiuisibilis, & virtualiter diuisibilis: nā cū ipsa qualitas dicatur intēdi penes modos, & non penes entitatem, & istos modos dicimus esse vniones, ergo in ipsis debemus ponere diuisibilitatem, & latitudinem; si autem ponimus quod entitatiuè sunt indiuisibiles, rursus restabit alius modus talis vnionis qui diuisibilis reddatur, & de illo rursus fiet, idem argumentum, an sit diuisibilis, vel indiuisibilis, & sic in infinitum. Si verò dicatur vnionem esse diuisibilem per partes, ruit fundamentum nostræ sententiæ, iam enim ponimus partes in vnione, & ita si in illa non repugnat non obstaate indiuiduatione eius in eadem parte subiecti, cur repugnabit diuersas partes qualitatis dari in eadem parte subiecti? Imò hinc deducitur argumentum contra nostram sententiam, quia per motum intensiōis non solum acquiruntur indiuisibilia, sed etiam partes secundum distantiam, & latitudinem quam habet. Postquam ergo acquisiuit gradum vt duo v. g. immediatè post non potest acquirere aliquid indiuisibile, sed diuisibile, illud ergo diuisibile, vel est pars modi, vel qualitatis, si qualitatis habemus intentum; si modi ergo modus est diuisibilis, & consequenter etiam res vnita.

Res:

*Respondet.* vnionem qualitatis intensibilis esse vnica[m], & eandem entitatiuè sicut, & ipsa[m] formam vnitam, cui omnino proportionatur; esse autem diuisibilem terminatiuè, & respectiue, quatenus facit maiorem, vel minorem vnitatem subiecti cum forma, eo quod magis illi assimilatur, & tollitur confusio potentialitatis, quæ est in subiecto ad plura, & reducitur ad maiorem subiectionem ad ipsam formam, quod est facere maiorem vnitatem, & conuenientiam cum illa. Vt enim supra diximus duos effectus sortitur forma ex vnione, primus est habere existentiam dependenter à subiecto cui vnitur, & quantum ad hoc vt diximus non variatur vnio, quia existentia sequitur ipsam entitatem formæ, quæ entitas indiuisibiliter est eadem vt dictum est: secundus effectus est facere vnitatem, & conuenientiam cum subiecto, & in hoc admittit latitudinem, nō in ipsa entitate vnionis, quæ non distinguitur à forma, sed in ipsa terminatione, & respectu maioris, vel minoris conuenientiæ. Neque hoc est dare modum modi, vel procedere in infinitum, sed ipsa qualitas vnita diuersimodè perficitur in vnitate, quam facit vnio quantum ad eius terminationem qua fit maior conuenientia eius eum subiecto reducendo confusionem potentialitatis ad vnitatem formæ; & sic non restat alius modus vnionis, sed alius effectus ipsius vnionis secundum diuersam terminationem ad subiectum, & diuersam vnitatem, quam facit cum illo, & in hac terminatione, seu effectu participationis, & conuenientiæ vnio illa diuisibilis est, & hoc est virtualiter esse diuisibilem, idest ratione effectus,  
& ter-

& terminationis, entitativè autem esse indivisibilem, idest ex parte entitatis, seu formæ unitæ. In istis autem effectibus, seu terminationibus non est dare plures simul in subiecto, sed successivè, quia cum intenditur qualitas, destruitur præcedens terminatio gradus remissi, & acquiritur nova, quæ perfectior est, & continet totam rationem præcedentis gradus, sicut figura tetragonum continet trigonum, idest figura sex angulorum figuram trium, & sicut in quantitate quando crescit destruitur præcedens terminatio, & inducitur nova, non autem duæ terminationes sunt simul, nec duæ figuræ, & sic nunquam saluatur quod duo modi, vel duo accidentia, vel duæ terminationes solo numero distinctæ sint simul in eadem parte subiecti.

*Ad instantiam* quæ fit ex parte motus intentionis, respondetur, quod licet quælibet terminatio gradualis sit indivisibilis, tamen inter unam terminationem, & aliam datur transitus per modum latitudinis, & distantie in fieri, non quia sint partes qualitatis acquirendæ inter modum, & modum, sed quia ipse modus qui acquiritur dum est in fieri est per modum divisibilem, dum est in facto esse est per modum indivisibilem, sicut in motu locali, mutatum esse est indivisibile, & inter duo mutata esse non dantur partes permanentes, sed fluxus, & fieri, quod per mutatum esse terminatur, & constituitur in facto esse, nec enim proceditur de vno indivisibili ad aliud immediatè, sed mediante fluxu, & fieri, quod habet latitudinem vincendam. Quare non oportet ad motum siue localem, siue alterationis assignare plures v-  
nio;

niones partiales, nec plures partes qualitatibus permanentes, & in facto esse simul, sed solum in fieri, & tendentia qua de vno termino, & mutato esse transitur ad aliud per fluxum, & tendentiam cum sit alteratio in qualitate de vno extremo ad aliud, seu de qualitate vnius speciei ad aliam, & transitur per diuersas species medias, inter quamlibet speciem mediam datur motus, & tamen non acquiruntur partes intermedie, sed de vna specie fit transitus ad aliam, medium autem non est species aliqua partialis quæ ibi inueniatur, sed ipsum fieri qualitatibus, & fluxus tendens de vno extremo ad aliud, est latitudo ipsa vincenda per motum, quia inter quodlibet factum esse datur fieri. Sic ergo non est necesse in intensione signare indiuisibilia, & partes entitativas permanentes quarum vna addatur ad aliam, & componat cum alia, sed sufficit dari transitum successiuum, & fluxum, seu fieri de vna terminatione ad aliam: sicut cum in quantitate tollitur vna superficies terminans, & transitur ad aliam, immediate post non inuenitur terminatio, siquidem immediate post sequitur pars, sed inuenitur tendentia ad terminationem, idest ad aliam superficiem. Quæ verò ab oppositæ sententiæ authoribus de partibus permanentibus qualitatibus, & indiuisibilibus eas vnientibus dicuntur, est facere qualitatem sicut continuum, & ad modum augmenti extensui quantitatis, sicut D. Thom. dixit imaginari eos qui qualitatem per additionem augeri putant in 1. dist. 17. q. 2. art. 2.

## QVÆSTIO QVINTA.

*De actione, & reactione.*

**D**E actione, & reactione agit Arist. à cap. 6. huius libri vsq; ad 10. Nos autem agimus de illa immediate post tractatum de intensione, quia reactio, & repassio est generalis quædam conditio in alterationibus physicis, & ad corruptionem tendentibus, mixtio autem, & similiter condensatio, & rarefactio sunt alterationes minus generaliter conuenientes, & ideò de illis agemus post actionem, & reactionem.

## ARTICVLVS PRIMVS.

*Vtrum aliquid possit agere in se ipsum saltem per accidens?*

**H**Æc est prima conditio requisita ad actionem, & reactionem, scilicet, vt non sit identitas inter agens, & passum, & quòd talis conditio requiratur ad agendum per se, & directe in aliquod passum tractauimus 7. Physic. q. 12. an verò saltem per accidens, & quasi consecutiuè possit aliquid agere in se ipsum, quando, scilicet, agendo in aliud reflectitur ad se ipsum, in præsentì tractabimus; hoc enim sit, vel per reflexionem, vel per antiperistasis. Prius tamen oportet fundamenta illa, quæ tradidimus in 7. Physic. in præsentì vberius explicare

care, ex illis enim dependet tota huius veritatis resolutio.

*Igitur* tanquam certum in Philosophia proposuimus præfato loco illud axioma Arist. tenendum esse *quod omne quod mouetur ab alio mouetur*, quod diximus verificari vniuersaliter de omni agente per motum, seu procedente de potentia ad actum, explicaturque à D. Tho. de eo quod mouet, & mouetur per se primò, ad excludendum id quod se mouet ratione partium, ita vt vna pars sit mouens, & alia sit mota, tale enim mobile dicitur non mouere, nec moueri per se primo, sed per partem, id autem quod conuenit alicui per partem, non conuenit per se primò, immò motum in partem nominat Philosoph. motum per accidens in 5. Phisic. quia ipsi toti conuenit per aliud, idest per ipsam partem quæ distinguitur à toto: alioquin si intelligeremus illud axioma, quòd omne, quod mouetur ab alio mouetur, idest ab alio supposito distincto, falsificaretur in viuentibus, in quibus vna pars mouet aliam, vel ex vno actu proceditur ad alium, & sic dicuntur mouere se ipsa. Intelligitur ergò prædictum axioma quòd omne quod mouetur, non primò, & per se mouet se ipsum, sed ab alio mouetur, siue sit aliud tanquam quoddam distinctum, siue sit tanquam pars, vel tanquam actus diuersus, sicut ex actu finis fit motus ad media, & ex principijs ad conclusiones: quòd autem eadem res primo, & per se sit mouens, & mota est impossibile, & hoc dicimus esse habendum pro principio in philosophia, quia fundatur in ipsa essentiali natura motus quæ est de quodam in quiddam, de potentia ad actum, idest

idest per id quod habet de actu ad id ad quod  
 est in potentia . Vnde Philos. in praesenti lib. 1.  
 de gener. tex. 48. intulit contra Democritum,  
 quod si simile ageret in simile, etiam idem age-  
 ret in se ipsum quasi hoc sit maximum inconue-  
 niens, nec possit villo modo admitti .

*Ex duplici tamen capite potest hoc axioma  
 enervari, & restringi . Primo dicendo, quod  
 potest idem agere in seipsum ; & in eandem  
 partem motu generatiuo, vel corruptiue, nihil  
 enim potest se generare, vel se destruere, alijs  
 tamen motibus vt locali, & augmentationis, &  
 multo magis motibus spiritualibus potest idem  
 agere in se ipsum, & se mouere. Secundo quod  
 non potest idem agere in se ipsum, vel se mo-  
 uere secundum eandem rationem, bene tamen  
 secundum diuersam, idest secundum quod est  
 in actu potest se mouere, & secundum quod  
 est in potentia moueri . Nec sequitur quod  
 erit simul in actu, & potentia eodem modo,  
 sed virtualiter in actu, & formaliter in poten-  
 tia . In summa sufficit habere virtutem acti-  
 uam in se, vt possit agere in seipsum tanquam  
 in subiectum, & per formam in materiam, &  
 fauet S. Tho. q. 8. de verit. art. ad 7. vbi inquit :  
*Quod licet aliquid quod est in potentia essentia-  
 li non possit se ipsum reducere ad actum, sed per  
 aliud, tamen quod est in potentia accidentali sicut  
 habens habitum, dum non considerat, potest  
 per se ipsum exire in actum, nisi dicatur quod re-  
 ducitur in actum per voluntatem qua mouetur  
 ab actu considerandum .* Quod verò dicitur re-  
 quiri ad motum quod ex vna parte motus tran-  
 seat ad aliam, & ideo prius ipsa virtus mouens  
 debet esse in actu mota, quam moueat, & im-  
 mu-*



Mouet id quod est in potentia, non cogimur intelligere de actu motus quo constituatur mouens in actu, sed ipso motu qui est effectus, qui cum successiue fiat, prius attingitur vna pars, quam alia, & sic dicitur exire de vno in aliud.

*Nihilominus* explicationes istæ sufficientes non sunt, sed intelligi debet propositio allata in tota sua latitudine, & vniuersalitate in quocumque genere motus, atque ita vbi inuenitur progressio de potentia ad actum oportet quod non moueat se ipsum secundum eandem partem, vel secundum eundem actum. Nec sufficit habere virtutem operatiuam per quam dicatur aliquid esse in actu ad mouendum se ipsum vt est subiectum receptiuum motus, sed oportet quod constituatur in actu ultra ipsam virtutem per aliquem motum, quo moueatur ad aliam partem motus, vel ad alium actum. Et hunc motum per quem est in actu ad mouendum non potest ab ipsamet virtute habere siquidem illa vt operetur, exigit motum, ergo quando primo operatur, ab alio habet illum, à se enim habere non potest nisi operando, nec operari nisi supponendo motum. *Ratio* huius est, quia virtus mouens, & agens solum est principium quo agendi, & similiter est de se indifferens, & in potentia ad plures actiones saltem in indiuiduo. Ex eo autem quod est principium quo, sequitur quod non sit mouens, sed ratio qua aliquid mouet, quia omne principium quo debet esse alicuius, quod se habet vt principium quod; vnde illud quod mouet est subiectum in quo est talis virtus, ergo oportet quod concurrat cum tali virtute actiua, non vt in potentia, neque vt patiens ab ipsa, sed vt

gens per illam saltem radicaliter, & ut principium *quod*, atque adeo prout sic non patitur tali virtute sed agit mediante illa. Nec oppositum potest percipi nisi imaginando, quod calor non autem ipsum calidum est calefaciens, seu mouens quod est dicere calorem non esse principium *quo* calefaciendi, quia principium *quo* est id quod aliqui est ratio agendi, & sic supponit alterum cui coniungitur ut agenti, & mouenti *quod* per talem calorem, nunquam ergo virtus quæ est principium *quo* est mouens, & subiectum eius est motum ab ipsa siquidem hoc ipso quod dico virtus mouens, ibi iam intelligitur subiectum mouens ut quod, ergo non distinguitur ibi virtus ut mouens, & subiectum ut motum, sed utrumque ut mouens; & eadem ratione neque forma est mouens respectu materie, tum quia forma solum est ratio agendi ut *quo*, ipsa quidem substantialiter, & primario, accidentia autem actiua ut eius instrumenta, & sic eadem ratio currit, ac de illis: tum quia materia sola non est capax motus propriè dicti, sed solum mutationis; motus enim requirit subiectum completum in actu, ut constat ex Phil. 5. Phys. & ibi aduertimus q. 9.

Ex eo autem quod ista virtus motiua sit indifferens, & ad plura se habens saltem in individuo, sequitur quod ipsa non sufficit mouere determinate, & in singulari nisi ut mota, ita ut prius debeat esse in actu determinate, quam se reducat de potentia in actum. Et huius ratio est, quia si aliqua virtus est in potentia ad producendum aliquid, & non in actu, oportet quod ut producat illud, moueatur, seu mutetur de potentia ad actum, quia ex potentia ut potentia; id est,

idest, Vt est in statu potenciali non procedit actio; licet enim ex potentia actiua, vt actiua est, procedat actio, tamen quatenus habet statum potentialem illa actiuitas, actio non procedit, nisi talis status tollatur, & ipsum tolli est moueri. Vocamus autem statum potentialem quandiu aliqua virtus non est vltimo determinata ad aliquam operationem, vel effectum, sed ita potest operari hoc, quod est adhuc suspensa vt operetur aliud, vel potest etiam impediri, & non operari, tunc enim restat aliquid, vt vel expediatur, seu tollatur impedimentum, vel vt tollatur suspensio, & determinetur in singulari ad hoc potius, quam ad illud, & multo magis si debeat determinari ad ipsam speciem actus, vel ad aliquam conditionem requisitam. Nihil autem aliud est actuali, seu habere statum actualem agendi, quam vltimo determinari determinatione tollente potentialitatem, & suspensionem non tollente potestatem, & vniuersalitatem agendi diuersos actus; eo quod potentialitas quandiu non est determinata non est adaequata actui, seu effectui faciendo, nec plene proportionata; restat enim aliquid semper, quo vltimate illi adaequetur vt exeat actio in singulari. Illa ergo virtus quae operatur supponendo potentialitatem ad operandum, oportet quod mutetur de tali potentialitate ad actualitatem, & talis mutatio non potest nasci à se, quia vt nasceretur deberet esse sublata potentialitas ergo ab ipsa potentialitate tolli non potest, sed supponere, quod sit mora, & sic sublata potentialitate operabitur.

**Quod si de se sufficienter sit determinata in**

**M. 2**

**actu,**

Actu, & nullo modo in potentia; operabitur non per motum, & transferendo de potentia ad actum (de quo solum loquimur in præfenti) sed vel per simplicem emanationem, vel per actum excludentem omnem potentialitatem ad agendum, qui est actus purus. Emanatio autem licet respectu essentia à qua passio dimanat non dicat motum, sed simplicem dependentiam, tamen quia hæc essentia habetur à generante producente formam, & quæ sunt consequentia ad formam, scilicet, proprias passionem respectu talis generantis, & mouentis iam supponitur moveri ab alio, & non à se. Quare virtus procedens de potentia ad actum in operando, oportet quod procedat ut mota prius tollendo talem potentialitatem, & hoc non à se, sed ab alio, quia non potest tolli, nisi per operationem, operari autem non potest quamdiu est in potentialitate, ergo prius est sublata potentialitas quam operetur, ergo ab alio debet tolli, & cum non sit processus in infinitum in mouentibus, oportet, quod primi motus alicuius operantis reducantur ad causas extrinsecas, & illæ tandem ad primam causam.

Nec tamen propter hoc reducantur omnes isti motus ad proprium generans, sed dicimus quod ad primam causam, quia ut reducantur ad generans, requiritur quod sint tales motus, quod pertineant ad ipsum primum statum, seu instans primum naturæ, & ad naturam ut genitam, & ad motus qui sunt naturæ ut natura, quia, scilicet, sunt motus quibus mouetur, non qui præcise mouent aliud, sicut calefactio ignis non est operatio ei data à generante, quia in illa non explicatur motus naturæ, quia  
in

In illo non mouetur, sed mouet aliud.

Ex qua doctrina colligitur primo, quod etiam viuens in suis primis motibus quibus constituuntur in actu, ut possint se mouere in alios actus indigent momento extrinseco, eo quod etiam in illis primis motibus verè mouentur, & operantur exeundo de potentia ad actum. Et bene stat quod viuens eliciat actiue illum primum motum, & tamen non moueat se, sed ab extrinseco moueatur, quia ille primus motus non se habet ut propria passio ipso viuente mere passiuè se habente, sed est propria actio, utpote vitalis egrediens, & elicitā ab ipso, in virtute tamen generantis, & mouentis extrinsece, eo quod est vita habita, & participata ab alio, & consequenter potest esse mota, & inchoata ab alio. Et sic motus cordis, & primus motus intellectus, & voluntatis ab extrinseco mouente sunt, licet ab intrinseco eliciantur, quia cum perfectio viuētis consistat in operari, & non in quiescere, & hæc est operatio vitæ, quia, scilicet, mouet se, & mouetur, quia per motum mouet, necesse est, quod à generante detur illi, non solum virtus mouendi, sed etiam virtus mota, idest constituta in actu ut se moueat, siquidem virtus non mota non est in actu, sed in potentia ut moueat, & operetur, & ita indiget moueri, & esse motam ut moueat, ergo necesse est, quod à generante constituatur virtus viuētis mota, quia pertinet ad primum statum naturæ viuētis, & non potest esse mota à se ipsa ob rationem dictam, quia ut se constitueret motam deberet operari; operatio autem cum fiat per motum supponit esse motam, debet ergo ille primus motus fieri non à se, sed ab

alio extra se, à quo, scilicet, vita ipsa participatur, ideoque in primo motu vitæ participata non est necesse, quòd se moueat viuens, sed quòd participet motum vitæ, & inchoatiue uiuat non complete, & consummate; incipit enim motu illo se mouere, quatenus constituitur in actu ut in sequenti actu se moueat, & quia hoc debetur viuenti in ipso primo instanti, quia est perfectio propria, & illi debita, ideò sicut res inanimata generatur ut quiescens in loco proprio, quia debetur illi quies, per accidens autem si non sit in loco proprio mouetur à generante, ut tendat ad illum, ita oportet quòd viuens non generetur ut quiescens, sed ut motum ut moueat, & sic pertinet ad causam generantem animal dare motum cordis, qui est primus motus vitæ, & ad generans spiritum pertinet dare primum motum intellectus, & voluntatis quo incipiat se mouere in illo genere vitæ, nam etiam vita intellectiua in nobis est participata, & operatur exeundo de potentia ad actum, & sic operatur ut mota.

*Secundo colligitur* primum illum motum cordis, vel intellectus aut voluntatis, vel quemcumque alium primum motum cuiuscumque rei non posse esse deficientem si de facto datur, nisi deficiat ipsum mouens, sicut si generans est debile poterit quoque producere motum cordis debilitatum, & similiter, si intellectus, & voluntas posset moueri in primo suo motu virtualiter, vel formaliter ab aliquo agente deficiente posset quoque ille motus esse defectuosus. Et dico formaliter, vel virtualiter, quia licet in omni operatione quæ de nouo incipit, Deus sit primum mouens, & prædeterminans  
for-

formaliter ; tamen si supponuntur alij actus  
precessisse , ita quod illa operatio non sit sim-  
pliciter omnium prima , tunc potest in virtute  
precedentium actuum incipere motio istius  
novæ operationis ; nec tenetur Deus mouere  
iuxta modum suum , sed potest se accommoda-  
re iuxta modum relictum virtualiter ex priori-  
bus actibus , & ideò in alijs operationibus quæ  
de novo incipiunt potest aliquis incipere defe-  
ctuose sine hoc quòd attribatur defectus pri-  
mo mouenti , sed prius disponenti . Cæterum  
in motu qui est omnium primus , nec supponit  
alium , etiam vt disponentem determinatio  
eius non potest oriri ex aliquo priori actu , nec  
iuxta illud accommodari primum mouens ad  
mouendum , & ita nec formaliter , nec virtua-  
liter mouetur à se , sed solum à primo motore  
operante iuxta modum suum , & non iuxta ac-  
commodationem relictam ex aliquo priori actu  
in ipso mobili : vnde ex vi talis motus non po-  
test sequi aliquis defectus in mobili . Et licet  
propter indifferentiam suæ potentiz , & liber-  
tatem possit non operari , & non sequi illum  
motum primi motoris , quia mouet non cogen-  
do libertatem , nec tollendo , tamen ex hoc non  
sequitur , quòd possit illud mobile deficere ,  
& peccare , sed solum potest non facere per  
negationem , aut suspensionem actus , non ex  
vi dictaminis alicuius deficientis , sine quo nul-  
la omissio , vel commissio peccaminosa est vo-  
luntarie . Et ita aliud est posse non facere ,  
quantum est ex meritis potentiz , & obiecti ,  
quod pertinet ad libertatem vt non operetur  
coactè , aliud est posse non facere peccando ,  
quod requiritur facere cum deficientia in prin-

ipio volente , & in dictamine proponente , quod dictamen in illo statu primæ operationi , non est dabile , cum à solo Deo moueatur , sicut nec in beatitudine ratione status optimi , nec in Christo ratione personæ diuinæ . Et sic à posse non facere ad posse non facere peccando semper mutatur appellatio etiam respectu eiusdem actus .

*Tertio colligitur* , quod actus immanens licet recipiatur in agente , non tamen est idem mouens , & motum primo , & per se , & similiter in emanatione passionum , vt frigoris ab aqua calefacta . De primo constat , quia licet sit idem agens , & recipiens actionem , non tamen est idem mouens , & motum , quia vt dictum est aliud est elicere actum , aliud mouere , & moueri , nam etiam virtus eliciens debet esse mota vt eliciat , & sic prius est moueri quam elicere actionem . Non est autem contra rationem virtutis actiuæ , quod sit in potentia ad sustentandum actionem , & vt sibi inhæreat : est tamen contra rationem potentia actiuæ vt agat , & eliciat actionem si est in potentia determinabili , & suspensa ad agendum , quæ indeterminatio non potest tolli ab ipsa per suam operationem , siquidem vt operetur exigit determinari , & ideo esse mouens , & motum opponuntur circa idem tanquam potentialitas indeterminationis , & actualitas determinationis ad agendum , potentia autem sustentans in esse , & recipiens per inhæSIONem non pugnat cum ipsa virtute actiua ad agendum , quia posse sustentare aliquam actionem , vel formam etiam fundatur in actualitate essendi , quia perfectius est esse sustentans , quam inhærens .

Præ-



Præterquam quod actio immanens non secundum idem procedit, & recipitur, nam procedit in intellectu à potentia, & specie, recipitur autem in sola potentia; in voluntate verò procedit ab appetitu ut actuato per propositionem obiecti, & motu à cognitione, recipitur verò in sola potentia voluntatis.

Quod verò attinet ad emanationem propriæ passionis iam ostendimus in q. 12. Phys. & q. 23. quomodo emanatio non distinguatur ab actione generantis, & ita iam supponit aliquid distinctum à quo procedat, & à quo fit, quod iterum ostendemus vberius, q. 2. de anima art. 2.

Ultimò sequitur, bene posse aliquid mouere se ipsum per hoc quod vna pars moueat aliam, quod etiam verificari potest de motu corruptiuo. Constat hoc, quia in viuente vna pars agit in aliam, & vna pars agra potest corrumpere sanam, & nutritio fit per hoc quod vna pars corrumpit alimentum, & generat carnem in aliquo sibi propinquiore. Non tamen potest effectiue aliquid se generare, quia sic esset ut generaret, & non esset, ut generaretur, & consequenter, neque potest effectiue se corrumpere procedendo de non esse ad esse, quia corruptio sequitur ad generationem quæ semper est circa alterum, non circa se.

*De Antiperistasi.*

**S**upposito, quod nihil potest agere in se ipsum immediate, & directe, quod est agere per se; restat videre an possit per accidens, scilicet, secundum actionem aliquam reflexam. Contingit autem reflexio ista dupliciter: vno

modo per hoc solum, quòd aliqua actio inueniat aliquod obstaculum ne ulterius transeat, sed qualitas ibi recepta rursus agat in suum agens à quo educta est, vel in medium per quod transiit, & sic in ipso medio intensior reddatur. Alio modo inuenitur qualitas aliqua crescere, ex eo quòd agens circundatur à contrario fortiori, qua circundatione posita, reflectit qualitas ad se. quia non potest transire per contrarium, sed tunc non fit reflexa circulatio à contrario, sed solum circumobstantia, quæ non potest vincere totam actiuitatem agentis contrarij, & ideo reflectitur ab illa in se ipsam magisque intendit se. Et ista circumobstantia præceditur. *Antiperistasis*, quasi circumdatio, & circumobstantia contrarij. Dari autem istam Antiperistasis, experientia comprobatur, videmus enim in æstate aquas subterraneas esse frigidiores, in hyeme calidiores, quia circumdante frigore, & constipante terram, calor qui vel ab æstate, vel ab exhalationibus calidis erat ibi inclusus, non permittitur exire, & ita ad se rediens intendit calorem aquæ: in æstate verò laxata terra permittitur ille calor exire, & aqua redit ad suam frigiditatem. Queritur ergo quomodo illa qualitas agat in se ipsam, & se intendat, & à quo fiat illa actio antiperistica.

In quo supponendum est per talem antiperistasis verè intendi, & perfici qualitatem non solum secundam apparentiam, nec solum secundum actionem intentionalem, sed vera, & propria intentione. Quod licet aliqui negauerint, nihilominus in hac parte experientie videndum est, quæ est mater Philosophiæ, cum  
in

in contrarium non obstat aliqua ratio quæ experientiam sensuum corrigat. Et talem antiperistasis ponit Arist. 1. Meteor. & ibi S. Thom. lect. 14. & 15. vbi hoc reducit ad experimentum, quod iam attulimus de aqua subterranea in æstate, & hyeme. Nec potest dici, quod ibi est deceptio sensus, quasi manus calida applicata aquæ fontis videatur sibi frigidior, non quia frigida est, sed quia manus est calida. Nam contra est quod eadem manus tangens aliam aquam communem, & illam subterraneam sentit differentiam inter hanc, & illam, ergo hoc non potest reduci ad solam dispositionem manus, quæ vnica tantum est, sed ad diuersam dispositionem aquæ; immò si manus frigida reddantur sicut in hyeme, & tangant illam aquam fontis, & aliam calidam discernunt differentiam frigiditatis in illa, & non in ista, ergo non est ibi deceptio sensus. Similiter hoc non fit per maiorem addensationem, vel raritatem aquæ, cum quia aqua densior qualis est aqua maris, si non ponatur intra terram non sentitur frigida, ergo non prouenit illa frigiditas ex maiore densitate, neque calor ex maiore raritate, quia stante eadem raritate, aqua calida redditur intra terram, & non extra: Præterquamquod eadem manet difficultas à qua causa proueniat ista maior addensatio, vel rarefactio, & ridiculum videtur negare experientiam de maiore calore, vel frigore, quod experimur in aqua, & affirmare de raritate, & densitate, quam non experimur. Denique neque hoc fit per solam actionem intentionalem, sed per physicam intensiorem caloris, vel frigoris, nam species intentionales quæ solum sunt re-

Præsentatiuæ, non intendunt alteratiuè ipsam qualitatem. Videmus autem per antiperistasis effectus reales, & physicos, qui non possunt reduci ad species intentionales, ut quando aqua ita frigescit, quòd congelatur, aut exhalatio, ita calefit per antiperistasis quòd ignitur: ergo hoc non potest reduci ad actionem intentionalem: præterquamquòd calor, vel frigus non emittunt ex se species intentionales perfectiores se ipsis, ergo à talibus speciebus non potest fieri maior intensio qualitatís realis, quia intensio fit à maiori, & perfectiori virtute, & ex eadem ratione non potest dici, quòd in antiperistasi qualitas reflectens, sine alia causa intendit præiacentem, quia qualitas reflectens cum originetur à præiacente supra quam reflectit non potest esse maioris virtutis, quam ea à qua procedit, ergo per se solam non potest eam intendere, quia intensio fit à maiori virtute, & simile non potest agere in suum simile, ut sequenti articulo dicemus.

*Quare* his omissis dicendum est, quòd maior illa intensio causata in antiperistasi habet causam per accidens, & causam per se: causa per accidens est obfistentia contrarij, ratione cuius impeditur actio ultra transire, & refrangitur quando contrarium obfistens non est ita vehemens, quod possit totaliter extinguere contrarium, ita tamen forte, quod possit refrangere. Causa autem per se talis intensiōis aliquando est causa intrinseca, & particularis, aliquando extrinseca, & vniuersalis. Est causa intrinseca, & particularis, quando posita antiperistasi crescit in qualitate sibi innata & ex eius visceribus proveniente, v. g. quando aqua circun-

dan.

dante calore amplius frigescit v̄t aquæ putres  
les in æstate . Et tunc dicimus quòd sicut fri-  
gus emanat ab ipsa aqua , & solum propter im-  
pedimentum oppositum non emanabat in tota  
sua perfectione , ita cum obsistente contrario fit  
reflexio ipsius frigoris tollitur magis impedi-  
mentum , & melius disponitur ipsa aqua ad emit-  
tendum frigiditatem perfectiorem , tum quia  
natura conatur vincere contrarium , & ita ad  
maiores sui conseruationem fortius agit ; tum  
quia reflectente frigore , manet corpus proxi-  
mum quod tangit aquam , minus calidum mi-  
nusque impediens emanationem ipsius frigore  
enim in ipso reflectente afficitur , tum deni-  
que , quia circundante calore , evaporantur ex-  
halationes adustæ si quæ ibi sunt relictæ , & sic  
redditur aqua minus oppressa , & magis libera ,  
vt in suam proprietatem se reducat .

At verò si per antiperistasisim crescit aliquid  
in qualitate non propria , sed extranea , vt quan-  
do aqua fit calidior , vel exhalatio sicca magis  
etiam calefit , quæ qualitas non potest dimanare  
ex ipsa natura aquæ , vel exhalationis , tunc  
dicendum est , quòd causa directâ illius maio-  
ris intensiõis est illud agens , quod ibi primò  
posuit virtutem caloris ; quod si non sit suffi-  
ciens ad tantam intensiõem , & tamen crescat  
qualitas in ea , tunc oportet , quod adiuuetur ad  
illam maiorem intensiõem , vel etiam ad ge-  
nerandum ignem à causâ vniuersali , quæ est  
cælum , ad quod pertinet huiusmodi defecti-  
bus succurrere quando non est agens proxi-  
mum determinatum à quo fiat effectus . Cælum  
autem positis dispositionibus necessarijs agit  
vsque ad formam substantialem , sicut quando

ingulatur animal, vel suffocatur, laqueus, vel ferrum non generant cadauer, sed remouendo dispositiones requisitas ad temperamentum animalis, & ponendo quæ sufficiunt ad inanimum, cælum ipsum generat formam cadaueris. Sed quia cælum, utpote causa vniuersalis non determinatur ad producendum talem, vel talem formam, nisi posita aliqua dispositione ex parte corporis inferioris, ideo quando qualitas extranea intenditur per Antiperistasis, etiam vsque ad generationem alicuius substantiæ, v. g. ignis, dispositio ibi est maior congregatio caloris, & reconcentratio eius ex circulatione frigoris, ut docet D. Tho. 1. Metheor. lect. 14. atque ita congregatio illa calidi est dispositio, productio verò intensioris caloris, vel etiam ignis, est à cælo, siquidem ponenda est causa extrinseca huius qualitatis extraneæ, & non sufficit illud agens quod illam primò produxit, quia ut supponimus debilem virtutem produxit: ergo oportet, quod reducatur ad cælum, quod est causa extrinseca vniuersalis. Quod verò aliqui ut P. Suarez disp. 18. Met. sect. 9. nu. 13. & Rubio hic dicunt aquam reddi validam in hyeme propter exhalationes calidas quæ à Sole extrahebantur à terra, sed non fuerunt perfecte eleuatae, & ideo manserunt circa terram, vel aquam, & calefaciunt illam, hoc non sufficit: tum quia non semper extrahitur tanta copia exhalationum ex omnibus locis subterraneis, nec de eo nobis constat, & tamen in omnibus subterraneis inuenitur aqua calidior: tum quia manet eadem difficultas, quomodo illæ exhalationes possunt intendere illum calorem in aqua ultra proprium gradum

caloris, quem habent ex eo solum, quod cūcundatur à frigido. Tum denique, quia iam assignatur pro causa directā illius caloris agens illud quod talem calorem illis exhalationibus impressit, quod fuit Sol; unde si intendatur magis ille calor, necesse est recurrere tanquam ad causam directam ad ipsummet solem, qui illum calorem primo produxit, vel ad aliquam causam fortiozem quæ calorem illum intendat, quæ non apparet alia, quam ipse Sol, vel Cælum.

Ex ista Antiperistasi nascuntur multi effectus qui mirabiles apparent eo quod habent pro causa contrarium obsistens, sicut quod fulmen generetur intra nubem humidam in exhalatione sicca, quod iniecta aqua in calcem viuat, vel in prunas fortius erumpat calor, quia per humectationem condensantur aliquæ partes, & resolvuntur plures vapores calidi in calce, vel fortius etiam intenditur calor in prunis contra illud frigus, & humectationem aquæ condensantis partes prunarum; & alia multa exempla possunt occurrere, de quibus agemus in libris Metheorum. In his tamen omnibus non est idem mouens, & motum, sed reducuntur in diuersa, tam ex partæ causæ directæ, quam per accidens vt ostensum est.

*De intensione mediæ per reflexionem  
qualitatis.*

**C**ontingit interdum qualitatem emissam per aliquod medium, inuento aliquo obstaculo ipsum medium fortius alterare, sicut radij Solis interdum emissi reflectuntur, & ipsum

ipsum medium calefaciunt; propter quod ista  
ultima regio aeris calidior est, quam secunda,  
ubi concresecunt nubes, quia illuc reflexio ra-  
diorum non peruenit. Et est dubium à qua  
causa fiat illa maior intensio, siquidem tam  
radij directi, quam reflexi sunt eiusdem in-  
tensionis, atque adeò, vel simile ager in simili-  
le, vel idem in se ipsum. Et non solum fit  
per istam reflexionem intensior calor, qui vir-  
tualiter tantum continetur in luce, sed etiam  
ipsa lux magis intenditur, sicut videmus,  
quòd lux candelæ si retro ipsam ponatur cor-  
pus opacum intensius illuminat ipsum me-  
dium, quia ab opaco reflit lux ad medium.  
Supponimus autem in ista reflexione verè in-  
tendi qualitates istas, siuè calorem, siuè lu-  
cem, quia experientia continua id testatur, cum  
videamus non solum ipsum corpus opacum unde  
fit reflexio, sed etiam medium ipsum red-  
di clarius, aut calidius, ut patet quia si in ipso  
medio ponatur scriptura facilius legitur, &  
melius videtur, ergo signum est ipsam lucem  
intendi in medio, & ita non potest recurri ad  
maiorē densitatem quia aer ipse non est den-  
sior in reflexione radiorum, quam in directa  
emissione. Dicere autem, quòd non intendi-  
tur lux illa, sed quod plures luces numero di-  
stinctæ in eodem subiecto ponuntur, sicut cum  
plures candelæ accenduntur in aliquo loco,  
hoc est impossibile, quia duo accidentia nume-  
ro distincta non sunt in eodem subiecto, ut  
quaest. 9. ostendemus, quòd si ponerentur,  
adunarentur in vnum, sicut duæ aquæ fiunt  
vna aqua quando coniunguntur, plures autem  
candelæ magis illuminant aliquem locum, quia  
quæ-



qualibet diuersam partem attingit, in qua erat lumen debilius, & sic plus illuminant quam si esset vna tantum candela, & ideo non est simile. Quare inquirendum restat à qua causa proueniat illa maior intensio lucis in eadem parte medijs, nec enim potest ad solam densitatem corporis opaci vnde fit reflexio reduci; tum quia densitas opaca non importat maiorem lucem, neque illam quam recipit intendere potest, cum sit qualitas diuersæ rationis: tum quia lux non transsit superficiem primam corporis opaci, alioquin si transiret, illud per quod transsit esset transparent, & non opacum, si autem in sola superficie recipitur, ibi non est densitas, ratione cuius lux ipsa magis congregetur, quia densitas non est proprietas superficie, sed corporis, cuius tamen partes non penetrat illa lux.

*In hac difficultate* duo inuoluuntur. Primum, & principale est, quomodo in actione reflexa vnum simile agat in aliud simile, & magis intendat illud v. g. lux vt duo reflexa agat in lucem vt duo directam, & de hoc agemus in sequenti articulo, vbi omnes difficultates allatas dissoluemus. Secundum est, an in ista actione reflexa idem agat in se ipsum, saltem per accidens, & supposita reflexione. Et ad hoc dicimus in presenti, quod etiam in actione reflexa, vna pars agit in aliam, non eadem in se ipsam; cum enim illa lux emittitur à luminoso, certum est, quod lux recepta in vna parte, & inherens illi non transsit in aliam, nec enim vnum accidens migrat è subiecto, sed producit aliam lucem, & multiplicat illam ab vna parte in aliam. Vnde quando illa lux tan-  
git

git corpus opacum ibique inhaereat, & propter opacitatem non transit ulterius, agit illa lux reflectendo in medium, & sic nunquam agit in se ipsam, sed in partem distinctam, siquidem intensiorem qualitatem producit in ipso medio, medium autem distincta pars est à corpore opaco vnde fit reflexio. Quomodo autem obistente contrario, & reflectente illuminatione, intensior lux generetur, & à qua causa proveniat illa maior intensio, ad sequentem articulum pertinet:

## ARTICULVS III.

*Virum simile possit agere in suum simile*

**O**stenso, quòd idem non potest agere in se ipsum restat videre an possit agere in simile, quod est quasi alterum à se. Est autem supponendum, quòd tripliciter potest esse aliquid simile, vel dissimile alteri; primo in ipsa specie qualitatis, v. g. quod utrumque habeat, vel non habeat calorem; secundo quantum ad gradus, ut quòd utrumque sit eiusdem gradus caloris, v. g. ut quattuor, vel ut duo; tertio quantum ad conditiones agendi, vel patiendi, ut quòd sint eiusdem raritatis, aut densitatis, figuræ vel situs, & reliquarum conditionum, quæ aliquo modo conducere possunt ad agendum, vel patiendum. Inquirimus ergo, an quando agens, & patiens habeat istam similitudinem, siue omnes istas tres, siue aliquam illarum, possit agens agere in passum; & loquimur de actione quando incipit, non quando

con-

consummatur, nam in fine actionis potius agens, & passum debent esse similia cum ad hoc tendat actio ut assimilet sibi passum. Nec est difficultas de agentibus æquivocis, quæ manifeste sunt dissimilia, non solum passio, sed etiam effectibus, sed loquimur de univocis, in quibus licet effectus sint similes, ideoque in consummatione actionis etiam passum debeat esse simile agenti, tamen à principio debet esse dissimile, ut ad similitudinem istam producat.

Dico ergo 1. quando agens, & patiens sunt similia tripliei illo modo similitudinis, non potest dari actio: & ita formaliter loquendo simile non potest agere in simile, sed debet aliquo modo esse dissimile à principio. Est communis sensus Philosoph. traditurque ab Arist. in hoc lib. 1. cap. 7. & ibi à D. Tho. lect. 19. & alijs multis locis. Et ratio est manifesta quia unum quodque patitur in quantum est in potentia, & agit in quantum est in actu, ergo passum ut passum non debet esse simile omnino agenti, quia si esset simile deberet verumque esse in actu, vel utrumque in potentia, & sic non fundaret unum actionem, & aliud passionem.

Confirmatur, nam agens si verè agit oportet, quòd aliquid ponat de nouo, quòd antea non erat, ubi enim non fit aliquid de nouo, nihil fit, sed actum est, & solum ponit id quòd antea erat, ergo ut fiat aliquid de nouo oportet, quòd modo sit, quòd antea non erat, & consequenter sit dissimile passum in principio actionis ipsi agenti, utpotè non habens in principio, quòd postea in fine. Et in hoc fundatur commune dictum, quòd agens intendit assimilare sibi passum, & quòd actio procedit à

Victoria agentis supra passum, hæc enim omnia requirunt dissimilitudinem inter agens, & passum à principio actionis.

*Dices*, inter similia est minus resistentiæ, ergo est facilior actio. Item similia facilius conseruant suam virtutem, sicut duæ manus se calefaciunt, & conseruant calorem, licet æque calidæ sint, ergo simile agit in simile saltem quando agendo se conseruant.

*Respond.* inter duo similia esse minus resistentiæ positivæ, magis autem negativæ, quia est incapacitas recipiendi novum terminum, nisi sit aliqua dissimilitudo in recipiente, alias iam illum haberet, non autem de nouo recipit, & ideo non est facilior actio quando est tanta similitudo, vt non possit aliquid de nouo fieri in subiecto. Ad secundum dicitur conseruationem caloris in manibus non fieri intendendo, & augendo ipsum calorem, nec eundem producendo, sed à contrarijs defendendo; si autem vna manus produceret in altera calorem, vel illum intenderet, supponeret in altera, vel non esse calorem, vel non esse tantum.

*Dico secundo*, si agens sit simile passo in specie, dissimile autem in gradus, & conditionibus requisitis; potest agere in passum. Conclusio est certa, & communiter admissa, ipsaq; experientia constat, nam calidum excellens potest agere in calidum remissum, illudque intendere, & assimilare sibi, & tamen constat iam habuisse speciem caloris.

*Nota difficultas* reducitur ad hoc, an possit simile agere in simile, tam in specie, quam in gradu, dummodo sit dissimile ex parte conditionum, puta quia est magis densum, vel rari-  
us.

rum, siquidem experientia videtur monstrare, quod calor in materia densa, ut in ferro ignito, vel carbone vehementiorem calorem producit, quam flamma in stупpa, & non quia habet calorem intensiorem cum flamma habeat calorem, ut octo siquidem est ignis, ergo quia habet materiam densiorem.

*In hac difficultate* aliqui sentiunt densitatem materię conducere ad effectum intensiorem, ita ut virtus, seu actiuitas sequatur multitudinem formę in materia, non autem intensiorem formę ut sentit M. Soto 2. Phisic. quęst. 4. ad 5. Toletus Niphus, & alij.

E contra verò alij existimant, actiuitatem formę solum desumi penes intensiorem, & gradus, non penes densitatem, aut raritatem, atque ita non posse agere calidum, ut quattuor quantumcunque densum in aliud calidum, ut quattuor magis rarum, atque ita dicitur perfecte simile agens, & passum, quando assimilantur in specie, & gradu qualitatis, etiam si in densitate, & raritate, alijsque conditionibus dissimilia sint. Ita M. Bannez. in capit. 9. de gener. q. 2. Carin. disp. 8. q. 2. Conim. Suarez Rubio, alijque plures quos citant. Quorum fundamentum est, quia ratio formalis actiuitatis, & virtutis sumitur ex forma, & ex actu, vnumquodque enim agit in quantum est in actu, est autem in actu per formam quę tollit potentialitatem, ergo quandiu non crescit in ista forma, & in ista actualitate, non crescit ratio formalis agendi, neque actiuitas; densitas autem, & raritas non pertinent ad formam caloris, v. g. vel frigoris, sed ad aliam qualitatem quę oritur ex constipatione, vel ampliatione par-

tium

rium materiae, ergo ex vi illius non est maior actiuitas, nec aliqua dissimilitudo quantum ad rationem formalem caloris respectu passi habentis æqualem gradum caloris. Et ita densitas, & raritas solum pertinebunt ad maiorem extensionem qualitatis, non ad maiorem intensiorem, & actiuitatem, & sic conducent ad aliquos effectus extensiuos, ut quod agens velocius, & citius agat, & ad maiorem sphaeram se extendat. Nihilominus.

*Dico tertio*, densitas, & raritas, & aliae similes condiciones ad agendum requisitae, non augent actiuitatem, & virtutem agentis formaliter, & directe, conducere tamen possunt indirecte, & per modum cuiusdam dispositionis, ut virtus aliqua quae debilior erat fortificetur, & intensior fiat virtute agentis in medio habente talem dispositionem, quae non potest, ita intense produci in medio carente illa. Itaque non nunquam condiciones istae conducent ut resulter maior, & intensior actiuitas non quidem ab ipsis sed ab agente, praesupposita tamen tali dispositione, aut conditione ipsarum, & posita tali intensiōe, poterit corpus densum fortius, & intensius operari, non ratione densitatis, vel aliarum conditionum, sed ratione maioris intensiōis. Prima pars satis videtur conuinci fundamento secundae sententiae, & constat etiam, quia materia siue densa, siue rara potest esse in potentia, ut sit magis, vel minus calida, ergo etiam in ipsa densitate potest esse diuersitas graduum caloris: ponamus ergo, quod sit calor, ut sex in materia densa, inquiero in alia materia rara, vel possunt etiam esse sex gradus caloris, vel  
non.

non ? Hoc secundum dici non potest, quia possunt in materia rara esse usque ad octo gradus, siquidem potest inflammari, & in ignem conuer-  
 ueri, ergo à fortiori potest habere sex; tunc ergo vtraque materia, tam rara, quam densa est in potentia ad perfectiorem gradum, scilicet ad septem, ergo non poterit agere, & producere calorem vt septem, sed solum vt sex, siquidem solum operatur ea ratione qua est in actu, non qua est in potentia, sed hos etiam gradus vt sex potest producere calor in materia rara, ergo sunt æqualis actiuitatis; siquidem habent æquales effectus, scilicet calorem vt sex, licet vna tardius altera operetur, ad maiores autem gradus sunt in potentia ergo ex præcisa ratione densitatis formaliter, & directè non sequitur, quòd aliquis calor intensior fiat nisi aliquid amplius addatur.

*Secunda pars conclusionis difficilior est, nec in ea omnes conueniunt, vt videri potest apud P. Suarez disput. 18. metaphys. sect. 9. Rubia tract. de reactione, & passione quæst. 8. Murcia disp. 4. quæst. 4. Sunt enim in hac parte duo principia ab aliquibus tanquam certa admissa, quæ omnem intensiorem videntur excludere primum quòd ex maiori densitate corporis, & multitudine materiæ, non fit virtus intensior, neque effectus perfectior, licet eundem effectum velocius producat. Secundum quòd virtus diffusa per medium cum magis, ac magis debilitetur non potest in parte remota intensiorem effectum producere, etiam si ibi inueniat maiorem dispositionem, v. g. maiorem densitatem, aut raritatem, & similia: quæ principia admittit Murcia ubi sup. sequens P. Suar.*  
 ci-

citatum sect. 8. num. 31. sed tamen idem Suar. postea sect. 9. in fine propter argumentum quod deducitur ex actione reflexa, coactus est vnum ex illis principijs negare, & magis inclinat ad negandum hoc secundum, & reuera nos censemus negandum esse ex doctrina, quam tradidimus 7. Physic. quaest. 22. art. 1. & nunc amplius explicabimus.

Sentio ergo vtrumque hoc principium esse moderandum iuxta sententiam S. Thom. nam in primis, vt omnes fatentur non repugnat virtutem emissam ab aliquo agente habere in remotis aliquem effectum quem in propro quo non potest propter indispositionem subiecti, vt optime tradit Sanctus Thomas, 3. Physic. lection. 4. & in 2. distinctione 15. quaestione 1. articul. 2. ad 6. vbi inquit: *Quod cuiuslibet agentis habentis situm, actio prius recipitur in medio, quam in termino, non tamen oportet, quod recipiatur in utroque eodem modo, sed secundum quod exigit dispositio vtriusque, sicut piscis qui detentus in rete stupefacit manum, prater hoc quod stupefaciat rete, quod stupefactionis capax non est.* Sicut ergo virtus emissiva, licet longius progrediatur potest effectum aliquem non debilitatum sortiri in distantia remota ( intra suam tamen sphaeram ) quia ibi inuenit dispositionem conuenientem. & non ante, & tunc virtus illa, quae transcendendo per medium videbatur debilitata, efficaciter operatur inuenta congrua dispositione, cur similiter non dicemus, quod licet in medio formaliter sit qualitas debilitata, quia diffunditur vniuniformiter difformiter, tamen virtualiter in quantum est virtus fortior,



tioris agentis retinet vim efficiendi effectum intensiorem vbi inuenerit densiorem materiam, quæ aptior est vt producat intensior effectus, non propter ipsam densitatem præcise, sed propter ipsam vim caloris, seu qualitatis diffusæ, quæ potest diuerso modo explicari, & fortificari in medio diuersimode disposito, etiam si longius distet, quia nunquam illa qualitas amittit quod sit virtus agentis fortioris, & ita quod virtualiter contineat vim producendi effectum intensum, vbi inuenerit dispositionem aptam, licet in se formaliter debilitata sit.

Et hoc ipsum in terminis loquens de densitate, & raritate mediij ostendit D. Tho. 3. Meth. lect. 6. in digressionem de coloribus Iridis vbi inquit: *Quod autem lumen in medio habeat debilius esse, quam in corpore lucido, satis manifestum est quia medium quod est perspicuum est rarum, & lumen propter raritatem mediij facile pertransit, & non est multæ permanentiæ in eo, sed in corpore illuminato est densitas, quæ corpus lucidum, & etiam lumen aliquantulum terminat, & propter densitatem talis corporis lumen in eo est maioris permanentiæ. Et in huius signum, lumen existens in medio debilius operatur, quam existens in corpore lucido; vel illuminato, debilius autem operatio consequitur debilius esse, quia modus operandi consequitur modum essendi. Ita D. Thom. quibus ultimis verbis aperte fateretur lumen reddi intensius in corpore densiori, quam in medio rariore per quod transit, & consequenter in remotiore distantia posse fortius operari, quam in propinquiori propter diuersam dispositionem reci-*

ipientium . Denique coniunctionem diuersorum luminum facere intensius lumen , & multiplicare ipsum quando radij concurrunt ad idem punctum aperte docet D. Tho. in 2. dist. 13. q. 1. art. 3. ad 2. & super caput 2. Dionis. de Diuinis Nomin. lect. 2. ergo in sententia D. Th. negandum non est quod propter maiorem coniunctionem radiorum , vel multitudinem , & spissitudinem materiae potest agens intendere suam qualitatem , quam in medio rariore non intendebat ex defectu dispositionis , quamuis id non fiat formaliter à densitate , vel raritate , sed ab agente diffundente illam qualitatem supposita tali dispositione idque poterit facere in remoto etiam si in propinquiori parte non fecerit ob defectum dispositionis .

*Et fundamentum* sumitur ex actione reflexa luminis , vel caloris , quia quando lux , vel calor reflectitur partes illae propinquiores angulo reflexionis recipiunt intensius lumen , & vehementius , & quanto illud corpus vnde fit reflexio fuerit densius , aut tersius tanto lumen intensius producit , vt quando reflectitur à speculo , vel ab auro , & hoc non potest fieri ab ipsa densitate , vel opacitate corporis formaliter loquendo , nec est necesse recurrere ad causam vniuersalem , quae est caelum , ergo fit ab ipsa virtute agentis quatenus virtualiter habet producere intensiorem effectum , tanquam instrumentum sui agentis vbi meliorem inuenerit dispositionem . Minor constat , quia densitas , vel opacitas non sunt virtutes productivae lucis , sed omninò illi dissimiles , nec oportet recurrere ad causam vniuersalem , nisi quando omninò deficit causa particularis , quae in praesenti

fenti non deficit, ſcilicet, ipſa virtus agentis diſfuſa in quantum inſtrumentum eius eſt. Ma-  
ior autem deducitur ex ipſa experientia, nam  
ex reflexione lucis videmus ipſum aerem reddi  
clariorem, quia melius ibi aliquid videtur, aut  
legitur: videmus etiam ex corpore denſiore,  
& terſiore, ita intendi lucem, vt producat, &  
eiaculetur aliud ſimile lumen uſque ad aliud  
corpus vnde dicitur 1. Machab orum cap. 6.  
*Refulſit Sol in clypeos aureos, & reſplendue-  
runt montes ab eis.* Videmus etiam calorem  
per reuerberationem radiorum ita crefcere,  
quod aliquando generat ignem, ergo illud ca-  
lidum intenſius fit, & non ſolum extenſius ſi-  
quidem etiam ignem producit. Similiter con-  
ſtat ignem inflammare ſtuppam, vel ſulphur  
diſtans, & non aerem intermedium, quia in-  
uenit diſpoſitionem in ſtuppa, ratione cuius  
poſeſt crefcere calor uſque ad octo, qui in me-  
dio non crefcit, ſed formaliter minor erat ca-  
lor in parte magis diſtanti, ſiquidem vniformi-  
ter diſformiter diſfunditur, ergo ſignum eſt  
à qualitate minus intenſa formaliter poſſe pro-  
duci intenſiorem poſita tali, vel tali diſpoſitio-  
ne, eo quod virtualiter eſt intenſior in quan-  
tum eſt virtus, & inſtrumentum ſubſtantie,  
& ſi habet vim ad producendam totam inten-  
ſionem uſque ad diſpoſitionem ultimam ſi in-  
uenerit ſubiectum aptum, & cum illud inuenit  
in diſtanti ibi producer illam.

*Ad hæc variè reſpondent Authores. Aliqui*  
negant in reflexione luminis eſſe lumen in en-  
ſius, ſed viſum videre clarius, quia mouetur ab  
ipſo corpore denſo à quo fit reflexio, ſolum  
autem lumen fieri maius extenſiue.

*Sed obstat* quia ipsum corpus à quo fit reflexio non potest clarius, vel melius mouere, nisi ratione maioris lucis, quæ est ratio mouendi, ergo si intensius, & clarius mouet, etiam intensius lumen est. *Alij* dicunt in reflexione lucis dari quasi duo luminosa, quia illud à quo fit reflexio iterum per aliam lineam emittit lucem, & illuminat, & sicut quando dantur duo luminosa, v. g. duæ candelæ positæ in diuersis partibus est maius lumen extensiuè, non intensiuè; ita quando fit reflexio à corpore opaco, fit extensio maioris luminis, quia emittitur per diuersam lineam, non quod corpus opacum sit efficiens illius luminis, cum potius opacitas contrarietur luci, sed quia luminosum illud ibi frangens radios, fit quasi duplex in virtute, non in entitate.

*Sed contra* quia illa virtualis generatio luminosi (etiam dato quod fiat per diuersam lineam reflexa illa emissio) non potest intelligi, nisi ponatur noua, & maior intensio in ipso corpore vnde fit reflexio, nam quando duo luminosa ponuntur in diuersis partibus spatij, ideo fit maius lumen, quia in illa parte vbi ponitur secundum luminosum, erat lux remissior, & ideo potest ibi ab intensiori luminoso intendi, & ita in toto spatio intensius lumen videtur; ergo si eodem modo fiat in reflexione luminis oportet quod intensior lux applicetur illis partibus vbi erat minor, vt clarius, & lucidius videatur totum medium. Hoc ergo est quod inquirimus, vnde sumatur illa maior intensio luminosi in reflexione.

*Alij* dicunt esse maiorem lucem solum extensiuè, videri autem maiorem intensiuè propter

ter medium ex omni parte illuminatum posita reflexione quod antea non erat. Quod explicant sic, quia aer iste plenus est parvis corpusculis qualia videmus ad radios Solis, corpora autem ista ex directa lucis emissionem irradiantur solum ab vna parte, cum verò sit reflexio irradiantur etiam ab opposita, & ideo medium clarius videtur, & luminosius, quia magis illuminata sunt illa corpuscula, quod est illam lucem extensius esse maiorem, idest, penes diuersas partes, non intensius.

*Sed contra*, tum quia vbi nulla est istorum corpusculorum permixtio vt in regionibus frigidissimis vbi istæ exhalationes, & corpuscula aut non eleuantur, aut consumuntur, tamen ibi ex reflexione speculi, vel alterius corporis ter si fit maior lux: tum in corporibus celestibus, quæ sunt pura sine istis athomis, & tamen cum lux Solis incidit in partem stellatam, reuerberatur maior lux, quam in parte diaphana, vt patet in Luna, & in Stellis, ergo reflexio lucis etiam sine illis corpusculis intensiorem effectum habet: tum denique quia cum speculum, vel aurum recipit in se radios Solis non solum magis illuminat medium, sed etiam corpus oppositum vt videmus in speculo, & scriptura sacra dicit de Clypeis aureis, à quibus montes resplenduerunt, splendor autem ille in montibus non poterat fieri maior ex corpusculis illuminatis à lumine reflexo; quia lumen reflexum illuminabat illa corpuscula à parte contraria, & aduersa ipsis montibus, ergo maior eiectio illa luminis non fit isto modo per illuminationem athomorum.

*Denique* alij dicunt, quod per reflexionem

non solum ipsum medium illuminatur intensius, sed etiam ipsam luminosum à quo directe lumen emissum fuit, nisi sit summe intensum sicut Sol; si autem non habeat lucem summam, ut lucerna poterit ab ipsa luce perfici per reflexionem. *Sed hoc præterquam quod non explicat quomodo fiat maior intensio luminis in aere à reflexione luminis solaris, adhuc respectu lucernæ patitur easdem difficultates, eo quod à corpore unde fit reflexio non potest lumen lucernæ intensius fieri nisi transeat per medium quod est inter ipsam lucernam, & corpus opacum à quo fit reflexio, & de illo lumine quod transit per medium usque ad lucernam, remanet difficultas soluenda à quo fiat talis intensio, non enim potest fieri à corpore opaco unde fit reflexio, quia densitas, & opacitas formaliter non faciunt maiorem lucem, neque lucerna quia non recipit in se intensius lumen nisi per medium illuminatum lumine intensiori; & quia alias ipsa lucerna se intenderet, quia totum lumen quod ibi est ab ea procedit, ab opaco enim formaliter solum refrangitur, non augetur lux.*

*Quapropter dicendum est, quod luminosum, vel calidum emittendo directe lucem, vel calorem, & iterum reflectendo non intendit lucem ultra gradus quos in se habet, hoc enim est impossibile, alias excederet virtutem propriam: neque formaliter fit intensior lux à corpore opaco à quo fit reflexio, eo quod densitas, vel opacitas non est ratio formalis producendi maiorem lucem: sed dicendum est quod lux diffusa à luminoso per medium magis, ac magis debilitatur, quia procedit uniformiter dif.*

difformiter stante medio in eadem dispositio-  
ne ; si tamen tangit corpus tersum, vel densum  
à quo possit fieri reflexio , intenditur illa lux  
ab ipsa luce remissiore quæ erat in medio , non  
quatenus formaliter remissa vt de se patet , sed  
quatenus virtualiter est intensior , quatenus est  
virtus ipsius luminosi , vel agentis à quo ema-  
nauit , à quo habet virtutem vt vbi inuenerit  
dispositionem talis densitatis , vel tersitatis pos-  
sit explicare se in maiorem effectum , & inten-  
sionem , in quantum est virtus agentis intensi,  
sicut calor diffusus ab igne in aere intermedio,  
quia humidus est non producit flammam , & in  
sulphure, vel stuppa aliquantum distante pro-  
ducit illam , qua licet ibi calor sit remissior  
formaliter , qua in aere propinquiori igni , est  
tamen virtualiter intensior in quantum opera-  
tur vt virtus ignis generantis alterum ignem  
vbi inuenerit materiam habilem , & non im-  
peditam .

*Soluuntur argumenta .*

**O**bjicies primo , quia lux tangens corpus  
opacum solum tangit eius superficiem  
alias si ultra illam transiret, ultra illam non es-  
set opacum , sed diaphanum , sed in superficie  
non datur densitas , quia hæc petit partes ma-  
gis coadunatas , ergo si lux non intrat partes,  
non recipitur ibi intensius ratione densitatis ,  
ergo ab ipso non potest fieri intensior lux  
magis quam ab aere medio quod est rarum .  
*Secundo* , quia qualitas diffunditur per spatium  
vniformiter difformiter , ergo non solum debi-  
latur in se formaliter , sed etiam vt est virtus

agentis, & sic etiam virtualiter non potest intensius operari, quia etiam ut virtus agentis est, remittitur: unde etiam videmus quod calor ignis si sit multum remotus non producit ignem, etiam si ibi ponatur corpus densius, & magis siccum, & lux quæ valde debilitata est, non crescit per reflexionem ergo amittitur illa virtualis intensio. *Tertio* quia alias idem contingeret in antiperistasi, quod tamen supra negavimus, nam posset dici, quod aliquod calidum per antiperistasi sit calidius, quia calor ille virtualiter potest esse intensior licet non formaliter, & ita potest intensius agere, etiam si procedat à calore minus intenso. Cur ergo in antiperistasi dicimus maiorem intensiorem fieri à calo, in actione autem reflexa fieri ab agente directo? *Quarto* generaliter loquendo ubi corpus est densius, ibi est plus materiæ, ergo est etiam plus formæ, quia omnes illæ partes formam habent, ubi autem est multum formæ est multum actualitatis, & consequenter actiuitatis, ergo intensior actio sumitur à multitudine formæ, & densitate materiæ. Suffragatur etiam experientia, quia videmus ferrum candens non habere calorem ut octo, alias haberet formam ignis, & non ferri quod est falsum, siquidem redit ad accidentia ferri relicta suæ naturæ, & tamen actio ferri candentis est vehementior quam flammæ, ergo ratione densitatis materiæ potest idem calor intensius operari.

*Ad primum* non desunt qui negant lucem recipi in sola superficie, & consequenter negant dari corpora perfecte opaca, sed aliquid habere transparentiæ, eo quod si lux recipere-

tur



tur in sola superficie daretur superficies lucis separata ab omni parte diuisibili, repugnat autem separari indiuisibile à partibus. Cæterum non apparet cur negamus corpora perfectè opaca, sicut dantur corpora perfectè transparentia, si autem est capacitas, & potentia respectu vnius contrarij perfecti, etiam, & alterius, transparentia autem, & opacitas contraria sunt. In perfectè autem opaco, certum est quod in in sola superficie recipitur lux, & non in profunditate partium, nec propter hoc dabitur indiuisibile separatum, quia qualitas non habet indiuisibile superficiem per se ipsam, sed per quantitatis superficiem, hæc autem à partibus non est separata, est autem inconueniens quod naturaliter indiuisibile sit separatum à partibus eo quod est terminus earum; quod verò qualitas subiectetur in superficie coniuncta partibus nullum est inconueniens, quia talis qualitas potest suam habere diuisibilitatem in ratione qualitatis, & intensiōis, licet in ratione extensiōis qualitatis non habeat nisi superficiei.

*Quidquid* tamen sit de hoc, ad argumentum respondemus, quod si lux recipiatur in corpore non solum opaco, sed etiam terso, ibi non est difficultas, quia corpus tersum aliquid habet transparentia, & sic in partes profundiores intrat lux, & propter multitudinem partium, & densitatem, geminantur radij, & crescit virtus agentis supposita tali dispositione. Si verò corpus nullo modo sit tersum, sed totaliter opacum, ita quod lux in sola superficie recipiatur, dicimus quod licet ibi non recipiatur plus lucis, tamen propter materiæ densitatem,

& opacitatem plus ei resistitur ne ulterius directè generetur, & multiplicetur, & ex tali resistentia retrocedit lux in partem oppositam, & sic geminatur, & multiplicatur, licet non in superficie corporis opaci, tamen ab illa in aërem medium fit explicatio noui effectus, & lucis, non quod ponatur lux similis illi quæ fuerat producta per actionem directam in aëre medio, sed quod ipsa lux à superficie opaca retrocedens, & coniuncta cum luce directè producta, ipsa geminatione & reflexione disponitur ut operetur intensius in quantum virtus est luminosi habens in se intensiorem lucem virtualiter, quam in illo medio erat diffusa, & sic operatur ut intensior virtualiter, non formaliter. Cuius signum est quia lux ista sic reflexa nunquam peruenit ad maiorem intensiorem, quam sit lux ipsius luminosi, vnde primo originata est directè.

*Ad secundum respond.* quod qualitas diffunditur vniiformiter difformiter amittendo, seu diminuendo formalem intensiorem, sed non eodem modo diminiuitur virtualis, quæ consistit in hoc, quod illam qualitas, & si diminuta, & remissa sit, tamen in quantum procedit à tali agente à quo primo, & originaliter emanauit, sic est virtus eius, & operatur in vi illius à quo primo emanauit si inuenit dispositionem conuenientem, ubi verò dispositionem conuenientem non inuenit, quæ eam faciat amplius explicari, qualitas ipsa formaliter diminiuitur ob dispositionem passi non potentis eodem modo multiplicare qualitatem. Quod verò aliquando qualitas ita attenuetur, quod non possit etiam ut instrumentum, & virtus agen-

tis ampliozem effectum producere, hoc ideo est, quia requiritur proportio aliqua in qualitate etiam ut possit excitari in maiorem effectum tanquam virtus, & instrumentum agentis; potest tamen ita esse via corruptionis attenuata, & oppressa, ut non possit amplius agere ut virtus agentis sicut etiam tandem amittit esse, hoc enim à posteriori deducitur ex alijs effectibus, licet enim lux possit excitare calorem in subiecto disposito, potest tamen ita attenuari, quod etiam in nulla dispositione possit calorem excitare; similiter ergo poterit ita attenuari, ut non valeat etiam per reflexionem incendi: quando autem potest intendi hoc fit in virtute ipsius agentis principalis per se loquendo, quia illa qualitas sic diffusa non solum est effectus habens formaliter tantam, vel tantam intensiorem, sed etiam est virtus, & instrumentum agentis, quod quandiu est in mensura proportionata potest in tantam intensiorem explicari quantum habet agens, si passum permittat.

*Ad tertium respond.* diversam esse rationem in antiperistasi, quia aliquando fit per intensiorem qualitatibus extraneæ, & non habent radicem in ipso subiecto unde incipit actio, v. g. quando aqua fit calidior in hyeme posita intra terram, vel exhalatio in nubeignitur per antiperistasi, & tunc vel illa qualitas extranea per antiperistasi non crescit ultra virtutem primam à qua introducta est, ut v. g. si exhalationes calidæ, quæ aquam in hyeme reddebant calidam, habebant intensiorem ut quatuor, & à frigido circumstante aliquo modo remittuntur, sed non omnino extinguuntur, tunc si cre-

scit calor per antiperistasis in medio, solum  
usque ad gradus ut quatuor poterit procedere  
à virtute illa primò impressa, quæ habebat ca-  
lorem, ut quatuor tanquam à causa per se, &  
in hoc casu eodem modo philosophamur sicut  
in actione reflexa; vel illa qualitas crescit in  
illa antiperistasi ultra illos gradus ut quatuor à  
quibus primò originata est sicut quando per-  
uenit ad hoc, ut corripiat ignem, & tunc ne-  
cesse est suppleri illam maiorem vim ab aliqua  
causa extrinseca, scilicet, à causa vniuersali quæ  
supplet deficientiam causæ particularis, nec  
enim est alia ad quam recurratur quando effe-  
ctus sit ultra virtutem causæ particularis.  
Quando verò intenditur qualitas per antiperi-  
stasis non in subiecto extraneo, sed proprio,  
ut cum aqua redditur frigidior in æstate, tunc  
non recurrimus ad causam vniuersalem, sed  
ipsa aqua est causa per se illius maioris inten-  
sionis, sicut de actione reflexa dictum est.

*Ad quartum respond.* quod ubi est plus den-  
sitatis, & materiæ est plus de forma, & de acti-  
uitate extensivæ, quia plures partes sunt parti-  
cipantes illam qualitatem, & virtutem, non ta-  
men est plus intensiōis, ex vi solius den-  
sitis formaliter loquendo, sed est dispositio ut  
posita illa concurrentia, & coadunatione par-  
tium participantium eandem qualitatem virtutis  
agentis in maiorem, & intensiorem effectum  
se explicet, coadunationem enim qualitatis ad  
talem effectum maiorem conducere, constat  
ex D. Tho. 1. Meth. lect. 14. & alijs locis sup. cit.  
Ad argumentum, ergo dicitur, quod solum  
probat multitudinem formæ, seu densitatem  
per se conducere ad extensionem caloris, seu

**V**irtus, dispositiue autem, & per accidens etiam ad intensiorem effectum potest conducere vt explicatum est.

*Ad experientiam* de ferro candente, vel alia materia valde densa multi dicunt producere maiorem calorem etiam vsque ad inflammationem, & calorem vt octo quia retinet aliquid ignis intra poros ferri, cum enim per ignem euacuetur aliquid ex ferro, consequenter dilatantur eius partes, & aperiuntur pori, & in illis particulae quaedam ignis intrant; quod constat ex scintillis, quas ferrum emittit, splendore, seu rubore igneo quo tingitur. Neque obstat quod materia quo densior est minus habet de poris, & tamen facilius comburit stuppam sibi applicatam; dico enim quod licet pauciores habeat poros materia densior quantum est de se, tamen quia plus caloris imbibit plus etiam resoluitur, & euaporantur partes tenuiores, & sic aperiuntur pori per calorem, sed, & si pauciores aperiuntur, tamen hoc ipso quod aperiuntur, & recipiunt ignem ex consortio partium densarum quae fortius calorem ebibunt, efficiunt vt fortius agat ignis circumdatus tanta densitate partium, quam si per modum flammæ poneretur in aere. Secundo dicitur, quod materia densa aliquando potest ignire, vel vt instrumentum ignis cuius virtutem defert, & participat, vel vt instrumentum lucis quae virtualiter est ignitiua, sicut cum ex speculis per reflexionem radiorum ignis accenditur; & quia materia densa perfectius retinet, & conseruat virtutem ignis, seu calorem, & a contrarijs defendit, ideo etiam si sit distans ab ipso igne potest ignire, quia virtualiter agit

**Vt**

ut instrumentum seu virtus ignis, & producit calorem ut octo in materia apta, quem in ferro, vel in alia non potest, sicut etiam sulphur distans ab igne accenditur non accenso aere medio, quia virtus vnius agentis melius operatur in vna materia quam in alia.

### ARTICVLVS III.

*Qua proportio resistentiae requiratur inter agens,  
& patiens ad reactionem?*

**S**upponendum est ex M. Bannez 1. de gener. cap. 5. quaest. 3. & alijs, resistentiam triplicem esse, negatiuam quæ nihil aliud est quam incapacitas, & repugnantia ad aliquid recipiendum, & positiuam duplicem, alia passiuæ, seu materialis quæ est indispositio subiecti, seu improportio respectu agentis, & eius virtutis, sicut magna moles lapidis difficulter mouetur propter excessum grauitatis ad virtutem motoris. Alia resistentia positiuæ est actiuæ, seu in genere causæ efficientis, sicut vnum contrarium resistit alteri, & expellit illud, sicut frigus resistit calori, & e contra. Solet etiam vocari resistentia passiuæ ab aliquibus, materialis, ab aliquibus, formalis; materialis quidem, quia tenet se ex parte subiecti; formalis autem, quia conuenit passio ratione alicuius formæ, quam habet, quæ reddit illam inhabilem, & indispositam. Itaque resistentia negatiua non est superabilis ab aliquo agente, quia supponit incapacitatem, & repugnantiam in subiecto, sicut Angelus, & cælum resistunt corruptioni, resistentia autem passiuæ, & actiuæ  
su-

superabiles sunt tanto magis vel minus, quanto est maior, vel minor proportio agentis erga passum, vel è contra. Et istam duplicem resistantiam admittit D.Th. in 4. dist. 11. q. 1. art. 3. q. 3. ad 2. & dist. 17. q. 1. art. 5. q. 1. ad 3. *Et ratio* est manifesta, quia resistere nihil aliud est, quam retardare, seu impedire aliud ne faciat quod potest, vel non ita facile: ubi autem agentia sunt contraria, cum detur pugna inter illa, quia actio vnius conatur destruere, vel minuire alterum, consequenter datur debilitatio virtutis vnius ab altero, debilitata autem virtus retardatur, & impeditur, ergo resistitur illi, sicut cum ignis agit in aquam, vel è contra. Similiter inuenitur aliquando talis dispositio ex parte alicuius subiecti, quod impedit agens ne agat, vel ne explicet totam suam virtutem, sicut cum calor informans aquam resistit illi ne redeat in suam frigiditatem, & illa resistantia non est actiua, quia accidens non agit in suum subiectum, ergo est formalis, & sic datur resistantia sine actione.

*Quod si dicas*, nam ista resistantia passiva non potest intelligi, neque antequam agens agat, neque postquam egit, neque dum agit, ergo non datur. Antecedens quoad primam, & secundam partem constat, quia antequam agens agat nondum ei resistitur, & postquam egit, iam resistantia est superata, vel transacta. Quoad tertiam verò probatur, quia quando agens agit, actu ponit effectum, alias non ageret, & sic vel tollit totam formam oppositam resistantem sibi, & tunc tota forma introducit, vt in actione instantanea, vel tollit partem seu gradum aliquem, vt in actione successina,

& tunc illa pars quæ tollitur non resistit, aliæ verò quæ non tolluntur, nondum resistunt, quia nondum eis applicatur agens. *Et confirmat.* quia non apparet quomodo passum habens formam resistat formæ oppositæ ratione suæ propriæ informationis, sed potius ratione actionis, qua conseruatur in esse à causa prima, & sic reducitur ad resistantiam actiuam, conseruatio enim illa actio quædam est. Secundo, quia resistantia actiua non est aliud, quam actio contraria, vt debilitat virtutem agentis, vt citatis locis docet S. Tho. ergo qualitas quæ est actiua tantum habet resistere quantum agere, & eiusdem erit actiuitatis, ac resistantiæ, nec dabitur vnum elementum, vel qualitas magis actiua, & alia magis resistiua contra Arist. 2. de gener. tex. 8. & 4. Metaph. cap. 1. vbi ponit calorem, & frigus esse qualitates actiuas, siccitatem, & humiditatem passiuas.

*Ad primum* omiſſa aliorum longa solutione, respondetur, quod resistantia passiuia sit dum agens applicatur passo, & ex illo conatur elicere actionem, cum enim agens non possit sine subiecto actionem elicere, quia ab eo vt à causa materiali dependet, & hoc subiectum oportet, quod sit debite proportionatum, & dispositum, vt virtus possit ex eo operari, inde est quod cum agens inchoat seu facit conatum ad eliciendum actionem ex materia, si non inuenit eam ita dispositam, vt possit, vel absolute, vel secundum totam virtutem emittere actionem, dicitur impediri, vel absolute, vel quoad totam explicationem virtutis, & hoc impediri est resistantia ex parte passi, seu ex parte indispositionis, & conditionis materialis



requiritur ; non ergo impeditur actio quando iam actu agit, siquidem impeditur ne agat, non quando agit; unde aliud est resistere agenti ex parte materiæ, aliud resistere actioni eamque retardare seu debilitare, hoc enim fit in resistentia actiua, in qua vnus pugnat, & consequenter agit contra aliud, in passiuam autem resistentiam, ipsum agens impeditur exire in actionem, vel in tantam actionem propter indispositionem subiecti, vel si ista indispositio superuenit post elicitam actionem, impeditur eius conseruatio seu continuatio, & tunc incipit resistentia passiuam, seu impedimentum non eliciendi, sed continuandi actionem, siue in totum siue in partem. Nec impeditur vt actio facta non fiat, sed impeditur, vel ne incipiat, vel ne conseruet, & continuat actionem.

*Ad confirm. respond.* quod non oportet istam resistentiam, seu impedimentum reducere ad actionem conseruatiuam formæ, sed id ipsam formam quatenus non solum præbet informationem sui, sed etiam causat expulsionem alterius cum tali dispositione, qua reddatur difficilior expulsio formæ à tali subiecto, & sic dicitur impedire, seu resistere opposito agenti; ratione dispositionis illius improporcionatæ virtutis agentis, licet verum sit requiri actionem causæ conuersantis formam in subiecto, non vt rationem formalem resistendi, sed vt præbentem existentiam indispositioni illi à qua fit resistentia.

*Ad secundum respond.* qualitates primas non esse æqualiter actiuas, sed quasdam esse magis actiuas, vt calor, & frigus, quasdam minus actiuas, & magis passiuas, & humiditatem, & siccita-

tatem; & hoc est quod dixit Arist. non verò dixit quod humiditas, & siccitas sunt magis resistitiae; sed intelligendum est quod calor, & frigus, quia sunt magis actiuae sunt etiam magis resistitiae resistentia actiua; siccitas autem, & humiditas magis resistunt resistentia passiva, & ideo elementa ubi istae qualitates praedominantur, dicuntur magis resistere actiue, vel passiuè, prout eis praedominatur qualitas actiue, vel passiuè resistens. Quando autem ita comparamus istas qualitates loquimur in sensu formali, & ex meritis proprijs, potest enim iuari, vel infirmari virtus illa, seu actiua vel passiva resistentia ex conditionibus requisitis, & concurrentibus ad agendum, vel patiendum, ut ea maiori, vel minori densitate, applicatione, situ, & alijs similibus, de quibus iam supra diximus, & amplius de istis qualitatibus elementorum agemus infra quaest. 10.

*Hoc supposito* currit difficultas principalis, quænam proportio requiratur inter actiuitatem, & resistentiam ut exeat actio, quod alijs verbis solet inquiri, an semper à proportionē victoriæ agentis supra passum fiat actio, hoc est an requiratur, quod actiuitas sit maior, quam ipsa resistentia passi, an verò sufficiat quod sit æqualis, vel etiam minor. Et dato quod requiratur inæqualitas, seu maior actiuitas, secundo est difficultas an requiratur, quod sit determinata proportio, & superioritas, an verò sufficiat quæcumque indeterminata.

*Circa primum* est duplex sententia extrema, & duplex media. Prima extrema tenet etiam à minori actiuitate dari posse actionem. Probat exemplo guttæ cauantis lapidem, cuius

ma-

maior est resistentia quam actiuitas guttæ ; secundo, quia alias non posset dari mutua actio, & reactio inter agens, & passum, cuius oppositum sequenti art. ostendemus. Probatur sequela, quia si agens ad hoc ut agat in passum debet supponere illud esse inæquale, & inferius sibi ut agat in illud, ergo tale passum non poterit rursus reagere in ipsum agens, quia inferius est illo, vel si potest, aliqua actio dabitur à proportionem minoris inæqualitatis.

*Secunda sententia* extrema asserit, omnem actionem esse à proportionem maioris inæqualitatis, ita quod omne quod agit vincit passum in eo in quo agit. Fundatur, quia hoc ipso, quod aliquod agens agit in passum ponit in eo aliquem effectum, & imprimit aliquam formam, vel partem formæ, ergo in eo quod imprimit subiicit sibi passum. Patet hoc quia tale passum non impedit exire actionem ab agente, ergo subiicitur ei. Et confir. quia intentum resistentis est impedire actionem agentis, intentum verò agentis, imprimere effectum passum, & assimilare sibi saltem in aliquo, ergo si agens agit, saltem in aliquo consequitur suum intentum, & si passum in eo non resistit ergo in eo manet inferius, & agens superius, atque ita agens in quantum agit semper vincit, & passum in eo quod patitur semper subiicitur, licet secundum aliam rationem possit esse e conuerso.

*Sententiæ* medix sunt duæ, prima distinguit duplex genus actionis; altera perfecta, & plena qua agens totaliter vincit passum, & hæc semper est à maiori actiuitate, siquidem totaliter excedit passi resistentiam, & ex omni parte;

re: alia actio est imperfecta, & remissa quæ non potest vincere resistantiam passi, sed tamen conatur, & hæc non procedit à maiore actiuitate, quia potius cedit resistantiæ passi.

*Secunda sententia* media distinguit de resistantia passiuâ, & actiuâ, & dicit quod in passum in quo est sola resistantia passiuâ, agens non potest agere nisi sit maior actiuitas, & excedat resistantiam passi. *Ratio* est, quia resistantia passiuâ est quæ impedit agens ne agat: ergo si agit non impedit, & sic non datur resistantia, sed vincitur, etiam si violentè fiat ergo excedit actiuitas resistantiam passi. Si verò resistantia sit actiuâ potest fieri actio etiam à minore proportionem, quia resistantia actiuâ seu reactio non solum fit quando vtrumque agens est æqualis virtutis, sed etiam quando alterum est excedens, & alterum inferius, ergo ab agente inferiore potest esse actio. Constat hoc manifeste, quia si ponatur calidum vt octo, & frigidum vt septem, non solum agit calidum vt octo, sed etiam frigidum, aliàs ad reactionem requireretur omnimoda æqualitas inter agentia, quod est absurdum, nam potius tunc non dabitur actio, & reactio cum stante æqualitate mutuo se impendant, & neutrum agat. *Ratio* autem huius est, quia quando dantur duo agentia, actiuitas vnius non agit in aliud quatenus etiam habet actiuitatem, sed vt passum est, in quantum autem passum potest esse inferius, licet in agendo sit maius, ergo inter resistantias actiuas potest dari actio à minore actiuitate.

*Inter has sententias* 2. & 4. parum aut nihil differunt, quia quarta concedit, quod agens semper est formaliter superius patiente. *Quare*  
*dis*

*Vicendum* est cum secunda sententia, quod agens in eo in quo agit formaliter loquendo superius est, & maiorem actiuitatem habet quam passum resistantiæ, licet materialiter aliquid minoris actiuitatis possit agere in magis actiuum non in quantum magis actiuum est, sed in aliquo cedit alteri eique subiicitur. Et hæc quidem præter fundamenta allata, ipsa experientia actionis, & reactionis, de qua in sequente articulo aperte eam comprobatur cum non semper utrumque agens sit æqualis virtutis, sed inæqualis, & tamen etiam quod est minus re agit in id quod maius est.

*Sed difficultas* est in intelligendo quomodo minus actiuum possit debilitare virtutem magis actiui, siquidem magis actiuum se toto agit, & sic videtur totaliter impedire actionem minoris actiui. *Ad quod* responderetur, quod licet actiuum se toto agat non tamen potest instantaneè destruere oppositum actiuum licet sit minus, sed successive eo quod per motum agit in illud, & cum non consistat in indiuisibilitate actiuum, sed habeat latitudinem graduum, paulatim, & diuisibiliter debet illam amittere, & sic relinquit locum, ut etiam minus actiuum agat in manus, non quidem vincendo seu superando totum, sed partem aliquam saltem minorem respectu cuius, quia minor est, habet superioritatem, & illam vincit, licet plus perdat de sua actiuitate, quia à fortiori agente inuaditur. Quare quod se toto agat non infert, quod destruat totum de actiuitate opposita, sed iuxta proportionem maioris excessus, quem habet illud totum maius supra hoc totum minus, plus consumet de ipso, sed non ita exstinguet subito,

to, non relinquat aliquid, quod vicissim agat in illud saltem quantum ad aliquid eius in quo ei proportionatum est, & sic quantum ad hoc patitur agens intensioris virtutis, non tamen in quantum intensioris virtutis est, sed quoad aliquid minus. Nec tamen ex hoc sequitur quod agens minoris virtutis poterit consumere actiuitatem maioris agendo paulatim in partes eius, quia cum à maiore agente debilitetur, non semper durat in eadem virtute, sed magis, & magis debilitatur quousque totaliter extinguatur ante quam possit consumere magis actiuum.

*Sed dices* ex hoc sequi, quod non distinguitur resistentia actiua à formali seu passiuā, quia si agens fortius resistit secundum actiuitatem suam, tantum resistit quantum agit, agit autem secundum omnes partes, ergo secundum se totum resistit, & ita non poterit superari in aliquo ab agente inferiori. Si verò superatur in aliqua parte, idè est, quia secundum illam partem non agit, sed patitur, & recipit actionem alterius, ergo resistentia actiua non distinguitur à passiuā illius partis. *Respond.* resistentiam actiuā consistere in hoc quod agens praesertim fortius, debilitat virtutem passiue agentis in se, & sic debilitando, & agendo impedit, ne vltius agat in se; in eo autem in quo tale agens repatitur à minori agente, non resistit, sed potius ei aliquo modo cedit. Resistentia autem passiuā, non fit debilitando virtutem, sed impediendo actionem ex improprietate dispositionis, ne agens agat in tale subiectum, seu passum.

*Ad primum fundamentum*, oppositum propri-

prima sententia resp. quod gutta cauat lapidem, non quia agat quælibet gutta tollendo aliquid à lapide, sed quia vltima agit in virtute præcedentium, vt D.Th. docet 2.2.q.24.art.6.ad 2. quarum quælibet non tollit & diuidit aliquam partem lapidis, sed humectando lapidem, & siccitati eius se opponendo, disponit lapidem vt vltima gutta tollat particulam lapidis, introducit enim aliquam humiditatem, licet valde parum, quo vsque continuando soluitur aliquid siccitatis, & mollicatur duritia, ita vt ipso ictu vltimæ guttæ cadentis aliqua particula separetur. Et similiter cum parua aliqua animalia vt formicæ decursu suo lapidem, vel terram terunt, id faciunt impulsu pedum sæpissime multiplicato, quo particulas aliquas minutissimas terræ, vel lapidis diuidunt, impulsus enim diuifinus est, & per multiplicationem, notabilem separationem faciunt.

*Ad secundum respond.* posse agens inferius, & inæquale reagere in superius actiuum, non quatenus magis actiuum est, sed quatenus in aliquo remanet passiuum, & inferius, quia passive non resistit. *Quod si dicat*, nam illud agens magis actiuum habet de opposita qualitate plures gradus, v.g. ignis habet calorem, vt octo, & omnes gradus simul resistunt oppositæ qualitati, scilicet, frigori, siquidem omnes agunt, ergo non remanet in se passiuum respectu agentis minoris actiuitatis, & sic non poterit re agere in illud propter totalem eius resistantiam, sicut non potest quis mouere lapidem magnum etiam si aliquali impulsu id conetur, quia lapis ille se toto resistit, & sic nec multum, nec parum mouetur, nisi impulsus  
omnes

omnes partes afficiat, alias terra quolibet **mo**tu moueretur contra id quod diximus, q. 23. Physic. ergo similiter ignis, quia habet calorem in summo, non poterit admittere aliquid de frigore, ita quod corrumpatur aliquid caloris. *Respond.* quod licet omnes gradus caloris operentur, & resistent actiue, tamen quia subiectum non habet aliam resistentiam, quam actiuam, non inhabilitatis, & indispositionis passiuæ, & actiuitas resistens, & debilitans oppositur, non destruit totum simul, sed paulatim, & per motum, ideo relinquit locum, ut possit recipere in se aliquid frigoris per reactionem passi in ipsam, licet multo debilius, quia est minoris actiuitatis. Et sic debilitatur aliquid de calore, licet parum, & id quod debilitatur, seu tollitur de calore, non agit, quousque crescente actione, & victoria in frigidum, restauratur. At verò in grauitate lapidis non inuenitur resistentia actiua, sed passiuæ reddendo subiectum improporcionatum ipsi mouenti, & cum non possit moueri vna pars alijs non motis, quia continuum est, & inanime, ideo non est simile.

*Quod si insles* ergo aqua nunquam poterit vincere terram, quia terra in resistentia formali, seu passiuæ cætera elementa superat, passiuæ autem resistentia nisi tota tollatur, non recipit actionem agentis, quia subiectum est indispositum. *Respond.* quod siccitas terræ non potest vinci per impulsum, bene tamen per aliquam alterationem, sicut gutta cauans lapidem, ut dictum est. Et ideo distinguendum est de resistentia passiuæ diuisibilitate resistente, & per gradus, qui possunt diminui, vel intendi, sicut in



in qualitatibus alteratiuis quæ habent contrarietatem, hæc enim resistentia successiue tolli potest, & admittere aliquid de opposito, quia paulatim diminuitur, vt cæteræ qualitates contrariæ. Resistentia verò passiuæ grauitatis, & ponderis non fit diuisibiliter, & per gradus respectu impulsus, sed per modum totius, eo quod in continuo inanimato non potest vna pars moueri seorsum ab alia, & ideo nisi agens impellat totum, & afficiat impulsu omnes partes non mouet, nec vincit resistentiam ponderis passiuam in continuo.

*Ad reliqua fundamenta aliarum sententiarum responsum est ex dictis, 3. enim & 4. sententiæ fundamenta concedimus, excepto quod dictum est de resistentia passiuæ.*

*Quantum ad secundum punctum, supra propositum, an requiratur determinata, & aliquota proportio vt agens vincat resistentiam passiuæ? Respondetur requiri, ita quod sicut non potest substantialis forma suscipi sub qualibet quantitate, sed requiritur determinata quantitas iuxta exigentiam formæ, ita ad agendum supra passum, requiritur determinata virtus habens determinatum aliquem excessum, nec sufficit quælibet proportio etiam si diuisibilis sit, sed potest esse tam minima virtus, vt non sufficiat ad agendum in aliud. Probatur ratione D.Tho. 1.2. q.4. art.5. ad 2. vbi inquit: *Quod non omnia calefacta, & illuminata possunt alia calefacere, & illuminare sic enim illuminatio, & calefactio essent in infinitum.* Quæ sequele manifesta est, quia si quælibet virtus quantumuis minima, potest agere, ergo virtus communicata, & impressa ab ista quantumuis minima*

iterum posset agere , & similiter iterum communicata ab illa , & cum sit diuisibilis in infinitum agere posset .

*Dices* , impediatur illa virtus minima ab aliquo contrario , & sic non aget in infinitum , sed tunc solum aget , quando non inueniet contrarium , seu passum non resistens , & in hoc dicitur opposita sententia non requiri determinatum excessum , vt agens agat , requiri tamen aliquem quicumque ille sit . Si autem ita diminuatur virtus aliqua vt nullum excessum habeat supra passum , tunc non aget , sed hoc non est contra oppositam sententiam quæ dicit non requiri quod excessus determinatus sit , licet ipsa virtus in se determinata esse debeat .

*Sed contra* , nam si ipsa virtus debet esse determinata vt agat , ergo , & excessus supra passum , nam virtus non excedens est perinde , ac si virtus non esset , ergo eadem ratio est de virtute , & de excessu , ideo enim virtus debet esse determinata vt agat ne sequatur processus in infinitum , ergo eadem ratione excessus debet esse determinatus , ne sic posito quolibet excessu agat , quia cum excessus sit in infinitum diuisibilis , sicut , & virtus , poterit de se agere in infinitum . Quod si impediatur ab alio , id erit per accidens , & sic terminus , & sphaera actiuitatis in agentibus limitatis non ponetur ab intrinseco , & per se , sed ab extrinseco impediante . Vnde in illuminatione per diaphanum vbi non est impedimentum poterit minima lux , verbi gratia candelæ illuminare vsque ad cælum , & in infinitum .

*Si dicas* , quia quicumque excessus ad resistantiam passi sufficit vt dicatur agens plus pos-

*se agere*, quam passum resistere, ergo sufficit ad actionem, quia tollitur ad aliquid de resistentia passi, in eo scilicet in quo agens excedit, ergo in eo ager. Item quæcumque proportio, & excessus constituit maioritatem in virtute, ergo sufficit ad agendum, quia ubi est maior proportio virtutis, sequitur.

*Respond.* ad primum negando antecedens, quia ille excessus, licet sit maior quasi mathematice, non tamen physice, & prout requiritur ad agendum, sicut neque res naturalis potest esse in quacumque minima quantitate, licet mathematice sit in infinitum diuisibilis.

*Ad secundum* respondetur quemcumque excessum constituere maioritatem quasi mathematicam, & indeterminatam, non physicam, & virtuosam, qualis requiritur ut ens naturale sit, & operetur.

## ARTICULVS IV.

*Utrum omne agens in agendo repatiatur?*

**R**Epati agens in agendo nihil aliud est quam ita agere in aliquo passo quod vicissim passum agat in illud, & ita illa actio qua passum rursus agit in suum agens dicitur reactio, quasi rediens ad suum agens, & utens illo tanquam passo. Unde ad istam actionem, & reactionem concurrere debent tres conditiones. Prima quod agens, & passum communicent in materia, idest quod si agens operatur in passum, habeat agens materiam, quia possit pati ab actione passi, defectu cuius Cælum est agens in inferiora, nec

tamen patitur ab illis quia non habet materiam  
capacem actionis horum inferiorum, r. g. ca-  
lesfactionis, aut in frigidationis, & nullo mi-  
nus spiritus repati potest à corpore, quia ca-  
ret eius materia.

*Secunda* est quod agens, & passum non so-  
lum sint eiusdem materie, sed utriusque se  
habeat in potentia ad formam, seu effectum  
alterius, verbi gratia, frigidum est in poten-  
tia ad calorem, & calidum ad frigus, quia  
carent illis formis, & contrarie se habent.

Si autem calidum agat in minus calidum ut  
illud intendat, non repatitur ab ipso, quia non  
caret eo calore quem præbet, & lucidum non  
repatitur à diaphano quod illuminat, quia dia-  
phanum non opponitur luci. Debet ergo pas-  
sum, & agens contrario modo se habere ut  
detur actio, & reactio.

*Tertia conditio* est ut agens, & patiens sint  
intra sphaeras actiuitatis utriusque, extra sphe-  
ram enim actionis non sequitur actio ut per  
se notum est.

*His positis*, vnum in hac parte est certum  
apud omnes Philosophos, scilicet, inter agens,  
& patiens in quibus huiusmodi condiciones  
concurrunt dari mutuam actionem, & reactio-  
nem, id enim continua experientia approbat,  
& ratio persuadet. Experientia quidem, quia  
videmus pomum frigidum calefieri à manu, &  
similiter gelu liquefieri, manum verò ab utro-  
que frigeferi: aciem gladij percutientem alte-  
rum gladium ad inuicem hebetari; & alimen-  
tum communicare corpori suas qualitates, ab  
eius verò calore in carnem conuerti. Simili-  
ter constat quod mixtio fit per alterationem  
mi-

miscibilium ad inuicem , vt sequenti quæst. ex Arist. dicemus ; si autem elementa mutuo in se non agerent mixtio non fieret , nec ad inuicem elementa pugnarent nisi mutuo in se agerent . Denique ratio ipsa id ostendit , quia ex eo quod aliquid sit agens ratione actiuitatis propriæ , non amittit , quod sit in potentia ad aliam oppositam qualitatem , & ex eo quod aliud sit passum non amittit actiuitatem qua possit agere in aliud , ergo si ista duo debite applicentur , mutuo poterunt agere , & pati , quia concurrunt in eis conditiones ad agendum , & patiendum , scilicet , vtriusque actiuitas , & vtriusque potentialitas ; & nullum est impedimentum ad mutuo agendum , cum non sit impedimentum ad pugnandum ad inuicem .

*Tota difficultas* consistit in explicando quo modo ista mutua reactio , & repassio fieri possit . Nam propter argumenta quadam quæ in hac parte sunt difficilia , authores diuisi sunt . Et quidam dixerunt agens , & patiens mutuo agere , sed non penes easdem partes , sed agere secundum vnâ , & pati secundum aliam quod est simpliciter non reagere , sed secundum diuersas partes habere actionem , & passionem . Immo alij addunt omnino non agere , & pati ad inuicem , sed si agens repatitur id esse ex virtute Cælestium corporum . Alij dicunt quod agens , & patiens etiam secundum eandem partem agunt , & reagent , sed non secundum eandem contrarietatem qualitatum , v. g. calidum , & frigidum non agere mutuo ratione istarum qualitatum , sed ignis agit ratione caloris in summo , quem habet , patitur autem non à frigore contrario calori , sed

ab humiditate in quantum est siccus :

*Nihilominus* communis sententia absolutè tenenda est, quod ubi concurrunt conditiones supra posite etiam penes easdem partes, & secundum eandem contrarietatem qualitatium datur actio, & repassio. Sumitur ex Philosoph. 1. de gener. tex. 14. & D. Thom. ibidem lect. 20. & communiter interpretes in hoc 1. lib. de gen. qui videri possunt apud Conimb. hic cap. 8. q. 3. Carm. disp. 8. q. 4. Idque constat ex experientijs, & fundamento allato. Neque euaditur difficultas dicendo, quod non datur actio, & reactio secundum qualitates contrarias, sed secundum disparatas, ut quod aqua per humidum agat in ignem calidum, nam etiam hoc modo contrarietas debet poni, siquidem humidum immediatè agit in siccum, & destructa siccitate destruit ignem, sicut ergo inter humidum, & siccum datur actio & reactio, & tamen est contrarietas immediata inter illa, cur non etiam dabitur inter alia contraria immediata, ut inter calorem, & frigus? Similiter etiam secundum easdem partes fit actio, & reactio, scilicet, penes illa penes quas se tangunt, nam ubi non se tangunt saltem per virtutem, non est applicatio agentis, & passi, ergo neque actio, & reactio quæ agendo, & patiando fit. Nec tamen sequitur quod etiam idem possit agere in se ipsum secundum eandem partem, quatenus est in potentia, & in actu; hoc inquam non sequitur, quia idem non potest moueri à se respectu eiusdem qualitatis, seu formæ, sic enim esset in potentia, & in actu respectu eiusdem: in actione autem, & reactione subiectum non est

in

in pōtentia, & actu respectu eiusdem, sed respectu diuersorum, agit enim, v. g. calorem, & patitur frigus.

*Contra hanc* autem resolutionem sunt aliqua argumenta quæ difficilem semper habent solutionem, & ex eis magis dilucidabitur sententia proposita. Reducuntur autem ad duas classes. Quædam procedunt ad probandum, quod non potest dari actio, & reactio secundum eandem partem, sed secundum diuersam. Quædam verò ad probandum, quod non potest dari secundum eandem contrarietatem qualitatum. Et primo capite arguitur, quia si mutuo agerent aliqua contraria, posset idem subiectum secundum eandem partem moueri duplici motu contrario, v. g. frigefieri, & calefieri; ponamus enim quod ignis diffundit suum calorem per aerem, & aqua per eundem aerem diffundit suum frigus, & mediantibus virtutibus sic diffusis ad inuicem agunt, & patiuntur, ergo ille aer medius simul frigescit, & calefit, quod est moueri motibus contrarijs, qui si sint in gradibus intensis sunt impossibiles, unde inter agentia contraria intensa non poterit dari actio, & reactio per aliquod medium.

*Confirmatur*, quia si agens calidum agit in frigidum, & repatitur ab eo, sequitur quod pars vltima illius agentis calidi intrigidetur à passo frigido, & sic manet minus calida, quam reliquæ partes talis agentis, ergo reliquæ partes quæ calidiores sunt agent in illam partem minus calidam, seu intrigidatam, vna enim pars eiusdem continui potest agere in aliam, dummodo non sit eiusdem similitudinis, & actualitatis, ergo simul eadem pars calefiet ab alijs

partibus talis continui, & frigesiet ab agente frigido à quo repatitur.

*Varis* ad hoc argumentum solet responderi. *Quidam* dicunt quod non potest dari actio, & reactio, nisi agens, & patiens sint coniuncta, non autem per mediam ut evitetur difficultas argumenti. Sed hoc in se est falsum, quia actio, & reactio datur quodcumque passum est intra sphaeram agentis, ut in tertia conditione diximus, & sic non requiritur quod sint immediata, sed sufficit quod intra sphaeram. Non evitatur inconueniens, quia si virtus utriusque diffunditur per aerem, tandem perueniente ad aliquam partem, seu punctum ubi immediate se tangant, ergo ibi curret eadem difficultas quomodo moueatur illa pars duplici motu contrario. Curret etiam difficultas tacta in confirmatione, quando utrumque agens se contingit, & pars vltima tangens mouetur à contrario, & moueri potest à partibus eiusdem agentis. *Alij* dicunt illud medium moueri ab utroque agente contrario, sed penes diuersas partes medij, & non per eandem lineam, illa enim diuersa agentia diuersas partes medij tangunt, & per illas diffundunt suam virtutem, & sic penes diuersas partes mouetur medium motu contrario: cum autem illæ virtutes sic diffusæ perueniunt ad hoc, ut inuicem coniungantur, tunc partes medij agunt ad inuicem reducendo se ad aliquod temperamentum, quousque fortius agens vincat, & totum medium ad se reducat. Addunt alij, quod cum peruenierint illæ virtutes sic diffusæ ad vnum punctum, seu terminum (antequam enim perueniant non mouentur eadem partes, sed diuer-



sz illis motibus contrarijs) tunc illa pars, scilicet terminus non mouetur duplici motu contrario, quia cum illa duo contraria pugnent inter se, vnum resistit, & aliud agit, vnde tantum mouetur ab vno contrario, resistit verò per aliud cuius virtutem in se recipit, & conatur expellere alterum, ne recipiat.

Vtraque tamen solutio non soluit punctum difficultatis. Et supponimus ex supradictis quod actio, & reactio non saluatur si ita fiat per diuersas lineas, & partes quod nunquam coniungantur, nec immediatè, nec mediatè per virtutem suam, hoc enim non est ad inuicem agere, sed vnā partem agere aliam pari, quod est idem, ac disparate se habere, vel sicut diuersa supposita, quorum vnum agit, aliud patitur. Loquendo autem de agentibus quæ ad inuicem se tangunt, & vnum applicatur alteri penes eandem lineam, seu partem, tunc prima solutio non tenet, quia licet toto illo tempore, quo illa virtus per diuersas partes diffunditur, eadem pars non moueatur motibus contrarijs tamen quando postea miscentur, & in aliquo medio, seu puncto temperantur, & modificantur, ibi mutua actio debet esse, nec enim fit temperamentum nisi per mutuam actionem, & curret argumentum de motibus contrarijs in illa parte. Secunda autem solutio corrumpitur, quia quando illæ virtutes diffusæ perueniunt ad idem punctum, & se reducunt ad temperamentum, hoc faciunt, quia ad inuicem se debilitant, & pugnant inter se, ergo ista resistentia non est passiuā, sed actiuā, siquidem fit penes virtutes actiuas, ergo fit duplex motus contrarius, quorum vnus resistit alteri debilitando,

& agendo, ergo in illa parte, vbi datur pugnatio  
ista, & resistentia actiua, datur ille motus con-  
trarius.

*Quare* cum tota differentia inter agentia  
quæ immediate se tangunt, & quæ per medium  
agunt in eo consistat, quod quando immedia-  
te coniunguntur datur mutus contactus illorum  
duorum agentium, & consequenter datur du-  
plex superficies, quia ea quæ se tangunt non  
in eadem superficie conueniunt, sed si se tangunt  
sunt contigua; & consequenter plures superfi-  
cies petunt quæ sunt simul, tunc in istis super-  
ficiibus non est inconueniens quod vna pati-  
tur ab alia, & simul vna agat in aliam; pati-  
tur enim vnum, v. g. calor, & agit aliud v. g.  
frigus. Cæterum quando per medium diffun-  
duntur, virtutes, & qualitates oppositæ perue-  
niunt ad vnâ superficiem, in quam exercent  
suos diuersos motus, quia cum diffundantur  
per idem medium, seu continuum, & in ipso  
continuo non dantur duæ superficies imme-  
diatæ sicut cum duo agentia se tangunt, oportet  
quod in vna ad inuicem coniungantur, &  
operentur; & tunc dicimus quod illa superfi-  
cies in qua coniunguntur illæ virtutes non moue-  
tur motibus contrarijs intensis, sed remissis  
quia temperantur, & modificantur, & in hoc  
non est inconueniens, sed solum ne moueatur  
idem mobile motibus contrarijs intensis; mo-  
ueri autem duplici motu contrario remisso  
vel altero intenso, altero remisso, non repu-  
gnat vt diximus q. 19. Phil. art. 5. quod ideo  
est, quia qualitates in gradibus remissis se com-  
patiuntur, ergo, & actiones; si autem vnus  
gradus fuerit intensus, dummodo non sit in-  
sumus.

summo, compatitur secum aliquem gradum remissum oppositum, ergo bene potest esse quod eadem superficies moueatur duplici illo motu caloris, & frigoris; si vterque quidem temperatur, & mitigatur, ab utroque motu remisso mouebitur; si autem alter manet intensus alter verò remissus, etiam ab utroque mouebitur, licet non sentiat, nisi motus intensus, quia prædominatur; & in summa, si subiectum est capax duplicis qualitatis contrariæ in gradibus remissis, vel vnius in gradu remisso, alterius in intenso, non repugnabit tali duplici motu contrario moueri, & ad mediocritatem reduci, quousque alterum vincat, & totaliter destruat alterum, de quibus plura dicemus inf. q. 10. ar. 2.

*Sed instabit*, quia quando duæ virtutes in gradibus intensis coniunguntur non potest ex utraque exire vnica actio, & vnus motus, quia diuersa agentia sunt, ergo neque vnus effectus, seu qualitas, v. g. tepiditas, ergo duæ qualitates exhibent, calor, scilicet, & frigus, & sic mouebitur illa superficies, vel pars duplici motu contrario.

*Respond.* quod illæ qualitates oppositæ non vniuntur per se ad faciendum vnum effectum, sed quælibet conatur suum producere, sed quia ad inuicem impediuntur, operantur remisse, & laziunt illam qualitatem sic temperatam; nec enim impediuntur omnino operari; sed impediuntur operari intense, ideo possunt reduci ad operandum remisse, & subiectum moueri potest duplici motu contrario remisso quousque præualeat vna ex illis qualitatibus, & aliam consumat. Quod si omnino manerent æquales, ita vt neutra remitteretur, non

daretur actio propter æquale impedimentum  
vtriusque.

*Ad confirm.* principalis argumenti respond.  
quod illa pars vltima aquæ quæ calefit ab igne  
non frigeſcit à partibus ſuis immediatis effecti-  
ue, neque per emanationem à ſe propter im-  
pedimentum contrarium ignis calefacientis;  
& ita ſiue ſit qualitas natiua, & emanans ſiue  
extranea, dum occupatur à contrario intenſe  
agente, non poteſt ſimul recipere contrariam  
qualitatem.

*Sed dices,* quomodo illa vltima pars aquæ  
impeditur frigeſcere, & recipere ſuam propriam  
qualitatem, & non impeditur frigeſcere, ſeu  
reagere in contrarium, ſiquidem aqua median-  
te illa vltima parte quæ tangitur ab igne rea-  
git in ignem, eſt enim pars immediata illi, er-  
go debet habere ſimilem frigiditatem quæ rea-  
git in ipſum ignem, ergo à partibus immedia-  
tis, vel per emanationem naturæ à ſe.

*Respond.* quod impeditur illa vltima pars  
frigeſcere, ideſt ſuperaddi ſibi frigus propter  
agens contrarium, v.g. ignem, quod fortius eſt  
ad impediendum motum contrarium frigeſ-  
centis, & receptionem frigoris. Non tamen  
impeditur pars illa vltima frigeſcere, quando  
à principio applicatur igni, quia tunc nondum  
eſt totaliter deſtructa ſua frigiditas, quam ha-  
bebat, & ita donec deſtruatur ab igne, reagit  
per illam, & aliquomodo frigeſcit, quoſque  
calore ipſo ſuperante totaliter vincatur, & tunc  
etiam impediatur, ſeu deſinet frigeſcere, niſi  
frigus ipſum inſtauretur per aliquam cauſam  
vincentem fortitudinem ignis, & tunc vicif-  
ſim impeditur ignem, ne ab illo caleſcat, & ſic

nun-

nanquam mouebitur motibus contrarijs intensis .

*Secundo* arguitur , quia sequuntur plura inconuenientia ex eo quod mutua actio detur . Primum quia non posset aliquid agere secundum totam suam intentionem , v. g. ignis non poterit agere calorem vt octo in aerem , vel in aquam , quia dum agit , repatitur , & per passionem aliquid diminuitur , alias nihil repateretur ergo illud minus producit , & non qualitatem eandem . Quod dicatur vinci illam diminutionem à naturali virtute agentis , & sic demum producere qualitatem intensam . Contra est quia sic prius aget ipsum agens in partem sui , quæ repatitur , vtpote proximior , quam in agens contrarium , & sic dum conatur expellere illius ultimæ partis repassionem , vel non aget in contrarium , vel illa pars mouebitur motibus contrarijs , quia continuo repatitur à contrario , & à se reducitur ad pristinam virtutem , 2. inconueniens est quod idem subiectum maneret superius , & inferius respectu eiusdem , siquidem eadem qualitas quæ patiendū mouetur , agendo intenditur , quia actio non est nisi à proportionem maioris inæqualitatis . 3. in casu quo subiectum esset præditum calore vt quatuor , & frigore vt quatuor , si aqua , & ignis ageret in tale subiectum , vterque aliquid produceret de nouo , quia ageret , & reageret , & non produceret , quia neuter posset excedere illum gradum vt quatuor , quia de calore , & frigore non potest haberi ultra octo gradus , tunc autem sunt octo habendo quatuor ex vno , & quatuor ex alio . 4. Non possent elementa agere in inuicem nisi per *mixtionem* , nam  
cum

cum aliquid agit, & repatitur ab alio, illa pars quæ repatitur temperatur, & modificatur ex illo quod recipit, & ex eo quod habet, ergo fit mixtio, & sic idem esset actio, & reactio quod mixtio. Denique quia ignis, v. g. non solum resistit aquæ contrariæ per calorem, sed etiam per suam substantiam à qua ille calor conseruatur, ergo habet maiorem resistantiam quam aqua actiuitatem, siquidem resistit per calorem, & per substantiam, ergo aqua non poterit per frigus agere in ignem, quia maior est resistantia passi quam virtus, seu actiuitas agentis, quæ sola est qualitas frigoris, substantia enim non agit nisi per accidentia, recipit autem ratione substantiæ, & sic ratione sui resistit.

*Ad primum* inconueniens negatur antecedens. Ad probat. dicitur, quod quandiu agens repatitur, & aliquo modo temperatur eius virtus, non poterit agere secundum totam suam intensionem, eo quod modificatur à re agente, sed postea remoto hoc impedimento, & crescente virtute, vel ex natia emanatione, vel ex causa extrinseca, tunc aget secundum totam suam intensionem. Et ad instantiam in contrarium respond. quod illa pars vltima, quæ repatiebatur, fortificatur, & vincit per hoc quod reducitur ad totam suam virtutem à causa intrinseca, si sit virtus natia per emanationem, vel à causa extrinseca fortificante; si sit virtus extranea, & tunc illa pars simul patitur intensè ab vno, & remissè ab alio; contrarium enim agens remissius agit, quando illa virtus sui passi, vel natia emanatione, vel ab extrinseca virtute fortificatur. Nec repugnat vt supra diximus, idem moueri duobus motibus con-

tra-

irarijs, altero remisso, altero intenso, vel utroque remisso, quia tunc non se expellunt.

*Ad secundum*, inconueniens negatur, quod idem sit superius, & inferius respectu eiusdem in eodem tempore, sed cum patitur diminui-  
tur qualitas, cum verò fortificatur ut intensius operetur, fit maior, & tunc non manet minor, quia vincit oppositum. Vnde nunquam verificatur quod idem sit superius, & inferius formaliter.

*Ad tertium*, negatur sequi illud inconueniens, quia illud agens quod agit in subiectum calidum ut quatuor, & frigidum ut quatuor, vel est fortioris virtutis ut possit vincere aliquem gradum ex illis, v. g. frigoris, & intendere gradum caloris, vel non. Si non, tunc nihil ager, sed conseruabit calorem in illo gradu, ut quatuor, nec aliud faciet de nouo, quia non est unde faciat. Si verò est fortioris virtutis, plus vincet de frigore quam patitur ab ipso, & in illo plus quod facit, intendet calorem, & remittet frigus non ultra gradum ut octo, sed proportionaliter ut si auget calorem ad quinque, remittet frigus ad tria, & sic de alijs.

*Ad quartum*, respondetur in omni actione, & reactione aliquam mixtionem dari saltem imperfectam, idest ipsarum qualitatum sine corruptione substantiæ, præsertim à principio, postea autem, vel vnum ex agentibus totaliter vincit, & sic soluitur mixtio etiam quoad qualitates; vel manet in aliquo temperamento; quod si tale sit, quod substantiam mutet erit perfecta mixtio, sin minus erit imperfecta, solum quoad qualitates.

*Ad vltimum* respondetur quod ignis in resis-  
sten-

stentia actiua parificatur aquae, quia vtrumque agit per qualitates formaliter, & per substantiam radicaliter; quantum ad resistantiam autem passiuam, licet ignis per substantiam, & siccitatem resistat passivae receptioni frigoris, tamen illa resistantia passiva non est tanta in igne quanta est actiuitas frigoris ad agendum, quia in resistantia passiva non multum eminet ignis sicut in actiua. Si autem fit aliquod passum quod magis resistat passivae, quam agens agat actiue, tunc magis retardabitur actio quousque vincat illam resistantiam.

*Primo* arguitur, quia si sint duo agentia inaequalia, vnum non reaget in aliud, quia à proportionem minoris aequalitatis non fit actio, & sic illud minus non reaget, si autem aequalis virtutis sint, mutuo se impediunt, ergo nunquam dabitur reactio, & repassio, quia semper actio est à proportionem maioris inaequalitatis; & de igne dicit Arist. 2. de partibus animi c. 2. quod nunquam est frigidus, ergo saltem ignis non repatiatur. *Et confirmatur*, quia in alijs motibus, vt locali, & augmentationis, non est necesse dari actionem, & repassionem, si enim manus mouet lapidem non est necesse moueri ab eo, & quod crescit in augmentatione non decrescit ex alia parte per diminutionem, ergo nec erit idem in motu alterationis.

*Respond.* quod agens inaequale reagit in agens fortius non quatenus agens est, sed vt in potentia existit respectu qualitatis contrariae, & respectu talis potentiae agens illud remissum fortius est in actiuitate. Sed tamen quia in agendo, simpliciter aliud agens est fortius, ideo agens minoris actiuitatis non agit simpliciter

in



in illud, sed agit remisse, & imperfectè, & in  
corrumpi, siquidem debilitatur, & destruitur à  
fortiori agente, & talis modus agendi potest  
esse à minori actiuitate. Quod si dicas quomo-  
do frigidum ut quatuor potest diminuere de ca-  
lido ut octo ipsum gradum octauum qui cete-  
ris est perfectior siquidem reducit calidum ut  
octo ad calorem ut septem, & ut sex, ergo  
tollit gradum octauum. Respondetur, quod  
licet gradus ut octo, vel vnio ut octo sit perfe-  
ctior ceteris, tamen hoc ipso quod perfectior  
est, necessario compatitur minus de opposito,  
& destruit non solum id quod maius est, sed  
etiam quod minus de forma opposita, si autem  
aliquid de ipsa compatitur, hoc ipso minus per-  
fectionis habet. Et sic minor gradus non op-  
ponitur, nec destruit minorem oppositum,  
quin potius cum eo compatitur cum simul sint  
in gradibus remissis, sed opponitur perfectiori,  
ut perfectior est, & imperfectum excludit.

Ad id verò quod Aristot. dicit de igne, quod  
non dicitur frigidus intelligitur quantum ad  
denominationem, sicut aqua dicitur calida  
etiam denominatiue, eo quod frigus nunquam  
potest prædominari igni sicut calor aquæ, ut  
ab ea denominetur frigidus, quia semper de-  
nominatio fit ab excellentiore prædominante,  
bene tamen potest ignis recipere aliquid frigo-  
ris, alias nunquam extingueretur, si oppositam  
dispositionem non susciperet.

Ad confirmat. respondetur in alijs motibus  
non semper dari contrarium agens à quo fiat  
reactio, nec enim si ego projicio lapidem, ne-  
cesse est quod lapis habeat vim motiuam res-  
pectu mei, nec est necesse, quod quando ali-  
quid

quid augetur agendo in alimentum, ipsum alimentum habeat vim diminuendi id à quo immutatur. Et ideo non semper sequitur in alijs motibus repassio, sicut inter qualitates contrarias, quæ ad inuicem agunt ratione contrarietatis actiue.

## QVÆSTIO SEXTA.

### *De Mixtione.*



Via mixtio fit per mutuam actionem, & repassionem, ideo valde affinis est mixtio actioni, & reactioni, & sic agimus de illa antequam de rarefactione, & condensatione.

### ARTICVLVS PRIMVS.

#### *Quid sit mixtio, & quomodo fiat.*

**C**ommunis, & accepta mixtionis definitio est quod mixtio est *miscibilium alteratorum unio*, quam definitionem tradit Philosoph. in hoc lib. 1. de gener. cap. 10. & ibi D. Tho. lect. 15. & communiter Philosophi consentiunt.

*Pro qua* definitione explicanda, duo aduerte. Præmo, quod mixtio dupliciter fieri potest, vno modo improprie, & large pro omni coniunctione aliquorum in vnum etiam si ex illis  
non

non fiat vnum simpliciter, quod potius est constipatio quædam plurium, quam vera mixtio, fit enim per iuxta positionem partium minimarum congregatarum in vnum, sicut cum diuersa grana miscentur hoc est simul confuse aggregantur, vt farina hordei, & tritici, vel alia grana minuta; secundo modo sumitur mixtio strictè, & rigorose, prout non solum aggregantur plura per iuxta positionem in vno loco, & constipationem, sed per veram vnionem hoc est resultantiam vnius per se; & ad hoc requiritur mutatio extremorum, vt non maneat vnumquodque in se ipso. Primo modo aliqui ex antiquis acceperunt mixtionem vt refert, & impugnat Arist. loco cit. tex. 85. & 86. quæ tamen non est propriè mixtio, sed aggregatio multorum, quia quodlibet granum, vel quælibet pars minima non manet continuata alteri, sed contigua, & seorsum separata, mixtum autem quod simpliciter est tale debet esse eiusdem rationis in toto, & in parte, & consequenter habere partes continuas, in illa autem mixtione quælibet pars minima conseruat suam speciem, non erga ex illis fit mixtum, sed aggregatum, ergo neque ibi est vera mixtio.

Secundo est notandum, ad mixtionem rigorose dictam quatuor requiri condiciones. Prima pertinet ad substantiam. Secunda ad quantitatem. Tertia ad qualitatem. Quarta ad vbi. Prima est, quod mixtio præsupponat diuersas substantias ex quibus fiat, & tendat ad vnam quæ ex illis facienda est, hoc enim est quod dicit Philof. loco cit. tex. 83. quod oportet miscibile existere separabile, si enim separata non essent non deberet mixtionem facere ex pluribus.

ri.

ribus. Quod verò tendant ad vñum p̄tē, q̄stia  
 si vñum non fierent, mixtio non esset, sed vel  
 aggregatio multorum, vel generatio simplex  
 vñius ex alio, non mixtio, quando enim ele-  
 mentum generatur ex aliquo, non est ibi mix-  
 tio, quia non fit mixtum, eo quod non genera-  
 tur ex pluribus inter se immutatis, & vnitis, sed  
 potius resolutis in tale elementum. Secunda  
 conditio est ex parte quantitatis, requiritur  
 enim ad mixtionem quod miscibilia mutuo di-  
 uidentur ad hoc vt vñum intret per partes al-  
 terius, quia si extra manet, poterit quidem al-  
 terare, vel generare ex illo aliquid, sed non mi-  
 fceri cum illo; vnde quando duo liquores mi-  
 scentur, videmus vñum diuidere alterum, &  
 permeare illud, & Aristot. in tex. ultimo huius  
 cap. 10. inquit quod oportet miscibilia esse ter-  
 minabilia, & passua, hoc autem vt ait D. Tho.  
 est bene terminabile, quod est bene diuisibile  
 in parua, sicut corpora humida, quæ idcirco  
 sunt magis miscibilia. Tertia conditio est ex  
 parte qualitatis, quod, scilicet, sint actiua, &  
 passua secundum qualitates, non ita tamen,  
 quod vñum prædominetur alteri, adeo vt tra-  
 hat illud ad se tanquam partem, sicut fit in  
 augmentatione, sed requiritur, quod ex vtro-  
 que fiat vñum tertium temperatum, & ideo re-  
 quiritur ista qualitatū actiuitas, & passibili-  
 tas, quia quando ex elementis fit mixtum, vel  
 ex liquoribus, non debent manere qualita-  
 es in toto suo vigore, & crudelitate sicut sunt in ele-  
 mentis, sed temperari ad inuicem, & sic requi-  
 ritur mutua alteratio, sicut explicat Philos. lo-  
 co cit. tex. 98 & D. Tho. ibi lect. 25. Quarta de-  
 nique conditio tenet se ex parte vbi, scilicet,  
 quod

quod conueniant in vnum locum miscibilia, alias non fiet mixtio, nec resultabit vnum, nec dabitur mutua actio, & passio si non applicentur localiter in vno loco. A quo autem agente fiat mixtio præsertim elementorum, dicemus respondendo ad argumenta.

*His positis, dico primo, Datur de facto mixtio qualis à nobis explicata est. Ita Arist.* contra aliquos antiquos, qui mixtionem negabant, vt patet in text. 83. vbi potest videri D. Thom. & constat tum experientia, quia videmus multa ad inuicem misceri, idest ex pluribus in vnum tertium conuenire, vt ex varijs liquoribus in quibus simplicia non penitus extinguuntur quoad virtutem, licet formæ substantiales non remaneant, quod est signum manifestissimum mixtionis, in generatione enim quæ mixtio non est, vnum penitus extinguitur quoad formam, & virtutem, sicut si ex terra fit ignis nihil de terra manet, si gutta vini cadat in fluium, nihil de vino manet, & ideo illa non est mixtio, sed simplex generatio, ergo vt mixtio sit, aliquid manere debet; tum etiam quia videmus corpora aliqua non esse simplicia, sicut elementa, sed mixta seu composita, siquidem in eis inuenitur aliquid de omnibus elementis, videlicet qualitates elementales, ergo oportet quod talium corporum generatio sit mixtio non simplex generatio: tum denique, quia in corporibus datur mutua actio, & reactio, vt in quæst. præced. ostensum est, ergo oportet dari mixtionem, siquidem ex ista mutua reactione ipsæ qualitates miscentur, & temperantur, ergo tanta potest esse corruptio, quod illa corpora non maneant, in suo statu, nec cum debitis dis-

dispositionibus, & consequenter quod fiat quod tertium ex illis quod est mixtum.

*Quod si* inquiras, an omnia quatuor elementa concurrant ad compositionem mixti? hoc dicemus amplius, quæst. 11. non enim sunt qui id negent solum, quia existimant ignem non posse descendere ad locum mixti, id est terram, ubi fiunt mixta, quia alias ignis violenter moueretur. Sed tamen hoc fundamentum debile est, tum quia in terra verus datur ignis qui non est mixtum, sed corpus elementale ceterum non ita purum sicut in sua sphaera, ergo illo possunt mixta generari; tum quia non pugnat aliquam exhalationem inflammari, & sursum ab igne elementali, & decidere in alias exhalationes, aut etiam usque ad terram, sicut fulmen, quæ licet sint exhalationes ignitæ, tamen secum deferunt ignem, cum videantur comburere, & inflammare multa, ergo non est negandum posse ignem descendere, & mixtis ex tali inflammatione generatis viribilibiter manere, & ad alia communicari.

*Dico secundo*, optima est definitio Arist. data de mixtione. Eam acceptant communiter omnes Philosophi, licet non defuerit aliqui qui illam reprehenderit tanquam vitiosam, quod traditur per æque ignotum, scilicet, mixtum, tam ignotum est enim quid sit mixtum, quam quid sit mixtio; & quia in circulo committitur, quia mixtio definitur per mixtum, & mixtum per mixtionem. *Ceterum* conclusio nostra manifesta est, quod per hanc definitionem explicatur natura mixtionis, ut distinguitur à simplici generatione, quæ simpliciter fit ex uno quod corrumpitur

tut cum ignis generatur ex ligno. At verò in mixtione datur generatio ex contemperatione, & congregatione aliquorum quæ inter se diuisa sunt, vnde oportet fieri per modum vnionis, seu congregationis contemperanti, & coniungentis multa diuisa in vnum tertium. Vndè hæc definitio præsupponit definitionem generationis substantialis in communi, scilicet, quod sit mutatio de non esse substantiali ad esse substantiale in materia, explicat autem id in quo differt generatio mixtiua à simplici generatione non miscente, nequè congregante aliqua, ex quibus vnum tertium formetur. Et ideo D. Tho. in hoc 1. lib. de gen. lect. 25. in fin. explicans hanc definitionem Arist. dicit: *Quod mixtio est miscibilium alteratorum corruptorum secundum formas, unio.* Itaque ly vnio idem est quod actio congregatiua, seu factiua vnius ex multis substantialiter, & ita non significat vnionem materiæ cum forma quæ est communis omni generationi, sed ex pluribus quæ corrumpuntur per contemperationem, & congregationem in vnum, & ideo requiritur, quod alterentur miscibilia, non quacumque alteratione, sed corruptiua illorum, & redigente illa ad vnum tertium.

*Sic ergo*, in ista definitione tria essentialiter requisita ad mixtionem explicatur, scilicet, ex parte termini *à quo*, ex quibus fiat; ex parte termini *ad quem*, quid fiat; ex parte *affionis*, quomodo fiat, quod est plenè explicare mixtionem. Ex parte termini *à quo*, quod non fiat ex vno tantum quod totaliter corrumpatur, sed ex pluribus miscibilibus, idest in se quidem distinctis, sed in vnum congregabilibus. Additur

*De alteratorum*, propter duo; primo, vt intelligatur quod mixtio primo, & per se debet fieri in qualitatibus quæ alteratione ipsa confunduntur, & in vnâ virtutem, seu qualitatem mediam conueniunt, hæc enim debet manere in mixto, si verum mixtum fiat ad distinctionem eorum quæ miscentur sine alteratione solum per diuisionem minimarum partium simul congregatarum. Secundo, vt significetur talis alteratio quæ sit corruptiua miscibilium vt ex D. Tho. aduertimus, aliâs non fieret vnum ex ipsis miscibilibus. Et parte termini *ad quem*, explicatur, quod fiat vnum tertium ex illis, & non quodlibet eorum maneat. Ex parte etiam actionis, seu modi procedendi significat ipsa vnio actionem mixtiuam, idest quæ non solum sit vnitiua formæ, & materiæ, sed congregatiua plurium miscibilium in vnum.

*Ex quibus* colligitur quomodo mixtio differat à generatione substantiali, & quomodo illam includat: differt enim à generatione substantiali simplici non à generatione substantiali communiter dicta, quam tanquam genus includit, addit autem supra generationem simplicem fieri per modum vnitiui, & congregatiui, manentibus qualitatibus ad medium reductis. Et quando Philos. probat mixtionem differre à generatione, non loquitur de generatione in genere, sed de generatione simplici, quæ est species generationis, & nomine generationis absolute nominatur, sicut dispositio dicitur species condiuisa contra habitum cum tamen etiam detur dispositio generica ad habitum. Nec propterea negandam est dari formam substantialem in mixto, cui qualitas

tem-



temperata debita sit, nata ut docet S. Tho. 4. contra gent. cap. 81. *Forma mixti dupliciter intelligi potest, vno modo, ut per formam mixti intelligatur forma substantialis corporis mixti. Alio modo dicitur forma mixti, qualitas quædam composita & contemptata ex mixtione simplicium qualitatum, quæ ita se habet ad formam substantialem corporis mixti, sicut se habet qualitas simplex ad formam substantialem corporis simplicis.* Atque ita mixtio non ad solam qualitatem terminatur, sed ad substantiam, & ita differt ab alteratione, quia non solum illam præsupponit, sed etiam substantialiter generat: generatio autem simplex dicitur illa, quæ vel generat corpus simplex, scilicet, elementum, vel quæ generat modo simplici, idest non per congregationem, & temperationem multorum, sed simpliciter corrupendo vnum, & generando aliud, sicut si gutta aquæ iniiciatur in magnam quantitatem vini non fit ibi vnum tertium ex miscibilibus, sed ex vno fit aliud, scilicet ex aqua vinum.

*Vnde colligitur Philos. non definisse mixtionem per aliquid ignotius, nam miscibile prius explicauit per suas condiciones, deinde mixtionem per miscibile. Et similiter non commisit circulum, quia miscibile non per mixtionem ipsam notificauit præcise, sed per alias condiciones ad miscibilia requisitas, ut constat ex textu, & sic potuit Aristoteles per miscibile iam aliunde explicatum mixtionem explicare.*

*Soluntur argumenta.*

**P**rimo arguitur ad probandum mixtionem non dari in rerum natura, argumento illo

*Phil. Nat. Pars III.*

**P**

**an-**

antiquorum, quia vel corrumpuntur miscibilia ad mixtionem, vel non: si non corrumpuntur ergo non magis sunt mixta, quam prius, solum congregantur in vnum, non fiunt vnum: si corrumpuntur, ergo ex illis non fit mixtum, quia ex non entibus non fit mixtio. *Confirmatur* quia mixtio vel fit per diuisionem partium vel per penetrationem: hoc secundum naturam liter esse non potest: primum verò si fiat a primis solum mixtio erit per iuxta positionem vnius partis ad aliam: deinde vel soluitur continuum in omnem suam partem vel non. Impossibile est esse non potest, quia quælibet pars diuisibilis, & sic non potest diuidi in omnem suam partem, ita vt amplius diuidi non possit. Secundum non, quia non est maior ratio diuidatur in istas partes, quam in illas.

*Respondet.* miscibilia corrumpi formaliter sed manere virtualiter in mixto ratione quantitatum; & mixtio fit ex miscibilibus quæ antecedunt existunt in principio, quando mixtio incipitur, non existunt autem in termino quando generatur mixtum ex illis corruptis.

*Ad confirm. respond.* mixtionem fieri per diuisionem in partes minimas, nec tamen vnum solum manet iuxta aliam, sed agit in illam, quæ actio, & reactio facilius transmutat rem sic diuisam, & comminutam in partes minimas, inde resultat forma mixti. Quando autem queritur an diuidatur in omnem suam partem. Respond. non diuidi in omnem suam partem quasi mathematicè, hoc enim est impossibile cum omnis pars sit semper diuisibilis, sed soluitur in partes minimas naturales in quibus scilicet, conseruari potest species talis corporis,

ris, vt ad inuicem agant ; aliquando etiam fiet in maiores partes prout agens à quo fit mixtio magis , vel minus comminuerit ; & materia ipsa patiatur , & ad mutuam actionem, & reactionem sufficit.

*Secundo arg.* mixtio quæ fit ex elementis non est naturalis, neque violenta ergo nulla . Non est violenta, quia sic non esset à natura ordinata ad producenda corpora mixta , nec productio mixti esset productio rei naturalis . Non est naturalis , quia elementa aliqua debent extra locum suum poni vt ex eis fiat mixtum , sicut aer , & ignis debent descendere ad locum inferiorem vbi fit mixtum, & præsertim non apparet quomodo mixta quæ sunt intra mare ex concursu aeris, & ignis fieri possint . *Confirm.* quia si elementa conueniunt ad mixtionem oportet quod moueantur ad locum in quo fit mixtio ab aliquo mouente ; non à se quia de se vnumquodque elementum tendit ad suum centrum ; non ad locum cuiuscunque mixti , neque elementa intendunt formam mixti , sed suam propriam generare quantum est de se, præsertim cum elementum sit imperfectius, quam mixtum , & sic non potest ex propria virtute intendere eius generationem , & se mouere ad illam ; neque mouentur elementa ab alio mixto , quia loqui possumus de primo mixto , quod factum est ex elementis , & non supposuit aliud prius mixtum à quo mouerentur elementa ; neque mouentur à calo, quia est causa vniuersalis , & remota , nec potest esse immediata causa omnium mixtorum , vt patet in animalibus perfectis .

*Respond.* mixtionem esse naturalem vtpotè à

natura ordinatam, & ad naturalis entis productionem terminatam. Nec obstat quod alicui elemento fiat violentia, quia hæc violentia tenet se ex parte elementi, quod corrumpitur & transit in mixtum, non autem ex parte ipsius mixti, quod producitur, nullum est autem in conueniens, quod in generatione naturali corruptum aliquam patiatur violentiam, licet enim sit violentia respectu corrupti, est tamen naturalis materiae, & ad bonum vniuersi ordinata, & ita simpliciter est naturalis mixtio, licet præsupponat aliquam violentiam ex parte eius quod corrumpitur. Nec est necesse, quod elementa omnia formaliter intrent in quencumque locum ubi formatur mixtum, sufficit quod virtualiter, & per suas qualitates intrent, sicut in profundo maris inuenitur calor in piscibus ad operationes vitales, qui calor est virtus quædam ignis, & potest participari à cælo.

*Ad conf. resp.* quod elementa ex proprijs non mouentur ad mixtionem, bene tamen à causa superiori, v.g. à cælo, vel à Deo, qui in principio produxit omnia mixta ex elementis, & licet aliqua dicantur facta esse ex aqua, vel ex terra, non propter hoc tollitur, quod omnia elementa saltem virtualiter concurrant ad mixta, cum etiam in piscibus ut diximus inueniatur calor, qui est virtus ignis, sed dicuntur fieri ex illo elemento, quod magis prædominatur in tali mixto, de quo D. Tho. 1. p. q. 71. in cor. & ad 1.

*Ad instantia* autem confir. resp. quod elementum secundum se, & ex proprijs solum mouetur ad suum centrum, & ad generandum suum simile, tamen ex impressione causæ superioris potest agere ad productionem mixti, sicut

Sicut sola terra non germinat herbam nec producit metalla, sed ex impressione cæli. Et quando dicitur, quod cælum est causa vniuersalis, & remota, & non potest in omnia mixta. Respondetur quod respectu aliquorum mixtorum est sufficiens causa vt respectu hærbarum, & metalli, & similium, respectu verò animalium perfectorum non est causa sufficiens, & ita oportuit quod prima animalia producerentur à Deo, deinde cælum cum prædictis animalibus concurrat ad generandum.

*Tertio arguitur* contra definitionem mixtionis, quia vnio non est aliquid præter relationem, vt diximus in q. 6. Physic. sed relatio non pertinet ad speciem generationis quæ est actio, ergo mixtio quæ est species generationis inconuenienter definitur per vnionem. *Confirm.* quia mixtio differt à simplici generatione ex parte termini *ad quem*, seu formæ ad quam terminatur, scilicet, ad formam mixti, ergo sicut generatio definitur, quod est transitus à priuatione formæ substantialis ad formam substantialem in materia, ita mixtio quæ est species generationis deberet definiri quod sit transitus à priuatione formæ mixti ad formam mixti, non autem per hoc quod sit vnio, formaliter enim est transitus, quia est generatio, non autem vnio, quia non est relatio.

*Respondet.* quod ly *vnio* in definitione mixtionis non significat ipsam relationem, vel modum vnitiuum extremorum, sed est actio vnitiua, & generatiua tali modo, idest ex congregatione miscibilium in vnum, quod temperatur, & congregatur ex omnibus, non autem ex vno tantum generatur, & sic sub nomine

vnionis non intelligitur vnio in facto esse, quia de formali importat relationem inter extrema conuenientia in vnitatem, quam per vnionem acquirunt, quatenus ad inuicem se communicant, & ideo praesupponere debent actionem aliquam, & passionem, qua vnum communicatur alteri ad talem vnitatem constituendam non quidem per aliquem modum superadditum tanquam per rationem formalem, eo quod ista vnitas in qua extrema conueniunt non est formaliter vnitas modalis, sed substantialis, vel accidentalis, & ideo non habet pro medio, & ratione formali modum, sed ipsam extremorum communicationem, quae fit per eorum entitates tali actione, vel passione applicatas; & ista actio sic tendens ad communicandum vocatur etiam vnio actiua, & haec intelligi ut nomine vnionis in definitione mixtionis, non quidem actio vniens materiam formae, quia hoc est commune omni generationi, sed quia vniuntur miscibilia, ad hoc ut corrupta inter se vnum mixtum faciant, & ideo stat, quod vniuntur per mixtionem, licet corrumpantur, quia non vniuntur formaliter tanquam extrema componentia, sed virtualiter in vno tertio, quod resultat ex talibus miscibilibus in vnum contemperatis.

*Ad confir. respond.* Quod mixtio est transitus de forma miscibilium ad formam mixti, sed quia non est simplex transitus, sed congregatiue ex multis, nomine vnionis designatur, eo modo quo dictum est.

ARTICVLVS II.

*Quomodo mixtio fiat in liquoribus tam eiusdem,  
quàm diuersæ speciei?*

**D**Vplex est genus miscibilium quædam sunt ut liquores, quædam ut elementa: in hoc articulo agemus de liquoribus, in seq. de elementis. Circa mixtionem liquorum, supponimus posse in illis dari mixtionem late sumptam, quæ fit per solam aggregationem partium in vnum locum, id enim manifeste constat experientia, cum videamus aliquos liquores inter se confundi. Difficultas est in duobus. Primum an inter istos liquores intercedat propria mixtio, quæ faciat vnum tertium ex corruptione eorum. Secundo specialiter quando miscentur duo liquores eiusdem speciei, & eorundem accidentium an possit fieri vera, & propria mixtio cum corruptione miscibilium, & generatione vnius tertij.

*Dico primo; inter liquores diuersæ speciei habentes contrarias qualitates datur vera, & propria mixtio. Conclusio est satis nota, sumiturque ex D. Thom. 3. p. quæst. 77. art. 8. ubi inquit: Quod si permisceatur aliquis liquor in tanta quantitate, quod possit diffundi per totum vinum, totum fieret permixtum quod autem est commixtum ex duobus, neutrum miscibilium est, sed vtrumque transit in quoddam tertium ex his compositum, unde sequeretur quod vinum prius existens non remaneret, sed liquor permixtus esset alterius speciei, puta si permisceretur aqua, solueretur species vini, & esset liquor al-*

*verius speciei*. Et idem docet in 4. dist. 12. q. 1. ar. 3. quaest. 6. Ratio est, quia inter liquores habentes contrarias qualitates concurrunt conditiones veræ mixtionis, siquidem ex parte quantitatis cum sint humida, facile possunt dissolvi, ut aduertit Philosoph. in hoc 1. lib. text. 89. similiter ex parte qualitatis habent quidditates contrarias, ergo sunt capaces alterationis corruptivæ, quia hæc fundatur in contrarietate qualitarum, & consequenter sic possunt temperari, ut corrumpantur liquores, & fiat unum tertium.

*Circa* liquores verò eiusdem speciei, qui non habent qualitates contrarias, & tamen ad invicem diuiduntur, & copulantur, difficultas maior est, nam ex una parte videtur fieri unum mixtum simpliciter ex illis, quia fit unum numero per copulationem partium, sicut ex duobus aquis in vno vase fit una aqua numero. Ex alia verò parte non datur alteratio, cum non habeant qualitates contrarias, ergo neutrum alteratur alteratione corruptiva, quæ essentialiter requiritur ad mixtionem, corruptio autem non datur de vno indiuiduo in aliud, quia simile non agit in simile, sed de vna specie in aliam. Item quia alias si fieret mixtio ex duobus liquoribus eiusdem speciei cum corruptione vtriusque, sequeretur quod si vinum consecratum adderetur alteri vino consecrato, ibi desineret esse Corpus Christi, cum tamen utrumque consecratum sit. Sequela patet, quia fit alterum numero distinctum ab utroque miscibili, & illud tertium non est consecratum, quia de nouo fit, ergo sub illo non manet Corpus Christi. Quod à fortiori sequitur si ali-

quod



quod vinum non consecratum misceatur consecrato, tunc enim etiam resultabit vnum numero distinctum, quod consecrationi non fuit subiectum. Et ita aperte affirmat S. Thom. citato loco ex 3. p. Quod confirmatur quia ut dicitur cap. Cum Martha, de celebratione Missarum, quando vino consecrato infunditur aliud vinum, hoc secundum nec transit in sanguinem, nec sanguini commiscetur, ergo supponit decretalis, quod non fit mixtio ex liquoribus eiusdem speciei. Ad hoc.

*Lico 2.* quando coniunguntur duo liquores eiusdem speciei non habentes qualitates contrarias, tunc non fit corruptio neque mixtio, sed sola continuatio vnius liquoris ad alium, & in tali casu non dicit D. Thom. fieri aliud numero, vel desinere sanguinem sub speciebus consecratis si eis miscetur aliud vinum. Prior pars quæ est communis Thomist. ut asserit M. Nunnus 3. p. q. 77. art. 8. circa 4. conclusionem D. Thom. probatur, quia ad mixtionem de qua in presenti loquimur, non sufficit diuisio partium, & continuatio earum, ut fiat mixtio sicut probat Phil. in hoc 1. lib. tex. 84. & 85. alias mixtio esset aggregatio partium, & iuxta positio, & sic quando ignis aggenerat sibi alium ignem diceretur ibi fieri mixtio cum tamen fiat mixtum. Quare mixtio generatiua essentialiter requirit alterationem miscibilium, & talem quæ corrumpat miscibilia, ut fiat; ergo ubi non est alteratio, & corruptio penes formam non est mixtio, ubi autem non est contrarietas qualitatum non potest esse alteratio corruptiua, quia omnis corruptio in contrarietate fundatur, ergo inter liquores non habentes quali-

tates contrarias, non potest fieri mixtio de qua loquimur in praesenti, quae fit ex contemperatione, & corruptione miscibilium, sed solum poterit dari continuatio unius partis cum alia, ut cum aqua miscetur aqua nullo mixto producto, sed elemento continuato.

Secunda pars constat ex eodem contextu D. Thom. q. illa 77. citata art. 8. dicit enim, quod *Corpus, & Sanguis Christi manent in speciebus* quandiu illae species manent, eodem numero, quia consecratur hic panis, & hoc vinum unae si fiat tanta permixtio liquoris cuiuscunque, quod pertingat ad totum vinum consecratum, & fiat permixtum, erit aliud numero, & non remanebit tibi Sanguis Christi. Quae verba procedunt ex suppositione quod fiat mixtio liquoris cum liquore, & fiat permixtum, atque adeo supponendo corruptionem, & non solum continuationem utriusque liquoris. Et solut. ad 2. inquit: *Quod per mixtionem facta corrumpuntur species, vel in toto, vel in parte*, ergo supponit fieri permixtionem corruptivam, & consequenter alterationem fundatam in contrarietate qualitatuum, non verò solum continuationem specierum de hac enim non dicit quod sufficiat ad hoc, ut desinat ibi Corpus Christi, immò oppositum approbare videtur in 4. ad Anib. d. 12. q. unica ar. 3. ad 3.

Dico 3. quando liquores sunt eiusdem speciei, sed habent qualitates contrarias, potest dari vera mixtio, & corruptio miscibilium, & in hoc casu loquitur S. Thom. quod non manebit sanguis in speciebus consecratis, si misceatur alius liquor eiusdem speciei qui facit ut sit aliud numero, ut patet ex verbis ipsius citato lo-

loco, si esset, inquit, eiusdem speciei liquor ad-  
iunctus, puta si vinum permisceretur vino re-  
maneret quidem eadem species, sed non remane-  
ret idem numero vinum quod declarat diuersitas  
accidentium puta si unum vinum esset album,  
& aliud rubrum, ergo ex hac declaratione col-  
ligitur, quod loquitur Sanct. Thom. de liquo-  
ribus eiusdem speciei habentibus diuersa acci-  
dentia. Præsertim hoc adiunatur ex alio loco  
in quodl. 10. art. 3. vbi tractans eandem quæst.  
& impugnans eos qui dicebant per quamlibet  
guttam liquoris mixtam speciebus desinere ibi  
esse Sanguinem Christi inquit: Quod ipsa ad-  
ditio non tollit essentiam dimensionis, sed variat  
terminationem eius, quæ quidem variatur non  
solum per additionem, sed etiam per diuisionem,  
unde si talis variatio sufficeret ad hoc, quod desi-  
neret esse sub speciebus Corpus, vel Sanguis Chri-  
sti, sequeretur, quod per diuisionem specierum,  
desineret esse similiter, quod patet esse falsum.  
Quare secundum D. Thom. per additionem,  
vel continuationem liquorum non soluitur sub-  
stantia miscibilium, vel specifica, vel numeri-  
ca, per mixtionem autem soluitur, quia est  
cum corruptione. Et ex hoc probatur 1. pars  
conclusionis, quia in liquoribus eiusdem spe-  
ciei si dentur accidentia opposita ratione quo-  
rum vnum sit actiuus altero sicut indicat di-  
uersus calor, vel accrimonia talium liquorum,  
tunc datur sufficiens contrarietas ad corruptio-  
nem in qualitatibus, & datur etiam diuisio  
partium inter ipsos liquores, vt videmus fieri,  
ergo datur quidquid requiritur ad veram mix-  
tionem, scilicet, diuisio alteratio, & corruptio.  
Nec obstat quod sint eiusdem speciei, quia be-

ne potest vnum indiuiduum fortiri qualitate oppositas alteri, ratione quantum agat ad corruptionem alterius in aliud tertium in quo illae qualitates maneant temperatae, cum non solum vnum indiuiduum, sed etiam vna pars possit agere in aliam in eodem indiuiduo ut patet in viventibus, deficiente enim alimento vna pars agit in aliam, & consumit illam, unde redditur animal macilentum, & tenue, ergo similiter poterit vnum indiuiduum esse fortius altero, sicut vnum vinum est fortius altero, & per suam qualitatem agit in illud, & dissoluit illud, contemperando in vno tertio, tunc enim non agit simile in simile, quia dissimilia sunt secundum qualitates oppositas.

*Ex quo patet* ad rationes dubitandi à principio. Ad 1. enim responderetur, quod quando duo liquores sunt omnino similes in specie, & qualitatibus, tunc vnum non corrumpitur ab alio, nec miscetur, sed continuatur praecedenti; & sic non fit aliquid distinctum numero, sed idem numero fit maius per continuationem; si verò sint diuersarum qualitatum, quae possunt in vnum conemperari, tunc fit mixtio, & resultat vnum tertium indiuiduum corruptis miscibilibus. Neque est necesse quod omnis corruptio sit de vna specie in aliam, sed potest esse de vno indiuiduo in aliud, ut iam explicauimus.

Ad 2. dicitur quod si vinum consecratum misceatur alteri consecrato, potest hoc fieri dupliciter; vno modo quando vtraque species vini habet easdem qualitates, v. g. est eiusdem acrimoniae, caloris, &c. alio modo quando habet diuersas qualitates, quarum vna potest al-

teri misceri, & contemperari. Primo modo est certum quod non fit mixtio, sed continuatio vnius speciei ad aliam, & sic non corrumpit miscibilia; illis autem non corruptis, non desinit esse sanguis, sicut argumentatur S. Tho. quia etiam si diuidatur, & fiant plura indiuidua ex speciebus vini, vel panis, non desinit ibi esse Corpus Christi. Si secundo modo fiat ita quod inter ipsas species vera mixtio conficiatur, tunc censent aliqui esse probabile quod ibi desinat esse Sanguis Christi, eo quod fit vnum tertium indiuiduum corruptis miscibilibus, & super illud non cecidit consecratio; quod videtur insinuare S. Tho. dicta quæst. 77. & expresse tenet M. Nunno citatus, licet dicat non esse certum. Existimo tamen non loqui in illo casu Sanctum Doctorem quod duæ species consecratæ miscentur, quia licet fiat vnum tertium indiuiduum, quia tamen omnes eius partes fuerunt consecratæ, totum remanet consecratum ratione partium, sicut è conuerso quando diuiditur hostia; & fiunt duo indiuidua, quodlibet retinet consecrationem, quia licet non fuerint consecrata vt duo indiuidua quia tamen fuerunt consecrata in suo principio à quo diuiduntur, & multiplicantur, ideo retinent consecrationem. At verò si vinum non consecratum habens diuersas qualitates misceatur consecrato, ita quod totum peruadat, & perfundat, in hoc casu fit alterum indiuiduum ex utroque; & cum non sit consecratum in omnibus suis partibus, & in se fit aliud numero distinctum ab eo quod consecratum fuit, probabile est desinere in illo toto esse sanguinem, & in hoc casu loquitur S. Thom. sed quia non

est

est omnino certum, vinum illud religiose seruandum est.

*Ad Confirm. Respondi.* decretalem solum dicere quod vinum appositum speciebus non consecratis non miscetur sanguini intus contento, nec illud perfundit aut tangit, cur non sit ibi modo connaturali, & extenso, non tamen docet non misceri speciebus vt fiat vnum tertium, quo resultante desinat ibi esse sanguis.

### ARTICVLVS III.

*Quomodo fiat mixtio inter elementa, & quomodo illa maneat in mixto.*

**D**E elementorum mixtione duæ possunt esse difficultates. Prima an vere omnia quatuor elementa misceantur, ita quod ex illis componatur mixtum. Secunda quomodo dicantur manere elementa in mixto virtualiter, & non formaliter, & quid sit virtualiter manere.

De 1. differtur Aristot. in hoc libro 2. cap. 8. textu 50. vbi ostendit omnia elementa esse in quolibet mixto, & ad illud concurrere. Et quidem quod omnia elementa possint esse in quolibet mixto, seu concurrere ad illud iam supra diximus ostendendo quomodo etiam ignis possit ad constituendum mixtum concurrere. Quod verò de facto in omni mixto inueniantur omnia elementa asserit Arist. citato loco; quod non est intelligendum, ita vt quando quodlibet mixtum generatur, ibi formaliter conueniant omnia elementa, cum hoc vix accidere possit; vt in animalibus, & his quæ  
ge.

generantur intra aquam manifestum est, sed sufficit quod virtutes elementorum, quæ in prioribus mixtis fuerunt contemperatæ, de vno mixto ad aliud transfundatur. Et quidem ex eo quod inueniatur in mixtis grauitas, manifestum est in illis concurrere elementa grauia, & non solum terram sed etiam aquam, quia alias haberent siccitatem sine aliqua humiditate, & sic non possent continuari, & coagulari, sed magis in puluerem reducerentur, quia nimia siccitas in pulueres reducit. Alia autem duo elementa, scilicet, ignis, & aer etiam concurrunt in mixto, quia si terra, & aqua concurrunt oportet, quod concurrant contemperata, & alterata, non possunt autem alterari, ita vt contemperentur, nisi à suo contrario, quia si frigus aquæ v.g. est in summo, non poterit temperari à calore modico, sed à concursu alterius caloris summi, qualis est igne si enim esset calor modicus, consumeretur à frigore summo, non autem temperaretur. Vt ergo ex elementis fiat temperatio mixtorum, necesse est omnia elementa concurrere, si duo concurrunt vt terra, & aqua propter grauitatem mixtorum, & coagulationem, quæ elementa communiter dominantur in mixtis, vt infr. dicemus ex D. Thom. si quæ enim mixta ascendant, vt quædam metheora ignita, aut etiam vapores, hoc non fit ex propria earum natura sed ex virtute solis eleuantis, vel ignis deferentis; vnde vapores relictæ suæ naturæ resoluntur in aquam, sicut etiam aues licet virtute vitali volare possint, tamen naturali pondere decidunt.

*Secunda difficultas, longior est pluraque habet*

bet explicatu difficiliora ; nam cum mixtio fiat ex substantia elementorum, & qualitatibus dubitatur, tam ex parte formarum substantiarum, quam ex parte qualitarum quomodo fiat mixtio. Ex parte quidem formarum dubitantur duo. Primum an formæ elementorum substantiales formaliter maneant in mixto. Secundo an dato quod formaliter non maneant, an maneant virtualiter, & per modum gradus sicut vegetativum, & sensitivum in anima. Ex parte verò qualitarum similiter dubitantur duo. Primum an qualitates elementorum maneant in mixto formaliter, vel solum virtualiter ratione alicuius tertiæ qualitatis ex illis resultantis. Secundo an hoc sufficiat, vt dicantur elementa manere in mixto.

*Ad primam difficultatem.* Responderetur, certum esse quod in mixto non manent actus formæ substantiales elementorum. Est communis fere omnium Philosophorum, licet Avicenna senserit manere formas elementorum substantiales integras in mixto, qualitates autem ad medium reduci. Averroes autem dixit manere easdem formas elementorum, sed non perfectas, & integras, sed remissas, & imperfectas. Nihilominus oppositum constat ex D. Thom. 1. p. quæst. 76. art. 4. ad 4. & 2. cont. gen. dist. 15. quæst. 1. & communiter omnes sequuntur de quibus videri potest Mag. Bannes in hoc 2. lib. de gener. cap. 10. quæst. 2. Ratio est tum generalis, quia plures formæ substantiales non possunt esse in eodem composito, quia non esset per se, & simpliciter unum vt probabitur in libris de anima q. 1. tum specialiter quia formæ elementorum non possunt simul actuare

can.



eandem materiam, quia petunt qualitates contrarias in summo, atque adeo non possunt compati in eadem parte materiæ. Quod si sunt in diuersis partibus, quarum qualibet habet diuersam formam elementi, non dicitur mixtum, sed congregatum ex pluribus partibus habentibus diuersas formas specie, quod non est facere vnum mixtum per se. Similiter etiam non possunt manere istæ formæ imperfectæ, tum quia formæ substantiales non possunt intendi, & remitti, sed vel tota forma est in materia, vel nihil, si autem non remittuntur, ergo, vel manent integræ, vel sunt aliæ, & non ipsæ formæ elementorum; ponere enim aliquas entitates quæ sint principia formarum, & non formæ ipsæ, omnino absurdum est, cum ad compositum naturale solum concurrant tanquam extrema, materia, & forma, non autem alia entitas: præterquam quod totum hoc est ponere plures formas substantiales, licet imperfectas in eadem materia, & sic inciditur in idem inconueniens.

*Quare ex substantia elementorum sola materia manet in mixto formaliter formæ autem miscibilium corumpuntur, ideo enim alterantur miscibilia vt corrumpanatur, & sic explicauit D. Tho. in hoc lib. 1. lect. 25. in fine definitionem mixtionis, quod sit miscibilium alteratorum, & secundum formam corruptorum, unio. Nec Aristoteles vnquam docuit miscibilia manere actu in mixto, sed in potentia, & virtualitate quod explicat ratione qualitarum suarum, in quibus tanquam in virtute formæ continentur, v. infra dicemus. Nec obstat, quod secundum hanc doctrinam ex duobus elementis,*

ris, aut ex tribus poterit fieri mixtum, & non  
 sequitur, quod semper concurrunt omnia qua-  
 tuor, quia illud quod habet aliquam qualita-  
 tem in summo, etiam poterit temperari per  
 reactionem à minori qualitate, v. g. frigidum  
 aquæ quod est summum poterit temperari à  
 calido aeris quod est excellens, vel ab alio mi-  
 nori, & sic ruit fundamentum quod Aristoteles  
 & nos ante posuimus, omnia quatuor elemen-  
 ta esse necessaria in mixto. Respondetur  
 enim, quod si elementum habens calorem in  
 summo patitur ab opposito quod non est etiam  
 in summo, licet primo congressu repatiatur,  
 & contemperetur, non tamen sistet in illo  
 temperamento, sed ulterius procedet vsque  
 ad vincendam illam qualitatem minorem, eo  
 quod illa qualitas in summo habet actiuitatem  
 fortiolem emanationem continuo à natura, &  
 per illam continuam emanationem vincet re-  
 passionem minoris, & remissioris qualitatis;  
 vnde vt redigatur ad temperamentum, & mix-  
 turam permanentem oportet, quod alia quali-  
 tate etiam summa habente similem emanatio-  
 nem à natura resistatur illi, vel suppleatur à  
 causa vniuersali id quod deberet fieri ab ele-  
 mentali, quod est recidere in idem, illa enim  
 virtualiter est tale elementum. Quare si duo  
 elementa concurrant ad aliquod mixtum, oportet  
 alia duo opposita concurrere, vt tempera-  
 mentum permanenter fiat ex vtraque.

*Circa 2. difficultatem* dissensio est inter Sco-  
 rum, & Caietanum, aliosque Thomistas, nam  
 Scotus in 2. dist. 15. quæst. vnica, videtur con-  
 cedere quod formæ elementorum maneant vir-  
 tualiter in mixto, non solum virtualitate acci-  
 den-

dentali ratione qualitarum, sed etiam virtualitate substantiali ratione graduum, quia forma substantialis mixti continet formam elementorum per modum gradus, sicut anima continet vegetativum, & sensitivum. Caietanus verò 1. par. quæst. 76. art. 4. & alij Thomistæ tenent formam mixti non continere substantialiter formas elementorum virtuali illa continentia, sed solum accidentali, & ratione qualitarum elementalium, ut postea dicemus.

*Fundamentum* Scoti est, quia etiam antecedenter ad mixtionem qualitarum forma ipsa substantialis est essentialiter forma mixti, ergo essentialiter est ex formis elementorum, & continet illas, mixtum enim ut mixtum continet virtualiter miscibilia ex quibus est, alias affet corpus simplex, ergo cum antecedenter ad qualitates datur ista forma mixti, & corpus mixtum, antecedenter ad qualitates datur virtualis continentia elementorum. Deinde, quia qualitates, & formæ elementorum pereunt, & id quod de illis manet est in gradu ita imperfecto quantum ad qualitates, quod nullo modo potest virtualiter continere ipsam formam elementi siquidem qualitas mixta, & temperata non est virtus elementi, ergo non potest elementum manere in mixto virtualiter ratione qualitarum siquidem qualitates quæ manent non sunt virtutes elementorum, sed deficientes ab illis, ergo solum possunt contineri elementa in mixto virtualiter ratione gradus substantialis. Quod si sufficit retinere qualitates elementorum debilitatas, & in statu imperfecto ut dicantur elementa manere in mixto, posset aqua quando calefit dici mixtum, quia  
 re-

retinet omnes quatuor qualitates, licet in statu imperfecto, scilicet, calorem quia calefit, & aliquid frigoris, quia totum non expellitur, & humidum in gradu excellenti cum aliqua siccitate, tum naturaliter habita, tum ab igne augmentata.

*Fundamentum* verò sententiæ Caietani ex eo desumitur, quia si daretur in forma mixti continentia illa substantialis elementi, oportere quod mixtum haberet gradum elementalem sicut anima habet gradum vegetativum, ita quod natura mixti esset principium operationum propriarum mixti, & operationum propriarum elementarium ratione gradus elementalis, sicut ratione gradus vegetativi operatur anima, ea quæ sunt propria naturæ vegetantis, verè enim, & proprie nutritur, generat. &c. & sic lapis, v. g. ratione gradus elementalis deberet ignire, aut facere sicut aqua, quod nequaquam habet, ergo non habet gradum illius elementi siquidem non habet operationem. Præterea, vel contineret mixtum per modum gradus, omnes formas quatuor elementorum, vel solum alicuius determinati elementi. Si omnium, deberet omnium operationes exercere, quæ tamen ob sui contrarietatem se impedirent sicut ob gradum ignis deberet ignire, ob gradum aquæ infrigidare, & humectare, &c. quod est contra experientiam. Si alicuius tantum elementi, ergo iam virtualiter contineret reliqua elementa sine continentia substantiali virtuali, atque adeo bene stat aliqua elementa contineri in mixto, & non ratione gradus substantialis, idem ergo diceretur de omnibus elementis. Denique elementum  
non

non est aliquid commune respectu mixtorum, sicut vegetatium, aut sensitivum respectu animalium, sed elementa sunt corpora conditum contra mixtum ergo non potest contineri elementum in mixto tanquam gradus.

*Ad primum fundamentum* Scoti respondet, ante qualitates dari formam mixti, quæ ex elementis, seu miscibilibus corruptis resultat, & quia sit ex corruptione illorum, non continet ea per modum gradus, continentia substantiali, sicut neque liquor mixtus liquores ex quibus miscetur, sed solum illa forma quæ resultat ex talibus miscibilibus continet virtualiter, & radicaliter qualitates illas, quæ erant in elementis, seu miscibilibus, & hoc modo dicitur continere virtualiter accidentaliter elementa, non virtualiter substantialiter.

*Ad secundum respondetur*, quod formæ elementorum pereunt in substantia, & manent in virtute, seu qualitate, non quod maneat eadem qualitas numero, sed quod succedat aliqua similis à primis miscibilibus derivata. Et cum instatur, quod illa qualitas, sic derivata non est virtus elementi, sed mixti, cum sit modificata, & temperata. Respondetur esse virtutem elementi non in statu perfecto, sicut est in ipso elemento, sed cum aliqua modificatione, sicut aliquid ab elemento derivatum, eiusdem tamen essentialis rationis cum ipsa virtute elementi, si enim haberet illam in summo, haberet illam per modum ultimæ dispositionis ad elementum, & sic non esset virtus participata, sed propria ipsius elementi. Quia tamen est ab elemento ipso derivata, licet modificata iuxta naturam mixti dicitur virtualiter continere ele-

elementum, sicut multæ qualitates quæ à cælo participantur in inferioribus, vt lux vel aliæ similes participantur sunt qualitates cælestes, licet non in ea perfectione qua in cælo sunt.

Quod verò additur, quod hoc modo posset vnum elementum dici mixtum quando participat omnes qualitates elementales, negatur consequentia, quia quandiu tale elementum non corrumpitur, licet disponatur per qualitatem alterius elementi ad corruptionem, non potest dici mixtum, quia non habet illas qualitates, vt redactas ad temperamentum ex vi suæ formæ, sed quasdam vt proprias, alias vt disponentes ad corruptionem.

*Circa tertiam difficultatem*, aliqui existimant qualitates elementorum non manere formaliter in mixto, sed virtualiter ratione alicuius qualitatis mixtæ, seu mediæ virtualiter continentis illas extremas, & hoc ideo, quia forma mixti substantialiter est vna, ex corruptis miscibilibus consurgens, ergo debet ei correspondere tanquam propria vna qualitas etiam mixta, quod etiam videtur asserere Aristot. in hoc 3. lib. tex. 48. dicens quod ex calido, & frigido fit vnum medium, quod non est alterum illorum simpliciter.

*Nihilominus* oppositum dicendum est, manere, scilicet, in mixto formales qualitates elementorum, v.g. formalem calorem, vel formale frigus, redactas tamen ad mediocritatem. Itaque cum frigidum, & calidum miscentur, verumque amittit intensiorem suam quod pertinet ad modum, sed non amittit substantiam suam, scilicet, rationem ipsam caloris, & frigoris, sine illa tamen perfectione, & excellentia in-

intensionis, & sic censet S. Thom. 1. par. q. 76. art. 4. ad 4. *Manent, inquit qualitates propriae elementorum, licet remissa in quibus est virtus formarum elementalium*, & quæst. 5. de malo art. 5. ad 6. inquit; *Quod ita contrariae sunt qualitates in corpore mixto, sicut sunt contraria elementa in mundo*. Vnde sumitur ratio, quia in corpore mixto videmus qualitates non solum quoad sensum habere eandem immutationem, quam in elementis, scilicet, calidi, & frigidi, sed etiam pugnare, & contrariari inter se, sicut in corpore animalis contrariae qualitates pugnant, & agunt ad inuicem, ergo signum est formaliter manere qualitates elementales. Denique si istae qualitates non essent formaliter in mixto, neque esset formalis contrarietas, & consequenter non corrumpeteretur mixtum ex causa intrinseca, siquidem corruptio accidit penes contraria, quae mutuo in se agunt, una autem qualitas ex omnibus conflata non agit in se ipsam ut se corrumpat, ergo si ab intrinseco corrumpuntur, ab intrinseco habent contrarietatem, & consequenter qualitates elementorum formaliter, quia in illis solum contrarietas ista exercetur.

*Ad oppositum* fundamentum respondetur non debere formae mixti correspondere unam qualitatem, sed sufficere, quod correspondeat una proportio, & temperamentum plurium qualitatum, eo quod ex earum temperamento confurgit mixtum, & ideo retinet illas ad mediocritatem redactas; quia tamen forma mixti est una, poterit etiam sortiri aliquam qualitatem, quae una sit, v. g. aliquam virtutem activam sicut magnes attrahit ferrum, vel aliquem

colorem proprium ipsius mixti, aut aliquid simile, sed istae qualitates consequuntur formam mixti, non ex earum temperamento mixtio fit.

*Ad testimonium* Aristot. respond. Aristoteli non dicere, quod ex calido, & frigido fit vnum medium, quod non contineat formaliter ipsum frigus, & calorem, sed quod vtrumque continet in vno medio, idest redacto ad vnum temperamentum, vel mediocritatem, non verum quod aliqua tertia qualitas resultet eminenter contingens frigus, & calorem.

*Instabis*, quomodo sunt qualitates illae elementorum, siquidem propriae passionis nequeunt communicari alijs subiectis, istae autem qualitates elementorum sunt propriae passionum; & dato quod possent communicari non tamen exercendo contrarietatem, quod impedit vt formaliter sint simul, adhuc autem vt remissae contrariantur illae qualitates.

*Respond.* quod propriae passionis alicuius bene possunt esse in proprio subiecto essentialiter, in alijs autem participatiue, sicut lux est in Sole vt in proprio subiecto connaturaliter, in aere autem participatiue. Ad aliam partem argumenti respondetur, quod qualitates remissae exercent quidem contrarietatem inter se sed non perfecte, & adaequate, sed imperfecte, & quantum ad aliquid, quia enim remissae sunt, non subiiciunt sibi totaliter, nec replent totam latitudinem subiecti, vnde non omnino se expellunt ab illo, id enim esset simpliciter, & perfecte contrari, de quo latius dicemus infra q. 10. Opposito autem modo se habet in qualitatibus intensis. Datur tamen aliqua contrarietas in qualitatibus remissis, quia aliquo modo

do.



do ad inuicem agunt, & patiuntur; quod sine aliqua contrarietate fieri non potest, & ita est ibi contrarietas essentialiter, sed non in omni perfectione.

*Circa ultimam difficultatem respondetur, elementa dici virtualiter manere in mixto, quia manent qualitates quæ sunt virtutes elementorum in ipso. Ita sumitur ex D. Thom. lib. 1. de gener. lect. 24. in fine, & 1. p. q. 76. art. 4. ad 4. ubi inquit: Quod secundum Philosoph. in 1. de gener. forma elementorum manent in mixto non actu, sed virtute, manent enim qualitates propriæ elementorum licet remissæ, in quibus est virtus formarum elementalium. Et videri etiam potest 2. con. gen. c. 55. & opusc. 33. & alijs locis. Itaque elementa manent in mixto non formaliter, aut virtualiter substantialiter, sed virtualiter accidentaliter, sicut dicitur aliqua forma manere in sua dispositione non ultima, vitima enim semper est annexa ipsi formæ, sed remota, & ad mediocritatem redacta.*

*Ratio sumitur ex dictis, quia non est alius modus continendi elementa, nisi vel substantialiter, vel accidentaliter; substantialiter non possunt contineri elementa in mixto, neque virtualiter tanquam in gradu: Ergo virtualiter accidentaliter eo modo quo dictum est.*

*Sed dices, virtus manens in mixto non potest producere elementa, nec enim calor lapidis, vel ferri est talis ut possit producere ignem; ergo prout est in mixto non continet virtualiter elementa, illud enim continet virtualiter quod continet aliquid tanquam in virtute productiva illius. Secundo mixtum factum ex liquoribus non continet illos, eo quod non.*

potest illos producere ex quibus factus est ergo neque dicitur continere elementa virtualiter, quia elementa producere non potest. Tertio, quia si ex eo dicitur mixtum continere virtualiter elementa, quia continet qualitates eorum in gradu remisso, etiam dicitur mixtum continere virtute omnia mixta, & vnum elementum aliud; consequens est falsum; ergo. Sequela patet, quia mixtum continet omnes quatuor qualitates, ex quibus alia mixta componuntur, similiter vnum elementum continet qualitatem alterius, v.g. aer habet calorem non in summo sicut ignis, sed minus intensum, ergo dicitur continere ignem virtualiter, quia in gradu remisso continet virtutem eius, scilicet, calorem.

*Ad primum respondet,* virtutem mixti posse virtualiter producere elementum, non immediate, sed mediate, & crescente dispositione, quam habet, quae non est vltima respectu elementi, sed remota ut diximus, & ita crescente eius intentione, & perueniente ad eam perfectionem, quam habet in elemento, poterit produci ex mixto, & sic ab intrinseco habent mixta resolui in elementa saltem mediate.

*Ad secundum respond.* quod quando vnum mixtum sit ex alijs mixtis, ut ex liquoribus, si retinet non solum qualitates elementales quae sunt communes omni mixto, sed etiam particulares, & proprias illorum liquorum, dicitur etiam continere illos liquores virtualiter, sicut vinum temperatum ex aqua continet eius qualitatem, si vero temperetur ex alio liquore, illius qualitatem imbibit. Si autem ita soluantur species liquorum, quod non maneant quali-

itates propriæ, sed solum qualitates commu-  
nes elementorum, tunc non dicitur mixtum  
virtualiter continere illa mixta. Et quia cer-  
tum est qualitates elementales semper manere  
in omni mixto, quia sunt omnibus communes,  
non autem est certum manere semper proprias  
virtutes mixtorum in alijs mixtis, ideo absolu-  
te dicitur, quod elementa manent virtualiter  
in mixto, non vero quod vnum mixtum ma-  
neat in alio.

*Ad tertium respond.* ex dictis, non posse di-  
ci, quod vnum mixtum contineat virtute alia  
mixta, nisi eorum qualitates retineat, quod non  
semper fit, sicut si aliquid fiat ex magnete non  
continet virtutem attractivam ferri, continet  
autem qualitates, seu virtutes communes ele-  
mentorum, & ideo absolute dicitur de mixtis;  
quod continent elementa, idest proprias virtu-  
tes elementorum. Vnum autem elementum  
non dicitur continere aliud virtute, tum quia  
qualitas, quam habet, non deriuatur ex alio  
elemento, & sic non est virtus eius: tum quia  
etsi vnum elementum habeat aliquid de vna  
qualitate alterius, sed non de omnibus, quæ in  
ali elemento sunt, sicut aer licet contineat ali-  
quem calorem, qui inuenitur in igne, non ta-  
men continet aliquid de siccitate ignis, & sic  
non continet virtute elementum ignis, quia nõ  
participat de omni eius qualitate, sed solum  
de parte. Plura de mixtis dicemus, q. 11. hic  
enim non de natura mixtorum, sed de mixtio-  
ne agimus.

## QVÆSTIO SEPTIMA.

*De condensatione, & rarefactione.*

## ARTICVLVS PRIMVS.

*Verum rarefactio, & condensatio terminetur  
primo, & per se ad qualitatem?*

Nil notius est densitate, & raritate in corporibus, id enim quotidie videmus, & experimur, earum quoque sensibile effectus penes quos definiuntur seu describuntur notissimi sunt scilicet, dilatatio partium quantitatis in raro contractio, seu compressio in denso. Vnde Philosoph. in prædicamento definit rarum esse *quod habet parum materie sub magnis dimensionibus*: densum autem è contra: *Quod habet multum materie sub paruis dimensionibus*. Vnde autem proueniat quantitati sic disponi, quod possit multum materie sub paruis dimensionibus concludere, vel parum materie sub multis, aut ex aliqua qualitate superaddita, vel ex aliqua alia entitate, vel modo, obscurum est, & difficile. In eo autem authores diuisi sunt; & reducuntur omnes opiniones ad tres. Prima affirmat, nouam quantitatem acquiri per rarefactionem. Quod aliqui ex antiquis sic acceperunt, vt dicerent in quacunque condensatione, vel rarefactione totam quantitatem perdi, & nouam subrogari. Alij verò solum partem aliquam

quantum acquiri, & partem perdi. Quod tribui solet Scoto in 4. dist. 12. q. 4. Marsi. Hæruco, & alijs, quos citat P. Rubio tract. de rarefact. q. 1.

*Secunda sententia* affirmat, raritatem, & densitatem fieri penes diuersam positionem partium, & ad illam terminari. Sed hoc explicatur dupliciter. Primo, dicendo quod raritas, & densitas fit per solam compressionem, aut dilatationem partium, eo quod in corporibus inueniuntur pori, idest subtilissima quædam foramina, quæ alijs subtilioribus corporibus replentur, & cum fit addensatio constipantur isti pori, cum verò fit rarefactio laxantur. & totum hoc pertinet ad positionem partium in loco secundum maiorem, vel minorem compressionem. Alij verò sic explicant, quod addensatio, & rarefactio non consistunt in sola compressione, vel dilatatione partium, quod pertinet ad situm, sed in ipsa præsentia locali maiori, vel minori, quod pertinet ad extensionem in ordine ad locum, seu ad ipsum ubi.

*Tertia denique sententia* affirmat condensationem, & rarefactionem non terminari ad quantitatem, vel ad ubi, sed ad quandam qualitatem sic disponentem ipsam quantitatem, quod petat maiorem extensionem ad locum, vel minorem. Itaque non negat hæc sententia dari in densitate contractionem præsentis, & extensionis localis, in rarefactione autem dilatationem, sed dicit hoc esse effectum ortum ex aliqua dispositione quantitatis quæ sic disponitur per aliquam qualitatem, ut illum effectum habeat, sicut quantitas terminatur per superficiem, & inde resultat qualitas aliqua quæ est figura. An verò semper requiratur ista qualitas,

ut detur iste effectus, vel solum connaturalitate petat illam, postea disquiretur.

*Pico primo*, addensatio, & rarefactio non important aliquam additionem, vel diminutionem quantitatis, neque totalem, neque partialem. Assertio est constans inter authores secundæ, & tertiæ sententiæ, quos postea referemus. Sumiturq; ex definitione Phil. sup. allatâ. *Densum est quod habet multum materiæ sub parvis dimensionibus*. Vbi nomine dimensionum non intelligitur ipsa quantitas, ut ordinat partes in ordine ad totum, sed ut extendit, & diffundit illam in ordine ad locum, ratione cuius sumitur externa mensura quantitatis, seu dimensio eius, nam si loquamur de ipsa quantitate secundum se, hæc non additur, nec tollitur nisi addita, vel ablata materia, cuius partes extendit; unde repugnat habere multam materiam, idest multas partes materiæ, & non tantam quantitatem, vel è contra. Et fundamentum conclusionis hinc desumitur, quia quando acquiritur noua quantitas, vel pars quantitatis, acquiri debet noua materia, in eadem parte materiæ non potest dari noua quantitas, vel pars quantitatis, sic enim penetraretur cum præcedenti, ergo oportet pro noua quantitate, nouam addi materiam, quæ de nouo ordinetur in ratione partis, & ideo semper augmentatio est coniuncta cum aliqua ageneratione, vel nutritione, ergo si in rarefactione, & condensatione noua pars quantitatis adderetur, vel diminueretur, oportet etiam addi nouam materiam, & sic deberet fieri noua mutatio substantialis, quod tamen est falsum, cum videamus aquam rarefieri, vel condensari aquam, & ceram  
fine

sine noua generatione aquæ , vel ceræ , alijs  
maneret augmentata illa materia , essetque  
multum materiæ , non parum , sub magnis di-  
mensionibus contra definitionem , & ideo opti-  
mè S. Tho. rarefactionem comparauit inten-  
sioni , sicut enim intensio fit non addita quali-  
tate , nec in diuersa parte quantitatis , ita ra-  
refactio fit eadem materia manente , & non  
augmentata . Denique si fieret noua acces-  
sio materiæ , seu substantiæ sicut , & quanti-  
tatis , oporteret disponi illam materiam alijs  
accidentibus , vt videlicet conuerteretur , vel  
adderetur præcedenti , sicut videmus fieri in  
nutritione , & aggeneratione , sine quibus ta-  
men rarefactio fit , & condensatio , & sine cor-  
porum circumstantium corruptione , ergo non  
aggenerat sibi nouam substantiam , & conse-  
quenter , neque nouam quantitatem .

Dico secundo, rarefactio & condensatio non  
terminantur solum ad vbi , siue ad distantiam ,  
vel propinquitatem partium , vel ad situm ,  
& positionem earum , neque consistunt in sola  
repleione vacuitatum , quæ sunt pori , aut com-  
pressionem partium , sed hæc sunt effectus conse-  
cui ad densitatem , & raritatem , & aliquan-  
do possunt fieri sine formali densitate , & rari-  
tate . Ratio conclusionis est , quia raritas , &  
densitas est aliquid pertinens ad partes corporis  
in ordine ad se , & non in ordine ad locum licet  
effectum aliquem habere possint etiam in ordi-  
nes extensionis , vel situationis in loco , ergo  
non potest primo , & per se terminari ad vbi ,  
vel situm . Antecedens probatur , nam in Cor-  
pore Christi Domini in Eucharistia in quo nul-  
la est commensuratio ad locum , est raritas , &

densitas, nam ossa densiora sunt carne, sicut, & duriora, & sanguis rarior utroque alioquin si ista diuersitas in partibus non seruaretur, non manerent diuersæ partes etherogenæ, & organicæ. Similiter densitas, & raritas non solum sunt in externa superficie, aut ordinatione circa locum, sed etiam intra partes; facta enim diuisione inueniuntur partes intra constipatæ, & densæ, ergo non solum terminantur ad ubi densitas, & raritas. Quod amplius constabit ex sequenti assertionem ostendendo, quod raritas, & densitas sunt qualitates.

*Quod vero* non consistat in repletionem vacuitatis, vel dilatationem, ita quod rarum sit quod dilatat poros, densum quod replet, vel comprimit, manifestum est in aere, & in cælo, nam partes aliquæ cæli inueniuntur densæ sicut partes stellatæ, & aliæ minus densæ, scilicet, diaphanæ, & tamen ibi non sunt pori, quia non replentur alio corpore subtiliori, quod non sit cæleste cum ibi non sit corpus elementale. Aer similiter est rarus, & non habet poros, tum quia est fluida substantia, & fluendo replet illos, alias detineretur aer, vel aqua inter porum, & porum ne flueret, tum etiam quia in aere si essent pori deberent repleti alio corpore subtiliori, quod tamen non est dare, nisi forte ignis, qui tamen non in omni parte aeris esse potest. Denique non consistit densitas in compressionem partium tantum, ut patet de densitate Corporis Christi in Eucharistia, in qua partes non possunt comprimi, & in cælo densitas non fit per compressionem partium localem. Denique compressio partium, vel fit per localem motum, siue situationem ut  
quia



quia vna occupat minus, vel magis de spacio; vel fit per internam dispositionem partium; sicut ex maiori frigore fit constrictio, & ex calore dilatatio; licet sequatur tanquam effectus diuersa illa occupatio loci. Si primo modo tantum, constat non saluari raritatem, & densitatem vt patet si in duobus vasis eiusdem positionis ponatur liquor densus in vno, & rarus in alio, tunc vterque occupat eandem positionem loci, & non habet eandem raritatem, nec densitatem. Si secundo modo, ergo densitas, & raritas non dicitur solum compressionem partium, & situalem positionem, sed internam aliquam dispositionem, & hæc pertinet ad qualitatem, vt iam dicemus, & simul explicabimus, quando sine formali densitate, vel raritate possit manere compressio, vel dilatatio partium externa.

Dico tertio raritas, & densitas formaliter sunt physice, & naturales qualitates, & ita rarefactio, & addensatio sunt alteratione, datur tamen etiam densitas, aut raritas situalis, & extrinseca, quæ non est qualitas, sed situs, & se habet vt effectus densitatis, & raritatis quæ est qualitas, licet aliquando non repugnet hos effectus sine qualitate fieri. Hæc conclusio quantum ad primam partem, quod densitas, & raritas sint qualitates, est expressa Philof. 7. Physic. tex. 11. & 4. Physic. tex. 86. & D. Th. ibidem, & 1. de gener. le. 14. vbi inquit: *Quod transmutatio rarefactionis non potest dici augmentum, sed alteratio, fit enim secundum transmutationem possibilium qualitatum, scilicet, rari, & densi.* Et 3. p. q. 77. art. 2. ad 3. *Rarum inquit, & densum sunt qualitates quædam consequentes cor-*

pora ex hoc quod habent multum, vel parum de materia sub dimensionibus. Et eandem sententiam sequuntur communiter Auctores, qui videri possunt in Cursu Carm. 1. de gen. disp. 7. q. 2. & 3. Conimb. lib. 1. de gen. c. 5. q. 17. Rub. tract. de rarefact. q. 2. Nec obstat quod Arist. in cap. de qualitatibus inquit: *Quod rarum, & spissum, asperum, & lene quandam positionem magis videntur partium monstrare*; & D. Tho. 2. de gener. lect. 1. sup. tex. 8. dicit: *Quod rarum, & densum non sunt qualitates physicae, sed positio partium materiae secundum propinquum in densum, & remotum in raro*. Non inquam obstat, loquuntur enim de raritate, & densitate situationali quae solet esse effectus raritatis, & densitatis formalis, sicut datur figura externa situationalis, & interna, quae est qualitas, nam contracta manu, vel extensa variatur figura situationalis, non autem intrinseca, quae est qualitas. Similiter datur raritas, & densitas, quae pertinet ad dispositionem internam partium quantitatis, & conducit ad generationem, & corruptionem, & communiter conjuncta est cum aliqua molitudine, vel duritie, & sic debet esse qualitas. Ipse autem situs compressionis, vel dilatationis partium, situationalis densitas, vel raritas est. Et sic probatur ista conclusio, quia in densitate, & raritate inuenitur contrarietas, inuenitur intensio, & remissio, vnum enim est magis densum quam aliud, inuenitur dispositio conducingens ad generationem, vel corruptionem, sicut animal si nimium rarefiat, & inuamescat, corrumpitur; si partes solidantur, conualescit, & in diuersis partibus exigit diuersam densitatem, vel raritatem, sicut ossa debent esse densa,

fora, quam carnes, & carnes quam sanguis, ergo conducunt ad conseruationem, & ad generationem, & corruptionem. Et sicut hac ratione locus naturalis addit supra mathematicum, qualitates aliquas conseruatiuas, quia conseruat locatum, ita raritas, & densitas, quia ad conseruationem, & ad generationem, & corruptionem dispossunt, ad qualitatem pertinebunt. Denique sunt tangibiles per sensum, ut experientia demonstrat, ergo ad qualitatem pertinent, sicut molle, & durum, frigidum, & calidum.

*Et si quæras*, ad quam speciem? Resp. quod ad tertiam, eo quod resultare possunt ex mixtione aliarum qualitarum, puta ex frigore, vel calore, per se etiam ordinantur ad generationem, vel corruptionem, & sensibus passionem inferunt, ergo passibiles qualitates sunt. Vnde sequitur quod alterationem per se terminare possunt, quia alteratio est ad tertiam speciem qualitatis. Nec obstat, quod in cælo inuenitur raritas, & densitas, quia æquiuoce dicitur in cælo, & in nobis. rarum, & densum, ut dixit D. Tho. in 2. dist. 3. q. 1. art. 1. ad 5. Et constat, eandem qualitatem posse quandoque ex diuersis causis prouenire, vel ad effectus diuersos ordinari, sicut figura aliquando resultat ex alteratione qualitarum dissoluentium partes quantitatis, aliquando sine tali alteratione ex sola diuisione per motum localem; & similiter lux in inferioribus deseruit ad generationem, & corruptionem, non in cælo, sic densitas, & raritas in inferioribus deseruit ad hoc ut res sit generabilis, vel corruptibilis, in cælo autem ut sit actiue generans, vel corrumpens, quod est æquiuoce dici, quoad hunc effectum; simpliciter

tamen sunt eiusdem speciei, quia eodem modo immutant sensum, quod est principale in qualitate passibili.

*Quod* vero aliquando detur densitas, & raritas situalis penes diuersam positionem partium sine qualitate, constat, quia id quod pertinet ad positionem partium, & situm, est effectus huius densitatis, vel raritatis, quæ est qualitas, non repugnat autem effectum aliquem ex diuersis causis prouenire, sicut de figura diximus. Similiter ergo potest per compressionem partium, vel laxationem fieri aliquis effectus raritatis, vel densitatis, qui sit situalis densitas, vel raritas sicut quando aquam, vel aerem diuidimus, tunc partes diuisæ non penetrantur cum alijs, sed comprimuntur, alias non posset fieri diuisio, & hæc compressio densitas quædam est, sumpta densitate pro effectû, seu positione situali, non pro qualitate, nec requirit alterationem corruptiuam, sed motum localem, alias omnis motus localis qui sit extra vacuum exigeret alterationem producentem densitatem, aut raritatem, siquidem motus localis non potest fieri, nisi diuidendo aliquod corpus, & partes diuisæ non possunt penetrari cum alijs, ergo debent comprimi, & condensari, & tamen ibi non datur alteratio, sed solum motus localis. Vnde etiam post diem iudicii dabitur motus corporum præsertim gloriosorum qui motus diuidet aerem, vel aquam faciendo dictam compressionem partium, & tamen tunc non erit alteratio physica. Si tamen talis compressio, vel laxatio partium fieret, quod etiam ad corruptionem vergeret, tunc non fieret sine alteratione, & consequenter nec sine qualitate.

Dico

*Dico ultimo.* Densitas, & raritas non se habent ut qualitates actiuæ, sed passiuæ, ita tamen disponentes subiectum, ut qualitates actiuæ illis adiunctæ magis, vel minus disponantur ad operandum. Conclusio hæc deducitur ex dictis in quæst. præced. quia raritas, & densitas sequuntur ordinationem partium quantitatis, sicut figura terminationem, facit enim densitas multas partes materiæ sub parua dimensione loci, & raritas è contra, ergo sicut quantitas non est actiua, neque figura, ita neque densitas, & raritas. Vnde non videmus quod raritas, & densitas per se solum similes qualitates producant, sed uiuntur actiuitate aliarum, v.g. calore, vel frigore etiam ad producendum raritatem, vel densitatem, lapis enim quantumcumque adiungatur ceræ, vel luto, non addensabit illi, sed mediante frigore addensantur, vel per compressionem partium, ergo densitas, & raritas non sunt actiuæ. Si verò qualitas actiua recipiatur in quantitate densiori, celerius, & efficacius operabitur, ut ipsa experientia testatur, & quæst. præced. diximus, quatenus partes sic addensatæ conducunt ad efficaciorè operationem, sicut etiam figura rotunda magis conducit ad motum, quam quadrata, & ad penetrandum magis acuta, quam obtusa.

*Soluntur argumenta.*

**P**rimo arguitur ad probandum per rarefactionem acquiri maiorem quantitatem, quia posita rarefactione sunt plura indiuisibilia in actu, quam antea, ergo plus quantitatis. Conseq. patet, quia indiuisibilia non possunt esse

esse sine partibus, ergo additis indiuisibilibus, adduntur partes. Antecedens probatur, quia posita rarefactione aquæ in vase cuius medietatem solum occupabat ante rarefactionem, postea crescit terminatio quantitatis, & correspondentia ad alia puncta, seu indiuisibilia vasis, vel loci, ad quæ antea non correspondebat, ergo sunt noua indiuisibilia, nam antiqua correspondent eisdem, quibus antea, & non possunt diuersis indiuisibilibus vasis correspondere.

*Confirmatur*, quia per addensationem minor locus occupatur, quam antea, ergo si non diminuitur quantitas; partes illæ penetrantur. Pateat consequentia, quia tunc quantitas maior occupat idem spaciū, quod minor, ergo intra locum minorem ponuntur partes, quæ antea plus loci occupabant, ergo penetrantur in illa. Nec potest dici, quod hoc fiat per qualitatem sic disponentem partes quantitatis, vel per nouum figuræ. Nam contra est, tum quia non pertinet ad qualitatem ordinare, & extendere partes quantitatis; si autem fiat sola situatione, non pertinebit rarum, & densum ad qualitatem: tum etiam, quia restat explicandum, quomodo ista qualitas tollat penetrationem partium, quæ modo occupant minorem locum, quam antea.

*Respond.* circa hoc argumentum diuersimode Authores sentire. Quidam censent tot puncta, & indiuisibilia inueniri actu in quantitate maiori, & minori, exemplo illo vulgari de circulo minori incluso in maiori, omnes enim lineæ quæ transeunt à centro ad circulum maiorem transeunt per minorem, ergo tot  
pua-

puncta, seu lineæ sunt in vno atque in altero. Ita Conim. 1. de gen. cap. 5. q. 17. art. 4. Alij, vt Rubio censent è contra non esse tot puncta in minori quantitate quot in maiori, posse tamen eandem quantitatem cum eisdem punctis respondere pluribus, vel paucioribus punctis alterius corporis, vel quantitatis solum ratione diuersæ dispositionis, vel situationis eiusdem quantitatis, vt in illis circulis pater, quia si ex illis fierent lineæ rectæ extendendo ipsos circulos, tunc non omnes lineæ vnius transirent per lineas alterius, quia vna illarum excederet alteram, si tamen in circulum redigantur, quidquid transit per maiorem circulum, transit per minorem, & eadem ratione eadem puncta aquæ condensatæ, facta rarefactione correspondent alijs punctis vasis, vel loci propter diuersam dispositionem quantitatis.

*Neutra tamen solutio intelligibilis est.* Nam quantitas maior excedit minorem in multitudine partium designatarum, & aliquotarum, ergo debet excedere in punctis designatis, quibus partes illæ vniuntur, non enim stat ponere plures partes actu, nisi addantur plura puncta, & indiuisibilia, quibus tales partes vniuntur, & certè illud quod dicitur de duobus circulis inæqualibus, quorum vnus includatur in altero, si extendantur in lineas rectas manifestè hoc demonstrat, manebit enim linea illa circuli minoris. multo minor quam linea circuli maioris, & tunc si vna ex illis iuxta aliam ponatur manifestè videbitur quod lineæ minoris circuli non omnino indiuisibilibus, & lineis alterius correspondent, ergo plura puncta, vel plures lineæ sunt in maiori circulo, quam

quam in minori, ex quo etiam conuincitur, quod ratione diuersae situationis, & positionis linearum non potest punctum vnius correspondere pluribus punctis alterius, diuersa enim positio non potest tollere naturam rationis indiuisibilem, ergo si in vtraque positione manet indiuisibile vnum, & idem, non potest pluribus alterius correspondere, siquidem vnum indiuisibile non potest correspondere parti, quia est illi improporcionatum, ergo neque pluribus indiuisibilibus, quia plura indiuisibilia pertinent de facto ad diuersas partes, vnum enim non est immediatum alteri, ergo non potest correspondere pluribus nisi correlative parti interiacenti. Et ad argumentum de lineis quae ducuntur ad centrum à maiori circulo per minorem. Respond. omnes illas diuise transire per circulum minorem, sed tamen non omnes quae inveniuntur in circulo maiori in actu inveniuntur in minori, nec est possibile quod omnes quae sunt in maiori circulo collectiue sumptae transeant per minorem ad centrum, nisi vna linea transeat super aliam, licet quaelibet diuise, quae transit ad centrum, per minorem circulum transire debeat, sed collectiue non omnes capiuntur in circulo minori, nisi vna sit super aliam, siquidem plures partes in actu, & consequenter plures lineae, & puncta debent esse in maiori circulo, quam in minori. Sunt autem in potentia infinitae partes, & puncta in vtroque circulo, loquendo de partibus proportionalibus, & se communicantibus, non de partibus, & lineis in actu componentibus, vt late monstrauimus in q. 15, & 20, Phys. Nos autem in pra-



præfenti loquimur de lineis, & punctis, quæ sunt in actu, & de his dicimus non esse tot in maiori quantitate, & in minori, nec vnum posse correspondere adæquate multis.

*Ad argumentum*, ergo factum Responder: aquam rarefactam plura puncta, & indiuisibilia habere, quam antea, non tamen plures partes, sed maiorem explicationem, & dilatationem earundem partium. Explicatio enim, & extensio partium quoad locum fit per nouam terminationem quantitatis, & consequenter per additionem indiuisibilium, & punctorum, quibus fit noua terminatio, & extensio quantitatis ad locum, quia vt statim dicemus eadem pars, quæ nequitur vnico indiuisibili cum alia, potest pluribus connecti, eo quod indiuisibile inadæquate correspondet parti, & non adæquate, ideoque locum habet, vt pluribus indiuisibilibus correspondeat eadem pars, & tunc dicitur dilatari cum pluribus indiuisibilibus explicatur extensio partis in loco, tunc autem contrahitur quando vnico indiuisibili, vel paucioribus connectitur. Et ita non est bona consequentia, sunt plura indiuisibilia, ergo plures partes, sed vel plures partes, vel maior explicatio earundem erga locum.

*Ad confirm. respond.* in condensatione comprimuntur partes non penetrari. nec occupare locum alterius quantitatis totalis, sed locum sibi adæquatum, & commensuratum iuxta partium dispositionem. Quomodo autem compressio partium intelligatur sine penetratione, eum partes quæ ante diuersum spacium occupabant, modo occupent vnum, difficile intelligitur. Sed omittis alijs explicationibus, probabilius videtur

tur

tur iuxta doctrinam à nobis traditam 6. *Phyf.*  
 q. 20. art. 2. & 3. quod punctum afficit partem  
 lineæ non adæquatè, sed inadæquatè, quia non  
 proportionantur adæquatè pars diuisibilis, &  
 punctum indiuisibile, & idem est de alijs indi-  
 uisibilibus respectu suarum partium. Quia er-  
 go quodlibet punctum afficit aliquid de parte,  
 quæ immediatè post punctum sequitur pars,  
 quæ diuisibilis est, & non adæquatur illi, in hoc  
 potest esse magis, & minus, ut videlicet illa en-  
 titas diuisibilis, quæ afficitur immediatè ipso  
 puncto, afficiatur magis, vel minus inadæqua-  
 tè, si enim non totaliter, & adæquatè illi corre-  
 spondet, utique nec indiuisibili, & unico mo-  
 do correspondet, sed potest plus, vel minus  
 correspondere. Quare quando quantitas rare-  
 fit, non est necesse addere plures partes, ut di-  
 ctum est, sed plura puncta, quia pars quæ cor-  
 respondebat inadæquatè vni puncto, fit corre-  
 spondens pluribus, & sic laxatur. Quando au-  
 tem addensatur, fit illa pars correspondens in-  
 adæquatè vni puncto, cum tamen possit cor-  
 respondere pluribus. Et ideo non penetrantur  
 illæ partes, quia ad penetrationem requiritur,  
 quod existentibus pluribus partibus distinctis  
 secundum diuersa indiuisibilia, secundum ea-  
 dem ponantur sub eodè spacio, sed si minuun-  
 tur puncta, seu indiuisibilia, & partes reducun-  
 tur, ut sint sub paucioribus punctis, tunc di-  
 cuntur comprimi, seu addensari, nec tamen  
 penetrantur, quia nunquam sub diuersis pun-  
 ctis, vel indiuisibilibus existentes, in eodem  
 spacio ponuntur, quod ad penetrationem re-  
 quiritur, penetratio enim exigit quod plures  
 partes in actu, idest, terminatæ diuersis indiui-  
 sibi-

fibilibus ponantur sub eodem spatio, non autem penetratio fit per hoc quod partes quæ antea habebant plures terminationes modo habeant vnam, & fiant partes quasi in potentia. Vnde dicit Philof. 4. Phyl. tex. 84. quod rare fieri est quod magna dimensio, quæ prius erat potentia, fiat in actum, quod utique intelligitur de dimensione quoad terminationem localem, quod fit per puncta, & indivisibilia.

*Secunde arguitur* ad probandum quod rarefactio, & condensatio per se primo terminentur ad quantitatem non ad qualitatem, nam rarum definitur, quod habet parum de materia sub magis dimensionibus, densum vero è contra, ubi nulla mentio fit qualitatis, sed solum dimensionis, dimensio autem, siue in ordine ad totum, siue in ordine ad locum, ad quantitatem pertinet, vel saltem ad situm. Deinde quia videmus per rarefactionem magis explicari, seu extendi quantitatem quoad locum, ergo acquiri debet noua quantitas, nam extensio quoad locum est propria passio, & modus quantitatis, ergo noua extensio ad locum, nouam requirit quantitatem. Denique quia alias quantitas susceperet magis, & minus. siquidem eadem quantitate existente magis, vel minus explicat partes substantiæ, sicut intensio albedinis consistit in hoc quod magis, vel minus se explicat in actum, & radicatur in materia, imò sicut intensio non acquiritur, nisi acquisito nouo gradu ex parte qualitatis, ita nec rarum, & densum sine noua parte quantitatis. *Confirm.* quia sine aliqua qualitate ponitur rarum, vel densum, ergo superflue qualitas ponitur. Antecedens constat, tum quia ista qualitas

tas raritatis non suscipitur nisi in subiecto habente partes dilatatas, & densitas in habente partes compressas, ergo non prouenit à qualitate illa partium dispositio, seu positio, sed supponitur; tum quia posita ista dilatatione partium sine alia qualitate, intelligitur sufficienter rarefactio, ad quid ergo illa qualitas deseruit? Dilatatio enim per situationem, vel positionem partium in loco sufficienter intelligitur; tum denique, quia si extensio in loco est modus, & proprietas quantitatis, non indiget qualitate, ut ab illa dimanent.

*Respondet.* ad principale argumentum, negando assumptum. Ad primam probationem dicimus, nomine dimensionum rari, & densi non intelligi ipsam quantitatem secundum se, sed secundum commensurationem ad locum, quam eadem quantitas variare potest secundum densitatem, & raritatem. Cæterum raritas ipsa, & densitas non consistunt in hoc, quod de facto quantitas sit ita extensa, & situata, hoc enim est effectus illius, & in Corpore Christi in Sacramento datur densitas, & non situatio in loco, sed consistit in tali dispositione partium, quæ petit illam situationem pro effectû. Et ita licet non fiat mentio qualitatis in definitione rari, & densi explicite, intelligitur tamen implicite, quia idem est dicere rarum est quod habet parum materiæ, ac dicere quod est dispositum habere parum materiæ sub magnis dimensionibus. Quomodo autem in speciebus Eucharistiæ datur rarefactio, & addensatio, cum nulla ibi sit materia. Respondetur non esse ibi substantiam formalem, sed suppleri in quantitate, quatenus per separationem gerit vices substantiæ, Ad

*Ad secundam probationem* dicitur extensio-  
nem ad locum esse propriam passionem quan-  
titaris, sed quod sit tanta vel tanta, accidit illi,  
& per aliquam qualitatem disponitur, neque  
est necesse ut detur maior extensio, quod ad-  
datur noua quantitas, sicut etiam ut graue  
moueatut velocius circa finem, quam in prin-  
cipio, non indiget additione grauitatis, ita  
quælibet quantitas ut diuersimode extendatur,  
& situetur erga locum, non indiget additione  
quantitatis, & partium, licet qualitas aliqua  
detur sic disponens partes, ut nouis indiuisibi-  
libus correspondeant, ita quod magis laxen-  
tur, vel minus.

*Ad tertiam probationem* dicitur, quantitatem  
non suscipere magis, vel minus per hoc quod  
fiat illa maior, vel minor extensio, sed rarita-  
tem ipsam, vel densitatem suscipere magis, vel  
minus. Ipsa autem quantitatis in ratione or-  
dinandi partes extra partes non radicatur ma-  
gis, vel minus in subiecto, ut illa maior, vel  
minor extensio fiat, quantitas enim in ratione  
quantitatis non potest magis radicari in eadem  
parte subiecti, neque accipere aliud augmen-  
tum quam penes additionem partium, quæ non  
est intensio, cum non fiat in eadem parte sub-  
iecti, sed in diuersis, alias penetrarentur illæ  
partes. Rarefactio autem quæ magis dilatat  
partes non facit magis radicari, & perfici  
quantitatem in subiecto, sed facit magis radi-  
cari ipsam raritatem, quæ est qualitas, & in  
ordine ad locum dilatari quantitatem.

*Ad confirm. respond.* negando antecedens.  
Ad primam probationem dicitur, raritatem  
non subiectari nisi in habente partes dilatatas,  
non

non ante raritatem, sed per ipsam, sicut anima dicitur actus corporis organici, quod tamen per ipsam animam, & corpus est, & organicum. Nec tamen raritas petit partes esse dilatatas actu, sed solum aptitudine, sicut in corpore Christi in Sacramento quod habet raritatem, & densitatem sine situatione in loco.

*Ad secundam* probationem dicitur, quod posita dilatatione partium quoad situm intelligitur raritas, & densitas praesuppositivae, quia qualitas quae est raritas est causa illius dilatationis, & situationis partium, quae est effectus eius, si tamen aliquando detur ista situatio sine tali qualitate non erit raritas formalis, quae est dispositio partium ordinata ad conservationem, vel corruptionem, sed erit aliquid pertinens ad situationem partium ex motu locali consecutum sine formali raritate, ut supra expositum est.

*Ad tertiam* probationem dicitur, quod licet extensio ad locum sit passio quantitatis, tamen quod sit tanta, vel tanta est accidens, & pertinet ad qualitatem, quatenus conducit ad temperamentum partium, ut melius conseruentur, vel corrumpantur. Nec esset repugnans dicere quod qualitas sit passio quantitatis, sicut patet in figura; licet raritas, & densitas in corporibus inferioribus, quatenus fiunt ex mixtura primarum qualitatuum, non possit sequi immediate ad quantitatem, sed mediantibus primis qualitatibus.

*Si quæras* an rarefactio requirat motum localem, quo fiat illa maior extensio loci præter alterationem qua fit raritas ipsa? Affirmant Conimb. hic q. 17. art. 5. Caterum non est

neceſſe ponere motum localem diſtinctum a b  
ipſa alteratione, ſed hoc eſt commune omnibus  
motibus ; ſeu mutationibus , quæ terminationem  
quantitatis attingere, vel variare poſſunt,  
quod habent vim producendi aliquod ubi ;  
non directe , & per ſe, ſicut motus localis , ſed  
conſecutive , & mediate prout ubi ſequitur ad  
extenſionem quantitatis , ſicut generatio ſub-  
ſtantię producit ubi mediate , quatenus gene-  
rat ſubſtantiam in loco , & augmentatio pro-  
ducit ubi , quatenus addendo quantitatem ;  
ponit illam in loco , & ſimiliter id habet illa  
alteratio, quæ laxat, vel contrahit partes quan-  
titaris . Quare non eſt neceſſe assignare termi-  
num à quo localem qui deſeritur ; quia non  
acquiritur locus ſeu ubi , per motum localem,  
qui deſerat unum locum , & acquirat alium ,  
ſed per actiones variantes terminationem quā-  
titaris , quæ mediate acquirunt ubi , non de-  
ſtruendo antiquum absolute , & totaliter , ſed  
addendo novum ; deſtruunt tamen antiquum  
quo ad terminationem , quam ante habebant ;

## ARTICVLVS II.

*Utrum ſine rarefactione , & ſine additione  
quantitatis poſſit aliquid fieri  
minus altero ?*

**A**liqui affirmant, citaturque pro ea ſenten-  
tia Durand. in 2. diſt. 18. q. 1. M. Sen-  
tentiarum ibi , Henricus , & alij . Et ſumitur  
fundamentum ex dictis art. præced. quia rare-  
factio eſt motus ad qualitatem non ad quanti-  
tatem , vel extenſionem ad locum, niſi ex con-  
ſe-

sequenti: ergo poterit Deus, sine rarefactione extendere quantitatem in loco, & eam magnam facere, neque additis partibus quantitatis, neque addita qualitate rarefactiva; nam sicut materia est in potentia ad magnum, & parvum mediante raritate, vel quantitate secundum agens naturale, ita per potentiam obedientialem poterit fieri maius non addita quantitate, vel raritate, quia hæc solum est medium naturale, seu naturalis agentis. *Confirm.* Probabile est Deum posse ponere unum corpus in diversis locis stante eadem densitate, ergo etiam poterit ponere illud in loco immediato sibi, & tunc continuabitur cum eo, & erit maius, quia occupabit plura loca, & sine additione quantitatis, quia est idem corpus, & sine rarefactione, quia retinet eandem densitatem. *Confirm.* secundo, quia Deus fecit Eam ex costa Adami, non per rarefactionem, sic enim non esset similis carnis, & ossium, si ita rareficeret, neque ex materia alia adiuncta, quia hæc debuisset esse maior, quam costa Adami, atque adeo ex illa potius diceretur facta Eva, quam ex costa, ergo, &c.

*Oppositam sententiam tenet S. Tho. 1. p. q. 92. art. 3. ubi inquit: Dicere materiam multiplicari absque rarefactione. est dicere contradictoria esse simul, scilicet, diffinitionem absque diffinitione.* & in 2. dist. 18. q. 7. contra M. Sent. & alios affirmat, quod est intelligibile, sine additione materię, seu quantitatis fieri aliquid maius, nisi per rarefactionem. Et D. Tho. sequuntur plures, qui videri possunt apud Conimbr. c. 5. de gen. q. 18. art. 1. & Rubio in tract. de condens. q. 3. intelligitur autem hoc de rarefactione, tam



tam secundum qualitatem, quam secundum situm, seu positionem loci, ut statim dicemus. Et probatur, quia implicat intelligi quantitatem fieri maiorem sine novis terminis quantitatis, qui antea non erant: termini autem quantitatis non sunt nisi, vel in ordine ad se, vel in ordine ad locum. Si ordine ad se, id est ad ipsas partes secundum se, necessario additur nova pars, stantibus enim eisdem partibus, non mutantur termini intrinseci quantitatis, qui consistunt in hoc, quod est habere plures, vel pauciores partes, ergo stantibus eisdem partibus, & non habendo plures quam ante, quantitas non est maior secundum ordinem partium ad intra, quam ante. Si verò mutantur termini in ordine ad locum, additur maior dimensio, seu extensio ad locum sine additione partium, & hoc est rarefieri, quia in hoc consistit definitio rarefactionis. Itaque id quod est maius altero secundum quantitatem, in conceptu suo essentiali dicit, vel quod habeat plures partes, quam id quod est minus, vel quod correspondeat pluribus partibus loci secundum extensionem, & primum est additio quantitatis, secundum rarefactio.

*Sed inquires*, an dilatatio partium, vel compressio actualis in loco necessario debeat fieri per ipsam qualitatem, quæ est raritas, & densitas, tanquam per medium naturaliter requisitum, vel etiam essentialiter? Aliqui affirmant esse essentialiale ut Rubio tractatu de rarefactione, q. 3. nu. 164. & Conim. hic q. 18. art. 2. & 3. licet oppositum etiam probabile putent. Et cum vrgetur argumentum, quia effectus formalis illius qualitatis quæ est raritas non est

ponere partes sic extensas , quoad situm , seu reddere corpus sic dispositum , ut illam situationem petat , ac proinde separari posse illam situationem ab illa qualitate . Respondet quod qualitas illa necessario connotat illam partium situationem , & sine illa intelligi nequit , sicut nec effectus albi sine albedine , aliàs posset manere densitas , quæ est qualitas , corpore ipso situaliter rarefacto , & laxato , quod repugnat , non autem repugnaret si hæc situalis extensio inueniri posset sine raritate quæ est qualitas , hæc enim sola contrariatur densitati . Sed contra hoc vrgeo , quia extensio situalis , vel compressio est secundarius effectus raritatis , vel densitatis , & est separabilis ab illa , ut patet in Corpore Christi in Eucharistia , ubi manet densitas carnis , & ossis , aut raritas sanguinis sine vlla extensione quoad locum , ergo si potest manere raritas sine extensione ad locum etiam cum parua extensione manere poterit , aut densitas cum magna . Et hoc ideo est , quia raritas non dicit ipsam actualem extensionem ad locum , sed aptitudinem ad illam , quæ stat potest cum opposito actu sicut grauitas cum ascensu , & aptitudo accidentis ad inhærendum cum actuali separatione à subiecto , sic raritas quæ est aptitudo ad dilatationem loci stat cum actuali compressione partium , ergo non est qualitas medium essenziale ad actualem extensionem dilatandam , vel comprimendam , seu sine qualitate , quæ est raritas , & aptitudo ad dilatationem situs partium , imò cum opposita qualitate quæ est densitas poterit dari illa maior situatio in loco , licet connaturaliter exigat qualitatem quando sit cum alteratione , sicut ascen-

Ascensus sursum potest dari in graui, non media leuitate contraria. Et ideo sine additione partium, vel raritate situati, siue cum qualitate fiat, siue non, non potest fieri aliquid maius, quam antea. Vnde D. Thom. locis supra citatis in raro, & denso non nominauit qualitatem, sed solum dimensiones, quod pertinet ad situm, alias eius ratio non concluderet, scilicet, quod esset ponere definitionem sine definito, siquidem definitio raritatis, ut est qualitas non est habere actu partes materiæ sub magnis dimensionibus, sed habere dispositionem, seu aptitudinem ad magnas dimensiones sub parua materia.

*Ad rationes dubitandi in oppositum.* Ad primam respondet. rarefactionem alterationem esse motum ad qualitatem, & ideo sine illa non inueniri, rarefactionem autem non alterationem posse sine qualitate inueniri, non tamen sine dilatatione aliqua situati, quæ connaturaliter exigit qualitatem, non essentialiter, ideoque sine rarefactione saltem situati, vel additione partium, non poterit fieri aliquid maius, bene tamen sine qualitate. Et quando dicitur, quod materia est in potentia obedientiali ad magnum, & paruum sine raritate, negamus antecedens quia non solum raritas est medium naturale, sed etiam essentialiter loquendo de raritate non solum ut qualitas, sed etiam ut est situs; ut dictum est; est enim pertinens ad ipsam definitionem rari, ut S. Tho. dicit habere magnas dimensiones cum parua materia.

*Ad primam confirmationem respondet.* illam opinionem a nobis non admitti, ut ostendimus 4. Physicorum quæst. 16, sed ea data non

Concessa responderet. quod si idem corpus poneretur in duplici loco immediato, ita quod non solum esset contiguum, sed continuum, hoc ipso reduceretur ad eundem locum, & non occuparet maiorem, quia esset continuum sibi ipsi, nihil autem sibi ipsi continuatum facit additionem, si autem esset contiguum, & non continuum esset duplex superficies, & non una, & sic non esset eadem quantitas, sed diuisa utpotè duplici superficie terminata, unde non facit maiorem rem, sed quasi duplicem.

*Ad secundam confirmationem respond.* constam Adami fuisse ædificatam in mulierem per accessionem nouæ materiæ, vel factæ per creationem de nouo, vel per conuersionem alterius, ut censet D. Thom. locis citatis. Et ad replicam responderet distinct. illa 18. cit. ad 2. Quod non dicitur facta mulier ex illa materia superaddita, sed ex costa, quia costa fuit primum mediante quo reliqua materia pertinuit ad formationem mulieris, sicut licet embrio accessione nouæ materiæ crescat, & sit in debita quantitate, non tamen dicitur fieri ex materia accedente, sed ex semine, & prima materia quæ se habet ut fundamentum formationis totius corporis.



## QVÆSTIO OCTAVA.

*De nutritione , & augmentatione .*

Gimus de his motibus in præ-  
senti non quatenus ab anima  
sunt , & proprie competunt  
corpori animato , sic enim ad  
libros de anima spectant , sed  
prout fiunt cum aliqua gene-  
ratione , vel corruptione , & si communiter se  
habent ad ipsam aggenerationem .

## ARTICVLVS PRIMVS.

*Quid sint augmentatio , & nutritio ,  
& quomodo distinguantur .*

**D**Vo hæc in præsentia tractamus , quia inter  
se valde affinia sunt quid sint augmenta-  
tio , & nutritio , & quomodo distinguantur .

*Circa primum* supponimus definitiones nu-  
tritionis , & augmentationis , & inquiremus , an  
talis vera nutritio inueniatur in rerum natura :  
Nutritio definitur : *Quod sit cōuersio alimenti in  
substantiam aliti .* Augmentatio : *Quod sit mo-  
tus à minori ad maiorem quantitatem .* Agge-  
neratio : *Quod sit acquisitio partialis substantiæ ,*  
sicut etiam videmus in igne acquirente , & con-  
uertente in se partes papiri .

*Igitur* nutritionem aliqui negauerunt dari  
etiam in viventibus , sed solam substantiam in  
qua primo aliquid generatum est , pertinere

ad substantiam viuientis eiusque partes dilatari non autem nouam substantiam ex alimento acquirere, sed solum cedere illam substantiam alimenti in pabulum caloris naturalis. Quæ fuit opinio Mag. sent. in 2. distin. 30. Similiter fuerunt aliqui Philos. antiqui, vt refert Arist. 2. de anima text. 40. qui etiam non viuentia dicebant nutriri, immodò omnia animalia dicebant virtute ignis nutriri, videmus enim ignem depascere alia corpora, & in se conuertere.

*Nihilominus* circa hoc fit vnica conclusio. Vera nutritio datur in viuentibus per conuersionem alimenti in substantiam aliti non tamen in non viuentibus. Prima pars est communis Theologorum, & Philos. eamque contra Mag. docet S. Thom. 1. par. q. 119. art. 1. & in 2. dist. 30. quæst. 2. art. 1. & quodlib. 8. art. 5.

*Est fundamentum*, sumitur ex duobus. Primum, quia videmus corpus hominis crescere, & omnes illæ partes primo, & per se informantur ab anima, siquidem videmus illas sentire, & viuificari, sicut aliæ partes, ergo vel adueniunt per creationem nouæ materiæ, vel per conuersionem alimenti in ipsam, vel per maiorem rarefactionem. Non per creationem nouæ materiæ, quia creatio materiæ non est opus naturæ, sed potentiæ creatiue, & sic nutritio quæ est operatio partis vegetatiue non esset opus naturæ, sed excedens naturam. Si est per conuersionem, est id quod intendimus. Si per rarefactionem, sequitur, quod corpus hominis augmentati esset rarius, & minus solidum, quam recenter nati, cuius contrarium ad sensum videmus. Denique probatur conclusio, quia nutritio ordinatur ad restaurandum id quod

quod deperditur per calorem naturalem : ergo id quod restaurat, debet pertinere ad veritatem humanæ naturæ, alias non subrogaretur in locum eius, quod deperditur. Nec dici potest, quod illa prima substantia, quæ accipitur, in generatione, non tangitur à calore naturali, siquidem constat, quod est substantia corruptibilis, sicut, & generabilis, ergo per alterationem mutari potest, & deperdi, sicut tandem in ipsa morte deficit, & perit, ergo potest etiam à principio illa prima substantia paulatim deperdi, & loco eius ab alia subrogari.

*Secunda pars conclusionis*, scilicet, quod non viuentia non nutriantur est sententia Philos. 2. de anima tex. 46. & D. Thom. ibi lect. 9. & in hoc lib. 1. de gener. tex. 12. lect. 17.

*Ratio* est, quia id proprie nutrirī dicimus, quod per virtutem, quam habet consumit aliquid de propria substantia, & restaurat illud per conuersionem materiæ iuxta positæ in propriam substantiam, constat autem quod hoc non inuenitur in non viuentibus, siquidem, neque virtus propria rei non viuentis, v. g. ignis, vel aquæ, consumit aliquid de propria substantia, sed de aliena; neque per conuersionem extraneæ materiæ restaurat deperditam substantiam, & conseruat præcedentem: ergo non habet propriam nutritionem qualis sit per intus susceptionem alimenti, & conuersionem in propriam substantiam. Inuenitur tamen nutritio quædam similitudinaria in rebus inanimatis, quatenus ab extrinseco agente contrariopossunt aliquid deperdere, licet non per virtutem propriam, & per aggenerationem aggregare sibi aliquid de materia iuxta posita,

quod potius de se est generatio, & multiplicatio quædam ex applicata materia, licet per continuationem aggregetur præcedenti.

*Sed obijcies*, quia non potest restaurari substantia perdita per calorem substantialem, tum quia humidum radicale nequit restitui; ut medici docent, & similiter Theologi, qui in eo ponunt mirabilem effectum arboris vitæ, quod restaurabat humidum radicale deperditum per calorem naturalem ergo nutritio ex communi alimento facta ad id non sufficit; tum etiam quia alias posset homo non mori, nec infirmari ex causa naturali si tantum de alimento, & tam temperate sumeret quantum deperdit de propria substantia, sic enim perpetuo sustentaretur ne periret humidum radicale.

*Confirmat.* ex illo Mathei 19. *Omne quod intrat in os in ventrem vadit, & in secessum emittitur*, ergo nihil transit in substantiam alicui, siquidem omne emittitur. *Confirm.* 2. quia ad veram nutritionem requiritur, quod anima viventis uniatur materiæ alimenti conuertendo ipsum in propriam naturam, hoc autem est impossibile, præsertim in homine, quia ad hoc deberet noua unio animæ fieri ad illam nouam partem, cum tamen tota anima erat vnita partibus præexistentibus, quomodo ergo potest mutari illa unio ad nouam partem? & præsertim cum sit unio spiritalis; sicut ipsa anima quomodo potest fieri virtute corporea qualis est calor, seu virtus potentie nutritiue?

*Respondet.* negando minorem. Ad primam probationem dicitur, quod humidum radicale potest reparari per humidum nutrimentale,

sed



sed non in eo vigore, & perfectione qua fuit in principio, eo quod omne agens agendo reparatur; & debilitatur. In hoc autem lignum vitæ habebat excellentiam: quia habebat vim fortificandi humidum radicale contra debilitatem prouenientem ex admixtione extranei, & reddere tam purum sicut à principio, vt docet Sanct. Thomas 1. part. quæst. 97. art. 4. Et indigeret homo sapius sumere de illo fructu, quia habebat limitatam virtutem, nec poterat reparare debilitatem, quæ ex alimento postea sumpto proueniret, nisi iterum sumeretur. Quare homo non potest semper vivere, quia ita afficitur peregrinis qualitatibus ab humido extraneo, & nutrimentali, vt tandem humidum radicale dissoluatur, & pereat animal. Videatur D. Thom. 1. part. q. 119. supra citata ad 3. & 4.

*Ad primam confirmationem* respicietur, ex D. Thom. ibidem quod in illa autoritate ly (omne) intelligitur in sensu distributionis accomodatæ, idest ex omni quod intrat in es, aliquid emittitur, quod quadrat intentioni Christi Domini, quod ea quæ intrant per os non coinquinant hominem, cuius ratio redditur, quia omne quod intrat si inquinat hominem est ratione eius, quod impuritatis habet, hoc autem, quod impuritatis habet emittitur, & sic omne quod intrat non inquinat, quia quod inquinare potest, emittitur.

*Ad secundam confirm.* respondetur non esse particularem difficultatem in nutritione, sed eadem procedit in generatione hominis, quomodo unio animæ ad corpus corporalis fit. Et dicimus hanc unionem nullo modo esse spi-

ritualem; quia neque ipsa substantia spiritalis fit dependens à corpore, nec ipsa vnitas totius compositi resultans vnitas spiritalis est, sed corporea, sicut, & ipsum compositum, cuius est illa vnitas, nec habet fundamentum in aliqua mutatione, & actione spiritali sed corporali, quia disponitur, & applicatur per alterationem materia ad talem formam, & sic si tota immutatio, & dependentia in qua fundatur ista vnio tenet se ex parte corporis; seu materiae, tota utique corporea est. Quod verò dicitur, quomodo si tota anima est vnita corpori possit alijs partibus etiam tota vni. Respondetur, quod anima est virtualiter multiplex, licet entitatie indiuisibilis, & sic potest esse vnita tota, sed non totaliter, nec omni modo quo communicabilis est, nec explicata in omnes partes, quibus potest de nouo communicari, sicut de intensiōe formarum diximus supra q. 4.

*Secundo obijcies ad probandum, quod etiam non viuentia augeantur, quia ignis adhibito combustibili, & vinum admixta aqua per propriam virtutem conuertunt illa in propriam substantiam, ergo nihil deest, quo minus dicatur augeri. Si dicatur deesse aliquas conditiones augmenti, scilicet, quod secundum omnes partes augeatur viuens, & quod hoc fiat per intus susceptionem non per iuxta positionem. Contra est, quia etiam prima conditio reperitur in non viuentibus, vt cum vino miscetur aqua, omnes partes eius ab aqua tanguntur, quia omnis eius virtus debilitatur. Secunda etiam conditio non deest, quia lapis, v. g. vel ferrum, & alia metalla intra poros suscipiunt ali-*

aliqua corpora, quæ conuertuntur in ipsa; præterquam quod ista conditio non videtur necessario requisita ad augmentationem, si enim motus localis, & alteratio, sunt veri motus, etiam si fiant ab extrinseco, cur sola augmentatio petit ab extrinseco fieri, & per intus susceptionem? Vnde D. Thom. 2. de anima lect. 9. aperte dicit in elementis solum ignem nutriri.

*Respond.* Hæc omnia non sufficere ad nutritionem propriam dictam, licet sufficiant ad impropriad quæ in re est generatio, & multiplicatio alicuius ex materia sibi coniuncta, per accidens autem, quia res genita propinqua est generanti, & illi fit continua, videtur augeri res inanimata. Ad propriam autem augmentationem, vt distinguitur à virtute generatiua, requiritur quod per se primo aliquid immutetur, & conuertatur loco partium quæ deperditæ sunt ex ipsa virtute intus depascente proprias partes, & sic intus suscipiente ad restaurandum illas. Et hoc non inuenitur in non viuentibus. Nec obstat, quod ignis videtur aliquid deperdere, & aliquid acquirere, vt cum aspergitur aqua, vel oleo guttæ ille aliquid de igne extinguunt, & rursus ignis ille oleum, vel aquam ipsam in se conuertit. Respond. enim, quod hæc deperditio, & acquisitio fit propter mutuam actionem, & reactionem, non autem propter specialem rationem nutritionis, hæc enim non consistit solum in deperditione, & acquisitione, quæ nascitur ex communi ratione actionis, & reactionis, sed ex eo quod aliquid per virtutem propriam agat in partes suas, easque depascat, & in earum subrogationem per intus susceptionem aliquid in se conuertat. Vnde

de si in non viuētibz inuenitur conuersio a li-  
 citius in propriam substantiam etiam si intra  
 poroseius ingrediatur ( licet communiter fiat  
 per iuxta positionem extrinsecam ) tamen hoc  
 non fit propter virtutem restauratiuam de-  
 perditi, sed generatiuam, & agentem in quod-  
 cumque sibi approximatum, vel iuxta positum,  
 atque ita in non viuētibz generatio rei pro-  
 xima, & si illi continuabilis, facit per accidens,  
 quod per se, & propriè nutritio in viuētibz,  
 & licet alij motus non semper petant fieri à  
 principio, & virtute intrinseca, augmentatio  
 tamen id petit quia est motus vitalis, & nutri-  
 tioni coniunctus, & ordinatus ad restauratio-  
 nem partis intrinsecæ, quæ fuerat deperdita à  
 propria virtute.

*Ad locum D. Thom.* dicimus loqui de nutri-  
 mento improprio, & similitudinario, quale fit  
 per generationem rei approximata, & contin-  
 uabilis cum generante, licet id in igne magis  
 appareat propter actiuitatem fortiozem in ma-  
 teriam sibi appositam. Et non dixit D. Thom.  
 absolute ignem nutriri, sed quod est in eo si-  
 militudo augmenti, & nutrimenti, & videtur  
 nutriri.

*Distinctio augmentatiōis à nutritiōe.*

**C**irca secundum punctum in titulo articuli  
 propositum, dubium est an sint motus  
 & actiones distinctæ realiter augmentatio, &  
 nutritio, ita quod augmentatio, vt tendit ad  
 quantitatem sit distinctus motus realiter à ge-  
 neratione. De quo egimus in 3. Phisicor. q. 19.  
 art. 3. vbi ostendimus ad quantitatem dari per  
 se

se motum distinctum à nutritione. In præ-  
senti ergo vberius explicanda est ista distin-  
ctio. Et supponimus non loqui de augmenta-  
tione largo modo prout respicit, quodcunque  
augmentum in quocunque genere, siue quali-  
tatis, siue quantitatis, sed specialiter in gene-  
re quantitatis, & non de illo augmento, quod  
fit per rarefactionem, sed quod fit per adicio-  
nem partium non solum per iuxta positionem,  
quod in re fit per veram generationem, sed  
quæ fit specialiter in viuentibus per motum à  
minori ad maiorem quantitatem per intrinse-  
cam virtutem. De hac inquirimus an sit di-  
stinctus motus à nutritione, quia illa tendit ad  
quantitatem, ista ad substantiam.

*Multi ergo* negant ad quantitatem dari per  
se motum ex duplici principio inducti. Pri-  
mo, quia existimant quantitatem semper se ha-  
bere vt propriam passionem corporis, siue par-  
tialis sit, siue totalis, ac proinde non termina-  
re actionem aliquam seorsum ab ipsa produ-  
ctione corporis, eo quod propria passio nun-  
quam producitur distincta actione à produ-  
ctione essentiae, ad quam consequitur, sicut  
etiam ipsa quantitas totalis, quando produci-  
tur, vt consecuta ad primam generationem  
substantiae. Secundo, quia existimant quanti-  
tatem immediate inherere materiae, & sic  
transiente materia de vna forma ad aliam  
etiam quantitas transit, ergo non requiritur  
motus distinctus productiuus quantitatis, sed  
sufficit actio vniens formam materiae, & conse-  
quenter quantitatem vnius, quantitati alterius.  
Solum ergo faciunt augmentationem motum  
per accidens, idest ratione alterationis adiun-  
ctæ

et non per se, & ratione quantitatis, quam producat, quia hæc non acquiritur, sed supponitur in materia, atque adeo quando vna quantitas additur alteri solum producit aliquod indiuisibile vnies illas, sicut etiam nutritio in nobis solum producit vnionem animæ ad nouam partem materiæ. Denique Aristotel. in hoc lib. de generat. tex. 41. inquit: *Quod nutritio, & accretio est idem, ratio autem diuersa.*

*Accumulatur* autem noua difficultas ex alio capite, quia in nostra sententia substantia secundum se non habet partes, sed solum per quantitatem, vt docuimus in Logica q. 16. art. 1. & in Physica q. 20. art. 2. ergo substantia vt distinguitur à quantitate non potest terminare nutritionem, siquidem nutritio non est ad totam, & integram substantiam, sed ad partem, hanc autem non habet substantia nisi per quantitatem, ergo non est alia actio terminata ad partem substantiæ, & ad quantitatem, quia per illam substantia habet rationem partis.

*Nihilominus* opposita sententia communis est inter Philosophos, vt testatur Rubio hic tractatu de augmentatione q. 2. & Carmelitani disp. 5. q. 1. Et quidem augmentationem esse vere, & proprie motum, terminarique ad quantitatem, perpetuo docet Arist. qui tres species motus nominauit, alterationem, augmentationem, & lationem, vt constat 5. Phys. c. 2. & in postprædicamentis cap. de motu inter alias species motus numerat accretionem, & decrementum, idque etiam probauimus, & defendimus in q. 19. Physicor. art. 3. Nunc solum restat probare, quod augmentatio à nutritione distinguatur. Quod aliqui probant, quia distin-

finctum est subiectum nutritionis, scilicet, ipsa materia alimenti ex quo fit noua pars substantiæ, & subiectum augmentationis, in quo ponitur quantitas. Alij ex distinctione termini primarij vtriusque, quia nutritio est ad substantiam augmentatio ad quantitatem. Alij ex operatione nutritionis, quia potest fieri nutritio, & impediri à Deo resultantia nouæ quantitatis, & sic separabitur nutritio ab augmentatione. Sed tamen istæ rationes inefficaces sunt nisi aliquid addatur, quia in ipsa generatione substantiali instari possunt, nam forma producit in materia, quantitas verò, & propriæ passionis in ipso composito; similiter distinctus terminus est ipsa substantia, & propria eius passio in ratione rei productæ; potest enim impediri ne resultet propria passio à natura quando generatur, & tamen negari non potest, quod eadem actione generatur natura, & producitur propria passio consequens, ergo similiter posset aliquis dicere quod producitur eadem actione substantia partialis in nutritione, & quantitas partialis tanquam quid consecutum ad illam, non obstante quod sint distincti termini entitatiue, & habeant distinctum subiectum, &c.

*Quare* aliter probanda est conclusio posita sicut probauimus in q. 19. Physic. citata. Et est duplex ratio. Prima, quia quantitas partialis non est obiectum augmentationis absolute loquendo, sed sub ratione augmentatæ, & crescentis, ad quod non sufficit productio nouæ partis substantiæ, quæ nutritur, & quantitas, quæ ad illam sequitur, sed quantitas vt superaddens præxistenti, ad quod requiritur, quod  
ita

cium ma  
actiuita  
rationem  
bentis a  
tas, &  
extensio  
fionem,  
quos eff  
& citius  
tendat.

*Dico*  
les con  
augent  
maliter  
indirect  
nis, ut  
ceatur, &  
habente  
ita inten  
Itaque n  
cunt ut  
non quid  
fita tamen  
ipsarum  
corpus  
non ratio  
num, sed  
pars sati  
dæ sente  
sue den  
fit mag  
ipsa de  
caloris  
in mate  
vel poss

ita acquiratur quantitas, quod plus acqui  
de illa, quam deperdatur, & quantum ad  
formaliter non est propria passio, sed  
dens, & petit fieri distincto motu, nec  
hoc semper conuenit quantitati. Et li  
mitur secunda ratio, quia augmentatio  
durat tantum quantum nutritio, nutritio  
animal quoad uiuit, & in omni nutr  
ficut acquiratur noua pars substantiæ, i  
noua quantitas partialis; augmentatio  
non durat per totam uitam, nec enim  
animal crescit, licet semper nutriatur,  
ignum est, quod ad augmentationem ne  
cit noua nutritio, nec sola emanatio q  
tis partialis, quia hoc totum inuenitur  
nutritione, nec tamen inuenitur semp  
mentatio, ergo aliquid amplius requi  
augmentationem, quam emanatio  
quantitatis, hoc autem non est aliud qu  
picere quantitatem ut crescentem, &  
dentem ad aliam, sub hac enim ratione  
quantitas propria passio, nec sola acti  
tritionis fit, sed nouam actionem, seu  
nem requirit, nutritio enim solum resp  
uam partem substantiæ, & ex consequ  
uam partem quantitatis prout emanat  
augmentatio autem respicit quantitat  
maior, est enim motus à minori ad  
rean quantitatem, illa autem formalit  
ris, & minoris non est in quantitate  
passio, sed aliquid accidentale, & ideo  
tas ut fiat sub illo respectu, & formalit  
minare potest nouum motum. Et li  
probat, quod non solum per accidens,  
ac alterationis, sed per se, & ratione q



habet terminare motum, quia habet fundam  
illam formalitatem secundum rationem ma  
gis, & minoris.

Ex quo manet explicatus formalis terminus  
nutritionis, nec enim est sola unio, sed ipsamet  
forma substantialis non sicut in generatione,  
licet, ut totaliter, & de nouo introducta in  
nam materiam, sed ut de nouo applicata, &  
formans partem inadæquatam materiæ.  
Comparatur autem nutritio ad aggenerationem  
sicut aliquid specificum, & particulare  
genericum, & commune, quia aggeneratio  
sola acquisitio substantiæ, siue fiat in viuens,  
siue non, nutritio autem solum est vitalis  
quisitio substantiæ sicut generatio communi  
dicta est aliquid superius ad generationem  
alem. Augmentatio autem dicit pro for  
tiori termino quantitatem, ut maiorem modo  
plicato, & statim explicando.

Ad fundamenta opposita respondimus q. 19.  
tata, & ostendimus, quantitatem licet secun  
um se sequatur ad corpus partialiter, vel tota  
certanquam propria passio, tamen in quan  
m maior, & ut crescens, sic non est propriæ  
passio, sed requirit specialem mutationem, qua  
lus acquiratur de quantitate, quam deperda  
it. Si infles, quia quantitas ut maior, vel mi  
or solum addit relationem maioris, vel mino  
is, ad relationem autem non datur per se mo  
us. Respond. quod quantitas ut maior forma  
naliter importat relationem, & sic non potest  
terminare per se motum, fundamentaliter au  
tem dicit formalitatem aliquam ad quam potest  
per se dari motus, sic enim est quantitas ut  
coniungenda præcedenti sine tanta, vel maiore  
de-

quod potius de se est generatio, & multiplicatio quædam ex applicata materia, licet per continuationem aggregetur præcedenti.

*Sed obijcies*, quia non potest restaurari substantia perditæ per calorem substantialem, cum quia humidum radicale nequit restitui; ut medici docent, & similiter Theologi, qui in eo ponunt mirabilem effectum arboris vitæ, quod restaurabat humidum radicale deperditum per calorem naturalem ergo nutritio ex communi alimento facta ad id non sufficit; tum etiam quia alias posset homo non mori, nec infirmari ex causa naturali si tantum de alimento, & tam temperate sumeret quantum deperdit de propria substantia, sic enim perpetuo sustentaretur ne periret humidum radicale.

*Confirmat.* ex illo Mathei 15. *Omne quod intrat in os in ventrem vadit, & in secessum emittitur*, ergo nihil transit in substantiam aliti, siquidem omne emittitur. *Confirm.* 2. quia ad veram nutritionem requiritur, quod anima viventis uniatuæ materiæ alimenti conuertendo ipsum in propriam naturam, hoc autem est impossibile, præsertim in homine, quia ad hoc deberet noua unio animæ fieri ad illam nouam partem, cum tamen tota anima erat vnita partibus præexistentibus, quomodo ergo potest mutari illa unio ad nouam partem? & præsertim cum sit unio spiritalis; sicut ipsa anima quomodo potest fieri virtute corporea qualis est calor, seu virtus potentia nutritiua?

*Respondet.* negando minorem. Ad primam probationem dicitur, quod humidum radicale potest reparari per humidum nutritiale,

sed

sed non in eo vigore, & perfectione qua fuit in principio, eo quod omne agens agendo reparatur; & debilitatur. In hoc autem lignum vitæ habebat excellentiam: quia habebat vim fortificandi humidum radicale contra debilitatem prouenientem ex admixtione extranei, & reddere tam purum sicut à principio, vt docet Sanct. Thomas 1. part. quæst. 97. art. 4. Et indigeret homo sæpius sumere de illo fructu, quia habebat limitatam virtutem, nec poterat reparare debilitatem, quæ ex alimento postea sumpto proueniret, nisi iterum sumeretur. Quare homo non potest semper vivere, quia ita afficitur peregrinis qualitatibus ab humido extraneo, & nutrimentali, vt tandem humidum radicale dissoluatur, & pereat animal. Videatur D. Thom. 1. part. q. 119. supra citata ad 3. & 4.

*Ad primam confirmationem* respondetur, ex D. Thom. ibidem quod in illa autoritate ly (omne) intelligitur in sensu distributionis accomodatæ, idest ex omni quod intrat in es, aliquid emittitur, quod quadrat intentioni Christi Domini, quod ea quæ intrant per os non coinquinant hominem, cuius ratio redditur, quia omne quod intrat si inquinat hominem est ratione eius, quod impuritatis habet, hoc autem, quod impuritatis habet emittitur, & sic omne quod intrat non inquinat, quia quod inquinare potest, emittitur.

*Ad secundam confirm.* respondetur non esse particularem difficultatem in nutritione, sed eadem procedit in generatione hominis; quomodo vnio animæ ad corpus corporalis sit. Et dicimus hanc vnionem nullo modo esse spi-

ritualem, quia neque ipsa substantia spiritualis fit dependens à corpore, nec ipsa vnitas totius compositi resultans vnitas spiritualis est, sed corporea, sicut, & ipsum compositum, cuius est illa vnitas, nec habet fundamentum in aliqua mutatione, & actione spirituali sed corporali, quia disponitur, & applicatur per alterationem materia ad talem formam, & sic fit tota immutatio, & dependentia in qua fundatur ista vnio tenet se ex parte corporis; seu materiae, tota utique corporea est. Quod verò dicitur, quomodo si tota anima est vnita corpori possit alijs partibus etiam tota vniri. Respondetur, quod anima est virtualiter multiplex, licet entitatiue indiuisibilis, & sic potest esse vnita tota, sed non totaliter, nec omni modo quo communicabilis est, nec explicata in omnes partes, quibus potest de nouo communicari, sicut de intensiōe formarum diximus supra q. 4.

*Secundo obijcies ad probandum, quod etiam non viuentia augeantur, quia ignis adhibito combustibili, & vinum admixta aqua per propriam virtutem conuertunt illa in propriam substantiam, ergo nihil deest, quo minus dicantur augeri. Si dicatur deesse aliquas conditiones augmenti, scilicet, quod secundum omnes partes augeatur viuens, & quod hoc fiat per intus susceptionem non per iuxta positionem. Contra est, quia etiam prima conditio reperitur in non viuentibus, vt cum vino miscetur aqua, omnes partes eius ab aqua tanguntur, quia omnis eius virtus debilitatur. Secunda etiam conditio non deest, quia lapis, v. g. vel ferrum, & alia metalla intra poros suscipiunt ali-*

aliqua corpora, quæ conuertuntur in ipsa; præterquam quod ista conditio non videtur necessario requisita ad augmentationem, si enim motus localis, & alteratio, sunt veri motus, etiam si fiant ab extrinseco, cur sola augmentatio petit ab extrinseco fieri, & per intus susceptionem? Vnde D. Thom. 2. de anima lect. 9. aperte dicit in elementis solum ignem nutriri.

*Respond.* Hæc omnia non sufficere ad nutritionem propriam dictam, licet sufficiant ad impropriad quæ in re est generatio, & multiplicatio alicuius ex materia sibi coniuncta, per accidens autem, quia res genita propinqua est generanti, & illi fit continua, videtur augeri res inanimata. Ad propriam autem augmentationem, ut distinguitur à virtute generatiua, requiritur quod per se primo aliquid immutetur, & conuertatur loco partium quæ deperditæ sunt ex ipsa virtute intus depascente proprias partes, & sic intus suscipiente ad restaurandum illas. Et hoc non inuenitur in non viucentibus. Nec obstat, quod ignis videtur aliquid deperdere, & aliquid acquirere, ut cum aspergitur aqua, vel oleo guttæ ille aliquid de igne extinguunt, & rursus ignis ille oleum, vel aquam ipsam in se conuertit. *Respond.* enim, quod hæc deperditio, & acquisitio fit propter mutuam actionem, & reactionem, non autem propter specialem rationem nutritionis, hæc enim non consistit solum in deperditione, & acquisitione, quæ nascitur ex communi ratione actionis, & reactionis, sed ex eo quod aliquid per virtutem propriam agat in partes suas, easque depascat, & in earum subrogationem per intus susceptionem aliquid in se conuertat. Vnde

de si in non viuentibus inuenitur conuersio alius in propriam substantiam etiam si intra poroseius ingrediatur ( licet communiter fiat per iuxta positionem extrinsecam ) tamen hoc non fit propter virtutem restauratiuam deperditi, sed generatiuam, & agentem in quodcumque sibi approximatum, vel iuxta positum, atque ita in non viuentibus generatio rei proximæ, & si illi continuabilis, facit per accidens, quod per se, & propriè nutritio in viuentibus, & licet alij motus non semper petant fieri à principio, & virtute intrinseca, augmentatio tamen id petit, quia est motus vitalis, & nutritioni coniunctus, & ordinatus ad restaurationem partis intrinsecæ, quæ fuerat deperdita à propria virtute.

*Ad locum D. Thom.* dicimus loqui de nutrimento improprio, & similitudinario, quale fit per generationem rei approximata, & continuabilis cum generante, licet id in igne magis appareat propter actiuitatem fortiozem in materiam sibi appositam. Et non dixit D. Thom. absolute ignem nutriri, sed quod est in eo similitudo augmenti, & nutrimenti, & videtur nutriri.

*Distinctio augmentationis à nutritione.*

**C**irca secundum punctum in titulo articuli propositum, dubium est an sint motus & actiones distinctæ realiter augmentatio, & nutritio, ita quod augmentatio, vt tendit ad quantitatem sit distinctus motus realiter à generatione. De quo egimus in 5. Phisicor. q. 19. art. 3. vbi ostendimus ad quantitatem dari per se

se motum distinctum à nutritione. In præ-  
senti ergo vberius explicanda est ista distin-  
ctio. Et supponimus non loqui de augmenta-  
tione largo modo prout respicit, quodcunque  
augmentum in quocunque genere, siue quali-  
tatis, siue quantitatis, sed specialiter in gene-  
re quantitatis, & non de illo augmento, quod  
fit per rarefactionem, sed quod fit per aditio-  
nem partium non solum per iuxta positionem,  
quod in re fit per veram generationem, sed  
quæ fit specialiter in viventibus per motum à  
minori ad maiorem quantitatem per intrinse-  
cam virtutem. De hac inquirimus an fit di-  
stinctus motus à nutritione, quia illa tendit ad  
quantitatem, ista ad substantiam.

*Multi ergo* negant ad quantitatem dari per  
se motum ex duplici principio inducti. Pri-  
mo, quia existimant quantitatem semper se ha-  
bere vt propriam passionem corporis, siue par-  
tialis sit, siue totalis, ac proinde non termina-  
re actionem aliquam seorsum ab ipsa produ-  
ctione corporis, eo quod propria passio nun-  
quam producitur distincta actione à produ-  
ctione essentiae, ad quam consequitur, sicut  
etiam ipsa quantitas totalis, quando produci-  
tur, vt consecuta ad primam generationem  
substantiae. Secundo, quia existimant quanti-  
tatem immediate inherere materiae, & sic  
transiente materia de vna forma ad aliam  
etiam quantitas transit, ergo non requiritur  
motus distinctus productiuus quantitatis, sed  
sufficit actio vniens formam materiae, & conse-  
quenter quantitatem vnius, quantitati alterius.  
Solum ergo faciunt augmentationem motum  
per accidens, id est ratione alterationis adiun-  
ctæ

Et non per se, & ratione quantitatis, quam producat, quia hæc non acquiritur, sed supponitur in materia, atque adeo quando vna quantitas additur alteri solum producit aliquod indiuisibile vnies illas, sicut etiam nutritio in nobis solum producit vnionem animæ ad nouam partem materiæ. Denique Aristotel. in hoc lib. de generat. tex. 41. inquit: *Quod nutritio, & accretio est idem, ratio autem diuersa.*

*Accumulatur* autem noua difficultas ex alio capite, quia in nostra sententia substantia secundum se non habet partes, sed solum per quantitatem, vt docuimus in Logica q. 16. art. 1. & in Physica q. 20. art. 2. ergo substantia vt distinguitur à quantitate non potest terminare nutritionem, siquidem nutritio non est ad totam, & integram substantiam, sed ad partem, hanc autem non habet substantia nisi per quantitatem, ergo non est alia actio terminata ad partem substantiæ, & ad quantitatem, quia per illam substantia habet rationem partis.

*Nihilominus* opposita sententia communis est inter Philosophos, vt testatur Rubio hic tractatu de augmentatione q. 2. & Carmelitani disp. 5. q. 1. Et quidem augmentationem esse vere, & proprie motum, terminarique ad quantitatem, perpetuo docet Arist. qui tres species motus nominauit, alterationem, augmentationem, & lationem, vt constat 5. Phys. c. 2. & in postprædicamentis cap. de motu inter alias species motus numerat accretionem, & decrementum, idque etiam probauimus, & defendimus in q. 19. Physicor. art. 3. Nunc solum restat probare, quod augmentatio à nutritione distinguatur. Quod aliqui probant, quia distin-



finctum est subiectum nutritionis, scilicet, ipsa materia alimenti ex quo fit noua pars substantiæ, & subiectum augmentationis, in quo ponitur quantitas. Alij ex distinctione termini primarij vtriusque, quia nutritio est ad substantiam augmentatio ad quantitatem. Alij ex operatione nutritionis, quia potest fieri nutritio, & impediri à Deo resultantia nouæ quantitatis, & sic separabitur nutritio ab augmentatione. Sed tamen istæ rationes inefficaces sunt nisi aliquid addatur, quia in ipsa generatione substantiali instari possunt, nam forma producit in materia, quantitas verò, & propriæ passionis in ipso composito; similiter distinctus terminus est ipsa substantia, & propria eius passio in ratione rei productæ; potest enim impediri ne resultet propria passio à natura quando generatur, & tamen negari non potest, quod eadem actione generatur natura, & producit propria passio consequens, ergo similiter posset aliquis dicere quod producit eadem actione substantia partialis in nutritione, & quantitas partialis tanquam quid consecutum ad illam, non obstante quod sint distincti termini entitatiue, & habeant distinctum subiectum, &c.

*Quare* aliter probanda est conclusio posita sicut probauimus in q. 19. Physic. citata. Et est duplex ratio. Prima, quia quantitas partialis non est obiectum augmentationis absolute loquendo, sed sub ratione augmentatæ, & crescentis, ad quod non sufficit productio nouæ partis substantiæ, quæ nutritur, & quantitas, quæ ad illam sequitur, sed quantitas vt superaddens præexistenti, ad quod requiritur, quod  
ita

Ita acquiratur quantitas, quod plus acquiratur  
 de illa, quam deperdatur, & quantum ad istam  
 formalitatem non est propria passio, sed acci-  
 dens, & petit fieri distincto motu, nec enim  
 hoc semper conuenit quantitati. Et hinc su-  
 mitur secunda ratio, quia augmentatio non  
 durat tantum quantum nutritio, nutritur enim  
 animal quandiu uiuit, & in omni nutritione  
 sicut acquiritur noua pars substantiae, ita, &  
 noua quantitas partialis; augmentatio autem  
 non durat per totam vitam, nec enim semper  
 animal crescit, licet semper nutriatur, ergo si-  
 gnum est, quod ad augmentationem non suffi-  
 cit noua nutritio, nec sola emanatio quantita-  
 tis partialis, quia hoc totum inuenitur in omni  
 nutritione, nec tamen inuenitur semper aug-  
 mentatio, ergo aliquid amplius requiritur ad  
 augmentationem, quam emanatio partialis  
 quantitatis, hoc autem non est aliud quam res-  
 picere quantitatem ut crescentem, & superad-  
 dentem ad aliam, sub hac enim ratione non est  
 quantitas propria passio, nec sola actione nu-  
 tritionis fit, sed nouam actionem, seu mutatio-  
 nem requirit, nutritio enim solum respicit no-  
 uam partem substantiae, & ex consequenti no-  
 uam partem quantitatis prout emanat ab illa,  
 augmentatio autem respicit quantitatem ut  
 maiorem, est enim motus à minori ad maio-  
 rem quantitatem, illa autem formalitas maio-  
 ris, & minoris non est in quantitate propria  
 passio, sed aliquid accidentale, & ideo quanti-  
 tas ut stat sub illo respectu, & formalitate ter-  
 minare potest nouum motum. Et haec ratio  
 probat, quod non solum per accidens, & ratio-  
 ne alterationis, sed per se, & ratione quantita-  
 tis

tis habet terminare motum, quia habet fundare illam formalitatem secundum rationem maioris, & minoris.

*Ex quo* manet explicatus formalis terminus nutritionis, nec enim est sola unio, sed ipsamet forma substantialis non sicut in generatione, scilicet, ut totaliter, & de nouo introducta in totam materiam, sed ut de nouo applicata, & informans partem inadæquatam materiæ. Comparatur autem nutritio ad aggenerationem sicut aliquid specificum, & particulare ad genericum, & commune, quia aggeneratio est sola acquisitio substantiæ, siue fiat in viuentibus, siue non, nutritio autem solum est vitalis acquisitio substantiæ sicut generatio communiter dicta est aliquid superius ad generationem vitalem. Augmentatio autem dicit pro formali termino quantitatem, ut maiorem modo explicato, & statim explicando.

*Ad fundamenta* opposita respondimus q. 19. citata, & ostendimus, quantitatem licet secundum se sequatur ad corpus partialiter, vel totaliter tanquam propria passio, tamen in quantum maior, & ut crescens, sic non est propriæ passio, sed requirit specialem mutationem, quæ plus acquiratur de quantitate, quam deperdat. *Si infles*, quia quantitas ut maior, vel minor solum addit relationem maioris, vel minoris, ad relationem autem non datur per se motus. *Respond.* quod quantitas ut maior formaliter importat relationem, & sic non potest terminare per se motum, fundamentaliter autem dicit formalitatem aliquam ad quam potest per se dari motus, sic enim est quantitas ut coniungenda præcedenti sine tanta, vel maior,

deperditione, sic enim fit motus à maiori ad maiorem quantitatem, quod non potest per solam nutritionem fieri secundum se, quia licet semper partem quantitatis attingat, non tamen semper acquirit illam cum fundamento augmenti, & maioritatis; idest, cum coniunctione nouæ quantitatis sine deperditione antiquæ. Quod verò dicitur materiam esse subiectum quantitatis independentem à forma, hoc omnino negamus, vt ostendetur infra q. 9. materia enim solum se habet vt subiectum *quo* inhaesionis tanquam ratio recipiendi, non vt ratio actualitatis sustentatiuæ, nec quantitas sequitur materiam nudam, sed ratione formæ corporeitatis.

*Ad auctoritatem Philos. resp. ex D. Tho. cit. loco de gen. lect. 17. Arist. loqui de nutritione, & augmentatione ex parte materiæ circa quam versantur, quia ex eodem alimeto aliquis nutritur, & augetur quandiu augmentatio durat, non tamen loquitur de augmentatione, & nutritione pro ipsis actionibus, quasi sint eadem actio, vel mutatio, nam circa eandem materiam possunt diuersæ actiones, seu mutationes versari secundum diuersam formalitatem. Præterquam quod frequenter Arist. dicit aliqua esse ratione diuersa, idest essentia, & definitione, seu formalitate, & sic intelligitur in præsentem non autem ratione, idest solum per intellectum.*

Ad ultimam difficultatem dicemus articulo sequenti.

ARTICVLVS II.

*Quomodo intelligatur nutritio fieri ad partes substantiæ?*

**H**Æc difficultas currit in nostra sententiâ quam tradidimus in Logica q. 19. art. 1. & in Physica q. 20. art. 2. quod substantiæ non conuenit habere partes formaliter, nisi per quantitatem, ex se autem solum radicaliter, & tamen constat ex dictis quod nutritio terminatur formaliter ad substantiam non totalem, sed partialem.

In præsentî ergo breuiter fundamentum quod in citatis locis posuimus resûmendum est. Denegamus itaque partes formaliter ipsi substantiæ, & solum concedimus illi radicaliter; per quantitatem autem dicimus constitui partes formaliter in esse, & formalitate partis, quia formalitas, partis requirit diuisibilitatem, & ordinationem, qua vna ponatur extra aliam, & addat aliquid ad aliam, si enim est intra illam, & non coordinata, & extra, manebit penetrata, & confusa cum illa, vnde omnes partes reducentur ad carentiam diuisibilitatis, neque enim potest aliquid diuidi, nisi accipiendo vnum, & relinquendo aliud, vbi autem omnia sunt confusa, & penetrata intra alia, non sumitur vnum quin tollatur aliud. Si ergo substantia ante quantitatem haberet partes sub formalitate partium, idest vt ordinatas, & diuisibiles in ordine ad se, licet non in ordine ad locum, & hoc substantialiter haberet, & non mediante aliquo accidenti, oportet

tēt quod illae partes substantialiter non se totis, sed penes extremitates, seu indiuisibilia vnirentur. Si autem per indiuisibilia vniuntur, ergo habet substantia sufficiens principium impetrationis ex vi vnionis substantialis partium, & sic superfluit quantitas, siquidem proprium quantitatis est extendere partes resistendo penetrationi, non quidem actualiter, quia diuina virtute possunt duae quantitates penetrari, sed secundum aptitudinem, sicut accidens petit inhærere aptitudinaliter. Sequela probatur, quia si in substantia ante quantitatem vnirentur cum formalitate partium, quae est ordinatio, & diuisibilitas in ordine ad se, ergo sine confusione, & non se totis vniuntur, confusio enim opponitur ordinationi, ergo nulla pars, quantumuis minima est intra aliam, nec se tota vnitur alteri, ergo debet vniri per aliquid indiuisibile, seu per extremitatem, quia si per aliquid diuisibile, aliquid illius esset intra alteram, ergo si omnino est extra, per aliquid indiuisibile vnitur. Si ergo dantur indiuisibilia substantialia, vt partes ordinantur inter se, & non penetrentur, nec se totis vniantur, ergo habent in se sufficiens principium resistendi penetrationi tum inter se, quia non se totis vniuntur, tum corpori contiguo, & propinquo, nec enim stat, quod aliquid resistat penetrationi partium inter se ne confundantur, & non resistat corpori contiguo, ne penetretur, quod enim sufficit ad impetrationem continuitatis sufficit ad impetrationem contiguitatis. Et praesertim quia si datur indiuisibile substantiale continuatum partium, etiam dabitur terminatum, vt in

Et subiectetur indiuisibile quantitatis terminatiuum, quia non potest in hac sententia in partibus subiectari, ergo sicut indiuisibile substantiæ continuatiuum facit, quod partes continuatæ non penetrarentur inter se, nec se totis vniantur, ita indiuisibile substantiæ terminatiuum faciet, quod cum alio corpore contiguo non penetraretur, sed maneat indiuisibile terminatiuum iuxta indiuisibile alterius corporis quod est non penetrari, nec se totis coniungi.

*Dices*, ergo substantia materialis quantum ad id quod entitatis substantialis est, tota est sub tota quantitate, & tota sub parte, non autem pars sub parte, & tota sub tota quantitate, hoc autem est contra ipsum effectum formalem quantitatis, quia quantitas extendit partes substantiæ, & ordinat illas vnā post aliam, ergo facit quod pars substantiæ sit sub parte quantitatis, & tota sub tota. Sequela vero probatur, quia si ita est, quod pars substantiæ correspondet parti quantitatis, & non tota cuilibet parti, ergo iam ex parte substantiæ, & quantum ad id quod substantiale est, datur distinctio partis à parte, quæ non potest formaliter à quantitate prouenire, quia quantitas accidens est, illa autem ratio partium substantiæ in ratione substantiali accidentalis non est, ergo euertitur fundamentum allatum, quod substantia non habet ex se partes substantiales, siquidem subtrahita quantitate, non solum accidentales habet, quæ sunt quantitatis, sed etiam substantiales eis correspondentes.

*Respond.* In hoc latere æquiuocationem, & posse esse differentiam in modo loquendi.

Opor-

Oportet enim distinguere, quid habeat substantia secundum se remota quantitate, quid formaliter habeat per quantitatem, quid denique exerceat substantialiter, supposita tamen quantitate ut conditione. Nam substantia secundum se, & remota quantitate non habet formalitatem partium, quia remouetur principium diuidendi, & distinguendi partes ut ordinatas, & sub formalitate ordinationis, quae una est extra aliam. Ex ipsa autem quantitate formaliter solum habetur accidentaliter distinctio partium, quia effectus formalis non potest excedere suam formam. Ex ipsa autem substantia posita quantitate ordinate, & distinguente accidentaliter tanquam conditione resultat unio substantialis partium sic ordinatarum, sicut quando per quantitatem fit diuisio, ex ipsa materia resultat incommunicabilitas, & indiuiduatio substantialis, ut intra dicemus q. 9. Ratio autem est, quia si posita diuisione quantitatis non solum accidentaliter, sed etiam substantialiter differunt, aliàs Petrus, & Paulus non essent duo indiuidua substantialiter diuersa, ergo quando fit continuatio, & unio quantitatis ad quantitatem, etiam substantialiter partes uniuntur, aliàs illud compositum ex partibus non esset unum totum substantiale, sed substantialiter essent duo, & accidentaliter unum, & sic quando indiuiduum augmentatur, non maneret idem indiuiduum substantialiter, ergo necesse est, quod supposita unitate quantitatis inter partes, fiat etiam unio substantialis inter ipsasmet partes, ut illud indiuiduum substantialiter sit unum. Unde D. Thom. in 3. dist. 13. q. 2. art. 2. q. 2. dicit;

Quod



*Quod in corpore naturali inuenitur triplex vnio membrorum ad inuicem. Prima est secundum conformitatem naturæ, quia omnia membra constant ex eisdem similibus partibus, & sunt vnus rationis, sicut manus, & pes ex carne, & osse, & sic dicuntur membra vnum sicut genere, vel specie. Secunda est per colligationem eorum ad inuicem per nervos, & iuncturas, & sic dicuntur vnum continuatione. Tertia est secundum quod diffunditur vitalis spiritus, & virtus animæ per totum corpus. Quarta est secundum quod omnia membra perficiuntur per animam, quæ est vna numero in omnibus membris. Ecce quomodo D. Tho. in ipsis membris quæ vtique sunt partes integrales distinguit vnionem per modum continuationis, quæ sine dubio est quantitatis, ab vnione quæ est secundum conformitatem naturæ, quæ est vnio substantiæ, siquidem in substantia conformantur partes naturæ. Similiter in quest. de anima art. 10. ad 16. dicit: Quod anima est forma substantialis corporis dans esse, & speciem toti, & partibus, & totum ex partibus constitutum est vnum simpliciter, & loquimur de partibus integralibus ipsius corporis de quibus procedebat argumentum, & loquebatur in articulo. Sentit ergo D. Tho. partes ipsas vniri substantialiter, & tanquam extrema vnita constituere totum faciendo vnum simpliciter quod vtique est substantiale.*

Ex quo colligitur, partes quæ in nutritione, vel augmentatione adueniunt, non fieri vnum substantialiter per identificationem vnus partis cum alia, nam ea quæ physice identificantur, separari non possunt nisi ablata identifica-

tione, hæc autem tolli non potest per ablationem  
 unionis, & compositionis, siquidem non  
 datur in illa sententia; neque per ablationem  
 alicuius modi, quia non est identificatio illa  
 rei cum modo, nec enim modus aliquis in sub-  
 stantia aduenit per aduentum partium, quis  
 enim est iste substantialis modus? Ergo non  
 potest modalis identificatio in substantia dari.  
 Si autem identificatur realitas substantiæ, ergo  
 non poterit separari, & tolli vnum non ablato  
 alio? si autem separari possunt vt de facto se-  
 parantur, non datur identitas, sed vera com-  
 positio in vno esse sicut inter materiam, & for-  
 mam, quæ possunt separari. In partibus autem  
 integralibus fit separatio etiam substantialis, vt  
 cum diuiduntur partes, & resultant diuersa  
 indiuidua, ergo quando coniunguntur, non  
 erant identificata, sed unita, quia separabilia,  
 nec per identitatem vnum, sed per composi-  
 tionem, nec enim unitas identificationis addit  
 super unitatem compositionis nisi quod ista est  
 ex extremis separabilibus, illa caret extremis,  
 & ita non habet aliquid separabile, sed idem.  
 Et mirum est quod cum materia, & forma  
 componunt vnum non identificantur, sed vniun-  
 tur, & tamen sunt partes essentielles physicæ,  
 partes autem integrales non vniuntur, sed  
 identificantur cum tamen dicat D. Tho. ordi-  
 nari ad vnum totum constituendum quæst. de  
 spir. creat. art. 3. ad 14. Quare facta additio-  
 ne partium, & distinctione earum secundum  
 quantitatem, etiam fit unio substantialis inter  
 ipsas partes sic quantitativè distinctas, & con-  
 tinuatas, sicut facta diuisione, & separatio-  
 ne, fit etiam distinctio substantialis, & non  
 se.

solum accidentalis inter individua .

*Nec obstat* , quod aliquando S. Doctor videtur asserere , quod formæ aliquæ , seu naturæ habent hanc totalitatem partium per accidens , & ratione quantitatis , ratione verò essentia , seu substantiæ totum est in toto , & totum in parte , vt patet in 1. p. q. 76. art. 8. & 2. contra Gent. c. 72. & alibi sæpe , imò in 3. ad Anibaldum dist. 21. art. 1. ad 4. dicit quod in diuisione continui non fit omnino nouum corpus licet vnum diuidatur in multa . Respond. sensum D. Tho. esse quod tota forma , & substantia est in qualibet parte si sumatur secundum modum substantiæ sine quantitate posita tamen distinctione partium per quantitatem non negat D. Tho. fieri vnionem , & compositionem substantialem , non autem solam identificationem sicut etiam fit substantialis diuersitas si fiat diuisio per quantitatem . Et quando dicit in diuisione continui non fieri omnino nouum corpus , licet vnum diuidatur in multa , sensus est manifestus , quod non fit nouum corpus nouitate generationis ex materia , bene tamen nouitate multiplicationis , & diuisionis corporis , quia modo ponuntur in actu , quæ ante erant in potentia multa , & vnum in actu . Quare ante diuisionem non sunt plura in actu pluralitate existentia , & diuersi esse , sunt tamen plures partes substantiales pluralitate extensionis , & continuationis , quæ formaliter fit per ipsam quantitatem ordinantem partes , & continuantem ; ea tamen continuitate posita , fit substantialis vnio inter ipsas partes quatenus facta distinctione per quantitatem , illa entitas substantialis , quæ subijcitur parti quantitatis , in-

adaquate comparatur ad totum substantiale, & diuisibilis, & separabilis est ab illo, & propterea indiget vniri, & componere cum altera entitate sibi adiuncta, & hoc est dari vnionem, & non identificationem inter partes substantiales, supposita tamen distinctione facta per quantitatem.

Ex hoc autem patet ad agr. cuius occasione hæc omnia dicta sunt, scilicet, quomodo per nutritionem acquiratur pars substantiæ, cum rationem partis habeat à quantitate. Dicimus enim, quod per nutritionem acquiritur pars substantiæ, sed tamen affecta quantitate, & ita ex quantitate qua est affecta habet formalitatem partis; ex se autem solum radicaliter est pars, & per nutritionem formaliter, & directe non acquiritur formalitas partis, quæ est quantitas, sed entitas substantiæ inadæquate se habens ad totum, quæ radicaliter est pars, & subiicitur illi quantitati, à qua habet formalitatem partis; & rursus per nutritionem, illa entitas quæ habet formalitatem partis secundum quantitatem, trahitur ad esse totius per veram, & substantialem compositionem, & vnionem tanquam entitas inadæquate participans esse totius, & consequenter non vt totum, sed vt componens totum compositione substantiali, licet coordinationem, & formalitatem partis habeat per quantitatem. Itaque sicut generatio directe producit substantiam totalem, & indiuiduam licet in ratione diuisionis, & designationis à quantitate dependeat, & sub ea indiuiduetur, ita aggeneratio, seu nutritio respicit directe substantiam partialem, licet formalitas partis à quantitate dependeat ordinante,

&

& continuante partes, sicut indiuiduatio dependet à quantitate vt diuidente, & separante. Plura de hoc videri possunt cit. loco Logicæ q. 16. & q. 20. Phys.

### ARTICVLVS III.

*In qua actione consistat formaliter nutritio,  
& ubi resideat nutritiua facultas?*

**P**Lures actiones concurrere ad nutritionem, & augmentationem certum est, quarum aliquæ sunt præuiæ, aliæ consummantiæ; sicut etiam in generatione animalium plures, præcedunt actiones, non solum disponentes, sed etiam formas intermedias generantes quousque deueniatur ad vltimam in qua generatur ipsum animal. Cum ergo nutritio ad hoc tendat, vt alimentum conuertatur in substantiam alicui, & alimentum à principio sit valde dissimile, eget pluribus alterationibus, & decoctionibus, quousque assimiletur ipsi viuenti, & in eius substantiam conuertatur. Similiter cum substantia ipsa animalis habeat tot, & tam diuersas partes, quæ diuersa indigent mutatione alimenti, sicut aliter nutritur caro, aliter nervus, aliter ossa, aliter fit sanguis, aliter spiritus, aliter semen; oportet varias esse actiones, quibus alimentum distribuatur, & nutritio fiat.

*Breviter* autem (quia res ista magis ad Medicos pertinet) proponemus mutationes, quæ in alimento requiruntur, quodque totaliter conuertatur in partes solidas. Igitur antequam alimentum exuat formam inanimatam, & induat formam viuentis, præcedunt duæ muta-

tiones, altera in ore animalis, altera in ventriculo antequam transeat in formam sanguinis. In ore fit mutatio masticando, & conterendo cibum, alteratio autem fit per ipsam salivam, & humorem oris quæ ad alterandum cibum plurimum valent. Vt docet Galen lib. 1. de simplicib. c. 6. In ventriculo autem, qui habet substantiam nervosam, membraneam, fibrisque contextam ut facile contrahi, & dilatari possit, congregatur cibum deductus per fauces, & ibi fouetur calore ventriculi, sicut in lebece ad ignem res concoquuntur, quousque fiat ex alimento ibi posito massa quadam liquida, quæ vocatur chylus, esseque albi coloris, & ibi secer nitur, quod impurum, & grossum est ab eo, quod est magis purgatum, & succus ille magis defæcatus per venas quasdam, quas massaricas seu mesenterij vocant, detertur ad iecur, ut ibi transmutetur in sanguinem, quod verò cras sum, & excrementitium est, ad intestina de truditur, ut foras mittatur.

*Deducto* alimento in forma illa liquida à ventriculo ad iecur, transit ibi in sanguinem maiori virtute, & calore decoctus, & depu ratus, & ideo non potuit ista de coctio fieri in ventriculo, quia petit maiorem calorem, & vir tutem, ut magis purificetur transeundo in for mam sanguinis. In illa autem massa sanguina ria in iecore facta, refulcent etiam alij tres hu mores, scilicet flava bilis seu cholera; atra bilis seu melancholia, & pituita seu phlegma, de qui bus videri potest, Galen. 2. de naturalib. facul tatibus cap. 9. & lib. 4. de viis partium, cap. 3. An verò sanguis induat formam viventis, licet respectu partium solidarum, adhuc habeat  
esse

esse alimentum proximum dicemus statim.

*Ex iecore* fit multiplex, & varia distributio tam sanguinis, quàm aliorum humorum in varias partes corporis, & receptacula. Nam in primis natura separat choleram, & melancholiam, quæ ad nutrimentum aptæ non sunt, & emandat choleram ad folliculum fellis ipsi iecori vicinum, melancholiam ad splenem, pituita verò simul cum sanguine miscetur per corpus, & venas, quia facile in sanguinem mutatur. Quod si ex atra, aut flava bile non fiat discretio, sed pariter cum sanguine inuoluatur per venas inde confurgit ægrotudo, & mala animalis dispositio. Alius verò humor, seceratur ex iecore, qui cedit in larium, seu vrinam, eo quod è ventriculo descendit ille humor cum massa alba seu chilo, quasi eius vehiculum, & quia amplius non deseruit conuersa illa massa in sanguinem, redundat in vrinam, & foras emittitur. Scio aliquos negare, quod omnes quatuor humores fiant in hepate, sed solum languidem, cui cognata est hepatis conditio, quæ eiusdem coloris est. Sed tamen quod diximus, communiter sentit Medicorum schola, cum Galeno 2. de facult. cap. 1. tum propter experientiam, quia inueniuntur simul omnes quatuor humores in iecore ante massæ discretionem, tum quia virtus quæ est in iecore sicut habet efficaciam ad conuertendum materiam sibi ministratam à ventriculo in sanguinem, ita in reliquos humores, qui non sunt maioris perfectionis, nec maiorem decoctionem requirunt.

*Sanguis* autem, qui nutriendo animali deseruit, bitariam ex iecore diffunditur; pars trahitur

tur ad cor vt ibi formentur spiritus vitales ; qui purissimus, & delicatissimus sanguis sunt, & ad cerebrum , vbi spiritus animales generantur, qui ad functiones partis sensitiuæ , & sensuum operationis deseruiunt . Pars deriuatur per venas quæ varijs ramusculis totum peruadunt corpus, vt ipsi nutriendo deseruiat . Et primum ab ipsis venis sugendo attrahitur sanguis, deinde à partibus adhærentibus per poros: adiuturque ipsa pituita, quæ cum sanguine fertur vt perlabatur per venas, & per totum corpus . Et denique sanguis positus in poris transit à forma liquida in solidam , siue in carnem , siue in ossa, aut neruos, & similia; & tunc consummatur tota nutritio , quia pars solida non amplius deseruit pro nutrimento , sed solum est pars nutrita ; sanguis autem licet sit pars nutrita ex alimento externu, seruit tamen tanquam alimentum internum pro parte solida nutrienda .

*Denique* sanguis attractus ad cor maiori virtute decoquitur, ita vt purissimus euadat, fiuntque spiritus vitales ad pulsationem requisiti, & ad functiones vitæ , quia in eis præcipue residet calor vitalis, siquidem à corde non poterat calor deriuari , nisi per aliquem liquorem seu humorem in quo talis calor viuificus insideret; & sicut calor ille est purior, & viuidior, vt potè ab ipso principio vitæ profectus , ita maxime depurat , & attenuat ipsum sanguinem , in tantum quod spiritus mortuo animali euanescent propter tepiditatem suam . Similiter quia cerebrum est principium vitæ sensitiuæ , sanguis eò delatus per venas, maxime purificatur, fiuntque spiritus animales , quibus calor ad sentiendum requisitus ad sensus , & ad neruos

de-



defertur, & in istis spiritibus insident imagines, seu species, siquidem dormientem animali per commotionem spirituum, variaz formaz offeruntur, quæ somnia efficiunt. Scio Arist. sentire sanguinem non in iecore formari, sed in corde, in eoque etiam effici spiritus, tum vitales, tum animales, quia putat cor esse principium vitæ sensitivæ. Medici tamen censent officinam sanguinis esse iecur, ibique formari, tum ipsum, tum alios tres humores, quia iam ibi habet colorem rubeum, & inde distribuitur per venas, in quibus verus sanguis inuenitur. In corde autem generari non sanguinem absolute, sed purissimum qui sunt spiritus vitales, in capite autem fieri animales. Hæc sufficit breuiter delibasse pro intelligendo artificio nutritionis. Plura de his apud Medicos videri possunt, & apud Conimbr. sup. c. 5. de gener. q. 3. Rubio tract. de augment. q. 1. & 7.

*His positis*, restat explicandum an nutritio solum consistat formaliter, & proprie in illa vltima conuersione, quâ alimentum internum conuertitur in partem solidam, an etiam in illa conuersione, qua alimentum externum conuertitur in sanguinem, & humores, quod dependet ex illa celebri quæstione an sanguis informetur ipsa anima, vel tantum sit humor nutritivus; ex quo etiam deducetur in qua parte tanquam in subiecto sit facultas nutritiva. Quomodo verò in ipsis poris fiat nutritio, & aliorum humorum emissio, dicemus infra articulo 5.

*Ad hanc ergo quæstionem. Dico primo*, Nutritionem ibi proprie, & formaliter inueniri, vbi alimentum transit in partem solidam, ita

quod non amplius remanet alimentum, sed  
 alicum, & nutritum: imperfecte tamen, & in-  
 choatiue inuenitur nutritio in ipsa sanguinis,  
 & humorum formatione iuxta sententiam  
 quam statim approbabitur, quod sanguis ani-  
 matur. Itaque de actione nutritiua loqui de-  
 bemus sicut de generatiua in uiuentibus, sicut  
 enim generatio non perficitur vnica actione,  
 sed pluribus, quæ per diuersas formas transeunt  
 vsque ad vltimam, in qua consummatur ge-  
 neratio, vltima forma introducta, vt explicat  
 S. Tho. q. 3. de potent. art. 9. ad 9. constat enim  
 quod prius disponitur materia seminis, & san-  
 guinis, & efformantur membra, & introducitur  
 forma embryonis, & tandem forma anima-  
 lis perfecti; ita in nutritione prius alimentum  
 diuersis dispositionibus transmutatur; & diuer-  
 sas formas substantiales induit, nec enim ea-  
 dem forma substantialis, quæ erat in pane, vel  
 in alio cibo manet in massa liquida, quæ fit in  
 Ventriculo, & multo minus in sanguine. Spe-  
 cialiter autem cum nutritio essentialiter habeat  
 fieri ex alimento, oportet quod ibi consumetur  
 nutritio vbi consumitur alimentum, transi-  
 que in rem aliam, tunc autem transit in illam,  
 quando non amplius manet nutrimentum, si  
 enim nutrimentum manet, adhuc non est con-  
 summate nutritum, sed nutritibile, restatque  
 aliud transmutandum, vt pure nutritum sit, ibi  
 ergo consummatur nutritio, vbi fiunt partes  
 solidæ, quia partes solidæ, ita sunt nutritæ,  
 quod amplius non nutriunt, nec se habent vt  
 nutrimentum, sanguis autem si nutritur, etiam  
 vltcrius potest esse nutrimentum.

*Ex quo deducitur facultatem nutritiuam  
 iux-*

iuxta diuerſas functiones quas exercet, in diuerſis organis ſeu partibus debere poni. Etenim facultas naturalis, pro ea parte, qua facit ſanguinem, qui ita eſt nutritus, quod etiam eſt nutrimentum partium ſolidarum, eſt in iecore, quia ibi eſt virtus formatiua ſanguinis. Virtus autem formatiua ſpirituum, & nutritiua illorum eſt in corde, quia ibi ſpiritus formantur, & inde diſtribuuntur. Similiter facultas nutritiua ſpirituum animalium eſt in illa parte ubi talis ſpiritus formantur, nempe in cerebro, ut iam ſupra diximus. Denique facultas naturalis quæ conuertit ſubſtantiam humidam, ſcilicet, ſanguinem in partes ſolidas eſt in toto corpore diſfuſa, & in ipſis partibus ſolidis quæ agunt in ſanguinem, vel humorem alium poſitum in poris, & inde coagulant illum in partem ſolidam, ſicut caro nutritur ex ſanguine poſito in poris, & aliæ partes ſolidæ, ut oſſa, nerui, cartilagineſ, & alia ſimilia ex proportionato ſibi alimento.

*Dico ſecundo*, probabilius eſt ſanguinem, & ſpiritus viuere, & informari forma animalis ſaltem quoad gradum vegetatiuum. Diſtinguimus ſolum iſtum duplicem ſanguinem, quorum primus eſt nutritiuaſ, & habet veram formam ſanguis, nam ſi quis alius inuenitur illo imperfectior non eſt verus ſanguis, ſed humor non plenè decoctus, licet aliquo modo ſanguini immixtus, & eius colore tinctus. Hanc conſiſionem negant aliqui exiſtımantes ſanguinem etiam ſpirituolum non viuere, ſed eſſe in venis, & corpore ſicut aquam in vaſe. Ita **Cornib.** cap. 4. huius lib. q. 24. ar. 2. cum alijs multis, quos citant, & **Rubio** tract. de augmen. q. 5.

Et fundatur 1. in Arist. in 2. de part. animal. c. 3. qui dicit: *Quod sanguis non est continuus carni, neque cognatus, sed in corde, ac venis quasi in vase continetur*, & in 2. de hist. animal. c. 19. inquit: *Quod palpitat intra venas sanguis omnium animalium, pulsuque simul undique movetur*. Secundo, quia sanguis est quid liquidum, ergo non potest continuari corpori solido, sed in eo contineri. Tertio, quia sanguis est alimentum pro partibus solidis, ergo non potest habere eandem formam cum illis, siquidem de ratione alimenti est, quod conuertatur in substantiam aliti, ergo transit de una forma ad aliam, & consequenter non habet eandem formam cum re nutrita. Denique videmus, quod quando sanguis emittitur e vena extra corpus, continuatur is qui fluit extra cum eo qui est in vena, sed qui est extra non animatur, ergo neque qui est intra.

*Nihilominus* oppositum est probabilius, & conformius D. Tho. qui sentit sanguinem pertinere ad veritatem humanæ naturæ, & ideo connumerat illum cum alijs partibus quæ reſurgunt in homine tanquam partes humanæ naturæ, ut patet in 3. p. q. 54. art. 2. & quodl. 5. art. 5. & in 4. dist. 44. q. 1. art. 2. vbi optime distinguit de sanguine, seu humore prout est in statu transmutationis de forma humoris in formam membri, & sub hoc statu non resurget, sed secundum se ut habet formam determinatam sine statu transmutationis, sic resurget. Quando autem dicit D. Thom. 3. p. q. 31. art. 3. ad 1. quod *sanguis non est actu pars, sed potentia tantum*, ipse se statim explicat, quod sanguis est potentia caro, ex sanguine enim fit caro,

caro, & ita sanguis non est actualis pars. Et cum 1. p. q. 119. art. 1. ad 3. inquit: *Quod humidum nutrimentale modum peruenit ad suscipiendum perfecte naturam speciei, sed est in via ad hoc sicut sanguis*, bene ibi aduertit Caiet. non dixisse D. Tho. absolute quod non participat naturam speciei, sed quod non perfecte participat, & ita non concluditur quod non sit pars animata, sed quod non sit perfecta pars sicut membrum, seu caro. Sequuntur D. Tho. communiter eius discipuli Caiet. cit. locis. & Mag. Bannez 1. de gen. cap. 4. q. 13. ar. 5. Et pro eadem sententia stat Arist. in ultimo loco nuper allegato pro sententia contraria, ubi expresse dicit, quod sanguis animatur, & feruet, ergo sentit ita contineri in venis, quod etiam animatur ab anima. *Et ratio est*, quia sanguis participat accidentia vitæ, habet enim calorem, imò est caloris vehiculum, augetur etiam, & crescit ut quotidie experimur, & mouetur in toto corpore; pertinet etiam ad veritatem naturæ animalis multo magis quam ungues, & pili, qui tamen informantur eadem forma totius, licet non eodem gradu, quia non sentiunt, ergo non est aliqua ratio, cur dicamus non informari sanguinem eadem anima, licet non eodem gradu. Item est magnum inconueniens, quod ad constituendum vnum corpus, & naturam, quæ est vnum ens simpliciter concurrat aliquid, quod non informatur eadem forma, & consequenter non est continuum, sed contiguum alteri, sic enim ex sanguine, & ex alijs partibus non cunsurget vnum ens per se; sed vnum per accidens, scilicet, constatum ex diuersis rebus discontinuis, natura autem anima-

His est vna tanquam vnum ens simpliciter, ergo sanguis non pertinet ad veritatem humanæ naturæ, quia non pertinet ad veritatem eius simpliciter. Nec obstat dicere, quod sanguis est pars non integralis, neque essentialis, sed vt quid necessarium ad seruandam vitam. Nam quomodocumque appelletur, non informatur eadem forma totius, nec continuatur in eodem supposito, sed solum aggregatur illi vt res distincta, ergo non componit vnum simpliciter cum alijs partibus, & consequenter non pertinet ad veritatem talis naturæ, quia non componit, nec constituit illam, sed se habebit sicut dispositiones, quæ etiam requiruntur ad conseruandam vitam.

*Sed inquires*, an hoc quod dicimus de sanguine intelligendum sit de alijs humoribus, & etiam de lacte, & semine, & qua vita dicantur viuere. *Respond.* omnes istos humores, qui cum sanguine, vel ex sanguine generantur vitali forma informari, habent enim accidentia vitæ, & nutriuntur, atque augentur, sicut constat de lacte, & semine, quæ augentur, & calorem vitalem participant quandiu sunt intra animal, & similiter est de cholera, & pituita, quæ pertinent ad integritatem, & compositionem corporis animalis, quod non minus est ex quatuor humoribus, quam ex quatuor elementis.

*Nec obstat*, quod dicit S. Tho. 1. p. q. 119. ar. 2. quod semen non informatur anima, & idem docet in 3. de potent. art. 2. & similiter in 4. dist. 44. q. 1. art. 2. q. 3. docet quod lac, & semen non resurgunt in hominibus. Non inquam obstat, quia sentius est quod semen non informatur anima perfecte; sicut caro, & reliqua

mem-

membra, sed imperfecte, & cum tendentia ad  
 vltiorem informationem, vel formationem,  
 quia semen est in potentia, vt ex eo fiat caro,  
 & membra fetus. Atque ita in eo gradu, &  
 ratione, qua sanguis dicitur informari anima,  
 licet ex eo nutrantur partes, & fiant membra,  
 pertinet etiam semen, licet ex eo formetur fa-  
 tus, dicit enim D.Th. in 2. dist. 30. q. 2. ar. 2. ad 2.  
*Quod sanguis aliquo modo dicitur esse de sub-  
 stantia generantis, & multo amplius semen  
 quod est ad vltiorem digestionem perductum.*  
 Quare si in sententia S.Th. sanguis informatur  
 anima licet non secundum omnem gradum, à  
 fortiori semen, aliàs non verificaretur, quod  
 generans de sua substantia generat filium, si  
 semen non est substantia eius, sed distinctum  
 suppositum sicut aqua in vase, ita quod non  
 decidatur, nec diuidatur à toto, quia ei non  
 continuatur. Sed tamen est aduertendum,  
 quod sicut in sanguine consideratur, & ipsa  
 substantia sanguinis, quæ informatur anima, &  
 status eius quatenus est in transmutatione, &  
 via ad nutriendum, & formandum membrum,  
 scilicet, carnem vel ossa, & in hoc statu non  
 resurget in hominibus quia est status corrupti-  
 bilitatis, non integritatis naturæ, ita neque re-  
 surget semen, & lac, quia sunt humores solum  
 deseruiantes statui generationis, & corruptio-  
 nis. Vnde videmus sine ipsis saluari veritatem  
 humanæ naturæ, sicut in pueris non est semen,  
 quia totum nutrimentum ipsis necessarium est  
 ad augendum corpus, & in his quæ non ge-  
 nuerunt non est lac, sed hoc non obstat, quia  
 etiam sine manu, aut pede saluatur essentialiter  
 humana natura, & tamen informantur eadem  
 ani-

anima, & pertinent ad eius integritatem. Semen tamen decedens, & lac emissum perdunt actualem informationem vitæ, quia discontinuedur à viuento, sed nos loquimur de illis quoad sunt coniuncta & non emissa.

Quando autem inquiritur quo gradu vitæ informantur isti humores. Respondetur, quod informantur gradu vitæ imperfecto, scilicet, vegetatiuo, quia non sentiunt sicut neque ungues, & capilli, sed crescunt, & nutriuntur, & ita sanguis, quando extrahitur non dolet, sicut nec capillus, quando tonditur. Quare D. Th. in loco nuper citato ad 3. inquit: *Quod humores sunt de perfectione corporis humani, sicut, & alia partes, quamuis non perveniat ad totam perfectionem sicut alia partes. Sicut autem partes omnes universi perfectionem à Deo consequuntur, non equaliter, sed secundum suum modum unumquodque, ita etiam humores à quo modo perficiuntur ab anima rationali, non tamen eodem modo, sicut partes perfectiores. Qui locus manifestissimus est pro nostra sententia, nec enim perficiuntur ab anima rationali, nisi ut à forma.*

*Ad fundamenta oppositæ sententiæ respondet. notando sententiam Caiet. 1. p. q. 119. ar. 2. quam sumpsit ex D. Tho. dist. 44. cit. quod in sanguine, & similibus humoribus est duplex respectus, seu officium, nam, & habent rationem partis integralis, licet minus perfectæ, & habent rationem viæ, & tendentiæ ad perfectiores, quæ ex imperfectioribus formantur, sicut elementa in mundo comparantur ad mixta, ut corpora minus perfectæ ex quibus mixta formantur, sunt tamen partes universi, licet minus*



nus perfectæ. Et in toto quantitativo linea, & superficies veræ sunt partes in suis extensionibus, tamen respectu profunditatis, seu corporis sunt termini, seu indivisibilia, ita non repugnat aliquid quod absolute sit vera pars in corpore, & tamen comparative ad alias partes perfectiores sit materia ex qua formantur, & ita sanguis est pars imperfecta, & præbens materiam ex qua aliæ partes solidæ formantur. Quod alio modo distingui potest de sanguine, quoad substantiam, vel quoad statum transmutationis de liquido in solidum, & primo modo est pars in se, secundo modo est deserviens parti perfectiori.

*Sic ergo* dicimus ad auctoritates Arist. quod sanguis est intra venas sicut aqua in vase quantum ad rationem liquidi, sed tamen ut liquor animatus, quia ut ibi dicit Arist. sanguis animatur, & feruet in venis. Nec obstat quod aliquando sanguis exsudatur tanquam sudor, & excrementum. Respond. enim quod vel ille humor non est sanguis perfectus, & excoctus, sed adhuc informis, licet colore sanguinis tinctus ex laxatione nimia corporis, qua ille humor sanguine permisceatur eiusque colore tingitur; vel si sudatur verus sanguis, id contingit, aut ex ruptione venæ, aut ex nimia pororum laxatione in quibus sanguis continetur non quia in se excrementum sit.

Ad primam rationem resp. quod licet sanguis sit substantia liquida, potest tamen alijs membris continuari mediantibus fibris, quæ in corporibus animalium habentium crassum sanguinem, ut in tauris manifestius apparet. Item continuatur alijs membris in suo principio, sci-

scilicet, in iecore, & in corde, vbi sanguis decoquitur, & ibi animæ informationem habet, & continuatur, licet quia liquidus est, dicatur esse in illis vt in vase. Tertio, continuatur in poris cum membris solidioribus, quatenus paulatim coagulatur, & solidatur cum illis. Nec est inconueniens partem solidam continuari coagulata, & coagulata liquidæ, sicut lac dum ex vna parte concrefcit, continuatur alteri parti liquidæ, & pars aquæ congelatæ alij parti adhuc liquidæ. Quod verò additur de sanguine dum emittitur è venis, & de lacte dum exprimitur, & de semine dum ei aculatur. Respondetur, non continuari tales humores extra missos, sed decidi, & ita licet videantur continuari sanguis, qui est in vase, & qui est in aere, & qui in vena, ibi tamen dum è vena erumpit, corrumpitur, & amittit vitam, aliamque formam induit, sicut cadauer, licet aliquid caloris, vel similis virtutis retineat. Neque hoc est mirum cum etiam membrum aridum videatur continuari sano, & virga sicca viridi, & tamen non continue, sed contigue se habent, quia habent diuersas formas. Discontinuat autem sanguis, quia rumpuntur fibræ quæ tenuissimæ sunt, & sic decedit à vena, mutaturque in aliam speciem, & formam, sicut cadauer.

*Ad secundum fundamentum* dicitur, quod sanguis est nutrimentum intrinsecum, & decoctum non extrinsecum. Non est autem inconueniens, quod nutrimentum in sua vltimæ decoctione sit informatum anima, non quoad gradum perfectum, sed quoad vegetatiuum, transit autem in formam membri solidi, quod nutrit non induendo nouam formam, sed nouum

ium gradum, & nouum modum informationis substantialis. *Et cum vrgetur*, quod tunc nutritio vltima qua fit conuersio in partem solidam non erit substantialis mutatio, quia non est à priuatione formæ ad formam. *Resp* quod est substantialis mutatio perfecte, & consummative, & à priuatione gradus perfecti ad perfectum. Vt autem inueniatur ibi transitus à priuatione formæ ad formam, sumenda est tota collectio mutationum à mutatione cibi, seu alimenti ex tertia vsque ad vltimam mutationem in formam carnis, vbi est vltimus terminus intentus, licet quia paulatim fit, quando est in vltimo complemento iam non est mutatio de forma in formam, sed de priori gradu formæ in vltimum, seu in modum informandi perfectum, & substantialem, quod etiam substantialis mutatio dici potest.

#### ARTICVLVS IV.

*Virum augmentatio dum durat, & nutritio tota vita sint successiue, & continuæ.*

**D**Vplex est controuersia de continuitate horum motuum, Primo an durent continue, idest toto vitæ tempore. Secundo, an sint motus continui, & successiui, idest non discreti, nec instantanei, sed diuisibiliter, & per partes continuentur, & rursus an si per partes continuantur, habeant continuitatem regularem, idest quod si tantum acquiritur in tanto tempore, dimidium in medietate acquiratur, & quarta pars, in quarta parte temporis, an verò irregulariter, sicut cum excavatur lapis à gut-

guttis cadentibus, ita tollitur pars lapidis in hoc tempore, quod tamen in medietate temporis non tollitur dimidia pars lapidis, sed disponitur toto illo tempore, ut in ultimo tollatur.

*Quoad primum* duo videntur certa. Primum quod nutritio per se loquendo, & nisi aliquod impedimentum per accidens obftet, durat toto vitæ tempore post primum instans, & post aliquantulum temporis, quod requiritur ut alimentum apponatur, & disponatur ut conuerti possit in substantiam aliti, in quo tamen tempore incipit alteratio, & dispositio ad alimentum conuertendum, & sic iam inchoatiue est nutritio. Secundum est quod augmentatio non durat toto vitæ tempore secundum quod à nutritione distinguitur. Primum probatur, & explicatur ex Arist. dicente in hoc 1. libro: *Quandiu saluum manet animal, etiam si decretionem subeat, nutritur, sed non semper crescit*, ubi etiam videri potest S. Tho. lect. 17. Et explicatur sic, quia non est necesse, ut ita duret nutritio toto vitæ tempore, quod si in quocumque etiam breuissimo tempore non detur, pereat animal, sed quod semper sit indigentia alimenti, & nutritionis, quandiu viuit animal, ita ut in nullo statu vitæ ponatur terminus huic indigentiae naturaliter loquendo, sicut naturaliter ponitur status, & terminus augmentationi, ita ut amplius non crescat. Quod si aliquo tempore cessat, vel propter morbum, & debilitationem, vel propter carentiam alimenti, non statim peribit animal, incipiet tamen in statu corruptionis esse. *Ratio*, huius perpetuae necessitatis præter quotidianam experientiam, sumitur ex ipso viuendum

tiū temperamento , quod constat calido , & humido, & calor debet esse abundans, eò quod functiones , & operationes viuentium calore ministrantur : calor autem propter sui acrimoniam agit in humidum , atque illud depascit, sicut videmus in igne, qui lignis, aut oleo, aut alijs combustibilibus conseruatur , & ita si humidum ipsum in viuentibus non instauretur, etiam euanescet. Et ideo quia calor continuè perdit de substantia humidi , si debet durare, oportet , quod continuo conuertat alimentum extrinsecum, aut intrinsecum in suam substantiam, ipsumque intrinsecum alimentum si continuè non sustentetur , & foueatur ab extrinsecò , breuī peribit. Et hæc est ratio , quare nutritio toto vitæ tempore duret , quia toto vitæ tempore aliquid deperditur per calorem consumentem humidum , & consequenter deperditum indiget reparari. Sed quia non semper æqualiter calor agit in humidum , nec semper est eadem dispositio caloris , vel humidi , nec appositio alimenti , in hoc est latitudo, & aliquando interruptio, licet non statim moriatur animal sed incipit disponi vt moriatur, si desit alimentum. Vnde etiam colligitur ratio quare aliqua animalia , dicuntur aliquibus temporibus sine alimento viuere, vt glires, vrsi, aliqui serpentes , etsi qui similes ( si historię veræ sunt ) hoc enim ideo est , quia licet externum alimentum non recipiant , habent tamen internum aliquem humorem crassiores, seu pituitam , quæ tempore illo à calore naturali concoquitur vice alimenti , & ob caloris defectum lentè, & paulatim illum consumunt. Si qui verò homines dicuntur plures dies vi-

xisse,

xiste, aut annos sine cibo, vel id fabulosum est, vel causam naturalem non habuit, sed vel per verum miraculum, vel à Dæmone, cibi aliqui ministrati sunt, aut ipsi sibi occulte ministrabant, aut ob aliquam caloris naturalis debilitatem, ita parum consumeabant, vt viderentur non comedere.

Quod vero augmentum non dureret toto tempore vitæ experientia manifestum est, & asseritur ab Arist. loco nuper citato, & 3. de anima sec. 59. & à D. Thom. super eadem loca, & 2. 2. q. 147. art. 4. ad 2. & in dist. 30. q. 3. art. 1. ad 5. & 1. p. q. 119. art. 1. ad 4. Quod semen non informatur anima, & idem docet in 3. de potent. art. 1. 2. & similiter in 4. dist. 44. q. 1. art. 2. q. 3. Et fundamentum deducitur, tum ex continua reactione, qua alimentum ipsum agit in calorem naturalem, siquidem ipsum debilitat, & minuit, calor autem deficiens non potest tantum de alimento conuertere, quantum deperdit; & sic non potest augeri animal: augmentum enim prouenit ex eo quod plus acquiritur, quam deperditur tum etiam, quia id quod acquiritur; cum sit extraneum etiam suas qualitates imprimit humido nutrimentali, quod aduenit de nouo, & sic non est ita purum, sicut humidum primum radicale: vbicumque enim sit mixtio extranei non ita purificatur virtus, sed per ipsam mixtionem languescit, & mutatur, & consequenter relinquitur illa virtus minus conducens ad augendum quia, virtus permixta, & extraneata minus potest se explicare, & augeri, quàm fortis, & pura: tum denique, quia si viuientia semper augerentur acquirerent tantam quantitatem, quod non poss.

possent vñica anima eam informare, & ab vñō corde viuificare nisi eius virtus etiam augeretur, & fortificaretur, vnde quanto magis viueret animal, tanto adhuc posset diutius viuere secundum naturam, quia maiorem haberet virtutem.

*Sed obijciēs*, quia si calor naturalis debilitatur per continuam reactionem alimenti, & ideo minus de alimento conuertit, etiam minus de humido consumit, in eodem enim calore fundatur, quod consumat de proprio, & acquirat de alieno, & consequenter non bene inferitur cessare augmentum, quia plus perdit, quam restaurat, siquidem ea ratione, qua non restaurat propter debilitatem caloris, neque etiam consumit. Secundo, quia videmus iuuenem habere fortio rem calorem, & melius alimentum decoquere, quam infantem, & tamen infans augetur, non iuuenis, ergo male fundatur ista ratio in fortitudine, & perfectione caloris. Tertio quia noua materia addita, additur viuenti nouus calor, ergo, & noua virtus, ergo quando augetur animal non decrescit virtus, sed augetur, diminutio autem accedit ex debilitatione virtutis, non autem debilitatur, sed crescit crescente subiecto, & sic in quacunque nutritione, cum noua pars aggeneretur præexistenti, nouum etiam augmentum, & noua virtus ei aduenit. Denique quia posset animal sustentari cibo facilis digestionis, quando perueniret ad terminum augmenti, & tunc facilius conuerteret tale alimentum, quam perderet de propria substantia, ergo tunc augetur.

*Ad primum respondet*, calorem debilitatum  
mi-

minus consumere de humido nutrimentali, & aduentitio, præsupponitur tamen plus sump-  
fisse de radicali, quando peruenit ad illum sta-  
tum caloris debilitati per ætatem. De humido  
autem aduentitio, quanto minus consumitur,  
tanto magis animal grauatur, indeque potius  
generantur morbi, & tandem animal moritur.  
Similiter quanto magis calor debilitatur, tan-  
to difficilior decoquit alimentum extraneum,  
quia magis dissimile; & crassius est, facilius  
autem consumit humidum proprium, & partes  
suas, sunt enim facilioris euaporationis à calo-  
re naturali. Tempore autem quo durat aug-  
mentum, quia purior adhuc est substantia, &  
humidum radicale, consequenter calor vitalis  
magis virtuosus, & purior est, ideoque plus po-  
test de alimento conuertere, quam de propria  
substantia perdere.

*Ad secundum respond.* Quod calor in iuvene  
est fortior quasi accidentaliter, non quasi es-  
sentialiter, idest entitative, & in ratione calo-  
ris est fortior, sed non vitaliter, quia non est  
ita purus propter admixtionem extranei, licet  
propter maiorem soliditatem, & densitatem  
partium corporis, & plurimetiam partium calor  
in iuvene fortior sit, & vegetior, pluresque  
actiones operetur, quæ maius robur postulant.  
Et quia humidum aduentitium minus consu-  
mitur à calore, ipsumque magis impurum red-  
dit, ideo nec tantum perdit de isto humido  
quantum adolescens, vel infans, nec tamen  
plus acquirit de augmento. Nec obstat, quod  
aliquando cessante statu, & ætate augmen-  
ti pinguescat animal quod etiam pertinet ad aug-  
mentum, crescit enim in latera. Sed respon-

de



detur: Quod animal non dicitur augeri nisi quando crescit secundum longitudinem, ita quod ossa, & partes solidiores fiant maioris quantitatis, augmentum verò illud in sola pinguedine, vel carne, etiam si diffundatur in latera, & multo magis si solum crescat in humore aliquo magis turgido, non est augmentum simpliciter, & quo ad omnes partes animalis, sed solum secundum quid, & quoad aliquam partem, scilicet, quoad carnem, vel humorem, &c.

*An verò dentes semper crescant?* Arist. affirmat lib. 2. de gener. animal. c. 4. & saltem non decrescunt, quia propter necessitatem cibi conterendi providit natura, ne ipso continuo attrito decrescant, sed aliunde suppleatur eorum defectus, aliàs, totaliter deficerent cum animalis dispendio.

*Ad tertium respond.* Quod calor de nouo adueniens in materia acquisita non est eiusdem puritatis, & efficaciar in ratione vitalis, sicut primus calor insitus, in quo generatur viuens, licet propter spissitudinem, & soliditatem sit fortior, sicut calor in ferro candenti, sed non secundum vim vitalem, in hoc enim magis, ac magis debilitatur ipsa continua reactione, & repensione, neque enim in quocumque calore consistit perfectio vitalitatis, siquidem si nimis excrescat potius interit animal. Illud ergo temperamentum vitalitatis numquam ita perfecte inuenitur in materia acquisita, sicut in primo insita, & generata.

*Ad quartum dicitur;* Quod cibus quantumcumque delicatus, aut facilis digestionis semper est impurior ipso humido radicali, & insito.

Vnde

Vnde licet ex hoc possit dilatari vita, si minus impurum reddatur humidum ex cibo minus crasso, & indigesto, tamen tandem consumetur, quia aliquid impuritatis miscetur, & solum proprium erat arboris vitæ humidum radi cale ad illam priorem puritatem reducere.

*Circa secundam difficultatem, scilicet, an nutritio, & augmentatio sint motus successiui, & continui à tempore, quo animal incipit nutriri. Aliqui existimant non esse motum continuū, nec successiuum. Quam sententiam sequitur Tolet. 1. de gener. q. 11. & Ponponatus lib. 1. de nutrit. & augment. c. 19. & alij, & probatur primo ex D. Tho. 2. 2. q. 24. art. 6. ubi inquit: *Augmentum corporale in animalibus, & plantis non est motus continuus, ita, scilicet, quod si aliquid augetur in tanto tempore necesse sit, quod proportionaliter in qualibet parte illius temporis aliquid augeatur sicut contingit in motu locali, sed per aliquod tempus natura operatur dissonans ad augmentum, & nihil augens actu, & postmodum producit in effectū id ad quod disposuerat augendo ipsum animal, vel plantam in actu.* Ita D. Thom.*

*Secundo probatur ratione difficili. Quia si nutritio sit motus successiuus, & continuus, sequitur quod substantia alita incipiat per ultimum non esse, & substantia alimenti desinat per ultimum esse, utrumque autem repugnat modo incipiendi, & desinendi substantiæ. Sequela constat, quia motus successiuus non incipit in instanti intrinseco, quia in instanti non datur successio, & sic non est verum dicere, nunc est, quod pertinet ad primum esse, sed nunc non est, immediate post erit, quod pertinet*

finet ad vltimum non esse. Similiter cum ad incoptionem nutritionis desinat nutrimentum, quia quandiu non est nutritio, nutrimentum non est conuersum; si est verum dicere nunc non est nutritio, & immediatè post erit, etiam erit verum dicere, nunc est nutrimentum, & immediatè post non erit, ergo nutrimentum desinet per vltimum esse. Min. verò probatur, quoad primam partem, tum quia omnis substantia incipit per primum esse, vt diximus in 6. *Physic.* neque enim minus consistit in indiuisibili substantia vt aucta, quam vt primo generata, nec minus procedit de priuatione ad formam, quod est carere latitudine, nec minus exigit determinatam quantitatem, atque adeò non potest in quauis minima introduci. Deinde quia si in aliquo instanti est verum dicere, nunc non est forma viuientis in alimento, & immediatè post erit, vel in illo instanti est completa, & vltima dispositio, vel non si est, ergo, & forma, quia vltima dispositio non est sine forma. Si non, ergo vel deest aliquid diuisibile, vel indiuisibile: si indiuisibile, non poterit incipere immediatè post, quia immediatè post non sequitur indiuisibilis duratio: si diuisibile, ergo immediatè post non incipiet, si quidem prius immediatè post incipiet medietas illius diuisibilis, quam tota, ergo immediatè post non erit tota, & completa, atque adeo nec vltima dispositio. Quoad secundam verò partem probatur, quia si aliqua substantia desinit per vltimum esse, sequitur vel dari duo instantia immediata, scilicet, instans vltimum desinitionis, & primum incoptionis sequentis formæ, aut dari materiam sine forma pro ali-

qua duratione si desinente vna forma, altera expectat aliquod tempus vt incipiat.

*Denique* sequitur, quod alimentum possit desinere, vel forma viuentis introduci antequam materia sit plene disposita, quia si disponitur successiue, & continuè, & sic conuertitur alimentum in substantiã alicui, quando peruenit ad vltimas partes alimenti, in quibus conseruari possit versus minimum, prius attingetur medietas vnius partis motu successiuo, quam alia medietas, ergo in illa vltima medietate desinet alimentum ratione minimi antequam introducatur vltima dispositio, siquidem hæc successiue introducitur.

*Postremo* suffragatur Arist. qui 8. Phys. tex. 23. docet diminutionem continue non fieri, exemplo lapidis excavati à guttis cadentibus, quæ non continue diminuunt partes lapidis, ita vt si tanto tempore extrahatur tanta pars in medio illius temporis extrahatur medietas, sed toto illo tempore disponitur, & in vltimo pars extrahitur, ergo idem dicendum erit de augmentatione.

Omitto inconueniens, quod aliqui inferunt: quia si nutritio incipit immediate post instans, alteratio desinit in illo instanti, quia immediate post iam est substantia, ad quam disponebat alteratio. Omitto hoc, quia iam supra q. 1. diximus, vltimam dispositionem non introduci ab alteratione formali, sed ab ipsa generatione substantiali, quæ est alteratio eminenter, quia introducitur simul cum forma substantiali. Vnde in ea duratione, quia introducitur forma substantialis siue in instanti, siue post instans iam est vltima dispositio, & desinit alteratio, quæ

quæ immediate ante ponebat aliquid infra dispositionem vltimam.

*Nihilominus* dicendum est augmentationem, & nutritionem esse mutationes successiuas, & continuas, prout ly successiuum, & continuum opponitur instantaneo, siue vnico instanti, siue discretis, non tamen est continuum, si ly continuum dicat regularem proportionem, ita vt si augeatur tantum in tanto tempore, in medietate eius augeatur dimidium, & in quarta parte temporis quartum: sed nutritio, & augmentatio admittit irregularitatem, & consequenter aliquid discontinuationis propter dependentiam, quam habet nutritio à dispositione alimenti, quæ non semper est æqualis, & à virtute subiecti, quod quandoque infirmatur, & non semper est in eadem dispositione. Hæc conclusio secundum vtramque sui partem explicat mentem Philosophi, & D.Th. Nam pro ea parte, qua Philosophus ponit augmentationem esse motum proprie dictum 5. Phys. c. 2. consequenter affirmat non esse instantaneum, nec per sola instantia fieri, vnde expresse D.Th. 3. p. q. 33. art. 1. in corp. & ad 4. affirmat, *augmentationem non esse afectionem instantaneam, sed successiuam*. Idem est autem de nutritione, quæ augmentationem concomitatur. Quod verò non sint motus continui in secundo sensu idest regulares, & secundum proportionem assignatam constat ex locis Aristot. & D. Tho. allegatis in primo, & vltimo argumento.

*Ex his* sumitur fundamentum conclusionis, quod est duplex: Primum, quia augmentatio est verus motus, vt distinguitur contra muta-

tionem, vt in 5. *Phys.* citato dicit Arist. & nos probauimus ibi q. 19. sed motus non potest esse in instanti vt ibi probauimus q. 14. & 21. ergo augmentatio est motus successiuus.

*Secundum* fundamentum est, quia ad nutritionem, & augmentationem non requiritur determinata quantitas, sicut ad primam generationem, ergo augmentatio, & nutritio successiue debet fieri diffundendo qualitatem vni-formiter difformiter. Anteced. probatur, quia in nutritione, & augmentatione supponitur viuens habere iam quantitatem requisitam ad suam consistentiam, quia tam quoad organa, quibus operari potest, quam quoad debitam mensuram ultra minimum, in quo esse non potest, ergo iam non requiritur determinata quantitas in alimento conuertendo, neque propter ipsius viuentis exigentiam, quia iam habet sufficientem quantitatem ultra minimam, neque propter partem de nouo aggregandam, siquidem non magis requiritur quantitas vt informetur de nouo pars aggreganda, quam vt iam aggregatae contineantur sub forma, quando enim adueniunt de nouo, & vniuntur tanquam partes adueniunt, ergo non exigitur ad illas maior quantitas, quam vt partes totius esse possint, & cum alijs partibus eorum componere, vt autem aliquid possit esse pars non requiritur determinata quantitas, ergo neque vt aggregetur tanquam pars. Imò quanto minor est pars, tanto perfectius ager in illam, & conuertet in se sicut ignis minores partes suppar, vel ligni conuertit in se, neque expectat vt ad determinatam partem crescant, ergo ad aggenerandum rei iam productae aliquam

quā materiam : non conducit determinatā  
quantitas , sed quanto minor est perfectius ag-  
generabitur . Vnde patet consequentia , quia  
si non requiritur determinata quantitas , sed  
quæcunque minor , ac minor est capax agge-  
nerationis , non obstat aliquid continuitati  
augmentationis , nisi ex parte qualitatis , quæ  
est dispositio , non detur continuitas . Ex hac  
autem parte non deficit ; quia dispositio illa fit  
per alterationem , quæ est motus continuus , &  
ipsa qualitas dispositiva diffunditur vniformi-  
ter difformiter , ita vt si in hac parte detur dis-  
positio vltima , in parte immediata detur im-  
mediatum infra illam , & in alia minus , ac  
minus vsque ad non gradum , ergo continuando  
actionem aggenerantis , continuabitur  
etiam introductio dispositionis in parte mino-  
ri , ac minori immediate consequente ; & sic  
eadem proportionem in eis introducet forma  
aggenerantis .

*Quod si inquiras :* Quæ sit ratio ponendi  
istum modum diffusionis qualitatis vniformiter  
difformiter ? *Resp.* in primis id constare expe-  
rientia , nam quantò aliquis magis appropin-  
quat ad ignem tanto fortius calefit , & quantò  
magis recedit , minus , ergo calor non diffundi-  
tur ab igne æqualiter in tota sua sphaera , sed in  
vna parte magis , in altera minus . Secundò  
constat ratione : quia qualitas non diffunditur  
ab agente per hoc , quod eadem numero tran-  
seat de vno subiecto ad aliud , sed per multipli-  
cationem producit ab vna parte in partem  
immediatam , & sic est diuersa qualitas in vna ,  
& in alia , qualibet autem pars mediij , in quo  
multiplicatur qualitas , imperfectiori modo re-

capit qualitatem, quàm sit in subiecto proprio, ergo imperfectius illam producit, & sic quantò magis elongatur ab ipso primo agente tantò magis debilitatur ipsa qualitas à sequentibus partibus producta. Minor constat quia si æquali modo reciperent omnes partes medij qualitatem, nunquam agens haberet terminum ab intrinseco, & per se, quia si non debilitaretur eius virtus tam intensum effectum produceret in parte immediata, quàm in parte distanti; & rursus illa pars distans æque poterit effectum suum ponere in parte immediata, quam in distanti, & de qualibet est eadem ratio, ergo poterit sine termino producere in quacunque distantia, nisi ponatur impedimentum extrinsecum, & sic ab intrinseco non esset determinata sphaera virtutis. Si autem qualitas paulatim diminuitur, nec ponitur æqualiter in omnibus partibus ergo necesse est, quod duæ partes non sint similes, neque æquales, sed altera magis, altera minus participet, & hoc est multiplicari vniformiter difformiter, idest cum dissimilitudine per omnes partes, sed cum vniformitate in obseruando istam inæqualitatem.

*Ad argumenta facta in contrarium.* Ad primum ex autoritate D. Thom. resp. ex dictis, quod augmentatio non est continua continuitate regulari, ita quod si in tanto tempore crescit in medietate temporis crescat dimidium, non tamen negat continuitatem successiuam, quæ opponitur instantaneis mutationibus, vt ex eodem D. Tho. diximus. Quod autem dixit D. Tho. quod aliquo tempore operatur natura disponens, & non augens actu, verificatur  
in



in duobus casibus, tum in tempore immediato post primum instans generationis, in quo alimentum non statim est dispositum, tum si ex aliqua infirmitate, vel ex defectu alimenti discontinuetur ipsa dispositio requisita ad introducendam formam viuentis, & sic necesse sit iterum consumere tempus, vt disponatur. Extra hos casus si dispositio currenti modo introducatur, & sine impedimento, per motum continuum fit.

*Ad secundum respond.* Quod introductio formæ substantialis generatiue, & totaliter quando primo fit, debet incipere per primum esse, & opposita desinere per primum non esse: continuatio autem, & aggeneratio substantiæ partialis non est inconueniens, quod incipiat ad modum motus, & per vltimum non esse, & iuxta modum diuisibilitatis partium. *Et ad primam* impugnationem primæ partis. *Resp.* Quod substantia secundum se, & vt totaliter fit prima generatione, indiuisibilis est, & modo indiuisibili fit, in quantum fit integra, & totaliter, vt autem subest quantitati, & ad modum partis, & diuisibilitatis acquiritur, modo etiam diuisibili fit, & secundum latitudinem partium, & tunc non fit absolute à priuatione formæ, sed à priuatione formæ, vt tanta, & in tanta materia, & in tali parte, quæ diuisibilis est, & ratione eius induit modum diuisibilitatis. Et licet nutritio fiat aliquando sine augmentatione, non tamen fit sine noua quantitate, quæ constituat rationem partis in substantia, quæ de nouo acquiritur non absolute, sed vt aggenerata, & secundum rationem partialem. Quando autem dicitur, quod à pri-

uatione ad formam non est transitus diuisibilis. Respond. Quod absolutè ita est, sed per accidens, & ratione adiunctæ diuisibilitatis datur latitudo, & transitus diuisibilis, quatenus transit non à priuatione substantiæ absolutè, sed à priuatione substantiæ vt tanta, ad hoc vt tanta sit, neque ad hoc exigitur determinata quantitas in ipsa parte, quæ aggeneratur, sicut requiritur in toto quando de nouo generatur, vt iam ostensum est, sufficit enim ad aggenerationem determinata quantitas præsuppositiuè, in eo, scilicet, cui addenda est noua pars substantiæ, non in ipsa parte, quæ de nouo acquiritur, siquidem acquiritur vt pars, & per modum diuisibilis, non per modum totius vt totum, & vnum est.

*Ad secundam* impugnationem huius primæ partis. *Respondetur*, supponendo, quod vltima dispositio in nutritione eodem modo concomitatur formam substantialem, vt partialem, seu partialiter introductam, sicut vltima dispositio ad generationem concomitatur ipsam formam substantialem, vt primò introducendam, & per modum totius, ita quod eodem modo seruetur prioritas, & posterioritas inter vltimam dispositionem, & formam substantialem in vna atque in alia. Quo supposito respondetur ex his, quæ diximus, quæst. 21. Phys. art. 2. quod benè potest, qualitas certa, idest determinati gradus qualis est dispositio vltima incipere in parte incerta, & indesignata per vltimum non esse. Et ita in ipsa aggeneratione quando in aliquo instanti est verum dicere, nunc non est dispositio vltima, siue introductio formæ, & immediate post erit, & in-  
qui.

quiritur, an in illo instanti desit aliquid diuisibile, vel indiuisibile. Respondeo deesse aliquid diuisibile indesignatum, & indeterminatum, non determinatum. Et quando instatur, ergo immediate post non incipiet, nego consequentiam, quia per se loquendo immediate post sequitur aliquid diuisibile indesignatum, & sic per partem motus, qui immediate post erit, vincitur illa pars diuisibilis talis qualitatis, quæ restat acquirenda.

Quod si vrgeas. Nam in nostra sententia immediate post iam non sequitur motus alterationis, sed actio ipsa substantialis, à qua mediate sit ipsa dispositio vltima, vt supra, q. 1. diximus, ergo non vincitur illa pars diuisibilis per motum, quod si per generationem vincitur iam supponitur res genita quando dispositio vltima introducit, & vincit illam diuisibilitatem, quæ deerat vt res generaretur. Resp. quod aliqui dicunt deesse aliquid diuisibile, & vinci per motum in tempore immediato siquidem etiam motus diuisibilis est. Quod, & nos diximus, q. 21. Phys. loquendo de motu, qui immediate post illud instans incipit. Loquendo autem de actione substantiali, quando immediate post instans incipit sicut in nostro casu, cum immediate post non desit aliquid acquirendum per motum alterationis, quia iam iste cessat, sed per actionem substantialem, quæ introducit formam, & dispositionem vltimam (supponimus enim non deesse aliquid præter talem vltimam dispositionem) ideo dicendum est, quod quando immediate post instans incipit actio substantialis nutritionis iam in illo instanti non deest ex parte qualitatis

disponentis, scilicet, vltimæ dispositionis, nisi aliquid indiuisibile, scilicet, ipsa vltima dispositio, quæ est terminus reliquarum partium dispositionis, terminus autem aliquid indiuisibile est, sed tamen aliunde, scilicet, quia introduciur in parte incerta, & indesignata continui; idè ex parte talis quantitatis (quæ etiam ad dispositiones pertinet) diuisibili modo introduciur illa vltima dispositio, sicut, & forma substantialis, & per vltimum non esse incipit, sed hoc est per accidens, vt iam diximus, quatenus substantia acquiritur ad modum partis, & in parte incerta, forma autem certa, & indiuisibilis in parte incerta incipit per vltimum non esse vt diximus, q. 21. Physic. art. 2. in 2. regula.

*Ad secundam partem argumenti.* Respond. quod alimentum quoad illam partem, in qua incipit conuersio per vltimum non esse necesse est quod desinat per vltimum esse, quia incipit vnus, & desinit alterius proportionatè se habent in hoc, sed hoc totum est per accidens, & quia illa pars substantiæ desinit vt tanta, & diuisibiliter, non vt tota, & indiuisibiliter.

*Ad tertiam respond.* Quod vt diximus, q. 8. Physic. art. 3. quando in alimento conuertendo peruenitur ad illas vltimas angustias, vt iam non sit quantitas, in qua etiam via corruptionis conseruari possit forma alimenti illæ dispositiones, quæ non perueniant ad vltimam per accidens redduntur vltimæ, quatenus sublata quantitate requisita destruantur omnes dispositiones conseruantes formam alimenti, & consequenter ipsa forma soluitur à materia, & agens potest vtendo generatione introduce-

re formam suam. Sic ergo per accidens ex re-  
motione quantitatis, & consequenter reliqua-  
rum dispositionum, quæ in eo fundantur, po-  
test introduci forma substantialis, & disposi-  
tio ultima eam consequens, quia non manet  
impedimentum in materia, & generans, vel  
virtus eius est sufficienter approximata, ut sub-  
stantialem generationem in illa eliciat.

*Ad ultimum respondetur*, Philosophum sta-  
re pro nobis, quia solum negat continuitatem,  
quæ importat regularitatem non verò negat  
continuitatem, quæ opponitur instantaneæ  
mutationi, hoc enim non deserviebat ad eius  
intentum, sed primum, quia ibi intendebat  
nullum motum esse continuum, id est perpe-  
tuum nisi localem, & circularem, ad quod suf-  
ficit, quod augmentatio non est perpetua, sed  
sæpè interruptitur propter indispositionem  
subiecti: aut defectum alimenti, & in hoc te-  
net similitudo de excavatione lapidis per gut-  
tas, quia licet quando fit non fiat in instanti,  
neque enim pars, quæ extrahitur potest sepa-  
rari, & remoueri nisi in tempore, tamen prop-  
ter dispositiones requisitas ex parte guttarum  
mollificantium, sæpè interruptitur, sicut  
etiam augmentatio. Ultima autem gutta ex-  
trahens partem, diuisibili motu extrahit, non  
tamen tali proportionem, quod si tanta pars ex-  
trahitur tanto tempore, medietas eius medie-  
tate temporis extrahatur.



## ARTICVLVS V.

*Virum in nutritione, & augmentatione quælibet pars viuentis augeatur, & nutriatur.*

**R**estat in his vltimis articulis examinare conditiones, quas Aristot. ponit in augmentatione, quæ sunt tres. *Prima*, quod aliquid de nouo adueniat, seu addatur. *Secunda* quod quælibet pars augeatur. *Tertia*, quod res augmentata eadem maneat. Prima per se est satis nota, de secunda agemus in hoc articulo, de tertia in sequenti.

*De secunda* ergo conditione triplex oritur difficultas. Prima, an ita augeantur omnes partes viuentis, quod non solum partes aliquotæ, sed etiam proportionales augeantur. Secunda, quomodo alimentum quod est in poris intrat ad partes solidas inter porum sine penetratione. Tertia, quomodo ex eisdem partibus emittantur partes, quæ corrumpuntur, & euaporantur, & aliæ excrementitiæ particulæ per eosdem poros, sine hoc quod penetrentur cum alimentis, quod est in eisdem partibus.

*Ad primum* aliqui existimant in augmentatione non solum partes aliquotas, & certas augeri, sed etiam proportionales. Et fundantur in eo, quia Arist. docet omnes partes augeri, sine vlla distinctione, ergo, & partes proportionales, quia vere sunt partes. Deinde, quia partes aliquotæ non habent aliam entitatem distinctam à proportionalibus, ergo si augetur aliquota, debet augeri etiam proportionalis.

De

Denique quia augeri aliquid immediate, & per se potest sumi dupliciter. Vno modo quia non per aliquid extraneum, sed sibi intrinsicum: alio modo, quia non secundum partem tantum, sed secundum omnes partes augeatur. Primo modo tam pars aliquota, quam proportionalis dicitur augeri, quia mediante ultima parte, seu extremitate suscipit incrementum. Secundo modo, nec pars aliquota, nec proportionalis augebitur, quia alimentum solum applicatur ipsi extremitati, non in us per omnes partes transit, aliàs vel augmentatio esset mixtio, vel penetratio partium.

*Nihilominus* partes proportionales non possunt dici augeri continuitate, seu magnitudine, sed solum aliquotæ, & determinatæ, quibus additis adduntur etiam nouæ partes proportionales pluralitate quasi multitudinis in potentia non incrementi, quia, scilicet, plures partes possunt accipi proportionaliter, quam antea. Sumitur ex D. Thom. 1. de gener. lect. 15. qui explicans illud dictum Philosophi: *Quod de ratione augmenti est, ut quodlibet signum sensibile minus, minusve reddatur*, inquit, *quod quodlibet signum sensatum, idest qualibet pars sensibilis eius, quod augetur fiat maior in augmento, aut minor in diminutione*. Nec valet dicere Arist. solum voluisse dicere, quod per ipsas partes sensibiles motus augmentationis redditur sensibilis: licet non propterea neget partes etiam proportionales augeri. Sed contra est, quia hoc commune est omni motui sensibili, ut fiat in magnitudine habente partes sensibiles, & sic nihil speciale diceret Phil. & D. Thom. de motu augmentationis, quomodo

do petat partes eius augeri, & deinde, quia si motus ut sit sensibilis requirit partem sensibilem, & aliquotam, ergo cum pars proportionalis per se sensibilis non sit, sed per aliquotam, quia non est designabilis, ergo per se non terminat motum sensibilem, ergo neque motum augmentationis, qui essentialiter est species motus naturalis, seu sensibilis. *Ratio* autem conclusionis est, quia partes proportionales si crescerent, aut minuerentur possent fieri maiores, vel minores, & sic crescendo per augmentum fierent designatae, siquidem crescente quantitate, usque ad aliquem terminum deberet crescere, & partes sub illo termino essent designabiles. Deinde, quia partes proportionales non minus sunt infinitae in parua quantitate, quam in magna, quia in utraque indeterminatae, & indesignabiles sunt. Crescente ergo, quantitate, vel partes illae manent indeterminatae, & indesignatae sicut antea, vel non. Si non; ergo fiunt designatae, & aliquotae, & sic in aliquotis fiet augmentum, & cum essent in infinitum partes illae proportionales numerabiles si fiunt aliquotae, & designatae, manebunt infinitae partes designatae, quod est reddi infinitum in actu. Dicere autem quod aliquae indesignatae, fiunt designatae, & augentur, praeter quam quod non est maior ratio de una, quam de alia, iam hoc erit negare quod non omnes partes simul augentur. Si verò aequae indesignatae manent sicut antea, ergo non augentur, neque crescunt magis, quam antea in ratione continui, & diuisibilis, licet quia adduntur novae partes aliquotae etiam plures proportionales addantur, quae in illis includuntur  
addi.



additione pluralitatis, non incrementi, sed illa pluralitas non est in actu seorsum, sed inclusa in partibus aliquotis.

*Ad rationes oppositas*, Resp. ad Arist. dicimus, quod docet omnes partes augeri, sed quomodo augeantur non dicit, augentur enim partes aliquotæ etiam secundum continuitatem, qua maiores fiunt, & in plures partes sunt diuisibiles, partes autem proportionales non fiunt maiores secundum continuitatem, quia non sunt capaces, ut maiores sint hoc ipso quod indesignatae sunt, quia licet quælibet pars designata sit diuisibilis, tamen non est determinate diuisibilis nisi per aliquotam. Vnde aliquota crescit, vel minuetur accipiendo terminum maiorem, vel minorem, quod pertinet ad diuisibilitatis determinationem, sed solum partes proportionales crescent in numero adueniente noua parte aliquota, quia pluries designari potest, & in plures partes proportionales diuidi.

*Ad primam rationem* dicimus: quod partes aliquotæ non habent aliam entitatem à proportionalibus, sed non eundem modum, quia aliquotæ habent extensionem determinato modo, & ideo determinatè crescere, vel minui possunt; proportionales autem sunt indeterminatae, & ita non sunt capaces crescendi, vel decrescendi continuè, quia augmentum non fit nisi accipiendo nouum terminum maiorem, vel minorem, & consequenter determinatum.

*Ad secundam respond* quod augmentum appositum extremitati partis auget aliquotam continuè, & secundum determinatum terminum, proportionales aut non continuè, nec se-

cun-

cūdum terminum determinatum, sed ad mōdum numeri, quia pluribus modis redditur ipsa quantitatis diuisibilis.

*Circa secundam, & tertiam*, difficultatem supponimus alimentum non deduci ad partes solidas, nisi per poros, qui sunt tenuissima quædam foramina, quæ replentur corpore tenui alimenti, & per quos exit sudor, vel aliæ euaporationes, est tamen inter porum, & porum pars aliqua solida, alias totum esset vacuum. Est autem necesse ponere istos poros, quia alias non possent minutiora corpuscula, vel liquida, aut euaporabilia subintrare, vel exire à corpore, nisi vel penetrando alias partes, quod est impossibile, vel diuidendo, quod esset corrumpere, & dolorem causare. Neque obstat, quod Arist. in hoc primo lib. tex. 80. refutat aliquorum sententiam, qui adittebant poros, ut medijs illis fieret augmentatio, *sic enim*, inquit Arist. *fieret augmentatio per iuxta positionem*. Respond. enim, ut constat ex littera, & ex D. Thom. ibi lect. 23. circa finem, illos Philos. posuisse poros ut in illis essent quædam corpuscula, seu athoma quæ componerent additionem sine vlla transmutatione, hoc autem esset destruere augmentationem, & alterationem.

*Hoc posito* restat difficultas quomodo ex ipsis poris partes solidæ augeantur, ita quod transeat alimentum ad partes inter porum, & porum, & tamen non diuidat illas, nec penetret. Et similiter partes, quæ resolvuntur, & deperduntur per calorem, debent euaporari, & emitte per ipsos poros, ipsi autem pleni sunt alimento, ergo penetrabuntur, cum ipso alimento existendo simul, & transeundo per ipsum porum,

*Resp.*

*Respond.* Neque penetrationem fieri, nec diuisionem in nutritione, quia alimentum liquidum, seu sanguis positus in poro, à vicina parte carnis per virtutem nutritiuam coagulatur in carnem, & vnitur illi extremitati partis tangentis porum, & in eà parte sic coagulata fiunt etiam pori de nouo, resoluitur autem aliquid carnis in euaporationem excrementitiam, & illa potest transire per porum, quia facta coagulatione sanguinis in carnem, iam sanguis occupat minus loci in poro, & in ipsa parte noua carnis fiunt etiam pori de nouo, & sic datur locus sudori, vel euaporationi exeunti: sicut posito lebere aquæ ad ignem, & calefacta parte immediatiori, pars superior quæ frigidior est descendit, & pars calida leuior effecta ascendit, sine vlla penetratione, quia pars frigidior sua grauitate scindit partem subtiliorem, & calidiorem. Sic coagulata parte sanguinis in carnem occupat minus loci, quia densior facta est, & sic dat locum vt alia pars subtilior intret, vel alia enutatur. Similiter cum illa pars sanguinis coagulatur in carnem, vnitur extremitati partis non autem scindit, vel intromittitur in partem solidam, sed pars solida paulatim resoluitur vi caloris, & illi paulatim succedunt illæ nouæ, quæ coagulantur, & sic pars præcedens non penetratur, nec diuiditur, sed eius extremitati vnitur; interiores autem partes vi caloris paulatim resoluiuntur, & sic penes extremitates fit augmentatio. Denique pori isti faciliè dilatantur, vel constringuntur sicut fit in vtribus secundum quod magis, vel minus replentur alimento præsertim in partibus tenerioribus, & faciliè cedentibus, &  
tunc

tunc plus, vel minus intrat de alimento, aut exit de excremento faciendo constipationem aliquam partium quantum requiritur, vt magis porus dilatetur, & sic non est necessarium recurrere ad penetrationem, vt exeant illi vapores per poros, quando pleni sunt, sed ad constipationem, vel condensationem aliquam. Neque ex hoc sequitur fieri nutritionem per iuxta positionem tantum, sicut, cum aquæ additur aqua, sed vltra illam etiam requiritur conuersio partis iuxta positæ in substantiam aliam, & deperditionem alterius, quæ per illam nouam reparetur.

*Sed quares,* cur aliquæ partes non crescunt, sicut palpebræ: aliæ verò partes etiam cessante augmentatione totius semper crescunt, vt capilli, & vngues.

*Respond.* partes corporis non esse eiusdem temperamenti, & qualitatis, & ita non eodem modo recipere augmentum, sed aliquas tardiùs, vel parùm crescere sicut palpebræ, alias toto vitæ tempore, sicut dentes propter necessitatem ne continuo attritu ciborum destruantur, quædam etiam propter abundantiam materiæ, & facilitatem transmutandi perpetuò augentur, sicut capilli, & vngues, semper enim suppetunt excrementitiæ fuligines, ex quibus capilli coaugmentantur, & illa excrementa in quacunque ætate abundant, nisi propter aliquod impedimentum, aut dispositionem contrariam impediatur illa capillorum formatio, vt in caluis, possunt tamen semper crescere, quia calor semper habet sufficientem virtutem ad plus resoluendum, & conuertendum de istis excrementis in capillos, & vngues, quia mino-

ri indigent decoctione. Quod verò aliqui crescant magis in quibusdam partibus, quam in alijs per accidens est propter abundantiam caloris in aliquibus, & defectum in alijs partibus, vel etiam propter abundantiam, aut defectum alimenti.

ARTICULVS VI.

*Quomodo viuens maneat idem toto tempore nutritionis, & augmenti?*

**H**Æc est vltima conditio, quam Aristor. exigit ad rationem augmentationis, vt id quod augetur semper maneat idem, vt patet in hoc libro tex. 33. & 34. & ibi D. Thom. lect. 14.

Et ratio est aperta, quia si id quod augmentatur non maneret idem, corrumpetur, & desineret esse, & consequenter aliud generaretur, & sic non fieret augmentatio eiusdem, sed corruptio vnius, & generatio alterius, & ita augmentum esset in perditionem, & malum rei augendæ, cum tamen augmentatio, & nutritio ordinentur ad conseruationem eiusdem subiecti, & continuationem eius; si autem corrumpetur, cessaret finis talis nutritionis, transiretque in generationem, & corruptionem, si autem non corrumpitur, ergo manet idem, quod antea, quia non definit esse.

Cæterum ex ipsa natura nutritionis oritur dubitatio circa istam conditionem, & quod nutritio fit per nouarum partium accessionem, & antiquarum deperditionem, ergo non manent eadem partes quæ antea, imò tandem  
omnes

omnes corrumpuntur, & aliæ adueniunt, ergo neque manet idem totum, quia hoc non est aliud, quam suæ partes. Nec soluitur hoc dicendo, quod manent eadem partes formales, & non materiales. Contra enim est primò, quia partes formales non sunt aliud, quam materia ipsa, & entitas partium sub tali forma, & modo, ergo desinente ipsa materia per successionem nouarum partium, etiam forma, quæ in tali materia erat soluitur, & sic non stat materiales partes deperdi, & non formales. Secundo quia vnitas numerica partium, & totius dependet à materia, & quantitate eius, vt à principio indiuiduationis, ergo si partes materiales deperduntur, etiam principium identitatis numericæ soluitur, atque adeo non manet idem numero viuens, neque idem uumero totum, sicut neque partes. Tertiò, quia in animalibus imperfectis, & plantis cum noua parte materiæ aduenit noua pars formæ, ergo saltem in illis mutantur partes formales, quia mutatur ipsa forma, seu anima.

*Ad primum Respond.* Quod Philosophus in hoc primo de generat. tex. 35. & 36. dicit quod pars secundum speciem, seu formam manet, & secundum materiam aduenit, & recedit in augmento atque ita manet idem numero formaliter non materialiter. Quod aliqui sinistre voluerunt interpretari, quod manet caro secundum speciem, idest ea quæ primo accipitur à generante, aduenit verò, & recedit ea, quæ sumitur ex alimento. Quæ expositio excluditur à D. Thom. 1. p. quæst. 118. art. 2. ad 1. & supra à nobis exclusa est, quia cum calor naturalis agit omnes partes alterabiles, non est

est ratio cū non agat in illas, quæ per primam generationem acceptæ sunt. An verò omnes partes etiam duriores, vt ossa totaliter per calorem consumantur, vel aliquid semper de eis remaneat; aliqui affirmant, sed res est omnino incerta propter varietatem temporis vitæ, nam animalia, quæ longissimo tempore viuunt non est dubium quin caloretiam duriores partes ab initio generationis acceptas tandem trasmutet, & consumat, quæ tamen breuioris vitæ sunt, fortassis non consumunt omnes istas partes duriores prout magis, vel minus durauerit vita.

*Quare* S. Thom. distinctionem illam Philosophi explicat de carne secundum speciem, & secundum materiam iuxta diuersam considerationem, si enim consideretur secundum id, quod est formale in ipsa, sic manet eadem caro, secundum verò id quod est materiæ, sic non manet, sed paulatim consumitur, vt videmus in continua nutritione ignis per ligna. Hoc autem formale intelligitur, dispositio illa sub qua manet caro quantum ad figuram, temperamentum, ordinem ad reliquas partes, & ad formam. Et intelligitur manere hæc formalitas, seu dispositio vnitatis continuationis sub partibus materiæ succedentibus, non vnitatis indiuisibilitatis, de quo videri potest Diu. Thom. 4. contra gent. cap. 82. ad 4.

*Ad* 1. replicam contra hanc solutionem. Respond. quod quando dicuntur partes materiales deperdi, & non formales non intelligitur, quod succedentibus partibus materiæ eadem forma accidentalis ita permaneat, quod transeat de subiecto in subiectum, hoc enim  
esse

esse non potest, sed sicut deperduntur partes materiales, ita, & accidentia prout illis affixa quod est etiam ipsa accidentia materialiter sumpta transire, dicuntur autem partes formales non deperdi, quia sub eadem continuatione ordinantur partes eodem modo ad componendum ipsum totum, non unitate indiuisibilitatis, quæ illi non debetur, sed continuationis. Cuius rationem accipere possumus ex D. Thom. dicta q. 119. art. 1. ad 3. & ex notatis à nobis q. 6. Physic. art. 1. quia quando in igne, vel viuente paulatim consumpto alimento aliud substituitur, semper manet idem numero, quia semper quod additur transit in præexistens. Quæ ratio consistit in hoc, quod quando continue, & paulatim aliquid additur alteri, id quod superadditur, ipsa continuitate fit vnum cum præexistente, & rursum cum aliud superadditur etiam fit vnum cum illo; vnde licet successive deperdatur, tamen ratione illius continuitatis semper verificatur aliquid de ipso toto manere cum parte superueniente, & consequenter ratione talis continuationis sub similibus accidentibus, & dispositione manere eandem unitatem numericam, non quidem ita perfectam sicut quæ indiuisibiliter sunt vnum, sicut Angelus, vel cælum, sed unitate continuationis. Si verò tota simul materia vnus auferretur ab eo, & alia totalis de integro substitueretur, non esset idem numero, quia talis neque identice neque continuatione cum alia vnum esset.

*Quod si infies:* In hoc non poni maiorem unitatem in viuente quam in fluuiio, vel populo; quæ dicuntur vnum licet partes fluant, &

ho-



homines mutantur, quia fluunt sub eadem habitudine, & dispositione, & ordine, quod est habere solum unitatem ordinis, non substantiæ.

*Respond.* esse latam differentiam, quia populus non dicitur vnus unitate aliqua physica secundum continuationem partium, quia homines sunt diuersi numero solum habentes coadunationem conuictam, quæ est vnitas moralis, & secundum quid, quatenus sub eisdem legibus, & societate viuunt. Fluuus autem etsi habeat omnes partes continuas, & fluentes, tamen vna pars non continuatur alteri per conuersionem, & commixtionem, sed per successionem præcisè, quia vna est post aliam, unde partes, quæ modo succedunt nullam habent unitatem cum partibus, quæ à viginti annis habebantur in fluuio, quia pars succedens non commiscetur, & conuertitur in substantiam totius, sed emittitur consecutiue post aliam. Oppositum verò est in partibus animalis, in quibus non præcisè vna emittitur post aliam, sed conuersione ipsa in substantiam præexistens pertinet ad eandem unitatem cum ipso secundum conuersionem, & continuationem, non pura, & sola successionem. Et præterea in animalibus perfectis datur etiam vnitas formæ indiuisibilis, vt dicemus q. 2. de anima art. 1. & sic animal ita est dispositum, quod potest retinere aliquid omnimodè, & indiuisibiliter vnum siue formam, siue aliquas partes duriores saltem pro aliquo tempore, fluuus autem nullo tempore idem est permanenter, & indiuisibiliter, sed sola successionem est vnus.

*Ad secundam* replicam supra positam Resp. quod

quod vnitas numerica sumitur ex materia signata, & subordinata ad quantitatem, & reliquas dispositiones, ex quibus pendet vnitas, vel diuifio vt q. seq. dicemus. Vnde sic materia debet esse vna sicut vnitas ipsa numerica, quam præbet vna est, si enim est vna continuatione, sufficit quod materia signata tanquam principium vnitatis eius non sit identicè vna etiam materialiter, sed sufficit quod continuatione sit vna, & secundum partes formales, seu secundum sigillationem continuationis, non indiuisibilis vnitatis. Secus est si vnitas numerica sit omnino indiuisibilis, & identica sicut in cælo, tunc enim requiritur etiam similis identitas in materia, quæ est principium illius numericæ vnitatis.

*Ad tertium Respond.* In illis animalibus aduenire nouam formam sicut, & nouam partem materiæ, sed vtrumque continuatione fieri vnum, & subordinatione ad idem totum, quod componunt, ratione cuius partes materiæ dicuntur manere eadem formaliter, etiam si non habeant formam indiuisibiliter eandem. Quod si etiam detur forma substantialis indiuisibiliter eadem maior aliqua vnitas dabitur, sed tamen hoc non requiritur, sed poterit saluari vnitas numerica simpliciter vnitatis continuationis, & subordinationis prædictæ componentis semper vnum totum permanens per conuersionem vnius in aliud non per solam successionem. Itaque vnitas numerica non eodem gradu inuenitur in omnibus, sed est maior, vel minor secundum quod magis accedit ad indiuisibilitatem, vel immutabilitatem partium aut recedit.

QVA.

## QVÆSTIO NONA.

*De subiecto accidentium, & principio  
individuationis.*

## ARTICVLVS PRIMVS.

*Virum accidentia materialia subieffentur in  
toto composito, vel in sola materia &*

**D**uplex subiectum solet commu-  
niter distingui, scilicet, deno-  
minationis, & inhaesionis.  
Subiectum denominationis est  
illud, quod denominatur &  
forma, idest suscipit prædi-  
cationem eius. Subiectum inhaesionis est illud,  
cui vnitur forma, idest suscipit actualitatem,  
& esse eius. In subiecto denominationis inclu-  
ditur omne illud de quo verificatur prædicatio  
formæ, siue sit subiectum principale, siue mi-  
nus principale, siue extrinsecæ denominationis,  
siue intrinsecæ; nam non solum dicitur lapis  
albus qui est subiectum principale, sed etiam  
quantitas dicitur alba, quæ est subiectum mi-  
nus principale, & paries denominatur visus  
extrinsecè, homo autem videns intrinsecè. In  
subiecto inhaesionis compræhenditur subiectum  
quod, idest ipsum subsistens, seu suppositum  
quod se habet vt agens, vel recipiens tanquam  
subiectum vltimum, & subiectum quo, idest,  
id quod est ratio, seu medium recipiendi.

*De subiecto denominationis nulla est diffi-*  
*Phil. Nat. Pars III. V cul-*

cultas apud Authores, quod accidens denominare possit ipsum suppositum sicut cum dicitur homo albus, nec nos dubitamus posse partem denominari etiam ab accidentibus, ut cum dicuntur capilli cryspi, oculi cærulei, superficies alba, &c. licet in verificanda denominatione totius, & partis obseruanda sit regula S. Thom. 3. p. quæst. 16. art. 8. quod quando aliqua forma indifferenter potest denominare totum, & partem, si solum sit in parte, non denominat totum absolute, sed solum secundum restrictiōnem partis, sicut Ætiops non denominatur albus ab albedine dēntium eo quod albedo nata est conuenire toti corpori, & parti. E contra verò si solum aliquod accidens natum sit conuenire parti, & non toti, absolute denominat totum, licet soli parti conueniat, sicut homo dicitur videns absolute, licet solum oculis videat, & cryspus, licet solum cryspetur in capillis. Et hac ratione Christus non dicitur absolute creatura, quia hoc prædicatum est transcendens fundatum in ipso esse limitato, quod non conuenit soli naturæ, sed personæ, imò primò conuenit personæ, quam naturæ. Dicitur tamen absolute seruus quia seruus fundatur non in ipso esse, sed in dependentia alicuius ab alio in suis operationibus, seu motu, seruus enim non se mouet, sed mouetur ab alio sicut instrumentum, principium autem motus est natura, non persona.

*Quare* tota difficultas est de subiecto inhesionis immediato, ad quid videlicet immediate terminetur inhesionia accidentis, & a quo immediate sustentetur in esse?

*Sententie* præcipuæ in hac parte reducuntur

ad

ad duas. Prima tenet, materiam primam esse subiectum sufficiens inhaesionis accidentium. Secunda asserit, solum compositum esse immediatum eorum subiectum. De forma autem nulla fit mentio, quia non est ratio recipiendi, sed actuandi, & dandi esse, & ita si est non subsistens, est eadem ratio, ac de materia respectu accidentium dimanantium ab illa: de forma autem subsistente, ut anima rationali est eadem ratio, ac de composito, quia est subsistens, & de facto est subiectum intellectus, & voluntatis.

Prima sententia communiter tribuitur Averroï qui posuit quantitatem, seu dimensiones interminatas esse coevas materię, ut refert S. Thom. præsertim opusc. 32. cap. 4. & sæpè iuxta eandem sententiam videtur loqui ut in 4. dist. 12. q. 1. art. 3. q. 4. & 4. contra gent. cap. 81. & alijs in locis, & plures ex antiquis sequuti sunt eandem sententiam qui citantur à M. Bannez 1. de gener. cap. 4. q. 9. art. 3. & à P. Suarez disp. 14. met. sect. 3. in principio. Ex recentioribus autem aliqui non solum quantitatem interminatam, sed etiam figuratam, & terminatam tribuunt materię tanquam subiecto, ita quod eadem quantitas cum materia transeat de corrupto in genitum. Sed diuiduntur, nam aliqui tribuunt materię secundum se, & independentem à forma quod recipiat quantitatem, & accidentia; pro qua parte plures ex antiquis citat M. Bannez loco citato art. 1. Alij existimant materiam esse subiectum inhaesionis accidentium, supposita tamen forma substantiali à qua primò actuatur; pro qua sententia stat P. Suarez citato loco à numero 35. pluresque

citant, & sequuntur Conimbr. 1. de gen. cap. 4. q. 4. art. 1. Addunt tamen in fine articuli non dependere materiam in hoc munere sustentandi accidentia à forma, vt à conditione sine qua non, sed vt à causa habilitante ipsam materiam, & perficiente in esse, vt possit sustentare accidentia, nam ex se sufficiens non est, quia sine forma non habet esse. Denique multi putant accidentia pendere à materia vt à causa materiali, à forma verò vt à causa, à qua effectiue dimanant accidentia, & suscipiunt in materia, & ideo quando fit transitus in materia de vna forma simili ad aliam similem, possunt qualitates corruptæ transire ad genitum, eo quod non repugnat qualitatem quæ procedit ab vno, & ab alio simili conservari.

Sententiam autem D. Tho. communiter sequuntur Thomistæ vt Caiet. ad cap. 7. de ente & essentia, Capreol. in 2. dist. 3. q. 1. art. 3. Durandus in 1. dist. 8. & in 2. p. dist. q. 4. num. 5. & videri potest M. Bannez cit. loco, & Flandria 5. Met. q. 16. art. 17. licet concedat relatiua accidentia subiectari posse in sola materia, sicut relatiō qua materia respicit formam.

Vt ergo sententia D. Thom. explicetur oportet duo aduertere. Primum quid requiratur vt aliquid sit subiectum inhaesionis. Secundum, quid sit ipsam inhaerere, & quid ad illud requiratur. Quantum ad primum duæ conditiones requiruntur, vt aliquid sit subiectum inhaesionis. Prima est potentialitas ad formam accidentalem recipiendam. Secunda actualitas ad sustentandum in esse. Quantum ad secundum requiruntur aliæ duæ conditiones; prima quod sit forma realis, idest realitas, & non

non modus; secunda quod eius actualio non  
 det esse simpliciter, seu primum esse subiecto,  
 sed supponat primum esse, præbeat autem esse  
 dependens, & consequentium. Vnde in hoc ma-  
 xime differt forma substantialis ab accidenta-  
 li, quod licet utraque uniatur, & dependeat à  
 subiecto, tamen forma substantialis solum de-  
 pendet à potentialitate subiecti, ut in eo re-  
 cepta, incommunicabilis reddatur, non tamen  
 dependet ab eius actualitate, sed potius infor-  
 mat puram potentiam, quæ est materia prima,  
 forma autem accidentalis non solum dependet  
 à potentialitate subiecti in qua recipitur, sed  
 etiam ab eius esse à quo sustentatur, quia esse  
 quod dat forma accidentalis est esse secunda-  
 rium, & consequentium, quod necessario sup-  
 ponit primum, & ideo dicitur inherens,  
 quia dependet ab ipso esse subiecti tanquam à  
 primo esse præsupposito, non autem dat pri-  
 mum esse. Vnde dicit D. Tho. opusc. 31. in  
 principio: *Quod proprie id quod est in potentia*  
*ad esse substantiale est materia prima, quod au-*  
*tem est in potentia ad esse accidentale, dicitur*  
*subiectum, subiectum enim dat esse accidenti,*  
*quia accidens non habet esse nisi per subiectum,*  
*unde dicitur, quod accidens sit in subiecto, non*  
*autem dicitur quod forma substantialis sit in*  
*subiecto, & secundum hoc differt materia à sub-*  
*iecto, quia subiectum est, quod non habet esse ex*  
*eo quod aliquid ei aduenit, sed quod est per se,*  
*& habet esse completum, ut homo non habet esse*  
*per albedinem: sed materia dicitur quod habet*  
*esse, ex eo quod sibi aduenit, quia de se est esse in-*  
*completum, imò nullum esse habet ut Commenta-*  
*tor dicit in secundo de anima. Vnde simplici-*

per loquendo forma dat esse materiae, accidens autem non dat esse subiecto, sed subiectum accidenti.

*Dices* etiam materia prima requirit existentiam ut recipiat formam substantialem, alias reciperetur in nihilo, seu in non ente, ergo ista doctrina non subsistit. Item accidens non recipitur in ipsa existentia subiecti, nec in quantum est ens actu, sed ut est in potentia ad tale accidens, ut ad formam sicut dicit D. Tho. 1. contra gent. cap. 23. & 1. p. q. 3. artic. 6. quod subiectum accidentis comparatur ad ipsum ut potentia ad actum, quia accidens quoddam forma est faciens esse in actu secundum esse accidentale.

*Respondetur* ad primum, quod materia prima ad recipiendum formam substantialem requirit esse concomitanter, sed non praesuppositiue, & ut id ratione cuius recipit, in re tamen semper existit, & recipit existendo, quia a forma ipsa substantiali habet esse, & sic non recipitur in nihilo, sed in ente, quod ex se est capax existentiae, & in potentia ad illam, ut autem subest formae de facto per illam est existens, & in actu. Ad recipiendum autem istam formam, quae dat primum, & substantiale esse non praerequiritur aliquod esse in materia, sed capacitas, & potentia ad esse in qua iam differt ab ipso nihilo, & non ente, quia nihil neque habet existentiam, nec est capax illius, materia autem est capax existentiae, & actualitatis, non solum obiectiue, sed etiam subiectiue, existendo autem recipit formam, non quia praecedat existentia, sed quia concomitatur. At verò forma accidentalis; quia  
non



nōndat primum esse, sed secundarium, & consecutivum, ideo necessario supponit subiectum esse existens antecedenter, & ab eius esse redditur dependens tanquam ab esse fundamentalis, quod substat illi, & in quo consolidatur ipsum esse accidentis.

Ad secundam dicitur quod accidens recipitur in subiecto, prout est in potentia ad effectum formalem, & specificum accidentis, qui communicatur subiecto tanquam actualitas eius: at verò idem accidens quod exercitium existendi dependet ab existentia subiecti, quæ est existentia per se, non ut à ratione formali recipiendi, sed ut à terminante existentiam accidentis, quod per se stare non potest sed in alio, & ita ab illo ut ab esse primo per se substante terminatur, & dependet in exercitio existentia accidentis. Et ideo potest à Deo suppleri, ut sine substantia sustentante esse accidentis permaneat, quia solum dependet ab ipso quoad exercitium existendi, & quoad terminationem in alio, exercitium autem existendi melius supplere potest causa prima efficiendo, quam substantia sustentando, & terminando. Unde substantia non est causa pure materialis respectu exercitij existendi accidentium, sed aliquid habet admixtum de formali in ratione terminantis, & sustentantis, quatenus ipsum esse subsistens subiecti communicatur accidentibus, non ut reddat ea subsistentia, sed ut in alio existentia, sic tamen terminata, ut non amplius alteri communicari indigeant ut sustententur in esse, sicut etiam quando alicui substantiæ de nouo adveniunt partes pertinentes ad esse totius, trahuntur ad subsistentiam totius non ut subsistant seorsum,

& totaliter, sed vt inadæquate, & in alio, & tanquam partes dependentes à toto, ita accidentia, vt secundario existant; & hoc est inhærere, idest sic dependere vt secundario terminentur ab ipso esse substantiæ, & reddantur existentia in alio non per se primo.

*Sit ergo unica conclusio*, in sententia D. Tho. quod materia est pura potentia; nullo modo potest ipsa materia etiam supposita forma vt conditione tantum esse per se sola subiectum inhæſionis accidentium materialium, sed ipsum compositum est subiectum inhæſionis, materia autem solum est receptiua accidentium tanquam subiectum quo, quatenus est id quo compositum ecipit accidentia post receptam formam substantialem in materia, & loquimur de accidentibus materialibus, quia accidentia spiritualia vt intellectus, & voluntas in sola anima recipiuntur quæ subsistens est sine vlla dependentia à materia. Hæc sententia sine dubio est D. Tho. qui communiter docet materiam primam non esse subiectum accidentium vt affirmat in cap. 6. de ente, & essentia, & 1. p. q. 66. art. 6. & q. 77. art. 6. vbi inquit: *Quod quia forma substantialis facit esse simpliciter, eius subiectum est ens in potentia tantum, forma autem accidentalis non facit esse simpliciter, sed essetale aut tantum, aut aliquo modo se habens, s. bjectum enim eius est ens in actu.* Nec oppositum huius docuit S. Doct. q. 25. de verit. art. 5. vel 6. vt ibi manifeste videri potest.

*Fundamentum* huius sententiæ sumitur ex dictis, quia in materia prima non inveniuntur conditiones, & requisita vt formaliter, & proprie

prie sit subiectum inhaesionis accidentium, bene tamen ut sit principium componendi tale subiectum, & id quo subiectum redditur recipiens, forma verò est principium quo redditur actuatum ad sustentandum. Quod desint materiae conditiones dictae probatur, quia subiectum inhaesionis debet constare illis duabus conditionibus, scilicet, actualitate ad firmandum, & terminandum in esse, potentialitate ad recipiendum; ex parte autem actualitatis materia prima caret ex se omni actualitate tam formali, quam entitativa, ut probauimus in 1. Phys. q. 3. & supra q. 1. & dato quod aliquod esse haberet, illud est imperfectum, & non sufficiens ad existendum simpliciter sine forma, nec per solam constituit esse substantis, & subsistens in actu, sed solum est principium compositi subsistentis, & substantis, ergo non constituit rationem subiecti accidentium. Probatur consequentia, quia quod est propriè subiectum, & non solum principium subiecti, seu subiectum quo accidentium, debet esse substantis, & simpliciter habens esse, nam accidens dependet in suo esse ab illo quod est esse simpliciter; nec sufficit esse inchoatum, seu principium essendi, quia accidens non acquirit esse in subiecto nisi ut accipiat terminationem, & sustentationem in suo, siquidem de se accidens est forma, & principium existendi, sed quia imperfecta, & secundum quid, exigit non sistere, nec terminare hoc esse in se, sed in alio subsistente, nec se habet ut forma substantialis, quae ipsum primum esse constituit, accidentalis autem supponit illud, & dat esse secundarium, & dependens à primo, materia

autem est pars seu principium illius primi esse substantis, & subsistentis, nec in se habet illud, quia cum forma substantiali constituit vnum esse simpliciter, ergo constituit vnum esse subsistens, & subsans, ergo secundum se, & sine forma non habet illud esse subsans, nisi tantum ut quo, & ut principium substandi.

*Et confirmat.* quia primò, & per se subsans est substantia prima, ut docet Philosoph. in capit. de substantia, est enim proprietas eius, quod sit maximè subsans, & consequenter principaliter, & primò, at substantia prima non est sola materia, sed compositum, quia est hoc aliquid, ut ibi dicit Aristot. materia autem non est hoc aliquid ut constat ex 7. Met. & 5. Phys. ubi probat Philos. materiam non esse subiectum motus, quia non est hoc aliquid, & constat manifeste, quia hoc aliquid, seu primò subsans est id quod substat prædicatis superioribus, & accidentibus, id ergo se habet ut subsans accidentibus, tanquam prima substantia, quod substat prædicatis superioribus; illud autem substat prædicatis superioribus, quod subijcitur illis, & de quo illa prædicantur, sed non prædicantur de materia prædicata superiora, ut homo, animal, &c. Quia materia est pars, sed non id de quo ista prædicantur; ergo non est hoc aliquid, neque maxime, & primò subsans, ergo neque formaliter, & per se est subiectum accidentium, quia subiectum debet esse subsans, & terminans, & sustentans accidentia, ergo si id facit materia, erit in virtute primi substantis, seu primæ substantiæ, quia id quod est primo, & maxime tale est causa à qua participant ea quæ non sunt

ma-

maxime talia similem effectum, ergo materia si substat, in virtute primæ substantiæ id habet, non in virtute propriæ actualitatis, etiam dato quod illam haberet, quia non habet illam, ut prima substantia, sed ut componens primum substantiam, & ut pars illius, ab ipsa verò prima substantia per se dependebit accidens ut à terminante, & sustentante eius esse, non ut à conditione tantum.

*Quod vero* ex parte potentialitatis materia prima non sit immediate susceptiva accidentium patet; tum quia potentialitas illa essentialiter respicit formas ordine quodam, primo substantialem, deinde accidentalem primo enim respicit eam cum qua constituit naturam, & esse simpliciter, quod est esse substantiale, deinde eam cum qua constituit esse accidentale, & secundum quid. Et huius ratio est, quia potentialitas materiæ est potentialitas substantialis, ergo essentialiter ordinatur, & specificatur ab actu substantiali, ergo immediatius recipit formam substantialem, quam accidentalem, siquidem potentia susceptiva duarum formarum, illam immediatius respicit quæ est illi magis proportionata, & ad eius specificationem per se pertinet, ergo cum forma substantialis sit actus specificans potentiam substantialem illique immediate proportionatus, essentialiter materia respicit illam immediatius, quàm formam accidentalem, & consequenter, sicut non est capax respuere formam accidentalem, nisi mediate, idest mediante forma substantiali, ita nec erit capax recipere, quia eo modo recipit, quo respicit. Denique sit argumentum in actibus sensuum, & in virtutibus

tibus operatiuis, actiones enim immanentes subiectantur in eo principio à quo eliciuntur alioquin non essent immanentes, sed non eliciuntur à potentia subiectata in sola materia, siquidem non habent à materia actiuitatem, & influxum, sed ab anima, cuius instrumentum, & virtus est illa potentia, & eodem influxu quo potentia operatur substantia, cuius est potentia influat, & sic cum influat forma mediante tali virtute oportet, quod ipsi sit vnita, & non soli materiæ. Si autem talis potentia, & actus eius est vnita non solum materiæ, sed etiam formæ, idem dicemus de quantitate, & reliquis accidentibus, tum quia est eadem ratio, tum quia illa virtus sensitua, & actus eius debent recipi in parte organica, & modo extenso, alias non operaretur materialiter, ergo sicut potentia, & eius actus respiciunt vtrumque principium, scilicet, formam, & materiam vt subiectum inhaesionis, ita, & quantitas mediante qua inhaerent.

*Prima* denique pars conclusionis, quod materia sit subiectum, quo seu principium recipiendi, constat quia materia est prima radix potentialitatis, & receptionis in composito cum sit pura potentia, & primum in genere recipiendi, vnde quidquid in composito recipitur habet pro principio quo, & prima radice recipiendi ipsam materiam, similiter forma substantialis est prima radix, & principium actualitatis, & esse, siquidem est principium ipsius esse simpliciter, seu esse substantialis, quod datur per formam, vnde autem oritur esse simpliciter, à fortiori dependet esse secundum quid, ergo materia, & forma solum se habent

bent vt principium *quo*, quia sunt constitutiuā ipsius subiecti à quo dependet accidens quantum ad rationem potentialitatis per materiam, & actualitatis per formam.

*Quare* non est imaginandum, quod subiectum inhaesionis sit compositum, taliter quod cuilibet parti æque inhaereat, & recipiatur in illa accidens, sed recipitur mediante materia, vt principio *quo* recipiendi, & in forma non recipitur, sed à forma dependet tanquam à principio dante actualitatem, & esse, quod quia est esse simpliciter terminat, & firmat in existendo accidens, quod dat esse secundum quid. Et sic tam materia, quam forma se habent vt principia subiecti inhaesionis, sed non aqualiter, nec vtrumque recipiendo, sed alterum vt principium recipiendi, alterum vt principium actualitatis, & esse simpliciter, & per se à quo dependet esse secundum quid accidentis. Nec requiritur ad recipiendum accidens in composito quod quilibet pars recipiat, sed sufficit quod vna pars sit ratio recipiendi vt principium *quo*, sicut visio non recipitur in omni parte hominis, sed solum in oculis, & ratione eorum conuenit toti homini videre, sic accidens mediante materia recipitur tanquam principio *quo* recipiendi, licet etiam à forma dependeat, vt à principio dandi esse. Et hac ratione ipsum compositum dicitur subiectum *quod* accidentium, non solum quia est subiectum denominationis, sed quia est habens in se condiciones, & principia requisita ad inhaesionem, scilicet, principium potentialitatis, ex parte materiæ, & actualitatis ex parte formæ. Nec est in accidente duplex unio ad  
vtram-

utramque partem compositi, quia non se habet utraque ut extremum, sed extremum integrum est compositum, materia autem, & forma non sunt extremum cui fit unio, sed principia constituentia tale extremum, & ideo est tantum unica unio non duplex, etiam partialis, quia illæ duæ partes, scilicet, materia, & forma, non sunt duæ partes tanquam duo extrema unionis, sed ut constituentes unum extremum, in quo indiuisibiliter sint omnes condiciones, ut sit subiectum accidentium, non in qualibet parte seorsum condiciones istæ inveniuntur.

*Sed inquires*, an hoc compositum quod dicimus esse subiectum sit ipsa natura quæ componitur ex materia, & forma, an verò suppositum; si enim est natura, cum sit etiam principium quod nondum assignamus principium quod inhesionis, sed solum principium subiecti inhesionis; si verò ipsum suppositum est subiectum quod, ergo variato supposito variabuntur accidentia, & ita si modò Verbum dimitteret humanitatem, vel si assumeret meam, omnia accidentia humanitatis variarentur. *Respond.* quod sine dubio suppositum est subiectum inhesionis ut terminus sicut materia, & forma principium quod, alterum recipiendi, alterum actuandi ut diximus. Quare accidentia humanitatis Christi non sunt inhesionis in verbo per modum receptionis, sunt tamen terminata à Verbo mediatè, mediante, scilicet, terminatione humanitatis, ex consequenti enim manet terminatum, & ab existentia eius dependens quidquid illi unitum est, & adiectum. Unde si humanitas dimitteretur à Verbo,



bo, non mutarentur accidentia, sicut mutantur soluta vnione formæ, & materiæ, quia à materia, & forma dependent accidentia vt à principijs immediatis, à subsistentia autem vt à termino mediato; variatis autem principijs quibus immediatè aliquid vnitur, desinit quoque forma vnita, non autem variato eo quod se habet vt terminus, & vt quid immediatum; sicut in Eucharistia destructa substantia panis, & vini; quia tamen manet quantitas, cui immediate vniuntur accidentia, illa non destruuntur; si tamen destrueretur quantitas, destruerentur accidentia ei coniuncta, etiam si substantia maneret.

Et si petas an quantitas se habeat vt principium quo, sicut materia, quia est ratio, & medium recipiendi accidentia materialia eo modo quo intellectus est ratio recipiendi intellectiōem. Resp. quod quantitas non est principium tanquam radix ad recipiendum accidentia, & ita propriè non est principium quo recipiendi, sed medium, quia videlicet quantitas non est principium substandi, quod pertinet ad rationem subiecti inhesionis, sed dicitur esse medium recipiendi, quatenus inter ipsa accidentia est ordo, ita quod omnia non æque immediatè conueniunt substantiæ, sed vnum est dispositio ad aliud, vel ratio quare vnum conueniat subiecto, sicut propriæ passionēs, quæ inter se habent ordinem vna est ratio quare altera dicitur, sicut voluntas ratione intellectus; & quantitas disponit ad recipiendum qualitatem, & potentia cognoscens ad recipiendum actum cognoscitiuum. Non tamen dicitur accidens esse medium quasi præbeat

beat rationem, vel virtutem sustentandi, sicque constituat rationem subiecti. Et sic colligitur ex D. Thom. 1. p. q. 77 art. 7. ad 2. ubi inquit: *Quod accidens non potest per se esse subiectum accidentis, sed unum accidens per prius recipitur in substantia, quam aliud, sicut quantitas, quam qualitas.* Et similiter 1. 2. q. 6. art. 1. ad 3. inquit. *Quod duo accidentia aliquando comparantur ad subiectum sine ordine, ut album, & musicum aliquando cum aliquo ordine, puta quia subiectum recipit unum accidens alio mediante, sicut corpus recipit colorem mediante superficie, & sic unum accidens dicitur alteri inesse.* Videantur quæ diximus in Logica, q. 15.

Sequitur ex dictis potentiam susceptivam accidentium debere entitative esse substantialem siquidem non quomodocunque est receptiva, sed etiam sustentativa accidentium, ad sustentandum autem requiritur perfectius esse, scilicet, esse simpliciter à quo dependeat esse rei, quæ sustentatur, & inhaeret. Caterum relatiuè, & terminatiuè, dici potest potentia receptiva accidentium accidentalium ad differentiam potentiae receptivae substantialis formæ ad eum modum quo potentia obedientialis entitative est naturalis, secundum capacitatem autem subiicitur principio supernaturalis, & terminatur ad formam supernaturalem. Quod verò potentia, & actus debeant esse in eodem genere, intelligitur de potentia, & actu, quæ omnino adæquantur, non de potentia, & actu quæ se habent excedenter. De quo axioma vide explanationes positas, q. 12. Phys. art. 2.

*Soluntur argumenta.*

**P**rimò examinari oportet fundamentum P. Suar. disp. 14. Met. sect. 3. ubi tenet, quod materia prima esse potest, & aliquando est subiectum proprium, cui soli quantitas inhæreat, quia materia de se habet potentialitatem ad recipiendum accidens, & habet sufficiens esse ad ipsum sustentandum, cum non careat existentia, siquidem est ens actu, & extra causas, aliàs esset nihil; quod autem dependeat à forma, non refert, quia dependet ab illa ut à causa extrinseca, sicut etiam compositum dependet à dispositionibus; & tamen non recipit accidentia per ipsas, ergo materia secundum se est sufficiens subiectum inhæsionis accidentium. Antecedens probatur, nam materia habet entitatem sufficientem ad sustentandum formam substantialem, ergo à fortiori ut sustentet accidentia, quia sunt debilioris entitatis, & sic minus actualitatis supponunt in subiecto. Quod verò, ita de facto contingat, quod soli materiæ uniuntur accidentia, probat exemplo hominis, in quo quantitas non potest uniri formæ, quia spiritualis est, ergo soli materiæ, quia non restat aliud in quo uniuntur. Eodem autem modo unitur quantitas in corpore humano, & in alijs corporibus. Deinde, quia accidentia eadem manent in genito, & corrupto, ut idem color eadem figura, &c. Item quia materia debet determinari per dispositiones ad formam, & per ipsas debet forma educi, quantitas e iam prius debet dividere partes materiæ, quam illi appli-

plicari forma, quæ solum applicatur tantæ, vel tantæ materiæ, ergo prius debet recipere quantitatem, & dispositiones, quam formam substantialem. *Et confirmatur*, quia accidentia nullo modo pendent à forma, nec forma habet causalitatem in ipsa, nec enim materialiter causat ea, cum non dicat potentialitatem receptiuam illorum, nec formaliter cum non informet accidentia, sed materiam, neque efficienter cum multa accidentia non emanent à forma, nec forma efficiat sine accidentibus, ergo.

*Respond.* quod materia non est ens actu sine forma cum ab ipsa participet existentiam, ex se autem solum habet capacitatem receptiuam esse substantialis mediante forma ut sæpè probatum est. Et dato quod ex se haberet aliquod esse non communicatum per formam, sed independens ab illa, non tamen est sufficiens ad sustentandum accidentia, quia non est esse subsistens, & terminatum in se, ut possit terminare esse accidentis, ut dicatur esse in alio; nec potest immediate respicere esse accidentale quod est secundum quid, nisi prius respiciat esse simpliciter, quod est esse substantiale. Quare non dependet materia à forma ut à conseruante, sicut compositum dependet à dispositionibus, siquidem forma non potest conseruare materiam, nisi mediante aliquo effectu formali, iste autem effectus formalis non est dispositiuus materiæ, quia etsi substantialis informatio, dat enim effectum formalem præbendo ipsum esse substantiale, vel determinando indifferentiam, & potentialitatem ipsius esse quod habet materia, ergo oportet quod materia

ria in suo esse dependeat à forma, si conservatur ab illa siquidem determinatur per formam, & accipit esse substantiale à forma. Quod verò materia habeat sufficientem vim ad sustentandum formam substantialem, non arguit quod possit sustentare accidentalem, quia formam substantialem non sustentat dando illi esse, sed accipiendo ab illa, & tantum præbet ei modum existendi receptibiliter, & non permittendo ulterius communicari, accidentalem autem formam sustentat dando ei esse tanquam per se terminans, & sustentans illi, & ita ad primam sufficit potentialitas receptiva esse substantialis, ad secundam verò requiritur substantialis actualitas, & completa ac per se, quæ secundarium esse accidentis sustentat.

Ad id verò quod dicitur de homine sustentante quantitatem, & reliqua accidentia, ex dictis constat, quod forma humana non concurrat recipiendo, sicut nec aliæ formæ, quia nec est subiectum quod recipiens, cum non sit totum, sed pars, nec est subiectum quo recipiendi cum non sit principium recipiendi, sed actuandi, quod etiam requiritur ad inhæssionem ex parte subiecti, sicut, & conditio potentialitatis ad recipiendum, cuius principium est materia. Et non repugnat animam rationalem esse rationem, & com principium ad inhæssionem accidentium materialium, licet in se sit entitas spiritualis, quia non concurrat ad talem inhæssionem quatenus spiritualis est, sed in quantum dat gradum corporeum, & sensitivum, sicut enim non repugnat, quod anima sit entitas spiritualis, & propter eminentiam suam eliciat operationes corporeas sensuum,

&

& præbeat effectum formalem corporeum constituendo corpus, & animal, ita non repugnat, quod se habeat ut principium, quoad terminanda accidentia corporea in esse: accidentia tamen immaterialia ut intellectum, & voluntatem, immediate sola anima recipit, quia ut spiritus recipit, & sic est subiectum subsistens, & ut quod, & non solum ut quo.

Ad id quod dicitur de accidentibus manentibus in genito, & corrupto iam supra negatum est, & explicatum, quæst. 1. art. 7.

*Ad confirm. resp.* quod forma concurret ad inhæSIONem accidentium non ut principium recipiendi, quod est potentiale, sed actuendi non quidem ipsamet accidentia constituendo cum eis aliquam naturam, sed informatione actuante materiam, & quia dat esse substantiale quod est esse primum, & esse simpliciter, ideo est ratio terminandi, & sustentandi esse secundarium, quod est esse accidentale, siquidem per formam substantialem præbetur esse subsistens, à quo ut à primario termino dependet esse inhærens, quod non est in se, sed in alio.

*Secundo arguitur*, illi subiecto inhærent accidentia, de cuius potentia educitur forma substantialis, sed educitur de sola materia, ut constat, ergo accidentia inhærent soli materiæ, *Confirmatur*, quia saltem generatio substantialis cuius est actio non potest habere pro subiecto ipsum compositum, sed solam materiam primam, quia ex sola illa educitur eique unitur forma, & similiter relatio quam habet materia ad formam, & ad Deum creatorem, & ad aliam materiam sibi similem, vel dissimilem,  
non

nō possunt subiectari nisi in ipsa materia; quia solam ipsam denominant, & non compositum, ergo.

*Resp.* negando maiorem. Nec obstat quod accidens disponens materiam debet educi ex eodem subiecto, ex quo educitur forma ad quam disponit; dicimus enim quod bene stat accidens inherere composito, & tamen determinare ac disponere materiam, quia accidens quando inheret composito, mediante materia tanquam principio quo receptionis recipitur, & sic sufficienter datur locus ut ipsam materiam disponat, & dicatur educi ex ipsa tanquam ex principio quo recipiendi, quia sicut in composito inheret accidentia mediante potentialitate materiæ, per quam recipiuntur tanquam per principium quo, ita ex eius potentialitate in eodem sensu dicantur educi, ex composito autem simpliciter tanquam ex subiecto quod.

*Ad confirm. resp.* quod attinet ad generationem, ipsam inherere esse in toto composito generato, tanquam in subiecto, quod à quo dependet ut forma quædam in suo esse, eius tamen exercitium in ratione actioniseductiue solum respicere pro subiecto educationis ipsam materiam. Quod verò attinet ad relationem, siue creationis, vel potius concreationis materiæ ad Deum, siue materiæ ad formam, vel ad aliam materiam, dicimus quod aliquæ sunt, quæ solum habent materiam pro fundamento, sicut illæ in argumento relatæ, non tamen habent illam solum pro subiecto inhesionis, eadem enim ratio est de relatione, ac de reliquis accidentibus, sicut etiam relationes funda-

data in ipsis accidentibus, v. g. in albedine, vel aetione licet proxime fundentur in accidentibus, inhaerent tamen toti composito vt in subiecto substante, sic etiam relationes, licet fundatae in materia, tamen inhaerent toti, vt substanti. Quod verò denominent solam materiam, & non compositum à quo sustentantur, non tollit quo minus composito inhaereant, & non materiae, quia denominatio fit in subiecto iuxta applicationem, & exercitium in illo; contingit autem applicari vni subiecto secundum formalitatem, & respectum sustentandi formam in esse, & sic denominat subiectum sustentans vniorem, alij autem applicatur secundum exercitium, & formalitatem extremi, seu partis vnitae, & sic non denominat subiectum vnitum, cuius non est pars, sed materiam. Itaque diuersis applicatur, & denominat secundum diuersam formalitatem, & effectum. Nec obstat, quod relatio identificatur cum fundamento, & sic fundamentum non inhaeret, quod est materia, nec etiam debet inhaerere relatio, quae identificatur cum illa. Respondetur enim, quod id quod identificatur cum alio vt modus bene potest in suo esse dependere à toto, & quantum ad formalitatem modi, quam superaddit, inhaerere; quantum verò ad materiale, & identicum, cum quo entitative est idem non inhaerere; sed hoc est tantum materialiter, scilicet, quia illa entitas cuius est modus non inhaeret, sicut sessio non distinguitur realiter à sedente, & tamen entitas sedentis non inhaeret, ipse verò modus inhaeret, id est dependet in suo esse ab esse substantiae.

*Tertio arguitur, nam si accidentia inhaerent*



rent toti, & non soli materiæ, sequitur quod agant ad corruptionem sui, imò ipsum subiectum agat ad sui corruptionem, consequens est falsum, ergo, sequela patet, quia calor, v.g. agit ad corruptionem aquæ in qua est, ergo agit per se ad corruptionem sui cum per se agat ad corruptionem causæ sui, quæ est aqua. Et similiter ipsa aqua quæ est subiectum agit per calorem in se receptum, nam cum calor sit qualitas actiua, & insit aquæ, quæ non ipsa sola, sed subiectum per illam operatur, calidum enim est, quod calefacit, non calor; ergo si per calorem destruitur aqua, & aqua est subiectum caloris, aqua agit ad sui destructionem. Similiter etiam sequeretur quod aqua calida non posset calorem à se expellere, & se reducere ad frigiditatem, quia impossibile est quod tota aqua sit agens, & patiens, ergo non potest tota esse subiectum caloris, & tota agere in calorem corrumpendo illum. Quod si dicatur calorem non se habere ut virtutem efficientem in aqua, sed ut dispositionem ad formam ignis, tunc sic instantia, quia accidentia disponunt materiam ad formam, & non compositum, ergo inhaerent illi, siquidem non disponunt nisi inhaerendo, & ita sicut denominant materiam dispositam, ita, & sustentantem talem dispositionem.

*Confirm.* quia potest continuari aliquis motus in corrupto, & in genito, ut quando canis cadens è turri moritur in medio non discontinuando motum, ergo non potest subiectari in composito quia sic discontinuaretur.

*Resp.* negando, quod calor, vel aqua calida agant effectiue ad sui corruptionem, quia ut supra diximus q. 1. ex D. Thom. accidens nunquam

quam effectiue in suum subiectum, sed vna pars continui agit in aliam, & vnum continuum in aliud, & sic calor nunquam destruit se effectiue, sed illud efficiens quod agit in calidum, vel illa pars quæ agit in aliam, destruit illum calorem, & quando vna pars agit in aliam, & multiplicat calorem, aliqui dicunt aquam, vel subiectum in quo multiplicatur solum se habere vt deferens non vt causa principalis produciens. Cæterum non videtur posse intelligi, quod medium sit deferens, nisi sit etiam produciens, quia non deferitur, nec transit idem numero accidens de subiecto in subiectum, vel de parte in partem, ergo multiplicatur accidens per sui communicationem, & consequenter per productionem, quia nouum, & distinctum accidens est. Quod si producit, ergo vt causa principalis se habet, quia assimilatur passum, seu effectum productum formæ illi per quam agit vna pars in aliam, quod est signum esse causam principalem in agendo, quia causa principalis est illa, cui immediate, & per se assimilatur effectus, licet quia non est accidens proprium, nec habet radicem in tali subiecto, sed solum participatiue, & per modum transeuntis, dicitur habere modum causæ instrumentalis quantum ad modum habendi formam, non quantum ad ipsam formam habitam, quæ per se, & principaliter est operativa alterius sibi similis, v.g. calor caloris. Ad id vero quod dicitur de aqua reducete se ad frigiditatem, diximus in 8. Phys. q. 23. & sup. q. 5. art. 1. quod illa reductio fit à generante mediante forma aquæ, quia est propria passio, quæ semper reducitur in ipsum generans tantumquam

quam in efficiens. Quod verò attinet ad dispositiones, iam diximus quod in re dispositiones nunquam inhærent in sola materia, quia in re semper est informata forma, & sic semper datur compositum cui inhæreant, quia tamen mediante materia tanquam principio quo receptionis inhærent, ideo materiam dicuntur disponere, & determinare, sed ab ipso composito sustentari.

*Ad confirm. respond.* supra q. 1. art. 7. illum motum non esse continuum ex parte subiecti cum corrumpatur illud in quo prius erat, sed discontinuari in ipso instanti generationis licet quia solum illo instanti discontinuatur per quietem negatiuam, & non priuatiuam, videatur continuari ex parte temporis.

*Ultim. arguitur*, quantitas sequitur materiam sicut qualitas formam, ergo saltem quantitas debet inhærere materię, quia si sequitur materiam præcedit formam, & sic erit in sola materia, quod præsertim vt iam dictum est verificatur in homine in quo quantitas nullo modo potest inhærere formę quę spiritualis est, ergo soli materię. *Et confirm.* quia diuersę formę non recipiuntur in eadem materia, sed in diuersa, est autem diuersa per diuisionem quantitatis, ergo prior est quantitas in materia tanquam diuidens, & efficiens ipsam quam quod forma recipiatur. Denique hæc videtur sententia S. Th. quia in 4. dist. 12. q. 1. art. 2. q. 4. docet ex Auerroe, quod oportet intelligere dimensiones interminatas ante aduentum formę substantialis, alias non posset intelligi diuisio materię, vt in diuersis partibus materię diuersę formę substantiales essent, simili-

ter in 4. contra gen. cap. 81. dicit quod anima rationalis manet post mortem, materia etiam quæ tali forma fuit subiecta manet sub eisdem dimensionibus, ex quibus habebat ut esset materia indiuidualis; ergo secundum D. Thom. materia secundum se est subiectum quantitatis.

*Respond.* quod illud axioma quantitas sequitur materiam, & qualitas formam intelligitur sic quod sequitur ad compositum ratione materiæ, & qualitas ratione formæ, vnde non oportet quod subiectentur nisi in ipso composito. Immo non est intelligendum, quod quantitas sequatur ad materiam nudam sine forma, cum constet sequi ad gradum corporeitatis, qui præbetur à forma; sed intelligitur sequi materiam, vel quia solum inuenitur in rebus materialibus, qualitas autem sequitur actum, etiam si immaterialis sit, & sic proprium est qualitatis qualificare sicut, & formæ; tum etiam quia quantitas se habet in genere accidentium sicut materia in genere substantiæ, quia non est actiua, sed medium receptiuum aliorum accidentium, & inter reliqua primum, quæ omnia proportionem, & analogiam dicunt ad materiam primum, & ideo dicitur sequi illam secundum istas condiciones.

*Ad Confirmat. Respond.* diuersas formas recipi in diuersis partibus materiæ, siue in materia diuisa per quantitatem non existentem ante formam, sed concomitantem ipsam, & consequentem eam sicut alix dispositiones, quarum vna, & prima est quantitas, sed tamen quia dispositiones ut supra questione prima late tractatum est, licet in genere causæ formalis sequantur

tur formam, tamen in genere causæ materialis qua determinant, & disponunt materiam præintelliguntur ad formam prioritate naturæ, seu dependentiæ, non existentæ, ita quantitas secundum quod intelligitur diuidere materiam, & coaptare illam formæ, vt tanta materia, & non plus subiiciatur formæ, sic intelligitur præcedere formam præcedentia naturæ, quia sic consideratur per modum dispositionis materialis, & sic vocatur quantitas interminata sub præcisa ratione qua facit diuisionem, vt dicemus articulo tertio, eadem tamen quantitas vt formata, & suis terminis figurata sequitur formam, & in re ac secundum durationem semper existit cum forma, & dependenter ab illa.

Ad D. Thom. dicimus quod in primo loco vtitur sententia Commentatoris quantum ad hoc quod est quantitatem interminatam præintelligi in materia prioritate naturæ, nam quod non præexistant in materia dimensiones secundum durationem expresse reprobauit in Auerroe Sanct. Thom. opusc. 32. cap. 4. In secundo loco loquitur D. Thom. ex suppositione, & ad hominem contra gentiles negantes resurrectionem, quos conuincit ex his quæ ipsi concedebant, scilicet, materiam semper habere easdem dimensiones, vt dicebant Commentator, sic soluit Ferr. ibidem, & Bannez hic q. 9. art. 3. Potest tamen etiam dici, quod materia dicitur à D. Tho. manere sub eisdem dimensionibus; quatenus tali formæ fuit subiecta, vt sit sensus quod materia quæ vt subiecta formæ sub eisdem dimensionibus manet post mortem, non quia maneant dimensiones,

sed quia fuit subiecta forma sub talibus dimensionibus, & manet in materia ordo ad illas dimensiones, sicut, & ad formam cui sub illis fuit subiecta, non tamen ipsae dimensiones actu manent, sed ordo ad illas. Et hoc ideo est, quia ibidem paulo post dicit D. Tho. quod corporeitas, quae est forma accidentalis secundum quam dicitur corpus esse in genere quantitatis in nihilum cedit corpore humano corrupto, ergo sentit D. Thom. quod quantitas non manet actu, haec enim est corporeitas quae est forma accidentalis.

## ARTICVLVS II.

*Quid debeat fieri in accidente, ut separatim  
maneat à subiecto?*

**S**upponimus accidens reale, quod verè, & proprie est inhaerens posse separatim à subiecto conseruari: & dicimus accidens inhaerens, quia modus qui non habet esse distinctum realiter à subiecto, sed identificatur cum eo, ideo non est capax existendi separatim ab eo, quia si realiter separaretur hoc ipso haberet esse realiter distinctum à subiecto, quia separatim. Accidens, ergo praesertim absolutum, quod non est modus, sed realiter distinctum sine subiecto conseruari potest à Deo, ut patet exemplo quantitatis, quae in Eucharistia sine substantia panis, & sine alio subiecto inhaesionis conseruatur à Deo. Et deinde, quia vis sustentatiua accidentum conuenit substantiae non informando ipsum accidens, sed suo esse coniungendo, & mediate terminando quo-  
ad

ad exercitium existentiae, non quoad informa-  
tionem aliquam, seu genus causae formalis dan-  
tis speciem accidenti; & ita coniunctio illa ad  
substantiam ordinatur ad hoc ut accidens con-  
seruetur in esse, & actu existat non in se sed  
in alio, quia non est capax existendi in se, &  
per se sicut substantia; cum ergo existat in alio  
tanquam in extrinseco sibi ut conseruetur in  
esse, & habeat existentiam sic dependentem,  
& terminatam, totum hoc potest Deus supple-  
re sine tali causa sustentante, quia omnis con-  
servatio existentiae excellentius fit à prima  
causa efficiente quam ab aliqua causa creata  
extrinseca, siue materiali, siue efficiente, si-  
quidem id facit in virtute primae causae, & sic  
ea remota, adhuc in virtute Dei sustentari po-  
test, quia illa dependentia à substantia solum  
est dependentia in existendo non in constituen-  
do naturam accidentis. Si tamen effectus hic  
non esset sola conservatio in esse, sed aliquis  
alius effectus formalis non pertinens praecise  
ad exercitium existentiae, sed ad aliquam spe-  
cificationem, vel formalitatem intrinsecam,  
non posset à solo efficiente Deo suppleri, quia  
efficientis supplet existentiam quam proprie res-  
picit, & praebet, non autem specificationem,  
vel formalitatem aliquam constitutivam. Et  
in hoc consistit ratio S. Thom. 3. p. q. 77. art. 1.  
quod idcirco potest Deus conservare accide-  
ns sine subiecto, quia effectus magis dependet à  
causa prima quam à causa secunda, & ideo re-  
mota causa secunda per quam conservabat esse  
accidentis, adhuc se sola potest illud conser-  
vare. Quare solum supplet Deus effectum  
causae secundae in eo quod est conservare esse,

non in eo quod est constituere, vel quoad specificationem formalizare. Et ita non supplet Deus causam materiale[m] exercendo officium causae materialis, vel formalis, sed solum id in quo illa causa erat conservatiua existentiæ: in hoc supplet per efficientiam id quod illa faciebat per terminationem, vel sustentationem.

*Sed tunc est difficultas*, quid producat Deus in accidente, & quid in illo fiat, ut se solo, & sine substantia sustentetur in esse. In quo aliqui sentiunt, quod additur aliquis modus ipsi accidenti quando sustentatur extra subiectum, & redditur per se existens. Quod insinuat Caiet. 3. p. q. 77. art. 1. licet obscure loquatur, & esse probabile faretur Suarez 3. tom. 3. p. disp. 36. sect. 2. Oppositum verò tenet Scotus in 4. disp. 12. q. 1. M. Soto ibi. & Nunno super locum citatum 3. p. D. Thom.

*Nihilominus* dicimus, quod accidens per separationem non acquirit nouum esse, sed antiquum remanet, ut saepe affirmat D. Thom. q. 77. citata praesertim art. 1. ad 3. ubi dicit: *Quod remanent accidentia virtute diuina in illo esse indiuiduato, quod antea habebant.* Et loquitur de illo quod habebant in substantia panis, & vini. Ratio est quia actio diuina conservans esse accidentium non mutat eorum entitatem aliàs non conservaret eandem, ergo neque mutat esse proprium, hoc enim non mutatur entitate immutata, nec vnit illis aliquam existentiam extraneam, quia non potest assignari quænam sit, nec enim est diuina cum non vniantur accidentia Deo; nec beata esse potest, cum nulla detur aliena, quæ illis acciden-

den.



dentibus vniatur , nec possit existentia eius creata seruire alteri propter sui limitationem . Actio ergo diuina separans accidentia non est productiua noui esse , sed conseruatiua antiqui , licet non cum dependentia antiqua .

*Nec obstat* si dicas , quod inhærentia accidentis , & existentia sint idem realiter , vel saltem inhærentia est medium recipiendi accidentium existentiam , sicut subsistentia est medium recipiendi existentiam substantiæ , ergo non potest remoueri inhærentia nisi remoueaturs existentia .

*Respond.* quod inhærentia est modus existendi distinctus ab ipsa existentia accidentis sicut in substantia distinguitur subsistentia ab existentia , & sic separari potest existentia ab inhærentia , & manere sine illa , saltem vt modus sine modo , eo quod inhærentia essentialiter est modus dependentiæ à causa materiali , & subiectiua tantum , seu à causa substante , existentia verò præcipuè à producente : & quia Deus est principaliter produzens , potest istam sine illa conseruare . Et ex hoc amplius constat differentia inter existentiam substantiæ , & accidentis , quod existentia substantiæ ex existentia perfecta , & per se , & dat primum esse , & sic per se requirit , & supponit subsistentiam , quæ est terminus totius , quia illud esse primo conuenit toti , seu termino , non parti , quæ dependenter à toto habet esse , & consequenter supponit ipsum totum tanquam prius . Vnde remota subsistentia remouetur talis existentia substantialis prout est existentia perfecta & per se ; parti enim non conuenit nisi vt quo . At verò accidens non

habet existentiam perfectam, & totalem, sed indigenem alteri adiungi ut ibi terminetur, & non decidat; unde prius conuenit ei talis existentia quam inhaerentia per quam perficitur cum alteri innitatur, & terminata reddatur non sicut existentia substantiae, quae ex se postulat non inniti alteri, sed per se sublato. Et ita substantia subiecto cui innititur accidens conseruat Deus sine ista innitentia ipsum esse quod antea conseruabat.

Secundo dico quod non est necesse producere nouum modum posituum superadditum accidenti separato ut existat per se, sed sufficit conseruare illud esse sine illa inhaerentia, & sic solum consequitur modus priuatiuus, scilicet, existere sine illa dependentia, sicut ad hoc quod Deus producat se solo effectus aliquos in rebus natura, v. g. sanitatem sine medicina & lucem sine sole, aut hominem sine generante, non indiget ponere nouum modum in ipsa re sic producta, sed solum remotis causis secundis dare illis esse quod per tales causas daretur, ergo similiter ad separandum accidens sufficit separata causa secunda illius esse conseruare, ergo non requiritur alius nouus modus superadditus.

Et praesertim quia ille modus, nec potest esse substantialis, nec accidentalis, non substantialis, quia nulli substantiae est debitus, vel proprius, substantiae enim debetur modus existendi per se sine aptitudine ad inhaerendum, illud autem accidens manet cum aptitudine ad inhaerendum, & solum actuali inhaerentia destituitur, ergo non accipit modum substantialem. Nec etiam est accidentalis, quia modus acci-

den

dentalis non potest extra subiectum sustentā-  
re, & constituere cum ex se petat subiectum,  
& respiciat illud hoc ipso quod accidentalis  
est, & positius constituens subiectum in mo-  
do accidentali essendi; seu proprio accidentis;  
ergo non datur, sed sola continuatio existen-  
tiæ cum priuatione dependentiæ à subiecto,  
sicut quando anima separatur à corpore, licet  
amittat modum informandi positium, non ta-  
men acquirit nouum modum nisi tantum priua-  
tium, scilicet, existere sine corpore, & habe-  
re suum esse non communicatum corpori.

*Sed obijciat*, ille concursus Dei quo sustentan-  
tur accidentia sine subiecto non est idem cum  
eo quo sustentabantur ante mediante substan-  
tia, sed perfectior, & efficacior, ergo habet  
distinctum terminum, & distinctam perfectio-  
nem in illo, ergo vel nouum esse, vel nouum  
modum.

*Secundo* D. Thom. affirmat quæst. illa 77.  
art. 1. ad 4. quod quantitas separata, ita habet  
esse, quod componitur ex *quo* est, & *quod* est,  
quod antea non habebat, & art. 1. ad 2. dicit,  
quod accidens accipit modum substantiæ, & art.  
3. quod accipit virtutem substantiæ, ergo habet  
aliquid positium, quod ante non habebat.

*Tertio* connaturalius est, ut quando tollitur  
aliquis modus, præsertim si sit modus termi-  
nans esse, succedat alius, sicut ablata termina-  
tione quantitatis, ut figura, aut situs aut ubi,  
succedit alius modus, ergo sublata inhaerentia,  
alius modus succedet, & præcipue, quia nobi-  
lior modus existendi separate, & sine depen-  
dentia à subiecto, quam cum illa, existere autem  
sine dependentia non potest esse sine aliquo

positiuo, & non per solam negationem dependentiæ, ergo à fortiori modus existendi separate à subiecto. Quod si illa perfectas non est positiuus aliquis modus, euacuatur fundamentum ad ponendum contra Scotum, quod substantia sit modus positiuus. Denique concursus, quo per materiam conseruabatur accidens erat idem cum concursu ipsius causæ secundæ sustentantis, modo autem inuenitur sine tali concursu causæ secundæ, & sine educatione, & dependentia à subiecto, ergo est distinctus & consequenter distinctum terminum habet in ipso accidente.

*Ad primum Respond.* quod ille concursus quo Deus conseruat accidens separatum distinctum est ab illo quo conseruatur in subiecto, non ex parte rei productæ, vel modi superadditi sed ex parte modi producendi, quatenus conseruatur illud accidens cum concursu non identificate cum sustentatione materiæ, antea autem conseruabatur cum concursu identificate cum tali subiecti sustentatione, ista autem diuersitas modi agendi non infert nouum modum positiuum superadditum ipsi rei productæ, sed sufficit quod tollat aliquam dependentiam, quam antea habebat, idem enim quod Deus producit concurrente cum alia causa potest producere agendo se solo, ut in exemplis supra adductis patet sine hoc quod nouum modum producat super additum ipsi rei productæ.

*Ad secundum Respond.* quod D. Thom. non explicat quod iste modus quo existit accidens separatum sit modus positiuus ei superadditus sed sufficit quod sit priuatiuus, ut explicatur est,

est: Et quando dicit, quod accidens separatum est compositum ex esse, & quod est, *ly quod est* non importat essentiam accidentis cum modo positivo, sed sufficit ipsa essentia accidentis cum remotione inhaerentiae, si enim componit cum sua existentia tanquam id quod est, idest tanquam entitas actu non existens in alio, nec informans ut *quo*, & consequenter ut *quod*, & ad hoc sufficit negatio inhaerentiae cum conseruatione existentiae, & consequenter cum compositione cum ipsa. Dicitur etiam habere modum aut virtutem substantiae, non positium modum accipiendo, sed inhaerentiam reliquendo, in quo se habet ad instar substantiae.

*Ad tertium Respond.* quod etiam hic succedit aliquis modus modo inhaerentiae, sed priuatiuus non posituius; nec enim semper succedit posituius alteri posituius ut patet cum mortuo filio non succedit Patri altera relatio, sed priuatio relationis, & luci succedunt tenebrae, & visui caecitas; cur ergo non poterit succedere modo inhaerentiae priuatio eius? Et quando dicitur, quod est nobilior modus existendi in accidente separato. Respondeo, quod est nobilior per remotionem actualis dependentiae quae est quaedam imperfectio, non per modum superadditum positue postulante illam perfectionem sicut modus substantiae, quae habet perfectitatem intrinsecam. Et sic concursu Dei sic conseruans perfectior est, quatenus per se sine causa secunda agit, non quia perfectiorem effectum, seu modum producat sicut in superioribus exemplis ostensum est, & sicut anima rationalis ex separatione

ne habet perfectiorem statum essendi, quam cum existentia in materia, quatenus ab illa aliquo modo aggrauatur, & materializatur, nec tamen nouum modum positium oportet quod acquirat. Quod verò additur de ipsa substantia, Respond. quod substantia non solum habet negationem actu dependendi, sed non habet capacitatem, nec aptitudinem ad inhærendum, & ita debet habere modum sic existendi, quod excludat omnem potentiam dependendi, non autem quod solum remoueatur actualis dependentia, in accidente autem solum actualis inhærentia remouetur: vnde sufficit in ea actualis priuatio sine modo positio; in substantia autem modus positius requiritur, quia ab intrinseco petit esse incapacem inhærentiæ.

*Ad Vltimum*, iam diximus concursum diuinum quo sustentatur accidens esse distinctum ab eo quo sustentabat mediante subiecto, quia non identificatur cum illo, sed remoto illo operatur; nec tamen sequitur quod producat nouum modum positium, sed idem esse cum remotione dependentiæ à causa secunda, vt explicatum est.

### ARTICVLVS III.

*A quo principio sumatur indiuiduatio  
substantiæ materialis*

**P**RO clariori noticia terminorum oportet supponere, quid sit formaliter indiuiduatio in substantia, quid eius principium, & quis terminus. Indiuiduatio ergo potest conside-

ra-

rari, & Metaphisice, Logicè, & Phisicè, Methaphisice dicit vltimum gradum in serie cuiuscunque prædicamenti, sicut genus supremum dicit gradum primum, & iste gradus vltimus fit per differentiam vltimam, quæ est indiuidualis contrahens speciem. Logice dicit relationem subijcibilitatis ad prædicata superiora, & prædicabilitatis de vno tantum, idest de se ipso, & vtrumque est secunda intentio. Phisice est ipsa vnitas numerica, qua aliquid ita est vnum, quod est indiuisum in se, & diuisum à quolibet alio, sicut illud definit S. Thom. 1. p. q. 29. art. 4. Itaque qua parte dicit vnitatem incommunicabilem, & vltius indiuisam dicit indiuiduationem, vt in vno tantum; qua parte dicit diuisam à quolibet alio, supponit vel admittit multiplicationem indiuidualem, ita quod vnum indiuiduum diuidatur, & separetur etiam à quolibet indiuiduo sub eadem specie constituto, si detur. Vnde in hac difficultate non possumus loqui de indiuiduatione substantiæ materialis, quin etiam loquamur de eius multiplicatione, & vtriusque rationem assignemus.

*Principium* indiuiduationis dicitur fundamentum illud vel radix, vnde sumitur ista vnitas sic indiuisa, seu vltius indiuisibilis in plura, & diuisa à qualibet alia etiam similis vnitatis indiuidualis. Et inquirimus an desinatur ex principijs constitutiujs, & proprijs ipsius naturæ, an verò ex aliquo quod sit extra conceptum naturæ, & quidditatis. Oportet enim quod ad indiuiduationem multiplicandam concurrant duæ conditiones; prima, quod id quod indiuiduat pertineat ad substantiam, & substantiam.

substantialem unitatem faciat, siquidem indiuiduum substantiæ etiam pertinet ad prædicamentum substantiæ tanquam vltimum in eius linea, secunda, quod ita multiplicet substantiam substantialiter, quod non essentialiter, nec formaliter, quia indiuidualis distinctio non opponitur unitati formali, prout specifica est, sed totam speciem, & quidditatem conseruat in vno indiuiduo, & in alio, non autem formalem distinctionem specificam, & quidditatuam facit.

*Terminus* indiuiduationis est subsistentia, seu suppositalitas, quæ per se solum inuenitur in indiuiduis substantialibus, quæ per se terminantur, & per se sistunt in esse; accidentia autem non habent in se terminationem, & subsistentiam, sed per inhzrentiam ad rem subsistentem redduntur terminata. Et non indiuiduatur substantia per istum terminum, sed per illum modificatur, seu terminatur, quatenus redditur vltiori supposito incommunicabilis, videmus enim quod humanitas Christi Domini non habet propriam subsistentiam, & tamen habet propriam singularitatem, quia vt singularis, & distincta ab alijs naturis assumpta est, non autem per ipsum Verbum singularizata est.

*Ex quo* nascitur, quod cum subsistentia se habeat vt terminus, & modus vltimus substantiæ, non repugnat ex eadem natura singulari si impediatur, aut remoueat propriam subsistentiam, postea dimanare aliam numero diuersam à priori sine vlla singularitatis diuisione, sicut ex eadem numero quantitate si remoueat superficies, vel punctum terminans dimanabit aliud, sic ab eadem numero natura etiam si  
mul-



multiplicabilis non sit, quia singularis est, siue sit corporea, siue incorporea illa plures subsistentia sic succedentes dimanabunt, & sub eodem ordine ad principium indiuiduans continentur, quia dimanant ab eisdem principijs in virtute primæ generationis quæ ita produxit hanc naturam singularem sub ista numero subsistentia, quod si impediretur, succederet alia loco illius, quæ omnes per modum vnius censentur sub tali natura singulari, & eius principijs, & generatione, & ita hæc diuersa successio non multiplicat naturam siquidem etiam eidem singulari naturæ conuenit, siue materialis, siue immaterialis sit. Quamquam in hoc hæere potest sententia, & non improbabili- ter defendi, quod ab vnica, & singulari natura solum potest emanare vnica subsistentia propria, ita quod si semel habuit propriam, & illa impediatur per assumptionem hypostaticam, si iterum dimittatur talis natura, non emanabit alia subsistentia, sed peribit substantia, eo quod subsistentia, & existentia non se habent sicut propriæ passionēs, quæ supponunt naturam existentem, non ad constituendam existentiam pertinent, sicut terminus subsistentiæ, & existentia, quibus sublati perit, & definit natura, sicut etiam cum motus cordis cessat, non potest alius emanare, quia perit natura, multo ergo minus dimanabit existentia, vel subsistentia semel ablata. At verò si nunquam propria subsistentia emanauit, sicut modo in humanitate Christi, quæ nunquam habuit propriam subsistentiam, si dimitteretur emanaret vi primæ generationis.

*Varia*

*Varia sententia.*

**C**irca principium ergo indiuiduationis *varia* sunt Philosophorum sententiæ, quæ varietas inde orta est; quia multa requiruntur ad singularitatem quæ non videntur in vnam radicem, & principium reduci posse. Nam in indiuiduatione inuenimus vnitatem, & sic videtur sequi ad entitatem: inuenimus etiam diuisionem à quolibet alio, & sic videtur sequi quantitatem: inuenimus quod sit vltimus gradus in serie prædicamentali, & sic videtur sequi ad eandem formam ad quam sequuntur alij gradus: inuenimus, quod non constituit gradum quidditatum, neque facit differre essentialiter, cum omnia indiuidua sint eiusdem rationis, & sic videtur sequi ad accidentia, quæ extra quidditatem sunt. Denique indiuiduum habet incommunicabilitatem, quia non est commune, nec communicabile pluribus, & sic videtur sequi materiam.

*Ex his diuersis sententiis derivatæ sunt*, quæ præcipue reducuntur ad quatuor, prima affirmat vnumquodque indiuiduari se ipso, & ex propria entitate, & sicut se ipsa habet vnitatem formalem, & omnis vnitas est passio entis, ideo ipsam entitatem ponit pro principio indiuiduationis. Ita tenet P. Suarez disp. 5. met. sect. 4. & pro ea citantur alij antiqui vt Niphus, Zimara, Auicenna, Auerroes, & alij.

*Secunda sententia* per aliud extremum est Scoti qui videns indiuiduationem non addere prædicatum quidditatum, nec facere differre quidditative, dixit indiuiduationem fieri  
per

per aliquid distinctum, & tanquam extrinsecum adueniens naturæ, quod vocauit hæceitatem, cuius effectus formalis est reddere naturam indiuisibilem in partes subiectiuas. Nec oportet quærere intra naturam principium singularitatis, sed solum in natura est potentia, & indifferentia, vt sit hæc vel illa, sed per additionem entitatis extrinsecæ id debet fieri, sicut per entitatem ab extra aduenientem, quæ est prædeterminatio, indifferentia potentie operantis determinatur, vt iuxta modum suum singularem, & certum effectum operetur, & sicut per additionem existentie redditur ipsa essentia actu existens. Ita sumitur ex Scoto in 1. dist. 3. q. 6.

*Tertia sententia*, attendens ad diuisionem, quam tacite indiuiduatio intra eandem speciem, & quia actus est qui distinguit assignat pro principio indiuiduationis aliquam formam. Quidam formam substantialem, quod attribuitur Auerroei 1. de anima, c. 7. & Auicennæ lib. 6. naturalium, p. 1. alij quantitatem, quod Scotus citato loco q. 4. attribuit Gotifredo, & ex parte sequuntur, Soncinas 7. met. q. 34. Ferr. 1. contra gent. cap. 21. Capreolus in 2. dist. 3. q. 1. quatenus ex duobus quæ ad indiuiduationem requiruntur, scilicet, quod sit incommunicabile multis, & distinctum numeraliter ab alijs, hoc secundum tribuunt quantitati, fauetque D. Tho. in 4. dist. 11. q. 1. art. 1. q. 3. ad 3. & alijs locis postea citandis.

*Quarta sententia* attendens ad modum proprium indiuiduationis, & singularitatis, qui est incommunicabilitas affirmat materiam primam esse principium indiuiduationis, idest vlti-

timum subiectum incommunicabile. Sed cum materia de se sit pura potentia, & indifferens ad plura individua, immò ad plures species, indiuiduatio autem supponit naturam specificam constitutam, ideo quidam assignauerunt pro principio indiuiduationis materiam ut informatam forma substantiali, quia actus est qui distinguit: Alij verò ponunt materiam, ut signatam quantitate, seu cum ordine ad quantitatem esse principium indiuiduationis, quod frequenter dicit S. Tho. & sequuntur Thomistae. Inter quos tamen est magna varietas declarandi istam signationem quantitatis an sit ipsa quantitas ut actualiter informans materiam, an verò radicaliter praehabita in materia, an solum ut connotata, & per modum conditionis inclusa de quo postea agemus. Nec desuerunt, qui subsistentiam, & existentiam pro principio indiuiduationis assignauerunt, ut refert Scotus loco citato, q. 3. eo quod habent rationem ultimi termini incommunicabilis.

## RESOLVTIO.

**D**ico primo non potest natura specifica ex sola entitate sua quæ præcise includit prædicata quidditatiua esse principium adæquatum indiuiduationis. Itaque sola entitas, & essentia rei se ipsa, & sine alio ordine, vel extrinseco superaddito, non est principium indiuiduationis. Vbi non loquimur de entitate nisi secundum sua prædicata quidditatiua, & non secundum omnia alia quæ in re concernit, sic enim etiam ipsam materiam, & quantitatem, & accidentia includit, & sic non est dubium  
ha-

habere in se principium indiuiduationis; quæ ratione dixit D. Thom. 1. par. q. 29. art. 1. substantiam se ipsa indiuiduari accidentia verò ex subiecto, eo quod substantia intra suam entitatem includit vnde indiuiduetur, sicut includit vnde subsistat, accidens verò requirit aliud ens præter se vt existat, & indiuiduetur, quia non in se, sed in alio existit.

*Hæc conclusio* ex eisdem locis D. Thom. & Aristot. colligitur, quibus postea ostendemus principium indiuiduationis sumi ex materia signata, quantitate, & ideo infra adducuntur.

*Fundamentum*, verò sumitur primo, quia ad indiuiduationem rei materialis non solum requiritur vnitas indiuisa in se, sed etiam diuisa à quolibet alio indiuiduo intra eandem speciem cum enim natura materialis sit capax plurium indiuiduorum, oportet, quod principium indiuiduationis sit sufficiens distinguere non solum ab indiuiduo alterius speciei, sed etiam propriæ, ergo oportet indiuiduationem dimanare à tali principio, quod sit principium distinctionis substantialis, & non essentialis, seu formalis, quia, scilicet, non opponitur, nec destruit vnitatem formalem, siquidem per differentias indiuiduales non differunt indiuidua quidditative, & formaliter, sed conueniunt in eadem essentia, & ratione speciei atque, ergo illa distinctio faciet solum differentiam materialem, siquidem non opponitur vnitati formali, nec tollit illam; sed illa est distinctio specifica, & formalis quæ fundatur in ipsa diuisione formæ vt forma est, idest in ipsa contrarietate formarum, quæ ex intimis formæ nascitur, quatenus vna forma habet oppositionem  
cum

cum alia, vt notat S. Thom. 10. Met. lect. 11. ergo indiuiduatio seu differentia indiuidualis non potest oriri ex ipsa entitate secundum aliquid quod prædicatum quidditatum seu formale & essentiale, quia sic deberet talis diuissio efficere, quod vnum prædicatum essentiale esset in vno indiuiduo, & non in alio, quod esset tollere indiuidualem distinctionem, & facere specificam, ergo non potest oriri ex prædicatis quidditatis, & essentialibus, ita quod sit in vno indiuiduo, vnum prædicatum quidditatum, & non in alio, ergo oportet id reducere ad aliquod principium, quod quidem pertineat ad substantiam rei, nec tamen essentialem, & formalem diuisionem faciat, solum ergo faciet materialem, quia formati non est, licet formas ipsas, & quidditates materialiter diuidat, atque adeo non potest procedere ex entitate formæ, vt constituit vnitatem formalem essentialem, & facit officium formæ, sed quatenus ei adiungitur aliquid quod sine distinctione formali faciat distinctionem formarum, id est quod ipsæ formæ distinguamur, sed non ex vi formalis, & essentialis rationis, ergo ex aliqua ratione præter essentialem, sed totum quod est entitas formæ, & naturæ est essentialis ratio quia pertinent ad quidditatum conceptum talis entitatis, ergo ex solo præciso conceptu entitatis sine aliquo adiuncto extra conceptum essentiæ non est principium vnde oritur diuersitas indiuidualis, quare oportet assignare pro principio talis diuisionis numeralis aliquid quod sit substantia, nec tamen ad formalem distinctionem faciendam concurrat, sed solum ad materialem, quia indiuidua

disse-

differunt substantialiter, & diuersæ substantiæ, & non essentialiter, seu formaliter sicut partes integrales differunt tanquam partes substantiales, sed non vt essentialiter pertinentes ad compositum, quia sine qualibet, vel aliqua earum saluatur essentia compositi.

*Quod si dicat*, nam esse indiuiduum est prædicatum intrinsecum, & essentialiter ipsi composito, quia per modum totius ponitur in prædicamento; & sic includere debet etiam ipsum gradum vltimum indiuiduationis, de quo prædicantur omnia prædicata superiora, ergo debet indiuiduatio ex principijs intrinsecis oriri. *Resp.* indiuiduum esse quid intrinsecum per modum terminantis, & modificantis, seu per modum subiecti potius quam prædicati, siquidem est id quod omnibus prædicatis superioribus subiicitur; vnde pertinet ad rem per modum constituentis subiectum, non naturam, & per modum modificantis quidditatem. Nec requiritur, quod oriatur ex essentialibus principijs, sicut propriæ passionis, sed sufficit, quod conueniat per denominationem intrinsecam, & tanquam modificatio intrinsecæ, & secundum id quod pertinet ad statum rei, magis quam ad intrinsecam entitatem, & constitutionem. Hic tamen status, & hic modus ita conuenit rei, quod dicit ordinem, & connotationem ad aliquas conditiones extrinsecas, & non omnino absolute extrinseca quidditate conuenit.

*Secundo probatur conclusio*, quia vnitas indiuidualis in quantum indiuidualis, & similiter indiuidualis multiplicatio non conuenit naturæ, neque in primo, neque in secundo modo

p̄t̄it secundum exigentiam suam; ergo efficiens non potest esse ratio intrinseca, & fundamentum, seu principium propter quod aliquid conuenit alicui, sed supposita ratione conueniendi; ad efficientem solum spectat ponere illam in esse; & sicut in ipsa natura debet dari intrinsecum principium omnium prädicatorum, quæ illi conueniunt; efficiens autem solum est causa extrinseca produciens, & dans esse, ita debet assignari principium intrinsecum indiuiduationis, & non solum causa extrinseca produciens, & illud est quod inquirimus, atque ita non negamus efficiens esse principium indiuiduationis, sed extrinsecum & executiuum, non intrinsecum; & formale determinans intrinsecè indifferentiam naturæ ut indiuiduetur, hac potius indiuiduatione quam illa, & sic ex efficiēti sumitur indiuiduatio executiuè, & tanquam à principio ponente illam in esse extra causas, non autem à principio intrinseco formali; unde etiam efficiens plurium indiuiduationum, seu indiuiduorum est productiuum, & non solum ratio vnus tantum indiuiduationis.

*Tertio probatur conclusio destruendo fundamenta Suarez.* Primò, quia vnitas est passiva entis, ergo ad entitatem realem per se ipsam sequitur vnitas realis, hæc autem necessariò est singularis, quia in re non datur vnitas abstracta, unde hoc ipso, quod ponitur in rerum natura sine alio addito sit singularis, ergo vnitas transcendens quatenus ~~realis~~ debet coincidere cum numerica. Secundò, quia indiuiduatio pertinet ad lineam Prädicamenti, & ad gradum Metaphysicum; siquidem de indiuiduo



indivisa prædicantur alia prædicata superiora, sed omnes gradus Metaphysici profluunt ab eadem entitate, & forma, & se ipsis conveniunt illi, ergo sicut alij gradus proveniunt ab eadem entitate, & non distinguuntur in re, sed solum per intellectum, ita & individuation, atque adeo non indigebit alio superaddito ad habendum istam individuationem, & unitatem, sed sicut se ipsa est realitas, ita se ipsa est realis, & singularis unitas. Tertiò, quia non dependet individuation ab accidentibus, ut à principio, quia accidentia non possunt esse principium substantialis unitatis, & possunt variari accidentia, etiam ipsa quantitas, non variata individuatione naturæ, & substantiæ, ergo non sumitur ab accidentibus individuation, nec etiam à materia, quia hæc est potentialis, & indifferens ad plures formas específicas, ergo etiam ad plures individas, ergo ipsa indigebit individuari ex alio principio, non autem erit principium individuationis. Si autem non indiget, sed se ipsa individua ur, cum tamen sit communis, & specifica, cur etiam aliæ naturæ substantiales, licet ex se communes sint per se ipsas non individuabuntur, & ex alia parte forma est quæ distinguit, & est in actu per se, & non indifferens, & in potentia, ergo potius ipsa erit principium individuationis.

*Ad primum respond.* quod unitas est passio entis, & sequitur ad totum ens, sed iuxta diversas considerationes unitatis sequitur ad diversas considerationes entis, nam ut est unitas formalis, & specifica sequitur ad entitatem ex parte formæ, & actualitatis, ut autem illa unitas est incommunicabilis, & indivisa, sequitur

substantialem vnitatem faciat, siquidem indiuiduum substantiæ etiam pertinet ad prædicamentum substantiæ tanquam vltimum in eius linea, secunda, quod ita multiplicet substantiam substantialiter, quod non essentialiter, nec formaliter, quia indiuidualis distinctio non opponitur vnitati formali, prout specifica est, sed totam speciem, & quidditatem conseruat in vno indiuiduo, & in alio, non autem formalem distinctionem specificam, & quidditatuam facit.

*Terminus* indiuiduationis est substantia, seu suppositalitas, quæ per se solum inuenitur in indiuiduis substantialibus, quæ per se terminantur, & per se fiunt in esse; accidentia autem non habent in se terminationem, & substantiam, sed per inhærentiam ad rem substantem redduntur terminata. Et non indiuiduatur substantia per istum terminum, sed per illum modificatur, seu terminatur, quatenus redditur vltiori supposito incommunicabilis, videmus enim quod humanitas Christi Domini non habet propriam substantiam, & tamen habet propriam singularitatem, quia vt singularis, & distincta ab alijs naturis assumpta est, non autem per ipsum Verbum singularizata est.

*Ex quo* nascitur, quod cum substantia se habeat vt terminus, & modus vltimus substantiæ, non repugnat ex eadem natura singulari si impediatur, aut remoueat propriam substantiam, postea dimanare aliam numero diuersam à priori sine vlla singularitatis diuisione, sicut ex eadem numero quantitate si remoueat superficies, vel punctum terminans dimanabit aliud, sic ab eadem numero natura etiam à mul-

multiplicabilis non sit, quia singularis est, siue sit corporea, siue incorporea illæ plures subsistentiæ sic succedentes dimanabunt, & sub eodem ordine ad principium indiuiduans continentur, quia dimanant ab eisdem principijs in virtute primæ generationis quæ ita produxit hanc naturam singularem sub illa numero subsistentia, quod si impediretur, succederet alia loco illius, quæ omnes per modum vnius censentur sub tali natura singulari, & eius principijs, & generatione, & ita hæc diuersa successio non multiplicat naturam siquidem etiam eidem singulari naturæ conuenit, siue materialis, siue immaterialis sit. Quamquam in hoc hæere potest sententia, & non improbabilius defendi, quod ab vnica, & singulari natura solum potest emanare vnica subsistentia propria, ita quod si semel habuit propriam, & illa impediatur per assumptionem hypostaticam, si iterum dimittatur talis natura, non emanabit alia subsistentia, sed peribit substantia, eo quod subsistentia, & existentia non se habent sicut propriæ passionēs, quæ supponunt naturam existentem, non ad constituendam existentiam pertinent, sicut terminus subsistentiæ, & existentia, quibus sublati perit, & definit natura, sicut etiam cum motus cordis cessat, non potest alius emanare, quia perit natura, multo ergo minus dimanabit existentia, vel subsistentia semel ablata. At verò si nunquam propria subsistentia emanauit, sicut modo in humanitate Christi, quæ nunquam habuit propriam subsistentiam, si dimitteretur emanaret vi primæ generationis.

*Varia sententia.*

**C**irca principium ergo indiuiduationis *variae* sunt Philosophorum sententiae, quae varietas inde orta est; quia multa requiruntur ad singularitatem quae non videntur in vnam radicem, & principium reduci posse. Nam in indiuiduatione inuenimus vnitatem, & sic videtur sequi ad entitatem: inuenimus etiam diuisionem à quolibet alio, & sic videtur sequi quantitatem: inuenimus quod sit vltimus gradus in serie praedicamentali, & sic videtur sequi ad eandem formam ad quam sequuntur alij gradus: inuenimus, quod non constituit gradum quidditatum, neque facit differre essentialiter, cum omnia indiuidua sint eiusdem rationis, & sic videtur sequi ad accidentia, quae extra quidditatem sunt. Denique indiuiduum habet incommunicabilitatem, quia non est commune, nec communicabile pluribus, & sic videtur sequi materiam.

*Ex his diuersae sententiae derivatae sunt, quae praecipue reducuntur ad quatuor, prima affirmat vnumquodque indiuiduari se ipso, & ex propria entitate, & sicut se ipsa habet vnitatem formalem, & omnis vnitas est passio entis, ideo ipsam entitatem ponit pro principio indiuiduationis. Ita tenet P. Suarez disp. 5. met. sect. 4. & pro ea citantur alij antiqui vt Niphus, Zimara, Auicenna, Auerroes, & alij.*

*Secunda sententia per aliud extremum est Scoti qui videns indiuiduationem non addere praedicatum quidditatum, nec facere differre quidditative, dixit indiuiduationem fieri*

per

per aliquid distinctum, & tanquam extrinsecum adueniens naturæ, quod vocauit hæccetatem, cuius effectus formalis est reddere naturam indiuisibilem in partes subiectiuas. Nec oportet quærere intra naturam principium singularitatis, sed solum in natura est potentia, & indifferentia, vt sit hæc vel illa, sed per additionem entitatis extrinsecæ id debet fieri, sicut per entitatem ab extra aduenientem, quæ est prædeterminatio, indifferentia potentia operantis determinatur, vt iuxta modum suum singularem, & certum effectum operetur, & sicut per additionem existentia redditur ipsa essentia actu existens. Ita sumitur ex Scoto in 2. dist. 3. q. 6.

*Tertia sententia*, attendens ad diuisionem, quam tacite indiuiduatio intra eandem speciem, & quia actus est qui distinguit assignat pro principio indiuiduationis aliquam formam. Quidam formam substantialem, quod attribuitur Auerroei 1. de anima, c. 7. & Auicennæ lib. 6. naturalium, p. 1. alij quantitatem, quod Scotus citato loco q. 4. attribuit Gotifredo, & ex parte sequuntur, Soncinas 7. met. q. 34. Ferr. 1. contra gent. cap. 21. Capreolus in 2. dist. 3. q. 1. quatenus ex duobus quæ ad indiuiduationem requiruntur, scilicet, quod sit incommunicabile multis, & distinctum numeraliter ab alijs, hoc secundum tribuant quantitati, fauetque D. Tho. in 4. dist. 11. q. 1. art. 1. q. 3. ad 3. & alijs locis postea citandis.

*Quarta sententia* attendens ad modum proprium indiuiduationis, & singularitatis, qui est incommunicabilitas affirmat materiam primam esse principium indiuiduationis, idest vl-

timum subiectum incommunicabile. Sed cum materia de se sit pura potentia, & indifferens ad plura individua, immò ad plures species, indiuiduatio autem supponit naturam specificam constitutam, ideo quidam assignauerunt pro principio indiuiduationis materiam vt informatam forma substantiali, quia actus est qui distinguit: Alij verò ponunt materiam, vt signatam quantitate, seu cum ordine ad quantitatem esse principium indiuiduationis, quod frequenter dicit S. Tho. & sequuntur Thomistae. Inter quos tamen est magna varietas declarandi istam signationem quantitatis an sit ipsa quantitas vt actualiter informans materiam, an verò radicaliter præhabita in materia, an solum vt connotata, & per modum conditionis inclusa de quo postea agemus. Nec defuerunt, qui subsistentiam, & existentiam pro principio indiuiduationis assignarunt, vt refert Scotus loco citato, q. 3. eo quod habent rationem ultimi termini incommunicabilis.

### RESOLVTIO.

**D**Ico primo non potest natura specifica ex sola entitate sua quæ præcise includit prædicata quidditatiua, esse principium adæquatum indiuiduationis. Itaque sola entitas, & essentia rei se ipsa, & sine alio ordine, vel extrinseco superaddito, non est principium indiuiduationis. Vbi non loquimur de entitate nisi secundum sua prædicata quidditatiua, & non secundum omnia alia quæ in re concernit, sic enim etiam ipsam materiam, & quantitatem, & accidentia includit, & sic non est dubium  
ha-

habere in se principium indiuiduationis; qua ratione dixit D.Thom. 1.par. q.29. art.1. substantiam se ipsa indiuiduari accidentia verò ex subiecto, eo quod substantia intra suam entitatem includit vnde indiuiduetur, sicut includit vnde subsistat, accidens verò requirit aliud ens præter se vt existat, & indiuiduetur, quia non in se, sed in alio existit.

*Hæc conclusio* ex eisdem locis D. Thom. & Aristot. colligitur, quibus postea ostendemus principium indiuiduationis sumi ex materia signata, quantitate, & ideo infra adducentur.

*Fundamentum*, verò sumitur primo, quia ad indiuiduationem rei materialis non solum requiritur vnitas indiuisa in se, sed etiam diuisa à quolibet alio indiuiduo intra eandem speciem cum enim natura materialis sit capax plurium indiuiduorum, oportet, quod principium indiuiduationis sit sufficiens distinguere non solum ab indiuiduo alterius speciei, sed etiam propriæ, ergo oportet indiuiduationem dimanare à tali principio, quod sit principium distinctionis substantialis, & non essentialis, seu formalis, quia, scilicet, non opponitur, nec destruit vnitatem formalem, siquidem per differentias indiuiduales non differunt indiuidua quidditative, & formaliter, sed conueniunt in eadem essentia, & ratione speciei atomæ, ergo illa distinctio faciet solum differentiam materialem, siquidem non opponitur vnitati formali, nec tollit illam; sed illa est distinctio specifica, & formalis quæ fundatur in ipsa diuisione formæ vt forma est, idest in ipsa contrarietate formarum, quæ ex intimis formæ nascitur, quatenus vna forma habet oppositionem  
cum

cum alia, vt notat S. Thom. 10. Met. lect. 11. ergo indiuiduatio seu differentia indiuidualis non potest oriri ex ipsa entitate secundum aliquod praedicatum quidditatum seu formale, & essentiale, quia sic deberet talis diuisio efficere, quod vnum praedicatum essentiale esset in vno indiuiduo, & non in alio, quod esset tollere indiuidualem distinctionem, & facere specificam, ergo non potest oriri ex praedicatis quidditatis, & essentialibus, ita quod sit in vno indiuiduo, vnum praedicatum quidditatum, & non in alio, ergo oportet id reducere ad aliquod principium, quod quidem pertineat ad substantiam rei, nec tamen essentialem, & formalem diuisionem faciat, solum ergo faciet materialem, quia formati non est, licet formas ipsas, & quidditates materialiter diuidat, atque adeo non potest procedere ex entitate formae, vt constituit unitatem formalem essentialem, & facit officium formae, sed quatenus ei adiungitur aliquid quod sine distinctione formali faciat distinctionem formarum, id est quod ipsae formae distinguamur, sed non ex vi formalis, & essentialis rationis, ergo ex aliqua ratione praeter essentialem, sed totum quod est entitas formae, & naturae est essentialis ratio quia pertinent ad quidditatum conceptum talis entitatis, ergo ex solo praeciso conceptu entitatis sine aliquo adiuncto extra conceptum essentiae non est principium vnde oritur diuersitas indiuidualis, quare oportet assignare pro principio talis diuisionis numeralis aliquid quod sit substantia, nec tamen ad formalem distinctionem faciendam concurrat, sed solum ad materialem, quia indiuidua  
diffe-



differunt substantialiter, & diuersæ substantiæ, & non essentialiter, seu formaliter sicut partes integrales differunt tanquam partes substantiales, sed non vt essentialiter pertinentes ad compositum, quia sine qualibet, vel aliqua earum saluatur essentia compositi.

*Quod si dicat*, nam esse indiuiduum est prædicatum intrinsecum, & essentialiter ipsi composito, quia per modum totius ponitur in prædicamento; & sic includere debet etiam ipsum gradum vltimum indiuiduationis, de quo prædicantur omnia prædicata superiora, ergo debet indiuiduatio ex principijs intrinsecis oriri. *Resp.* indiuiduum esse quid intrinsecum per modum terminantis, & modificantis, seu per modum subiecti potius quam prædicati, siquidem est id quod omnibus prædicatis superioribus subijcitur; vnde pertinet ad rem per modum constituentis subiectum, non naturam, & per modum modificantis quidditatem. Nec requiritur, quod oriatur ex essentialibus principijs, sicut propriæ passionēs, sed sufficit, quod conueniat per denominationem intrinsecam, & tanquam modificatio intrinseca, & secundum id quod pertinet ad statum rei, magis quam ad intrinsecam entitatem, & constitutionem. Hic tamen status, & hic modus ita conuenit rei, quod dicit ordinem, & connotationem ad aliquas conditiones extrinsecas, & non omnino absolute extrinseca quidditate conuenit.

*Secundo probatur conclusio*, quia vnitas indiuidualis in quantum indiuidualis, & similiter indiuidualis multiplicatio non conuenit naturæ, neque in primo, neque in secundo modo

modo per se, licet conueniat intertio, qui non est modus prædicandi, sed existendi, sicut nec quartus modus per se est prædicandi, sed causalandi. Si ergo non conuenit naturæ: neque in primo modo dicendi per se, neque in secundo, ad hoc ut ei conueniat, indigebit aliquo principio extra naturam, quod sit ratio conueniendi, & sic non omnis entitas, seu quidditas secundum se considerata est principium, & radix distinctionis, & unitatis numericæ. Consequentia patet, quia quod non conuenit alicui ex propria, & intima connexionem, ergo conuenit per aliud, quia in intrinseca eir ratione non est sufficiens principium conueniendi. Antecedens vero probatur, quia quod conuenit alicui per se, conuenit omni; omne enim quod est per se, est de omni, ut docet Arist. in 1. Poster. & communiter omnes Logici, sed constat, quod singularitas non dicitur de omni, siquidem sine hac, vel illa singularitate determinata, inuenitur natura, & totus eius conceptus quidditativus, ergo quod si hæc singularitas in tali natura, non per se illi conuenit, neque de omni, sed per aliud quod est extra conceptum naturæ.

*Respondetur primo*, quod singularitas vage, essentialiter, & intrinsecè conuenit naturæ, siquidem omnis natura hoc ipso quod realis est, debet esse singularis; & hoc sufficit ut dicatur conuenire per se, ita quod non indigeat alio principio ut conueniat, licet singularitas ut determinata, & hæc, non per se conueniat, sed per aliud, quia per aliud determinatur. Secundo, quod dato quod indigeat alio principio præter naturam ut conueniat, illud erit ipsum effi-

efficiens, per quod producit in rerum natura, & fit entitas realis, sed extra causas, atque adeo fit singularis, non autem indiget alio principio formali, seu radicali, præter ipsam naturam, & entitatem rei.

*Sed contra* primam solutionem instatur, quia in præsentia non inquirimus principium individuationis in communi, & vage, sed determinatum prout redditur hæc, & discernitur ab omni alio individuo in singulari, ergo impertinenter recurritur ad individuum vagum, sed oportet assignare principium ultimo determinans etiam individuum vagum ut sit hoc determinare: sicut stat bene convenire per se aliquid vage, & secundum disunctionem alicui, ut quantitati habere aliquam figuram, vel ubi, & tamen hæc figura; vel hoc ubi determinate non convenit ei per se, & sic semper restat assignare principium, & rationem ob quam talis determinata individuationis, vel figura, aut ubi conveniat, est in communi, & vage per se respiciatur; sicut enim individuationis vaga, & in communi petit principia individuantia in communi, ita determinata individuationis principia determinata; & hæc oportet assignare, sola enim entitas secundum se communis est ad hanc, vel illam individuationem.

*Contra secundam* autem solutionem, quam etiam infra impugnabimus, instatur, tum quia causa efficiens æque respicit naturam, & individuationem eius, utrumque enim producit, ergo de se non est principium proprium individuationis ut à natura distinguitur, tum quia causa efficiens solum est executiva, & præbens esse extra causas iuxta id quod unaqueque res petit

petit secundum exigentiam suam; ergo efficiens non potest esse ratio intrinseca, & fundamentum, seu principium propter quod aliquid conuenit alicui, sed supposita ratione conueniendi; ad efficientem solum spectat ponere illam in esse; & sicut in ipsa natura debet dari intrinsecum principium omnium praedicatorum, quae illi conueniunt; efficiens autem solum est causa extrinseca produciens & dans esse, ita debet assignari principium intrinsecum indiuiduationis, & non solum causa extrinseca produciens, & illud est quod inquirimus, atque ita non negamus efficiens esse principium indiuiduationis, sed extrinsecum & executiuum, non intrinsecum; & formaliter determinans intrinsecè indifferentiam naturae ut indiuiduetur, hac potius indiuiduatione quam illa, & sic ex efficiente sumitur indiuiduatio executiue, & tanquam à principio ponente illam in esse extra causas, non autem à principio intrinseco formali; unde etiam efficiens plurium indiuiduationum, seu indiuiduorum est productiuum, & non solum ratio unitatis tantum indiuiduationis.

*Tertio probatur conclusio destruendo fundamenta Suarez.* Primò, quia unitas est passiva, ergo ad entitatem realem per se ipsam sequitur unitas realis, haec autem necessaria est singularis, quia in re non datur unitas abstracta, unde hoc ipso, quod ponitur in rerum natura sine alio addito fit singularis, ergo unitas transcendens quatenus realis debet coindere cum numerica. Secundò, quia indiuiduatio pertinet ad lineam Praedicamenti, ad gradum Metaphysicum; siquidem de indiuiduo

quidam prædicantur alia prædicata superiora, sed omnes gradus Metaphysici profluunt ab eadem entitate, & forma, & se ipsis conueniunt illi, ergo sicut alij gradus proueniunt ab eadem entitate, & non distinguuntur in re, sed solum per intellectum, ita & indiuiduatio, atque adeò non indigebit alio superaddito ad habendum istam indiuiduationem, & unitatem, sed sicut se ipsa est real sentitas, ita se ipsa est realis, & singularis unitas. Tertiò, quia non dependet indiuiduatio ab accidentibus, ut à principio, quia accidentia non possunt esse principium substantialis unitatis, & possunt variari accidentia, etiam ipsa quantitas, non variata indiuiduatione naturæ, & substantiæ, ergo non sumitur ab accidentibus indiuiduatio, nec etiam à materia, quia hæc est potentialis, & indifferens ad plures formas specificas, ergo etiam ad plures indiuiduas, ergo ipsa indigebit indiuiduari ex alto principio, non autem erit principium indiuiduationis. Si autem non indiget, sed se ipsa indiuidua ur, cum tamen sit communis, & specifica, cur etiam aliarum naturæ substantiales, licet ex se communes sint per se ipsas non indiuiduabuntur? & ex alia parte forma est quæ distinguit, & est in actu per se, & non indifferens, & in potentia, ergo potius ipsa erit principium indiuiduationis.

*Ad primum respond.* quod unitas est passio entis, & sequitur ad totum ens, sed iuxta diuersas considerationes unitatis sequitur ad diuersas considerationes entis, nam ut est unitas formalis, & specifica sequitur ad entitatem ex parte formæ, & actualitatis, ut autem illa unitas est incommunicabilis, & indiuidua, sequitur

tur ad entitatem, v. habet in se principium incommunicabilitatis. Et ita si est natura materialis, quæ ratione materiæ incommunicabilitatem habet, vnitas vt indiuidua sequitur ad vnitatem ratione materiæ, vt est principium incommunicabilitatis. Et sicut vnitas communis, & vniuersalis sequitur ad ipsam entitatem, vt est in statu abstractionis, & non remoto illo statu, ita vnitas vt indiuidua, quia pertinet ad statum contractionis, sequitur ad entitatem non absolute, sed vt est in tali statu contractionis, & incommunicabilitatis, quod habet ratione materiæ. Itaque ad entitatem realem sequitur vnitas realis, sed iuxta modum, & statum entitatis sequitur modus, & status vnitatis; quod enim sit vnitas singularis, vel vniuersalis, aut vnitas formalis, & specifica sequitur ad entitatem non absolute, & secundum se consideratam, sed vt est sub tali statu, & modo sic cum dicitur quod natura hoc ipso, quod ponitur in re non est vniuersalis, sed singularis respondetur, quod hoc ipso, quod ponitur in re, non ponitur nuda, & absoluta ab omni circumstantia, & statu incommunicabilitatis, sed cum illo, & ita redditur vnitas singularis, & indiuidua, non ratione entitatis absolute sumptæ, sed circumstantionatæ, & incommunicabilis. Itaque aliud est quod natura posita in re est singularis aliud ex quo principio, & radice habet quod sit singularis, & hæc, licet natura secundum se sit indifferens ad plura indifferentia negatiua, tamen ista indifferentia tolli debet non per principium essenziale, sed per modificatiuum essentia, eò quod illa indifferentia solum est, vt natura modifietur, & materia.

terializetur per singularitatem, & indiuiduationem, non autem, vt amplius quidditative constituitur.

*Ad secundum respond.* quod indiuiduatio pertinet ad gradum metaphysicum non vt prædicatum constitutum, & quidditatum, sed modificatum, & pertinet ad statum naturæ, vnde magis habet rationem subiecti quam prædicati, quia est vltimum cui alia insunt. Sumitur autem indiuiduatio ab eadem entitate, à qua reliqui gradus, sed non sub eadem habitudine, sed connotando accidentia aliqua à quibus dependet indiuiduatio. Nec intelligitur sumi ab eadem entitate, idest à forma partiali, à qua alij gradus desumuntur, & non à materia, sufficit enim, quod sumatur ab eadem forma totali, v.g. ab humanitate quæ etiam includit materiam, seu principium incommunicabilitatis, & sub ista habitudine entitatis, seu formæ, vt dicit constitutionem quidditatis, sed vt dicit rationem, & habitudinem incommunicabilitatis sumitur gradus indiuidualis, sicque non totaliter ab extrinseco prouenit, vt contra Scotum statim dicemus, sed ab ipsa entitate, è qua reliqui gradus desumuntur, sub diuersa tamen habitudine, & connotatione aliquius extrinseci. Ad verificandam autem prædicationem aliquam, non est necesse, quod aliqua identificentur ex omni parte, & omni modo, sed sufficit materialis identificatio, sicut patet in prædicatis accidentalibus, vt cum dicitur corpus est album, identificatur enim ratione suppositi habentis albedinem, vt docet D. Tho. 1. p. q. 13. art. 12.

*Ad tertium respond.* quod ab accidentibus  
Y 2 non

non fit indiuiduatio substantialis, vt à ratione formali, & principio, seu radice propria, sed vt à conditionibus requisitis, vt exerceatur indiuiduatio, sicut postea dicemus, & sumitur ex definitione Porphyrij, cum dicit: *Quod indiuiduum est cuius collectio proprietatum non est in alio*. Est autem materia principium, & radix huius indiuiduationis, non quatenus est in potentia, & indifferens ad plures formas, sic enim potius est principium generis, quod est totum potentiale, sed dicitur principium indiuiduationis, quatenus est vltimum subiectū ultra quod non fit communicatio, & sic reddit ipsas formas, & totam entitatem non communicabilem pluribus, quod est proprium indiuidui, quod non est commune multis, & sic principium incommunicandi est principium indiuiduandi. Vnde patet, quod materia secundum diuersas considerationes, & est ratio habendi communitatem, & indiuiduationem; communitatem quidem, quatenus est indifferens, & communis ad plures formas, indiuiduationem autem, quatenus est principium non communicandi alijs subiectis, seu partibus materiæ, quatenus vltimum subiectum est. Sed tamen non exercet hanc incommunicabilitatem inter partes materiæ, nisi supposita separatione, & diuisione, quæ fit per signationem quantitatis tanquam per conditionem requisitam, vt statim dicemus. Quod verò dicitur, quod eadem materia indiuiduatur se ipsa, dicimus quod indiuiduatur se ipsa, vt principio indiuiduationis totius, & consequenter etiam sui; vnde non inuenitur sub diuersis formis materia eadem numero positivè;



lè; sed negatiuè, materia enim de se remota omni forma non habet unitatem positiuam, & indiuiduatam, sed indifferentem ad formas, & ad indiuiduationes earum, est tamen principium indiuiduandi cum ordine ad designationem accidentium ubi transit materia de vna forma ad aliam. Et manet quidem materia eadem secundùm se, idest secundùm rationem potèzialitatis suæ, non tamen cum eadem signatione quantitatis, & accidentium, & sic non manet positiuè indiuiduata ex se ipsa, licet in re semper id habeat, sed ex se solùm est principium indiuiduationis. Et sic dicit S Th. 1. de gener. lect. 9. in fine: *Quod materia eorum, quæ transmutantur aliqualiter est eadem, aliqualiter alia, est enim eadem subiecto, sed non secundum esse; quia aliam rationem & aliud esse accipit secundum quod est sub diuersis formis, & secundum quod ordinatur ad diuersas formas.*

Denique ad id quod dicitur, quod forma est principium indiuiduationis, quia actus est qui distinguit formaliter, sed modus distinguendi materialiter, & incommunicabiliter est ex parte materiæ, vt ex principio supponendo tamen quod materia sit in actu per formam, quia; siue forma non datur indiuiduatio in actu, sed hoc requiritur concomitanter, & propter existentiam, non quia forma sit radix, seu ratio propria indiuiduationis, vt præcise dicit modum distinctionis indiuidualis de quo statim plura dicemus.

Dico secundò, non potest assignari pro principio indiuiduationis hæcceitas ab extrinseco totaliter adueniens substantiæ, & non ab ali-

quo principio intrinseco materiali proueniens. In hac conclusione excludimus sententiam Scoti. Et notandum est, quod hæcceitas potest dupliciter sumi; vno modo vt sit idem, quod differentia indiuidualis, seu vnitas numerica, quæ formaliter constituit, & reddit naturam hanc, & singularem, & sic non est dubium dari hæcceitatem, si enim datur effectus formalis hæcceitatis, seu differentię indiuidualis, scilicet esse hoc, quid mirum, quod detur hæcceitas, quæ est forma ipsa, seu differentia indiuidualis? Quod si Scotus non amplius veller dicere, quam quod natura redditur indiuiduali formaliter per differentiam indiuidualem verissimum est, nec vllus ei contradicit: sed non tangit tunc punctum difficultatis, quia in præsentī supponimus dari differentiam indiuidualem, inquirimus autem de principio talis indiuiduationis, seu vnitatis, quia cum omnes gradus metaphysici, & prædicata quidditatiuæ ex vnicā forma proueniant, restat difficultas an gradus indiuidualis qui quidditatem non constituit in ratione quidditatis, sed in ratione modificantis, & incommunicabilis vnitatis, ne de pluribus prædicetur proueniat etiam ab eadem forma, vel à materia, vel à quo? Si verò intendit hæcceitatem esse non solum differentiam indiuidualem, sed non dari aliud principium indiuiduationis intra ipsam entitatem à quo illa hæcceitas proueniat, sed esse formam ab extrinseco aduenientem, sicut albedo, vel aliud simile accidens, in hoc ei contradicimus. Et ratio est, quia illa entitas quæ dicitur hæcceitas, vel est substantialis, vel accidentalis. Non accidentalis, tum quia constituit indiuiduum

duum

duum substantiale seu primam substantiam in  
linea, & prædicamento substantiæ, ergo non  
potest esse accidentalis entitas; tum quia nec  
est accidens proprium, neque commune, non  
proprium quia hoc dimanat à principijs na-  
turæ, & sic omni tali naturæ conuenit, indiui-  
duatio autem non conuenit omni naturæ, sed  
vnitantum indiuiduo; non commune, quia  
hoc potest adesse, & abesse, seu variari sine  
corruptione subiecti, principium autem indi-  
uiduationis, vel hæceitas illa non potest ad-  
esse sine corruptione huius subiecti indiuidui.  
Si autem est substantialis entitas, ergo in ali-  
qua substantia fundatur, & ratione illius con-  
uenit, quia vel est entitas substantialis, vel mo-  
dus; si entitas, non distinguitur ab ipsa, re-  
quæ est substantia, & sic non venit ab extrin-  
seco, sed est idem cum entitate, quod est decli-  
nare in aliam extremam sententiam; si autem  
est modus substantialis fundatur, & originatur  
in ipsa substantia, aliàs substantialis non esset  
si substantiam non afficeret substantialiter, ne-  
que naturalis esset, si ex ipsa substantia naturali  
non originaretur, siquidem modus naturalis  
identificatur cum substantia, & proportiona-  
tur illi, ergo originatur ab ea, vel oportebit  
assignare aliud principium substantiale à quo  
originetur, & sic illius erit indiuiduatio, non  
autem alterius, à qua non originatur, & sic ne-  
cessario ponendum est pro principio hæcei-  
tatis, & singularitatis aliquid intra ipsam sub-  
stantiam, & hoc dicimus esse materiam, non  
autem hæceitatem ab extrinseco tantum adue-  
nientem.

*Dices* sufficit, quod iste modus substantialis

ab extrinseco efficiente proueniat, non autem habeat pro principio ipsammet substantiam, aut eius materiam; tum quia aliquando modus substantialis potest ab extrinseco prouenire, ut modus transubstantiationis, aut vnionis substantialis, quæ prouenit tantum ab efficiente, tum quia idè requirimus nos prædeterminationem physicam in causis efficientibus subordinatis, ut determinentur ad producendum indiuiduum, cum de se sint indifferentes ad plura, & tamen illa prædeterminatio totaliter est ab extra, scilicet à causâ primâ, & non nascitur, nec fundatur in ipso subiecto operante, ut in principio illius, ergo neque hæcitas.

*Respondetur*, quod iste modus singularitatis sicut, & ipsamet natura debet prouenire ab efficiente extrinseco in genere causæ effectiue, & per modum exequentis, cum quo tamen stat, quod requirat pro principio radicali, & fundamentalialiquid tenens se ex parte subiecti, efficiens enim non producit in esse effectum nisi iuxta principia à quibus dependet, & iuxta proportionem sui fundamenti à quo oritur, & fundatur, sicut etiam propriæ passionès producuntur ab efficiente, dependent tamen à natura à qua originantur, & deriuantur, & similiter existentia, & subsistentia ab ipso efficiente procedunt, sed tamen iuxta principia naturæ cuius sunt, nec tamen ipsa existentia, & subsistentia sunt principia indiuiduationis, ut iam supra diximus, sed termini, & complementum, vnde datur in humanitate Christi indiuiduatio naturalis, nec tamē oritur ex subsistentia naturali. De  
modo

modo autem transubstantiationis, vel unionis hypostaticæ si datur, non est ponendum ali-  
quod principium in natura, quia non sunt na-  
turales, sed supernaturales. Quod verò dici-  
tur de prædeterminatione. Respondetur, quod  
potest considerari, vel entitativè, ut res quæ-  
dam est in se individuabilis, & sic individua-  
tur à subiecto, sicut reliqua accidentia, vel mo-  
di inhærentes de quibus dicemus infra. Si au-  
tem consideretur sub præcisa ratione efficien-  
tis, & in eius linea quatenus est ultima appli-  
catio causæ inferioris ad agendum ex subor-  
dinatione ad superiorem à qua dependet in  
agendo, sic necessario debet ab extra proveni-  
re, & non habere aliud principium quam effi-  
ciens superius, quia propria eius ratio in hoc  
solum consistit, quod determinatio, & appli-  
catio efficientis sit. Substantia autem ut in-  
dividuetur in se formaliter debet etiam à cau-  
sa materiali dependere, & à principiis natu-  
ræ, quam individuat, licet in quantum esse-  
ctus producendus, debeat à causa efficiente de-  
pendere, & fieri.

*Dico tertio.* Primum, & radicale principium  
individuationis non potest esse forma substan-  
tialis, nec accidentalis, licet ad illam requira-  
tur. De forma substantiali id sæpius docet Div.  
Tho. dicens non esse hanc, & singularem per  
se, sed ex materia cui adiungitur, seu ex ordine  
ad illam, ut specialiter videri potest in 2. con-  
tra gent. c. 93. ratione 2. ubi inquit: *Quod dif-  
ferentia, quæ ex forma procedit inducit a diversi-  
tatem speciei, quæ autem ex materia inducit  
diversitatem secundum numerum.* Et 10. Met.  
lect. 11. *quæcumque, inquit, contrarietates sunt*

*In ratione, idest ex parte formæ faciunt differre speciem, quæ vero sunt ex parte materiæ, quæ sunt propria individui, quod est acceptum cum materiâ non faciunt differre speciem.* Et denique pro communi principio habet D. Thom. quod nulla forma, vel natura multiplicat numerum nisi in diuersitate materiæ, vt videri potest in 2. dist. 3. q. 1. art. 4. & 1. p. q. 50. a. 4. & de dente, & essentia cap. 6. *Ratio* autem, & fundamentum est, quia forma vt forma est principium speciei, ergo est principium alicuius communicabilis in plura, seu communis ad multa, ergo prout stat sub conceptu formæ non est principium indiuiduationis, sed oportet, quod induat aliud principium, quam formæ scilicet rationem incommunicabilis ad plura, quam si forma habet ex se, erit forma immaterialis, non informans materiam, si autem ex se id non habet, sed ex materia, quia illi communicatur, indiuiduabitur ex materia. Vnde roboratur hæc ratio, quia principium indiuiduationis debet virtualiter, & in radice continere id quod ipsa indiuiduatio formaliter, sed indiuiduum est id quod non est communicabile multis, sed de vno tantum prædicari potest, ergo principium talis indiuiduationis debet esse principium talis incommunicabilitatis ad plura, forma autem vt forma non est principium incommunicabilitatis, nec vnitatis vt indiuiduæ, sed vt formalis, & specificæ, & vt communis multis, cum enim forma ex vi formæ non sit recipiens, sed receptibilis, ex ipsa ratione formæ, communicabilis est, quia recipi est communicari, & sic de se importat conceptum communicationis, ad alia in quibus  
re.

recipiatur, & consequenter ad quæ comparatur tanquam ad inferiora, & subiecta sibi. At verò materia esticiens, & ideo non communicatur alteri vt inferiori, & subiecto sibi, sed si communicatur formæ, potius est vt extremum cui forma se communicat quam extremum, quod communicatur, nec enim est id quod recipitur, sed id in quo recipitur, & cui sit communicatio. sicut non propriè dicimus humanitatem communicatam. Verbo, sed Verbum humanitati, nec vas liquori, aut hominem gratiæ, sed gratiam homini, & liquorem vasi. Tandem quia forma est principium differentiarum, & distinctionis formalis, distinctio autem indiuiduorum est materialis, ergo magis habet pro fundamento materiam quam formam; Minor patet, quia duo indiuidua non differunt quidditatiuè, licet substantiæ sint, quia omnia prædicata quidditatiua quæ sunt in vno, sunt in altero, alias non participarent infimam, & ultimam speciem si disconuenerent in aliquo prædicato quidditatiuo, & essentiali, quia hoc ad ipsam naturam, & speciem pertineret, quidditas enim, & natura, species rei est, & quæ differunt quidditate, specie differunt, ergo si conueniunt duo indiuidua in specie infima, conueniunt in omnibus prædicatis quidditatiuis, & specificis, & consequenter non differunt inter se in aliquo prædicato quidditatiuo.

*Quare* sicut videmus, quod partes integrales non differunt essentialiter, siquidem participant eandem formam, sed materialiter, licet substantialiter; ita & indiuidua, quia vt aliqua fiant indiuidua, sufficit partes integrales diuidere, & soluere continuitatem earum, ergo si

quando sunt continuæ non differunt essentialiter, neque quando discontinuantur, quia discontinuatio sola non importat aliquod essentialē, & quidditativum prædicatum faciens differentiam, sed solam materiale[m] diuisionem & consequenter non facit diuisionem formalem, licet faciat diuisionem formæ, & substantiæ, ergo oportet, quod ista distinctio non proveniat ex ipsa forma, secundum quod facit officium formæ, id est, ut præbet formalem effectum diuidendo, & distinguendo formaliter, sed ex aliquo alio præter formam, diuidere enim, seu distinguere formam, & non secundum formalem distinctionem, est distinguere formam non secundum, quod facit officium formæ, sed secundum aliquid illi adiunctum, quod forma non sit, seu non exercens officium formæ. Sicut autem materia non potest esse principium distinctionis formalis, licet recipiat illam, ita est conuerso, licet forma diuidatur secundum distinctionem non formalem, illamque participet, non tamen potest provenire ab ipsa forma, ut à principio, sed ab alia parte quæ est materia.

*Secunda* verò pars conclusionis, scilicet de forma accidentali manifeste traditur à D.Th. opusc. 70. q. 4. art. 2. & opusc. 5. c. 7. & opusc. 29. & 7. Met. lect. 5. & in 4. dist. 12. q. 1. art. 2. quaestione 3. ad 3. Et ratio est manifesta, quia induductio substantiarum materialium, & distinctio earum, substantialis est, ergo oportet quod principium eius proprium, & radicale sit substantiale, nec enim accidentia possunt esse prima radix distinctionis substantialis, sed semper id quod substantiale est, reducendum est



est ad substantiam tanquam ad radicem, ergo cum indiuiduatio substantiæ sit aliquid perti-  
nens ad ipsam lineam, & prædicamentum sub-  
stantiæ, necesse est, quod reducat in aliquid  
substantiale, ut in ultimam radicem.

Deinde, quia primum principium indiui-  
duationis debet esse principium incommunica-  
bilitatis ad aliquid sibi inferius quantitas autē,  
& reliqua accidentia de se communicabilia  
sunt tanquam formæ, ergo non possunt esse  
primum principium incommunicabilitatis in  
substantia, imò potius ipsa quantitas, & acci-  
dentia indiuiduatione indigent in se ipsis,  
eamque habent à subiecto, ut art. 5. dicemus,  
ergo non sunt principium radicale indiuidua-  
tionis, licet possint deferuire ad illam, ut con-  
dicio. Obiectiones contra hanc resolutionem  
seq. art. ponentur.

#### ARTICULVS IV.

*Quid sit materia signata quantitate, quæ est  
principium indiuiduans?*

**E**Xpressa D. Thom. sententia est innumeris  
locis, materiam quantitate signatam esse  
primum principium indiuiduationis, & spe-  
cialiter videri potest opusc. 29. & opusc. 32. &  
opusc. 15. cap. 7. & opusc. 70. q. 4. art. 2. & in 4.  
dist. 12. q. 1. art. 3. q. 3. ad 3. & 3. p. q. 77. art. 2.  
& 1. p. q. 29. art. 1. de ente, & essentia cap. 6. &  
7. Met. lect. 15.

*Fundamentum* sumitur ex dictis præc. artic.  
vbi ostendimus indiuiduationem impos-  
sibilem non quomodocumque, sed cum  
necessitate

modo incommunicabilitatis ad inferiora; similiter multiplicatio individualis, in substantia requirit illas duas condiciones, scilicet, quod faciat distinctionem substantialem, & non essentialem: quæ omnia non possunt à forma provenire, ut exercet officium formæ, bene tamen à materia, non sua indifferentia, & potentialitate, sed ut determinata, & signata, ut statim dicemus. Et præterea ex Aristot. probatur, quia in 5. Metaph. tex. 12. & 10. Met. tex. 25. Et alijs locis expresse affirmat ea esse unum numero, quorum materia est una, quæ verò, differunt secundum contrarietatem, & distinctionem formæ, differunt specie. Expresse etiam 12. Met. tex. 49. probat Deum esse unum numero, quia caret materia, & quæcumque numero sunt multa materiam habent. Quæ auctoritas valde præmit authores oppositæ sententiæ; & aliqui, ut Scotus dicunt Philosoph. non loqui de materia proprie dicta, sed de hæcceitate. Vazquez verò 2. tomo 1. p. disp. 181. fatetur Arist. loqui de materia prima, sed ad locum Arist. non respondet, nec ad illud etiam respondet. P. Suarez lib. 1. de Angelis c. 15. & disp. 5. Met. sect. 2. à num. 23, sed ad alia loca Arist. in quibus non facimus tantam vim, unde contra ipsos non est, quod urgeamus auctoritatem Philosophi.

Contra Scoti verò interpretationem urgeamus, quia si nomine materiæ intelligeret Philosoph. hæcceitatem, quando probat, quod Deus est unus numero, quia caret materia, sensus esset quod est unus, quia caret hæcceitate, quod est absurdum, sic enim sine hæcceitate esset unus numero. Vel si intelligitur, quod idem Deus.

Deus est vnus numero, quia non habet materiam, sed hæceitatem loco materiæ, petit principium, cum enim hæceitas sit ipsa differentia numeralis, & indiuidua, sensus esset, quod Deus est vnus numero, quia est vnus numero, vel ideo non est multiplicabilis numero, quia non habet hæceitates plures, quod est petere principium, de hoc enim inquiritur cur non habeat hæceitates, & differentias numerales. Secundò quia probat Philos. Deum esse vnum numero, quia caret materia, ita quod est spiritalis, & immaterialis, ergo de illa materia loquitur per cuius carentiam aliquid redditur spirituale, & immateriale, sed redditur aliquid spirituale, & immateriale per carentiam materiæ primæ, seu materiæ corporalis, non hæceitatis: ergo de ea loquitur Philos. quando dicit Deum esse vnum numero, quia non habet materiam. Minor constat, quia per carentiam hæceitatis dicitur aliquid vniuersale, non verò spirituale, neque actus purus; Deus autem dicitur carere illa materia quam si haberet non esset spiritalis, neque actus purus, ergo ratione carentiæ talis materiæ dicitur aliquid non multiplicari numero. Et aduertendum est, quod istæ probationes Philosophorum quibus probant vnitatem Dei, aut eius perfectionem non sunt contemendæ, sed explicandæ, quia per ipsas cognouerunt verum Deum. Testatur autem Apostolus ad Romanos 2.

*Quòd cum ipsi cognouissent Deum non sicut Deum glorificauerunt.* Si autem probationes quas afferunt ad vnitatem Dei probandam, & alia similia non valent, sequitur, quod non cognouerunt verum Deum, qui vnus est.

Dico

*Dico secundo.* signatio materiæ non fit formaliter per ipsam quantitatem tanquam per formam inhzrentem materiæ, & efficientem ipsam, sed fit per intrinsecum ordinem materiæ ad quantitatem, vt ad formam diuidentem, & separantem, & ita quantitas potius est terminus signationis materiæ ad quam dicitur ordinem, quam forma intrinsecè signans, & hoc modo dicitur se habere, vt conditio, & connotatio indiuiduationis, & in isto genere scilicet, vt conditio, quantitas est primum: licet materia sit primum, & radicale indiuiduandi principium. Itaque materia signata quantitate, idem est quod materia ordinata ad quantitatem, vt diuidentem, quæ diuisio licet non fiat sine informatione quantitatis, & quantitas vt dispositio quædam est dimanat à forma, tamen sub ratione diuidentis præcedit in genere causæ materialis ipsam formam, sicut de dispositionibus sæpius dictum est, licet in genere causæ formalis è conuerso sit.

*In hac* conclusione explicanda satis variant Thomistæ, nam cum in indiuiduo reperiantur duo, quia, & est vnitas incommunicabilis pluribus, & est diuisio, seu separatio ab alio indiuiduo, dicunt aliqui concurrere ad vtrumque materiam, & quantitatem, illam vt subiectum vltimum incommunicabile, hanc vn formam diuidentem, & separantem, ita tamen quod quantitas concurrat, vt actu informans, quia sic actu diuidit. Ita Ferrar. 1. contra gent. cap. 27. & Soncinas 7. met. quæst. 34. & alij. Quidam verò ponunt materiam, vt ordinatam ad hanc quantitatem, non vt informatam illa, esse principium indiuiduationis. Sed diuiduntur, quia  
aliqui

aliqui intelligunt materiam determinari ad hanc quantitatem per aliquem modum substantialem superadditum, qui est quasi determinatio, & signatio materiæ in ordine ad quantitatem. Alij verò simpliciter dicunt, ipsam materiam signari, non quantitate ipsa actu informante, nec modo substantiali superaddito quo determinetur, sed ipso ordine, & habitudine, quæ respicit talem quantitatem.

*Ut autem* inter has varietates sensum nostrum explicemus, dicimus quod in materia ly esse signatam potest dicere duo. Vno modo id quod est esse notatam, & designatam, quod pertinet quasi ad manifestationem, & apparentiam designationis erga nos. Alio modo ly signata est idem, quod clausa, & incommunicabilis reddita etiam respectu alterius materiæ, & indiuidui, & hoc supponit separationem, & diuisionem ab alio cum reclusionem in se. Et primo modo non est dubium materiam signari ipsa quantitate, vt informante, & reliquis accidentibus, hæc enim reddunt nobis materiam sensibilem, & designabilem; sed non loquimur in hoc sensu in præsentem, sed de ipsa indiuiduatione substantiali loquimur. Et sic dicimus, quod in secundo sensu materia sola non sufficit indiuiduare non intellecta quantitate, quia materia, & habet habitudinem seu respectum ad formam, & ad aliam materiam similem sibi. Secundum habitudinem ad formam, importat potentialitatem, & confusionem ad multa, & sic non fundat indiuiduationem, sed potius est principium generis, quatenus est principium potentialitatis ad plures formas, quibus actuari, & determinari potest

potest, & sic species constituitur ex materia, & forma, & sic materia potest concipi in communi, imò esse principium gradus communioris, scilicet generis. At verò respectu alterius materiae sibi similis, incommunicabilis redditur, licet possit per mixtionem misceri, & confundi cum alia, sed tunc fiet corruptio formarum, & accidentium, nec stabit diuisio materialium: stante autem diuisione, pertinet ad materiam, & non ad formam facere istam incommunicabilitatem, quia pertinet ad ipsam ratio ultimi subiecti, vnde nec formam ultra communicari sinit, nec ipsa alteri materiae communicabilis est substantialiter, hoc ipso, quod diuisa est: Sed ut sit diuisa requiritur quantitas non ut praecise informans, sed ut separans, & diuidens, qua diuisione facta, ex materia nascitur substantialis incommunicabilitas, & multiplicatio.

*Hoc posito*, dicimus quod signatio materiae non fit per ipsam inhaerentiam quantitatis, seu per quantitatem, ut informantem, neque per aliquem modum absolutum superadditum materiae. Non per quantitatem, ut informantem; tum quia quantitas, sicut & alia accidentia inhaerent toti composito, ergo signatio materiae non fit per ipsam informationem quantitatis, siquidem informatio non est in ipsa materia, sed in composito ergo signatio materiae per aliud, quam per informationem sumenda est; tum quia etiamsi Deus separaret quantitatem à substantia, adhuc maneret indiuiduum, & tamen non maneret informatio quantitatis, sed ordo ad illam, ergo quantitas non indiuiduat per informationem actualem  
sicut

sicut etiam anima separata per ordinem ad corpus indiuiduatur, ut docet Diuus Thom. 6. cap. de ente, & essentia, & accidens separatum manet indiuiduatum per ordinem ad subiectum: tum etiam quia ipsa quantitas in quantum informans indiget indiuiduari sicut, & alia accidentia, ergo prout sic formaliter non est indiuiduans, sed indiuiduata, nulla enim forma in quantum forma se ipsa est indiuidua, ut docet D. Thom. opusc. 70. q. 3. art. 2. tum denique quia quantitas, & reliqua accidentia ratione informationis solum dant esse accidentale, sed indiuidua non solum quantum ad unitatem, quam habent in se, sed etiam quantum ad distinctionem ab alio substantialiter se habent, differunt enim differentiis indiuidualibus, quæ sunt intra genus, & lineam substantiæ, quia indiuidua substantiæ ad prædicamentum substantiæ pertinent, ergo non potest præberi iste effectus ab aliqua forma accidentali, quia non solum ratione constitutiui, sed etiam ratione distinctiui duo indiuidua substantiæ substantialiter distinguuntur, & hoc dicit D. Th. opusc. 70. cit. ad 4. *Quod ea quæ differunt numero in genere substantiæ non solum differunt accidentibus, sed etiam materia & forma. Et in eodem loco ad secundum, inquit. Quod dimensiones, cum sint accidentia, per se non possunt esse principium unitatis indiuiduæ substantiæ, sed materia prout talibus dimensionibus subest intelligitur esse principium talis unitatis, & multitudinis. Et idem docet opusc. 15. cap. 7. ubi inquit: Quod non habet ex dimensionibus materia corporalis suscipere formam particulariter. Et denique 7. metaph. lect. 15. docet,*

docet, *Quod quantumcunque aggregentur forma, non erit certa assignatio huius singularis, nisi per accidens, in quantum contingit omnia in simul collecta in uno solo inueniri.* Et sic infert quod collectio accidentium non est principium indiuiduationis, ut quidam dicunt, sed materia designata.

*Quod verò materia non sit principium indiuiduationis, ut modificata aliquo modo absoluto in ordine ad quantitatem, probatur, quia ille modus superflue ponitur, nam ut materia sit radix indiuiduationis, non indiget nisi quod sit vltimum subiectum, hoc verò non habet per modum superadditum, sed per se ipsam.* Quod vero determinetur ad hanc quantitatem non habet per illum modum superadditum, nec enim mediante modo suscipit quantitatem, sicut nec alia accidentia, sed subiectum suscipiens ea, per se immediatè habet potentialitatem receptiuam illorum, & eadem difficultas currit de ipsismet modis qui recipiuntur in tali subiecto, an sint singulares per se, vel à materia, si enim singularizantur à materia, supponitur illam sine modo esse principium indiuiduationis saltem respectu illius modi, & eadem ratione erit respectu aliorum. Si autem est singularis per se, ergo iam aliquid indiuiduatur per se ipsum sine materia, cur ergo non alij modi, & formæ, & accidentia id habebunt?

*Quapropter signatio materiæ explicanda est per ordinem ad quantitatem, ut diidentem, & separantem ipsas partes materiæ. Sicut autem materia licet non informetur ab accidentibus nisi mediante composito, tamen dicit ordinem ab illa, ut ad dispositiones, quibus*  
ipsa



ipsa potentialitas materiæ determinatur respectu istius formæ potius quam alterius, ita dicit ordinem ad quantitatem, ut ad unam ex dispositionibus, sed tamen quantitas inter alias dispositiones non solum habet officium informandi subiectum in quo est, dando ei formalem effectum extensionis quantitativæ, sed etiam respicit ipsam, ut dividens unam portionem materiæ ab alia, qua divisione posita tanquam conditione resultat non ex ipsa quantitate formaliter, sed ex ipsa materia in communicabilitas, & distinctio substantialis respectu materiæ sic divisæ, & hæc est individuatō substantialis. Et sic intelligo materiam signari radicaliter quantitate, non quia materia sola sit radix quantitatis, cum radix illius sit corpus, quod non dicit solam materiam, sed materiam informatam forma corporeitatis, sed dicitur radicaliter signari, quia non per ipsam actualem informationem quæ in composito, quod est ipsum corpus fit, sed per ordinem ad quantitatem, ut determinantem & dividens materiam, idest ipsa divisione subijcientem formæ tantum, vel tantum de materia, nascitur ex ipsa materia incommunicabilitas determinata substantialis, & substantialiter individuans, posita tamen illa divisione quantitatis, ut conditione requisita.

Et sic intelligitur D. Tho. qui quantitatem nunquam ponit, ut principium individuationis absolute, sed cum restrictione, scilicet, tanquam principium secundarium, vel ut quoddam principium, vel ut conditio, ut videri potest in 4. dist. 12. q. 1. art. 1. ad 3. & 3. p. q. 77. ar. 2, & 4. contra gent. cap. 65. Et tamen inter acciden-

accidentia specialiter attribuit quantitati rationem indiuiduandi quodlib. 7. art. 10. quia reliqua accidentia non faciunt diuisionem, & tandem explicat, quod sola materia est principium indiuiduationis, quantitas verò solum concomitanter, non verò vt causans formaliter ipsam indiuiduationem in subiecto licet demonstret illud sensibus, vt designatum opusc. 29. & opusc. 32. cap. 3. & opusc. 70. q. 4. artic. 2. ad 2. de eadem sententia videri potest Caiet. 1. par. q. 29. art. 2. Mag. Bannez. 1. de gen. cap. 5. quæst. 3. art. 8. Gonzalez. 1. par. disp. 23. Theologi Carmelitani tract. 1. disp. 1. dub. 5. Et ratio sumitur ex dictis, quia sic saluamus principium indiuiduationis substantiale ex parte rationis formalis distinctiuæ; & facientis incommunicabilitatem; saluamus etiam quantitatem, & proprietates indiuiduales quarum collectio ad indiuiduationem requiritur, vt constat ex definitione indiuidui, & non vt formaliter constituentes, quia indiuiduum constitutum substantiale est, ipsa verò accidentia sunt, ergo vt conditiones requisitæ, quod amplius ex argument. solutione elucidebitur.

*Soluntur argumenta.*

**P**rimo arguitur contra dicta, quia iste ordo quem ponimus patitur easdem difficultates, ac modus absolutus, vel alia accidentia ætuantia, quæ reijcimus; siquidem etiam ordo ille informat materiam, & indiuiduatione indiget. Item quia quantitas non diuidit materiam, nisi afficiendo ipsam, & compositum

fitum, ergo informando indiuiduat, & consequenter iam supponit subiectum indiuiduatū. Item quia si se habet tantum vt conditio, poterit Deus eam supplere, vt patet in applicatione agentis ad passum. Item in natura diuina, & humanitate Christi, siue incommunicabilitate datur indiuiduatio; vtraque enim est communicabilis supposito, & sine diuisione in Angelo datur indiuiduatio, ergo non requiritur quantitas, vt conditio. Denique, vel materia signatur per quantitatem, vt terminatam. Terminata esse non potest, cum stante eodem indiuiduo, terminatio quantitatis variari possit; modo enim est maior, modo minor. Interminata esse non potest, cum in se indiuidua non sit, nec determinata, sed variari possit.

*Ad primam* probationem respond. quod ordo ille est ad quantitatem, vt diuidentem, qua diuisione supposita, exercetur incommunicabilitas substantialis ipsius materiae, & oritur ab ea respectu materiae per quantitatem diuisae, & ita ordo non indiuiduat formaliter substantialiter, sed requiritur, vt conditio ad hoc vt materia exercere possit incommunicabilitatem substantialem respectu extremi diuisi.

*Ad secundam* probationem respond. quod quantitas non diuidit nisi actuando, distingo, actuando formaliter nego, concomitanter concedo, diuisio enim, vt diuisio non est informatio, sed duplicatio, & discontinuatio actuationis; actuationis enim saluatur in vno, sicut mea quantitas actuatur me totum, diuisio autem formaliter dicit huius actuationis discontinuationem, quæ quidem actuationem supponit,

nit, sed non dicit illam formaliter : imò quantitas, vt actiuans, indiuiduari indiget in se, sicut cetera accidentia : vt autem diuidens, determinat, quod tantum, vel tantum de substantia subiiciatur formæ, & sic est conditio ad determinandum, & determinate indiuiduandum substantiam.

*Ad tertiam probat.* dicitur, quod quantitas diuidens non requiritur ad indiuiduationem ex parte unitatis, sed ex parte multiplicationis indiuiduorum, vt exerceri possit incommunicabilitas substantialis respectu huius, & illius. Vnde est conditio intrinsece requisita ad multiplicationem, nec enim alium modum multiplicandi materiam nouimus, nisi per diuisionem, neque hanc fieri nisi per quantitatem, cuius est distinguere partes, & ita non est conditio, quæ suppleri possit, sicut neque suppleri potest existentia ad efficiendum, apprehensio ad finalizandum, sic diuisio ad multiplicandum materialiter in substantia, siue partes, siue totum.

*Ad quartam respond.* quod communicabilitas naturæ ad personalitates nihil obstat singularitati, sed iuuat ad illam, quia singularitas & indiuiduatio solum dicunt incommunicabilitatem ad inferiora, seu ad alia à se diuisa, non autem ad suum terminum per quem redditur subsistens natura, & vltiori termino, seu supposito incommunicabilis. Esse autem communicabilem proprio termino, per quod indiuiduatio redditur subsistens in se; nihil obstat singularitati, sed illam reddit vltimo completam, & terminatam; imò & communicari accidentibus, nihil obstat incommunicabilitati

tati indiuiduationis. *Ad ultimam dicitur, quod*  
*Diu. Thom. opusc. 70. quæst. 4. ar. 2. affirmat,*  
*quod quantitas quæ signat materiam est quan-*  
*titas interminata: Dimensiones, inquit, possunt*  
*duplicitèr considerari. vno modo secundum ea-*  
*rum terminationem, & sic non possunt esse prin-*  
*cipium indiuiduationis, quia cum talis dimen-*  
*sionum terminatio varietur frequenter circa*  
*indiudivm, sequeretur, quod indiuiduum non*  
*maneret idem numero semper, alio modo possunt*  
*considerari, sine ista terminatione in ratione di-*  
*ensionis tantum, quamvis nunquam sine ali-*  
*qua determinatione esse possint, sicut nec natura*  
*coloris sine determinatione albi vel nigri; & sic*  
*collocantur in genere quantitatis, ut imperfe-*  
*ctum & ex his dimensionibus interminatis ef-*  
*ficitur hæc materia signata, & sic indiuiduat*  
*formam, & sic ex materia causatur diuersitas*  
*secundum numerum in eadem specie. Vnde pa-*  
*ter, quod materia secundum se considerata non*  
*est principium diuersitatis secundum speciem,*  
*nec secundum numerum sed sicut est principium*  
*diuersitatis secundum genus prout subest com-*  
*muni formæ ita est principium diuersitatis se-*  
*cundum numerum, prout subest dimensionibus*  
*interminatis. Subdit autem solutione ad ter-*  
*tium, quod cum nullum accidens habeat ra-*  
*tionem propriam diuisionis nisi quantitas, di-*  
*ensiones ex se ipsis habent quandam ratio-*  
*nem indiuiduationis secundum determinatum*  
*situm prout situs est differentia quantitatis,*  
*ideò habet duplicem rationem indiuiduatio-*  
*nis vnā à subiecto sicut & quodlibet aliud*  
*accidens, aliam ex se ipsa, quatenus habet si-*  
*tum, ratione cuius etiam abstrahendo à materia*

sensibi imaginamur hanc lineam & hunc circum-  
lum . Quare secundum Dju. Thom. quantitas  
interminata nihil aliud est , quam quantitas,  
vt præcisè facit diuisionem & differentiam fi-  
tus , & sub hac ratione quæ est communis om-  
ni quantitati dicitur signare materiam , quate-  
nus diuidendo illam ponit conditionem requi-  
sitam , vt exerceat materia suam incommuni-  
cabilitatem , vt dictum est . Et ex materia sic  
indiuiduata indiuiduantur formæ tam substan-  
tiales , quam accidentales in ea receptæ etiam  
ipsa figura & formatio quantitatis , quæ reddi-  
tur terminata , ideoque vt supra diximus per  
respectum ad quantitatem vt diuidentem ( &  
hoc est interminatam ) non autem vt informan-  
tem & actuantem sumitur signatio materiæ  
prout diuidens .

*Secundo* obijcies, nam materia non potest re-  
spicere quantitatem nisi prout continet illam  
& est informabilis ab illa , sed non continet  
nec respicit quantitatem , nisi mediante forma  
substantiali ad quam prius terminatur eius re-  
spectus, quàm ad accidentalem qualis est quan-  
titas, ergo potius signatur per formam substan-  
tialem, quam per quantitatem , nec enim prius  
continet quantitatem vt hanc , quam formam  
substantialem vt hanc .

*Confirmatur* , quia quantitas non habet pro  
radice, & principio materiam, sed corpus , er-  
go non respicitur à materia nisi mediante cor-  
pore & consequenter mediante forma corporei-  
tatis .

*Confirmatur* secundo , nam materia de se est  
indifferens , vt contineat hanc quantitatem  
vel illam , sicut & formam à qua dimanat , er-  
go

ergo non continet hanc quantitatem, nisi prius materia sit hæc, ergo est hæc ante quantitatem seu non per quantitatem, siquidem, quia est hæc continet hanc quantitatem: imò fit circulus in isto modo indiuiduandi, siquidem materia est hæc quia signatur ab hac quantitate, quantitas est hæc, quia continetur in hac materia.

*Respond.* distinguendo maiorem principalis argumenti; non respicit quantitatem, nisi prout continet illam & formatur ab ea, distinguo, formatione & continentia inhæſionis tantum; nego, formatione dispositionis sub prioritate causæ materialis ad formam, & ad sui etiam formationem & inhæſionem concedo. Ad minorem distinguo, non continet nec respicit quantitatem, nisi tantum mediante forma substantiali, quatenus quantitas se habet ut informans & actuans transeat, sub causalitate, & prioritate dispositionis & diuisionis nego, ut dispositionem enim prius materia respicit quantitatem, quam formam substantialem, licet in genere causæ formalis sit è conuerso, eò quod per dispositionem sub præcisa formalitate dispositionis determinatur ad formam substantialem materia. Prima autem dispositio materiæ est à quantitate ut diuidente, & segregante hanc materiam ab illa, & sub hoc officio, & respectu diuidendi præcisè dicitur quantitas interminata, quia licet in re nunquam sit, nisi sub aliqua terminatione & figura, tamen secundum se, alia est formalitas, & respectus quantitatis, ut diuidentis & distinguentis, alia ut terminantis & informantis; & primum quo disponitur materia ad formam est diuidi & segregari ab alia

parte seu materia quæ ab illa formâ pro illâ statu non potest informari, & sub hac separatione præintelligitur in materia quantitas ante formam substantialem prioritate dispositionis, licet eadem sub ratione informationis accidentalis præsupponat formam & non nisi mediante illa, subiecto conveniat. Nec est absurdum, quod eadem forma sub diuersis respectibus & considerationibus præcedat & sequatur formam substantialem, causæ enim ad inuicem sunt causæ, & secundum vnum respectum sunt effectus, secundum alium causæ, vt supra late tractatum est quæst. i. art. 7.

*Ad primam confirmationem respond.* quod quantitas vt propria passio sequitur formam, vt dispositio antecedit illam, sicut de alijs dispositionibus dictum est loco citato, & non solum coaptat materiam formæ extendendo eius partes & informando illam, sed etiam diuidendo, & separando ab alia, vt per hanc diuisionem tanta vel tanta materia subiiciatur formæ. Quod autem in diuerso genere causæ præcedat & sequatur materiam non est inconueniens, sicut de alijs dispositionibus dictum est præfato loco.

*Ad secundam confirmationem respondetur,* quod materia est indifferens ad hanc quantitatem, vel ad illam tanquam ad formam, qua actuari debet materia, & ideo non recipit hanc quantitatem singularem, ante quam ipsa materia singularis, & determinata sit, sed tamen ipsa quantitas vt diuidens antecedit ipsam singularitatem sui subiecti tanquam conditio requisita, vt materia exerceat suam distinctionem, & incommunicabilitatem substantialem

erga



erga aliam materiam, & sic per talem diuisionem signatur materia, quatenus separatur ab alia, vt substantialiter possit erga illam, suam incommunicabilitatem exercere. Vnde non committimus circulum, tum quia proceditur in diuerso genere causæ, à materia vt à radice primæ incommunicabilitatis ad quantitatem, vt ad conditionem diuidentem, & designantem; in diuerso autem genere causæ circulus non est vitiosus; tum etiam, quia quantitas non est ratio multiplicandi indiuiduationem prout determinata seu terminata, sed præcisè prout diuidens, sub hac enim præcisione sufficienter ponit conditionem requisitam, vt materia exerceat suam incommunicabilitatem respectu alterius, & sit ratio indiuiduandi formas sibi aduenientes, & sic à quantitate vt diuidente, & nondum vt indiuiduata, ad materiam vt recipientem, & indiuiduantem eandem quantitatem, non fit circulus, nec est nouum quod aliquod subiectum respiciat formam secundum rationem, aut gradum communem, & illa ratio communis sit conditio, aut medium, vt alia rationes in particulari respiciantur, sicut ab anima secundum rationem animalis habet corpus potentias sensitivas, sine quibus non disponitur ad vitam rationalem, licet in re sensus non dentur in homine sine rationalitate, & rursus qui habet animam rationalem tanquam formam habet sensus ab illa vt à causa formali.

*Ultimo arguitur*, quia distinctio numerica est substantialis, & actualis, ergo non est à quantitate, quia est accidens, nec à materia quia non est actus; actus autem est qui distin-

guie. Quod si à quantitate ut à conditione indiuiduatur, cur non etiam à forma ut à conditione? Praeter im cum quantitas ipsa sit variabilis, & modo maior, modo minor, & similiter ipsa quantitas indigeat indiuiduatione, sicut alia accidentia, ergo non est principium indiuiduandi. Denique quia diuisio, & receptio quantitatis est in corpore & non in sola materia, ergo potius dicendum est quod corpus est principium indiuiduationis, quam materia.

*Respondetur* ex dictis quod distinctio numerica est substantialis, quia habet proportionem, & principium radicabili substantiam, quantitatem autem tanquam conditionem, quatenus diuidens est, diuidere autem non conuenit formae substantiali ratione sui, nec alteri formae accidentali, & sic quantitas, & non alia forma est conditio. Actus autem est qui distinguit, distinctione formali, potest tamen habere modum distinctionis indiuidualis à materia, quatenus est prima ratio incommunicabilitatis, distinctio autem indiuidualis dicit pluralitatem unitatum cum tali modo, scilicet incommunicabilitatis. Quod autem ipsa quantitas varietur, & indiuiduetur, hoc conuenit illi in quantum est quantitas terminata, & informans subiectum sicut reliqua accidentia, sic enim quantitas accidentaliter, & materialiter in eodem indiuiduo variari potest secundum varias terminationes, sed formaliter, & quantum ad rationem diuidendi, & separandi ab altero indiuiduo semper manet eadem. Itaque non magis varietur quantitas, quam varietur indiuiduum, quod utique sub eadem  
abso.

absoluta unitate, stat bene quod recipiat diuersas partes, & diuersam quantitatem muci diuerso modo terminantem, aut figurantem, sed eodem modo diuidentem, ad eum modum quo verificatur quod manet semper idem corpus numero, & eadem materia. Denique licet corpus sit id quod diuiditur, & informatur per quantitatem, materia tamen est principium indiuiduationis.

## ARTICVLVS V.

*Virum accidentia indiuiduantur à subiecto nec possint esse in eodem duo solum numero distincta?*

**I**N sententia S. Thom. certissimum est indiuiduationem accidentium sumi à subiecto in quo sunt, seu in ordine ad illud; quod innume-  
ris locis affirmat D. Thom. & specialiter videri potest 1. p. q. 29. art. 1. & q. 39. art. 3. & opusc. 29. & 36. & 2. 2. q. 24. art. 5. q. 1. de verit. art. 11. & 3. p. q. 31. art. 5. & q. 77. art. 2. & alibi sæpè. *Fundamentum* est quod ipse D. Thom. communiter repetit, præsertim 7. Met. lect. 15. & opusc. 70. q. 4. art. 2. quia nulla forma receptibilis est de se indiuidua & singularis, nisi per ordinem ad subiectum recipiens, de se enim potius forma est communicabilis, nisi per subiectum detineatur, & limitetur. Quare omnis incommunicabilitas nascitur tanquam ex principio ex subiecto recipiente, nisi forma sit separata, & per se incommunicabilis subiecto, tunc enim ex ipso modo, talis forma redditur singularis, & incommunicabilis. Si autem ex

subiecto redditur incommunicabilis, ex ipso etiam habet indiuiduationem. Rationem autem cur formæ de se sint communicabiles multis quantum ex vi conceptus, & officio formæ iam supra diximus, & attigit D. Tho. 4. contra gent. c. 81. & Caiet. c. 6. de ente, & essentia in q. de principio indiuiduationis ad 6. quia formæ solum possunt fundare, vel distinctionem formalem oppositâ unitati formali, vel distinctionem formarum, licet non modo formali. Prima solum pertinet ad pluralitatem specificam, sicut est contra unitas formalis ad unitatem specificam, quæ de se est communis multis. Secunda verò necessario debet conuenire formæ ex alio principio, quam ex vi formæ, seu per ordinem ad aliud cum in se non sit nisi forma informans, quia autem receptibilis est in alio, ordinem dicit, & habitudinem ad illud, in quo semel recepta forma non potest transire ad aliud, neque fieri communis multis, ergo inde ut ex principio, vel per ordinem ad illud habet incommunicabilitatem, & consequenter indiuiduationem, quia principium indiuiduationis ut sæpè dictum est, est incommunicabilitas, & diuisio secundum modum incommunicabilitatis.

*Dices*, ex se habet forma communicabilitatem ad subiectum, & in hoc genere redditur per materiam ulterius incommunicabilis ad aliud, ut ad subiectum quod informat. Ceterum de se forma accidentalis non est communicabilis ad formas alias inferiores cum ipsa sit infima, & in hoc consistit ratio indiuiduationis, non in primo. *Sed contra*, quia si forma accidentalis est una numero ex se, & incommuni-

municabilis pluribus inferioribus, etiam erit  
 incommunicabilis multis tanquam subiectis,  
 & sic vtramque incommunicabilitatem habebit  
 à se, non vnam à subiecto, aliam à se. Patet  
 antecedens, quia accidens hoc ipso quod  
 est vnum numero, ex se non potest transire  
 de subiecto in subiectum, & multo minus ma-  
 nendo in vno poni in alio, ergo hoc ipso quod  
 est vnum numero, & incommunicabile inferiori-  
 bus tanquam formis numero diuersis, etiam  
 erit incommunicabile pluribus subiectis, &  
 sic ex omni parte indiuiduabitur per se, re-  
 deunt que argumenta supra facta contra indi-  
 uiduationem rei per se ipsam. Si enim id non  
 conceditur substantiæ, multo minus acciden-  
 ti. Deinde quia si forma accidentalis de se est  
 communicabilis multis subiectis, redditur au-  
 tem incommunicabilis per hoc subiectum de-  
 terminatum, ergo de se est communis & vni-  
 uersalis per modum quinti prædicabilis, quæ  
 est prædicatio accidentis de subiecto, licet non  
 sit communis, nec prædicabilis per modum  
 secundi prædicabilis, quæ est speciei de indi-  
 uiduo scilicet, formæ de hac & illa forma; sed  
 vniuersalitas quinti prædicabilis non conue-  
 nit accidenti, quod est vnum numero, ergo vt  
 sit vnum numero, dependet etiam ab inco-  
 municabilitate per modum quinti prædicabi-  
 lis, quod est respectu subiecti. Minor patet,  
 quia accidens vnum numero, v. g. hæc albedo,  
 non potest verificari denominatiuè de pluri-  
 bus subiectis, sed solum de vno, sicut enim  
 albedo facit album, ita hæc albedo hoc album,  
 & non amplius, ergo solum potest prædicari  
 de vno, ergo quod est vnum numero per mo-

dum secundi prædicabilis, non est commune modo quinti prædicabilis.

*Sed inquires*, an ipsa materia prima sit principium indiuiduationis radicale solum & remotum, ut quo indiuiduationis accidentium, an verò solum ipsum compositum cui inhaerent? *Respondet*, solum à composito quod est ens completum in actu, non à materia indiuiduari, ut docet S. Thom. opusc. 29. circa fin. Licet enim accidens indiuiduetur à composito quod est subiectum, & subiectum ipsum à materia prima ut à radice, tamen hoc est in linea indiuiduationis substantialis, quæ quidem præsupposita esse debet ad accidentalem, sed tamen formaliter loquendo radix illius indiuiduationis accidentium sistit in ipso composito, quia sistit in ente completo & in actu, hoc enim est subiectum sustentationis accidentium, ut accidentia sunt, & licet materia prima sit principium quo, sustentandi accidentia ex parte receptionis, tamen non est determinate & formaliter radix indiuiduandi accidentia nisi prout in actu sit per formam in composito, de se enim est principium commune ad formas substantiales, & accidentales, immediate quidem substantialium, mediate accidentalium, & ita per se loquendo, & in linea indiuiduationis accidentalis determinate, sistit hæc radix in ipso subiecto, quod est compositum, sicut resolutio fidei, ut fidei est, sistit in Deo ut dicente, & testificante, licet præsuppositiue requiratur quod sit intelligens, & sit immaterialis, & actus purus; sed hæc resolutio non est fidei ut fidei, sed cognitionis discursiue quæ veritas diuina cognoscitur redu-

ducendo ad suas rationes, & principia.

*Dices*, saltem quantitas indiuiduatur à se, quia est prima in suo genere, scilicet vt conditio requisita ad indiuiduandum. Vnde D. Tho. 3. p. q. 77. art. 2. & quodl. 7. art. 10. & alijs locis fatetur, quantitatem se ipsa indiuiduari.

*Respond.* de hoc satis nos dixisse art. præced. quod quantitas consideratur dupliciter: vno modo quantum ad effectum diuidendi partes materię, & quantum ad hunc effectum à se indiuiduatur, idest partes proprię quantitatis non alia quantitate diuiduntur, sed per se ipsam, reliquę verò formę, & substantię per quantitatem. Et ita in hoc habet aliquid speciale inter cetera accidentia. Alio modo consideratur quantum ad effectum formalem quem præbet informando, sicut alia accidentia, extendit enim partes substantię, & terminat, & sic consideratur vt quantitas terminata, & sub hac consideratione quantitas indiuiduatur à subiecto sicut alia accidentia, & non se ipsa tantum, participat enim esse à subiecto sicut alia accidentia. Vnde dicit S. Tho. opusc. 70. q. 4. art. 2. Quod quantitas habet duplicem modum indiuiduationis, vnum ex subiecto, sicut & quodlibet aliud accidens, alium ex se ipsa in quantum habet suam ratione cuius in abstracto à materia sensibili, imaginamur hanc lineam, hunc circulum. Quare qua parte indiuiduatio importat diuisionem ab alio numeraliter dependet à quantitate, vt à conditione requisita, & faciente diuisionem, & in hoc alię formę etiam substantiales dependent à quantitate, ipsa verò non dependet ab alia vt à tali conditione. Qui parte verò indiuiduatio di-

cit unitatem indiuisam in se, dependet quantitas à subiecto, à quo habet accidens esse, & consequenter etiam sustentatur in unitate. Nec Diu. Thom. in alijs locis adductis loquitur, nisi de quantitate ut facit diuisionem, in quo quantitas præbet conditionem requisitam ad indiuiduandum tanquam primam in illo genere.

*Difficultas*, ergo restat in hoc articulo, quæ & præcipua est circa id quod sæpe affirmat D. Tho. quod duò accidentia solo numero distincta non possunt esse in eodem subiecto, seu in eadem parte, eo quod ab illo indiuiduantur, ut expresse affirmat 3. p. q. 35. ar. 5. & in 3. dist. 23. q. 3. ar. 4. quæstiunc. 3. & in 4. dist. 12. q. 1. a. 1. quæstiunc. 3. & alijs multis in locis. Et quidem multi in hoc etiam conueniunt saltem loquendo de accidentibus absolutis, sed non ex eodem fundamento, aliqui enim id probant ratione superfluitatis; alij propter identificationem, quia posito accidente eiusdem speciei cum alio in eadem parte subiecti redigitur in vnū cum illo; sicut si misceantur duo liquores.

*Ceterum fundamentum* D. Tho. sumitur ex principio indiuiduationis sæpe iam dicto, quia forma ex vi formæ non habet principium diuisionis numeralis, sed formalis, ergo debet sumi ex aliquo principio extra formam, quod se habeat ut principium materiale recipiens, & reddens incommunicabilem talem formam, atque adeo accidens eam in se solum habeat rationem formæ, materiam verò non includat intrinsece, sed solum dicat ordinem ad illam; ex isto ordine multiplicabitur multiplicatione non formali, quæ est numerica. Si autem ex

par-



parte istius principij materialis non incipit diu-  
uifio , non remanet in ipsa forma aliqua ratio  
multiplicationis indiuidualis . Et sic recte di-  
xit Caiet. 3. p. qu. 35. art. 5. fundari hanc do-  
ctrinam D. Thom. in illa maxima , *quod omnis  
diuifio fit , aut per principia formalia , aut per  
quantitatem , seu diuifionem materialem* , & ita  
remota diuifione materiali , & quantitatiua ex  
parte subiecti , & stante vnitate formali ipsius  
formæ non datur principium multiplicationis  
numericae . Cuius intelligentia consistit in hoc ,  
quod semper diuifio numerica debet causari , &  
oriri ex aliquo principio materiali diuifio .  
Quod si hoc principium materiale non multi-  
plicatur , semper forma manebit vna ex vnita-  
te principij extrinseci indiuiduantis , hoc autem  
principium indiuiduans accidentia est subie-  
ctum in quo recipiuntur , quia ex ipso prouenit  
incommunicabilitas , vt satis probatum est su-  
pra , ergo si hoc principium materiale non di-  
uiditur , ita quod ab ipso incipiat distinctio ma-  
terialis , non poterit dari multiplicatio indiui-  
dualis formæ accidentalis . Quod si forma ac-  
cidentalis semel indiuiduatur per ordinem ad  
hoc subiectum in quo producitur siue sit subie-  
ctum proprium , siue extraneum , etiam si po-  
stea separatur , vel in alio subiecto ponatur ,  
non amittit indiuiduationem , quia retinet or-  
dinem , & respectum ad illud primum subie-  
ctum vnde indiuiduatum fuit . Nec est incon-  
ueniens quod duæ albedines indiuiduatæ à di-  
uersis subiectis , diuinitus separantur ab illis ,  
vel etiam vniantur in vno tertio subiecto con-  
seruata cuiusque indiuiduatione , nam tunc  
erunt plura indiuidua accidentia in vno subie-  
cto

cto per accidens, non tamen per se indiuiduantur ab illo, sed à diuersis subiectis in quibus producta fuere, & per ordinem ad quæ indiuiduationem suam primo factam præsupponunt.

Nec obstat, quod illæ vniones in illo tertio subiecto in quo recipiuntur, etiam sunt eiusdem speciei, nec ab alio indiuiduantur, quam ab illo met subiecto, ergo saltem illæ duæ vniones recipiuntur simul in eodem subiecto tanquam duo indiuidua eiusdem speciei. *Respon.* enim quod illa vnio si sumatur pro inherencia accidentis est modus identificatus cum ipso accidente, & multiplicatur numero ad multiplicationem ipsius entitatis realis accidentium. Vnde in illo casu in quo supponitur ipsa accidentia esse indiuiduata non ab illo subiecto in quo sunt, sed ab alijs quorum propria sunt, iam possunt ipsa accidentia indiuiduare in se modos, non ratione subiecti cui de nouo coniunguntur, sed ratione suæ entitatis indiuiduata: ex alijs principijs, & subiectis ad quæ ordinem dicunt: sicut etiam quando separata sunt à subiectis, modos aliquos in se recipiunt, & indiuiduant. Si autem loquamur de vnione, non pro inherencia, sed pro immutatione, qua subiectum immutatur ad illa accidentia suscipienda, illæ immutationes sequuntur actionem Dei transferentis accidentia ad illud subiectum, quæ cum diuersa immutatio sit à naturali alteratione producente accidens in subiecto, diuersæ etiam speciei vnionem dicet ex parte immutationis. Quare si duæ accidentia diuersa numero supernaturali actione vni subiecto vniantur, id debet fieri immutatione diuersæ spe-

speciei, vt non sint duæ vniones eiusdem speciei ab eodem subiecto indiuiduatæ. Qua etiam ratione si vnā humanitatem plures personæ diuinæ diuersis vnionibus assumerent, deberent esse vniones diuersæ speciei, quia ad diuersas personas terminarentur.

*Soluantur argumenta.*

**P**rimo obijcies; si non potest plura accidentia eiusdem speciei recipere subiectum, nisi diuidatur, ergo neque plura indiuidua diuersæ speciei, nam illa verè plura indiuidua sunt, ergo etiam ad dandas illas diuersas indiuiduationes, diuersitas subiecti requiretur, quod est aperte falsum. Similiter etiam non poterit idem subiectum recipere duo accidentia numero distincta successiue, nisi etiam successiue plurificetur, non plurificatur autem successiue subiectum. Quod verò tempus discontinuetur non refert, quia tempus solum est circumstantia, non radicale principium indiuiduationis, & sic non requiretur diuisio radicalis principij, quod est subiectum. Ac tandem videmus plura lumina esse in eodem subiecto, si applicentur plura luminosa, cuius signum est, quia sunt plures vmbre, quæ solo numero sunt distinctæ, sicut & luces.

*Respond;* quod in receptione plurium accidentium specie, non fit multiplicatio numeralis, sed specifica, posita tamen in suis indiuiduis. Et ideo non indiget diuidi principium materiale, cum diuisio fiat ex parte formæ, & distinctionis formalis, sed sufficit ponere in subiecto capacitatem plurium formarum specie.

cie diuersarum, quæ vt D.Tho, docet 8. de vēr. art. 14. recipiuntur secundum diuersas potentias subiecti, idest secundum diuersos respectus participandi formas, sicut dulcedo recipitur ex participatione humidi, albedo ex participatione lucis. Hæc autem capacitas non inuenitur in materia prima ad plures formas substantiales simul habendas; quia quælibet forma substantialis habet priuationem alterius, quia quælibet dat primum esse, & esse simpliciter. Cæterum quando non dantur formæ diuersæ speciei, si multiplicatio debet fieri, cum non oriatur ex parte formæ, vt forma, seu distinctionis formalis, oriri debet ex diuisione principij materialis, ad quod cum dicat forma habitudinem, resultat multiplicata indiuiduatio in forma.

*Ad secundam partem argumenti respond.* quod in casu successionis formarum eiusdem speciei, non est necesse subiectum entitatiue diuidi in actu, quia non datur multiplicatio formarum in actu, sed vna tantum est in actu, alia verò præterijt, & in actu non est, vnde sicut multiplicatio est in potentia; vnitas verò in actu, ita sufficit vnum subiectum materiale in actu, licet in potentia & virtualiter se habeat ad plura. Et sic tempus non est principium radicale multiplicandi, sed solum circumstantia, est tamen principium consumendi vnum quod præterijt, & relinquendi in actu solum vnum quod existit & indiuiduatur actu.

*Ad tertiam partem argumenti resp.* quod duplex luminum, cum non penetratur, sed quodlibet sit in diuersa parte medij, diuersum quoque lumen efficit, vel intendit, secundum diuer.

diuerſas lineas. Quod verò ſint duæ vmbre, etiam ſunt in diuerſis partibus ſpaciij, ſicut & ipſæ luceſ diuerſæ ſunt, à quibus corpus opacum per diuerſas lineas tangitur.

*Secundo argui.* in hiſ quæ relatiuè ſe habet; cum enim relatiua reſpiciant terminum extra ſe, ex multiplicatione illius, & non ſolum ex ſubiecto habebunt multiplicari, cur enim non à terminis multiplicabuntur ſicut à ſubiectis? Et ſic vnus pater ad plures filios habebit diuerſas relationes, ſiquidem pereunte vno filio manet reſpectus ad alios, & idem eſt de albo reſpiciente plura alba vt ſimilia. Tum duæ ſpecies intentionales, vel duæ viſiones, aut conceptus repræſentantes duo indiuidua eiufdem ſpeciei non differunt, niſi numerice ſicut obiecta ipſa, & tamen ſunt ſimul in eadem potentia. Similiter charitas habuit in Chriſto duos actus, erga Deum alterum neceſſarium, quo fruebatur, alterum liberum quo merebatur diligendo Deum, & tamen erant eiufdem ſpeciei, ſicut charitas ipſa à qua procedebant. Denique cauſa efficiens, & finalis duas numero actiones efficere, & finalizare poſſunt, ergo & cauſa materialis plures numero formas recipere.

*Reſpond.* aliquos ſentire quod plura accidentia relatiua, vel reſpectiue ſe habentia ad diuerſos terminos, ſeu habentia diuerſos ſtatus, vel modos poſſunt multiplicari numero in eodem ſubiecto. Sed eſt expreſſe contra S. Tho. 3. par. q. 35. art. 5. vbi loquitur de relatione ad plures filios, quam dicit non multiplicari in vno patre, quia fundamentum eſt vnum, ſcilicet, potentia generatiua vt reducta ad actum, & quod

& quod fit per plures actiones, vel ad plures terminos, materialiter se habet, nam etiam vnica actione contingit plures filios generari, & nasci ex vno partu, & tunc relatio est vna, quia fundatur in vnica actione, termini autem materialiter solum sunt plures; eodem autem modo se habet relatio ad plures filios natos per plures actiones, vel per vnā; de quo latius egimus in Logica q. 17. art. 6. Itaque relatio patris potest attingere adæquatè omnes procedentes ab isto, quia sub hac ratione fundatur ista relatio. Moruo autem vno filio manet relatio eadem ad alium quasi intensiue, sed non quasi extensiue, & adæquatè: Et idem est de conuenientia albi ad plura alba, vel pauciora.

*Et ad instantiam*, cur non sumetur multiplicatio à diuersitate terminorum ad quos, sicut à diuersitate subiecti? Respond. causam esse quia terminus ad quem non respicitur per se, vt principium materiale, & diuisionis materialis, sed vt formale, & specificationum, quia species sumitur ab obiecto, & à termino ad quem. Quod verè ratio ista formalis inueniatur in pluribus, vel paucioribus, pertinet ad materiale eius, & facit ad extensionem talis actus, non ad principium multiplicandi ipsum, quia non est principium incommunicabilitatis, & incommunicabilis multiplicationis sed est subiectum habens in se rationem formalem, quam respicit talis actus, & ita respiciendo rationem formalem respicitur id in quo inuenitur tanquam materiale attractum, non vt incommunicabile reddens. Cuius signum est, quia eadem actio potest diuersos terminos materiales attingere quasi inadæquate contentos  
sub

sub eadem ratione formali. At verò subiectum, seu causa materialis, ita formas recipit, quod incommunicabilitatem ex ipsa receptione præbet, atque adeo individuationem, & si multiplicatur, individuationis etiam multiplicabitur. De causa verò efficiente, & finalizante, dicimus quod non se habent, ut intrinseca individuationis principia incommunicabilitatē fundantia, sed ut extrinseca, vel exequendo, vel alliciendo, seu dirigendo. Unde quod plures actiones numero distinctas attingant, vel non attingant, non ex efficiendi præcise sumitur, aut fine, sed ex dispositione materiæ à qua in hac parte efficiens pender, & cui se accommodat, ut plures numero actiones, habere possit, materia vero ex se habet hoc principium.

*Ad aliam* partem argumenti de speciebus, conceptibus, & actibus Respond. quod respectu obiectorum se possunt habere dupliciter. Primò quod talis species, vel cognitio adæquate se habeat ad istud individuum; secundo quod inadæquate, quia attingit plura ut contenta sub vna ratione aut medio. Si hoc secundo modo, non multiplicantur species vel actus, sed eadem species multis actibus deseruit, & eadem numero visione plura in hoc medio contenta video, quia illa pluralitas est materialis ex parte obiecti tacti, quæ non est principium multiplicandi individualiter visiones. Si primo modo, sunt actus aut representationes specie distinctæ, quia id quod individuationis est in obiecto respicitur per se, & ut adæquans talem actum, & consequenter ut specificatum eius, & ideo tales differentiz individuantes, quia sumuntur ut rationes adæquandi & per se distinctæ.

stinguendi actus, sumuntur ut specificantes, & licet in se entitative solum indiuidualiter differant, tamē obiectiue sunt specificatiua diuersa.

*Quod verò* attinet ad actus charitatis aliqui tenent Christum Dominum non habuisse nisi unum numero actum charitatis regulatum à visione beatifica, qui ut ferebatur in Deum erat necessarius & non meritorius, ut autem in creaturas, ferebatur liberè, & sic poterat esse meritorius, de quo videri potest Aluarez 3. p. disp. 45. & in id aliqui Thomistæ inclinant. Alij nec improbabiler existimant charitatem habere plures actus specie incompleta, & imperfecta distinctos, sicut distinguuntur diuersi actus religionis, ut deuotio, oratio, votum, adoratio, &c. Et fortitudo habet duos actus, aggredi, & sustinere, & aliae virtutes similiter, quos actus simul exercere possunt, atque adeo non solum numero distinguuntur, licet procedat ab habitu eiusdem speciei, sed habent diuersam speciem incompletam, sicut duæ partes eterogeneæ in homine: sic charitas habet duos actus distinctos, ut fatetur D. Thom. 2. 2. q. 44. art. 2. ad 1. alium erga Deum, alium erga proximum, qui possunt esse simul, ergo, plusquam numero distinguuntur. Quid ergo mirum, quod etiam erga Deum possit eadem charitas habere duos actus specie quasi incompleta & partiali distinctos, alterum necessarium fruitionis regulatum visione beata, alterum liberum regulatum scientia infusa non vidente clare Deum, & consequenter tales actus sint simul, sicut actus erga Deum, & erga proximum: Sed de his plura Theologi.



## CIRCA LIBRVM

## SECVNDVM

## De Generatione, &amp; Corruptione.



Explicata generationis, & corruptionis natura, restat ad ipsa generabilia, & corruptibilia descendere. Et primo occurrunt elementa, quæ sunt corpora simpliciora in genere corruptibilium, deinde mixta, quæ ex eis constant. Et quatuor facit Phil. Primo explicat principia generationis elementorum, & eorum numerum. Secundo explicat ipsam elementorum generationem. Tertio, generationem mixtorum. Quarto, vniuersales causas generationis, & corruptionis, eiusque perpetuitatem.

## SVMMMA TEXTVS

## Libri Secundi.

**A**git hoc capite secundo de principio materiali elementorum. Et primo relatis his quæ in primo libro tractata sunt, rejicit varias opiniones antiquorum, qui pro prin-

principio materiali elementorum ponebam  
aliquod corpus; alij vnum tantum scil. aerem,  
vel ignem: alij plura vt ignem, & terram, vel  
etiam aerem & aquam, &c. alij dixerunt esse  
vnum receptaculum omnium formarum non  
explicantes quid per illud receptaculum intel-  
ligerent, hæc inquam reijcit & suam senten-  
tiam explicat, quod principium materiale ele-  
mentorum non est aliquod corpus sensibile,  
sed materia prima, quæ potest esse pars cuius-  
libet corporis, nec tamen est separata ab omni  
forma substantiali, neque ab omni contrarie-  
tate, idest ab omni prima qualitate; & ita per  
hanc contrarietatem fit transmutatio de vna  
forma ad aliam, & circa talem materiam tan-  
quam circa subiectum commune fiunt genera-  
tiones, & corruptiones elementorum. Et hoc  
ideo quia contraria non possunt agere ad inui-  
cem, & transmutari, nisi ratione alicuius su-  
biecti communis in quo exerceatur, & fiat tran-  
smutatio elementorum.

Assignat in hoc cap. secundo principium for-  
male, seu formas elementorum, non quidem  
formas substantiales, sed accidentales. Et duo  
facit. Primum docet formas istas elementorum  
debere esse formas tangibiles non quascunque,  
sed primas. Secundo enumerat omnes quali-  
tates tangibiles, & ostendit quatuor ex eis esse  
primas ad quas ceteræ reducuntur.

Circa primum ostendit formas proprias ele-  
mentorum debere esse qualitates tangibiles,  
quia elementa considerantur vt generabilia, &  
corruptibilia, ergo vt actiua, & passiva, sed  
exercent passionem, & actionem per contactu,  
ergo propriæ eorum formæ sunt qualitates

ut tangibiles, & cum sint prima corpora debent esse primæ qualitates tangibiles.

Circa secundum reducit omnes qualitates tangibiles ad septem contrarietates quas attingit tactus, scilicet calidum & frigidum, humidum, & siccum, graue & leue, durum & molle, lubricum & aridum, asperum & lene, crassum, & tenue. Ex quibus, duæ scilicet graue & leue sunt principia actionis quæ est motus localis. Reliquæ verò reducuntur ad quatuor illas primas, scilicet calidum & frigidum, humidum, & siccum, quia sunt primæ in agendo, & patiando, & ideo sunt propriæ formæ primorum corporum generabilium, quæ generantur & corrumpuntur per actionem, & passionem. Calidum autem, & frigidum sunt actiua, quia calidum est, quod congregat ea quæ sunt eiusdem generis; frigidum, quod congregat ea quæ sunt diuersi generis. Humidum & siccum sunt passiuæ, quia humidum est quod facile cedit alienis terminis; siccum quod difficile alienis, & facile continetur proprijs.

In hoc capite tertio duo facit Phil. Primo ostendit numerum elementorum, esse quatuor. Secundo docet quis locus, & quæ qualitas dominetur in quolibet elemento.

Circa primum ostendit numerum elementorum ex combinationibus quatuor primarum qualitatuum, & ex authoritate antiquorum. Ex combinationibus quidem, quia quodlibet elementum debet habere duas qualitates, ut per vnam conueniat cum vno elemento, per aliam differat. Non possunt autem combinari duæ qualitates contrariæ, quia se excludunt, solum ergo debent combinari non contrariæ. Istæ autem

tem solum quatuor modis combinari possunt, scilicet calidum & siccum, calidum & humidum, frigidum & humidum, frigidum & siccum, ergo tantum erunt quatuor elementa, quia tantum sunt quatuor combinationes. Ex autoritate id probat, quia nullus antiquorum excessit quaternarium numerum elementorum, licet aliqui pauciora posuerint.

Circa secundum attribuit elementis, primo quod superiora, scilicet ignis, & aer habent superiorem locum sub coelo, inferiora vero scilicet aqua & terra inferiorem, idest circa centrum. Secundo quod extrema scilicet ignis, & terra puriora sunt, quam media. Tertio superiora esse inferioribus contraria. Quarto igni dominari calorem, aeri humiditatem, aquæ frigiditatem, terræ siccitatem.

Ab isto cap. quarto incipit agere Philos. de generatione elementorum per tria capita sequentia. Et in isto primo ponit quatuor regulas ad dignoscendum, quomodo elementa in inuicem transmutantur. Et supponimus alia esse elementa dissymbola, seu extrema, quæ scilicet non conueniunt in aliqua qualitate ut ignis & aqua, alia media quæ in aliqua qualitate conueniunt ut ignis, & aer, aqua, & terra.

Prima ergo regula est, absolute loquendo quodlibet elementum potest conuertere in aliud, siquidem contrarietatem aliquam habent. Secunda regula, facilior est transmutatio inter symbola elementa quam inter dissymbola, quia in illis est minus contrarietatis, quam in istis. Tertia regula, ex duobus dissymbolis facilius tertium aliquod generatur, quam vnum dissymbolum ex alio, ut ex igne & aqua facilius gene-

generatur aer, quam aqua, vel ignis siquidem plus contrarietatis est vincendum ut inter se transmutentur, quam ut in vnum tertium conspirent. Quarta regula, ex duobus elementis symbolis non generatur tertium, sed vnum ex alio, sunt enim facilis transmutationis.

Inquit in hoc cap. quinto Aristot. de materia ex qua fit transmutatio elementorum, nam licet supra determinauerit, quod sit materia prima, quæ est communis omnibus, hic specialiter contra aliquorum opiniones procedit; aliqui enim ponebant aliquod corpus completum seu ens in actu esse materiam huius transmutationis, siue vnum corpus seu elementum esset, siue plura. Alij verò ponebant non omnia elementa esse transmutabilia ad inuicem, sed solum symbola. Alij nulla omnino esse ad inuicem transmutabilia. Et priores opiniones refutat in prima parte, cap. alteram vero in secunda parte. Vltimam vero opinionem in seq. cap. reijcit. Priores ergo opiniones contra quas sapius egit præsertim in 1. Phys. ex eo hic impugnat, quia si aliquod ens completum & in actu esset principium transmutationis elementorum, talis transmutatio esset alteratio, non substantialis generatio, quia manet subiectum integrum, & completum sub utroque termino, ergo eius esse substantiale, & primum non mutatur, sed accidentale, & superadditum.

Circa secundam partem cap. ostendit contra præfatam sententiam omnia elementa etiam dissymbola esse transmutabilia, quia habent contrarietatem ad inuicem, & sic agunt & patiuntur, & transmutantur. Et secundo ostendit

dit nulla elementa, nec extrema, nec media esse principium generationis, quia principium generationis est ingenerabile, aliàs esset processus in infinitum.

Reiicit in isto cap. sexto sententiam, quæ est Empedoclis, quod scil. nulla elemēta sint ad inuicem transmutabilia. Qiam sententiam dupliciter coarguit. Primo eam contradictionis arguendo. Secundo ad impossibile deducendo. Contradictionis quidem arguit, quia Empedocles fatebatur elementa esse adinuicem comparabilia, quæ comparatio fieri potest, aut secundum quantitatem, aut secundum virtutem seu qualitatem, vel eiusdem speciei, vel diuersæ. Quæ autem sic sunt comparabilia sunt etiam transmutabilia, quia agunt & patiuntur. Ad impossibile autem deducit, tum quia tollit augmentum, idest quod possit vnum elementum crescere, si non potest de alio transmutare; tum quia tollit generationem, si enim elementa non corrumpuntur, nec transmutantur, sed solum congregantur, vel disgregantur, non datur noua forma substantialis, sed solum accumulatio diuersorum, ergo non datur generatio substantialis.

Ab isto capite seprimo incipit agere de generatione mixtorum postquam de elementorum qualitatibus, numero, & generatione actum est. Tractat autem de mixtis isto cap. & seq. in isto quidem cap. proponit dubium quomodo mixtum fiat ex elementis. In seq. ostendit omnia quatuor elementa concurrere ad mixtionem.

Circa primum supponit duas fuisse opiniones, circa elementa, alteram quod sunt transmuta-

muta-

mutabilia, quia habent materiam communem. Alteram Empedoclis, quod transmutabilia non sint, quam præced. cap. reiecit, & in isto iterum reiecit, quia non transeunt elementa in mixtum, sed elementa manent, & solum quia congregata sunt, dicuntur mixtum. Vnde respondet ad dubium propositum dicendo, quod qualitates elementorum sunt contrariæ ut calor & frigus, siccitas & humiditas, & suscipiunt magis & minus, atque ita aliquando vna earum est perfecta & in actu, & de opposita nihil est nisi in potentia, ut si calor sit in summo, aliquando vero vna non est perfecta in actu, quia non est in summo, sed aliquid de opposita permittit. Sic ergo vnum elementum potest alteri applicari dupliciter. Vno modo ita ut vnum superet aliud & transmutet in se, & tunc non sequitur mixtio, sed simplex generatio. Alio modo taliter quod neutrum vincat totaliter, sed in vnum tertium attemperentur, quia qualitates eorum remittuntur, & ad certum gradum attemperantur, & tunc fiet mixtum. Vnde non est necesse, quod in mixtione elementa, ita corrumpantur, quod nihil de illis remaneat, nisi materia, sed ita transmutantur, quod qualitates eorum remanent refractæ, & hoc est manere virtualiter.

Ostendit in hoc cap. octauo in mixto concurrere omnia quatuor elementa. Quod probat sic, quia mixta sunt in terra, & ad eam naturaliter mouentur, ergo participant de terra, quod etiam ostendit eorum crassities. Terra autem cum sit nimis sicca nisi iuuetur ab aqua, non coagulatur, sed redigitur in pulueres, ergo ut figura mixti sit debite terminata indiget

humido coagulante, quod est aqua. Rursus terra & aqua alterantur in mixto, ergo à suis contrariis, contraria autem sunt ignis & aer, ergo etiam ista duo elementa ad mixtum requiruntur. Secundo id ostendit à signo, quia mixta nutriuntur istis duobus elementis, scilicet, aqua, & terra, ut patet in plantis, quæ simpliciiori alimento nutriuntur, & tamen duobus elementis indigent, scilicet, aqua, & terra ad sui alimentum; ergo à fortiori alia viuentia, si autem eis inest terra & aqua, etiam ignis & aer propter rationem supra allatam, ergo similiter ex omnibus elementis erunt, sicut ex illis nutriuntur. Incidenter verò docet inter elementa solum ignem nutrire, non tamen propriè sicut viuentia, quæ per intus susceptionem nutriuntur, ignis autem consumendo pabulum appositum.

Ab hoc capite nono, tractat ultimam partem libri, scilicet de vniuersalibus causis generationis, præsertim de causa efficiente. In hoc ergo cap. facit duo. Primum enumerat triplicem causam pro generatione requisitam, scilicet materialem, formalem, & efficientem. Secundo reiicit opiniones circa causam efficientem & relinquit probatum, quod illa requiritur præter materiam & formam.

Circa primum ostendit requiri tres causas ad generationem, duas intrinsecas, scilicet materiam & formam, aliam extrinsecam, scilicet efficientem. Et in his materia est principium ut sint & non sint, quia habet potentiam ad vnam formam & ad priuationem eius. Forma autem est principium tantum ut res sit, & ab ea res habet speciem, & cum ea coïncidit finis, quia



Quia eius gratia operatur agens in materia. De efficiente vero est tota difficultas.

Circa secundum ergo proponit duplicem opinionem antiquorum circa causam efficientem. Prima fuit Platonis, qui posuit ideas seu species separatas per impressionem sui in materiam causare species rerum, & per abiectionem corrumpere. Alia fuit opinio, quæ non distinguebat materiam ab efficiente, sed ipsam dixerunt esse transmutationis principium, per qualitates, quas habet ut per calidum & frigidum. Reijcit autem primam opinionem, tum quia si idea separata per sui impressionem, tum quia si idea separata per sui impressionem faceret res, cum ista idea semper sit eadem, semper faceret idem, non autem modo faceret, modo non faceret, tum etiam quia in artificialibus datur efficiens præter ideam, ut medicus effectiue sanat, & doctor docet, ergo etiam in naturalibus, quia ars imitatur naturam. Secundam autem opinionem reijcit, tum quia materia est pura potentia passiva, ergo non est principium actiuum, seu efficiens sed passiuum; tum quia in arte, instrumenta & materialia non se mouent, sed mouentur ab arte, ergo & in natura materia non mouet, sed mouetur quantumcunque habeat illas qualitates, sicut ferra licet habeat qualitatem ad scindendum, nisi moueatur ab alio, non mouet.

In hoc capite decimo tradit sententiam suam de causa efficiente generationum. Et tria facit. Primo repetit & supponit ea quæ in 8. Physicorum dixerat de unitate primi motoris & primi motus. Secundo proponit dubium de varietate generationum & corruptionum unde

proueniat. Tertio colligit quædam corollaria.

Circa primum supponit, quod dictum est in 8. Phys. scilicet dari vnum primum motum circularem, & per se continuum per quem primus motor est causa perpetuitatis generationum, quia cum ille motus sit perpetuus atque continuus, rationabile est, quod sit causa reliquorum motuum, qui non semper sunt, potius enim id quod est debet esse causa eius quod non est, quam e conuerso.

Circa secundum oritur ex hoc statim dubiū, quia idem manens idem semper facit idem, sed primum mobile est idem, & motus eius semper vnus, ergo non alterabunt generationes & corruptiones, sed semper idem facient, cuius oppositum videmus. Resp. Arist. quod in cælo est duplex motus. Alter vniformis ab oriente in occidentem, qui est proprius primi mobilis, & iste non causat varietatem generationum & corruptionum. Alter est non vniformis, sed constat accessu & recessu ad nos, & hunc causat sol per Zodiacum, & ratione huius causatur varietas generationum sicut accedente sole ad nos in puncto Arietis omnia reuirescunt, recedente autem in puncto Libræ, decrescunt. Et sic non manet semper idem & secundum illas partes contrariis accessus, & recessus causat contrarios effectus generationis & corruptionis.

Circa tertium colligit duo corollaria. Primum quod singulis videntibus statuta est certa ac determinata vitæ periodus, & terminus. Secundum est, quod generationes & corruptiones possunt esse perpetuæ, quia causa earum efficiens, quæ est Sol, habet perpetuum motum, &  
per.

perpetuitatem generationum intendit. Postremo ostendit quod sicut dictum est in 8. Phys. & 12. Met. si motus est, motor est, & si motus est continuus & perpetuus, motor debet esse sempiternus, ad quem omnes motus reducuntur.

In hoc capite vndecimo, intendit probare Aristot. generationes non esse perpetuas quasi in rectum, sed circulariter. Et ad hoc facit tria. Primo quædam præmitit ad probandum intentum 1. probat illud 3. soluit duo dubia.

Circa primum supponit quædam generationes esse necessarias quæ, scilicet habent causam determinatam, vt quod cras oriatur Sol, quædam contingentes, vt quod cras Petrus ambulet, futurus enim quis incedere, non incedet. Supponit secundo, quod quando in vna generatione est tota materia alterius, ex generatione prioris sequitur posterioris generatio, sicut ex euaporatione sequitur nubes, ex nube pluuia. Si vero generatio vnius non sit tota materia alterius, sicut fundamentum non est tota materia domus, ex generatione prioris non sequitur posterius, licet è contra generata domo sequitur fuisse generatum fundamentum.

Circa secundum probat generationes esse perpetuas per circulum & regressum in idem, non per rectam tendentiam in res semper diuersas, sine regressu ad priores. Si enim esset semper tendentia recta si esset finita, tandem consumeretur, & sic non esset perpetua. Si infinita, non haberet primum & vltimum, & sic non esset propter aliud tanquam propter finem, quia ibi non est finis, vnde ex positione vnius non esset necessarium ponere alterum. In circulum autem videmus perpetuari generationes

propter circularem motum, quo eadem semper regrediuntur suis temporibus, & sic Sol extrahit vapores, & isti coguntur in nubes, nubes resoluitur in pluuiam, & terra madefacta iterum euaporat & facit nubes, estque inter istas necessaria series, quia vnum dat totam materiam alteri.

Circa tertium ponit duo dubia. Primum cur in quibusdam est circuitus in generationibus, vt vapor, nubes, pluuiam, in alijs non, vt inter homines & animantia. Resp. quod in illis vnum est tota materia alterius, non in his, tota enim materia nubis est vapor, tota vero materia hominis non est pater eius. Secundum dubium, an ita sit circularis generatio, quod regrediantur in idem numero iam corruptum, vel solum in idem specie? Resp. quod ea quæ in transmutatione non corrumpuntur in substantia, reiterantur, eadem numero, vt idem Sol qui occidit, oritur. Quæ verò in substantia corrumpuntur, non iterantur eadem numero, sed specie.



## QVÆSTIO X.

*De elementis, & primis qualitatibus;*

## ARTICVLVS I.

*Quid sit elementum, & quatuorplex, & quæ  
sint qualitates primæ?*

Elementum sumi potest dupliciter.  
Vno modo late, & communiter pro-  
ut complectitur prima principia, &  
causas intrinsecas rerum, qua ratio-

ne 1. Phys. quæst. 2. art. 1. ex D. Thom. dixi-  
mus tria ista, scilicet, principium, causam, ele-  
mentum, habere se sicut magis, & minus com-  
mune, saluari autem elementum per hoc quod  
sit aliquid principium, & causa intrinsecè com-  
ponens. Causa autem magis communiter se  
habet, & complectitur etiam principia extrin-  
seca, à quibus aliquid procedit cum dependen-  
tia, & participatione. Principium autem ad-  
huc communis dicitur id, à quo aliquid proce-  
dit, etiam si sine dependentia, & participa-  
tione, vt in diuinis. Alio modo sumitur ele-  
mentum strictius pro principijs, quæ in se  
etiam sunt composita, & principiata, vtpotè  
corpora composita ex materia, & forma, quia  
tamen sunt corpora simplicia dicuntur ele-  
menta, quatenus distinguuntur à mixtis, quæ  
ex illis componuntur. Et sic sumuntur pro  
quatuor vulgaribus elementis, terra, & aqua,  
aere, & igne; de quibus agitur tum in 3. de  
celo, tum hic; sed ibi agitur de illis secundum

quod perunt determinatam situationem in vniuerso; in præfenti autem prout sunt prima generabilia, & corruptibilia, sicque ad generationem, & corruptionem spectant. Definitur autem elementum, quod est corpus, in quod cetera corpora diuiduntur in quibus inest actu, vel potentia, ipsum autem est indiuisibile in diuersa secundum speciem. Ly (corpus) ponitur loco generis, & excludit illa elementa, quæ sunt prima principia corporum, vt materia, & forma, non autem sunt corpus, neque enim materia est corpus, sed principium corporis. Reliquæ particulæ ponuntur ad distinguendum ista elementa à reliquis mixtis, quæ non sunt corpora simplicia, & dicitur non diuidi in alia corpora, idest resolui per alterationem, & corruptionem, mixta enim resoluuntur in elementa, elementa verò non resoluuntur in alia, sed vnum corrumpitur ab alio, vel in vnum tertium, quod est mixtum, conspirat; dicitur autem inesse elementum actu, vel potentia in mixto, quatenus elementa virtualiter manent in mixto per suas qualitates, vt supra quæst. 5. dictum est. Et licet etiam partes integrantes sint in corpore actu, vel potentia, & in eas diuidatur totum, non tamen diuiditur per resolutionem alterationis, sed per diuisionem quantitatiuam, ipsæ autem partes etiam resoluuntur in elementa.

Quotplex autem sit elementum etiam extractum in 3. de cælo constat, omissis enim antiquorum opinionibus, constat ponenda esse quatuor elementa, quæ supra numerata sunt. Id probat Arist. tum in 3. de cælo ex motibus localibus, & situatione in vniuerso, & ex grauitate.

uitate, & leuitate, quæ omnes probationes in  
idem redeunt, quia solum sunt quatuor loca  
infra cælum, scilicet summum quod tangit cæl-  
lum, infimum, quod est centrum terræ, alte-  
rum propè summum, & alterum propè infi-  
mum; & sic correspondet etiam leuitas sum-  
ma supremo loco, grauitas summa infimo, me-  
dijs autem locis grauitas, & leuitas media, &  
sic sunt quatuor elementa, quæ petunt ista qua-  
tuor loca, & leuitates, atque grauitates. In  
præsenti autem probat numerum elementor-  
um ex numero qualitatum contrarium, sci-  
licet calore, & frigore, siccitate, & humidi-  
tate. Cum enim istæ sint qualitates primæ  
proprie, & per se conueniunt primis corpori-  
bus, quæ vocamus elementa, ex his autem  
aliqua debent competere in summo ipsis cor-  
poribus simplicibus, si enim nulla compete-  
ret in summo, sed omnes temperatè, & mo-  
deratè, competere eo modo quo mixtis, in  
quibus omnes qualitates sunt moderatæ. Con-  
ueniente autem aliqua qualitate in summo,  
solum possunt fieri quatuor combinationes in  
conuenientia istarum qualitatum, ergo solum  
possunt dari quatuor elementa. Min. probat,  
quia solum possunt fieri istæ combinationes  
scilicet calidum, & siccum, calidum, & humi-  
dum, frigidum & humidum, frigidum, & sic-  
cum. Aliæ vero duæ, quæ possunt fieri inter  
qualitates contrarias, vt frigidum, calidum,  
siccum & humidum, non pertinent ad rem,  
nam si vtraque est in gradu intenso non pos-  
sunt esse simul in eodem subiecto. Si autem  
altera est intensa, vel est intensa in summo,  
& sic totaliter excludit oppositam, nec facit

combinationem cum illa , vel est intensa circa summum , ita quod admittat aliquid de opposita in gradu remisso , & hoc magis pertinet ad mixta , quam ad elementa , quia mixta sunt illa , quæ possunt habere omnes quatuor qualitates inter se temperatas : tunc autem illud corpus , quod haberet calidum , & frigidum non repugnaret habere omnes quatuor qualitates , posset enim etiam alias duas scilicet humidum , & siccum eodem modo temperatas habere , sicut calidum & frigidum , supposito , quod nullam haberet in summo : ergo ut aliquid sit elementum non habens omnes quatuor qualitates oportet , quod aliquam totaliter excludat.

*Ceterum* , quia hæc ratio supponit dari quatuor primas qualitates , oportet explicare quid sint , & quomodo sint primæ . Quia ergo primum dicitur in aliquo genere per negationem alicuius prioris , illæ dicuntur primæ qualitates , quæ non habent alias priores saltem in illo genere . Vnde definiri possunt primæ qualitates ad modum primorum principiorum : *Quæ nec ex alijs qualitibus , nec ex se ipsis mutantur , sed alia ex ipsis.*

*De istis* autem primis qualitibus possumus loqui , vel absolutè in omni genere qualitatis , vel strictius in genere corporali , vel adhuc strictius in genere corruptibili . Primo modo certum est qualitates spirituales , tam dignitate , quam causalitate esse priores , quia per ipsas moventur prima corpora ; à quibus dependent primæ qualitates corporales . Secundo modo datur etiam aliqua qualitas prior istis primis qualitibus , sicut sunt qualitates

calo-



cælestes , inter quas principalior est lux , tum quia primo facta est à Deo , cum dictum est Genes. 1. *fiat lux* ; tum quia est immaterialior cæteris , & minus pendens à motu ; manebit enim illuminatio etiam cessante motu cæli , tum quia conuenit perfectissimo corpori sicut Soli , & Cælo Empyreo . Similiter figura , & forma sunt qualitates communes corpori corruptibili , & incorruptibili , nec semper sequuntur ad alterationem primarum qualitarum , sed ad solam diuisionem continui , vel ad creationem ipsius corporis incorruptibilis . At verò tertio modo dantur primæ qualitates generabiles , & corruptibiles , quæ sunt primæ contraria in qualitatibus physicis , & sunt illa quatuor , scilicet calor , & frigus , siccitas , & humiditas . Et dicuntur primæ qualitates , quia in genere alteratio , & corruptibili ipse primo deseruiunt ad omnem generationem substantialem , tam mixtorum , quam elementorum , & ideo propter suam vniuersalitatem in deferuendo ad generationem , sunt primæ , & deinde , quia deseruiunt ad primam sensibilitatem & primum sensum omnium , qui est tactus , sunt enim per se primo tangibiles , tactus autem est primus sensus , & fundamentum cæterorum . Et denique quia omnes aliæ qualitates corruptiæ , & alteratiæ in istis interioribus , resultant ex istis tanquam ex prioribus , & simplicioribus , sicut odor , sapor , color , grauitas , leuitas , molle , durum , & alia similia , quæ sunt qualitates mixtæ , quia propriè conueniunt corporibus mixtis , & sic resultant ex alijs prioribus , quæ conueniunt corporibus simplicibus , & non sunt aliæ , quam illæ quatuor dictæ ,

dictæ, quas in elementis reperiri constat :

*Quod si dicas*, nam præter istas qualitates dandæ sunt aliæ virtuales in elementis, quæ dicuntur tales, quia medijs ipsis substantia elementi producit ipsas quatuor primas qualitates, nam cum aqua ve. gr. vehementer calefit, nihil retinet de frigiditate formali, siquidem non sentitur in ea aliquod frigus, & tamen retinet aliquid de virtuali, quia potest expellere per se illum calorem, & ad frigiditatem reduci illa autem frigiditas non potest immediate à substantia aquæ dimanare, quia substantia non est per se actiua, ergo ab aliqua qualitate quæ dicitur virtualis frigiditas, & idem est in alijs elementis.

*Respondet*, aliquos ita sentire, quod dentur istæ virtuales qualitates, quales etiam inveniuntur in aliquibus mixtis, sicut piper, & vinum dicuntur virtualiter calida, & alia inveniuntur virtualiter frigida. Cæterum in elementis non possumus illas admittere sicut in mixtis. Nam istæ qualitates virtuales in elementis, vel sunt eiusdem speciei cum formalibus, vel non. Si sunt, ergo superfluum, ad quid enim duæ qualitates eiusdem speciei? Et currit eadem difficultas, quomodo scilicet istæ qualitates virtuales à subiecto possint dimanare, nam si dimanant per alias, erit processus in infinitum: si per se ipsas, cur similiter non dimanabunt qualitates formales? Si non sunt eiusdem speciei, quomodo possunt esse ratio producendi qualitates formales, cuius speciei non sunt? siquidem simile solum agit sibi simile. Item quia, vel illa qualitas virtualis est per se sensibilis vel non. Si non, est qualitas

igno.

ignota, & non conuenit primo corpori per se sensibili, quale est elementum, omnes enim qualitates eius sensibiles sunt. Si est sensibilis, ergo erit eiusdem speciei cum alijs, quæ similiter sensibiles sunt. Et cum aliàs non indigeat substantia ad emanationem qualitatis sibi conuenientis alia qualitate media, ut fiat ista emanatio, superflue ponuntur istæ qualitates virtuales, ut primæ formales emanent. Quod verò in aliquibus mixtis istæ qualitates virtuales inueniantur, non est ad illud munus, ut videlicet aliæ qualitates mediantibus illis emanent, sed ut ipsa agant in alia, piper enim non se calefacit, sed stomachum, cum enim mixta fiant ex commixtione elementorum, contingit in aliquibus tale fieri temperamentum, ut calor vel frigus prædominetur, & cum illud temperamentum mixti à calore stomachi dissoluitur, prodit fortius illa qualitas prædominans, scilicet calor, vel frigus, & acrius operatur.

*Sed inquires*, quare ab Aristot. quædam ex istis primis qualitatibus vocantur actiue, quædam passiuæ?

*Resp.* Arist. tum in hoc lib. 2. text. 8. tum in Meteor. dicere, quod ex istis qualitatibus calor, & frigus sunt actiue; siccitas, & humiditas, passiuæ. Quod non est sic intelligendum, quasi ipsa siccitas, & humiditas absolute, & secundum se non sint actiue, agunt enim ad inuicem, & producant sibi similia; humiditas enim humectat, siccitas exsiccatur, & expellunt se tanquam contraria. Intelligitur, ergo quod comparatiue ad mixtum, & in ordine ad constituendum illud, siccum & humidum magis materialiter se habent & passiuè, quam

quam calidum, & frigidum. Vnde ea, in quibus humidum prædominatur sunt benè passiva, quia facilius terminantur terminis alienis, quod pertinet ad humidum, vel retinent proprios, quod pertinet ad siccum, quæ autem sunt vehementiora in agendo, magis participant de calore, aut frigore, quia pertinet ad calidum, & frigidum congregare, quod importat actionem.

Ex diffis colligere possumus, quomodo explicandæ sint definitiones istarum primarum qualitatum, quas Arist. in præsentī definit iuxta actiuitatem, vel passiuitatem earum. Calidum ergo definitur, *id quod homogenea, & similia congregat*, frigidum, *quod congregat dissimilia*, humidum, *quod facile terminatur alieno termino, difficile proprio*, siccum, *è conuerso, quod difficile terminatur termino alieno, facile proprio*. Quæ definitiones intelliguntur more physico, idest, quod tales qualitates istos effectus petunt, quantum est ex se, licet per accidens impediri possint. Nam calidum dicitur congregare homogenea, quia id petit ex vi suæ actiuitatis; imò si aliquando videtur congregare ea quæ sunt diuersi generis, aut laxare, & resoluerē ea, quæ sunt eiusdem, ut dum congregat plures cibos, & ex illis facit liquorem in stomacho, aut cum resoluīt glaciē, plumbum, æs, & similia; id facit non congregando ea, quæ sunt diuersi generis manentibus in diuerso genere, sed potius vnā quandam substantiam tertiā ex illis educendo, v. g. liquorem tertiū, quem facit esse vnum, & consequenter congregat rem vniū generis; & similiter resoluendo glaciē, aut liquefacien-

Io plumbum , facit vnum esse, quæ sunt vnius generis , quia per ipsam resolutionem , & liquefactionem segregantur quæ sunt vnius generis ab alio , sicut quod admixtum est plumbo , & alijs metallis fecernitur , & in alimentis , quod impurum est ab eo , quod est purum & ita semper , quæ sunt vnius generis congregantur à calore , & disgregantur , quæ sunt diuersi generis . Frigus verò si congregat , non ita facit resoluendo , sed potius spissando , & ideo non excernit , sed vnum cum altero aggregat . Per accidens tamen dicitur frigus dissiluire , non rarefaciendo , sed quia recedente calore , manent partes suo officio impeditæ , & solutæ , vt cum dicuntur membra solui frigore , quia recedentibus spiritibus vitalibus membra manent impedita . Similiter siccum dicitur difficile terminari alieno termino per se , & ex visciditatis , non per accidens , sicut ignis v. g. ex visciditatis difficile terminatur alieno termino , imò de se libertatem quærit , & si nimis occludatur perit , tamen quia dominatur calor , & accit ipsum ignem rarem , hac ratione non operatur sola siccitas , sed etiam raritas , quæ facile cedit alieno termino . Et similiter puluens minutissimi propter suam tenuitatem admittunt multum de aere inter partes minutas , & ideo si non constipentur facile cedunt ,



## Soluntur argumenta.

**C**ontra numerum elementorum fit argumentum de igne: quia si esset elementum deberet habere locum determinatum in vniuerso, sicut reliqua elementa habent, sed hoc est falsum ergo. Min. prob. quia si haberet talem locum deberet esse supra aerem, qui ignis maximè levis est, sed non competit ei esse supra aerem, tum quia Aristot. 1. Meteor. cap. 4. dicit: *Quod id, quod prope lunam est, non est ignis, licet à nobis ignis vocetur*; tum quia ibi neque lucet, neque calefacit, si autem ibi esset non posset tam vastum corpus non sciri & in luce, & in calore: tum quia carere pabulo in tanta altitudine, ergo non potest ibi conseruari.

*Confirmatur*, quia elementa apud nos inueniuntur, cum qualitatibus mixtis, vt aqua cum sapore, datur enim aqua dulcis, vel salta, vel amara; inuenitur etiam terra cum peculiaribus virtutibus ad diuersos effectus, qui exigunt temperamentum particulare, ergo, non est elementum sed mixtum.

*Respond.* concedendo proprium locum ignis esse supra aerem, & propè cælum, hoc enim petit naturalis inclinatio eius, quia habet maiorem leuitatem, quam aer, esset autem contra naturam dare igni talem inclinationem, & perpetuo priuare illum tali loco. Ad locum ergo Aristot. dicimus, quod non negat propè lunam esse ignem quoad substantiam elementari, sed quoad condiciones quas habet apud nos, & ratione quarum vocatur ignis, ibi  
enim

enim propter suam tenuitatem potius videtur esse flamma, apud nos autem propter nimiam concretionem dicitur ignis. Sicut glacies non est elementum aquæ, sed excessus frigoris concreti in aqua.

Ad secundam probationem respond. quod ignis ibi non lucet propter nimiam raritatem, ut enim aliquid luceat requiritur, quod sit corpus terminatum, & spissum, ut emittat radios, sicut etiam cælum empyreum non lucet, licet sit lucidissimum propter suam raritatem, ut aduertit D. Thom. 1. p. q. 66. ar. 4. Non calefacit autem ignis hæc inferiora, quia calor ignis funditur in directum, & ad latera, quia ibi diffundit suam virtutem, in quod tendit, in inferiora autem non tendit, & sic non diffundit calorem ad hæc inferiora, vel ita parum, quod ad tantam distantiam non sentitur. Ad tertiam dicitur: quod ignis in propria sphaera non indiget pabulo, sicut apud nos, quia hic patet multis contrarijs, & cum sit substantia valde tenuis facile interimitur, nisi in aliqua densiori materia fortificetur, quod non currit in sphaera propria.

*Ad confirm. respond.* aliquos sentire non dari purum elementum, sed solum elementa inueniri in mixtis, contra quos videri potest, Mag. Bannez 2. de gen cap 3. qu. 1. circa vltimum argumentum. Dicendum est ergo quod elementum potest dici purum dupliciter. Vno modo substantialiter, idest, quod non habeat aliam formam substantialem, quam elementi. Alio modo accidentaliter, & quoad suas qualitates, de quibus possumus loqui dupliciter, vel prout sunt in proprijs locis, vel extra illa.

Igi-

Igitur quoad formam substantiali omnium elementa etiam extra loca naturalia sunt pura; quod patet, quia ex hoc, quod ponuntur extra propria loca non corrumpuntur, nec fiunt mixta, ergo manent substantialiter elementa. Quoad qualitates autem certum est, alicubi inueniri elementa pura, sicut ignis in sua sphaera, aut propè concavum lunæ, ubi nullum aliud corpus reperiri potest, à quo reddatur impurus; & terra etiam in profundioribus partibus, quò non perueniunt alterationes cæli, erit pura propter exclusionem alterius corporis mixtionem facientis. Et probabile est etiam in profundo maris inueniri aquam puram, sed ibi nec habebit saporem, nec colorem. Quod verò aqua vsualis apud nos saporem habeat, extraneum est ipsi, & non ex proprijs; & præsertim falsedo maris ex adustis exhalationibus prouenit, & à Deo attributa est illi propter generationem piscium, & commoditatem nauigationis vt dicemus in Meteoris tract. 7.

*Secundo arguitur* : quia numerus quatuor elementorum, neque deducitur ex motu corporum simplicium, neque ex loco eis debito neque ex combinationibus primarum qualitatum, ergo ex nullo principio. Antecedens probatur, nam si attendamus ad motum sunt tres differentię, scilicet à centro, ad centrum circum centrum, ergo erunt tria elementa. Si attendamus ad locum sunt duo, scilicet sursum, & deorsum, duæ etiam virtutes mouendi scilicet grauitas, & leuitas, ergo solum duo elementa. Si attendamus ad combinationes primarum qualitatum, illæ possunt fieri mul-



to plures] quam quatuor; possunt enim coniungi istæ primæ qualitates secundum diuersos gradus pluribus modis, vt calidum in summo, & siccum infra summum, & similiter calidum, & siccum in summo, idemque de calido, & humido & de frigido, & sicco dici potest. In gradibus autem remissis plures etiam combinationes fieri possunt, cum etiam contrariæ qualitates in gradibus remissis simul esse possint, & non solum qualitates non contrariæ. Plures ergo combinationes possunt fieri, quam quatuor, & consequenter plura elementa.

*Respond.* Quod quando colligimus numeros elementorum ex motu simplicium corporum, intelligitur de simplicibus corporibus corruptibilibus, incorruptibile enim quod est cælum mouetur circulariter, seu circa centrum, vt monstrat eius figura, & quotidiana experientia. Motus ergo simplicium corporum corruptibilium solum est à centro; vel ad centrum, sed duobus conuenit per extremum, scilicet terræ in ipso centro, & igni distantissime à centro, idest prope cælum; alijs duobus medio modo; scilicet prope centrum, aquæ, & prope ignem, aeri. Idem dicimus de loco, quod est duplex loquendo quasi in genere, scilicet sursum, & deorsum, sed diuiditur in quatuor modos, scilicet sursum, & deorsum per extremum, & sursum, & deorsum medio modo. Grauitas etiam, & leuitas inuenitur, vel in summo vt in terra & igne, vel medio modo vt in aqua & aere. Quod verò attinet ad alias combinationes iam supra diximus illas non esse possibiles pro elementis, sed vel mixtis, si qua-

qualitates contrariæ reducantur ad tēperamentum , vel si pro elementis sunt possibiles qualitates in gradu remisso , id necessario debet esse cum exclusionē sui contrarij , nam si vtrumque contrarium admittatur in gradu remisso , habebit temperamentum omnium qualitatum primarum , quod est proprium mixti. An verò detur elementum , cui conueniant duæ qualitates in summo, vel duæ in gradu excellenti , & nulla in summo , dicemus articulo tertio.

## A R T I C V L V S II.

*Virum qualitates contrariæ se expellant in gradibus intensis , & compatiantur in remissis .*

**C**ontrarias qualitates mutuò se expellere, tum experientia quotidiana monstrat, tum definitio ipsa contrariorū tradita ab Aristot. 10. Metaph. c.6. *contraria sunt , quæ sub eodem genere maxime distant , & ab eodem subiecto mutuo se expellunt*. Difficultas ergo est an ista repugnantia , & expulsio fiat ratione ipsius entitatis qualitatum, an solum ratione gradus , & status , quem habent , ita vt solum in gradibus intensis contrariantur , non in remissis . Inde enim dependebit cognoscere, in quo fundetur ratio contrarietatis, & cur vnum contrarium expellat alterum , deseruietque hæc doctrina etiam pro contrarijs moralibus, & intellectualibus .

*Dico primo* : Contrarietas , quæ est specialis oppositio licet originetur à contradictoria, & pri-

& priuatiua, aliquid tamen speciale addit supra illas, scilicet, quod in ea inueniatur medium cum posituiis extremis. Constat hoc ex 10. Met. tex. 15. lect. 6. apud D. Th. & opusc. 37. de oppositis.

*Et ratio est*, quia de ratione cuiuscumque oppositi est, quod repugnet suo opposito, si enim non repugnat illi, sed solum conuenit cum illo, & simul possunt esse non est oppositum illi, sed appositum, & conueniens. Debet ergo vnum includere negationem alterius quia repugnantiam, & exclusionem alterius habere, excludere autem non potest nisi negando illud. Omnis autem negatio, & positio principaliter inueniuntur in contradictorijs, deinde in priuatiuis, cæcitas enim importat negationem visus, in contrarijs album negationem nigri, & in relatiuis filius non est pater illius cuius est filius. Hæc autem sunt omnia genera oppositorum.

In quo autem consistat specialis repugnantia contrariorum, difficile satis explicatur. Specialem enim repugnantiam habere constat, quia specialiter distinguitur ab alijs speciebus oppositionis, inter quas vna est ipsa contrarietas. Difficile autem explicatur propter aliqua, quæ mutuo se expellunt, & sub eodem genere inueniuntur maxime distare, & tamen contraria non sunt, vt duæ formæ substantiales, v. gr. forma ignis, & aquæ sub genere corporis, duæ formæ animalium, v. g. hominis, & vermis sub eodem genere animalis, maxime enim distant inter se, quia plura habent intermedia minus distantia, seu disconuenientia, neque enim requiritur ad maximam

ximam distantiam, quod in ipsis formis inueniatur magis, & minus, aut quædam successiva, expulsio, tum quia dantur aliqua contraria immediata, quæ non successiuè, & paulatim, sed indiuisibiliter, & non per partes se expellunt, vt par, & impar, sanum, & ægrum, & ideo necesse est alterum eorum inesse in subiecto capaci; alia vero sunt mediata, vt album, & nigrum, neque enim necesse est alterum inesse; & similiter error, & scientia, odium, & amor sunt contraria, & tamen non se expellunt successiuè, sed simul, ac totaliter.

*Dicendum* tamen est hanc specialem repugnantiam consistere in eo quod diximus, quod contrarietas habet medium cum posituiis extremis, quanto enim aliqua oppositio minus latitudinis habet, & magis coarctat, vt vnum affirmetur, seu assumatur, & aliud relinquatur tanto maior est, & quanto plus habet latitudinis, & minus coarctationis, tanto magis relinquit de medio, quia non est necesse alterum extremorum assumere, sed potest assumi medium, tanto autem extrema magis se coarctant, & minus relinquunt de medio, quanto vnum ex ipsis extremis vniuersalius est, & minus determinatam distantiam relinquit in repugnando alteri. Et ita contradictio caret omni medio, & latitudine, & distantia, tam ex parte ipsarum formarum inter se, quam ex parte subiecti in quo sunt, quia versatur inter puram negationem, & affirmationem, id est inter esse, & non esse. Priuatio autem, & forma etiam inter se carent medio, cum priuatio sit quædam negatio formæ, sed tamen ratione

tionē subiecti potest habere medium, quia requirit subiectum determinatum, vt talis negatio priuatio sit, & quia non semper tale subiectum determinatum inuenitur potest dari medium sicut lapis, nequē est cæcus, neque videns, quia subiectum non est capax visus, & consequenter, neque cæcitatis. At verò contraria, licet priuationem includant, aut fundent, tamen habent illam imbibitam in aliquo positiuo, quia contraria, positiua extrema seu formas requirunt inter quas contrarietas versatur, quæ tamen debent recipi in eodem subiecto, quia contraria debent versari circa idem, idest circa subiectum capax vtriusque. Quare non solum ratione determinati subiecti, idest habentis capacitatem vtriusque contrarij, sed etiam ex parte ipsorum extremorum, oportet quod fundetur determinata distantia, & oppositio inter ipsa contraria, eo quod contraria, debent esse comparabilia adinuicem, quia vnum dicitur melius altero sicut virtus melior vitio, scientia errore, albedo nigredine, sanitas ægitudine, &c. quæ autem sunt sub diuerso genere non sunt comparabilia, sed magis distant, quā vt comparari possint, quia nō possunt adinuicem transmutari, neque vnum meliorari præ alio, sicut non dicitur aloum melius quantitate, vel figura, sed vnum dicitur melius per comparisonem ad suum oppositum sub eodem genere, & ideò oportet, quod contraria, quia comparabilia sunt adinuicem, & transmutabilia, contineantur sub eodem genere, & consequenter habeant determinatam distantiam, non solum ratione subiecti, sed etiam ratione sui generis,

quod non habent priuatiue, neque contradi-  
ctoriè opposita, quia extrema inter quæ ver-  
santur non sunt sub eodem genere, scilicet, ne-  
gatio, & forma, vltcrius autem non opponun-  
tur in recipiendo, sicut relatiua, sed in  
transmutando, & expellendo ab eodem su-  
bieto.

*Additur* verò in definitione contrariorum,  
quod non solum sint sub eodem genere, sed  
etiam, *quod maximè distent*, idest, quod sub  
illo genere se habeant vt termini, seu vltima,  
inter quæ fit transmutatio, & processus de  
vno in aliud, in illis enim quæ differunt gene-  
re physico non est accipere transmutationem  
de vno in aliud, neque est medium per quod  
fiat transitus, quia non communicant in ma-  
teria (genus physicum vocatur materia) sicut  
qualitas non transit in substantiam, nec sub-  
stantia in quantitatem, sed transmutatio fit  
in his, quæ sunt in eodem genere. Vnde cum  
in ista transmutatione sit processus de vno in  
aliud, & sistatur in aliquibus vltimis, ne pro-  
cedatur in infinitum, illa quæ vltimo sistunt  
processum, & transmutationem, dicuntur ma-  
ximè distare, quia extremè distant. Vnde  
ex transmutatione rectè colligitur contrarie-  
tas, vt collegit Phil. 10. Met. & D. Thom. ibi  
lect. 6.

Vt autem ex his constare possit quomodo  
in formis substantialibus non inueniatur con-  
trarietas propriè dicta, est notandum quod  
ista transmutatio est duplex, alia sine motu;  
sicut quæ fit in materia prima, vt est pura  
potentia ad formas substantiales, alia cum  
proprio motu, quando scilicet potest inueniri  
inter

inter formam, & formam aliqua continuatio, vel secundum magis, & minus, vel secundum additionem, aut minorationem formæ, quæ illam variare faciat, in formis enim substantialibus fit variatio, sicut in numeris, in quibus quælibet additio variat speciem, in qualitatibus autem contrarijs, & Physicis fit variatio ad modum continuitatis, ex eo enim una forma transmutatur in aliam, quia aliqua additione, vel diminutione fit alia, sicut album degenerando in pallidum, & in viride fit nigrum, & calidum diminuendo gradus caloris fit tepidum, & transit in frigidum. Prima ergo transmutatio non peruenit ad contrarietatem propriam, sed est principium contrarietatis, quia quælibet forma substantialis habet adiunctam priuationem alterius, priuatio autem est principium contrarietatis, & sic principia naturalia dicuntur esse contraria contrarietate inchoata, quæ est priuatio, & forma, ut diximus 1. Phys. q. 2. Secunda vero contrarietas est formalis, & propria.

Ratio est, quia prima transmutatio non fit secundum distantiam determinatam vincendam per motum, & per modum cuiusdam continuitatis, sed per modum mutationis, & hoc ideo est, quia quælibet forma substantialis, hoc ipso, quod substantialis est dat primum esse, quod est esse simpliciter, & sic excludit aliam per impossibilitatem, quia repugnat in eodem subiecto duas formas esse æquæ primas, & dare primum esse, quod est esse simpliciter, & sic non opponuntur penes aliquam distantiam maximam, & positiuam sub eodem genere, sed penes primum, & totale,

& non primum, seu non totale, inter quæ non est latitudo, nec distantia diuisibilis, sed indiuisibilis oppositio, de quo etiam diximus q. 2. Physic. & q. 19. & supra etiam q. 5.

*Secunda* autem transmutatio cum habeat transitum diuisibilem, & determinatam distantiam ex parte ipsorum extremorum, seu formarum inter quas versatur, quatenus inter ipsas formas est aliqua continuatio, vel successio secundum magis, & minus, ratione cuius vna forma facilius, vel difficilius remouetur à subiecto, & dat locum alteri ex ipsa propria ratione sui, quod etiam inuenitur in ipsis habitibus, & actibus sicut remissio amoris dat locum odio, & qui remittit virtutem, paulatim admittit vitium; ideò fundatur perfecta, & consummata contrarietas in huiusmodi transmutatione, quia inuenitur in ea perfecta latitudo secundum quam formæ sint transmutabiles, & distant maximè sub eodem genere, quæ est definitio contrariorum.

*Sic ergo* formæ substantiales licet sint sub eodem genere, & possint habere distantiam secundum maiorem, vel minorem conuenientiam, non tamen habent rationem magis, vel minus in accedendo, vel recedendo ad inuicem, ita quod transmutentur de vna ad aliam per motum. Dupliciter enim potest sumi distantia. Vno modo, vt opponitur conuenientiæ, & similitudini, & sic idem est, quod dissimilitudo. Alio modo, vt dicit recessum continuitatis, & propinquitatis; & sic primo modo est distantia in relatione, secundo in quantitate, seu diuisibilitate. Et primo modo potest inueniri in substantia, quia quædam magis con-



conueniunt, & alia minus sub eodem genere, & ita magis participant de similitudine, vel dissimilitudine. Secundo autem modo non est distantia in substantijs, quia non est diuisibilitas, in qualitatibus autem est distantia secundum latitudinem diuisibilem, vel inter formam quatenus formæ tales sunt, quod per additionem, vel minorationem variantur, vel quatenus penes magis, & minus crescere, aut decrescere possunt, & ratione illius magis, vel minus excludere formam oppositam, & cum maxime excludit, seu opponitur illi, tunc maxime distat. Formæ ergo quæ ex sua propria ratione non possunt fundare exclusionem per modum latitudinis, & diuisibilitatis, sed per se, & ab extrinseco sine vlla latitudine, & diuisibilitate se excludunt, contrarietatem non fundant. Quæ doctrina videri potest in D. Thom. 10. Met. lect. 6. & 11. Met. lect. 12.

*Ad id vero*, quod dicitur de actibus erroris, & scientiæ, odij, & amoris. Respond. quod etiam habent latitudinem diuisibilem, quia suscipiunt magis, & minus, & consequenter per se, & ab intrinseco, se magis, vel minus excludunt ab eodem subiecto secundum quod forma opposita est magis radicata, & intensa, & difficilius expellitur. Et licet etiam aliquæ formæ substantiales difficilius expellantur, quam aliæ, id tamen non est ex ipsa ratione formæ, quæ ex propria ratione habeat magis, vel minus inesse, sed propter dispositiones, quibus forma introducit, & conseruatur in subiecto, & istæ suscipiunt magis, & minus. Quod verò dicitur de contrarijs mediatis, vel immediatis, Respond. omnia contraria habere me-

dium ex parte latitudinis formarum, quia suscipiunt magis, & minus, si talia contraria sint de genere qualitatis, nam par, & impar sunt de genere numeri, non tamen omnia habent latitudinem, & medium ex parte capacitatis, vel indifferentiæ subiecti, quia in aliquibus subiectum ita est determinatum, ut vnum, vel alterum contrarium necessario debeat habere, & respectu subiecti sic determinati, & dispositi dicuntur contraria aliqua immediata, quæ verò subiectum habent, non ita determinatum ut necessario habeat alterum contrarium, respectu illius dicuntur mediata; & ita explicat D. Tho. 10. Met. citato lect. 10.

*Dico secundo* contraria in gradibus intensis naturaliter repugnant esse simul, non tamen de potentia absoluta quantum est ex vi contrarietatis, licet ex aliquo adiuncto aliquando sit impossibile. Prima pars satis manifesta est, tum experientia, quia crescente calore videmus non compati frigus; tum ex definitione, quia contraria pugnant inter se, ergo aliquod debet vincere & aliud cedere, seu expelli, alias pugna non terminaretur, sed quando vnum contrarium est in gradu intenso perfecte sibi subiicit subiectum, & vincit illud, ergo oportet, quod expellat aliud oppositum, quia est impedimentum ne perfecte subiiciat sibi subiectum. Denique motus est inter contraria, ergo accessus ad vnum habet pro termino à quo recessum ab alio, sed terminus à quo excluditur per terminum ad quem, ergo vnum contrarium expellit aliud.

*Secunda pars* maiorem habet difficultatem, & negatur ab aliquibus, eo quod contraria  
affe-

afferunt secum priuationem, & si ponantur simul sequitur, quod simul erit forma, & sua priuatio, quod nec de potentia absoluta stare potest præterquam quod in aliquibus est omninò impossibile, v. g. quod sint simul error, & scientia, odium. & amor, par, & impar, & alia similia. Quare oportet reddere rationem cur quædam possint simul reperiri diuinitus, quædam non.

*Dico ergo*, quod cum omnia contraria fundentur in priuatione, omnia conueniunt in hoc, quod debent esse in se priuata alio contrario, quia quælibet forma, & natura propter sui limitationem habet priuationem alterius. Cæterum hæc non est propriè priuatio contrariorum, sed negatio quædam imbibita in essentiali conceptu cuiuscumque entis limitati, sicut homo habet negationem lapidis, & leonis, &c. Secundo habent contraria priuationem respectu subiecti quatenus se expellunt à subiecto, in quo inhærent, & non solum à ratione, & prædicatis essentiæ, seu formæ in se. Et hoc modo non conuenit omnibus formis ista priuatio, quædam enim se compatiuntur in subiecto, vt calor, & color, & similia, alia verò se expellunt, & sunt contraria. Sed in his adhuc est differentia, quia quædam habent istam priuationem expulsiuam formæ oppositæ à subiecto quasi secundario, & consecutiue ad informationem ipsius formæ in subiecto: quædam vero habent illam quasi antecedenter, & ex parte subiecti requisitam, vt talis forma in illo subiecto subiectetur, illudque informet, ita quod subiectum non possit suscipere vnum contrarium nisi prius in se supponat pri-

uationem alterius. Quando ergo primo modo se habet contrarietas in formis cum priuatio, seu expulsio alterius sit effectus secundarius post informationem formæ, non repugnat de potentia absoluta impediri, quia est priuatio secundario consecuta non pertinens ad essentialem informationem formæ sicut etiam stat bene duas quantitates penetrari, & non se expellere à loco, quia expulsio illa est effectus secundarius quantitatis. Deinde nisi aliud obster, bene poterit talis effectus secundarius impediri in formis contrarijs, etiam si sit priuatiuus, & expulsiuus alterius formæ, quia videlicet ipsa priuatio formæ non est requisita anteccedenter, & ex parte subiecti ad hoc, ut aliud contrarium recipiat. *Ratio* huius est, quia omnis expulsio aliquorum à subiecto, nascitur ex aliquo, quod per se est expulsio, per se autem primo, expulsio est inter esse, & non esse quæ est prima ratio omnium oppositionum, non ex aliquo præsupposito consecuta: & ideò contradictoria oppositio est radix, & principium cæterarum oppositionum, ergo in his, in quibus per se primo, & essentialiter inuenitur ipsa ratio exclusionis nullo modo potest etiam de potentia absoluta esse coniunctio, eo quod essentia vnius in ipsa exclusione consistit. Vbi autem vnum essentialiter non est exclusio alterius, poterit vnum esse cum alio, etiam si exclusio naturaliter sequatur ad alterum ad modum propriæ passionis, quia potest impediri ista resultantia. Si autem antecederet prærequiratur ex parte subiecti negatio alicuius, ut recipiatur forma opposita, non poterit tunc coniungi in tali subiecto, quia ipsa negatio,  
quæ

quæ præsupponitur essentialiter est exclusio.

*Quod si dicatur*, requiri ex parte subiecti negationem contrarij non essentialiter, sed naturaliter, imò illa negatio, & expulsio est causata ex opposita forma introducta, non autem prius acquiritur in subiecto quam forma ad quam sequitur ut negativum ad positivum, non ergo distinguitur ab expulsiōe consecuta, & sic poterit esse aliquid simul videns, & credens, amans, & odiens idem obiectum; ægrum, & sanum in eadem parte. *Contræ est*, quia hoc ipso, quod requiritur ex parte subiecti privatio, non pertinet ad dispositionem, cum privatio non sit aliquid positivum determinans, & disponens, sed pertinet ad habilitatem, & capacitatem subiecti, ut recipiat aliquam formam, unde si sine tali privatione est incapax, nullo modo sine ea forma recipi potest: credens enim, v.g. requirit ut subiectum sit capax credendi, quod sit non videns, quia requirit obiectum esse non visum denominativè à negatione videntis, & requirit subiectum esse in motu, seu non possidere per visionem, videns autem requirit subiectum quiescens in re visa, quies autem est privatio motus. Similiter odiens requirit subiectum fugiens, quod excludit quietem, quæ est in amore, & idem est in tristitia, & gaudio, & alijs quæ opponuntur penes fugam, & prosecutionem, seu quietem; ægritudo etiam est tendentia ad mortem, sanum vero est quies in forma vitali, idest petit quod informet anima sine motu ad corruptionem. Quod verò dicitur talem negationem, seu exclusionem causari, & consequi ad formam oppositam introductam. Resp. quod sine illa negatio ex parte

subiecti requisita cauſetur à forma, v.g. ab actũ fidei, negatio videndi, ſiue præſupponatur ab alia cauſa in ſubiecto, quod eſt verius, tamen illa reuera requiritur ex parte ſubiecti, vt ſit capax talis formæ, & ideo non relinquitur in ſubiecto ſemel habente talem formam capacitas ad oppoſitum, quia obſtat priuatio eius requisita ex parte ſubiecti, vt recipiat aliam. Cæterum in alijs formis expulſio vnius formæ præciſe ſequitur formam, & conditionem eius, quæ introducitur, quatenus incompoſſibilis eſt cum altera, & ſic præciſe eſt expulſio eius, expulſio autem ſemper ſequitur cauſam expellentem, id eſt formam tanquam ſecundarius effectus eius, tanquam negatiuum ad poſitiuum. Quando verò negatio habilitat, & diſponit ſubiectum, vt poſſit recipere aliquã formam, illa negatio non eſt præciſe expulſio, & ſecundarius effectus formæ, nec requiſitum in ſubiecto, vt expulſio formæ, ſed vt conditio pertinens ad habilitatem eius vt recipiat, & ideo poſita receptione, non ſtat oppoſitum poni, poſita verò cauſa expulſionis, ſtat impediſi effectum qui eſt expulſio. Et ſic intelligo D. Tho. 1. 2. q. 67. art. 3. quando dicit, quod opinio, & fides opponuntur cum ſcientia, ſeu euidentia ex parte ſubiecti, & non ſolùm ex parte medijs, vel obiecti, quia ſcilicet, requiritur ad hoc, vt ſubiectum ſit capax fidei, quod ſit non videns, & ſic præſupponitur exclusio ſcientiæ, vt recipiatur fides.

*Et ſi quæras quænam ſunt iſtæ formæ, quæ ex parte ſubiecti ſupponunt priuationem, ſeu exclusionem formæ oppoſitæ, vt ſubiectum ſit capax ſuſcipiendi illas? Reſp. primo eſſe formas*

mas quæ sunt contraria immediata, in quibus etiam includuntur actus illi evidentes, & incidentes, fugæ & prosecutionis. Secundò formæ substantiales. Tertiò formæ situales, quæ distantiam aliquam important. Primæ quidem formæ, ut recipiantur exigunt, quod subiectum sit in aliqua quiete, vel motu, seu privatione opposita, ut explicatum est; quod in contrarijs mediatis, non currit, nam calor, v. g. ut recipiatur in subiecto solum requirit, quod sit in potentia calidum, & nihil amplius. Secundæ verò formæ, quia se habent, ut formæ substantiales, quæ dant primum esse, & consequenter supponunt non dari aliquam priorem formam dantem prius esse. Tertiæ, quia ubi est diversitas distantia non potest una distantia simul esse cum altera, quia sic esset indistans ab illa, ergo nequeunt esse simul formæ illæ, quæ diversitatem istam distantia includant.

*Sed obijcies.* Nam in habitibus intellectus, & voluntatis curret ratio allata, quia poterunt esse simul habitus vitij, & virtutis, erroris, & scientiæ, & opinionis, siquidem habitus isti, ut recipiantur in subiecto non præsupponunt privationem oppositam, sed solum expulsio unus consecutiue se habet ad alterum, ergo poterunt simul denominare subiectum, & sic poterit aliquis simul denominari temperatus, & intemperatus superbus, & humilis, sciens, & errans. *Respond.* Quod habitus isti si sint virtutis acquiræ non repugnant simul esse cum habitibus oppositis in gradibus remissis, sed in intensis, sicut alia omnia contraria, si physicè tantum considerentur, & ita unus actus vitij non expellit habitum virtutis acquiræ quo-

ad suam entitatem physicam, ut constat ex D.  
Thom. 1. 2. q. 71. art. 4. atque adeo requiruntur  
plures actus generantes habitum vitiosum,  
& ille expellet virtutes secundum legem alio-  
rum contrariorum; opponuntur enim habitus  
sicut inclinationes oppositæ quæ in actum non  
se explicant, & ita solum opponuntur ratione  
contrarietatis physicæ, sicut alia contraria.  
Cæterum quantum ad denominationem, non  
denominat uterque habitus subiectum duplici  
ratione. Primo, quia in contrariis, solum de-  
nominat forma prædominans, ut si in subie-  
cto sit calor ut sex, & frigus ut duo, simpliciter  
denominatur calidum, non verò calidum, &  
frigidum. Et ita ille habitus faciet denomina-  
tionem (etiam si solum attendamus ad physi-  
cam informationem) qui fuerit perfectior, &  
intensior. Secundò, quoad denominationem  
habituum moralium, ille habitus simpliciter  
denominat, qui non solum est entitative in  
subiecto, sed supponit conuersionem ad finem  
suum in subiecto, semper enim finis prædo-  
minatur in denominando subiectum inclina-  
tum ad aliquid, etiam si minus intensos actus,  
vel habitus habeat in subiecto, quam qui op-  
positum finem respiciunt, quia conuersio finis  
rapit totum suppositum. Et quia non potest  
aliquis simul esse conuersus ad duos fines vlti-  
mos peccati, & virtutis, ideo non potest simul  
denominari superbus, & humilis, temperatus,  
& intemperatus licet habeat utramque habi-  
tum entitative, sed solum ab illo ad cuius fi-  
nem est conuersus. Habitus autem erroris, &  
scientiæ nunquam possunt esse simul, quia  
scientificus habitus semper est perfectus ra-  
tione



tione euidentiæ qua perfecte conuincit subiectum & ita non compatitur cum opposito, sicut forma intensa quæ vincit subiectum.

*Dices;* cur actus contrarij vitales, ita sibi contrariantur vt nullo modo simul esse possint, habitus autem non? *Respond.* quod actus si solum essent productiui suorum habituum tanquam actiones, & motus ad illas, & non amplius, eodem modo contrariarentur, sicut ipsi habitus, seu formæ productæ, sicut in alterationibus physicis, v.g. calefactione, & infrigidatione, est eadem contrarietas, quæ in ipsis qualitatibus productis, vt diximus in physicis. q. 19. art. ult. At verò actus potentiarum non solum sunt actiones productiue habituum, sed etiam in se ipsis sunt perfectiones, & dispositiones potentie, quæ ratione sui, & non ratione habituum habent suam oppositionem. Et quia actu explicant ordinem ad obiectum, & priuationem, vel positionem in ordine ad illud, & non solum informationem subiecti, habitus autem solum informat subiectum, & ponit in eo inclinationem, & non actu se explicat erga obiectum, ideò contrarietas habituum non tanta est sicut in actibus, nec tam perfecta.

*Dico vltimo:* in gradibus remissis naturaliter possunt esse qualitates contrariæ, si aliàs inter illas non sit essentialis oppositio, & prærequisita ex parte subiecti, vt recipiatur quælibet illarum formarum. Sumitur hæc conclusio ex D. Thom. q. 8. de verit. art. 14. vbi inquit: *Quod quando sunt formæ in fieri, possunt esse simul, vt dum aliquis dealbatur adhuc est in nigredine.* Quæ autem est in gradibus remissis adhuc

adhuc est in fieri, quia adhuc deest aliquid acquirendum. Et i. p. q. 76. art. 4. inquit, *quod in mixto sunt qualitates contrariæ*; constat autem illas esse temperatas, & remissas. *Ratio* autem sumitur à priori, & à posteriori. A priori, quia istæ formæ habent latitudinem in crescendo, ergo etiam in expellendo: ergo aliquid contrariæ formæ potest esse antequam alia opposita sit totaliter expulsa, & sic n. si aliquid obstat ex parte subiecti per modum incapacitatis, & repugantiæ, ut diximus, quantum est ex vi formæ habentis latitudinem nō repugnat, quod contraria forma paulatim, & cum aliqua latitudine intret, & sic non totaliter excludat aliam, sed in aliquo gradu cum illa compatitur. A posteriori autem id constat ex mixtione, & mutua actione, & reactione; hæc enim non saluantur, si qualitates contrariæ compatibiles non sint in gradibus remissis, nam mixtio esse non potest, nisi maneant formæ elementorum in mixto, non substantiales, sed accidentales reductæ ad temperamentum; illæ autem sunt contrariæ. Item non potest actio, & reactio dari nisi agens habeat formam, qua agat, & recipiat oppositam, qua patiatur, ergo tunc debent esse qualitates contrariæ in subiecto, & non in gradibus intensis, quia ipsa actione, & repassione debilitantur, & temperantur, ergo in remissis, vel saltem una in gradu intenso, & altera in remisso.

*Soluntur argumenta.*

**P**rimo arguitur ad probandum repugnare, quod duo contraria possint esse simul in eodem

eodem subiecto in gradibus intensis etiam de potentia absoluta, quia hoc implicat ergo. Anteced. prob. tum ex Arist. 4. Metaph. tex. 27. dicente: *Quod cum fieri non possit, quod contradictoria de eodem simul sint vera, perspicuum est, neque contraria simul in eodem esse posse*, tum etiam ratione, quia in vno contrarium includitur priuatio alterius ex propria natura talis contrarij, priuatio autem est negatio formæ in subiecto apto, ergo vnum contrarium non potest esse cum altero, sicut nec priuatio cum forma opposita, præsertim, quia posita illa forma in subiecto non potest impediri eius effectus formalis, quorum vnus est priuatio.

*Confr.* quia ipsa informatio vnius contrarij est formalis etiam expulsio alterius, & non effectiua, siquidem vna forma non expellit aliam nisi in genere causæ formalis, & consequenter ipsa informatio est expulsio, ergo simul cum tali informatione non potest stare alterius contrarij informatio, aliàs esset simul informans, & expulsa, quod est esse informans, & non informans.

*Respond.* quod contraria includunt oppositionem contradictoriam, aut priuatiuam non primo, & per se, sed consecutiue, & secundario, quia sequitur ex informatione vnius exclusio alterius. Et ad probationem ex Arist. Resp. quod intelligitur de contrarijs secundum effectum secundarium, qui est expulsio secundum quem benè sequitur, quod non possunt contraria simul inesse, quia includunt in se contradictoria, mediate scilicet, & secundario, non primario, v. dictum est. Vnde subdit ibi Arist.

*Quod impossibile est contraria simul eidem inesse*

*esse, sed aut ambo secundum aliquid, aut alterum secundum aliquid, alterum simpliciter.*

Faterur ergo, quod secundum aliquid, idest secundum gradus remissos possunt simul inesse, licet non perfectè, & secundum gradus intensos. Ad probationem verò ex ratione dicitur, quod vnum contrarium importat priuationem alterius ex consequenti, & secundo, potest autem diuinitus impediri, & separari faciendo, quod illæ duæ formæ tantum informēt subiectum quoad positium, non quoad priuationem. Vnde illa priuatio si ponatur in subiecto, & de facto sit consecuta, priuatum reddit illud forma opposita; sed nos dicimus fieri diuinitus, vt non consequatur illa priuatio, sed ponatur in subiecto opposita forma.

*Ad confirm. resp.* quod informatio vnius contrarij est expulsio alterius in genere quidem causæ formalis, non tamen primario, sed consecutiue, & secundo, nam etiam forma in genere informandi habet suos effectus secundarios, sicut gratia habet pro effectū secundario reddere filium adoptiuum, quantitas extendere substantiam quoad locum; & tamen sine istis effectibus possunt istæ formæ reperiri diuinitus. Similiter ergo contraria sine effectū priuationis.

*Secundo arg.* quia duæ formæ eiusdem speciei, & duæ formæ substantiales non possunt in eodem subiecto esse simul, ergo neque duo contraria in gradibus intensis. Antecedens constat ex præc. q. Consequentia verò probatur, quia plus distant nigredo, & albedo, quam albedo intensa, & remissa; ergo magis repugnabunt esse simul.

*Confirm.* quia non potest  
idem

idem simul denominari à duobus contrarijs, nec moueri duplici motu contrario. Si autem non repugnaret esse simul duo contraria, ab utroque denominaretur subiectum, siquidem ab his informatur, & ad utrumque moueretur, siquidem acquirit illa, ergo repugnat esse duo contraria præsertim intensa in eodem subiecto, si enim intensa sunt, subiectum denominat.

*Resp.* duas formas substantiales non posse esse simul propter rationem sæpius allatam, quia utraque dat primum esse, & simpliciter esse, & sic necessario supponit omnem aliam exclusam quæ prima etiam sit. Formæ autem accidentales eiusdem speciei licet magis conveniant specificæ, & entitative, quam duæ contrariæ diuersæ speciei, repugnat tamen, quod sint simul in eodem subiecto: quia hoc ipso, quod sunt in eodem, non plurificantur, sed vnum fiunt. Vnde propter maiorem convenientiam magis repugnat, quod tanquam distincta, & diuisa in eodem subiecto sint; & multo magis, quod vna sit intensa, alia remissa, quia istæ terminationes sunt oppositæ, & vna importat exclusionem alterius remissionem enim importat talem gradum qualitatis sine ulteriori additione gradus, nam si ulteriorem haberet, non esset remissa, & sic repugnat simul coniungi cum intensa. Quod respectu qualitatum diuersæ, & contrariæ speciei non currit.

*Ad confirm. respond.* quod denominatio fit à qualitate prædominante, ut dictum est, ut si sit calor, ut sex, frigus, ut duo, simpliciter denominatur calidum. Si verò per diuinam potentiam duo contraria sint in gradibus intensis in eodem subiecto, utrumq; denominabit positivè,  
non

non tamen cum priuatione alterius, quia hæc impeditur diuinitus, sic enim afficit forma subiectum, quod non excludit contrarium, & sic denominabitur calidum, & frigidum, non calidum, & non frigidum. De motibus vero contrarijs, qui tendunt ad formas contrarias, dicimus esse eandem rationem, ac de ipsis formis, quas acquirunt, & eo modo quo erunt illæ formæ compatibles, erunt, & motus. Si verò sint contrarij motus penes accessum, & recessum, si sit accessus, & recessus circa eandem formam vt generatio, & corruptio eiusdem, simul iungi non possunt. Circa diuersas vero, vt generatio vnius, & corruptio alterius, oppositi motus non sunt, sed potius connectuntur, licet in casu quo Deus coniungat duas qualitates oppositas, ita datur generatio vnius, quod non corruptio alterius, siquidem simul conseruantur.

*Ultimo argu.* contra id, quod dicimus, quod in gradibus remissis naturalibus contraria inesse possunt, nam contraria remissa verè sunt qualitates contrariæ: ergo eis conuenit definitio contrariorum, hæc autem est, quod ab eodẽ subiecto se expellant, ergo etiam qualitates remissæ ab eodem subiecto se expellunt. Antecedens patet, quia aliàs si contrariæ non essent tota contrarietas qualitatum consisteret in gradibus non in ipsa substantia qualitatum.

*Confir.* quia qualitas remissa potest agere sibi similem, ergo expellere contrarium, sed nõ contrarium excedens, & intensum, ergo remissum, ergo qualitas remissa expulsua est oppositæ qualitatis remissæ ab eodem subiecto.

*Confir.* secundo quia alias sequitur, quod poterit

terit subiectum denominari à duabus formis contrarijs, v.g. à calore, & frigore, & moueri motibus contrarijs in gradu remisso, imò poterit aliquid summè calidum imprimere calorem intensum, v.g. vt sex, in frigidum vt duo, nihil destruendo de frigore, quia compatitur cum illo gradu caloris vt sex, frigus vt duo, ergo non expellit illud.

*Respond.* Quod contraria remissa habent contrarietatem imperfecto modo, & quasi in fieri, vnde non exercent omnem rationem contrarietatis propter latitudinem, quam habet subiectum respectu vtriusque contrarij, quæ non est superata à contrario remisso. Et quando dicitur, quod contraria mutuo se expellunt. *Respond.* quod mutuo se expellunt actu, vel aptitudine in aliquo enim statu & gradu non se expellunt actu, sed compatiuntur in latitudine subiecti. Et cum instatur, quia aliàs contrarietas esset ratione graduum, nō verò ratione entitatis. *Resp.* quod est ratione entitatis positæ in debito statu, & modo, ita quod ratio contrarietatis est in ipsa entitate, requiritur autem intensio, vel remissio, tanquam conditio, & status pro modo expulsionis, & sic non absolutè se expellunt in quocumque gradu, sed quantum introducit de vno tantum expellitur de alio in gradu sibi repugnanti, in gradu autem imperfecto non se expellunt.

*Ad primam confirm. respond.* Quod calidum in gradu remisso poterit agere sibi simile in subiecto vbi non inuenerit similem gradum caloris, sed tunc non expellet de frigore opposito nisi illud, quod repugnat ad introductionem talis caloris, & quia in gradu remisso  
illi

illi non repugnat, si solum inuenierit frigus in gradu remisso, nihil de illo destruet. Si autem in gradu intenso, tantum de illo remittet quantum requiritur, ut simul cum illo esse possit iuxta mutuam actionem, & reactionem, ut si calor sit ut septem, & applicetur frigidum, ut quatuor, reducet illud ad mediocritatem, ut sex, vel ut quinque, & reliquum manebit de frigiditate.

*Ad secundam confir. respondet.* illa inconuenientia non sequi, quia ut iam diximus denominatio non fit nisi à qualitate prædominante, & ita denominabitur in gradibus remissis non absolutè calidum, & frigidum, sed tepidum, motus autem contrarij non repugnant in gradibus remissis, sicut nec ipsæ qualitates, ut dictum est. *Ad secundum inconueniens.* Resp. quod in illo casu si subiectum est frigidum, ut duo sine aliquo alio calore, tunc calidum, ut sex aget in illud frigus, & destruet, quia licet gradus frigoris, ut duo sint compatibles cum sex gradibus caloris, per accidens tamen, quia introducit calor per alterationem, & mutuam actionem, & reactionem, ideo destruet aliquid de frigore, & tandem consumet illud; hoc tamen est propter introductionem caloris illo modo factam; ex parte autem subiecti, non repugnat cum calore, ut sex frigus, ut duo loquendo in genere causæ formalis; si autem subiectum habeat frigus, ut duo, & simul aliquid caloris, v.g. ut vnum, vel duo, tunc calidum, ut sex non expellet frigus, quia aget intendendo calorem, quandiu comparitur cum frigore ut duo, non alterando, & reagendo in frigus.

A R.



ARTICVLVS III.

*Quæ qualitates conueniant cuilibet  
elemento?*

**C**onstat in quodlibet elemento ad minús duas qualitates inueniri : videmus enim aquam esse frigidam, & humidam, ignem calidum, & siccum. Difficultas vero est in duobus. Primum assignare cuilibet elemento quænam qualitas conueniat in summo, an vero duæ in summo conuenire possint. Secundum si vtræque non conueniat in summo, sed vna in gradu excellenti circa summum, an opposita istius conueniat ei in gradu remisso pro ea parte latitudinis, quæ illi deest vsque ad summum, v.g. si conuenit siccitas igni in gradu excellenti vt sex, an conueniat ei humiditas opposita, vt duo.

*Circa primum*, sunt duæ probabiles sententiæ. Prima assignat vnicuique elemento vnâ qualitatem in summo, aliam in gradu excellenti hoc ordine. Igni calorem in summo, siccitatem in excellenti gradu. Aeri humiditatem in summo, calorem in excellenti gradu; aquæ frigus in summo, humiditatem in excellenti. Denique terræ siccitatem in summo, frigus in excellenti gradu. Quæ sententia valde communis est inter Philosophos, vt testatur Mag. Bannez, hic. lib. 2. q. 2. Conimb. lib. 2. de gen. c. 3. q. 4. & expresse videtur teneri à Philosofo, hoc lib. 2. tex. 23. Secunda sententia specialiter tenetur à D. Tho. ibid. lect. 3. in fine, qui affirmat calorem in summo conuenire igni, frigiditatem

ditatem terræ. Aer est magis humidus, quam calidus, aqua vero est magis humida quam aer, sed non ita frigida sicut terra. Siccitas autem conuenit magis igni, quam terræ. Hæc tamen Diuus Tho. non omnino certo affirmat, sed probabiliter. nam etiam admittit 1.p.q.69. ar.1.ad 5. secundum D. Basilium terram habere pro principali proprietate siccitatem. Quare secundum hoc, non conuenit frigiditas in summo terræ, sed aquæ, quia non est aliud elementum cui conueniat.

*Fundamentum* primæ sententiæ sumitur ex duobus quæ supponit. Primum, quod cuilibet elemento aliqua qualitas in summo debet conuenire. Secundum, quod nulli competant duæ qualitates in summo. Primum patet, cum quia istæ qualitates primæ debent habere aliquod subiectum connaturale, & proprium, ergo illi debet competere talis qualitas in perfectissimo gradu, qui naturaliter competere potest, siquidem ille sumitur per ordinem ad propriū, & connaturale subiectum, tum quia si in elemento nulla qualitas inueniretur in summo, sed infra summum gradum, esset capax qualitatis oppositæ in aliquo saltem gradu. Primò quoad illam partem quæ sibi deest vsque ad summum, siquidem subiectum capax vnius contrarij, est etiam capax alterius, nisi habeat illud in summo; deinde cum quodlibet elementum habeat duas qualitates, si neutram habet in summo, habebit aliquid de qualitatibus contrarijs, & sic habebit omnes quatuor qualitates, quod est proprium mixti, non elementi. Secundum probatur, quia alicui elemento, v.g. aeri non conuenit duplex qualitas in summo

cum

cū enim sit calidus, & humidus, si calor competeret in summo, esset ita actiuus sicut ignis, & adhuc fortius, quia est densior. Eadem autē ratio videtur de vno elemento, ac de omnibus. Deinde quia cum qualitas in summo sit dispositio vltima ad formam substantialem si competeret duplici elemento eadem qualitas in summo, v.g. siccitas quæ conuenit igni, etiam terræ, esset in duobus eadem dispositio vltima ad formas diuersas specie, quod est inconueniens, quia vltima dispositio est propria eius ad quod est.

Ex his suppositis infert hæc sententia, igni non posse conuenire calorem, & siccitatem in summo, ergo altera tantum qualitas debet conuenire, & hæc est calor, cum ignis sit actiuissimus. Debet ergo siccitas alteri elemento conuenire in summo, & non potest, nisi terræ, tum quia de reliquis elementis aere, & aqua constat, quam parum sicca sint, & quam fluida, tum quia per excellentiam vocatur arida, Gene. i. tum quia maximè conuenit terræ definitio sicci, quod videlicet difficile terminetur alienis terminis, hoc enim magis conuenit terræ quam alijs elementis. In reliquis elementis, aer non potest esse summe frigidus, tum quia alias nihil haberet de calore, cum tamen sit excellenter calidus, tum quia parum haberet de leuitate, cuius comes est calor, frigus autem densitatis, & grauitatis, ergo competet illi humiditas in summo, quod etiam definitio humiditatis testatur, scilicet quæ facile cedit terminis alienis, nihil autem facilius cedit, & diuiditur quam aer. Frigus autem in summo conuenit aquæ, tum quia non restat aliud elementum.

mentum cui conueniat, tum quia aqua est magis contraria igni quam terra, cum ignis intra terram conseruetur non intra aquam, ergo cum ignis sit calidissimus, aqua erit frigidissima:

*Fundamentum* autem secundæ sententiæ sumitur ex qualitatibus tertæ, & aquæ, inde enim fit argumentum ad qualitates ignis, & aeris. Nam quod terræ conueniat, summa frigiditas deducitur ex duobus. Primò, ex maxima distantia à cælo, cuius lux, & motus est causa caloris, & ita quod naturaliter maximè distat à cælo, debet esse maximè expers caloris. Secundò, quia etiam inter ipsa elementa, magis distat ab igne, & sic magis debet ei contrariari sicut in situ, ita & in qualitate. Tertiò, quia terra est densissimum corpus inter elementa, & maximè graue, proprium autem frigoris est constipare, & condensare, & grauitatem inducere, sicut è contra calor est causa leuitatis, & raritatis, & summum calidum, scilicet ignis est maximè rarum, & leue, ergo maximè densum, & graue, erit summe frigidum; imò si terra esset summe sicca, naturaliter esset redacta ad pulueres, quia summe siccum puluerizatur, ut docet Arist. hoc 2. lib. ext. 49. & ibi S. Tho. lect. 8. E contra vero, si aqua esset summe frigida esset naturaliter congelata, videmus enim crescente frigore aquam gelari, & indurari, cum tamen naturaliter sit fluida. Nec dici potest, quod gelu contingit in aqua aliquibus exhalationibus permixta, non in aqua pura. Contra enim est, tum quia mare est plenum istis exhalationibus, ratione quarum habet falsedinem, & tamen non congelatur; tum quia ad gelu  
non

non videntur conducere illæ exhalationes, & concretiones terrestres, imò aqua quanto subtilior est, & magis purificata, & tenuis, facilius congelatur, frigus enim de se compressivum est partium fluidarum, quia fluidæ sunt magis coagulabiles, ergo remotis istis exhalationibus, vel saltem imminutis, quando aqua subtilizatur per ignem, & relinquitur ad gelu, melius congelabitur.

*Quod vero aqua humidior sit quam aer, & consequenter in summo humida, deducitur, tum ex effectu, quia ad sensum videtur res magis humectari, & madefieri ab aqua, quam ab aere, tum etiam quia aqua est maximè terminabilis alienis terminis, ut docet Arist. 4. Met. tex. 29. lect. 7. apud D. Thom. & in hoc 2. lib. de gen. text. 49. hæc autem est definitio humidi, quod sit terminabile alienis terminis: tum quia aer magis exsiccativus est quam aqua, videmus enim res humectatas ab aqua, exsiccari ab aere, non è contra, Nec dici potest quod aer exsiccata per accidens ratione exhalationū siccarum, quæ per illum sunt sparsæ. Etenim si aer ita esset humidus non permetteret in se istas exhalationes siccas, sicut nec aqua illas permittit, humiditas enim nimis excedens corrumpet exhalationes siccas humectando illas, ergo si aer non corrumpit eas, ideo est, quia non est ita humidus, sicut aqua. Et similiter si aer exsiccatur ratione caloris consumentis humidum, cur non etiam consumet humiditatem propriam, sicut viuentia ratione caloris, proprium humidum consumunt? Denique pisces, qui sunt in aquis humidiores sunt, quam volucres, qui sunt in aere: humor etiam phlegma-*

ticus, qui correspondet aquæ maximè humidus est inter omnes humores, ergo, & aqua inter omnia elementa.

*Quod* si semel terra non habet summam siccitatem, neque aqua summum frigus, restat quod summam siccitatem attribuamus non aeri, qui satis humidus apparet, sed igni, aeri vero attribuamus frigus, & humiditatem in gradu excellenti, non in summo. Atque ita vnum elementum, scilicet, ignis habebit duas qualitates in summo, aliud vero sibi immediatum, scilicet aer neutram habebit in summo. Reliqua duo elementa habebunt alteram in summo, alteram in excellenti gradu, ut dictum est.

*Utraque* hæc sententia probabilis est, & in D. Tho. utraque habet fundamentam, ut vidimus, & utriusque argumentis facile responderi potest, ut inter arguendum insinuatum est, cum enim elementa non videamus in sua totali puritate, sed inter hæc corporea, quibus facile admiscetur, non possumus ex sensu, & experientia, sed solum discursu probabili, rem hanc indagare.

*Circa secundam* difficultatem, scilicet an in elementis detur aliqua qualitas remissa contraria illi, quæ est in gradu excellenti, v.g. si in terra est frigus in excellenti gradu sit aliquid caloris? Resp. hoc debere decidi iuxta opiniones iam relatas in præced. difficultate. Nam qui tenent in elemento posse dari duas qualitates non in summo, consequenter tenentur asserere, nihil de oppositis qualitatibus, dari in eo, quia si darentur oppositæ qualitates, omnes quatuor qualitates essent in vno elemento, quod tamen est proprium mixti. Et præterea,  
etiam

tiam si ponatur vna qualitas in summo, & alia in excellenti gradu, non poterit dari tertia qualitas in gradu remisso, tum quia ideo, Arist. locet in hoc 2. lib. tex. 25. & 26. facilius generari vnum elementum ex suo symbolo, quam ex dissymbolo, quia in elemento symbolo solum vna qualitas debet corrumpi, in dissymbolo autem duæ, ergo si darentur in quolibet elemento tres qualitates tot deberent corrumpi in symbolo, quot in dissymbolo, nempe duæ contrariæ, altera in gradu excellenti, altera in remisso, licet in elemento dissymbolo intensius inueniatur qualitates corruppendæ, quam in symbolo. Imò omnia elementa essent symbola, quia in omnibus dabitur aliqua qualitas, in qua conueniat cum alio elemento, vbi autem est conuenientia est symbolizatio. Nec obstat, quod conueniat in qualitate remissa, quia hoc non tollit conuenientiam illam esse veram, ergo, & veram symbolizationem. Quod tamen opposita sententia existimat non vrgere, quia elementa symbola, vt seq. art. dicitur consistunt in hoc quod sint similia non quomocumque, sed in qualitate aliqua prædominante, non in qualitate remissa. Quam sententiam defendit Rub. hic tract. de primis qualitatibus q. 9. Carmelit. disp. 10. q. 1. & alij.

*Opposita sententia à plerisque defenditur, de qua videri possunt Conimbr. lib. 2. de gen. c. 3. q. 5. Astudillo q. 4. & alij. Et reuera habet fundamenta satis efficacia, quia corpus, quod est capax vnius contrarij est capax alterius, nam etiam elementum habens aliquam qualitatem in summo potest aliquid recipere de opposita saltem via corruptionis, vt cum aqua amittit*

aliquid de frigiditate, & calorem admittit, Ergo si in statu naturali postulat aliquam qualitatem non in summo, etiam in eodem statu erit capax oppositæ in gradu remisso. Nec potest dici, quod non habet de facto talem qualitatem remissam, ne diminuatur aliquid de illa qualitate, quam habet in summo, nam si ignis, v.g. haberet aliquid de humiditate, etiam propter eam calor diminueretur, & aqua habens summam frigiditatem, si haberet aliquid siccitatis oppositæ humiditati semper esset congelata, & non fluida. Sed contra est, quia actiuitas caloris non remittitur nisi per suum contrarium illa autem humiditas parua, & remissa nihil obest calori, nisi aliquid tollat de siccitate debita igni, nam si nihil tollit, remanet tota dispositio naturalis ignis, non tollit autem de siccitate debita, quia si ignis petit siccitatem citra summum, v.g. vt sex, quod habeat humiditatem, vt duo, nihil tollit de gradu, vt sex, si autem de illo tolleretur, impediret rationem ignis non quia esset contra calorem, sed quia contra siccitatem debitam. Aqua autem non congelatur ob siccitatem natiuam, quam habet in gradu remisso, sed ob admixtam, & extraneam, quæ facit quasi glutinosam materiam, & consequenter congelationem. Denique si elementum habes qualitatem in gradu excellenti, v.g. ignis siccitatem, vt sex non haberet oppositam qualitatem in gradu remisso posset illa siccitas crescere vsque ad octo instanti siquidem caret contrario. Non sufficit autem ad successionem motus ipsa latitudo intensiōis, sed etiā requiritur contrarietas vincenda, vt patet in luce, quæ admittit latitudinem intensiōis, &

tamen



tamen fit in instanti, quia caret cōtrario. Vnde aliqui oppositæ sententiæ dicunt, quod solum ab extrinseco ille motus erit successiuus propter resistantiam formæ substantialis, quæ non potest corrumpi, nisi dispositiones aliæ introducantur, quæ per motum debent fieri. Sed hoc est quod ista sententia conatur inferre tanquam inconueniens, quia si non est resistantia non erit successio in introducenda dispositione, nec ab intrinseco motus erit successiuus, sed per accidens. Quare vtraque sententia (vt diximus) eam habet probabilitatem, quam sententia relata in prima difficultate, & iuxta illas, altera defendenda est ex istis.

ARTICULVS. IV.

*Quomodo detur transitus de vno elemento ad aliud, tam in Symbolis, quam in dissymbolis.*

**D**Vo sunt supponenda, & in duobus alijs est difficultas. Primum quod supponimus est, quod elementa illa dicuntur symbola, quæ habent conuenientiam in aliqua qualitate, dissymbola verò quæ non habent, ex Arist. in hoc 2. lib. tex. 25. Intelligitur autem quod habeant conuenientiam in aliqua qualitate prædominante, nam si solum conueniunt in aliqua qualitate remissa, in alijs verò intensis disconueniunt, maior erit disconuenientia, quam conuenientia, & ita simpliciter, dicentur esse dissymbola, & disconuenientia, & secundum quid conuenientia. Secundo est certum, quod tam symbola, quam

**D**issymbola elemēta possunt ad inuicem transmutari vnum in aliud, siuē mediātē, siuē immediātē siquidem habent materiam communem, & capacem omnium illarum formarum.

*Difficultas* verò prima est, an vnum elementum immediātē possit transire in quodlibet aliud, an verò prius debeat transire in aliquod mixtum, vel saltem in elementum magis symbolum, quam in magis dissymbolum.

*Et ratio* dubitandi est, quia terra, & aqua, v.g. non possunt transire ad inuicem, nisi prius vtraque qualitas aquæ, v. g. remittatur, vt enim corrumpatur prius debent qualitates remitti, cum paulatim, & successiue destruantur. Cum ergo remittitur frigiditas, & humiditas aquæ, prius peruenitur ad gradum, vt quatuor per introductionem caloris, & ficitatis, quam perueniatur ad calorem, vt octo destruendo totam frigiditatem, ergo in illo puncto, in quo miscentur omnes illæ quatuor qualitates, generatur mixtum antequam transeat ad contrarium elementum, siquidem remittentibus se illis qualitatibus oppositæ quoque introducuntur, vt remissæ, & temperatæ, & consequenter, vt deseruiunt ad mixtum.

*Secunda ratio* dubitandi, est quia non potest fieri immediatus transitus de vno elemento ad aliud etiam inter elementa symbola, ergò à fortiori, neque inter dissymbola. Antecedens patet quia inter terram, & ignem, v. g. quæ sunt symbola in ficitate requiritur, quod illa densitas terræ transeat in magnam raritatem, quod non potest fieri immediātē, siquidem prius debet attingere eam rationem, quæ  
est

est in aqua, quam eam, quæ est in igne, quia maior est. Inter elementa autem dissymbola ut ignem, & aquam, aqua calefacta non transit in ignem nisi prius attenuata, & resoluta in vapores, atque adeo prius transeundo in aerem. Horum ratio est, quia de extremo ad extremum non fit transitus in qualitatibus nisi per medium. ergo cum elementa dissymbola sint extrema, non fit in eis transitus, nisi per aliquod medium præsertim secundum densitatem, & raritatem.

*Secunda* verò, difficultas nascitur ex priori quomodo dixerit Philosophus in hoc secundo libro text. 25. quod facilior est transitus inter elementa symbola, quam dissymbola. Contra enim est, quia hæc transmutatio fundatur in contrarietate elementorum ad inuicem, & actiuitate transmutantis, sed inter dissymbola est maior contrarietas, cum contrariantur secundum duplicem qualitatem, & consequenter duplici actiuitate agant, ergo non minus conuertetur elementum dissymbolum, quam symbolum, quia si in hoc vna tantum qualitas agit, in illo duplex, & aliquando est maior actiuitas, ut cum ignis agit in aquam per calorem, qui maximè actiuus est, facilius ergo conuertetur aqua in ignem, quam in aerem. Et sic experientia videmus, quod guttæ aquæ injectæ in ignem facilius conuertuntur, quam paræ particule terræ, & tamen terra est symbola igni.

*Nihilominus* ad primam difficultatem Respond. ex quolibet elemento posse immediate generari aliud, & non solum mediatè. Aliqui oppositum sentiunt, tum generaliter de

quolibet elemento, ut aliqui apud Toletum in hoc lib. q. 8. tum specialiter de elementis dissymbolis, ut Rub. tract. de gener. elementorum q. 1. cum alijs, quos citat. Nostra tamen resolutio est expressa. D. Thom. hoc secundo libro lect. 4. § *Prosequitur*, ubi concludit, *uniuersaliter manifestum est, quod quodlibet elementum ex quolibet generatur*: & haec ipsa sunt verba Arist. ibidem tex. 14. Nec sufficit dicere, quod quodlibet elementum ex quolibet generari possit mediate, non tamen necesse est, quod immediate generari possit ex quolibet. Hoc inquam non sufficit, quia hac ratione etiam dici potest, quod quodlibet mixtum quantumcumque perfectum saltem mediate potest generari ex quolibet, & tamen non dicimus, quod homo potest fieri ex lapide. Nec tamen nos dicimus semper ita contingere, quod ex quolibet elemento fiat aliud immediate, sed quod potest ita fieri, neque ex vi suae dispositionis repugnat, atque ita non se habet sicut animalia, quae naturaliter ad sui transmutationem exigunt transire per diuersas formas, & generationes, ut aduertit S. Thom. q. 3. de potent. art. 9. hoc enim elementa non exigunt ex natura sua, sed potest immediate fieri transitus de vno elemento ad aliud nisi per accidens ex debilitate agentis, aut ex alio impedimento oppositum contingat, sed ex se potest esse tanta actiuitas elementi supra aliud, quod immediate illud in re conuertat, sicut si in maximum ignem iniiciatur gutta aquae.

*Et ratio est, quia elementa etiam dissymbola non habent qualitates ita consistentes in pro-*

proportione, quod ea conuenientia, & proportione remota amittant formam suam, sicut in uiuentibus, sed habent pro dispositione qualitatem in tali intensiōe, quod etiam si remoueat<sup>ur</sup> ab illa, non statim amittant formam substantialem, sed potest à contraria qualitate intensio alterari quousque generetur aliud elementum contrarium, sicut patet in aqua, quæ retinet formam elementi, etiam si nimium calefiat, aut euaporetur, quousque tota resoluatur in aliud elementum, ergo non est necessarium, quod in transitu de vna qualitate extrema ad aliam per qualitatem remissam, fiat amissio formæ elementalis, & acquiratur forma mixti, vel alterius elementi symboli, sed potest conseruari forma elementi, etiam amittendo de qualitate propria, & acquirendo de contraria, quousque elementum contrarium sit genitum, nam tota illa remissio qualitatum, non ponitur in elemento in tali temperamento, sicut requiritur ad mixtum, sed in illo in quo adhuc compatitur elementum via corruptionis, ut magis explicabitur soluendo opposita argumenta. Et hæc est ratio Arist. & D. Thom. ubi supra, quod quia omnia elementa habent contrarietatem adinuicem, ideo quodlibet elementum potest generari ex quolibet immediatè, quia ratione huius contrarietatis potest vna qualitas, ita continuatè agere in aliam, quod vincat illam totaliter, & generet elementum sibi simile. Et licet contrariæ qualitates ad inuicem agendo repatiantur, non tamen semper prorumpunt in aliquod temperamentum permanenter factum sicut requiritur ad mixtum, sed vna ex qualitatibus, quæ

actiuior est continuat actionem in elementum, & tandem vincit illud.

*Ad secundam* difficultatem. Respondetur. Quod per se loquendo, & ex natura rei est facilius transitus inter elementa symbola, licet per accidens possit oppositum contingere. Quod explicatur dupliciter; primò quia elementa symbola non solum habent maiorem conuenientiam in ipsis qualitatibus primis, sed etiam in alijs, quæ iuuant ad modum habendi illas, sicut aer non solum conuenit cum igne in calore, sed etiam in raritate, ratione cuius facilius recipit impressionem ignis quam aqua, imò quam aliud elementum etiam symbolum vt terra. Secundò id explicatur ratione ipsius contrarietatis inter qualitates primas quia licet in elementis dissymbolis pugnent duæ contrariæ qualitates contra duas, in symbolis verò vna tantum; tamen non æqualis actiuitatis sunt illæ duæ, neque ita facile vtraque operatur, sicut, quando sola vna qualitas alteri contrariatur, sicut ignis contrariatur aquæ secundum calorem, & siccitatem, sed difficilius siccitas ignis tollit humiditatem aquæ, quam humiditatem aeris tum quia humiditas aeris est rarior, & sic minus resistens, tum quia magis iuari potest siccitas ignis à calore sibi coniuncto respectu aeris, quam respectu aquæ, cum in aqua occupetur vtraque qualitas circa suum oppositum in gradu summo, aut excellenti, in aere vero solum occupatur circa vnā, & ideo iuari potest altera in sui introductione, nam etiam calor coniunctus siccitati ad ipsam siccitatem citius introducendam iuuat: tum denique quia siccitas, non ita actiua est sicut calor,

calor, & ideo lentiori modo agit in humiditatem, quam calor in frigus. Itaque duæ qualitates quando vtræque habet suum contrarium, quod agat, non ita se iuuant ad inuicem sicut quando vna tantum qualitas est corrumperenda. Nec tamen semper ista facilitas transmutandi elementum symbolum æque reperitur, sed potest aliquando impediri, vel propter maiorem densitatem, vel propter minorem actiuitatem qualitatis symbolæ, nam terra, v.g. licet sit magis symbola cum igne ratione siccitatis, quam cum aere; difficilius tamen transmutat in se ignem, quam ignis terram, vel etiam quam ipse aer, aut aqua terram transmutent, quia siccitas terræ parum est actiua, & eius etiam densitas difficilius generatur.

*Ad rationes* dubitandi pro prima difficultate. Ad primam Respondet. quod aliquando actiuitas elementi agentis est tantum circa elementum in quod agit, quod fortiolem imprimat qualitatem, quam requiratur ad temperamentum mixti, vt cum in magnum ignem iniicitur gutta aquæ. Deinde dicitur quod etiam si paulatim remittantur qualitates vnius elementi, & introducantur oppositæ non est necesse, quod statim corrumpatur, & generetur mixtum, vt probatum est exemplo aquæ nimium feruentis, quæ tamen non habet calorem, vt octo, & cōsequenter aliquid de frigore retinet, & similiter de humiditate, & siccitate, neque enim generatur mixtum ex quocumque qualitatum concursu, sed ex tali temperatura quæ habeat modum permanens, non merè transeuntis ad aliud elementum. Et si elemento non conueniunt quatuor qualitates in suo

naturali statu, & ex proptia natura, via autem corruptionis non repugnat.

*Ad secundam* Respond. similiter, quod elementa densiora cum rarefiant possunt prius prouenire ad raritatem elementi mediij, quam extremi, non tamen necesse est, quod amittant formam propriam. & transeant in elementum medium, sed sub illa raritate possunt adhuc retinere formam suam, in statu tamen non naturali, sed via corruptionis, illam enim raritatem habent per modum transeuntis. Et sic argumentum non probat prius debere generari elementum medium, v.g. ex terra aerem, quam ignem, sed prius debere accipere statim medium, sub forma tamen terræ attenuatæ per modum exhalationis, aut quid simile, & via corruptionis cendentis; & similiter aqua attenuatur in vapores, qui tamen substantialiter sunt aqua, siquidem concrefcenſe frigore aqua fiunt, & ita illa attenuatio nondum conſtituebat aerem, sed via corruptionis conuerſe-  
bat aquam.

*Ad argumenta* ſecundæ difficultatis Reſp. ad primam, quod tranſmutatio fundatur in contrarietate requiſita inter terminos in principio tranſmutationis, quatenus requiritur reſeſſus à termino à quo, & acceſſus ad terminum ad quem, ſed tamen facilitatio tranſmutationis ſu datur in maiori conuenientia, quatenus ponit minorem repugnantiam ex parte impedimentorum, quibus retardatur acceſſus ad terminum ad quem.

*Ad ſecundum* dicitur, quod licet ſint in elementis diſſymbolis duæ qualitates contrariæ contra alias duas, non tamen æqualia ſunt.



li actiuitate, & modo, tum ex parte raritatis, vel densitatis, tum ex eo quod altera est minus actiua, tum quia non se adiuuant mutuo, sicut quando vna sola qualitas est vincenda. Quod verò etiam in elementis symbolis, non solum duæ, sed etiam omnes qualitates sunt corrumpe-  
pendæ, idest per accidens propter defitionem subiecti, non propter contrarietatem qualita-  
rum, quæ per se conducunt ad faciliorem, vel difficiliorem transmutationem.

*Ad vltimam* dicitur, non fieri æqualem comparisonem inter particulâ terræ, & aquæ inectam igni, quia ista densior est quam illa, sed si attenuetur particula terræ per exhalationem tanta tenuitate sicut aqua facilius conuer-  
tetur ab igne.

*Quomodo* verò ex duobus elementis possit, vel non possit generari aliud tertium non est difficultas tanti momenti, nam per se, & in quarto modo semper vnum elementum generat sibi simile. Per accidens autem potest aliquando ex contrarijs elementis vnum tertium generari propter aliquod impedimentum generandi proprium, licet in elementis symbolis id, aut vix, aut nunquam contingat, eo quod qualitas symbola vnius intenditur ab alia symbola, non expellitur. Videatur Arist. hic text. 29. & D. Thom. lect. 4. Mag. Bannez q. 3. & alij interpretes.

*De mixtis , & temperamento  
eorum .*

## ARTICVLVS PRIMVS.

*Quæ sint mixta perfectæ , quæ imperfectæ , &  
quod temperamentum eorum ?*

**M**IXTA generaliter loquendo sunt ea corpora quæ ex elemētis fiunt tanquam ex simplicibus corporibus atque ita omne corpus quod non est elementum , sed ex elementis , dicitur mixtum quasi ex illis compositum , & aliud dicitur perfectum , aliud imperfectum . Quod multipliciter intelligi potest . Primo ratione diuersorum graduum sicut perfectiora sunt viuētia non viuētibz ; & inter viuētia , sensitiua sunt perfectiora , & inter sensitiua datur etiam magna latitudo secundum quod magis , vel minus participant de sensibus . Vel secundo diuidi potest perfectio , & imperfectio mixtorū secundum quod magis , vel minus elongantur à corpore simplici , seu elementalī , & sic ea quæ pluribus corruptionibus indigent , vt resoluantur in elementa , perfectiora sunt quia plus distant à potentialitate , & imperfectione elementorum . Quæ verò immediatè sunt resolubilia in ipsa elementa imperfectiora mixta sunt , quia minus distant à simplicitate , & potentialitate elementī , & hac ratione mineralia , & quædā aliæ impressiones metho-

theo.

theorologicæ dicuntur mixta imperfecta quia immediate, vel quasi immediate sunt resolubilia in ipsa elementa; licet reuera aliqua ex his metheoris substantialiter sint elementa, quia eorum substantia est vapor, vel exhalatio, quæ substantialiter sunt terra, & aqua attenuatæ, aliquando verò sunt composita ex duobus solum elementis, vel tribus, ideoque hæc propriè dicuntur mixta imperfecta, de quo Max. Bann. in hoc libro secundo cap. 3. q. 1. Denique dicuntur mixta perfecta, vel imperfecta ratione status, scilicet quod est in fieri, & tendentia ad perfecti mixti generationem, dicitur esse imperfectum ratione status, vt v. g. quando animalia generantur, & prius traueunt per formam embrionis ad formam equi, tunc enim dicitur animal esse in statu imperfecto, & in via, & tendentia, & similiter cum ex elementis fit transitus in mixtum, dicitur esse imperfecte mixtum, quia est in fieri, & tendentia.

*Est autem commune mixtis præsertim si perfecta sint, quod consistit ex quatuor elementis, vt probat Aristot. in hoc libro tex. 49. lect. 8. apud Diuu. Thom. & nos iam supra probauimus q. 5. de mixtione. Elementa autem non concurrunt ad mixtum nisi vt temperata, & modificata, & consequenter vt corrupta, vtpotè non habentia illam intensiorem qualitatem quæ inuenitur in ipsis mixtis secundum se; quando autem non solum intensio illa qualitatis actu deest, sed nec radicaliter competit, quia non manet radix quæ tam intensam qualitatem petat, tunc fit mixtum, quia fit alia substantia ab elementati, ex elementis tamen consurgens. Quod enim aliquando a-*  
*ctu*

Etia desit illa intensio, constituit mixtum in actu, ut patet cum aqua vehementer calefit, & tamen nondum amittit formam aquæ, neque est mixtum in fieri, quia ex tali calefactione, & remissione frigoris, potest fieri transitus ad ignem.

*Ex his* nascitur difficultas apud quosdam quidnam sit illud temperamentum, quod ad mixtorum constitutionem requiritur. Non quidem temperamentum substantiale, nam hoc non est aliud, quam ipsa forma substantialis mixti, quæ dici potest temperamentum ipsum, vel quia ex temperatis, & modificatis elementis resultat, vel quia est radix & principium qualitatum temperatarum, & quæ sunt propriæ mixtorum. Quod vero ipsæ formæ substantiales mixtorum sint formaliter compositæ ex formis elementaribus, sicut aliquid dixerunt apud D. Thom. opusc. de mixt. elementorum, & in hoc 2. lib. lect. 1. iam supra reiecimus, q. 5. Difficultas ergo solum esse potest de temperamento accidentali, an videlicet illa temperatio primarum qualitatum, qua mixtum ipsum componitur ex qualitatibus miscibilium sit qualitas aliqua tertia distincta ab illis, vel solum ipsæ qualitates elementales ad mediocritatem redactæ. Nam quidam voluerunt formaliter in mixtis non interuenire quatuor primas qualitates, sed ex illis corruptis vnâ quasi simplicem ab illis distinctam resultare, quibus fauere videtur D. Thom. in hoc 1. lib. 24. & opusc. de mixt. elementorum, vbi patet, quod remissis qualitatibus elementaribus constituitur quædam qualitas media quæ est propria mixti. Alij censent manere quidem qua-

Quatuor illas qualitates formaliter in mixto statu dari experimur calorem, & frigus in mixtis, v.g. in animalibus, & siccitatem, & humiditatem (quod etiam fateetur D. Thom. 1. p. q. 67. art. 4. ad 4.) præter illas tamen inueniri aliam quintam qualitatem simplicem, quæ omnes illas attemperet, & in proportionem reducat, ut certè aliquas qualitates mixtorum proprias inueniri præter qualitates primas ad medium eductas, negari non potest, ut sunt quædam occultæ virtutes herbarum, aut lapidum, vis attractiua magnetis, potentia vitalis in viuentibus, & alia similia. Sed tamen ista sententia pro officio proportionandi qualitates primas non ostendit illam quintam qualitatem. Alij alias quasdam medias qualitates inueniunt inter calorem, & frigus, inter siccitatem, & humiditatem, quod fere non recedit à prima sententia. Alij denique sentiunt proportionem primarum qualitatum non esse aliud, quam ipsas primas qualitates ad mediocritatem redactas, & coniunctas sine alia noua qualitate superadita, vel proportionante istas, vel virtualiter continente.

*De his opinionibus, iam supra diximus, q. 5. Certè manere primas qualitates formaliter in mixtis nullatenus negari potest, cum illarum effectus manifeste videamus, v.g. calefacere, & rigefacere, & insuper habere inter se istas qualitates mutuam actionem, & passionem, quod idem mixta habent intra se principium corruptionis, quod non esset si intra se non haberent qualitates contrarias formaliter, eo quod vna sola qualitas simplex non potest exercere contrarietatem, & consequenter cor-*  

*rup-*

sitionem, quæ sine contrarietate non fit. Requiritur ergo pluralitas qualitatum contrariarum etiam in mixtis, & viventibus, ut intra se habeant causam corruptionis. Similiter non exigitur qualitas illa quinta, vel media, aut superaddita ad hoc præcise, ut illæ qualitates proportionentur, & ad moderationem reducantur, hoc enim superflue fieret per qualitatem superadditam, cum ipsæ primæ qualitates si remittantur, hoc ipso moderatæ, & temperatæ maneant, & mutuo se compatiuntur in subiecto, ergo illa qualitas superaddita, neque est necessaria, ut illæ primæ qualitates reddantur moderatæ, nec ut compatiuntur simul in subiecto, nam hoc ipso, quod sunt in gradibus remissis utrumque habent, & reddunt subiectum in quo inhaerent temperare dispositum. Nec potest afferri instantia de conceptu secundæ operationis intellectus, qui est distinctus à conceptionibus primæ operationis, & probabile est quod est quidam simplex conceptus formatus ex primis conceptibus apprehensivis. Sed hoc non obstat quia in mixtis illa qualitas simplex non habet aliud officium speciale præter illam proportionem, & moderationem primarum qualitatum, quas constat temperari, hoc ipso, quod remittitur, & diminuitur earum intensio, ad istam autem remissionem non opus est qualitate superaddita, sed absentia gradus intensioris. At vero in intellectu secundum diuersam combinationem conceptuum, fit diuersa repræsentatio, quæ utrique diuersam qualitatem requirit, & non solam diminutionem intensioris, & graduum in conceptibus, & si illa repræsentatio, reducitur

ad

ad unitatem ex ipso modo repræsentâdi, etiam unicum exigit conceptum; & qualitatem ideoque in secunda operatione intellectus, seu in propositione mentali probabiliter ponitur novus quidam conceptus ad unitatem repræsentabilem reducens, & distincto modo repræsentans quam simplices primæ operationis conceptus.

*Denique*, quod præter qualitates primas ad mediocritatem temperatas, dentur aliæ qualitates quæ sunt propriæ mixtorum, non quidem tollentes primas, sed supponentes, & eis ut instrumentis, vtentes manifestum est in exemplis adductis de virtutibus occultis, & potentijs vitalibus quæ licet ad constitutionem organi, & exercitium suum exigant calorem, aliasque qualitates, tamen illæ potentiæ sunt distinctæ à calore, & frigore, & similibus, vt-pore cum sint vitales potentiæ, & actiones habebant vitales à calore, & alijs qualitatibus distinctas, licet per illas tanquam per instrumenta ministratas, vt latius probabitur in lib. 1. de anima q. 2. & 3.

*Quod si dicas*, nam sanitas, & morbi, aliaque similia quæ resultant ex conuenienti dispositione primarum qualitatum, sunt qualitates superadditæ primis, ergo similiter in mixto, erit qualitas superaddita illa, quæ proportionat, & ad temperamentum reducit primas qualitates.

*Respond.* quod sanitas ægritudo, & pulchritudo, & similia sunt qualitates distinctæ resultantes ex debita, vel indebita proportionem humorum, quia non solum faciunt ipsam mixturam primarum qualitatum moderando illas, adhuc

Adhuc enim solum non requirebatur distincta qualitas, sed quia ultra illam mixturam qualitatū, conuenienter, vel disconuenienter disponunt subiectum in ordine ad conseruandum, vel corrumpendum ipsam vitam, vel proportionem debitam partium, vel humorum; aliud est autem misceri qualitates in vnam temperaturam, & moderationem, aliud conuenienter, vel disconuenienter disponi in ordine ad subiectum non solum secundum qualitates primas, sed etiam secundum vitales. Et huius signum est, quia istae dispositiones sanitatis, & aegritudinis non inueniuntur in omnibus mixtis in quibus tamen inueniuntur mixturae qualitatū, sed solum in animalibus.

## ARTICVLVS II.

*Quid sit temperamentum aequalitatis, & ad pondus, & an sitabile*

**T**Emperamentum in mixtis inuentum dupliciter sumi potest, vno modo pro temperamento secundum proportionem, alio modo pro temperamento omnino aequali. Primum vocari solet temperamentum secundum iustitiam, seu secundum debitum, seu exigentiam subiecti, quia tale est quale exigit proportio subiecti. Secundum vocari solet temperamentum ad pondus, quia videlicet qualitates ita in aequilibrio miscentur, vt neutra excedat aliam, sed omnes in eodem gradu, & pondere concurrant. Et ideo vno tantum modo reperiri potest, quia in indiuisibili consistit. Primum verò multis modis reperiri potest in;



*Est* diuersam subiecti exigentiam, & naturam, unde diuersis nominibus solet nominari, aliquando enim dicitur temperamentum difforme simplex, scilicet quando vna tantum qualitas prædominatur, reliquæ autem ad æqualitatem redactæ sunt; aliquando vero difforme compositum, scilicet quando duæ qualitates prædominantur, & reliquæ in gradu æquali conueniunt; & in his potest esse magis, & minus secundum infinitas combinationes, quia infinitis modi contingit variari temperamenta, sicut, & figuras.

*Dari* ergo temperamentum proportionale, & iuxta exigentiam, & debitum cuiuscunque subiecti certum est, quia multa mixta inveniuntur in statu sibi perfecto, & conaturali, atq; adeo tunc eis conuenit temperamentum sibi connaturale, & debitum. Difficultas est, an detur temperamentum in omnimoda æqualitate seu æquilibrio, & ad pondus, tum in qualitatibus primis, tum in qualitatibus motiuis secundum locum, vt in grauitate, & leuitate. Nam ex vna parte non videtur repugnare, quod ipsa miscibilia, seu qualitates sic refrangantur, quod tantum maneat de vna, quantum de alia, v.g. quod calor diminuatur vt quatuor, & frigus maneat etiam vt quatuor, aut de quolibet maneat gradus vt duo. In hoc enim nihil apparet repugnantiæ præsertim, quia hoc non repugnat ex parte subiecti, cum subiectum sit capax vtriusque qualitatis contrariæ in gradu temperato, & remisso, neque ex parte agentis, quia si in aliquo corpore, v.g. dominatur calor, & humiditas, deinde ab aliquo sicco, & frigido agatur in illud, ita vt  
 pau-

paulatim remittatur de calido, & humido, & paulatim etiam crescat frigus, & siccitas, debet necessario deueniri ad vnum punctum in quo omnia sint æqualia, alioquin non possent transire ad maiorem siccitatem, & frigiditatem, nisi prius perueniendo ad æqualitatem, ergo saltem pro aliquo tempore possibile est temperamentum ad pondus.

*Confirm.* quia tactus in homine est perfectissimus, vt docet Arist. 2. de partibus animal. cap. 16. & Thom. 1. p. q. 91. art. 3. ad 1. sed tactus solum sentit excellentiam tangibilium, vt dicit Arist. de anima tex. 118. id enim sentit, in quo vincitur eius proportio, & temperatura, ergo oportet, quod tale sensorium habeat æqualitatem illarum qualitatum ad pondus, nam si aliqua qualitas excederet in ea, non sentiretur excellentia talis qualitatis. Similiter temperamentum ad pondus est omnium perfectissimum, quia perfectissime distat ab extremis, scilicet à qualitatibus summe intensis: ergo debetur alicui perfectissimo mixto, quale est homo, præsertim in suo perfectissimo statu, sicut fuit in statu innocentiae, vel erit in statu gloriæ, vel fuit in Christo Domino, licet in rei veritate non secundum omnes partes conueniat animali seu viuenti, quia partes aliæ sunt etherogenæ, & diuersam temperiem, atque mixturam postulantes. *Confirm.* author. D. Tho. qui 1. p. q. 91. a. 1. in corp. & ad 3. docet, quod in homine est maxima æqualitas complexionis, & elongatio à contrarijs: ergo est temperamentum æqualitatis ad pondus, quia hoc est maximæ æqualitatis.

*Nihil.*

*Nihilominus* dicendū est, quod licet ex parte ipsius mixti non repugnet habere aliquod temperamentum ad pondus, repugnat tamen ex parte agentium naturalium, & ex parte modi agendi, quia semper agunt secundum aliquam qualitatem prædominantem, & multo magis id repugnat in viventibus præsertim secundum omnes partes quæ postulant diuersa temperamenta. Plures sequuntur, hanc sententiam, qui videri possunt, in *Cursu Carmelitano* disp. 1.2.q. 1. & *Bannez*, lib. 2.c. 7.q. 1. Et videtur esse manifestè *D. Tho.* in 3. dist. 14. q. 1. ad 4. vbi inquit: *Quod impossibile est, quod completio perueniat ad tantam æqualitatem, quin alterum contrariorum prædominetur, quia aliàs nõ fieret mixtio nisi vnum ageret in alterum dominans ad medium reducendo, altero resistente, & præcipuè hoc oportet in corpore humano, quod calor operetur propter operationes animæ quæ indigent calore, vt instrumento, vt d. citur in 2. de anima.* Ratio autem est, quia licet elementa concurrant ad mixtum præbendo illi materiã vnde fiat, tamen etiam aliquod illorum debet esse actiuus, & prædominari efficienter in alterũ, semper enim actio est à proportionem maioris inæqualitatis, ergo oportet, quod illud quod est fortius, etiam vehementius imprimat suas qualitates, quia ex fortiori causa sequitur fortior, maior effectus, & sic non erunt omnes qualitates æquales ad pondus hoc ipso, quod ad agendum requiritur excessus agentis super alia. Nec potest hoc temperari dicendo, quod elementa magis actiua possunt esse minoris quantitatis, & densitatis, ea vero quæ minus actiua sunt esse magis densa, & ita quod vni deest

deest de intensione, & actiuitate, recompensatur in alio per densitatem sicque ad æqualitatem ponderis concurrunt. Sed contra hoc est, quia hoc toto posito, adhuc impediatur actio, quæ semper est à proportionem maioris inæqualitatis: ergo si ad hoc, quod resulter æqualitas temperamenti ad pondus supponitur æqualitas agendi in concurrentibus, & agentibus, siue hoc fiat per illam recompensationem siue non, tollitur actio, nec enim intelligendum est, quod vnum ex miscibilibus se habeat pure passive, & aliud active, sed vtrumque active, & contrarie concurrir, & destruendo alterum, ergo si supponuntur qualitates ad pondus libratæ in effectibus, & in agentibus quocumque modo id fuerit, impediens se in agendo, siue propter æqualitatem intrinsecam, siue recompensatam in ipsis qualitatibus extrinsece.

*Difficilius* est si dicatur posse fieri mixtum non per actionem ipsorum miscibilium inter se sicut quando est vera mixtio, sed ab aliquo tertio, v.g. à cælo, vel ab alia causa vniuersali, quæ efficaciam habeat temperandi ad pondus omnes qualitates elementorum ad mixtionem concurrentium. Nihilominus etiam in hoc currit ratio facta: quia cælum non efficit mixtum, nisi ipsa elementa adiuuando, & mediantibus qualitatibus talium elementorum, quæ in mixtis relucet, ergo oportet, quod aliqua qualitas elementi sit vincens, & prædominans, alias non resulteret actio. *Et ratio* huius est, quia cælum non producit mixtum nisi interueniente motu, & alteratione, quia est primum alterans, & consequenter ita imprimit in elementa, quod mouet eorum qualitates, vt alterentur, & alterent,

rent, faciantque veram mixtionem, ergo eodem modo requiritur, quod vna qualitas superet, & dominetur alijs, vt possit agere in illas etiam præsupposito motu cæli eas alterante, ergo non possunt, ita æqualiter temperari ad pondus, quod vna qualitas maneat omnino æqualis alteri. Solum ergo poterit à Deo produci ista æqualitas ad pondus faciendo vnum mixtum sine aliqua alteratione præcedente, & mutua reactione miscibilium.

—*Secunda vero pars* de viuentibus manifesta est, quia partes etherogenæ d uersum exigunt temperamentum sicut diuersas gradus caloris debet esse in corde ad generandos spiritus, quam in manu vel pede ad mouendum: & ossa sunt sicciora, & duriora, quam alæ partes, ergo non possunt esse æqualiter temperatæ ad pondus, essent enim homogenæ. Neque dici potest, quod si vna pars excedit in calore, alia excedit in frigore, & sic recompensando vnā cum alia totum viuens redditur æqualis temperamenti. Nam contra est, quia hoc non est ponere temperamentum ad æqualitatem in quolibet membro, sed quodlibet esse inæquale alteri, reddi autem ipsum totum æquale secundum proportionem; præterquamquod calor semper debet vincere in animali; quia est principale instrumentum vitalium actionum. Si vero dicatur, quod licet diuersæ partes animalium diuersum habeant temperamentum, tamen sensus tactus, qui per totum corpus est dispersus, habet temperamentum ad pondus. Contra est, quia tactus non consistit in indivisibili temperamento, cum in quibusdam partibus efficacior sit, & viuidior, quam in alijs, vt

in extremitatibus digitorum , & consequenter in aliquibus habeat aliquam qualitatem magis prædominantem , & minus ad æqualitatem reductam,quam in alijs . Præterquam quod sensus tactus non reddit totum animal temperatum ad pondus , cum multæ aliæ qualitates resistent dissimilari temperamenti & diuersarum qualitatum , in quibus habent aliquem excessum, sicut in corde debet esse maior calor, quam in alijs partibus ; vnde quod in sensu tactus temperentur ad æqualitatem , non facit quod absolutè illæ partes sint reductæ ad pondus, sed secundum quid , idest vt exigitur ad sensum tactus .

*Quod vero* addimus non dari etiam qualitatem ad pondus in virtutibus motiuis , eodem ferè nititur fundamento, quia si daretur æqualitas ad pondus in virtutibus localiter motiuis, istud corpus non posset moueri ad aliquem locum naturalem ex proprijs principijs , & sic non esset corpus naturale , imò non haberet determinatum locum in vniuerso , quia si esset in aliquo corpore æqualis leuitas & grauitas ad pondus, tantum ageret vna quantum alia, & sic si grauitas traheret deorsum impediretur à leuitate mouente sursum . Vnde nulla ageret , quia à proportionem omni nomine æqualitatis non datur actio , & ita non haberet locum determinatum, omnia enim loca grauium & lenium sunt sursum vel deorsum , neutrum autem tali corpori competeret , impredientibus se grauitate & leuitate . Nec potest dari locus medius inter aerem & aquam , v. g. quia cum inter ista duo non mediet aliquis locus in vniuerso , sed sint sibi immediata, manifestum est quod

quod in vniuerso non datur naturaliter locus pro aliquo corpore, quod in æquilibrio esset graue & leue. Quod si à Deo fieret, vel non deberetur sibi locus naturalis in vniuerso, sed æque bene esset vbicunque poneretur, sicut si aliqua pars cæli poneretur in hoc mundo inferiori, vel pertineret reductiuè ad duplex elementum, scilicet, aquæ & aeris, & in quolibet inueniri posset; sicut animalia quæ viuunt in terra, & in mari. Si autem dicatur, quod posset præponderare in illo corpore grauitas habendo maiorem densitatem, vel leuitas habendo plus caloris, qui actiuior est, licet in intensiōe essent partes. Contra est, quia leuitas petit raritatem, si oritur à calore, quia calor partes ipsas resoluit. Vnde corpora magis spissa leuiæ non sunt, & aer inspissatus minus leuis redditur, ergo illa raritas impediret illam densitatem ita ut æqualitate leuitatis, & grauitatis, & similiter calor, qui est causa leuitatis mitigaret frigus, quod est causa grauitatis. Et licet calor sit actiuior frigore, id erit in genere alterandi, non in genere localiter mouendi, ergo ipsa æqualitas grauitatis & leuitatis, si est ad pondus etiam concomitanter habet æqualitatē in alijs ad eas concurrentibus.

*Ad primum* à principio respondetur repugnare, quod qualitates illæ, ita refrangantur ad æqualitatem, propter modum naturalem agendi vnius in alteram per mutuam actionem, & reactionem quæ necessario supponit aliquam ex illis qualitatibus prædominari. Et sic non repugnat ex parte subiecti recipere illas qualitates in æquilibrio si dentur, sed ex parte modi agendi naturalium agentium. Ad

instantiam positam repugnat. Respond. quod in illo casu si peruenitur ad æqualitatem qualitatum per modum transeuntis, in illo puncto cessabit actio, sicut in puncto reflexionis datur quies: sed si immediate post detur actio & motus, necessario aliqua qualitas prædominabitur, & non erunt ad pondus. Quod si instetur, quod potest esse quod qualitates illæ sint æquales in intensione, & gradibus, licet dissimiles in actiuitate plus enim agent quatuor gradus caloris, quam quatuor humiditatis. Resp. quod hoc ipso, quod excedit vna aliam in actiuitate, agit in illam, & resoluet, sicque reducet ad minorationem, & sic nunquam manebit temperamentum in illa æqualitate graduum, nisi totaliter cesset actio, quod quidem pro aliquo puncto, & quasi per modum transeuntis intelligi potest, sed permanenter per modum temperamenti dari non potest, cum actio alteratiua id non permittat.

*Ad confir. resp.* sensum tactus requirere proportionem non quidem æqualem ad pondus, & quasi mathematicam, sed physicam, & secundum aliquam latitudinem, cum videamus in quibusdam partibus esse tactum viuaciorum, quam in alijs, & in quibusdam animalibus plus, in alijs minus, quod non esset si ad sensum tactus exigeretur mathematica, & indiuisibilis qualitatum proportio. Quod vero non sentiatur, nisi excellentia tangibilium, verum est, sed ad hoc sufficit, quod excedat illam proportionem, quam habemus in tactu, & sic argumentum conuincit non omnes qualitates sentiri per tactum, sed tantum quæ excedunt illam proportionem tactus, quæ non est



est æqualitas ad pondus, sed secundum proportionem, & excessus proportionis illius, est qui sentitur. Nec Philof. in illo loco de anima dixit requiri omnimodam medietatem, & æqualitatem ad tactum, sed sufficit proportionalis, & sic dixit, *veluti medietate quadam existente*, ubi particula *veluti* diminutiva est, & à mathematico rigore temperans. Ad id verò quod additur, quod æqualitas ad pondus est perfectissima. Respond. quod est perfectissima quasi mathematice, & quantitativè considerata, sed non physice, & in ordine ad finem alterationis, & motus, quia semper requirit qualitate n actiuam prædominantem, & sic perfectissimum temperamentum iudicandum est, non ex perfectissima æqualitate, sed ex perfectissima convenientia ad finem mixti, qui est eius operatio, & motus.

*Ad secundam confirm. resp.* quod D. Thom. affirmat in homine esse maxime æqualitatem complexionis non æqualitate mathematica, sed physica, ut dictum est, & comparativè ad alia animalia.



## QVÆSTIO XII.

*De reproductione rei corruptæ.*

## ARTICVLVS I.

*Utrum repugnet rem corruptam iterum  
reproduci?*



Væ extremæ sententiæ circa hoc inueniuntur. Prima fuit quorundam antiquorum, qui dicebant post determinata tempora redire easdem omnino res, quæ iam deficerant, quod Platoni plures attribuunt, ut videri potest apud S. Aug. 12. de ciuit. cap. 13. Ex scholasticis autem non defuerunt, qui censerent non esse omnino impossibile redire aliquid per naturam quod fuerat corruptum, licet non omnia, quod probabile reputat Scot. in 4. dist. 43. q. 3. & alij. Secunda opinio fuit in alio extremo, quod nec per potentiam absolutam Dei potest reparari aliquid quod totaliter fuerat corruptum. Et dicunt *totaliter corruptum* ad excipiendum hominem, qui quando moritur, non totaliter corrumpitur, sed manet eius anima, & corpus, & solum vnio dissoluitur. Ita Durandus in 4. dist. 43. qu. 3. & alij quos citant Conimbr. 2. de gen. c. 11. q. 2. art. 1.

*Similiter* circa res successiuas, quidam existimant posse diuinitus reproduci eundem numero motum & tempus, v. cum aliquibus sequuntur. Conimbr. cit. qu. 3. art. 2. Alij cum commu-  
niori

niori sententia oppositum tenent, vt M. Banez hic q. vlt. Rubio, Sotus, Ferra, & alij, quos citant, & sequuntur Carmel. disd. 13. q. 2.

*Dico primo.* Quæcunque res permanens semel corrupta, non potest naturaliter eadem numero redire, potest tamen supernaturaliter. De hoc secundo non est tanta difficultas, & potest videri D. Tho. quod l. 4. art. 4. & 4. contra gent. c. 81. Nam de homine est articulus fidei, quod idem numero resurget, & eadem ratio est de reliquis, etiam si totaliter sint corrupta, tum quia in homine, omnia accidentia corporalia totaliter pereunt, à quibus tamen dependet indiuiduatio hominis, & ideo redire debent; tum quia si redit idem totum quod perierat, cur non poterit redire pars quæ periit, v.g. forma corruptibilis? Tum quia etiam si res omnino annihiletur nulla potest asserti implicatio cur repugnet à Deo reproduci, siquidem re aliqua annihilata, neque potentia Dei est diminuta, neque actio eius immutata, aut transacta, sicut actio quæ est motus in creatura. Quid verò ipse effectus sit annihilatus, non ponit illum in statu difficiliore, vt reproducat, quam antea erat vt produceretur quando erat nihil, ergo non est aliqua implicatio in reproductione respectu potentia diuinæ, licet sit respectu potentia creatæ, quæ agit per actionem limitatam, & per motum transactum, quæ redire non possunt, & ideo neque effectus idem numero, vt statim dicemus.

*Prima vero pars conclusionis* etiam est communis sententia, quam tenet S. Tho. locis sup. cit. Et sumitur ex Arist. in cap. de oppositis, vbi inquit: *Quod à privatione ad habitum non da-*

*tur regressus*, & 5. Phys. text. 37. inquit: *Non posse redire eandem numero sanitatem*. Sequuntur communiter auctores qui videri possunt in *Cursu Carmel.* hic disp. 13. q. 1. & apud *Conimb.* q. 1. art. 3. Aliqui existimant hoc fieri non posse, quia determinatio causæ ad hunc singularem effectum potius, quam ad alium pertinet ad causam primam quæ indifferentiam causæ secundæ erga singulares actiones, & effectus tollit, ac determinat. Et quia postquam Deus determinauit ad hanc actionem numero, non amplius ad eam determinat, ideo non amplius redit ista actio numero, & consequenter, neque iste effectus numero, quia dependet à tali numero actione. Sed restat istis auctoribus ostendere, an illa denegatio determinationis diuinæ sit indebita causis secundis ex principijs naturæ earum, vel ex sola Dei voluntate. Si hoc secundum, ergo ex sola natura rei non repugnat idem numero redire, quod est incidere in opinionem Scoti, siquidem ad solam Dei voluntatem reducitur, quod denegetur talis concursus. Si primum, restat ostendere ex quonam principio naturæ sit indebita talis determinatio semel data.

*Quapropter* conuenimus cum hac sententia (in hoc enim est sententia communis) quod ut aliquid semel corruptum redeat idem numero, requiritur quod redeat etiam eadem numero actio, quæ illam produxit, siquidem singularitas & unitas rei in facto esse quando fit in rerum natura, dependet à singularitate, & unitate actionis, actio enim importat rem ipsam in fieri, & tendentia ad esse, unde si fieri est diuersum non potest factum esse, & terminus

mus esse idem , nisi actio diuersa talis eminentiæ sit quod ex omni parte contineat totum quod est in altera actione etiam indiuidualiter , quod solum inuenitur in actione diuina respectu creatæ. Et hac ratione probauimus in q. 12. Phys. non posse eundem effectum procedere à duplici causa totali creatæ , quia nec potest eadem actio emanare à duplici causa creatæ , nec actio vnius totaliter , & omnimodo continere actionem alterius , etiam quoad indiuiduationem , propter limitationem actionis singularis creatæ. Atque ita quod redeat eadem actio numero à qua dependet vnitas singularis istius effectus in suo fieri , seu quotiescunque sit , vel est quia redit eadem actio formalis creatæ per quam primo effecta est , vel quia redit eadem actio eminentialiter , idest illa actio quæ eminenter continet totam actionem qua res illa facta est , etiam in quantum singularis est . Et hoc dicimus non posse inueniri in aliqua actione creatæ , sed solum in diuina , quia non potest aliqua actio creatæ cum limitata sit continere omnia principia indiuiduantia alterius actionis , scilicet eandem materiam sub eadem signatione , accidentibus , ac tempore , à quibus omnibus dependet indiuiduatio actionis , & consequenter effectus eius vt producti , quæ tamen omnia subsunt actioni diuinæ , quia vnica actione tendit in omnes effectus , non vero pro quolibet effectu habet suam distinctam actionem ; & ita quia etiam cessante effectu non cessat actio Dei , eo quod etiam an equam effectus producantur in tempore erat actio Dei æterna , quia non distinguitur ab eius substantia , ideo potest Deus

id quod desijt reproducere, quia semper manet eadem actio Dei, qua produxit. Et hæc est ratio S. Thom. in 2. dist. 1. q. 1. art. 4. ad 3. ubi inquit: *Quod Deus non habet operationem determinatam ad aliquem effectum, imò una sola operatione potest omnes effectus quos vult producere, unde eundem effectum specie quem natura producit, potest Deus sine natura operante facere.* At verò quod actio creata formalis, quæ præterijt redeat eadem numero, fieri non potest, non solum quia Deus non vult præbere eundem numero concursum, quem antea præbuit, sed quia illa actio, quæ præterijt non potest eadem numero redire nisi redeat idem numero tempus, seu motus à cuius continuitate, & unitate dependet unitas illius actionis quæ desijt esse & ipsa desitione discontinuata est. Non potest autem idem motus, & idem tempus numero postquam præterijt redire siue sit tempus continuum, siue discretum, aut spirituale, ut sequenti conclusione dicemus, à qua dependet veritas istius.

*Dico secundò.* Neque per potentiam absolutam potest res successiva semel transacta iterum reproduci, & idem est de quibuscunque actionibus quæ sunt, aut dependent ab aliquo motu. Hæc sententia est expressa D. Tho. quodl. 4. art. 5. & communiter sequuntur Auctores sup. relati. Et præcipuum fundamentum sumitur ex doctrina D. Thom. cit. loco, quia si res successiva semel transacta reproducetur, erit & non erit idem numero, & correspondet eidem tempori imaginario, & non correspondet, habebit prius, & posterius respectu eiusdem, & denique erit successiva fluens, &

non.

non-fluens, sed permanens. Quæ omnia manifeste implicant. Quod autem sequantur probat, quia si motus hesternus, hodie reproduci-  
tur, ergo est idem numero qui fuit heri, & qui fuit hodie, vel ergo est vnum per conti-  
nuitatem, vel per identitatem. Non per conti-  
nuitatem, quia motus hesternus, & hodiernus  
interrupti sunt per cessationem talis motus,  
vt supponitur siquidem iam ille motus transi-  
uit, & cessauit. Non per identitatem quia iden-  
titas magis exigit vnitatem, & magis opponi-  
tur interruptioni, quam continuitas, ergo si in-  
terrumpitur, & diuiditur motus non poterit  
esse idem numero, sed interrumpitur per in-  
termediam quietem, vel cessationem, ergo im-  
plicat, quod sit vnus per identitatem qui tran-  
siuit heri, & qui hodie reproduciatur, vnum  
enim, & diuisum, seu interruptum contradi-  
ctorie opponuntur, motus autem, & tempus  
cessatione interrumpuntur, & diuiduntur, si-  
cut superficies quantitatis interposito aliquo  
corpore medio diuiditur, & non remanet vna  
seu indiuisa.

*Nec obstat dicere*, quod habeat easdem  
partes motus hodie, & heri. Nam contra est,  
quia habendo easdem partes, simul habet di-  
uisionem, & interruptionem in illis, quia illæ  
partes transierunt, & interruptæ sunt cessatio-  
ne intermedia, & tamen per reproductionem  
fit vnum idem, quod est non esse interrup-  
tum, sed indiuisum, ipsa enim interruptio fa-  
cit diuisionem, seu potius est diuisio in succes-  
sione.

*Secunda, & tertia implicatio probat*, quia si  
tempus præteritum, v.g. hora immediata præ-

terita immediate postquam est præterita re-  
 produceretur, vel sic reproducta faceret maius  
 tempus vel omnino idem. Si omnino idem,  
 ergo esset permanens, & non fluens, & sic non  
 corresponderet diuerso tempori imaginario,  
 quod repugnat, & est contra ipsam rationem  
 temporis, cuius essentia consistit in hoc, quod  
 positue faciat id quod tempus imaginarium  
 negatiue, si autem tempore imaginario trans-  
 eunte, tempus posituum non transit, sed est  
 eadem numero hora præterita, & quæ modò est,  
 ergo manet res permanens, & non successiua,  
 quod est contra essentiam temporis. Et hoc pa-  
 tet, quia tempus non fluit, nisi desinente vna  
 parte, & incipiente alia, componitur enim ex  
 futuro præterito, & præsentis, si autem repro-  
 duceretur idem tempus præteritum, non con-  
 staret ex præterito, & præsentis, sed solum ex  
 præsentis, præteritum enim fit præsens, & sic  
 non fluere per destinationem vnius partis, & ac-  
 cessionem alterius, sed stare in eodem. Quare  
 identitas temporis reproducta contradicit suc-  
 cessioni, & fluxui temporis, a quo adeo eius es-  
 sentia, & quidditati. Si autem tempus hister-  
 num, seu hora immediate præterita reprodu-  
 cta faceret maius, & superadderetur ad præte-  
 ritam, ergo iam non esset idem tempus, quia  
 idem respectu eiusdem non facit maius, & sic  
 erit idem tempus, & non idem. Et præsertim  
 quia idem tempus posituum non potest cor-  
 respondere durationi imaginariæ histerne, &  
 hodiernæ, quia si corresponderet vtrique, fa-  
 ceret additionem, quia aliquid maius posset  
 mensurari per illud tempus sic correspondens  
 vtrique quam si vni tantum durationi corres-  
 pon-



ponderet. Si autem utrique non correspondet non erit idem tempus heri præteritum, & hodie reproductum. Nec valet dicere, quod tempus verum, & positivum potest coexistere diversis partibus temporis imaginarij, eo quod hæc coexistentia non est per aliquem realem modum, sed per comparisonem intellectus; quod non currit in corpore posito in duplici loco adæquato, quia debet existere per diversa ubi, & per diversas præsentias, quibus in spatio ponitur. Contra enim est, quia siue est coexistentia temporis fiat per modum superadditum siue non, tamen constat quod duratio positiua, quæ correspondet tanto tempori imaginario, non potest fundare correspondentiam alteri tempori imaginario, quia idem non potest esse distans à se, & additum sibi, tempus autem imaginarium hodie & heri est distans negativè, ergo non potest sine distantia positiua repleri, sicut nec distantia localis sine novo corpore, ergo tempus positivum quod replevit tempus imaginarium hesternum non potest replere hodiernum sine distantia positiua sui, sicut tempus imaginarium distans est, distantia autem positiua cum identitate omnimoda implicat.

*Si inquiras* de tempore Angelico an possit à Deo reproduci cum à motu non dependeat? Resp. quod licet non dependeat à motu corporeo, includit tamen prius & posterius in actibus, licet quilibet actus in se sit indivisibilis, ideoque necessario exigit componi ex transitu unius, & adveniu alterius; hoc autem destruitur si idem reproduciatur, sicq; eadem ratio currit, ac de tempore successivo non discreto.

*Sol.*

## Soluntur argumenta.

**C**ontra primam conclusionem arguit, quia tota ratio, propter quam diximus, non esse idem numero reparari per naturam, est quia non potest eadem numero actio redire semel extincta. Contra, quod sit instantia 1. quia non repugnat, per diuersam actionem, conseruari idem numero effectus, qui per aliam effectus est, sicut calor factus per hunc ignem potest conseruari per alium, & per eundem motum cæli continnum conseruatur hodie idem homo, vel lapis qui heri conseruabatur, & tamen pars motus cæli quæ est hodie non fuit heri, ergo non repugnat, per diuersas actiones, vel diuersas partes actionis, eundem effectum numero attingi, & consequenter reproduci si destruat. 2. Quia si ista ratio aliquid probat, etiam probaret Deum non posse idem numero reparare, eo quod actio Dei ut passiuè immutans, etiam transit, v. gr. actio qua factus est Adam vel actio qua infusa est gratia iam peritura, & quicumque concursus Dei semel datus, statim transit, ergo æque probat illa ratio de causis naturalibus, quod non possint idem numero reproducere, atque de Deo. *Confirm.* quia stante eodem efficiente, & eadem numero materia, & quantitate aliisque accidentibus, manent eadem principia indiuiduantia, ergo poterit idem indiuiduum reproduci, nam quod sit diuersum tempus non refert, quia tempus non est principium indiuiduans intrinsecum, sed extrinsecum. Nec desunt aliqua exempla id. si adentia, ut cum ex vna aqua plures sunt, & ite.

iterum congregantur, idem totum fit quod antea erat, & cum auricula, vel nasus præcisus vnitur iterum animali, manet eadem pars viuæ quæ ante, ergo idem numero reparari potest.

*Resp. ad primam instantiam*, quod idem effectus numero potest à diuersis numero actionibus conseruari conseruatione extrinseca non intrinseca. Vocamus conseruationem extrinsecam, quæ fit per remotionem contrariorum, & applicationem conuenientium extrinsecorum: intrinsecam verò, quæ fit per effluxum ab aliqua causa sicut lux conseruatur à luminoso; calor verò conseruatur fouendo illum & applicando materiam conuenientem & remouendo contraria. Id ergo quod conseruatur per effluxum ab aliqua causa, si mutetur actio influens, non manebit idem numero effectus, quia est eadem ratio de ista actione sic continuante, atque de prima producente. Si vero conseruatio sumatur secundum extrinsecam, potest conseruari idem numero effectus per diuersam actionem, quia per illam non procedit effectus, neque emanat à causa; sed solum ea quæ extrinseca sunt illi applicantur, vel ab ea remouentur, quod non variat entitatem indiuiduam; si autem res semel perit, ut reproducat non sufficit causa conseruans per extrinsecam, sed per influxum dans esse de nouo. Quod verò eadem actio continuata conseruet eandem rem numero, cum tamen actio illa habeat diuersas partes, ideo est, quia etiam res conseruata habet durationem vnā continuatiue; & secundum diuersas partes, non indiuisibiliter vnā.

*Ad*

*Ad secundam instantiam respond.* quod actio Dei passivae sumpta, & concursus ad extra qui subiectatur in creatura perit pereunte effectu, sed quia restat actio quae se tenet ex parte Dei, in qua continetur eminenter res illa, quae perijt & concursus quo facta est, & omnis alia actio causae creatae, etiam quoad individuationem, ideo potest eundem effectum numero causae creatae se solo producere, & etiam reproducere, quod causa creata non potest.

*Ad confirm. resp.* quod ex eodem agente, & materia sub diversis circumstantijs praesertim temporis, non potest produci idem effectus numero licet enim tempus sit extrinsecum ipsi individuo in facto esse, non tamen ipsi individuo in fieri, & actioni qua fit & producitur, quatenus fit per actionem, quae est mutatio, tempus autem fundatur in motu, seu mutatione, & secundum unitatem, vel discontinuitatem motus datur unitas & discontinuatio temporis. Et ita cum in praesenti agatur de reproductione eiusdem individui quod pertinet ad fieri & ad actionem, optime ex diversitate temporis colligitur diversa actio creata, seu mutatio, ex diversa autem actione, diversitas effectus producti.

*Ad exempla autem quae afferuntur Respond.* quod in illa divisione aquae si redit idem individuum, ideo est quia mansit tota entitas partium eius sub diversa terminatione, unde potest iterum coniungi, & fieri individuum entitativae, sed non terminativae, sub diversa enim terminatione, seu modo quantitatis ponitur, & ita terminatio quantitatis penes diversas partes semel amissa, non redit, entitas autem modo

do diuisa , & iterum coniuncta redit, quia simpliciter non perierat manentibus partibus eius diuisis , & solum variatur terminatio , & vnio partium quæ non variat essentialiter indiuiduum. Sed melius dicitur diuersum indiuiduum aquæ fieri , quando iterum coniunguntur partes illæ diuersæ præsertim si in partes notabiles totaliter sit diuisum ita vt prior indiuiduatio substantialis amissa fuerit , hæc enim reparari non potest , si autem mansit maior pars integra, & solum parua particula diuisa sunt, & iterum unitæ, currit prima solutio . In secundo autem exemplo non amittitur indiuiduatio totius , eo quod solum modica quædam pars fuit abscissa , & ideo non mirum quod maneat idem indiuiduum , non tamen manet eadem pars quæ de nouo unitur in ratione partis & terminationis, sed est noua auricula, vel naus si omnino præcisus fuerat quia tunc facta præcisione non manet illa particula informata anima , nec sub eadem quantitate . Vnde si de nouo informatur naturaliter , noua pars facta est . Secus si supernaturaliter restitueretur, vt cum Dominus restituit auriculam Malcho , tunc enim id fit per actionem diuinam quæ continet eundem numero effectum qui amissus fuerat , quoad omnia , quod non continet agens naturale vt dictum est .

*Secundo arguit* , contra secundam conclusionem , quia non minus in potentia Dei continetur eadem actio & motus successiuus , quo aliqua res fuit producta , quam res ipsa , quæ fuit producta , & iterum corrupta , siquidem vtrumque est effectus Dei , & ab eo participatur, ergo si res semel facta , & corrupta repro-

daci

duci potest, etiam actio, & motus successivus qui præterierat. *Confir.* quia potest Deus actionem instantaneam præteritam reproducere, v. g. illuminationem, quia hæc cum instantanea sit non dependet à successione temporis magis quam res ipsa permanens, ergo similiter non repugnabit actionem successivam iam præteritam reproducere, nec enim videtur esse dispar ratio. *Confirm. 2.* quia si motus non potest reproduci, maxime propter dependentiam à tempore, hæc autem dependentia, vel est à tempore reali, vel ab imaginario. Si à reali, est petere principium, quia hoc tempus essentialiter est ipsemet motus, & sic repugnare reproductionem motus propter tempus, est repugnare reproduci motum propter motum. Si ab imaginario, præterquam quod hoc tempus, est aliquid fictum, à quo non pendet per se ens reale, etiam adhuc instatur, quia sicut albedo quæ intrinsece individuatur ab hoc subiecto, potest manere separata ab illo retinendo ordinem ad illud, ita non repugnabit manere hoc tempus reale & verum in alio tempore imaginario, cum ordine tamen ad imaginarium præteritum.

*Respond.* Deum continere illam actionem, & motum in sua omnipotentia iuxta modum, & naturam eius, idest vt dependentem intrinsece in sui unitate à continuitate temporis, quam dependentiam non habet unitas rei permanentis, & ideo ista reproduci potest eadem numero, non prima. *Instabis*, ergo aliquid est redditum impossibile omnipotentia Dei; & cum omnipotentia requirat necessario possibilitatem cuiuscunque creaturæ, reddita vna impos-

impossibili, mutaretur tota potentia Dei. Con-  
 seq. patet, quia iste motus, & ista actio erat pos-  
 sibilis produci, illa vero transeunte iam non  
 est amplius possibilis, ergo redditur illa crea-  
 tura impossibilis. *Respond.* nihil esse immuta-  
 rum de omnipotentia Dei, nec de possibilitate  
 creaturæ, quia ille motus nūmero, sic erat pos-  
 sibilis pro illo tempore, & impossibilis pro  
 alio postquam transiit, & ita eodem modo se  
 habet nunc, sicut antea, nec novam impossibi-  
 litatem acquirit, sed nunc est possibilis pro illo  
 tempore quo fuit, & impossibilis pro alio, quod  
 etiam habuit ab initio. Quod non currit in re  
 permanenti, quæ est terminus illius motus, &  
 à quo sumit speciem, motus enim sumit spe-  
 ciem ab illo cum quadam dependentia ab uni-  
 tate temporis in suo fieri, quod non habet ipse  
 terminus in facto esse.

*Ad primam confirm. resp.* actionem instantanea-  
 neam dependere ab instanti temporis, sicut  
 actionem successivam à successione, & ideo  
 reproduci non posse in alio instanti: actiones  
 autem immanentes si qualitates sunt, poterunt  
 sicut alie qualitates reproduci à Deo non vita-  
 li modo, sed ut quædam entitates sunt, modo  
 enim vitali dicunt essentialem ordinem ad po-  
 tentiam creatam vitalem, à causa autem crea-  
 ta nullus effectus potest reproduci. Si vero  
 actiones sunt & non qualitates, eodem modo  
 loquendum est de illis, ac de alijs actionibus  
 instantaneis.

*Ad secundam confirm. respond.* motum de-  
 pendere non solum à tempore positivo, quod  
 in re motus quidam est, sed connotare essen-  
 tialiter tempus imaginarium, ut correspondens  
 ipsi

ipsi tempori positium, sicut locus positivus correspondet, & replet locum imaginarium. Et licet tempus imaginarium sit quædam negatio, quæ non se habet ut causa à qua dependeat ens positivum, potest tamen se habere ut aliquid essentialiter requisitum, sine quo non invenitur, sicut sine negatione leonis non invenitur homo & sine obscuritate non invenitur fides, & sic de multis alijs, à quibus tamen negationibus non dependent ut à causis. Et ad ultimam instantiam respondet, non posse salvari tempus positivum sine correspondentia de facto ad imaginarium, & cum sola aptitudinali, eo quod de essentiali ratione temporis est, quod sit ens actu successivum & fluens, & non verò successivum in potentia, & aptitudine; unde actu debet habere partes distantes, & succedentes: ergo & actu correspondentes distantie durationis imaginariæ, seu replentes illam sicut locus positivus, imaginarium. At vero accidens essentialiter non est inhærens actu, sed aptitudine, ideoque saluatur eius individuatione per ordinem ad subiectum, non per actualem correspondentiam quæ fit per conjunctionem ad illud.

## ARTICULVS II.

*Utrum omnia corruptibilia habeant terminum  
natam per ordinem durationis  
à natura?*

**L**Oquimur de termino naturaliter impossibili durationi corruptibilium iuxta intrinsecam dispositionem, & temperamentum, nam  
respe-



respectu causæ violentæ, & extrinsecæ, à quâ aliquid corrumpi potest certus terminus designari, quia se habet per accidens, & fortuito.

*Respond.* ergo omnia corruptibilia habere ab intrinseco determinatum terminum suæ durationis eo modo quo corruptibilia sunt, non tamen omnia eundem habent terminum. Ita sumitur ex Arist. in præsentī lib. c. 10. tex. 57. & ibi communiter interpretes, ut Mag. Bann. Conimb. & alij. Et videri etiam potest D. Th. ibi 2. dist. 19. q. 1. art. 4. Dixi, *eo modo quo corruptibilia sunt* propter elementa, quæ per partes corrumpi possunt, sed non integrum elementum. Imponitur autem rebus terminus durationis. Primò quidem à diuina voluntate & ordinatione. Vnde dicitur Iob. 14. *Constituiſti terminos eius, qui præteriri non poterunt.* Et omnia tandem finienda esse saltem pro die iudicij constat ex illo 2. Petri 3. *Cum igitur nec omnia dissoluenda sint, &c.* Secundò terminus durationis corruptibilium dependet à causa vniuersali quæ est cælum, quia est in perpetuo motu atque adeo causare debet contrarietatem aliquam, & alterationem, quæ unicuique rei finem afferat, & corrumpat, aliamque generet. Tertiò oritur iste terminus ex causa intrinseca corruptibilium mixtorum, quia sunt composita ex contrarijs, quæ ad inuicem agunt, & patiuntur, & consequenter causant alterationem, quæ est via ad corruptionem. Et cum vis actiua, & resistiua sint finitæ & limitatæ, oportet quod finitum & limitatum terminum habeant agendi, & patiendi, atque adeo tandem desinant.

Secunda vero pars conclusionis ipsa experien-

entia manifeste constat, cum quædam animalia sint longioris vitæ quam alia, vt homines, quam oues, vel equi, & inter res inanimatas, lapides quidam & metalla, quam viuentia. Ad quod multum iuuat complexio, quod sit magis vniformis, & habeat partes magis homogeneas, hæc enim melius conseruantur, vbi autem est multiplex varietas, & diuersa temperies partium, ibi est plus contrarietatis, & consequenter plus corruptionis, quia accidentia sunt magis diuersa & opposita. Facit etiam maior humidi concoctio & tenacior humida enim minus tenacia & fluida, magis dilabuntur; vt humida aquea, quæ permiscuntur frigido, quod est temperamentum minus vitale. Facit etiam durities, membra enim magis compacta & solida diutius durant, vt videmus in ossibus; vnde etiam in animali mortuo facilius carnes, & adhuc facilius viscera & interiora organa, quæ molliora sunt, corrumpuntur. Denique loci temperies multum iuuat, & aliæ extrinsecæ influentiæ cælestes.

Sed obijcies primo, nam elementa non sunt composita ex contrarijs, ergo solum ipsa ab intrinseca causa non sunt corruptibilia, neque certam habent durationis periodum. Secundo si res inanimatæ propter compositionem ex contrarijs certum terminum habent, ergo in eis vnum contrarium agit in aliud, & sic vna pars rei inanimatæ agat in aliam, & rursus conuerteret aliquid de corpore sibi adiuncto vel intra poros posito: ergo nihil ei deerit vt dicatur nutriri sicut viuentia. Tertiò, quia mors per peccatum inducta est, non est ergo  
nati-

naturalis homini, quin potius naturale est homini, & cuicunque rei desiderium perpetuandi suum esse, non ergo à natura determinatur certus durationis terminus. Quartò, per lignum vitæ reddebatur homo immortalis, ergo non erat ei naturalis periodus vitæ, aliàs non posset illo naturali cibo prolongari. Similiter arte medica per aurum potabile, seu quintam essentiam auri liquati, longissime protrahitur vita, ergo non est naturaliter, & necessario constitutus vitæ terminus. Denique in prima mundi ætate homines longissime vivebant, ergo periodus vitæ, etiam nunc poterit ad illorum terminum naturaliter extendi, ergo non est præfinitus terminus naturaliter saltem ita brevis sicut nunc, poteritque arte aliqua prolongari.

*Ad primum resp.* quod elementa ab intrinseca natura habent esse passivæ corruptibilia, non actiue agente vna parte in aliam, nec per contrariorum admixtionem intrinsecam, quia compositionem miscibilium non admittunt, nec sunt resoluibilia in alia elementa, & sic ab intrinseco non habent quasi actiuam corruptibilitatem ex contrarijs, sed passiuam, vnum elementum in aliud. Mixta vero inanimata ab intrinseco habent causam corruptionis, quia sunt ex contrarijs & semper aliqua qualitas prædominatur, v. docet S. Tho. in 2. dist. 19. q. 1. art. 4. ad 2. sed amen, quia homogenea sunt, & omnes partes habent eandem dispositionem, vix potest vna agere in aliam, ideoque fere semper indigent adiuuari ab extrinseco corruptente. Cum vero ignis remoto combustibili deficit, non est, quia  
ab.

ab intrinseco vna pars agat in aliam, sed quia propter tenuitatem suam non potest à contrarijs defendi, nisi alicui densiori materiæ innitatur.

*Ad secundam respond* inanimata carere determinatis partibus & organis à natura destinatis ut vna agat in aliam & subministret alij, & ideo per se non habent nutriri per intusumptionem, quia nutritio requirit determinata organa & partes destinatas à natura ad reparationem eius, quod deperditur; licet propter mixtionem contrariorum vna pars possit agere in aliam quando in aliqua prædominatur aliquod contrariorum, tamen hoc de se æque potest convenire cuilibet parti ubi qualitas prædominetur, cum omnes homogeneæ sint nec à natura sint destinatae aliquæ partes & organa specialia ad talem reactionem, & reparationem. Quod verò convertat in se id quod iuxta poni ut, potius est generare sibi simile, & per accidens aggregare, quam nutrire ut latius supra diximus q. 8.

*Ad tertium resp.* quod mors est naturalis, & debita homini considerato secundum sua naturalia ut componitur ex contrarijs, est autem pænalis homini considerato secundum statum, quem acceperat à Deo ex originali iustitia, in quo locum non habebat mors, & ideo eo amisso in pœnam inducta est, sicut rebellio appetitus sensitivi etiam in pura natura esset, & tamen facta est pænalis supposita amissione status. Videntur S. Tho. 2. 2. q. 164. art. 1. ad 1. & 1. 2. q. 85. art. 5. & 6. Quod vero cuilibet sit naturale desiderium se perpetuandi, dicimus esse hoc desiderium eo modo quo

**res** possunt, non quidem durandi sine termino in eodem individuo, id enim per naturam impossibile est, sed perpetuitas intenditur absolute in specie per multiplicationem, in individuo quantum potest secundum leges naturæ.

*Ad quartam resp.* quod lignum vitæ non reddebat hominem simpliciter immortalem, sed restaurabat puritatem humidi radicalis ab admixtione extranei, & fortificabat virtutem naturalem, idque limitate & ad tempus, quia virtus eius erat finita, & sic debebat iterari eius sumptio, ut longius protraheretur vita, ut docet S. Thom. 1. p. q. 97. art. 4. Unde non tollebat periodum determinatam vitæ, sed ampliabat. An vero effectus illos naturaliter faceret? S. Tho. in 3. dist. 19. q. 1. art. 4. ad 5. videtur concedere, quod virtus illa ligni erat naturalis, sed non dabat immortalitatem simpliciter, ut dictum est. At verò in corp. art. dicit. *Quod lignum vitæ subveniebat homini, quia virtute divinitus concessa alimentum assumptum in perfectam assimilationem assumebatur.* Virtus autem divinitus concessa non videtur naturalis, & ex principiis naturæ orta. Unde dubius est Magist. Bāñez in hac re 1. p. q. 97. art. 4. dub. unico ad 4. Si tamen dicatur supernaturalis illa virtus, videtur pertinuisse ad vim miraculosam, & solum instrumentaliter fuisse in illo fructu non radicaliter sicut si alicui rei concederetur virtus sanandi cæcitatem. Ad illud vero de quinta essentia auri liquati, dicimus esse merum commentum, nulla enim ars potest ita purificare humidum & fortificare virtutem debilitatam, licet repa-

pare & à contrarijs aliquo modo defendere possit, & à morbis aliquibus præservare.

*Ad ultim. Respond.* quod in prima mundi ætate etiam dabatur certa vitæ periodus, & terminus, sed longior, quam nunc propter maiorem naturæ virtutem, quam nunc, maiorem alimentorum naturalium efficaciam, præsertim nondum terra per falsedinem aquarum diluvij pœne sterilizata; maiorem aeris salubritatem, & hominum sobrietatem, & vigorem omnium pœne causarum naturalium. Et nihilominus, D. Thom. in q. 4. de malo art. 8. ad 11. & in 2. dist. 32. q. 1. art. 3. ad 4. existimat virtute diuina fuisse tunc concessam illam diuturnitatem longiorem ad multiplicationem generis humani. Et hæc sufficiant pro expositione librorum de generatione, ad laudem & gloriam Salvatoris nostri Iesu Christi Beatissimæ Virginis, & S. Thom. Aquinatis.

FINIS.

# TRACTATVS

DE

## METHEORIS

Ad quatuor libros Methereorum Aristotelis.

*PROEEMIVS.*



Quis hoc, quod Metheora Arist. appellat, appendix est complementumque librorum de generatione, cum enim Philosoph. in libris de generatione agat de transmutationibus elementorum, & mixtorum in communi, in libris istis agit in particulari de transmutationibus quibusdam specialibus, quæ accidunt circa elementa, per quas generantur mixta quædam imperfecta, utpotè quæ ad ipsa elementa proximius inter cætera corpora accedunt, vel etiam substantialiter sunt ipsa elementa attenuata, quæ mutationes vocantur Meteorologicæ impressiones: dicitur autè Meteorologicum à Metheore, quod grecè idem est, quod eleuatum; seu excellens, propterea quod illa, quæ principaliter considerantur in isto opere sunt quædam, quæ in sublimi

Ee 2

gene-

*Antegenitor cum fulmina torques .*

*Nec quidam horremus cecique in nubibus  
ignes .*

*Terrificant animos , & inania murmura mi-  
scent .*

Constat ergo quanta huius scientiæ utilitas sit, quod obiectum , quis in ea cætera Philosophiæ opera locus ; prius autem , quam de obiecto ipsius in particulari tractemus , de causis Meteororum in communi , eorumque loco agendum est .

## TRACTATUS I.

*De Meteoris in communi .*

### CAPVT PRIMVM .

*Quæ materia , quæ causa sint Meteorologica-  
rum impressionum .*



**R**ELICTA causa finali, quæ ad præsens non spectat, & formali, quam secundum speciales rationes specialiter sumus explicaturi; de materiali, & efficienti in communi agemus . Est ergo aduertendum , quod proxima materia harum impressionum Meteorologicarum est duplex, scilicet vapor , & exhalatio . Vapor est quidam subtilis halitus, qui ex humore aqueo provenit ; seu procedit, sicut videmus in olla feruenti, quæ euaporat

E c

ex



ex se subtiliores partes , quæ vi caloris eleuantur in sublime, sic ex aqua virtute solis, & aſtrorum eleuantur vapores , ex quibus fiunt pluuiæ , rores , &c. Exhalatio autem eſt halitus quidam , qui ex terra educitur virtute ſolis , & aſtrorum, ideoque ſiccus ex tali aduſtione ; & ex hac fiunt Metheora ſicca & ignita , vt venti, tonitrua, fulmina, cometæ, &c. Et ſic vtraque hæc retinet ſpeciem fumi , & in vtriſque eſt calor non proueniens à corpore è quo educuntur , ſed impreſſus à calefaciente , à quo eleuantur . Et vapor quidem non aſcendit vltra mediam aeris regionem ; exhalatio vero etiam ad tertiam & ſupremam partem aſcendit . Cuius ratio eſt , quia ſecunda aeris regio cum ſit frigida , vt ſtatim dicemus , quando ad eam peruenit vapor , qui eſt naturæ aqueæ, ſtatim concreſcit, reduciturque in aquam ſicut videmus , quod in hieme , ſi ad ſpirationem oris manum admoveas ipſe halitus in humorem aquamque concreſcit : exhalatio autem , quia non eſt naturæ aqueæ non concreſcit ibi à frigore , ſed poteſt vltcrius aſcendere , quamvis ſæpè mixta cum vapore ipſo concreſcente ibi ſiltat, vt dicemus tractantes de nube , aliquando verò deorſum impellatur , ſicque generantur venti. Vt autem exhalatio iſta igne corripitur , ſicque fiant ex illa metheora ignita , non debet eſſe ſumme ſicca , ſed pinguedinem aliquam retinere , qua flamma nutriatur , quod enim ſumme ſiccum eſt flammam in ſe nequit ſuſtinere, ſicut patet in cinere , qui ab igne conſumi non poteſt . Porro aduertendum eſt, quod iſta materia Metheororum , ſcilicet vapor, & exhalatio , ſolum ex duobus elementis pro-

prodit scilicet ex aqua, & terrâ, quia illa solum sunt vaporabilia, & habent partes crassas, & subtiles, per quarum segregationem fit euaporatio, & probabilius apparet, quod specie non differunt ab elementis, à quibus educuntur, quia solum differunt ab illis penes raritatem, & densitatem, & ideo per solam condensationem vapor reducitur ad aquam. Vnde easdem proprietates retinet cum aqua. Qui autem dixerit specie differre, sed ob imperfectionem istarum specierum posse murò de vna ad aliâ fieri transitum, nihil improbabile dicet præsertim in vaporibus, & exhalationibus; quæ euaporantur ex mixtis, sicut v. g. in humoribus quæ è corpore animalis resolvuntur, & exhalantur.

*Causa efficiens impressionum Meteorologicarum* est etiam duplex. Vna per se, alia per accidens; per se est virtus solis, astrorumque & cæterorum corporum cælestium imprimendum elementis, vt in his generentur Meteora, istæ enim causæ calore suo exhalant vapores, & exhalationes subtilizando, & segregando partes subtiles à crassis separant; ex calore vero imprimunt leuitatem, vt sursum ferantur, quia calor immediatè, & per se non mouet loco, nec producit vbi, sed leuitas, quæ ad calorem sequitur. Deinde in sublimi ea inflammant mediante motu, aut alijs dispositionibus, vel etiam coagulant, si humida sint, aut disponunt, vel mouent secundum diuersas formas Meteorologicas, vt videbimus in progressu. Causa autem per accidens, quæ vt in plurimum concurrit in his Meteoris est antiperistasis, idest circumobstentia, contrarij, tunc enim

crescit, aliquod contrarium ex eo quod à suo contrario circundatur, & obsidetur; quæ causa dicitur per accidens, quia circundatio contrarij non influit in illum effectum, sed est occasio talis effectus, & excreſcentiæ eius, vt pluribus explicauimus in q. 5. de gener. art. 1.

## CAPVT II.

*Quæ ſint loca in toto vniuerſo vbi accidunt  
Metheorologica impreſſiones.*

**T**Ota hæc vniuerſi machina ex elementari, & cæleſti mundo conſiſtit; cæleſtis conſtat vndecim ſphæris, ſeu corporibus ſimplicibus, quorum prima ſeptem ab orbe lunæ vſque ad orbem Saturni ſeptem Planetis deputantur. Primus, ſcilicet Lunæ. Secundus Mercurio. Tertius, Veneri. Quartus, Soli. Quintus, Marti. Sextus, Ioui. Septimus, Saturno. Quorum motus varij ſunt, & eorum magnitudo diuerſa vt. explicauimus in libris de cælo. Supra hos ſeptem orbes Planetarum eſt firmamentum ſeu Aplane qui continet ſtellas fixas, quarum licet immenſus ſit numerus, eas tamen quas Aſtrologi obſeruarunt in ſex quaſi claſſes magnitudinis diuerſæ diſtribuunt, de quibus in libris de cælo actum eſt. Supra firmamentum collocatur nouus orbis, qui dicitur chriſtallinus, eo quod nullum habet aſtrum, ſed eſt perfectè diaphanus, & hic orbis eſt, qui in ſacris litteris vocatur aquæ ſuper cælos poſitæ, non enim ibi ſunt elementares aquæ, & fluidæ, ſed cæleſtes vt D. Thom. 1. p. q. 78. art. 1. explanat: mouetur autem orbis

bis iste motu proprio ab occidente in orientem, quadraginta nouem millibus annorum secundum computationem. Alphonsi Regis, vel secundum Ptolomeum triginta sexmillibus. Supra hunc est decimus orbis, seu primum mobile qui summa rapiditate hoc est 24, horis mouetur ab oriente in occidentem, secumque rapit omnes inferiores sphæras, & efficit motum diurnum. Vltimo constituitur à Theologis cælum Empyreum, hoc est igneum, seu lucidissimum. De quo agit D Thom. 1. p. q. 66. art. 3. & vt no ac Doctör Sanctus, hoc cælum non inuenitur per rationes astrologicas, cum non moueatur, sed ex autoritatibus Sanctorum videlicet Basilij Homil. 2. in Hexameron à medio, Bedæ & Strabi super primum caput Genes. Est autem cælum hoc ad gloriam Beatorum ordinatum, & ideo perpetuò quiescit, pulchritudine summa, lucequè conspicuum, quæ tamen ob sui raritatem radios in nos non emittit, vt videri possit; & creditur ex parte superiori quadratum esse non rotundum iuxta illud Apocalypsis 21. *Ciuitas in quadro posita est.*

*Elementaris* autem mundus quatuor simplicibus corporibus seu elementis constat, scilicet igne, aere, terra, & aqua. Et relicto igne qui ob sui acrimoniam omnia consumit, in reliquis omnibus Metheora contingunt præsertim verò in aere, qui in tres regiones diuiditur, suprema, quæ nubes excedit, & ob ignis vicinitatem est rarior, & calidior, alia media vbi nubes, & pluiæ generantur, & quæ frigida est; infima denique nostris hic visibus deseruiens, quæ calida est ob reflexionem radio-

rum Solis, è terra iterum ascendendum quæ reflexio terminatur vsque ad mediam aeris regionem. Has autem diuersas regiones experientia docet, altissimi enim montes superant non solum hanc nostram regionem, sed etiam secundam, & vsque ad tertiam transcendunt, vt Olympus in Thessalia, de quo S. August. refert 3. de Genes. ad litteram cap. 2. aere in in eius vertice esse adeò tenuem, vt neque homines sustinere valeat. Licet autem ex natura sua aer sit summè humidus, & excellenter calidus, in suprema tamen regione calidior est ob vicinitatem ignis, quam natura sua postulat, in media regione frigidior, quam eius naturalis conditio exigit inuenitur. Tùm propter vapores ipsum refrigerantes. Tùm propter defectum radiorum solis, & elongationem ab igne. Tùm propter antiperistasis. Nec tamen ideò aer istius regionis grauior est aere nostro, quia noster aer ob multas terræ concretiones spissior multo est, & crassior ideoque in infima parte ponendus. Nec violenta censenda est hæc frigiditas in aere cum & vniuersali naturæ consentanea sit, & naturali concursu causarum fiat, & à dispositione naturali ipsius aeris sit mediante inter duas regiones calidiores.

Igitur secundum ordinem elementorum disponemus tractatus de metheoris, vt primo de his, quæ in aere generantur, deinde de his, quæ in aqua, & mari contingunt, & tertio de his, quæ in terra fiunt dicamus, prius tamen oportet inuestigare an in cælo possint esse metheora.

## TRACTATUS II.

*De impressionibus celestibus quæ in ipso cælo videntur.*

## CAPVT PRIMVM.

*De Galaxia, seu circulo lacteo &*



PPARET serena nocte in cælo via quædam, seu circulus candidus ad modum lactis, qui à Græcis Galix dicitur, à latinis via lactea, de qua Ovidius primo Metamor.

*Est via sublimis cælo manifesta sereno.*

*Lactea nomen habet candore notabilis ipso.*

Adeo autem notabilis ut in diuersas opiniones, & fabulas mentes Philosophorum, ac Poetarum diuerterit. Nota est fabula de lacte Opis, seu Iunonis ex cuius aspergine lacteam illam viam emerfisse finxerunt. Alij ex casu Faëtonis semitam, illam relictam. Alij ex conuersione solis ad orientem ob facinus Thiestis. Huiusmodi igitur nugis relictis; varias Aristot. refert Philosophorum sententias in cap. 8. 1. metheororum lect. 12. apud D. Tho. de huiusmodi circulo. Quorum quidam ad calorem, seu ignem, qui in cælo sit, eius causam reuerterunt; qui ex eo coarguuntur, quia elementarem qualitatem, aut substantiam in cælestibus ponunt, cuius oppositum late demonstrat Philof. in 1. de cælo. Alij verò putarunt illum

circulum esse splendorem aliquarum stellarum, quæ à sole propter umbram terræ non aspiciuntur, & sic nec obscurantur à splendore solis. Sed hoc omnino falsum est. Primò quidem: quia umbra terræ, ut docent Mathematici non pertingit nisi ad orbem Mercurij, qui est secunda sphaera, non autem ad firmamentum; cum autem corpus solare sit maius tota terra secundum propria perspectiuorum, eius radij coeunt post finem umbræ corporis opaci sibi oppositi. Vnde iunguntur radij solis post sphaeram Mercurij, ubi terminatur umbra terræ, & sic totum firmamentum illustrat nec à terræ umbra aliquid eius absconditur, & sic omnes stellas si mamenti aspicit. Et secundo, etiam si non aspiceret, tamen cum sol in cursu suo annuali in diuersis partibus cæli, & Zodiaci ponatur, diuersi modè stellas respiceret, modo scilicet unas modo alteras, atque adeo non ex eisdem stellis constaret via lactea quod est contra experientiam.

Arist. autem possunt viam lacteam non esse in cælo, sed in suprema aeris regione, esseque quandam exhalationem copiam latè diffusam & à vi frequentium stellarum qua in ea parte cæli sunt eleuatam quasi perpetuum quædam momentum flagrare, in ea enim parte, qua gignitur iste circulus magna frequentia, & spissitudo stellarum est, quæ sporticæ, idest, seminatæ dicuntur à quibus perpetuo exhalatio illa eleuatur, & inflammatur in aere, sicque claritatem illam candidam emittit, quia sicut inquit Philos. exhalatio eleuata ab aliquo sydere & inflammata, cometæ faciem exhibet, sic à multitudine stellarum, quæ sunt in illa cæli

par-

parte eleuata copia exhalationis, diffusam illam viam ostendit ad modum circuli lactis claritatem habentis : & signum inquit, huius est, quia via lactea non est vbique similis, sed in vna parte ostendit duplum lumen, quam in alia. cuius non est alia causa, quam multitudo exhalationum in vna parte conglobata, quæ in alia rarior est, & ideo tantam non iaculatur claritatem. Quod autem non fiat similis circulus sub Zodiaco, in quo magna etiam stellarum frequentia est, manifesta est responsio, quia sub Zodiaco non potest diu congregari exhalatio, quia dissipatur à nimio calore solis, & cæterorum Planetarum decurrentium in illo, sicut eadem de causa circa solem, & lunam non generatur cometes, quia dissipatur in breui exhalatio per motum, & calorem solis, ac lunæ; & ideo circulus lacteus intersecat, & diuidit Zodiacum, protenditurque à septentrione ad meridiem, cingens, & secans cælum per sagittarium, & geminos.

*Sententiæ* Arist. contradicit vniuersa astrologorum schola, & diutissima experientia, quæ circulum illum lacteum non in aere, sed in ipso Aplane, seu octaua sphaera ponit, cum compertum sit ab obseruationibus astrologicis, eodem motu moueri, quo octaua sphaera, & non est aliud, quam multitudo, & frequentia stellarum, quæ sibi propinquæ sunt, & exiguæ, & ita propter distantiam nimiam vna discerni nequit ab alia, sicque omnes vnum videntur splendorem efficere, vel potius sunt partes quædam densiores octauæ sphaeræ, in quibus densius lumen recipitur, vt possit terminare visum, vt non transeat, sicut per diapha-



phanum, & ideo partes illæ densæ reflectunt lumen, & iaculantur illud, quod quia non adeo excellens est, candidum refert colorem. Sane quod Galaxia non sit in aere, neque ex inflammatione exhalationum resultet, multiplex experientia suadet. Primo, quia impossibile est tantam exhalationum copiam tanto circulo necessariam in tot annorum sæculis eodem semper tenore suppetere, & durare in aere, cum vix sit cometa qui vno anno duret, nullus, qui ad duos annos peruenerit adhuc sciatur, præsertim quia in frigidissimis regionibus ferè nullæ exhalationes ascendunt ob caloris penuriam, ideoque regiones aliquæ, quæ maximè ad Polum accedunt, ventis carere dicuntur; & tamen ibi apparet Galaxia. Secundo, quia cum circulus iste transeat per sagittarium, & geminos, quando sol decurrit illa signa ferè suo dissiparet omnem exhalationem ei suppeditam, sicque appareret tunc circulus diuisus. Denique, quia si in aere esset, non videretur eodem modo ex omni parte terræ, sicut neque comete videntur sub eadem stella ex omni parte. Constat autem circulum istum ex omni parte terræ videri, & circa eadem astra. Signum ergo est in cælo esse. Quare subiectum Galaxiæ octaua sphaera est, ut diximus, vbi tanquam in luminoso corpore residet illa claritas, quæ per cælos, & elementa diaphana defertur vsque ad nos, sicut lux solis.

*Sed quid agemus de Arist. Iauellus putat codicem, quem nunc habemus corruptum esse; quia secundum antiquam translationem, quam sequitur Albertus ponitur Galaxia in octaua sphaera.*

**sphæra** . Sed mirum est , quod in translatione D. Thom. qui Alberti discipulus fuit , id non inueniatur ? Sanè non improbabiliter posset dici : quod licet **Galaxia** sit in octaua **sphæra** subiectiue , tamen quod color eius appareat candidus causatur ab exhalationibus aeris supposita densitate , aut multitudine stellarum , quæ in illa parte cæli sunt . Ita quod sicut cælum ex ea parte , qua diaphanum , & rarum est apparet cæruleum , non quia cæruleum sit in se , cum sit expers coloris , sed quia propter exhalationes continuas , & distantiam visus , ita apparet ; sicut sol , aut luna , in ortu suo aliquando videntur ardere , ob eandem causam ; sic in ea parte , qua cælum modicè densum est apparet album , non quia in se album sit , sed quia lux eius per aerem exhalationibus plenum traiciens , speciem candoris refert , & ideo ab exhalationibus causari dicitur ab Aristotel. **Galaxia** . Hæc tamen non asseueranter , dixerim , quia neque in authore aliquo reperio .

## C A P V T II.

*De macula luna .*

**E**xperientia docet in luna , præsertim quando plena est apparere maculas quasdam , quæ effigiem hominis repræsentant , vel vt Alberto videtur leonis , caudam habentis versus orientem , caput versus occidentem . Sententias diuersas de illa refert D. Thom. 2. de cælo lect. 12. Putarunt aliqui nihil tale in luna inueniri , sed visum nostrum hallucinari sicut columbæ columbæ quando radijs solis opponitur  
colo-

coloribus quibusdam spargi videtur, qui tamen ibi non sunt. Sed cum hi non assignent causam deceptionis huius, decepti ipsi videndi sunt. Alij putant causam huius esse interpositionem alicuius corporis inter nos, & lunam ob quam plene claritas lunæ videri nequit, sicque ex illa parte, qua illa corpora interponuntur obscuram videri, ac maculosam. Alij existimant maculam hanc esse imagines montium, ac nemorum, quæ in luna velut in speculo quodam resultant è terra. Vtraque hæc positio refellitur à D. Thom. quia ex illis sequeretur non videri lunam ex omni parte terræ cum eisdem maculis; quod experientiæ aduersatur. Etenim corpus, quod interponitur inter nos, & lunam non eodem modo interponitur ex omni parte terræ, & sic neque similem ex omni parte vmbra effecere potest, sicut quando luna eclipsat solem, non ex omni parte videtur eclipsis, quia non eandem seruat interpositionem, respectu omnis partis terræ, similiter, neque terra vbique eandem dispositionem montium, ac nemorum habet præsertim in mari, & sic non posset inde imaginem illam vmbrosam in luna tanquam in speculo vbique gignere, neque ex omni parte eodem modo apparere.

Vera igitur causa huius maculæ est dissimilitudo partium ipsius lunæ. Quædam enim sunt densiores, aliæ rariores; densiores, plus imbibunt de luce, sicut etiam ferrum plus imbibit de calore, quam lignum: rariores autem minus, & ideo densiores plus lucis iaculantur, clarioresque apparent, rariores vero subobscuræ, & vmbrosæ propter paucitatem lucis.

Habet autem hanc partium diuersitatem luna eo quod cum infimum corpus sit inter cœlestia, accedit quodam modo ad naturam elementarium; ideoque quandam obscuritatem, & deformitatem habet quasi ipsis propinqua, & proportionata, sicut etiam terra, quia infimum elementum est, magis grossam, ac deforme est cæteris, sic luna quia infimum est inter cœlestia deformitatem aliquam sortitur.

## CAPUT III.

*Num in cælo meteorum aliquid de nouo generetur.*

**R**ationem dubitandi præbuit portentosum illud sidus, quod apparuit anno Domini 1572. inter sidera Cassiopeæ, quæ sunt tredecim, & cum tribus illarum perficiebat figuram quadrangularem, durauit autem duobus annis; & primo plus quam sidus primæ magnitudinis effulsit, utpote qui stellam Veneris claritate superabat: deinde post menses aliquot visum est quasi tertiæ magnitudinis sidus, ac tandem euanuit. Nostreis etiam diebus sidus aliud visum est nouum in cælo circa annum 1603. tanta magnitudine ut caniculæ maioris amplitudine videretur. Supponunt autem astrologi, qui de ea re scripserunt illam stellam fuisse in cælesti regione non in aere, sicut quibusdam visum fuit. Tum quia visa est eodem modo moueri, sicut astra, cum tamen cometa, qui sunt in aere tardius ferantur. Tum quia quæ apparent in aere, non eodem modo videntur ex omni parte terræ. Stella autem illa,  
& in

& in omni parte, & eodem modo vbique visa est, & ob eandem rationem non potuit esse exhalatio inflammata in aere sub aliquo fide-  
re minori, quæ tunc faceret illud apparere maius. Tunc enim non posset ex omni parte terræ videri exhalatio illa, nec sub eodem fide-  
re, præsertim quia cum exhalatio in aere tar-  
dius moueatur, quam sidus, non posset semper circa sidus apparere, cum non vniformiter mo-  
ueatur sidus, & exhalatio. Obseruatum etiam  
fuit ab astrologis non fuisse sidus illud aliquod  
ex tredecim, quibus constat Casiopea; fuerunt  
enim tunc obseruatæ tredecim in Casiopea si-  
cut modo, & vltra illas splenduisse nouam hanc  
stellam.

Hoc supposito quidam dixerunt: fuisse me-  
teorum, seu cometam in cælo generatum se-  
cundum causas naturales, & ideo fatentur es-  
se possibile, quod meteora naturaliter in cælo  
generentur. Sed obstat sententia hæc com-  
muni Philosophorum consensui, qui cum  
Arist. in primo de cælo constituunt cælum es-  
se incorruptibile, & consequenter ab omni  
impressionem elementali alienum. Sane si na-  
turaliter cælum ab elementali impressione pa-  
ti posset, quis dubitet sphaeram ignis aliquid in  
cælo lunæ sibi contiguo tot sæculorum decur-  
sibus immutasse? Quare nullo modo ponen-  
dum est metheorum aliquod corruptibile in  
cælo generari posse. Et ideo tanquam proba-  
bilis fatendum est sidus illud supernaturali  
Dei virtute miraculose formatum fuisse in re-  
gione cælesti ad aliquem effectum nobis oc-  
cultum, sicut etiam tempore Iosue cælum ste-  
tit, & in vita Sancti Hilarionis simile quid ac-  
cidisse

cidisse narrat D. Hieron. Ezechia quoque tempore sol decem lineis retro conuersus est . Et in passione Christi Domini luna soli opposita propter plenilunium subito sub ipso collocata est , vt solem eclipsaret . Quapropter non est mirum , quod his etiam temporibus aliquid virtute supernaturali à Deo immutatum sit in corpore caelesti .

## TRACTATVS III.

*De metheoris ignitis in aere apparentibus .*

### CAPVT PRIMVM.

*De cometarum materia , & causa efficienti .*



**E**t si plura sint meteora ignea varijs inter se differentijs segregata tamen inter omnia primum sibi locum vindicat cometa , qui dum apparet ita omnium in se oculos

conuertit vt nemo sit , qui eius naturam scire non appetat ignarus, vt inquit Seneca 7. naturalium quaestionum cap. 1. vtrum mirari debeat , an timere ? Igitur circa generationem Cometæ diuersæ fuerunt Philosophorum sententiæ quas refert Arist. 1. meteororum c. 7. & ex parte secutus est postea Seneca citatus . Et quidem omnes conueniebant in hoc , quod come-

cometa eſſet ſtella quædam cæli ex his, quas errantes dicimus, quæ ſunt planetæ, vel omnes, vel ſaltem quinque ex illis excepto ſole, & luna, vt dicit D. Thom. 1. metheor. lect. 9. & quidem Democritus, & Anaxagoras exiſtimabant cometam eſſe coniunctionem aliquarum ſtellarum errantium, quæ quando inter ſe appropinquant, apparent propter confuſionem luminis, quaſi ſtella longior, & cometa. Huic ſententiæ ex parte conuenit illa, quæ eſt Apollonij, & Senecæ exiſtimantium cometam eſſe coniunctionem plurium ſtellarum errantium, quæ diuerſæ ſunt à ſeptem planetis, habentque motum ab illis diſtinctum, quas Seneca putat eſſe nobis ignotas, & ſtellæ iſtæ certis temporibus apparentes cometæ ſunt. Alij exiſtimarunt cometam non eſſe plurium ſtellarum coniunctionem, ſeu congregationem, ſed vnam ex ſtellis errantibus, quæ propter viciniam ad ſolem non apparent obſcuratæ ab eius ſplendore, cum vero digreditur à ſole poſt longum tempus diſcernitur, habetque comam, vel propter partem ſideris ab eo fluentem, vel propter exhalationem attractam, & ſuppoſitam ipſi ſideri, in qua repercuffus ſolis ſplendor, vt in ſpeculo claritatem illam reddit, quæ quaſi coma ſideris, cui ſubiicitur, apparet.

Has opiniones improbat Philoſoph. pluribus rationibus. Et quidem quod cometa non fit plurium ſtellarum errantium congreſſus patet primo: quia planetæ ſolum poſſunt coniungi in Zodiaco, quia ſolum in illo ſuos motus peragunt, cometæ autem frequenter ſub varijs cæli partibus apparent, & pauci ſub Zodiaco

diaco, quia exhalatio, quæ est eorum materiâ dissipatur ibi à calore Zodiaci. Secundo, quia Planetarum inter se congressus pauco tempore durat, ut patet in coniunctione Solis & Lunæ. Cometa autem solet multis diebus, & mensibus durare. Tertio, quia quando omnes planetæ inter se disjunctæ cernuntur, apparet interdum cometa, & aliquando post congressum Planetarum, aut inter se, aut cum aliqua stella firmamenti non apparet, ergo falsa est illa sententia. Ex quo etiam conuincitur propositio Apollonij, & Senecæ. Præterquamquod ponere plures stellas errantes, quam septem Planetas est præter communem Astrologorum, & Philosophorum scholam, quia cum ex motu deprehendantur tales stellæ, ubi non agnoscitur motus earum, neque fundamentum est, ut ponantur, quod autem cometa non sit vna stella ex errantibus ex eo conuincit Arist. quia aliquando visi sunt duo cometæ simul, quod & refert Scaliger exercitatione 70. in Cardanum, se vidisse duos cometas diuersæ latitudinis simul, ergo cometa non est vna stella. Et deinde quia si apparitio cometæ esset digressio, & separatio stellæ à sole, occultatio eius esset per hoc, quod iterum appropinquaret ad solem. Testatur autem Arist. 1. Methe. c. 6. lect. 10. apud D. Tho. quod omnes cometæ suo tempore apparentes defecerunt sine hoc, quod appropinquarent ad solem existentes adhuc super Orizontem longe à sole, imò retrocedendo à sole quidam cometa cum peruenisset ad zonam Orionis, ibi fuit dissolutus, ergo.

*Igitur* Arist. omnesque eius sectatores consentiunt in hoc, quod cometa sit ex materia  
sub.



sublunari, & non in cælo, sed in aere apparet. Est ergo materia cometæ multa exhalatio sicca, & calida, pinguis, & benè condensata, & crassa, talis enim materia apta est, ut incendatur, & inflammationem diu potest retinere propter pinguedinem, & viscositatem, & quando continuo ascendit huiusmodi exhalatio propter aliquam stellam illi prædominantem, diutius durat cometa; illud autem, quod perfecte incenditur de tali exhalatione habet figuram stellæ, reliqua verò exhalatio magis diffusa & nondum perfectè ignita comæ figuram facit, ut dicemus sequenti capite. Aliquando verò exhalatio supposita alicui stellæ, vnum quid videtur cum stella, & tunc sola coma est in regione aeris, stella manente, seu existente in cælo, sicut quando apparet circulus circa solem, aut lunam, qui in aere est, planetis in cælo manentibus. Quod autem hæc sit materia cometæ à signo probat Philosophus, quia apparente cometa magna ventorum vis, & siccitas generatur propter multitudinem exhalationis è terra euocata in aere, de quibus Philosophus exempla aliqua refert, quæ circa suum tempus acciderunt. Denique quod in aere sit huiusmodi apparitio Mathematici conveniunt, quia deprehendunt instrumentis suis, quibus metiuntur altitudinem cæli, cometam inferiori loco, quàm lunam apparere, ergo non in cælo, sed in elementalī plaga apparere debet. Confirmabitur amplius hoc in capite sequenti.

*Causa* autem efficiens cometæ remota est sol, & astra materiam illam viscosam, & pinguem è terra educentia, proxima autem in-

flam-

flammans cometam est, vel motus exhalationis, motus enim est causa caloris, & aliquando ignis, vel particula aliqua decidens in illam materiam ex elemento ignis, vel fulmen aliquod ex nube in partem superiorem vibratum in quam frequenter fulmina erumpunt. Non est autem halitus aliquis recipiens in se radios solis, & sic lucens, alias posset de nocte eclipsari per interpositionem terræ inter ipsum, & solem.

## CAPUT II.

*De accidentibus Cometarum.*

**A**ccidentia cometæ partim sunt intrinseca, ut color, figura, motus, significatio: partim extrinseca, ut locus, & tempus. Igitur color cometæ non est verus, sed apparens, hoc est non ex mixtione quatuor primarum qualitatum proveniens, sed ex luce, & inflammatione cometæ. Solet autem triplex esse color cometæ, quidam enim sunt argentei coloris, alij rubei & cruenti, alij nigri, & tristes; quæ diversitas colorum ex diversitate materiæ quæ incenditur provenit, si enim exhalatio sit rarior & tota inflammetur, apparet albi coloris, sicut flamma rarior apud nos candidum refert colorem; si vero sit exhalatio adeo densa, ut non perfectè inflammetur, igniatur tamen, apparet rubeus sicut ferrum, aut carbo ignitus. Si denique sit nimium viscosa, & densa materia, ut neque inflammari, neque igniri possit, sed potius ignem sibi propinquum extingat, tunc apparet quasi carbo niger, vel etiam pro-

propter nimiam fumositatem materiæ, occultatur ignis, apparetq; nigri aut fumidi coloris.

*Figura* cometæ etiam triplex esse solet. Alij enim sunt criniti, idest habentes figuram cometæ seu crinium, alij barbati, idest speciem barbæ referentes, alij caudati. Quæ diuersitas provenit ex diuersitate densitatis, raritatis, ac diffusionis materiæ; si enim exhalatio in medio sit densa, & secundum omnes extremitates rara, ac diffusa; quando inflammatur apparet quasi stella crinibus sparsa, si verò secundum vnâ extremitatem sit solùm rara & materia ibi longe extendatur, tunc quando inflammatur apparet cauda. Si denique exhalatio sit rara, & attenuata versus aliquas extremitates, sed non versus omnes & illæ sint modicè extensæ, diffunditur splendor per illas ad modum barbæ. Vnde sequitur quod si tota materia cometæ sit vndique addensata, & ex nulla parte rara, apparebit ad modum pilæ ignitæ, non autem vt radios emittens quia radij ex raritate splendoris, & materiæ inflammatæ proveniunt.

*Motus* cometæ varius est; aliquando enim mouetur ab oriente in occidentem motu primi mobilis, qui imprimitur in corporibus celestibus, & adhuc durat in igne, & suprema parte aeris; quia verò aer non recipit totam efficaciam huius motus sed propter motus ipsius deficientiam, & aeris tenuitatem languidius mouetur, idè est quod cometæ tardius moueantur, quam ipsum cælum, ideoque videantur quodam modo moueri ab occidente in orientem retardando priorem motum ab oriente in occidentem. Mouetur etiam à septen-

tent rione ad austrum, & ad alias partes ob virtutem alicuius sideris dominantis, & trahentis cometam, aut propter materiam, quæ sibi ab aliqua parte suppeditatur ad quam inflammandam serpit ignis cometæ, & ob eandem rationem potest moueri sursum, aut deorsum, quia ex parte inferiori, aut superiori ponitur illi materia, quam inflammæ, deficiendo ex parte opposita.

*Significatio cometæ est multiplex. Primò enim significat magnam ventorum vim, & terræmotus, quia dum cometa generatur, magna copia exhalationum eaque crassa eleuatur, vt nutriatur cometa, vnde si talis exhalatio libere è terra ascendat ad aerem, magna pars illius relinquitur in media, & infima regione aeris, à qua causantur venti: si verò liberum exitum è terra non inueniat concutit terram fitq; terræmotus ex quo sequitur, quod enunciet tempestates, quæ ad ventorum ortum sequuntur. Secundo significat sterilitatem terræ, & famem, quia cum ex forti calefactione solis & stellarum multa exhalationum copia ascendat, succus terræ consumitur ob tantam euocationem exhalationum, sicque manet sicca, & sterilis, & fructus pereunt. Tertio significat intemperiem aeris, epidimiam, & alios morbos, quia cum exhalatio illa crassa sit, & viscosa, ac nimium calida, aerem reddit venenosum & conspersum exhalationibus istis, qui attactus ab hominibus, eisque adhærens, humores corrumpit, & morbos generat. Ex quo quarto sequitur quod significet mortes Principum, & magnorum, quia facilius à tali aere inficiuntur vtpotè delicatius viuentes. Quæ*

tamen causa non est sufficiens, cum plures infantes sint Principibus teneriores, ac multi è plebe delicatius viuât, quam aliqui Principes; quorum tamen mortem cometa non designat. Sed verius est mortem Principum in speciali significare ex beneplacito Dei, qui cometam tanquam signum mortis Regum exhibet, vt ait Damasc. 2. de fide c. 27. aut saltem ex usu, quia videmus frequenter sic accidere mortes Principum ex apparentia cometarum. Denique significare solet bella, & prælia propter multitudinem siccæ exhalationis & calidæ, quæ choleram excitat, ac nutrit, & ad iram vindictamque inclinât.

*De loco cometæ*, qui accidens est extrinsecum, diximus in præcedenti capitulo, quod generantur in suprema aeris parte. De tempore autem dicimus, quod omni anni tempore cometa gigni potest, præsertim in autumno, quia propter nimium calorem æstatis præcedentis multa viscosa, & crassa calidaque exhalatio in terra genita est, quæ tunc eleuatur in autumno, nec tamen propter feruorem caloris dissipatur, sicut fieret in æstate si ascenderet, in hieme vero frigus, & humiditas siccitatem, & calorem exhalationis impediunt. Tempus autem, quo durat cometa certum non est, cum aliquando multa exhalationum copia ei suppetat, aliquando pabulum deficiat, aliquando ignis, qui materiam illam depascit lentus est diuque durat; aliquando fortis, & cito materiam consumens. Dicitur tamen in excidio Hierosolimitano tempore Titi vno anno pependisse cometam supra Ciuitatem, vt Auctor est Iosephus, lib. 7. de bello Iudaico, c. 44. *Raro*

*ultra*

ultra sex menses cometæ durant, de quo vide-  
ri potest Seneca 7. natur. quæstion. c. 12. & ad  
octoginta dies eorum durationem extendit  
Plinius, lib. 2. c. 23.

## CAPUT III.

## De Tonitru, &amp; Fulgure.

**R**elictis opinionibus Philosophorum, quas  
in 2. Metheororum cap. 2. lect. 16. apud  
D. Tho. refert Aristot. circa generationem To-  
nitru: vera causa sonitus illius est exhalatio  
sicca, & calida intra nubem densam compressa  
eamque motu suo distrumpens, ex qua dirup-  
tione sequitur ingens ille sonus. Contingit au-  
tem sic: quando exhalatio sicca, & calida in-  
cluditur intra nubem crassam, ac densam ex-  
halatio illa vel motu, vel antiperistasi incale-  
scit ac rarefit, & ampliorem locum quærit, nu-  
bes vero frigore secundæ regionis compressa,  
& coagulata comprimit etiam exhalationem  
illam, quæ dum crescente calore exitum quæ-  
rit, & huc illucque discurrit, vehementia calori-  
s, & agitata nubem contundit, & rumpit, sic-  
que causat fortem sonitum, qui vocatur toni-  
trum, sicut etiam venti verberantes mare  
ingentem sonum excitant, & castanea posita  
ad ignem incalescente, ac subtilizato spiritu  
exitum quærente, cum strepitu frangitur. Ea-  
dem quoque ratio est sonitus, quem edunt tor-  
menta bellica, & sclopetæ incenso pulvere tor-  
mentario, qui in angusto loco inclusus, dum  
igne accensus rarefit, & ampliorem locum quæ-  
rit, aerem concutit, ac frangit ingenti boatu,

pilamque emittit . Non est tamen necessarium  
semper ad tonitrum , quod exhalatio accen-  
datur, & ignem corripit, cum ex sola concus-  
sione possit generari vehemens ille sonitus;  
imò ut placet aliquibus inter quos est *Lucre-  
tius*, & *Seneca*, sine eruptione exhalationum,  
& fractione nubis possunt tonitrua edi ex ve-  
hementi nubium collisione inter se, sicut ex  
collisione aquarum immanis fluctuum resonat  
fremitus . Quod vero sine nubibus aer tonare  
visus sit in his montibus, qui flammam eructant,  
propriè illa non sunt tonitrua , sed emissio ali-  
cuius spiritus, & exhalationis in terræ cavernis  
inclusæ cum arena, & cineribus , aut etiam sa-  
xis commixtæ, quæ per motum voragine erū-  
pens ingentem edit sonum ad modum bellici  
tormenti . Porro multiplex est tonitruorum  
differentia , aliquando enim edunt mugitum,  
seu graue quoddam murmur per modum tu-  
multuationis. Cuius causa est, quod spiritus,  
& exhalatio clausa in cœcavis partibus nubium  
volutatur in illis, & agitur , non tamen tan-  
to impetu, ut scindat nubem, quia nondū mul-  
tum incaluit, & tunc raucum edit sonum, si-  
gnumque esse solet pluuiæ . Aliquando vero  
exhalatio scindit nubem vno ictu continuo ad  
eum modum quo membrana, vel pannus toto  
conatu rumpitur, & tunc oblique nubes scin-  
ditur successiue incensa sicca exhalatione,  
quæ nubem successiue percutit, ac disrumpit.  
Aliquando vero pluribus ictibus exhalatio suc-  
censa scindit nubem , & tunc fit crepitus si-  
milis combustibili in igne crepitanti, quod  
contingit quando exhalatio est subtilior, & in-  
flammata quærit ampliorem locum inter di-  
stinctas

stinctas partes nubis, sicque diuersis vicibus illas percutiens, frangit. Plures differentiæ videri possunt in Arist. lib. 2. cap. 8.

*Fulgur* non est aliud, quam exhalatio in nube accensa, & igne tinctâ colore. Incenditur aliquando hæc exhalatio ex motu, & collisione spiritus ad nubem, aliquando per antiperistasis circumobstantis frigoris nubis. Si motus exhalationis, & collisio sit ad nubem densam, & resistentem, fit fulgur simul cum tonitruo; si vero nubes non adeo resistat, quia leuior est, & non crassa, fit sola coruscatio sine tonitru, qualem æstiuis noctibus per sæpè videmus. Sed quæret aliquis, si ex collisione, & disruptione nubis prouenit succensio, & inflammatio exhalationis, prior ergo est motus eius, & sonitus inde resultans, quam fulgur, quod ex tali inflammatione fit, quare ergo apparet fulgur prius, quam audiatur tonitrum. Respondet Aristot. causam esse, quia visus præcedit auditum, visio enim non indiget tempore, sed in instanti, quo apparet lucidum, emittuntur eius species ad oculum, & fit visio; auditus autem cum percipiat sonum, qui fit per motum, & tempore perficiatur, species quoque eius, tempore, & successiue deferuntur ad auditum, & sic indiget tempore, ut percipiatur sonitus, & ideò potest prius videri fulgur, apparetque hoc in percussione, quæ à longè videtur; prius enim videmus malleum tangere rem percussam, & iterum eleuari ad secundum ictum, quam audiatur sonus prioris ictus, & rem prius videntur ferire aquam, & eleuari, quam audiatur sonus primæ percussionis.



## CAPVT IV.

*De Fulgore, & eius effectibus.*

**F**ulmen dicitur exhalatio ignita è nube magno impetu excussa. Differt à fulgure, & à tonitruo; à fulgure quidem, quia exhalatio fulguris magis rara est, fulminis vero crassior, utpotè quæ non dissipatur in aere, sed ad terram descendit. Item quia fulgur non excutitur, nec vibratur à nube, fulmen verò è nube vibratur, vnde & maior vis requiritur ad fulmen, quam ad fulgur. A tonitruo vero differt, quia tonitrum est sonus factus eo modo quo diximus, fulmen vero est ignea substantia ex nube excussa. Generatur ergo fulmen hoc modo. Quando exhalatio bene sicca, & aliquantulum addensata taliter, quod partes eius bene inter se sint coherentes includitur intra crassam, & magnam nubem, accidit ut exhalatio illa, vel motu, vel per antiperistasis incalescat, & incendatur sicut fulgur, tunc vero cū exhalatio illa fit densior, fortius incalescens, nubem illam vehementiori impetu concutit, ac sibi diu resistentem magna vi frangit, & si contingat, quod per inferiorem partem eam rumpat, ipsa vehementia impetus, qua nubem dirumpit, fertur ad terras, & quia partes habet bene coherentes, non statim dissipatur in aere, sed ad terram pertingit omnia quæque obuia dissipans, ac perfringens, sicut fecit in nube; quia vero fulmen, ita fortiter vibratur, commotionem causat in aere, qui natura est ab exhalationibus moueri, & ideo fulmen præcedit

dit, & sequitur plurimus halitus ad modū vēti, ratione cuius aliquando fulmen non rectē descendit, sed obliquatur, & varias in partes iuxta venti illius impetum deducitur. Habet autem nonnunquā fulmen odorem sulphureum; cuius causa est, vel quia exhalatio ex qua constat, e terra sulphurea eleuatur, vel quia ob siccitatem, & humiditatem sic aliquando temperatur in nube exhalatio, ut qualitates sulphuris acquirat.

*Sed quæres*, an fulmen deferat aliquando lapidem, ut vulgo putatur, sicque possimus dicere fulmen esse lapidem. Respond. quod ut notat D. Tho. 3. Metheor. lect. 2. fulmen nunquā est corpus solidum, seu lapis, sed spiritus, aut exhalatio sicca, & accensa, licet possit contingere, quod deferat secum lapidem, qui tamen non est fulmen, sed aliquid delatum à fulmine, sicut globus emissus à bombardā non est ipse impetus, seu vis bombardæ, sed aliquid ab eius vi delatum. Potest autem lapis iste aliquando generari in ipsa nube ab exhalatione calida digerente humidum nubis, si enim vapor nubis sit viscosæ humiditatis, habens admixtum multum exhalationis terrestris, quod potest aliquando contingere, fit illud humidū ad modum luti, quod ab exhalatione sicca, & accensa decoquitur, & exsicca ut ad modum quo lateres decoquantur, sicque induratur quasi lapis, qui è nube, maiori impetu, quam pila tormenti bellici excutitur, quidquid sibi obuium fuerit euertens, ipsamq; terram penetrans, licet, ut Plinio videtur lib. 2. naturalis historix, cap. 55. non altius quinque pedibus intra terram mergatur.

*Hinc fit* varia genera fulminum, aliqua enim sunt valde penetratiua, & terebrantia, & talia habent flammam tenuem propter multitudinem exhalationis subtilis ideoque per angustissima loca solent penetrare alia vero sunt quæ dissipant, & findunt, & talia constat exhalatione densa, & indurata, ac non nunquam lapidem ferunt; alia denique vrunt, eo quod exhalatio, licet sit densa non tamen est omnino indurata, & ideo propter densitatem igitur, sicut carbo, non vero in flammam vertitur, & ideo nec penetrat, sicut flamma, nec findit sicut lapis, sed vrit sicut carbones.

*Fulminum* effectus adeo varij sunt, & mirabiles, vt naturam videantur excedere, inuenitur enim aliquando fulmen liquefacere ens sem in vagina, & aurum, aut æs in sacculo, ipsa vagina, & sacculo prorsus illæsis, & de milite quodam narrat D. Tho. lib. 3. Methe. lect. 2. qui ictus a fulmine habens scutum ligneum, & sub eo arma ferrea fulmen confregit, & partim liquefecit arma, scuto illæso; solet etiam hominem interficere illæsis vestibus, & ossa comminuere integra carne. Horum autem ratio est, quia fulmen vt diximus solet esse subtilis exhalationis benè tamen coadherentes, & vnitas habens partes, & ideo in corporibus flaccidis, ac porosis subtilitate sua per poros ingreditur, & quia sibi non resistunt talia corpora, nec diu in illis moratur, ideo non multum operatur in eis, vbi vero inuenit corpora duriora, & sibi resistentia diu in eis moratur, & sic maiorem imprimat effectum, præsertim quia spiritus quando ei resistitur, multiplicatur, & fortificatur, agitque vehementius,

tius, magni enim turbines qui arbores è radicibus euellunt, & saxa frangunt, molliores arduines, & stramina illæsa relinquunt; sic fulmen in vagina, & sacculo non diu moratur, & eadem facilitate, qua intrat, exit; ferrum autem, aut æs intus existens fortius adurit. Visum est etiam aliquando fulmen percussisse dolium vini, & fractis tabulis, & asseribus, vinum ipsum stetisse concretum, neque effundit, vt refert Albertus Magnus, tract. de Tonitruo, cap. 22. & ex Seneca D. Tho. lect. cit. Aliquando verò è contra, vt refert Lucretius inuentum est fulmen totum vinum consumpsisse. dolio intacto. Causa primi est, quia aliquando contingit vinum esse grossum, ac viscosum, & siccas habens exhalationes admixtas, & ideò à calore addensari potest, sicut, addensatur sal, & sulphur; & si super tale vinum cadat fulmen subtile, & penetratiuum, dolium ob sui resistentiam frangit; vinum autem, quia non habet poros, vt penetrari possit, diffunditur fulmen circa exteriores partes, & in crustum addensat, & sic quasi corio circumdat, detinetq; vinum ne effundatur; si vero dolium non sit adeo forte, & fulmen non sit subtile, sed grossius, adeoque calidius, non penetrat vas, & ideo tale fulmen non multum lædit dura, & resistentia sed rara; vnde ob nimium calorem & siccitatem consumit vinum, dolio non læso, quia non resistit vehementiæ fulminis.

*Si quæras, quare animalia percussa à fulmine, faciem inueniantur habere versam contra impetum fulminis. Resp.* causam esse quia animal naturaliter vertit se ad illam partem, vnde sentit sibi venire nocumentum, vnde

quando à vento, qui antegreditur fulmen tan-  
gitur, vertit ſe ad partem fulminis à quo ci-  
tius interficitur, quam poſſit caput auertere, &  
ideo manet conuerſum ad partem vnde ful-  
men vibratur. Plures effectus vide in lauello  
in traſt. 6. Metheororum, cap. 4.

## C A P V T V.

*De aliquibus ignibus in aere apparentibus.*

**V**T ab eo quod frequentius accidit exor-  
diamur, primo occurrit de ſideribus di-  
ſcurrentibus ſeu ſtellis quas videmus in aere  
volitare, quæ dupliciter generantur. Vno mo-  
do quando exhalatio aliqua tenuis ſucceſſiue  
extenditur, & accenditur, & à ignis per ma-  
teriam illam ſucceſſiue aggeneratur, ſicque  
videtur ſtella diſcurrens, quia enim exhalatio  
eſt tenuis de facili accenditur, & ſplendorem  
exhibet. Alio modo contingit, quia exhalatio,  
in vno loco accenditur, & deinde motu fertur  
ad alium locum, aliquando quidem ſurſum à  
leuitate innata, aliquando deorſum, pulſa à fri-  
gore ſecundæ regionis, vel alicuius nubis, ali-  
quando ad latus, quando ſcilicet leuitas ſur-  
ſum ferens, & frigus deorſum trudens non ad  
modum ſe vincunt, & ita in latus tendit.  
Quando autem per antiperiſtaſim accenditur  
talis exhalatio, & quando deorſum fertur, ma-  
niſeſtum eſt gigni infra ſupremam aeris partē,  
quia in ſuprema frigus non eſt, à quo antiperi-  
ſtaſis fiat, & deorſum impellatur exhalatio.  
Proinde quando magna iſtarum ſtellarum co-  
pia apparet, horridi denunciantur venti tem-  
peſta.

pestatesque eo quod ad earum generationem, exhalationum siccarum copia debet ascendere, ex qua etiam venti gignuntur.

*Secundo generantur* in aere ignes quidam, qui dicuntur capræ saltantes cum scilicet materia exhalationis in longum protenditur magis, quam in latum, & in lateribus est rarior, ut quasi fila habere videatur, tunc si inflammantur, illa materia videtur saltare propter scintillationem tenuis materiæ, & quia in longum protenditur, videtur, habere similitudinem capræ, & sic appellantur capræ saltantes, vel certe generatur hoc Metheorū genus si diuersæ sint exhalationes disinctæ quidem inter se, sed aliqua subtiliori parte concretæ, per quam una alteri ignem porrigat, ut quasi ab una ad aliam saltare ignis videatur.

*Tertio contingit* Draco volans, generaturque ex exhalatione non admodum calida, nec valde densa, & coagulata, quæ dum in sublime ascendit, occurrit aliquando frigida nubi, & deorsum impellitur, & motu aut per antiperistasis accenditur, & quia ab impulsione frigida nubis obliquatur, & flectitur, speciem habet ventris Draconis, quia vero subtilior est ex una parte, qua recedit à nube, videtur scintillare, & ignem euomere, ex alia vero parte qua nubem frigidam attingit quasi constringitur, & speciem refert caudæ Draconis.

*Quarta contingit* lancea, & sax; lancea fit quando exhalatio æquali crassitudine in altum porrigitur, & inflammatur, & immobilis videtur stare; sax autem, quando conglobatur multa exhalatio æque distensa, & fit subtilis, ut simul tota inflammetur, tunc subito ardet

tanto aliquando splendore, ut noctem velut diem illuisset.

*Quinto contingunt* aliqui ignes in infima regione aeris; primo quidem in tempestatibus, qui a nautis ignis sanctus dicitur, a Græcis Castor, & Pollux, & Helena. Constat ex exhalatione pingui, & viscosa, inflammaturque agitatione, & motu ventorum, vel per antiperistasis; & aliquando apparet vnum, aliquando vero duo. Si in inferiori parte navis appareat, formidabilis esse solet nautis, & infausæ significationis, si verò in antennis, & superiori parte, laustus, & propitius, quia cum illa exhalatio eleuatur signum est non ita turbatum esse aerem, cum iam non impediatur ascendere, ideoque frangitur tempestas. Si vero in inferiori parte appareat, signum est plurimæurbationis ventorum, à quibus impeditur ne ascendat. Aliquando inuenitur ignis, qui vocatur lambens, & apparet in capitibus hominum, aut equorum, generaturque frequenter ex sudore animalium præsertim calidi temperamentis, quia incalescente corpore emittit vaporem illum viscosum, & pinguem, qui rarefactus, motu ipso animalis calorem ignemque concipit, qui dispersus per aerem solet capillis inharere & scintillare. Similiter contingit aliquando ignis, qui vocatur fatuus, qui frequenter apparet in cameterijs, & super capita pendendum in paribulis, quia generatur ex viscosa exhalatione habente partes satis conglutinatæ, qualis frequenter ex cadaveribus emittitur, & per antiperistasis frigoris nocturni, vel collisionem, ac motum accenditur, & ad motum aeris mouetur modo; huc, modo illuc;  
ynde

Vnde aliquando homines sequi videtur, aliquando præcedere, aut aliò tendere secundum aeris motum, ideoque fatuus dicitur.

## TRACTATUS IV.

### *De Coloribus in aere apparentibus.*

#### CAPVT PRIMVM.

##### *De Iride, eiusque significationibus.*



Inter omnia Metheora, quæ ex luce, ac radijs solis apparent, nullum pulchrius, ac mirabilius est quam Iris, de qua Ecclesiast. c. 43. *Vide arcum, & benedicite eum qui fecit illum; valde speciosus est in splendore suo gironit celum in circuitu gloriae suæ, manus Excelsi aperuerunt illum.* De ea agit Arist. 3; Metheor. ibiq; D. Th. latissime lect. 5. 6. & 7, Relictis vero antiquorum opinionibus, & fabulis circa Iridis generationem dicendum est cum Arist. generari Iridem ex oppositione solis ad nubem roridam, quæ à parte exteriori sit translucida; ut lumen imbibat, & ex interiori sit opaca, ut nubem reperiatur. Vnde definitur Iris: *Quod est arcus multicolor in nube rorida opaca, & concava ex reflexione radiorum solis oppositi apparere.* Pro huius intelligentia est notandum, quod radius corporis luminosi est triplex, rectus, reflexus, & refractus.



*Rectus*. *Rectus* est qui multiplicatur per medium secundum lineam rectam. *Reflexus* est qui occurrit medio per quod transire ultra non potest, sed redit in se ipsum, vel in partem contrariam, aut obliquam, sicut quando radius lucis cadit super speculum, & reflectit. *Refractus* est, qui non habet incessum rectum, nec reflexum, sed veluti decidens & fractum, quia ratione medij crassioris franguntur radij, & ita solet apparere luminosum, aut coloratum maius, ut quando astra videntur maiora in caligine, aut quando videtur lignum tortuosum in aqua. In omni autem corpore plano, & terminato, ut inquit Arist. cit. refrangi potest radius. Dicimus autem corpus planum, & terminatum, quod ex vna parte, scilicet anteriori est diaphanum seu tersum, ex alia parte, scilicet ex posteriori est opacum, sicut videmus, quando, specula ex parte anteriori sunt polita, & tersa, & ex parte interiori sunt opaca, ut ibi fiat refractione, & reflexio lucis, aut coloris, & aliquando corpus aliquod diaphanum fit speculum ex profunditate, seu tenebrositate, quam habet a parte interiori, sicut aqua nimis profunda, & umbrosa. Ad refractionem tamen lucis non requiritur semper, quod corpus in quo fit refractione sit plene speculum, sed sufficit quod medium reddatur crassius, ut ibi frangantur radij, sicut in guttis eleuatis ab aqua, refranguntur radij solis, & efficiunt varios colores, fit enim refractione quando opacitas, seu densitas medij non est tanta, ut reflexionem causet, est tamen talis, ut non permittat radium transire vnitum, sed frangit illum.

Igitur circa Iridem duo explicanda sunt, alterum

terum de coloribus eius, alterum de figura quæ est semicirculi. Circa colores aduertendum est, quod ad illos concurrunt duo, scilicet sol oppositus nubi roridæ, & nubes habens partes roridas, seu diaphanas ex parte exteriori, ex parte autem interiori densas, seu opacas, tunc enim radius solis feriens ex directo nubem, refrangitur in corpore illo diaphano, & terminato quod est nubes rorida veluti in quodam speculo recipiente lucem, & refrangente illam; vnde vt contingat Iris, debet nubes esse opposita soli. Quia verò lux taliter refrangitur in guttis illis roridis, vt densitate ipsa mediæ, & opacitate nubis modificetur, & non maneat lux pura, ideo apparet ex illa luce sic refracta color, quia lux modificata est color, & non manet pura lux.

*Quod si quæras, an colores sint in nube ipsa sicut in subiecto, an vero in partibus roridis quæ fluunt ex nube, & faciunt ipsam esse corpus speculari? Respondet D. Th. 3. Methe. lect. 3. digressionem de coloribus Iridis duo 4. quod sunt subiectiue in partibus roridis, seu guttulis cadentibus non in ipsa nube, quia in illo subiecto sunt colores, vbi sunt actu principia eorum, principia autem colorum Iridis sunt radij incidentes in partes roridas nubis, seu in diaphanum ipsarum partium terminatum aliquo modo per opacum nubis, ergo in illis sunt sicut in subiecto, & non in nube, licet visui appareant esse in nube, quia propter nimiam distantiam non discernit oculus guttas illas roridas à nube, quia quando vnum corpus videtur iuxta aliud à longe, videntur ambo veluti in eadem superficie, ynde aliud est subie-*

ctum

ctum talium colorum, quod eſt illud ubi reſfrangitur radius luminofus, aliud eſt locus in quo videntur à ſenſu, ſcilicet nubes ipſæ propter diſtantiã ob quam viſus non diſcernit inter vnum, & aliud.

*Quæres ſecundo quæ ſit cauſa varietatis colorum Iridis. Reſp.* tres præcipue colores in Iride videri, ſcilicet puniceum, ſeu flauum, viridem, & purpureum. Quorum cauſa eſt hæc, quia radius lucis refractus ab exigua opacitate cauſat colorem puniceum, ſeu flauum; refractus vero à mediocri opacitate facit viridem, refractus verò à maiori, facit purpureum eo quod magis accedit ad nigredinem; licet aliqui è contra cenſeant viride magis accedere ad nigrum, & ideo fieri in opacitate denſiori, nubes autem in parte exteriori ſubtilior eſt, & magis translucida, ideoque ibi cauſatur flauus color, quia fit refractio in perſpicuo minus denſo, in parte mediã mediocris eſt opacitatis, in parte vero interiori maioris: vnde in mediã parte fit viridis, & aliquando cæruleus ſi ſit ſatis humida, & minus denſa; in vltima purpureus. Sic explicat D. Thom. lect. 6.º tercio Metheororum dicens, quod ubi eſt fortior, & intenſior actio luminofi in nubem propter minorem diſtantiã, ibi clauſus color ſolis mutatur in puniceum, & talis refractio fit prima circumferentia, ſeu periferia nubis; refractio autem facta in ſecunda periferia eſt debilior, & facit viride in tertia autem circumferentia alurgus, ſeu cæruleus, aut rubeus; nec ſunt plures colores principales in Iride, quia nec plura loca ubi fiat refractio.

*Quæres tercio, an hi colores ſint veri, vel apparentes.*

parentes? *Resp.* quod colorem esse verum potest dupliciter accipi. Vno modo quod ly (verus) sit idem quod naturalis, seu permanens in subiecto perfecte in eo habens esse, & ly (apparens) sit idem quod per modum transitus, & imperfecte existens: alio modo ly (verus) potest sumi prout dicit essentiam ipsam coloris, siue perfecte; siue imperfecte existat. Dico ergo, quod primo modo colores Iridis non sunt veri, sed apparentes, prout ly verum opponitur apparenti, quia solum ex modificatione lucis ibi apparent, non ex mixtione primarum qualitatum. Secundo verò modo, colores Iridis sunt veri, quia colores Iridis habent essentiam, & formam coloris, quæ resultat ex lumine quæ est vera causa colorum, quia ex eius participatione colores fiunt; vnde & sensus non fallitur in coloribus Iridis iudicans eos esse colores; constat autem, quod color secundum veritatem est obiectum visus: ita sentit D. Th. lect. 3. dub. 3. Circa figuram Iridis multa tractant perspectivi, quorum rationes, examinare ad præsens non spectat. Solum breuiter dicimus, quod sole existente in oriente, vel in occasu si fiat Iris in nube sibi opposita apparet semicirculus, quia tunc partes roridæ nubis in quibus sit Iris maxime apparent ipsi soli, quia maxime sunt ei oppositæ, & ideo sol tunc emittit radios directe in totum horizontem sibi oppositum, qui tegitur à nube, & cum Horizonte habeat se ad modum semicirculi consequenter radij directe, & ex opposito emissi à sole in illum ad modum semicirculi tenduntur, vnde cum impingunt in nubem roridam regentem semicirculum consequenter efficiunt colores  
in

in guttis quæ ſunt prope nubem, quia Iridi ex directo ſol opponitur, non verò his quæ ſunt prope terram, quia ex directo tunc non reſpicit terram, ideò non fit color in nube, & in terra, ſed ſolum in nube, & in roratione, quæ directe à ſole aſpicitur vbi radius non frangitur licet aliquando Iris videatur habere pedē in terra, quia pars illa directe à ſole aſpicitur vt claudens Orizontem. Si autem ſol ſit eleuatus ab Oriente, aut ab Occidente, tunc ſi fiat Iris circa Orizontem non apparet ſemicirculus, quia tunc ſol directius reſpicit terram quam Orizontem, & ideò nubes exiſtens circa Orizontem rorida magis ei occultatur, quia minus ei opponitur, corpus enim quanto magis opponitur luminoso tanto magis ei apparet, & ab eo illustratur. Notandum eſt autem, quod aliquando poteſt duplex Iris ſimul cauſari, idque dupliciter; primo exiſtente ſole in meridie, ſi ponatur nubes rorida ex parte Occaſus, & alia ex parte Orientis, tunc efficitur duplex Iris ex emiſſione radiorum in diuerſas illas partes, tunc autem valde exigua apparebit quia ſol non eſt eis perfecte oppoſitus. Alio modo poteſt cauſari duplex Iris in eodem ſitu, ſcilicet in Oriente, vel in Occidente. Ratio huius eſt, quia contingit aliquando eſſe duplicem nubem roridam in vna parte, vna altior alia, & in vnam directe emittens radios ſol efficit Iridem; Iris verò cauſata in tali nube cauſat aliam in ſibi vicinam veluti in ſpeculo, quia in tali ſitu ponitur, vt in eam poſſit emitte-  
 re radios ſuorum colorum, vnde talis Iris debilior eſt in vltima quam in prima; quia non fit ex repercuſſione lucis directe, ſed ex repercuſſio.

cussione radiorum, seu lucis iam modificatae in prima, & quæ erat color. Potest autem fieri arcus etiam à luna, & aliquando visus est, licet raro; non tamen habet plures colores, sed vnum scilicet album, quia lux lunæ valde tenuis est, vnde non ita profunde penetrat nubem, sed in exteriori superficie solummodo candorem illum aspergit similem ipsi luci lunæ, quæ candida videtur.

Circa significationem Iridis dicimus habere duplicem significationem naturalem, & ex instituto, naturaliter significat duo; primum est pluuiam, quia cum nubes rorida sit, resolubilis est in aquam, & sic significat pluuiam quæ est nubis resolutio. Secundo significat de proximo non futuram magnam pluuiam. Cuius ratio redditur à D. Thom. quodlibeto tertio articulo 30. quia magna pluuiæ inundatio solum contingit, quando nubes sunt valde grauidæ, & copiosa vaporum multitudine nigrescentes, tunc autem nubes densa non est ad recipiendos radios solis; quin potius veluti corpus omnino opacum eis resistit, quare oportet nubem generantem Iridem non esse ita nigram, & opacam, sed translucidam, sicque non magnæ pluuiæ effectricem.

Ex instituto autem Dei, significat Iris non amplius futurum diluuium vniuersale in terra, vt patet Genesis nono vbi Dominus dicit ad Noe; *Arcum meum ponam in nubibus, & recordabor federis mei vobiscum, & non erunt ultra aquæ diluuij* Quod autem ex instituto hoc significet, patet, quia ante diluuium erat Iris, nec tamen significabat diluuium non futurum; licet non defuerint aliqui qui putarunt non

non fuisse ante diluvium arcum in nubibus, decepti tamen sunt cum naturaliter in nube rorida sol exprimat illos colores.

## CAPUT II.

*De varietate colorum aeris, itemque de hatō, seu corona voragine, & hiatu.*

**V**arios in aere colores ex lucis repercussione consurgere, quotidiana nobis experientia demonstrat, quia nubes alijs, atque alijs coloribus illustrari videmus; hi autem colores non ex mixtione primarum quatuor qualitatum, sed ex reflexione luminis in addensatum aerem, aut vaporem gignuntur. Vnde eorum materia est vapor, aut exhalatio, seu aer addensatus in quem radij impingunt; efficiens est luminosum radios emittens; forma est lux varie modificata, & recepta in illa materia, partimque ex diuersa receptione in materia, partim ex diuerso aspectu luminosi oriuntur colores. Igitur si id in quod incidit lux in aere est valde densum apparet veluti umbrosus, & niger color; si autem densum aliquantum sit, & simul humidum apparet cæruleus, soletque signum esse pluviæ quia coagulationem vaporum testatur, si adhuc autem minus densum sit medium, purpureus color efficitur qualem præcipuè videmus in occasum solis ex tenuitate lucis, & exhalationum generari. Si tenuiores adhuc sint exhalationes apparet puniceus color, nonnunquam verò albus, seu argenteus color videtur, nonnunquam aureus; causatur enim candor in nube ex multitudine lucis receptæ in nube, quæ exhalationes ha-  
bet

bet plures, & minus humorum ; vnde tales solent apparere nubes circa meridiem , aut feruorem solis ; aureus autem fit ex receptione radiorum solis directa , & multitudinem lucis quando materia non nimis densa , & humida est : vnde nec pluuiam designat.

*Apparet* autem aliquando circa solem, aut lunam , vel etiam astra fulgentiora , circulus quidam , aut coronacingens astrum , quæ à Græcis halo dicitur, & differt ab Iride , quia Iris est semper semicirculus , halo vero, est circulus plenus . Fit autem halo quando exhalatio, aut nubes æquali densitate circa astrum spargitur, tunc enim radius astri recta tendere non valens ob densitatem mediæ , intercidit seu refrangitur diffunditurque circa extremitates orbicularis densitatis , ideoque varij colores in ea resultant , quibus astrum cingi videtur , & corona dicitur , quæ tamen aliquando deficiente materia , seu exhalatione integre non apparet . Si corona addensetur signum est pluuiæ , quia multitudinem humidorum vaporum, à quibus addensantur , id testatur. Si ab vna , vel pluribus partibus dissipeur. Ventos , à quibus talis dissipatio fieri incipit, designat. Si tota simul euanescat , serenitatem indicat ob purificationem aeris ab huiusmodi exhalationibus .

*Contingit* autem aliquando , quod nocte circa lunam, aut astrorum lumen multæ exhalationes constipatæ in sublime ascendant , quæ in medio densiores sint, & ex parte extremitatum rariores, talesque obscurantur in medio, illustrentur verò in extremis, vnde referunt similitudinem foveæ , quæ si magna sit , dicitur  
vora-



in alijs, & radij solares penetrantes nubem in partibus raris efficiunt virgas aliquando puniceas, aliquando nigras, prout dominatur lux & modificatur in illa materia.

*Parelij* autem nihil aliud sunt, quam imagines solis in nube aliqua expressæ, quæ traductæ ad nos plures soles videmur aspicere. Contingit autem sic, quando ad latera soli, occurrit nubes rorida, seu quæ in aquam proximè resoluatur, & habet æqualem densitatem, similiterque ex parte exteriori est trans' lucida, & diaphana, ex parte vero interiori terminata, taliter, quod se habeat vt speculum, sol imaginem suam in eam imprimit sicut in speculo, & ex eo quod est æquè densa perfectè refert imaginem solis, & quia radij illi non refranguntur, quia ferit illam eo modo, quo speculum, quod nos ponimus contra solem, aut in obliquo ad latus eius, & similitudinem solis ostendit, aut etiam sicut in pelui aquæ videmus eclipsim solis, quia ibi eius imago apparet non refracta, ideo in nube illa apparet effigies, & imago solis non autem colores, sicut in Iride, & ita apparent nobis aliquando duo soles, aliquando etiam tres, si in duplicem nubem habentem illas conditiones cadant radij solis, aut si ex vna nube reflectatur imago ad aliam, sicut ex vno speculo ad aliud. Potest etiam fieri huiusmodi imago, & generatio *Pareliorum* circa lunam; sic enim refert Plinius lib. 3. c. 32. tres aliquando lunas simul visas. Narrat autem Aristot. lib. meteoror. c. 2. aliquando conspectos fuisse parelios apud Bosphorum tempore meridiano, & durasse vsque ad solis occasum. Rarius tamen contingit fieri *Parelios*,

lios existente sole in meridie , sed ascendente ab ortu , aut vergente ad occasum , quia cum sole est in meridie emittens directe radios ad terram, densitatem nubium ad huiusmodi Parelíos aptam dissoluit, nec debet nubes esse infra solem, aut valde propè , sed quasi oblique illū excipere, alias dissipabitur ab eius fervore.

## TRACTATUS V.

### *De Ventis.*

#### CAPVT PRIMVM.

##### *De materia, & causa efficiente ventorum.*



**V**ARIE circa generationem Ventorum Philosophi antiqui opinati sunt , qui tamen penitus naturam eorū non penetrarunt, quia vel imperum Aeris, vel agitationem eius, aut fluxum Ventos esse putauerunt. Illud tamen præsupponendum est, vt certum non quemlibet aeris motum appellari ventum , quando enim manu , aut flabello aerem expellimus, quando cymbalis crepantibus, aut tormentis bellicis ingenti strepitu Aer concutitur motus aeris causatur , non tamen ventus. Igitur secundum Arist. 2. meteor. lect. 7. apud D. Thom. & sequentibus, materia Ventorum est exhalatio sicca , & calida,  
non

non tamen debet taliter esse calida, & sicca, ut sit inflammabilis, quia non debet esse viscosa, aut pinguis, sed debet esse terrestris, & ideo participare qualitates terræ, quales sunt frigidum, & siccum: propter quod ab aliquibus dicitur, quod exhalatio illa debet esse frigida, & sicca, quia considerant qualitatem, quam habet terra, & quam est secunda aeris regione, à qua repercutitur, participat; ab alijs autem dicitur calida, considerando calorem extrinsecum, quem habet ab eleuatione solis, à qua subtilizatur. Nec tamen negandum est, exhalationes istas habere vapores admixtos: tum quia sæpè à mari exoriuntur venti, à quo licet exhalationes consurgant propter eius falsedinem, & terrenæ concretionis admixtionem: tamen non puræ exhalationes, sed mixtæ vaporibus eleuantur. Tum quia venti à mari exorti humidi solent esse & aliquando pluuias generant, & nubes congregant, quod sine mixtione vaporum fieri non posset. Quod autem materia ventorum sit exhalatio prædicta, multis signis probat Philosophus. Primo quidem, quia eo tempore maximè vigent venti, quando multitudo huiusmodi exhalationum suppetit, ut in vere, & autumnò, & matutino tempore sole oriente, quo commouetur aer, quia tunc exhalatio à terra ascendit ob solis ortum: & similiter igneus color aeris sole occidente, & etiam cometæ ventos denunciant, quia ex siccis exhalationibus generantur sicut color ille, & ipsius cometæ. Secundo ab effectu, quia venti exsiccant, quod non facerent nisi ex materia sicca constarent, & ideo pluuiæ cessare faciunt ventos, quia humectant,

& infrigidant siccam illam, & calidam exhalationem, quæ erat materia ventorum, & rursus cessante pluvia solet ventus incipere, quia cum pluvia ceciderit, terram humectat & tunc exhalat terra exhalationem siccam, sicut si in vas plenum cinere infundatur aqua, exhalatur multum à cinere, ex illa autem exhalatione facta à caliditate solis generantur venti, quia talis est eorum materia.

*Circa motum ventorum, & vim à qua cientur, magna difficultas est id perfectè explicare, occulta enim valde causa est, in tantum quod peculiariter Deo attribuitur in sacra scriptura, ut Psalm. 134. Qui producit ventos de thesauris suis.* Difficultas autem in eo est, quia motus ventorum non est sursum, nec solum deorsum, sed in obliquum, quod exhalationi non competit, nec ex principiis materiæ, ex qua constat quæ est substantia terrena, quæ deorsum grauitat, nec ex calore solis, qui sursum attrahit; & est similis difficultas illi, quam infra tractabimus de fluxu, & refluxu, maris. Cum ergo tria concurrant ad ventum, scilicet aer, in quo fit agitatio, & vis in obliquum faciens impelli has exhalationes, & ipsum aerem, dicimus huic motui duplicem causam assignari. Prima est influxus astrorum, & præsertim solis, & lunæ; nam sicut ex impressione lunæ mare fluit, & refluit, ita ex impressione eiusdem, aut aliorum astrorum obliquatur exhalatio, & traditur in hæc inferiora. Secunda causa est frigiditas secundæ regionis ad quam aliquando exhalatio, quæ pertingit est satis subtilis, ac viscosa, & pinguis, multum in se caloris suscipiens, & tales eleuantur ultra  
secun-

secundam regionem, nec eis obistere potest  
 rigiditas eius, aut inter nubes includuntur,  
 trāstantque ignitis metheoris materiam; aliæ  
 erò exhalationes magis terrestres sunt. Ec-  
 deo ab illo frigore addensantur paululum, &  
 deorsum trūduntur, nec permittuntur sursum  
 ascendere; Cum autem ipsæ calore sibi im-  
 presso à sole, vel ab alio astro sursum conen-  
 tur, fit vt tali agitatione obliquentur, & aerem  
 agitent, tanta nonnunquam vi, vt arbores,  
 domosque euertant, nimirum propter multi-  
 tudinem exhalationum confestim ascenden-  
 tium, & addensatarum ab illo frigore secundæ  
 regionis, à quo deorsum aguntur. Correspon-  
 det etiam impetus maior, ac minor ventorum  
 vehementiæ, qua ab astris sursum eleuantur ex-  
 halationes illæ terrestres, & condensabiles à  
 frigore secundæ regionis. Facendum tamen  
 est multas alias causas nobis occultas ad vento-  
 rum motum concurrere, hæ tamen probabi-  
 lius à Philosophis sunt cognitæ.

## CAPUT II.

*De numero ventorum, eorumque pro-  
 prietatibus.*

**E** Gimus in præcedenti capite de ventis se-  
 cundum communem eorum rationem, de  
 aliquibus enim particularibus ventis, qui ma-  
 gis turbines, quam venti dicēdi sunt, infra age-  
 mus. Nunc autem de numero ventorum, iuxta  
 hydrographiæ rationem, ac eorum, qui artē nau-  
 ticam colunt, agendum est. Igitur principales  
 venti sunt quatuor, qui ex quatuor Angulis cæ-

li oriuntur, & spirant; diuiditur enim mundus in quatuor partes, scilicet orientem, occidentem, meridiem, & septentrionem. Ventus ergo ab oriente spirans vocatur *subolanus*, ab occidente *faunius*, seu *zephyrus*, meridie, *auster* à septentrione *septentrio*, seu *ventus*. Has quatuor partes duplicant nautæ, significantque octo partes cæli, unde venti spirant, & tales partes vocant *Rumbos*. Deinde istas octo partes iterum duplicant, & intermedijs designant alias octo, quas vocant, *medias partidas*, & in ultimo has sexdecim partes iterum duplicant, quia intermedia secant, quas vocant *quartas*, sicque fiunt 32. venti triginta duabus cæli partibus spirantibus, prout latius in acunautica, & hydrographiæ circulis scripti videntur, & quidem sexdecim ventorum propria nomina sciuntur, aliorum nomina, quæ tamen ad præsens describere tædio esset, & oneri.

Obseruandum tamen est aliquos esse ventos, qui prouinciales dicuntur, eo quod in certis regionibus agnoscuntur, & ultra non transeunt, sicut Athenis teste Plinio lib. 2. cap. 43. Flat Scyro, qui reliquæ greciæ ignoratur. Et aliqui venti sunt, qui principaliter dominantur, & infestant regionem aliquam, sicut Calabriam *Yapix*, Galliam *Circius*, Atobulus Apuliam, ut ait Senec. lib. 5. naturalium questionum cap. 17. Alij autem venti sunt, quos Græci, *Ethesias*, hoc est, anniuersarios vocant, eo quod singulis annis certis temporibus spirant, sicut in ortu Orionis contingunt venti intollerabiles, ut dicit Arist. 2. metheor. lect. 9. apud D. Thom. & in canicularibus diebus post ortum

rum cānis venti quidam solent spirare, quos nomine anniuersario Ethesias vocant. Similiter post tropicum, seu conuersionem solis æstiualem, quando facto solstitio in Iunio in signo cancri conuertitur sol versus capricornium flant venti Boreales. Cuius ratio redditur à Philos. loco citato, quia Boreales venti flant à polis, qui sunt sub polo arctico, seu septentrionali, in quibus est magna niuium, & aquarum copia, hæc autem magis liquefiunt à sole post solstitium, seu post tropicum, aut conuersionem æstiuam, quam quando ad nos appropinquat in vere, aut in ipso solstitio, seu tropico æstiuo, quia sol maiorem effectum imprimat post solstitium quam antea, eo quod diutius durauit calor eius in terra, & magis dispositæ materiæ dominatur quam quando ad nos ascendit, vel etiam in ipso solstitio; & ideo tempore caniculæ sunt maximi calores, quod est post solstitium, & tunc liquefactis pene niuib. septentrionis exhalatur copia spirationum, eo quod niues multam concretionem terrenam habent, & sic flant venti.

Circa ventorum proprietates, notandum est, quod illæ spectari possunt, vel penes principia substantialia, ex quibus constant, vel penes id, quod à sole, & syderibus habent, vel penes regiones, vnde spirant, & per quas transeunt. Primo modo ventis competit esse siccos; & frigidos, sicut ipsa terra est, vnde eleuatur exhalatio, & si habent admixtos vapores, qui eleuantur ab aqua, habent etiam ex hac parte esse humidos, & frigidos. Secundo modo venti sunt calidi, & sicci, & si habent admixtum vaporem, calidi, & humidi calore extrinsecus

à sydere impresso , sicut aqua calida est ab igne . Tertio modo diuersis ventis diuersæ competunt proprietates , nam septentrio est frigidus , & siccus , quia ex locis frigidissimis spirat , & plenis niue vnde & serenitatem inducit quia ob frigiditatem suam dissipat humidum vaporum , prohibetquè ne resoluantur in aquâ ; & similiter terram constringit ne emittat ex se humidos vapores , & quia minus tortuosum , & obliquum flatum habet directè tendens per nubes , secatur illas , & dissipat , non cogit . Dicitur tamen septentrio in aliquibus locis , vt apud Cyrenem , & Hellepontum pluuiam creare . Auster est calidus , & humidus , quia oritur in meridie , & transit per mare , quod ob falsedinem calidas spirationes excitat , cogit etiam nubes , & pluuiam inducit propter oppositam causam à septentrione ; licet in Africa dicatur nubes dissipare . Subsolanus est calidus , & siccus propter præsentiam solis à quo mouetur , & à quo exiccatur , & calescit illa exhalatio . Denique zephirus est humidus , & frigidus , quia sole accedente ad occasum , vnde hic ventus spirat remanet exhalatio eius frigida , & ob solis absentiam non exiccata , sed humida . Ex his autem qualitatibus sequitur in ventis , quod alij salubres sint hominibus , alij noxij , variosque morbos inducant , maxime enim salubres sunt septentrio , & zephirus seu fauonius , Auster verò noxius , & veluti corpora dissoluens , quia causat putredinem ob calidum , quod præstat .



## CAPVT III.

*De Turbinibus, Ecnephia, Tryphonis,  
& Proflere.*

**D**E his agit Arist. in initio tertij metheor.  
Sunt autem turbines isti cæteris omnibus periculosiores, ac formidabiles ob nimiam violentiam, quæ obuia quæquæ prosterunt. Igitur Ecnephas generatur ad modum fulminis, quando scilicet multa exhalatio spissa, & minus subtilis intra nubem cauam congregatur, fit tunc ut motu, aut antyperistasi incalescat, ac maiorem libertatem quærens è nube segregetur, eamque disrumpat more fulminis, nisi quod incensa non est sicut fulmen, & ita deorsum impellitur magna velocitate, & violentia propter fortitudinem frigidi segregantis, ut inquit D. Thom. 3. metheor. lect. 1. sub æquinoctiali à nostris nautis talis turbo nunquam visus est magno ipsorum periculo. Dicitur autem ex tali turbine asperginem aque calidæ profluere, quæ vermes gignit, vestesq; putrefacit.

*Tropheo* autem, seu *Tipho* generatur eo modo quo *Ecnephas*, nisi quod rotato circulo mouetur; quando enim ex diuersis nubibus; aut diuersis partibus eiusdem nubis flatus erumpunt, & conglobantur inter se, ac impinguntur, eo quod à frigidityte loci per angustam nubis scissuram expellitur flatus, & ad aliud corpus, seu flatum repercutitur, fit ut illi flatus durante tali pugna retorqueantur inter se, ac vorticem efficiant, sicut videmus, quod in

angustis, & angustis vijs pulvis roratur à vento, & in fluminibus vortices efficiantur ab aqua impingente ad saxum aliquod.

Talis igitur flatus maxima vi segregatur, & excussus à nube ob fortitudinem frigidi segregantis per antiperistasis, non tamen incendit illum, & in gyrum contortus dicitur Tiphos; qui tanta vehementia discurret, ut saxa, & arbores secum rapiat, ac nonnunquam nauigia integra in altum eleuat è mari gyro illo ea inuoluens. Quod si tales flatus, vel antiperistasi, vel repercussu, contingat aliquantulum inflammari, dicitur ille turbo Præstesternens, & comburens omnia, differtque à fulmine; eo quod fulmen plus de igne habet, & de flatu minus, hic è contra plus flatus, minus ignis corripit: & etiam, quia fulminis materia subtilior est, quam istius. Obseruandum tamen est ad has tempestates excitandas multum conducere quorundam syderum influxus, in quorum ortu frequenter procellæ accidunt, ut in Ortus Orionis, Hiadum, & Aquarij; sicut etiam loca quædam sunt, quæ maximè infestantur procellis, ut promontorium bonæ spei, & ille maris tractus, quo à Sina in Iapogem itur.

## TRACTATUS VI.

*De metheoris humidis genitis in  
aere.*

## CAPVT PRIMVM.

*De Nube, & Pluvia.*



NUBES principium sunt omnium  
concretionum humidarum aeris, si-  
cut optimè notauit Diu Thom. in  
cap. 37. Iob. circa ista verba: *Nun-  
quid nosti semitas nubium magnas,  
& perfectas scientias?* Materia ergo nubium  
est vapor calore solis, aut aliorum astrorum  
euectus. Hic dum ad mediam aeris regionem  
peruenit, tum ob debilitatem radiorum solis,  
quorum reflexio illuc non attingit, tum ob fri-  
gus illius secundæ regionis condensatur, & ta-  
lis vapor addensatus dicitur nubes. Quia ve-  
rò ex his vaporibus aliqui habent partes ra-  
ras, & aereas, facile in aeris naturam permuta-  
ntur, aut etiam ventis deseruiunt exhalatio-  
nibus permixtis; alij verò grauiores sunt, &  
humidiores, qui in aquam conuerti possunt, &  
ex his generatur pluvia, vnde non omnes nu-  
bes in pluuiam resoluuntur, sed multæ in ae-  
rem, aliæ in ventos ob exhalationes admixtas  
aliæ in nebulas, & caligines diffunduntur. Ut  
postea dicemus.

*Igitur cum pluvia nihil aliud sit, quam nu-  
bes in aquam resoluta: quæres primo, quæ sit*

G 5

ratio

tatio, cur pluuie minutim cadant, & non tota simul effundatur e nubibus, cum naturali grauitate, ac pondere sic videretur peculiaris Dei prouidentia relucere, sicut scriptura sacra testatur Iob. 25. vbi dicitur: *Qui ligat aquas in nubibus suis, ne errumpant pariter deorsum.* Respond. Causam huius esse tenuitatem vaporis à modico, & non nimis violento frigore addensatam, tunc enim paulatim addensatur vapor, & in aquam conuertitur; vnde & paulatim decidit, & non tota simul ruit, & sicut infecundæ nubes, quæ in aerem conuertuntur, non simul secundum omnes partes in aerem transeunt, sed paulatim, & per partes, sic multo melius quando in aquam conuertuntur quæ crassior est, & maiorem requirit densitatem conuertuntur paulatim, & minutim in aquam, non simul. Addo etiam quod nubes ipsa ex sui dispositione veluti stillicidium quoddam est ob partium suarum raritatem modice addensatam, vnde & aquam stillatam dimittit, & consequenter minutim, & non simul.

*Illud* tamen aduertendum est maiores, crassioresque guttas generari ob maioris frigoris vim, quæ nubem magis addensat, & consequenter densiores guttas aquæ facit, quod frequenter contingit in æstate, quia tunc ob calorem circundantem nubem, per antiperistasis intenditur frigus, & consequenter addensatur aqua, fiuntque guttæ crassiores.

*Secundo* quæres, cur imber cum magno strepitu, & impetu descendit, quod & Dominus cum admiratione interrogauit Iob. 38. *Quis dedit vehementissimo imbri cursum,* aliquando verò

Vero sensim sine strepitu illabitur, quasi aqua ex stillicidijs eliquata.

*Resp.* causam vehementiæ impetus, esse frigus comprimens partes nubis, & cum violentia in eas intrans, tanto autem violentius, & fortius intrat, quanto maior est caliditas frigiditati resistens, eamque nitens expellere, tunc enim ob contrarium vincendum cum maiori, violentia nubem ingreditur, & comprimens fortius eius partes cum maiori impetu facit eam resolui, sicut quando fortiter comprimitur expungia aut panus madefactus, copiosius, & fortius descendet aqua; compressio autem nubis à violentia frigoris fit, cuius signum est, quod in æstate quando est maior caliditas, & frigus violentius nubem intrat, impetuosius descendit imber; & similiter grando, quia generatur ex frigore violento per antiperistasis caloris circumdantis descendit impetuose. Deseruit etiam ad huiusmodi impetum vis ventorum, quia impulsæ exhalationes eadem vi secum deferunt aquam, sicut in magnis tempestatibus videmus. E contra verò quia quando generatur nix, non est caliditas circumstans, ratione cuius violente frigus comprimat nubem, sed liberè in eam ingreditur, & congelat, inde est, quod sine impetu descendit, nisi ab aliquo vento nimis impellatur, quando verò nubes est remissa calida, ita quod non multum resistit frigori comprimenti, sed facile penetrat partes nubis, blande quoque compressa nubes à tali frigore paulatim decidit, ac sine strepitu: Ex quibus patet, quod ad pluuiam generandam, vapores debent esse calidi; & ita calidiores venti, ut australes solent pluuiam generare.

*Quærestertio:* An naturaliter sit possibilis, talis aquarum inundatio, quod vniuersale diluuium possit efficere? Fuisse præter vniuersalem catalisimum inundationes alias, partim ex pluuijs, partim ex maris eruptione constat ex scriptoribus historicis; & vnã extitisse ante vniuersale diluuium tempore Enos, quæ tertiam terræ partem perdidit refert Genebrandus Cronographia, & plures alias referunt S. August. 18. de ciuitate cap. 8. & 10. & S. Isidor. lib. 14. originum cap. 22.

*Respond.* tamen non posse naturaliter tantam fieri inundationem aquarum, vt vniuersale inducat diluuium. Ratio est, quia dispositio naturalis totius vniuersi non ordinatur ad eius destructionem, au ad destructionem ordinis vniuersi qui ex elementorum dispositione constat, quare nec est facultas in natura, vt totam terram aquis perdat, & eius compositionem & ordinem dissoluat, & ideo Deus in cælesti corpore tot astra, quorum virtutes, & effectus sibi aduersantur protulit, ne si omnia ad eundem effectum conspirarent, totius huius inferioris mundi ordinem dissiparent. Fuit ergo vniuersale diluuium speciale diuinæ potestatis opus, sic agentia naturalia disponentis, vt ultra suam naturalem potentiam in mortales omnes defæuaret.

*Quæres quarto:* Quæ sit causa aliquarum pluuiarum, quæ præter ysitatum cursum extraordinariæ, & prodigiosæ sunt, vt quod pluat sanguine, lacte, ranis eisciculis, aliquando decidat ferrum, & lapides.

*Respond.* res illas ordinari ex dispositione diuina ad inducendam hominibus terrorem.

*Pos.*

Potest tamen aliquam reddi naturalis causa; sanguine enim, & lacte aliquando pluit, non quia veram formam sanguinis, & lactis habeant hæ pluviæ, sed colorem solum, & apparentiam, quod contingit vel ex eo, quod ex locis cruento humore madidis sol vapores eleuat, qui colorem illum retinent, sicque pluuiam illo inficiunt, vel quia ex forti aliqua decoctione ab igne, seu calore intra nubem inclusæ vapores habentes admixtas partes fumosas, quæ facile colorem recipiunt in ruborem permutantur, aut in candorem, ex eo quod humidiores partes resoluuntur, & manent clariores, sicut nix, quæ aliquid concretionis terrestris habet; etiam candorem recipit. Ranzæ autem, aut pisciculi videntur aliquando decidere, aut quia ab aliquo violento turbine eleuantur, & postea decedentes pluire illis videtur, aut quia intra humidum, & calidum nubis tale temperamentum aliquando concurrit, sicut in paludibus ad generanda huiusmodi animalia, præsertim quando viscosus humor, ex quo communiter in aqua generantur includitur in nube.

*De præsagijs autem temporum, & signis pluviæ, videri potest Plinius lib. 18. naturalis historię cap. 35. Iabelus tract. 3. meteoror.*

*cap. 2. Coninib. tract. 7. c. 3. vbi late*

*de huiusmodi signis agunt, nos*

*brevitatis causa, quia res*

*est non multi mo-*

*menti, omit-*

*timus.*

## CAPVT II:

*De niue, & grandine.*

**N**ix generatur è nube, quæ ab excellenti frigore congelatur & ideò nix ſiccior eſt, quam pluiæ quia frigus dum congelat, & conſtringit, humorem expellit. Contringit autem ſic: Quando nubes habens plures partes aereas admixtas per aerem ſpargitur; frigus excellens, quod tunc viget, ingreditur partes illas nubis, & cum reſolui debeant partes eius in aquam, ab excellenti illo frigore congelantur, & duriores aqua efficiuntur. Quare verò non omnino rigescant ſicut aqua gelata, ſtatim dicemus. Cauſa ergo efficiens niuis eſt frigiditas excellens ſparſa per nubem, non admodum obſcuram, ſed claram, congelans, & adunans partes nubis, quando debent reſolui. Generatur autem nix in media aeris regione, vbi frigus maius eſt, & in illis regionibus, quæ non multum incaleſcunt radijs ſolis, vnde in montibus altiffimis perpetuo nix conſeruatur & gignitur ob excellentem algorem talium regionum; & quia illuc non peruenit radiorum ſolis reflexio ſerè nunquam caliditatem ſentiunt, & ſimiliter in partibus ſeptentrionalibus, vbi obliquè ſolis radij feriunt, perpetuò ſerè generantur niues.

Nix eſt candida & mollis. Cauſa candoris eius eſt multiplex. Primo quidem quia propter claritatem nubis è qua generatur, multum participat de luce, quæ principium eſt candoris in corpore terminato, quod coloris eſt ſaſce-



sceptium, sicut aqua, quæ diaphana est, si testaminetur & solidetur per gelu, redditur alba. Secundò propter partes aereas quibus abundat nix, tales enim spumam generant, unde & Arist. 2. de generatione animalium cap. 2. niuem spumam appellat, spuma autem de se alba est, & si adiungatur ei excellens frigus, intensior candor generatur, quia frigus candoris parens est, ut in hominibus septentrionalibus videmus, & quanto laxior est spuma, tanto albius apparet nix. Dicitur tamen nix vetustate rubescere, ut in 5. de hist. animal. cap. 19. refert Arist. quia partes aeræ tempore consumuntur, redditurque illa mixtura qualitatum, quæ ruborem referat. Causa autem quare nix sit mollis, est quia calidum vaporis in nube non simul expellitur à frigore, sed successive, & ideo non permittitur omnino rigescere calido repugnante, & sic remanet aqua addensata, sed non omnino rigida sicut gelu, sed mollior. Item etiam quia intrant nubem vapores illi qui non habent admixtum multum de terrestri concretione, & sic vapor ille est nimium subtilis; ut autem geletur, & indurescat aqua, debet esse crassa, & terrestres habens concretiones, quò enim subtilior minus dura efficitur, unde vapor ille, qui nimium est subtilis, non maiorem duritiem admittere potest, quam illa, quæ in nube videtur, unde non durefcit, quia non est capax tantæ congelationis, sicut si esset aqua crassa; pruina autem magis durefcit, quia habet plus crassitudinis, & terrestris concretionis.

*Grando* autem generatur quando aqua pluvialis congelatur antequam ad terram perveniat

niat, vt Aſtor eſt Ariſt. lib. 1. metheor. cap. 12. lect. 15. apud D. Thom. vnde materia grandinis eſt imber, ſeu aqua nubis calida reſoluta; proximum efficiens eſt, aut frigus circundans illam aquam, & congelans, aut calor circumſtantis aeris per antiperiſtaſim eius calorem expellens, & congelans. Fit autem hoc modo; quando nubes calidi vaporis reſolvitur in aquam, contingit aliquando, vt reſolutio iſta fiat propter calidum congregans frigidum naturale vaporis peruenientis ad ſecundam regionem, & facit ipſum in aquam conuerti, tanto vehementius, quanto fortius à calido circumſtante frigidam congregatur. Vnde & tunc oriuntur maiores guttæ in pluuiâ, quia fortior congregatio frigidi plus materiæ conuertit in aquam; quando autem magis includitur frigidum, & circundatur à calido, non ſolum facit reſolui aquam, ſed etiam ipſam congelat, & ſic fit grando. Quod autem poſſit ſine multa mora congelare aquam ex eo eſt, vt dicit Philoſophus, quia vehementia frigoris à circundante, & congregante calore tanta eſt, quod minori tempore congelat, quam motus localis aquæ fiat, ſicut in hieme ſolet aliquando tantum vigere frigus, quod decedentes guttæ, prius congelantur, quam in terram cadant, quod ergo facit rigor frigoris in hieme toto aere ſparſus, facit parum frigus vaporis à circundante calore congregatus, & inſuſus per antiperiſtaſim, & ideo quanto propinquius ad nos grando generatur, tanto durior eſt, & magis congelata, quia conſtipatur frigus à calore propè nos exiſtente, qui maior eſt. Deſeruit autem ad citius congelandam aquam, etiam  
ipſius

ipsius vaporis calor, quia aqua calida citius congelatur, quam frigida, quia cum rarior sit ea, quæ est calida, minus resistit contrario, & citius ab eo vincitur. Generatur autem grando, & in secunda aeris regione, & infima; in secunda quidem aeris regione, aut quia omnia rigescunt gelu si grando generetur in hieme; aut quia circumstante calore nostro constipatur frigidum nubes, & non solum resolvitur, sed usque ad congelationem induratur à frigido aqua resoluta. In infima autem fit, quando à calido vnitur frigiditas aquæ descendens, quia licet aqua illa calidi vaporis sit, natiuam tamen habet frigiditatem, & comparatione nostri caloris frigida est, quæ proinde vnita à maiore calore usque ad congelationem intenditur. Et signum, quod generatur aliquando in infima regione est, quia secum grando defert paleas, aut aliud quidpiam, quod propè voluat.

Quando autem congelatio hæc, quæ accidit circa aquam accidit circa niuem, quæ in minuta granata à frigore condensatur, dicitur granedula. Contingit autem grando omni anni tempore, præsertim tamen in autumnino, aut vere, quia tunc præsertim eleuatur vapor calidus, qui tamen non consumitur sicut in æstate, potestque ex illo generari grando: in hieme vero ob rigorem, non ita eleuantur vapores calidi.

## CAPVT III.

*De Nebula , & Glaciè .*

**S**icut in nutritione viuientium , accidit quod ex alimento pars conuertitur in ſubſtantiam aliti , ſcilicet quod magis deputatur , & defæcatur à calore naturali , pars vero in excrementa tanquam inutilis reiſcitur : Sic in vapore nubis quædam partes ſunt craſſiores & humidiores , quæ in aquam conuertuntur , quædam flatuoſæ , quæ in ventos , quædam ſubtiles , & minus ad conuerſionem aquæ idoneæ & à frigore noctis paululum addenſatæ descendunt viſque ad nos , & tales ſunt de facili in aerem conuertibiles , vocanturque nebula , ſeu caligo . Itaque partes illæ nubium , quæ deberent in aerem conuerſi ob ſubtilitatem , & carentiam humiditatis , addenſatæ à frigore noctis , & ad nos ſcendentes nebula eſt , & ideo aſcendente ſole facile diſſipantur , ſoletq; ſignum eſſe ſerenitatis , quia ſcilicet non ſunt nubes , vt in aquam conuerſi poſſint , ſed inſecundæ , & tanquam reliquæ nubium , vt Philoſophus dicit . Contingit autem aliquando vt nebula ingroſſetur à vaporibus ex aqua , ſeu lacu aliquo , aut terra humida aſcendentibus , & tunc iterum vapor ille eleuatur à ſole , fitque nubes , quæ in aquam ſoluatur . Ex hoc autem conſtat , quod nebula leuior eſt quam nubes , quia facilius à ſole diſſipatur , & quia humore caret , à quo prægrauatur vapor licet ob frigus addenſans ſcendat , non tamen ideò ſit grauior licet ei cauſa aſcendendi deſiciat,

ciat, quæ est calor, quem quia nubes crassiores plus retinent, non descendunt.

*Glacies* est aqua congelata. Ad congelationem autem aquæ licet requiratur tanquam efficiens causa excellentia frigoris, tamen ex parte materiæ requiritur, quod aqua admixtum habeat aliquid de concretione terrestri, quæ ad indurationem maximè inuat. Etenim solum frigus non sufficit aquam congelare, alias aqua cum ex natura sua postulet summum frigus, ut diximus quæstion. 12. de generatio ex sua natura postularet congelationem, & sic non esset fluida naturaliter quod est falsum. Quare aqua gelata non est aqua omnino pura, sed terrena concretione admixta; quod idem in grandine, & niue accidit, quæ congelantur ob admixtam terrestrem concretionem, & exhalationem cum vapore, unde & aliquid coloris comitatur aquam gelidam, quantum concretio terrestris admixsit. Si quæras utrum mare possit congelari. Aliqui negant, præsertim ob calidas exhalationes, quibus mare abundat propter salsedinem suam & ita dicunt, quod licet videatur superficies æquoris constringi, tamen eam aquam non esse maris, sed fluminum, & paludum quæ in mare intrant, & quia leuiores sunt in superficie enatant, & tales gelantur. Nihilominus hac de re nulla potest esse dubitatio, cum ex nostri temporis navigationibus constet circa articum polum ad octuagesimum gradum, aut circiter mare septentrionale, adeò gelu indurari, ut innauigabile reddatur. Narrat id etiam de mare Scithico Pomponius Melæ lib. 3. de situ Orbis; de mari Gothico Olaus

Olaus magnus lib. 1. de rebus Septentrionalibus cap. 3. Herodotus idem contigisse scribit in Bosphoro D. Thom. in illud Iob. 37. *Superficies abyssi constringitur*, inquit, mare iuxta superficiem congelari, non tamen in profundo, quia illuc vis frigoris non pertingit.

## CAPVT IV.

*De Rore, Pruina, Melle, & Manna.*

**E** Adem est materia Roris, & Pruinæ, scilicet vapor exiguus, & subtilis: in causa efficienti partim conueniunt, partim differunt; conueniunt, quia vtriusque efficiens est frigiditas noctis, sed vnus scilicet Roris est frigiditas modica, quæ solum vaporem illum subtilem addensat in aquæ guttulis; alterius, scilicet pruinæ est frigiditas intensa non solum in aquam addensans vaporem, sed indurans, & congelans, vnde & pruina durior est niue; ex quo fit, quod ros est temperate calidus, & frigidus, quia generatur ex modica frigiditate, quæ non omnino excludit calorem. Pruina autem est omnino frigida, vtpotè à frigore intenso generata, & ideo solet pruina gigni flante Borea, qui frigidus est. Ros autem fit serena nocte, quæ si nebulosa sit, & turbulenta exiguum, ac subtilem vaporem dissipat, nec in guttulas finit addensari, & sic ros est signum serenitatis.

*Si autem quæras*, quo in loco generentur ros, & pruina. *Resp.* Dinersas circa hoc esse opiniones; videtur tamen probabilius, quod generetur ros infra secundam regionem aeris, seu

seu in superiori parte infimæ, aut circa illam, ut tenet Commentator 1. lib. Metheor. c. 4. quia ibi est debitum temperamentum ex calido, & frigido, tum ex frigore noctis, tum ex approximatione ad secundam regionem, aliàs si in ipsa secunda regione generaretur, nimis condensaretur ille vapor ab immodica frigiditate secundæ regionis, per quam deberet transire; nec esset ratio, cur non caderet ros super cacumina montium, in quibus tamen etiam si altissimi non sint, non inuenitur. Ac denique quia si generaretur in suprema parte secundæ regionis, ut dicit Albert. quia ibi est temperamentum calidi, ac frigidi, cur non etiam suprema pars infimæ regionis erit locus per se roris? Quia idem habet temperamentum ex approximatione ad secundam regionem, & nostram, ne ponamus locum roris superiorem esse loco pluviæ. Cur autem in montium cacuminibus ros non decidat, causa est, quia vapor roris est admodum exiguus, & subtilis, quia ex locis humidis exhalatur, nec ita altè ascendit. Tam quia summities montium ventis perflantur, qui concretionem roris impediunt. Pruina autem generatur in infima aeris regione, quando intensum frigus in ea viget, ibi enim condensatur aqua, & guttulæ eius congelantur, præsertim concurrente influxu alicuius Planetæ frigidi, & sicci, qualis est Saturnus. Pruina ordinariè fit in principio hiemis, tunc enim albescunt campi, & tecta domorum pruina propter intensiorem frigoris congelantis vaporem tenuem; rigente verò hieme non permittitur vapor ille ascendere, & ideo non fit pruina.

*Mel* generatur ex vapore subtili, sicut ros, sed ulterius habet ille vapor admixtas aliquas partes terrestres, subtiles, & humidum etiam aereum, vnde ex commixtione talium partium, quando humidum non multum dissolvitur, sed caliditate aeris digeritur, ac decoquitur fit succus; seu ros dulcis, qui nocte frigoris pinguescens adhæret floribus, ac folijs, vnde ab apibus colligitur, & in aluearia defertur. Nec enim apes mel efficiunt, licet perficiant, ac magis decoquant, sed colligunt ex herbis, & floribus. Vnde videmus, quod cellulae earum vno, aut altero die repletæ inveniuntur, quod non esset si ab eis deberet fieri, & ex earum alimento generari, & etiam in autumnno, seu hieme non reparant mel sibi detractum, licet aliqui flores, & herbiculae suppetant illo tempore, quia tunc non generatur mellis ros; vnde inquit Arist. lib. 5. de historia animalium c. 22. quod apes fauos construunt è floribus, ceram ex arborum lachryma effingunt, mel ex aeris rore colligunt. Et sane in aliquibus floribus, præsertim antelucano tempore succum prædulcem inueniri, experientia testatur his, qui flores inuentos sugunt, ac dulcem eliciunt succum.

*De melle siluestri*, qualem D. Baptistam comedisse refertur in Euangelio, quidam existimant probabilius, esse mel montanum à siluestribus apibus confectum, quod summè amarum est, vocaturque à Plinio lib. 1. cap. 16. ericæum, quia ex erica eligitur ab apibus, ex qua iniucundum contrahit saporem, sicut etiam in sardinia mel amarū gignitur, quia ex absinthio ab apibus colligitur. Tenet illam sententiam Isido.



Isidorus Pelusiot. lib. i. Epist. 5. & Epist. 132.  
Chrysostom. Teophylact, qui dicunt ab agrestibus apibus fieri illud mel.

*Similem* generationem, quam mel, habet manna, nisi quod manna humidum aqueum, seu vapor valde decoquitur, & terræ partes manent cum exigua humiditate, & ex tali maiore decoctione fit liquor candidus, sicut etiam mel candidum, ob maiorem humidi decoctionem generatur. Manna autem in ramis, herbis, & lapidibus aspergitur, ideoque in medicinæ vsus asportatur. Nec putandum manna Hebræorum specie distinctum fuisse ab isto vulgari, nisi quod eius generatio altioribus causis perficiebatur, ut tandiu duraret, & talibus temporibus colligeretur, forte Angelis sic materiam disponentibus, ac ministrantibus, ac pluribus perfectionibus, & qualitatibus illud secundum Dei ordinationem immutantibus, unde & Angelorum panis dictus est. Sed tamen hæc specificam distinctionem non efficiunt, sed accidentalem, sicut vinum, quod Christus ex aqua conuertit, non differebat specie à vulgari vino, licet multo esset excellentius. Unde, & in modum pruinæ cecidisse mannam super terram, Scriptura refert cap. 16. Exodi,

## TRACTATUS VII.

*De Mari, eiusque motu, & sal-  
sedine.*

## CAPVT PRIMVM.

*De situ Maris.*



Supponendum est, quod licet varia ab Historijs Maria numerentur, omnia tamen ex Oceano qui est ipsum elementum aquæ vastissimum, omnem terram circumdans, ortum habent, vel manifeste, vel occultè, nam mare Balthicum circa Daniam ex Oceano influit. Mare Mediterraneum per fretum Gaditanum ex Oceano incipiens usq; ad Palestinam terminatur. Ex mediterraneo Verò primo per Propontidem, Aegæumque mare, deinde per Bosphorū circa Constantinopolim emergit mare, seu Pontus Euxinus cuius vltima pars paludem Mæotim claudit. Mare Rubrum circa Aethiopiam, & extremas Africæ oras versus Orientem, ex Oceano circa oppidum Aden incipit, inde per 350. leucas inter Aegyptum penetrans propè Palestinam desinit. De nomine Rubri maris an à calore dicatur an ab Edithra Rege qui interpretatur Rubrus, decertant scriptores. Et multi eiusdem esse coloris cum cæteris affirmant. Fœlicius ex nostrorum navigationibus comperitū est, quod aquæ illius ob arenarum ruborem,

botem, & coraliorum, quibus scatet, abundantiam rubrum referunt colorem, licet è mari extracta aqua perlucida sit, sicut cæteræ, quod ex Ioanne Barrio decade 2. lib. 8. cap. 1. Conimb. referunt hic tract. 8. cap. 2. Mare Persicum ostium habet in Oceano Indico, indeque Persidis parte malluit, in eoque Tigris, & Eufrates influunt, & hæc sunt maria, quæ aperte ex Oceano oriuntur. Præter hæc verò numeratur adhuc mare Caspium circa Armeniam, quod occultis vijs ex Oceano creditur oriri, vndique tamen montibus cingitur, & magis lacus mulcorum fluuiorum incursum stagnans, quam mare nominari posset. Igitur circa Oceanum, qui aquarum omnium parens est notandum est. Quod eius congregatio in vastissimo illo loco, quo iacet, tertia die creationis Mundi facta est, cum Deus dixit Gen. 1. *Congregentur aquæ, quæ sub celo sunt in vnum, & appareat arida*, quantum enim est de se aqua petit terram operire, sicque operiebat in principio; ad vsum autem hominum diuina Prouidentia factum est, vt terra appareret, aquæ vero elementum in vnum locum congregaretur: quæ congregatio mare, seu Oceanus, dicitur. Ille vero locus, seu hiatus, & intercapedo, in qua interfusa est huiusmodi aquarum vultitas, abyssus dicitur propter profunditatem suam immensam: quæ tamen non æqualis ybique est, sed montes, ac rupes, camposque sub aquis illis esse certum est, insulæ enim maris non aliud sunt, quam excelsi montes è maris profundo emergentes, & similiter vadosa loca, aut rupes ad superficiem maris, aut non longe a superficie ascendentes, terra

est è profundo maris eleuata vsque ad superficiem.

*An vero ex hac aquarum congregatione mare in tumorem elatum sit, ita vt terra sit altius, dubium est apud Philosophos, & Theologos, & difficultas non est in aqua, quam propè littus videmus, sed de ea; quæ longius à terra protenditur, an ita in tumorem, seu in maiorem altitudinem eleuetur, vt maneat ibi mare terra altius. Nam D. Thom. 1. p. q. 69. art. 1. ad 2. censet probabilius esse, quod mare terra sit altius, quod experimento compertum esse in mari Rubro affert ex D. Basil. homil. 4. in Hexameron ante medium; qui eandem tenet sententiam. Alij vero plurimi Authores oppositum tenent in eamque sententiam adducunt. S. Hieron. in illud Psal. 32. *Congregans sicut in vtre aquas maris.* Et D. Aug. 135. aliosq; Patres: Sanèq; quod D. Th. & D. Basil. non loquatur de mari comparato ad altissimos montes terræ, illud argumento est, quod D. Basil. de mari Rubro loquitur respectu terræ Aegypti, quæ montuola non est, sed planior, & mare depressior; cuius simile in Zelandiæ littore nos ipsi vidimus, vbi ad oculum mare terra ipsa altius est Ipsæ etiam insulæ, quæ montes quidam sunt in medio mari ostendunt tumorem aquæ non vincere altitudine supremos montes, habere tamen tumorem aliquem mare, ita quod terra altius sit negandum non videtur, quia tanta aquarum immensitas, quæ totam operiebat terram in vnum locum congregari non posset, & manere depressior terra nisi consumpta multa aquarum copia, quæ tamen potius creuit ex fluminum in mare influxu, & generatione*

nione aquarum, præsertim circa Septentrionem; Quare ex tali aggregatione aquarum intumorem aliquem, excrefcere debuit mare, quo terram superuincat, licet non altissimos terræ montes. Adde, quod locus ille, in quo congregatæ sunt aquæ, nec tantus, nec tam profundus esse videtur, vt absque rumore profunditatem aquarum, quæ totam terram operiebat potuerit excipere, sicut patet in diluuiio, in quo non obstante tota profunditate, in qua continetur, nihilominus terram operuit. Et quod faciat vnâ sphæram cum terra, non obstat eius efationi, nam etiam montes faciunt vnâ sphæram cum terra, quia totum hoc respectu cæli, cuius centrum sunt, quasi nihil reputatur. Nec valet dicere, quod si mare est altius terra, tunc æquali vento flante citius naues portum peterent, quam ab eo discredere cum è portu ascenderent, ad portum vero tendentes descenderent. Hoc inquam non valet, nam mare non ita sensibiliter à terra eleuatur, vt circa portum possit deprehendi illa maior celeritas. Præsertim quia fluxu, & refluxu circa portus existente, impeditur ille maior ascensus; aut descensus; sed existimandum est, quod mare secundum se eleuatius est terra, præsertim, vbi multum à terra distat; quæ tamen eleuatio prope terram non sentitur, eo quod ibi modice, & ferè insensibiliter supra terram videatur eleuari, præsertim propter æstus fluxum, & refluxum quotidianum, qui eleuationem istam, aut deprimit, aut æquat, aut extollit. Quod verò dicunt aliqui citius vna hora oriri, & occidere solem in Hispania existentibus, quam quindecim gradibus vltra Hispaniam versus nouum orbem

procedentibus, quod non eſſet niſi marè eſſet  
altius terra noſtra. Hoc nihil eſt, quia quod ſol  
nobis citius hic oriatur, quam ibi, cauſa eſt di-  
ſtantia loci, qui à ſole tam cito illuminari ibi  
non poteſt ſicut hic, nam etiam ſi vltra illos  
quindecim gradus ponerentur altiffimæ inſu-  
læ, tardius ibi oriretur ſol, & tamen altiores  
eſſent noſtra terra, quia eſſent montes altiſſi-  
mi, ergo illa ratio eſt nulla. Sed de his latius  
agemus Deo dante ad 1. par. D. Tho. in 2. tomq  
agentes de opere ſex dierum.

## C A P V T . I I .

*De motibus maris .*

**P**Ræter deſcenſum, qui aquæ competit ex  
naturalī grauitate, & motum, qui à ven-  
tis mari imprimitur, aliqui motus in mari vi-  
dentur, qui occultiffimas habent cauſas; depre-  
henditur enim Oceanum moueri ab Oriente  
in Occidentem, qui enim ex Hiſpania in nouū  
orbem traſciunt intra menſem plus minus  
curſum conficiunt quando vero reuertuntur  
ex America in Hiſpaniam trium, aut quatuor  
menſium ſpatium conſumunt, obnitente in  
contrarium aquæ motu. Eundem motum in-  
ueniri in Mediterraneo eodem ſigno depre-  
henſum eſt, cum tardius ex Hiſpania in Pale-  
ſtinam, quam è contra curſus fiat. Huiusmodi  
motum occulto ſiderum, & cæli influxui tri-  
buendum, præſertim diurno ſolis, aut lunæ mo-  
tui, qui à primo mobili rapiuntur, probabilius  
cenſetur. Alius motus, qui in Oceano aduer-  
ſetur eſt à Septentrione ad Austrum, qui magis  
circa

circa Septentrionem notatur. Et videtur Arist. lib. 2. Metheor. cap. 1. lect. 1. apud D. Tho. circa finem, huiusmodi motus causam reducere in altitudinem partis Septentrionalis respectu Australis, à qua proinde necesse est aquas defluere Albertus lib. 2. Metheor. tract. 3. cap. 6. addit multum aquæ generari circa Septentrionem propter loci frigiditatem, & solis absentiam, & propterea ad Austrum decurrere. Sed hæc causa licet in mari Mediterraneo versus Septentrionalem eius partem, quæ est Pontus Euxinus, locum habere videatur, non tamen in Oceano, quia ex parte poli Australis, seu Antartici vehementius frigus viget, quam in Septentrionali, & ita deberet etiam multum aquæ ibi generari, fierique motum ab Austro, ad Septentrionalē. Probabilior ergo est prima Arist. causa, quia terra declivius esse videtur à Septentrione ad Austrum, ideoque ex ea parte aquæ fluunt, licet multum ex his motibus cælesti impressioni tribuendum sit. Omitto alios motus, qui in Oceano notantur, non generales, sed ex varijs finibus, & concursum aquarum in modum vorticis confluentium, ut sinu Mexicano, & in Oceano, Aetiopico, & promontorio bonæ spei alijsque locis ubi aquæ reflexionem accipiunt ex sinuosa giratione circa terram, indeque maiori impetu fluunt.

*Principalis*, ac notabilior, magisque mirabilis maris motus est quotidianus æstus, seu fluxus, ac refluxus, quo per sex horas fluit, & à littore recedit; tamen æstus, non eodem modo in omnibus maris tractibus inuenitur. Nam in medio mari, non deprehenditur, sed circa littora, & in his variè, nam in aliquibus parti-

bus vix sentitur æstus, vt in aliquibus locis maris Mediteranei, vt apud Barchinonem, & Narbonam, & in mari Thirreno, ob quam causam aliqui putant in mari Mediterraneo æstum non esse, cum tamen in alijs eius locis sentiatur. In Oceano Hispanico, Gallico, Belgico, & communiter circa alias partes, sex horis fluit, sex refluit; circa aliquas tamen Galliarum partes, vt circa Aquitaniam septem fluit, & quinque refluit. In aliquibus Africarum locis fluit quatuor horis, refluit octo. Inter cætera mirabilis est maris æstus in litore Cambayæ in faucibus Indi fluij, vbi duabus horis mare triginta leucas inundat, duabus iterum tantum spacijs detegit, & ita tanta rapiditate agitur, vt homines cymbali sonitu admoneantur, ne incauti rapiantur ab æstu. Denique in Euripo, quod est angustum illud mare inter Euboeam insulam, & Aulidem, septies in viginti quatuor horis fluit, & refluit mare.

*Generalis* causa huius motus marini relictis varijs Philosophorum opinionibus, lunæ attribuendus est, secundum quod diuersimode à sole aspicitur, diuersosque in mari motus causat. Hanc opinionem perpetuo sequitur D. Th. vt opusc. 34. de occultis naturæ operibus, in q. 22. de verit. art. 13. & præcipui antiquorum Philosophorum, vt Auerro, Albumazar, Cicero, & ex modernis omnes. Huic sententiæ attestatur experientia, quia ad lunæ mutationem videmus mutationem æstus marini fieri, vt in plenilunio, magni, & feruentes æstus existunt, decresciente verò luna mitiores. Item variatur æstus quater in die communiter, & ordinarie (aliquibus locis supra relatis exceptis) secundum motum



motum lunæ diurnum , qui in quatuor partes diuiditur; ac denique , quia luna inter omnes planetas humidis corporibus dominatur , sicque peculiarem influxum , & impressionem in mare habet. Sed qua virtute id faciat luna , dubium est , an scilicet attrahendo , seu eleuando aquam ad modum magnetis trahentis ferrum , & rursus deponentis , an verò rarefaciendo aquas maris , & condensando , an denique solum diuerso luminis aspectu. Sanè quilibet dicendi modus suos habet authores , nullus tamen plenè satisfacit , nam quod sit attractione , non est causa sufficiens , quia etsi vis eleuatiua aquæ , & vaporum affris conueniat , tamen quod non solum eleuet , & attrahat , sed etiam deponat , & deprimat , non ita facile apparet , præterquam quod restat assignare cur non omnibus aquis etiam paludum , & flauiorum non imprimatur ista attractio , & denique quia motus ille non est eleuatio aquæ sursum , sed in latera agitatio . Quod etiam per rarefactionem , & condensationem non fiat , manifestum est cum eodem modo crassa sit aqua influxu , atque reflexu . Nec denique ex solo diuerso aspectu luminis , nam luna non existente in Horizonte , aut quando omninò est lumine priuata ex nostra parte , vt in nouilunio æstus non cessant , & luna non illuminat . Quare referendum est hoc ad impressionem aliquam non per modum attrahentis sicut in magnete , sed per modum mouentis huc , aut illuc aquas sicut etiam motus ventorum fit non per solam eleuationem exhalationum , sed etiam per motum in obliquum , quæ vis imprimens motum hunc , nobis penitus non est explorata ,

sicut multarum rerum causas manifeste non agnoscimus.

*Sed restat* tunc assignare causam diuersitatis marini æstus, vt quod in vna parte concitator sit, in alia mitior, & cur non omnibus aquis extra mare imprimat luna hunc motum; cur etiam in aliquibus puteis æstus reciprocatio sentiat. *Ad hoc resp.* Huius diuersitatis rationem prouenire partim ex ipso situ regionis, aut litoris, partim ex materia, quæ apta non est ad impressionem illam lunæ, videmus enim virtutibus istis occultis certam quandam materiam correspondere, inquam agere possint, & in alias non possunt, magnes enim potest attrahere ferrum, non lapidem, & Remora detinere potest nauim, non verò alium piscem; sic luna, quæ occulta quadam vi maximam aquam impellit, non potest alias aquas sic mouere; & similiter varie temperari potest impressio ista lunæ ex materiæ diuersitate, regionum si u, & aliorum astrorum influxu; sicut sol licet eandem semper virtutem habeat vapores eleuandi, & gignendi, non tamen in omnibus regionibus eos generat, nec pari modo vbique; sic licet luna eandem semper virtutem habeat mouendi aquam, non tamen primo modo omnis aqua mouetur, & ideo in diuersis locis videmus diuersimodè fieri æstus marinos, vel propter locorum situm, aut litorum altitudinem, vel depressionem, aut (quod fortè in multis accidit locis) propter obices, & tortuosas aliquas vias intra ipsum mare inclusas, quibus retardatur aqua in ascensu, vel descensu. Ac denique propter regionis illius qualitatem, aut siderum influxum. Et eadem  
ratio

ratio est cur in aliquibus locis vix sentiatur æstus marinus, quia languide motum, & impressionem lunæ suscipiunt ob aliquam ex prædictis causis, in aliquibus vero concitatio multo est impetus, quam in alijs. Similiter putei aliqui marini æstus recipiunt ex recipiunt, quia per occultas aliquas vias, aut criptas, maris recipiunt motum plus, aut minus tardius, aut citius, prout viæ illæ expeditæ sunt, scilicet aut rectæ, aut flexuosæ.

## CAPUT III.

*De falsedine maris.*

**S**alsedo ex aquæ saporibus vnum est, provenitque, ut Philos. dicit 2. Meteor. c. 3. lect. 6, apud D. Thom. ex admixtione alicuius sicci terrestri, & adusti cum humido, hæc enim ratione sudor, urina, cinis, & quod ex eo fit lixiuum amara sunt, quia indigesta, & adusta, cum ergo falsedinem hanc in mari experiamur, necesse est causam reddere unde falsedinem illam obtinet. Relictis autem Philosophorum opinionibus, qui partim fabulosas, partim non veras de huiusmodi falsedine causas afferunt. Arist. & communiter Philosophi huiusmodi falsedinis causam assignant, multitudinem exhalationum siccarum, quæ non sunt omnino decoctæ, sed adustæ, & cum per mare sint dispersæ, falsedine ipsum afficiunt. Quod enim ab huiusmodi sicco adusto non decocto salsedo proximè causetur, diximus experimento sudoris, & aquæ liquatæ per cineres, seu lixiij, & aliorum. Quod vero mare

huiusmodi exhalationibus fit reſperſum, experientia videtur demonſtrare. Tum quia aqua marina calefacit, & exſiccatur, ut medici dicunt, & idcirco ignem ſi magnus ſit non extinguit. eademque de cauſa loca maritima calidiora ſunt: Tum etiam quia aqua maris nimis craſſa eſt, unde & magis leuat pondera, quam aqua dulcis, hæc autem craſſities ex multitudine exhalationum ei admixtarum provenit, quæ humectatæ ipſam veluti coagulant, & grauem efficiunt. Tum denique, quia aqua marina eliquata per terram, aut arenam, vel ſolis vi in vaporem eluata fit dulcis, quia ſecernuntur exhalationes illæ aduſtæ, & terreſtres.

*Hæc* autem licet vera ſint, ſemper tamen reſtat dubium à qua cauſa tanta ſiccitatis exhalationum copia generetur, ut totum mare ſalſum reddat, nam quod ſoli adurenti tribuatur huiusmodi eleuatio exhalationum, quia ſcilicet è fundo maris, ut dicunt aliqui eleuantur vapores craſſi, & terreſtres, qui ultra ſuperficiem aquæ tranſire non poſſunt, & ideo per illam diſpergantur, faciuntque ſalſedinem, non videtur ſufficiens. Primo, quia calor ſolis non poteſt ita penetrare uſque ad fundum maris, ut inde vapores eleuet, & dato, quod poſſit, ſi per medium ita craſſum è fundo maris utque ad ſuperficiem illos eleuat, cur non poterit etiam eleuare illos ultra ſuperficiem, ubi amplior ſolis calor viget, & medium, ſcilicet aer minus craſſum eſt? Secundo, quia ubi ſol parum calefacit ob longiſſimam diſtantiā ita ut ſerè nihil ſentiantur eius radij, ut circa Polum Arcticum, ubi etiam per multos meſes ſol non apparet, quomodo habet tantam vim ele-

elevandi vapores terrestres è fundo maris , aut adurendi ipsum, vt in eo saluginem generet. Tercio, quia non plenè satisfit illi difficultati, quomodo magni fluij, & lacus, & stagna, quæ ita continuo feriuntur à sole, sicut mare, non redduntur falsa ab eius exultione, nam quod aliqui dicunt flumina continuo fluere, & ideo non directè, & immobiliter recipere solis ardorem, nihil est, cum aliquibus locis fluat, & refluat mare, ac moueatur maiori impetu, quam fluij. Quod vero stagna, & paludes parua sint respectu maris, & ideo pauciores radios solis excipiant, non satisfacit, quia secundum sui proportionem tot recipiunt radios, sicut mare, nam si ponamus stagnum vnus leucæ, tantum recipit de radijs solis, quantum vna leuca maris, ergo quod sufficit ad inducendam falsedinem in vna leuca maris cur non in vna leuca stagni.

Igitur quod in hac parte probabilius videtur est, quod sicut mare ex natura sua petit opetire terram, quod autem eam discooperatam reliquerit, & in vnum locum successit, ad Deum, tanquam ad immediatam causam referendum est, qui tertia die creationis dixit: *Congregentur aquæ quæ sub celo sunt in vnum & appareat arida.* Genes. 1. ita similiter aqua ex natura sua falsedinem non habet, neque alium saporem, quia sapor ex quatuor primarum qualitatum temperie resultat, nulli verò elemento ex natura sua conueniunt quatuor primæ qualitates, & vt in q. 10. lib. 1. de gen. ostendimus; & consequenter neque sapor falsus, sed iste attributus est elemento aquæ immediate à Deo, impartiendo illi magnam ex-

halationum adustarum copiam, ex quibus generatur falsedo, quæ tamen maximè iuuatur ab ardore solis, ob quam causam superficies maris salior est, quam fundum. Et etiam aliquando inuenitur mare salius, aliquando verò minus falsum, vel ob maiorem solis ardorem augmentem exhalationes adustas, vel ob regiones, & terras, quas mare decurrit, quæ sunt saliores. Quæ causa aliquando deficiens, falsedinem remittit. Ego verò libentius huic opinioni assentior, quia non est causa creata, quæ possit totum integrum elementum immutare, & ideo qualitates peregrinæ, & quæ conueniunt alicui integro elemento, in Deum referendæ sunt, vt quod mare sit congregatum in vnum locum; quod terra sit paululum è centro eleuata, & aquis discooperæ, quod non sit perfecte spherica, sed montuosa: omnia hæc in Deum referimus, licet inuentur etiam à causis naturalibus, sed non totaliter ab eis fiunt. Fuit autem prædicta falsedo mari indita tertio die creationis, quando congregatæ fuerunt aquæ in vnum locum, nam si antea, cum totam terram operiebat, falsum fuisset, valde nocuisset terræ falsis eam qualitatibus imbuendo, sicut post in vniuersali diluuiò valde nocuit. Finis autem, ob quem huiusmodi falsedo mari tributa est fuit: tum ob generationem, & nutritionem piscium, quos constat in aqua dulci non omnes diu posse viuere, præsertim cete illa grandia, & pisces, qui nunquam aquas dulces ingrediuntur, tum ob nauigationis commoditatem, quod maximum est humanæ vitæ beneficium, illi autem falsa aqua commodior est, vt potè crassior, & grauior, quæ magis naues sustent.

sustentat, & eleuat. Tum deniq; ne maris aquæ putrescerent, iugi solis ardore reperiussæ, sicut stagna computrescunt, quamuis à vento moueantur, quia à sole diu feriuntur. Cur autem putei aliqui, aut lacus falsi inueniantur? Ratio est, aut quia è mari, quod falsedinis parens est per subterraneas, & occultas vias falsum liquorem excipiunt, aut quia ex terris, per quas decurrunt, quæ falsæ solent esse, falsedinem contrahunt.

---

## TRACTATUS VIII.

### *De Fontibus, & Fluminibus.*

#### CAPVT PRIMVM.

##### *De ortu, & origine fontium, & fluminum.*



Elicta horrida maris vastitate, ut fontium, ac fluminum amœnitatem quæramus, illa primum se offert quæstio, quomodo fontes, ac flumina oriantur, & quod sit eorum principium. De quo valde apud Philosophos dubitatum est, & forte vix adhuc solutū. De hoc agit Arist. 1. Metheor. cap. 13. & D. Th. lect. 16. & 17. Quidam ergo fontium principium referunt ad aquam pluuiarum, quæ intra quasdam concauitates terræ velut in cisterna quadā, aut lacu colligitur, indeque per scaturigines fontium deriuatur intor-

ren-

rentes, ac fluuios, qui tanto plus aut minus durat, quanto amplior locus intra terram, aquę multitudinem congregat, vt in multũ tempus possit materiam fonti, ac fluuiio ministrare. Alij existimant (inter quos Arist. loco citato) principium fontium, ac fluminum sumi ex vaporibus, qui intra finem terrę generantur, & concresecunt in aquam, cum enim terra multis in locis concaua sit, & plena voraginibus, necesse est tales concauitates, & hiatus aere repleri, ne detur vacuum, deinde aer ille frigore terrę ingrossatus concresecit in vaporem, illeque in guttas, quę collectę aquam efficiunt, eamque subministrant fontibus, ac fluminibus, quod etiam videmus in æstate, quando partes inferiores terrę frigidę sunt, veluti resudare terram, & in guttas concresecere, quę proinde in magnis, atque humidis partibus magnam aquarum vim generare possunt, & idcõ inquit Arist. videmus in montibus cerebrus emanare fontes; & oriri fluuios, quia loca montana sunt quasi spongię, quę aquas hinc, inde sugunt, & emittunt; & etiam figura montium maximẽ iuuat ad recipiendum aquarum multitudinem, & ad generandam aquam ex vaporibus in se inclusis propter maiorem vim frigoris, & humiditatis intra concauitates suas receptam, vnde, & in maximis montibus maiores fluuij, & frequenter fontium scaturigines emanant. Alij denique arbitrantur omnes fontes, & flumina ẽ mari ortum ducere iuxta illud Ecclesiaste 1. *Ad locum vnde exeunt flumina, reuertuntur, ut iterum fluant.* Sic tenent plures ex Patribus, vt D. Basil. homil. 4. in Hexamer. D. Hier. in illum locum Ecclesiaste, D. Damasc.



lib. 2. fidei cap. 9. D. Isidor, lib. 3. originum cap. 20. Idem etiam videtur tenere D. Thom. in 2. dist. 14. q. 1. art. 5. ad 4. ubi dicit. *Quod ex impressione corporum celestium aqua subingreditur terram, ut sit apta ad generationem mineralium, & animalium, & exinde in locum proprium naturali motu reuertitur*. Sic ergo per subterraneas vias, & hiatus terræ ipsa etiam caliditate terræ sugente, & adiuuante impressione cælesti aquæ maris terram subintrant, & veluti sanguis in corpore animalis ex iecore in varias venas deriuatur, sic intra terram per varias concanitates veluti per venas aqua scaturit. Nec alia videtur esse sufficiens causa, ut tot, & tam ingentibus fluminibus, quæ in tota terra sunt perpetuam subministret materiam. Ultimo aliqui sentiunt quod tertia die creationis Deus è mari magnam aquarum vim per terræ viscera, & concanitates distribuit, & in multis, ac magnis terre finibus amplissimam recondidit aquarum congeriem, vnde subministratur materia fontibus, lacubus, & fluminibus, ex quibus tunc plures, ac magni fluuij, qui etiam vsque nunc durant, eruperunt, abj emergence successu temporis facta aliqua terræ mutatione, qua locus egressioni aquarum daretur, fatentur tamen hi Authores, omnes minores, & torrentes licet ex ista aqua à mari deriuata ordinarie oriantur, maximè tamen conducere ad eorum generationem, aquam, pluuialem, & vapores, quos terra in aquam condensat. His enim causis deficientibus, & ipsi deficiunt.

*Omnes istæ sententiæ in aliquo veritatem attingunt, licet aliquæ non plenè. Quare in hac parte pro certo duo statuenda sunt.*

*Pri.*

*Primum* est, loquendo de materiali causa fluminum, & fontium, non unicam causam habere, sed multis iuari, siquidem aqua intra terram multis de causis generatur, & ab omnibus à quibus generari potest, potest etiam iuari fontium, ac fluminum subministratio. Causæ autem quibus generatur aqua intra terram si attendamus ad materiale, vel est aer qui grossior effectus intra terram cogitur in vaporem, & tandem in aquam generatur, vel est ipsa aqua subministrata terræ per occultos meatus, vel à principio mundi, vel postea nouis ruptionibus, aut casibus, vel etiam terra ipsa attrahente, & sugente, ministrata.

*Secundum* est, quantum ad causam efficientem, eam esse, vel generatiuam aquæ intra terram, vel attractiuam, & deductiuam ad loca vade fontes oriuntur, & flumina, hæc enim proportionaliter habent correspondere causæ materiali, sicut enim materia fluminum, & fontium, quædam est generata ex aere ex quo fit vapor, & aqua, quædam est attracta ex ipso mari per occultas vias, ita oportet causam efficientem aliam esse attractiuam, aliam generatiuam, & iuari etiam poterit antiperistasi, aut alia causa, per accidens, compressa enim aqua fortius ascendit, vel attrahitur, & aere ipso qui intra terras est moto, vel recedente, aqua aliquando sequitur illam nè vacuum detur.

*Hoc supposito* dicimus primo. Causa materialis propinqua fluminum, & fontium est aqua à Deo inclusa intra sinus terræ, quando terram discooperuit aquis, & secundo aqua  
gene-

generata ex ipso aere, & humiditate intra terram incluso. Et tertio iuuatur ex aqua pluuiali præsertim pro fontibus, & torréribus qui ad tempus durant, & non sunt perennes nec magni. Prima pars negari non potest, cum Deo specialiter in scriptura tribuatur dispositio terræ, & aquæ, taliter quod scaturiant fontes, & aquis terra abundet Psal. 103. *Qui emittis fontes in conuallibus.* Prouerb. 8. *Quando æthera firmabat sursum, & librabat fontes aquarum.* Et Eccles. 1. *Omnia flumina intrant in mare, & mare non redundat, ad locum unde exeunt flumina reuertuntur, ut iterum fluant.* Quod sane stare non potest, nisi mare per occultas vias aquam subministret, ut flumina perenniter fluant, ut expresse S. Hieron. interpretatur ad illum locum Ecclesiastæ, & D. Th. in 2. dist. 14. cit. aliqui Patres. Hoc etiam demonstrat in tot locis intra terram inuenta aquarum vis, quæ multiplici meatu intra terram currit, naturaliter enim terra fugit aquam ob suam siccitatem, habet etiam plures specus, & cauernas, quæ sicut replentur aere, ita, & aqua quæ prohiberi non potest, ut intret à mari si talis apertura est qua intrat aer: nec solus aer intra terram videtur sufficere ad generandam tantam vim aquæ quantam intra viscera terræ inueniunt fossiores, & erumpere ex illa videmus, & cum plus aquæ generetur in nubibus quam intra terram, quia ibi est plus aeris, nec tamen aqua decidens sufficit pro omnibus fontibus, & fluminibus cum fere tota quæ decedit terræ siccitate absorbeat, idem ergo erit de aere intra terram ingrossato, nisi aliunde perenniter aqua subministretur.

De

Denique in ipsis primis diebus quibus factus est mundus fit mentio quatuor fluminum qui è paradiso oriebantur, nec tamen tota illa aquæ vis poterat ex aere intra terram collecto iam tunc esse generata, quia tamen paucis diebus non videtur potuisse ex aere tantam aquam generari, aliàs si id eadem proportione postea fieret, paucis diebus cum terra repleretur aquis, nec etiam poterat esse generata à pluuijs, quia tunc nondum Deus pluerat super terram, ut dicitur Genes. 2. ergo alia aqua fluuiorum à mari videtur fuisse subministrata.

*Quod vero* iuuetur etiam fontium, & fluminum origo ex aqua generata ex aere intra terram incluso, & ex pluuijs collecta patet, quia reuera intra terram multus aer colligitur, ut constat, tum ex terræ moribus, ut tract. seq. dicetur, tum quia mlei specus, & cauernæ intra terram inueniuntur. Aer autem intra terram inclusus præsertim in locis humidis, & ipso terræ frigore addensatur, & fit aqua, sicut quando cogitur in nubes. Ex aqua etiam pluuiali multum aquæ colligitur, qua videmus inundare fluuios, & torrentes, ergo ex istis omnibus iuuatur præsertim, si omnes non sint magni, nam pro omnibus præsertim amplissimis fluuijs, & lacibus, quæ in tota terra sunt, hæc sola causa non sufficit, cum nec sit tantus aer intra terram quantum aquæ in tot fluminibus apparet, nec in omnibus locis è quibus decurrunt fluuij æqualiter videatur disponi aer intra terram, ut conuertatur tam abunde in aquam.

*¶* *Rico secundo* causa efficiens fluuiorum, & fontium est in primis motus cæli mouens aquam admi-

admixtionem intra terram, & similiter generans vapores ex aere humido intra eam incluso. Secundo, frigus terræ cogens aerem humidum sicut cogit secunda regio aeris, & facit nubes. Tertio, ipsamet aqua è mari intrans terram, tum aerem ipsum subterraneum, tum etiam terram, conuertens in aquam.

*Hæc conclusio quantum ad duas vltimas causas negari non potest, naturaliter enim vnum elementum agit in aliud, vt aqua in terram, & aerem, aer etiam frigore naturaliter fit grossior, & in vapores cogitur, atque in aquam resoluitur. Ergo si istæ causæ intra terram sunt, ex illis subsequetur similis effectus. Prima vero ponitur à Diu. Thom. loco cit. ex dist. 14. in 2. sent. in illis verbis supra relatis.*

*Et ratio est manifesta quia cælum agit in elementa, vt vnum generetur ex alio, & alteri misceatur, & vt moueatur ad motum cæli, vt videmus in fluxu, & refluxu maris, & in agitatione ventorum, & generatione nubium, & pluuiarum, ergo sicut hæc fiunt ex impressione cæli, ita & generatio aquæ in terra ex aere, & motus elementi aquæ ad subterranea sub terræ loca.*

*Dico tertio causa efficiens ascensus aquæ pro fontibus, fluminibus quæ generantur in locis sublimioribus, est primo ipse motus cæli eleuans aquas sicut agit aquam maris, quando crescit per fluxum, & refluxum, vt supra diximus, & sicut eleuat vapores ad generandû pluuiam. Secundo, ipsa terræ dispositio quæ quasi spongia siccitate sua, & cauernositate sugit aquas, vnde montes quia petrosi sunt, & cauernosiores facilius in se congregant, & at-*

*tra-*

erahunt aquas, quam cauſam ponit Ariſtot. 1. Metheor. ſupra cit. Tertio, ipſa aquæ comprefſio, quæ aliquibus terræ locis quaſi fiſtulis conſtringitur, & ad aſcenſum iuuatur, aqua enim oppreſſa aliquo pondere, aut intra fiſtulas inclufa aſcendit, vt videmus quotidianis experimentis per artificioſos aquæ ductus: multo ergo melius id fiet à natura intra terram quam ab aere.

## CAPVT II:

*Dubia quedam circa ortum, & decurſum  
fluminum, & fontium  
enodantur.*

**P**rimò, inquirens quomodo tam pèrenni, & indefectibili motu effluant flumina, & fontes ſcaturiant, cum non niſi violento motu attrahantur ad ſuperiora loca, ſcilicet ad montes vnde frequenter oriuntur.

*Reſpond.* attractionem illam licet fit violenta aquæ, ſecundum ſuam naturam elementalẽ conſideratæ, eſſe tamen ad alios fines neceſſariam, ſcil. ad mixtorum, & viuientium generationem, & conſeruationem, & ideo motus cæli qui eſt principium viuientium, ita imprimis elementis, quod contra motus proprios aliquid in eis facit ad propagationem mixtorum, ſicut eleuat vapores, & exhalationes ad generationem nubium, & aliorum metheororum, licet illis violenta ſit, & ſicut ipſum mare congregatum eſt in locum vnum, licet petat operire terram, & terra ipſa aliquanto eleuatior eſt facta, vt aqua cõgregaretur, & multa  
alia

alia accidunt, quæ ipsis elementis videntur violenta in proprijs naturis, alijs verò mixtis necessaria sunt, aut etiam gubernationi vniuersi, vt subest tot motibus, & ideo simpliciter naturalis.

*Secundo inquires* si flumina, & fontes è mari oriuntur cur saporem amittunt, nec retinent maris falsedinem, cur etiam aliquando deficient, vel minuuntur cum mare nunquam deficiat?

*Resp.* aquam maris ipsa terra fugente, & eliquante attenuari, sicque illam crassitiem exhalationum adustarum amittere, quæ erat causa falsedinis, nec tamen è terra qua liquatur, exhalationes falsas excipit, quia non quælibet exhalationes, vel terreæ qualitates falsedinem inducunt, sed exhalationes adustæ, aut taliter temperatæ sicut mari impressæ sunt. Dicitur etiam aquam maris per ceram, vel arenam eliquatam, falsedinem exuere, quod argumento est posse illam intra terram amittere quasi ibi spongiatam. Addunt alij, cum aqua separatione facta tertia die, fuit etiam per terreæ venas dispersa, hanc non recepisse falsedinem, sed mare tantum, ideoque ex illa reliquam dulcorari.

*Quod verò dicitur de fluuiorum deficientia.*  
Respond. quod licet mare nunquam deficiat, tamen eius aquæ deriuatio multis de causis impeditibilis est in aliquibus locis, sicut in alijs expeditur via, vt de nouo fiant fluuij, aut fontes. Causæ deficienti in fluuijs esse possunt. Primò, quia aliquando terra nimis exsiccatur caliditate excessiua à cælo. Secundò, quia aliquando decidente terra, vel terreæ motu concussa

cussa, aut alia simili causa oburantur viæ quæ fluuius decurrebat. Tertiò, noua terræ induratio quæ aquas detinet, & non amplius fugit, neque attrahit. Quartò, noua aliqua ruptio, vel excauatio terræ, qua in lacum stagnat aqua, quæ in fluuium decurrebat. Quintò, arborum, aut lapidum, aliorumvè metallorum noua procreatio, aut eufusio, qua vel impeditur decursus aquæ, aut aliò deflectitur. Tandem ipsa terra mutuo agens in aquam eam consumit, sicut è contra aqua generatur etiam è terra.

*Tertio inquires*, quæ sit causa cur mare tot fluuiorum accessionibus non augeatur? *Resp.* id primo esse quia aqua maris aliunde etiam exoneratur per ipsas terræ cryptas, & meatus subintrans, & ministrans aquam fluuijs, & sic quod ex vna parte intrat, ex alia exit. Secundò; multum de aqua maris exhalatur solis ardore, motuque cæli, & elementorum actione, ipsaue fluuialis aqua cum leuior sit marina, tenuiter superlabitur ei, faciliusque exhalatur à sole. Ter iò, addimus accessione fluuiorum augeri mare, sed non redundare, hoc est super terras se non effundere, eo quod omnes fluuij comparati ad mare, parvæ quantitatis sunt, & ita non possunt exundationem facere, licet augeant aliquid. Scriptura autem solum dicit, *quod flumina intrant in mare, & mare non redundat. Ecclesiastæ 1.*

*Quarto inquires* quid dicendum sit de extraordinarijs effectibus, quorundam fontium; & fluminum? *Respond.* multos esse effectus occultissimos in aquis quorum ratio prorsus nescitur, alios qui aliquantulum ex dispositione solis,



folijs, vel cæli possunt indagari. Nam quod aliqui fontes habeant talem qualitatem, v.g. calorem, odorem, saporem potest ex qualitate terræ, & salubritate cæli perpendit, feruent enim quidam qui ex terra sulphurata emanant, alij medicinales sunt diuersis morbis, alij mouentur ad instar maris ex aliqua occulta cum mari communicatione. Quod autem aliqui sint qui flammam nutriant sicut oleum, qui inebrient sicut vinum, qui omnia pondera respuant, aut quidquid infectum sit absorbeant, aut in lapides conuertant, aut talis, vel talis coloris reddant animalia, quæ inde bibunt, & alia multa similia, quæ de varijs fontibus, & fluuijs, aut lacubus referuntur, si vera sunt, occultas valde habent causas, nec facile à nobis assignari possunt nisi diuinando, sicut multarum aliarum rerum naturalium virtutes omnino nescimus, sicut diuersarum herbarum, lapidum, radicum, animalium, & aliarum rerum similia.

## CAPUT III.

*De quarundam aquarum saporibus alijsque qualitatibus.*

**E**T si supra disputatum sit de falsedine maris, quæ ad saporem aquæ pertinet, tamen de saporis præstantia, alijsque qualitatibus aquas efficientibus, nunc differendum est. Reducuntur autem istæ qualitates ad res communiores, scilicet, ad calorem, & frigus; ad varietatem saporum, & odoris, ad diuersitatem motuum quibus decurrunt, aut agitantur. Quod

Quod attinet ad calorem; constat plures fontes ebullire quasi æstu nimio feruescentes, alios tepidiores, alios frigidiores, imò aliqui variant hanc dispositionem, & aliquando calidi, aliquando frigidi, aut tepidi inueniuntur non solum ex aeris, & cæli temperie, sed ex propria emanatione. Communiter autem caliditas aquarum intra terram non à solis radijs qui intra viscera terræ paruum roboris habent, & ita in hyeme, atque in regionibus septentrionalibus, vbi acerrimum frigus viget, non possent dari istæ aquæ calidæ, quas constat inueniri in Islandia prope montem Hecclam, & adhuc in magis suppolari regione, scilicet in Groetlandia vbi congelatum mare ab aquis fontis calidissimi propè littus emanantis à duritia resoluitur. Communiter ergo calorem istum ebibunt aquæ ab ignibus subterraneis, qui prope aquarum decursum terram depascunt, & aquas ipsas sic calefaciunt sicut in lebate ad ignem admoto, cuius signum est odor ipsarum aquarum qui sulphureus est, & ipsa terra sulphurata per quam decurrunt; vbi autem generatur sulphur, quæ est materia, & pabulum ignis subterranei, ibi ignis ardet. Et hæc quidem ordinaria causa est aquarum calidarum, quæ in tanto excessu calidæ sunt, vt ferueant. Quæ vero mitiori calore præditæ sunt etiam ab alijs causis incalescere possunt, vt ab exhalationibus calidis, quas sol è terra eleuat, & per antiperistasis terra occlusa tempore hyemis calor intenditur, vt in libris de generatione diximus. Et forte aliquando tanta exhalationum copia, & talis antiperistasis accidere potest, vt calor aquæ inten-

centissime creseat. Sed hoc, nec ita commu-  
niter accidit; neque ita dururnam causam ha-  
bet; sicut calor illarum aquarum quæ perenni-  
ter fluunt cum foruore.

*De frigore* excellenti aliquarum aquarum,  
in quo genere celebratur ab Authoribus flu-  
uius Cydnus, apud Tharsum Ciliciæ; & aqua  
Melanis fluuij, apud Pamphyliam, alijque fon-  
tes partim occurrunt frigiditatis excellentis;  
non est dubium frigus hoc in ipsa natura  
aquæ multum habere fundamentum; quia ex  
se postulat excedentem intensiorem frigoris;  
sed quomodo à contrarijs se defendat, ne  
amittat illud; cum passim alios fluuios & fon-  
tes videamus frigiditatem amittere; & aqua  
propter suæ substantiæ tenuitatem, vix potest  
qualitates istas à contrarijs defendere dubium  
est.

Respondet tamen, quod præter caelestes in-  
fluxus occultos quibus maxime istæ corporum  
& elementorum qualitates transmutantur, aut  
conseruantur, potest etiam causa esse ipse to-  
tùs terræ per quem aqua decurrit, quæ infra  
halitus frigidiores generat, quibus decurren-  
tem aquam perpetuo afficit, quasi suppositis in-  
nuosis qualitatibus; aut ex frigore subterra-  
neo per antiperistasis generato. ut in monti-  
bus, fontes participant illum algorem, cuius  
manifestum erit signum; si aqua illius fluuij  
vel fontis extracta in vase aliquo, & relicta ei-  
dem soli aut cælo frigiditatem amittat; hoc  
enim euidentius est non habuisse causam inhaeren-  
tem ipsi aquæ perpetuo, sed à terra per quam  
decurrit emendicatam. Illa verò alternatio,  
quæ in aliquibus fontibus, aut aquis inuenitur,

ut intra vnum diem teruant , & algeant , crescant aut decreuant ; causam habet aliquam motum cæli speciali modo in illo loco impressum , sicut etiam mare fluit & refluit diuerso modo in vno loco atque in alio ex diuersa cæli impressione.

De sapore & odore aquarum , constat eas esse qualitates peregrinas , nec elementorum proprias , sed à mixtis ebibitas . Vnde iuxta qualitatem terræ qua aqua effluit , tales participat qualitates , redduntur enim aquæ acerbæ per alluminosa loca decurrentes , amaræ per nitrosa , ferratæ per ferri venas . Feruntur & aliqui fluuij dulcem exhibere saporem , ut Himeræ fluuij in Sicilia , alij pinguem , alij alias similes , qui ex ipsa terrarum dispositione emedicantur . Plures aquæ grauem odorem efflant , vel quia putrescunt aere non perflatæ , sed quasi retagnatæ , vel quia ex venis grauis odoris scaturiunt , ut qui è sulphurea terra deriuantur . De faldedine iam supra diximus agentes de mari . Et si autem præstantior censeatur aqua quæ subtilior est , minusq; peregrinis qualitatibus imbuta , minusque ponderosa , ideoque aliquando excedat fluuialis fontanam , aliquando fontana fluuialem , tamen ad speciales morbos curandos , vel virtutem nutritiuam iuuandam specialiter aliquæ aquæ suas virtutes habent , quas vel ex terra participant , quam decurrunt seu vnde deriuantur , vel à cælesti influxu particulari . Quæ autem aquæ specialiter salubriores sint , ad medicorum curam pertinet.

## TRACTATUS IX.

*De terramotibus, & subterraneis ignibus.*

## CAPVT PRIMVM.

*Que sit vera causa terremotus.*

**P**ost considerationem eorum quæ generantur in aere & aqua seu ex illa deriuantur, restat vltimo considerare ea quæ in terra generantur, quarum quædam pertinent ad mixta vt metalla, quæ tamen non sunt, ita perfecta sicut ea quæ super terram generantur & pertinent quasi ad eius ornatum; vt quæcunque germinant in terra, metalla autem & fossilia intra viscera terræ sunt, & quasi vnum corpus cum ipsa efficiunt, ideoque in hoc opere de Metheoris seu mixtis imperfectis tractantur, quia maxime ad ipsa elementa accedunt. Tum etiam quia eorum materia est sicut aliorum metheororum, scilicet vapor & exhalatio, vt sequen. tractat. dicemus. Alia non pertinent ad mixta vt ignes subterranei, & terremotus, & primo tractabimus de his, secundo de metallis in seq. tract.

*Igitur circa causam terremotus varias afferre sententias antiquorum Arist. 2. Metheor. cap. 7. lect. 12. apud D. Tho. & sunt tres. Prima Anaxagoræ, qui causam terremotus posuit esse*

aerem ingredientem terram, qui non potest libere sursum ferri, sed errare in hoc, quod existimauit terram esse figuræ planæ, & quasi natare in aere, & aerem subingredi terram ex parte inferiori, & cum non possit libere ferri sursum, causare terræmotum. Quod tamen inconuenienter dicitur, tum quia terra non est plana, sed in globum rotunda propter grauitatem suam, quæ ponderant omnes partes ad centrum, tum quia si terra cum sit plana natar in aere aer subintrare debet eam sine terræmotu, scilicet exeundo ex parte etiam inferiori, qui est locus aeris. Ab hac opinione non est multum dissimilis Thalesis opinio, qui dixit terram supernatare aquis, & ex motu aquarum quasi ex procellis terram tremere, quod planè fabulam redolet, aqua enim potius est superior terra, quam sub ea.

Secunda sententia fuit Democriti, qui dixit quod cum terra habeat sinus suos plenos aquæ, & pluit, & aut pluit non inueniat ibi receptaculum moueat terram. Quæ sententia valde debilem causam terræmotus affert, potius enim pluuia descendens per superficiem terræ decurreret, quam eam mouebit. Alij br

Tertia fuit Anaximenis, qui terræ motus causam posuit partes terræ cadentes cum sumptur ex nimia siccitate solis, illo enim casu percutiunt terram, & tremere faciunt. Quæ etiam sententia insufficiens causam affert, plerumque enim terræ motus accidunt ubi nulla pars terræ cecidit, & continuatur per longum terræ tractum, nec tamen in omni illo partes terræ cadunt, & ad tantum motum, & sonitum quam terræ motus faciunt necesse esset valde

notabiles partes terræ prius cadere, quod non videmus, potius enim ex ipso terræ motu contingit cadere partes terræ.

*Igitur vera causa terræ motus est multitudo spiritus, seu exhalationis siccae à sole eleuata, aut etiam per antiperistasi in calefacta, & quærens liberum exitum, si non inuenit, quatit terram, sicut enim à vento mouentur corpora in quæ impergit si sit vehemens, & sicut puluis tormentarius igne corcepto cum sonitu exit. Itaque exhalatio sicca, sicut illa quæ est materia ventorum mota violenter intra terram, quia non inuenit liberum exitum est causa terræ motus. Nam quod hæc sit aptissima causa ad terræ motus patet, quia terra cum sit corpus grauissimum non potest moueri nisi ab aliquo maxime motiuo quale est ventus, seu exhalatio sicca, quæ habet vehementissimum motum, ut videmus in ventis, & propter suam subtilitatem penetrat partes terræ, & eleuat eas seu mouet. Generari autem istas exhalationes, seu spiritus intra terram constat, quia sunt in eo plures concanitates, quæ aere replentur ne detur vacuum, ex se etiam terra emittit exhalationes siccas, vel virtute solis, vel ignis subterranei euaporatas, ergo quando istæ generantur in magna copia, & liberum exitum non habent, & aliunde aer propter suam inquietudinem, & subtilitatem mouetur, terram concutiet. Et quia non semper istæ condiciones concurrunt, ut vel sit multa copia exhalationum siccarum, vel non sit liber exitus, ideo non semper fiunt terræ motus, licet nunquam desit aer intra terram, aliquando etiam moderatur siccitas exhalationum ex humiditate*

adiuncta, & sic languescit earum vis ad mouendum. Denique id probat Aristoteles quia plerumque isti terræ motus accidunt temporibus quo abundant istæ exhalationes sicca, vt vere & autumno, in æstate enim, & hyeme consumuntur propter exuberantiam caloris, vel frigoris, licet aliquando, sed rarius etiam in hyeme, & æstate contingant terræ motus: similiter loca cauernosa, & spangiosa sunt istis terræ motibus obnoxia, vt circa Hellespontum, Achiam, Siciliam, &c. quia ista loca generant plures flatus & copiam spiritus.

## CAPVT II.

*De accidentibus, & effectibus terræ motuum.*

**A**ccidentia terræ motus quædam sunt antecedentia, quasi præagia, & signa ipsius; quædam concomitantia, sed ab ipso edicta vt sonus, duratio, extensio & similia; quædam subsequencia tanquam effectus vt subuersiones montium, fluuiorum eruptiones & similia.

*Circa præagia, seu signa terræ motus, varia assignari solent. Primo est motus aliquis extraordinarius in puteis, vt si aqua ebulliat, & ascendat, si fiat turbida, & grauem odorem efflet, aut etiam mare intumescat sine flatu, hæc enim sunt præagia multi, & copiosi spiritus è terra errumpentis, & aquas mouen is vel turbantis. Secundum signum sumitur ex aere, si aer fiat caliginosus sine interpositione nubis, si fiat tranquillus; si insolitum frigus ingruat, & extra tempus vt in vere, vel æstate, si appareat nubecula quædam sereno cælo interdiu, vel post*



post occasum solis per modum lineæ extensæ. Ratio est quia terræ motus causatur ex copia exhalationum siccarum, quæ includuntur in terra, & consequenter cum non exeant, absunt ab isto aere, quibus ab aere remotis contingit aerem ingrossari per frigus, & humiditatem remotis exhalationibus siccis & calidis, quæ ipsum muebant & calefaciebant. Vnde contingit reddi aerem magis caliginosum, quia crassior, & tranquillior quia sine ventis, quorum materia est exhalatio sicca; & reddi frigidum, quia sine calidis exhalationibus; & eadem ratione nubes fiunt tenues deficiente spiritu, & exhalatione cuius motu conglomerantur, & fiunt nubes magnæ, sicut videtur in mari vehementius flante vento.

*Circa secundum* causatur sonus à terræ motu ob vehementem spiritus collisionem, ex aere autem percussio, sonus editur. Et secundum variam terræ dispositionem varia quoque differentia soni resultat. sicut etiam spiritus in nube inclusus, & tonitruum causans, diuersas sonorum formas edit. Itaque aliquando cauernæ, seu meatus quibus spiritus cietur amplii sunt, & magni, & ventum excitant, aliquando sunt angusti, & tenuem sonum faciunt, aliquando recurui, & ambagibus flexi, & reddunt sonitum terribilem, & sic alijs, & alijs modis disposita terra collisionem, & sonitum diuersum parit: Quod verò attinet ad durationem, vel interpolationem terræ motus, hæc dependent ex copia maiori, vel minori exhalationum quæ plus, vel minus durat, & ex continuitate illius, ita quod non deficiat, nec attenuatur, sic enim interpolabitur quousque ma-

gis fortificetur. Denique prout terra ipsa locum dederit spiritui, discurrenti sic extendetur, plus vel minus quousque inueniat exitum, aut aliquod grande obstaculum, quod mouere non possit aut inoidat in loca nimis humida, quæ siccitatem, & caliditatem exhalationum extinguant, aut temperent. Et aliquando solet materia ad terræ motum requisita discurrere, & cessare quousque alia pars materiæ sufficienter disponatur, & incalescat, & sic iterum moueatur. Et hac ratione contingit durare multis diebus terræ motus cum interpolatione, & iterum redire.

*Circa tertium* varij sunt effectus quos terræ motus edit prout eius violentia maior, vel minor fuerit. Aliquando enim terram in orbem agit, montes deiecit, parietes, & tecta subruit, vel inclinat, terram aperit, & hiatus suo quidquid inuenerit absorbet etiam integras vrbes, amnes nouos effundit, aut fontes, antiquos exsiccat vel aliò deriuat, ignes euomit, terram in altum eleuat, & multa alia similia facit, non quidem semper omnia neque simul ista, sed aliquando aliqua, aliquando nulla, prout fuerit impetus spiritus, & maior exhalationum copia, & fortitudo.

*Ex his* colliges, quæ loca terræ motibus magis sint subiecta, scilicet illa quæ plus exhalationum siccarum, & flatuum generant. Talia sunt loca montuosa, spongiosa, quæ cauernis & meatibus plena sunt, quæ temperata, nec multo calore feruentia, nec frigore nimio rigentia. E contra limosa, humida, arenosa, nimis frigida, excessiue calida, rarò motibus istis subiunguntur, quia non facile cedunt spiritui, & vel  
humq.

humore ipso, siccitatis rigorem emolliunt, vel frigore constipant, vel calore consumunt.

*Secundo colliges genera terre motuum quomodo diuidantur.* Aristoteles in tremorem & pulsam diuidit, alij concussionem, & inclinationem vocant; quando ad latera vicissim quatitur terra, videtur tremere, quando ab imo insursum & e contra, videtur pulsari. Sub istis alij plures species numerant fere ex effectibus desumptas, vt quod terre motus sit concutiens, subuertens, scindens, perforans, & alia similia faciens, quæ iuxta variam dispositionem locorum, & exhalationum variantur.

## CAPUT III.

*Quæ materia & vi, ignes sub terra ardeant &.*

**N** Vtrius ignes subterraneos exempla quotidiana monstrant tum qui à fossoribus reperiuntur, tum qui è terre, & præsertim montium spaciis eructant. Notum est Aethnæ incendium in Sicilia; in Campagna montis Vesulij, in Islandia montis Hecla, & plures alibi montes fumantes reperiuntur, de quibus Psal. 103. *Qui respicit terram & facit eam tremere, qui tangit montes & fumigant.* Et Tertullian. lib. de poenit. c. 12. montes istos igniuolos fumariola quædam ignis æterni appellauit. *Diffiliunt*, inquit *superbissimi montes ignis insensibilis furore.* Et quod nobis iudicij perpetuæ sententiæ probat, eum diffiliant; cum demorsum nunquam saluati finiuntur. *Igitur* quod attinet ad materiale causam seu pabulum quo ignes isti nutriuntur illud est

ordinariè sulphur, ac bitumen, tum quia materia ista nutriendis ignibus aptissima est, cum bitumen sit pingue, & calidum, sulphur calidum & siccum, tum quia loca quæ ignibus ardent, plerumque abundant sulphure, & odorem sulphureum exhalant, tum autem quia in sacris litteris plerumque dum fit mentio istorum ignium, eis adiungitur sulphur, ut Psal. 10. *Ignis & sulphur, & spiritus precellarum pars calicis eorum.* Et Apocalyps. 19 *Missi sunt hi. duo in flagnum ignis & sulphuris.* Et Isai. 30. *Nutrimenta eius ignis, & ligna multa. spiritus Domini tanquam torrens sulphuris succendens eam.* Nec dubium est quin correptus ignis, & nimium faginatus materia sulphurea, etiam terram ipsam, saxaque, & metalla corripit, & dissoluat, nam & saxa ab igniuomis montibus iactari, & in cineres, ac fauillas redigi in historijs legimus & recentibus exemplis comprobamus. Sed tamen communior & magis ordinaria materia istorum ignium, præsertim quæ facilius corripit flammam, est assignata materia, sulphuris, & bituminis.

De causa autem efficiendi, seu vi accendente istos ignes in terra, dicendum est illam probabiliorē causam reputari, quod accenduntur à motu exhalationis calidæ & siccæ, adiuuante etiam antiperistasi propter frigus terræ circumstantis, hoc enim modo exhalationes intra nubem accenduntur, hac ratione ex lapide æteritæ ferri excitatur scintilla, quidni ergo motu exhalationis, siue in materia sulphurea excitari possit ignis intra terram, sicut & intra nubem? Quod verò recurritur ad solis inflatum, & astrorum, nimis remotus videtur esse

ad excitandum incendium tanta terrestris corporis spissitudine obistente. Specialiter autem diuino imperio esse accensum facile persuaderi potest, si ignes isti cum igne interni aliquam habent communicationem, vt Tert. verba insinuant. De igne autem inferni dicitur loco citat. *Isai. Spiritus Domini tanquam torrens sulphuris succendens eam.* Et *Iob. 2. Denerabit eum ignis qui non succenditur;* ( idest non causis naturalibus fouetur ) nisi forte nomine spiritus ipsam exhalationem, quæ ad modum ventis se habet & spiritus dici solet, intelligatur.

*Varia* est autem horum ignium dispositio prout materiæ copia suppetit, vel deficit, aut contraria permittunt, aut locus ipse vbi generantur dispositus est. Quidam occultè terram vorant, quidam euomuntur exterius. Alij perpetuo durant, alij per interualla. Quidam ingenti strepitu saxa, cineres, punicus, aliaque id genus eructant, alij nullam ex se materiam eijciunt. Quidam per cacumina montium quasi per caminos se produnt, quidam in profundioribus partibus æstant. Et sic multa alia sunt, quæ potius terrorem in nobis extorquent, quam strutationem peculiarem exigant.

## TRACTATUS X.

## De Metallis.

## CAPVT PRIMVM.

*De materia, & causa efficiendi Metallorum  
in genere.*



Vare pertineat ad tractatum Me-  
theorologicum agere de metal-  
lis, iam supra declaratum est  
tract. præced. Distinguit autem  
Arist. 3. Metheor. c. 6. & D. Tho.  
ibi lect. 9. fossilia à metallis. Fos-  
silia dicuntur ea quæ quidem fodiuntur, & ex-  
trahuntur vt lapides, vel sunt quasi pulueres,  
vt minimum aliaque terræ similia. Metalla  
dicuntur, quæ magis generantur percoagula-  
tionem, & sunt ductilia, seu fusilia, sicut au-  
rum argentum, & similia.

*De materia* igitur metallorum quidam cen-  
sent esse humorem pinguem, quia metalla  
liquefacta in eam resolvuntur. Alij esse aquam  
terræ permixtam. Alij esse sulphur & argen-  
tum viuum, eo quod hæc in venis metallicis  
plerumque reperiantur. Vnde & professores  
artis chymicæ ista duo adhibent pro confi-  
ciendis metallis. Aristoteles cit. loco docet fos-  
silia habere pro materia exhalationem siccam  
adiuncta caliditate exsiccante humidum, si-  
mul cum virtute cælesti commensurante ei fri-  
gidum, vnde fossilia sicut lapides magis sunt  
relq.

resolubilia in pulveres quam liquabilia, liceo aliqua ut sulphur etiam liquari possint. At verò metalla habent pro materia exhalationem vaporosam inclusam intra partes terræ, & à virtute cælesti, quæ est præcipua virtus mineralis simul cum frigido coagulante, & aliquo calore temperante, indurans. Itaque metalla exhalationem requirunt pro materia, & non solum vaporem, sed oportet quod ista exhalatio vaporosa sit, & ut coaguletur metallum, non debet separari siccitas sicut in rore, & pruina segregatur ab humido, ut generetur, & ideo sunt humida, metalla vero non segregant siccam exhalationem, sed constergunt vaporem, velut coagulatio ut maga fiat, & recoquatur, sicut videmus indurari lateres ex luto per decoctionem. Et huius signum est quod aliquando è nubibus visa est decidisse massa metalli ea ex ære, vel ferro, aut etiam lapis cum venis metallicis, in nube autem non possunt ista generari nisi ex sicca exhalatione aspersa vapores, & coagulata, sicut si viscosum lutum coqueretur in fumo. Ergo ex eadem materia multo perfectiori modo disposita in minerali decoquetur, & formabitur metallum. Item metalla sunt ductilia, & aliqua facile liquabilia, ergo signum est ex vaporosa exhalatione formari, quia si essent totaliter sicca, dividerentur in minutas partes nec essent ductilia, nec facile liquabilia.

*D. Thom. lect. 9. in 3. Meteor. utrumque conciliat dicens, quod materia remota metalli est illa exhalatio vaporosa, sed proxima est sulphur, & argentum vivum ut dicunt chymici, eo quod ipsi Alchimistæ faciunt aliquando*

Ex iſta materia metallum. Quod utique non tam ex ipſa formatione facta ab Alchimiſtis quæ incerta eſt, quam ex eorum ratione roboratur, quia in venis metallicis inueniri ſolet aliquid de ſulphure, & argento viuo. Sed tamen quia hoc non ſemper inuenitur, eatenus videtur hæc Alchimistarum opinio à D. Tho. probata, quatenus ita poteſt eſſe quod proxima materia metalli poſſit eſſe ſulphur & argentum viuum, ſed non ſemper requiratur de neceſſitate, quia non ſemper in mineralibus omnium metallorum inuenitur.

*Quod attinet ad cauſam efficientem metallorum*, dicimus eam non eſſe ſolum elementum, quia metallum eſt mixtum, ergo non poſteſt ab vno ſolo elemento generari. Et præterea occultas aliquas qualitates participat, quales in auro inueniuntur, quæ ex ſolo elemento participari à cælo. Et ita virtus cæleſtis eò per terram immiſſa dicitur principalis virtus mineralis. Vitur autem vt instrumentis calore, & frigore, illo vt decoquente, hoc vt coagulante, & conſtipante. Nec dubium eſt quin à Deo procreata ſit intra terram ingens metalli vis, ſicut & lapidum, & aliorum mixtorum in prima creatione, ſed ſicut plures arbores, & plantæ poſtea germinarunt virtute cæleſti, ita & plura metalla poſtea generata ſunt eadem virtute.

*Illæ autem Astrologorum diſtributio, quæ ſingulis planetis vim ad ſingula metalla attribuit*, vt Soli aurum, Lunæ argentum, Mercurio argentum viuum, Veneri æs, Marti ferrum, Ioui ſtannum, Saturno plumbum, ſyderibus autem firmamenti gemmas, magis videtur  
per



per attributionem dicta, quam certa aliqua ratione stabilita.

## CAPUT II.

*De speciebus, proprietatibusque & locis, quibus generantur Metalla.*

**S**pecies metallorum paulo ante recensitæ sunt à nobis, aurum, argentum viuum, æs, ferrum, stannum, plumbum. Hæ præcipuè species. Aliquæ ad has reducuntur vt cuprum ad æs, stannum etiam à plerisque reductiuè solum numeratur, cum ex argento & plumbo concreseat, sicut aliquando aurum, & argentum & æs confluxere in mixturam, quæ æs Corinthium vocata est, & in raro pretio habitum. Inter omnia aurum non solum æstimatione hominum, sed naturæ iure eminet, utpotè purius, solidius, splendidius, ponderosius, & ad diuersas operationes etiam medicas & salubres plus valens, vnde in omnia honorum insignia & splendidam ac magnificam rerum demonstrationem, ab auri fulgore fit mutuatio.

Omnia metalla ponderosa sunt, omnia solida, præter argentum viuum, omnia ductilia & percussione dilatantur, præcipuè aurum & argentum, quæ in tenuissima fila & bracteolas aut folia ducuntur, omnia denique liquecunt igni & funduntur difficilius ea quæ plus concretionis habent, vt ferrum & aurum.

Loca propria generationis metallorum sunt venæ minerales, quæ quasi matrices intra terram constitutæ sunt, quò celestis virtus penetrat & materialia attemperat, ex quibus fiunt, idque

idque longo tempore propter materię duri-  
 tiem. Quæ est ratio ut per artem verã metalla,  
 aut nunquam, aut vix fiant, quia deest illi vena  
 seu matrix mineralis & virtus illa cælestis, quæ  
 in tali minerali sic attemperatur. Quod autem  
 aliqui fluuij auriferamenta deuehant, non est  
 quia illud producant, sed quia exedendo ter-  
 ram extrahunt, quia propinque ad mineralia  
 decurrunt. Nec verò omnis terra huiusmodi  
 metallis gignendis apta est, sicut nec omnis  
 fert omnia tellus, quia nec dispositionem ha-  
 bet, ex parte mineralium, nec aspectum con-  
 venientem astrorum ex parte cæli. Quæ  
 vero regiones cuiuscunque metalli  
 feraces sint, ad historicum  
 potius pertinet, quam ad  
 Philosophum.

# INDEX RER VM

## NOTABILIVM.

### A

- A**ccidens quomodo attingat substan-  
tiam. quæst. 1. a. 3. pag. 55
- Accidentia non sunt eadem in ge-  
nito. ibid. ar. 6. 107
- Accidentium subiectum duplex de-  
nominationis, & inhæſionis. q. 9 ar. 1. 457
- Accidens ſupponit ſubiectum exiſtens. ibi. 462
- Quomodo eius exiſtentia dependeat à ſubie-  
cto. ibid. 463
- Materia non poteſt eſſe immediatum ſubie-  
ctum accidentium. ibid. 464
- Niſi ut quò. ibid. 468
- Quomodo materiam diſponat in ipſa non in-  
hærendo. ibid. 479
- Quomodo Compoſitum ſit eius ſubiectum  
quod. ibid. 469
- Accidentis vnio ad ſubiectũ explicatur. ib. 470
- Accidens quare poſſit ſeparari à ſubiecto. ibid.  
art. 2. 484
- Quid acquirat dum à ſubiecto ſeparatur.  
ibid. 488
- Individuatur à ſubiecto. ibid. ar. 5. 535
- Radix huius indiuiduationis quænam ſit.  
ibid. 538
- Duo Accidentia ſolo numero diſtincta non  
poſſunt eſſe in eodem ſubiecto. ibid. 540
- Actio dupliciter terminũ attingit. q. 2. a. 2. 144
- Actio

*Index rerum notabilium.*

- Actio** immanens licet recipiatur in agente, non  
constituit idem mouens, & morum. quaest.  
5. art. 1. 272
- Agere** in se ipsum verum sit possibile. ibid. 262
- In actione reflexa quomodo vnum simile  
agat in aliud simile. ibid. 281
- Et art. 2. 282
- Actio** vt exeat quznam proportio requiratur  
inter actiuitatem agentis, & resistantiam.  
ibid. art. 3. 306
- Minus actiuum quomodo possit debilitare  
virtutem magis actiui. ibid. 309
- An omne agens in agendo repatiatur. ibid.  
art. 4. 315
- An eadem Actio numero redire possit. qu.  
12. ar. 1. 632
- Actus** contrarij Vitales an possint esse simul.  
quaest. 10. art. 2. 589
- Adæ** Costa quomodo formata in Mulierem.  
quaest. 7. art. 2. 388
- Aeris** regiones enumerantur. tract. 1. c. 2. 657
- Eius condiciones in his regionibus explican-  
tur. ibid. 658
- Ignes** in Aere apparentes quas habeant cau-  
sas, & quos effectus. tract. 3. c. 5. 682
- Colores** in Aere apparentes explicantur. tra-  
ctat. 4. cap. 2. 692
- Aggenerationis** definitio. q. 8. ar. 1. 393
- Aggenerationis** distinctio à Nutritione. ib. 401
- Alimenti** mutationes. ibid. ar. 3. 411
- Alimentum** quomodo deducatur ad partes so-  
lidas. ibid. ar. 5. 448
- Alterationis** ethimologia. q. 3. ar. 1. 169
- Eiusdem prout est motus definitio. ibid. 170
- Eius diuersitas à Generatione, & cæteris mo-  
tibus.

# *Index rerum notabilium.*

libus, ibid.	165.	& q. 1. ar. 3.	48
Omnis Alteratio per se ordinatur ad Generationem, ibid.			173
Alterationes in Cælo, in Beatorum Corporibus, & Damnatorum post diem Iudicii explicantur, ibid.			174
Alteratio quomodo terminari possit ad qualitatem, cum sit indivisibilis, ibid.			176
Quid sit Alterationem esse ad qualitatem primò, & per se, vel secundariò, ibid.			183
art. 2.			183
Alteratio quotuplex sit, ibid. ar. 1.			178
Ad quam speciem qualitatis sit, ib. a. 2.			183
Quomodo sit ad qualitates secundas, ib.			185
Alterationis vnitas vnde sumatur, ib. a. 3.			192
An sit vnus motus.			ibid.
Eius continuitas triplex.			ibid.
An sit continuus, & quomodo, ibid.			196
In Alterationis motu quomodo reperiantur indivisibilia, ibid.			201
Anima rationalis quomodo recipiat accidentia corporèa, q. 1. ar. 6.			107
Et quæst. 9. art. 1.			475
Anima vnitur tota Corporis partibus omnibus sed non totaliter, q. 8. ar. 1.			394
Annihilatio explicatur & à Corruptione distinguitur, q. 2. ar. 1.			140
Nulla Creatura potest attingere annihilationem, ibid.			142
Antiperistesis quid sit, q. 5. art. 1.			273
In Anteparistesi verè intenditur qualitas, ibid.			274
Causæ huius intensiōis, ibid.			276
Effectus, ibid.			279
Aquæ Maris, & Fluminum, Vide Mare, Flumen.			
			Aug-

*Index rerum notabilium.*

- Augmentatio quomodo pertineat ad lib. de  
Generatione Proem. 5  
Augmentationis motus unus secundum spe-  
ciem, q. 3. ar. 1. 180  
Augmentatio definitur, q. 8. ar. 1. 389  
Augmentatio est vere motus terminatus ad qua-  
ritatem, ibid. 392. & 401  
Hic motus est distinctus à nutritione, ibid.  
Non durat toto tempore vitæ, ib. ar. 4. 428  
Quando dicatur animal augeri, ibid. 430  
An Augmentatio sit motus continuus, ib. 432  
Conditiones requisitæ in Augmentatione,  
ibid. ar. 5. 444  
An partes proportionales per augmentatio-  
nem augeantur, ibid.  
Augmentum, & decrementum dicitur qualitas  
in quacumque recontingat, q. 4. ar. 210  
Tripliciter inuenitur in qualitatibus, ibid.  
Augmentum extensium qualitatum explica-  
tur, ibid. 210  
Cur aliquæ partes non crescant per augmen-  
tum, q. 8. ar. 5. 450  
Quomodo viuens maneat idem tempore Au-  
gmentationis, ibid. ar. 6. 451

**B**

**B**eatorum Corporum locutio in Calo ex-  
plicatur, quaest. 3. ar. 1. 175

**C**

**C**hristi generatio explicatur, q. 1. a. 4. 70  
Coelum quibus sphaeris constat, tract. 1.  
cap. 2. 646

In

## *Index rerum notabilium.*

In Cœlo an Methæororum aliquid de nouo congeneretur; tract. 1. c. 3.	665
In Cœlo non reperitur rarefactio; neq; con- densatio; nec alteratio, &c. q. 3. a. 1.	174
Colores Iridem causantes explicantur. tractat. ibid. cap. 1. §. 1.	687
An sint Colores veri, vel apparentes. ibi.	688
Colores in aëre apparentes explicantur. ibid. cap. 2.	692
Cometarum materia; & causa efficiens tractat. q. 3. cap. 1. §. 1.	667
Cometarum color figura motus, & significatio. ibid. cap. 2. §. 1.	673
Earundem locus, & tempus. ibid.	674
Condensatio. Vide Rarefactio.	
Conseruatio eiusdē effectus an fieri possit per distinctas actiones. q. 12. a. 1.	639
Contrarietas ex quo originetur. q. 10. a. 2.	574
In qua specialis contrariorum repugnantia consistat explicatur. ibid.	575
Contraria in gradibus intensis an possint esse simul. ibid.	582
An in remissis. ibid.	589
Quid sit ipsa sub eodem genere maximè di- stare. ibid.	578
Et quod ab eodem subiecto mutuo se expel- lant. ibid.	595
Conuersionis conditiones assignantur. quest. 1. art. 3.	58
Conuersio alia substantialis, alia accidentalis. ibid.	59
Alia formalis alia totalis. ibid.	
Conuersionis differentia à generatione. ibi.	60
Corruptio substantialis datur. ibid. ar. 2.	42
Ex corruptione substantiali ostenditur Ge- nera-	

*Index rerum notabilium.*

- neratio, *ibid.*  
**Corruptio est Mutatio à generatione distincta.**  
quæst. 2. ar. 1. *ibid.* 136  
**In aliquo casu sunt vna mutatio.** *ibid.* 133.  
& art. 2.  
**Corruptionis differentia ab Annihilatione.** *ibid.*  
dem. ar. 2. 140  
**Corruptio non est pura priuatio.** *ibid.* 143  
**An sit actio.** *ibid.* 144  
**Corruptio est naturalis.** ar. 3. 155  
**Quomodo sit appetibilis.** *ibid.* 159  
**Quomodo sit intenta.** *ibid.*  
**Corruptibile terminus durationis explicatur.** q. 12. ar. 2. 144  
**An res corrupta possit iterum reproduci.**  
*ibid.* ar. 1. 1630  
**Creationis diuersitas à Generatione.** quæst. 1.  
art. 4. & ar. 5. 76 & 84  
**Creatio est eiusdem rationis in simplicibus &  
compositis.** *ibid.* 87  
**Eadem Creationis actione producuntur partes,  
& totum.** *ibid.* 89  
**Creatio quomodo fiat ex nihilo explicatur.**  
*ibid.* 91

**D**

- D**ensitas, & raritas quomodo sint conditiones  
agendi. q. 5. art. 2. 286  
**Detectus naturales quomodo sint intenti.** quæst.  
2. ar. 3. 164  
**Dispositiones in corruptione substantiali à quo  
corrumpantur.** q. 12. ar. 6. 111  
**Dispositio vltima quomodo causetur.** *ibidem*  
art. 7. *ibid.*

Quo-



## *Index rerum notabilium.*

Quomodo causet formam. <i>ibid.</i>	113. & 128
Est simul cum forma genita. <i>ibid.</i>	115
In quo subiecto inhaereat. <i>ibid.</i>	133
Quomodo sit dispositio materię, & causet formam. <i>ibid.</i>	116
Non est virtus efficienter influens in generationem substantialem, neque in corruptionem formę oppositę. <i>ibid.</i>	119
Quomodo præparet materiam. <i>ibid.</i>	129
Quomodo determinet agens. <i>ibid.</i>	132
Dispositio quę est Virtus generantis in quo subiecto sit <i>ibid.</i>	130

### E

<b>E</b> Cnephas quid sit tract. 5. c. 3.	703
Elementum sumitur late & stricte. qu. 10. art. 1.	561
Stricte acceptum definitur. <i>ibid.</i>	562
Quotuplex sit explicatur. <i>ibid.</i>	
An omnia elementa concurrant ad mixtionem. q. 6. ar. 1. 328. & ar. 3.	350
A quo moueantur ad mixtionem. <i>ibid.</i>	340
Formę substantiales elementorum quomodo maneant in mixto. <i>ibid.</i> ar. 3.	352. & 355
Materia elementorum manet formaliter in mixto. <i>ibid.</i>	353
Quid sit elementa manere virtualiter in mixto. <i>ibid.</i>	361
Quę qualitates conueniant cuilibet elemento. q. 10. ar. 3.	597
An in elementis detur aliqua qualitas remissa contraria qualitati quę est in summo. <i>ibid.</i>	602
Qualitates elementorum quomodo maneant in mixto. q. 6. ar. 3.	358
An detur purum elementum. q. 10. a. 1.	571
Etc.	

*Index rerum notabilium.*

- E**lementa alia simbola, alia dissimbola. ibidem  
art. 4. 605  
**Q**uomodo possint ad inuicem transmutari.  
ibid. 606  
**Q**uomodo sit faciliior transitus inter simbola,  
quam dissimbola. ibid. 610  
**Q**uomodo ex duobus elementis possit gene-  
rari tertium. ibid. 613  
**E**lementa quam habeant durationis periodum.  
q. 12. ar. 2. 647  
**E**ns mobile de quo agit hæc Philosophiæ  
pars. Proem. pag. 1  
**Q**uæ entis mobilis pars sit horum librorum  
obiectum. 2  
**E**ssentia quomodo predicatur. q. 2. 2. 44  
**E**xhalatio quid sit. tract. 1. c. 1. 654  
**E**xistentia qua ratione dicatur accidens. q. 1.  
1. ar. 2. 44  
**E**xistentiæ substantiæ, & accidentis distinctio.  
q. 9. ar. 2. 487

**F**

- F**luminum, & fontium ortus, & origo. tra-  
ctat. 8. cap. 1. 736  
**E**orundem causa efficiens. ibid. 738  
**F**luminum & fontium indefectibilitas unde  
oriatur. ibid. c. 2. 740  
**C**ur eorum aquæ non habeant saporem aque  
maris. ibid. 741  
**C**ur aliquando deficiant. ibid.  
**V**ariæ eorum effectuum causæ eraduntur.  
ibid. 742  
**C**ur aliqui fontes ebulliant. ibid. 744  
**D**e eorum excessivo frigore. ibid. 745  
**D**e

# *Index rerum notabilium.*

De saporibus, ibid.	746
Fluxus, & refluxus Maris causæ. tract. 7. cap.	
2. pag.	736
Fontes, Vide flumen.	
Formæ intensionis, & remissionis incapaces?	
q. 4. ar. 1.	212
Capaces, ibid.	216
Earum conditiones, ibid.	215
Ad intensionem requiritur contrarietas in eadem forma, non inter formam, & formam. ibid.	227
Formæ quomodo intendantur, & remittantur. ibid. 2. r. 2.	128
Forma quomodo sit principium recipiendi accidentia, q. 9. ar. 1.	471
Formæ de se incommunicabiles quomodo reddantur incommunicabiles. ibid. ar. 5.	537
Inter formas substantiales quæ contrarietas reperiatur. q. 10. ar. 2.	578
Possibile distinctio à Metallis. tract. 10. cap. 2. pag.	756
Fulguris natura, & Causa tract. 3. c. 3.	677
Fulminis natura Causa, & effectus, ibid. cap. 4. pag.	678

## **G**

<b>G</b> eneratio vt abstrahit à substantiali, & accidentali definitur, q. 1. ar. 1.	24
Generatio substantialis vt abstrahit à Generatione viuentium, & non viuentium definitur. ibid.	25
Et essentialiter mutatio, ibid.	28
Generatio propria viuentium definitur, ib.	25
Explicatur, ibid.	33
<i>Phil. Nat. Pars III.</i>	<i>K K</i>
	<i>Gene</i>

## *Index rerum notabilium:*

- Generatio substantialis** latius patet quam generatio simpliciter, *ibid.* 26
- Generatio ex speciebus consecratis** explicatur, *ibid.* 39
- Generationem substantialem** dari ex quibus principiis ostendatur, *ibid.* ar. 2. 37
- Generatio est actio distincta** ab Alteratione, *ibid.* ar. 3. 48
- Hæc actio procedit à substantia** medijs accidentibus, *ibid.* 54
- Generationis formalitates** enumerantur, *ib.* 57
- Generatio est Conuersio**, *ibid.* 60
- Generationis diuersitas à Creatione**, *ibid.* ar. 4. 70. & ar. 5. 78.
- Generatio ut mutatio** an distinguatur à Corruptione. q. 2. ar. 1. 134
- An sit eadem actio cum corruptione**, *ibid.* ar. 2. 143
- Actio generatiua an terminetur ad Corruptionem**, *ibid.* 144
- Generatio vnius quomodo fit corruptio alterius** *ibid.* 146
- Quando Generationi non annectatur Corruptio**, *ibid.* 148
- Generationis subiectum triplex**, q. 1. ar. 5. 77
- Generationis substantialis subiectum** mutationis Materia prima, *ibid.* 78
- Inhæſionis Compositum**, *ibid.* q. 9. ar. 1. 477
- Quomodo terminus Generationis possit esse eius subiectum**, q. 1. ar. 5. 83
- Generationis termini**, quo, & quod, formalis, & totalis explicantur, *ibid.* ar. 4. 60
- Quidnam sit Generationis terminus totalis**, *ibid.* 63
- Quod sit terminus formalis**, *ibid.* 66

Ter-

*Index rerum notabilium.*

Terminus formalis generationis non semper petit produci à generante.	75
Generans quomodo sua virtute operetur, ibid. ar. 7.	121
Sua virtus mouet duplici actione ordinata, ibid. ar. 3.	56
Quomodo sit causa primorum motuum vi- uentium. q. 5. ar. 1.	269
Glacies quid sit, tr. 6. c. 3.	715
Galaxia. Vide via lactea.	
Grando quomodo generetur, ibid. c. 2.	711

**H**

<b>H</b> Abitus contrarij an possint esse simul, q. 10. ar. 2.	587
Habituum extensio explicatur, q. 3. ar. 1.	175.
& q. 4. ar. 1.	219
Hæcceitas Scoti examinatur, q. 9. ar. 3.	510
Humidum radicale quomodo reparetur per nu- trimentale, q. 8. ar. 1.	392
Humores an informantur vita Animalis, ibid. artic. 3.	429

**I**

<b>I</b> Gnīs quomodo sit elementū, q. 10. ar. 1.	570
Eius proprius locus.	ibid.
An ibi luceat, ibid.	571
Ignium in aere apparentium causæ, & effectus tract. 3. cap. 5.	682
Ignes qua materia sub Terra ardeant, tract. 9. cap. 3.	753
Qua vi. ibid.	754
Indiuiduationis adæquatū principium non est	

# *Index rerum notabilium.*

natura specifica, ibid.	498
Neque Hæcceitas, ibid.	509
Neque forma substantialis, vel accidentalis, ibid.	513
Individuatio non conuenit naturæ nec in primo, nec in secundo modo dicendi per se, ibid.	501
Individuatio quid sit, quod eius principium, & quisterminus. q.9. ar.3.	490
Individuatio quomodo pertineat ad gradum Metaphysicum, ibid.	507
Individuationis principium traditur, ibidem ar. 4.	516
Individuatio accidentiū vnde sumatur a.5.	535
Indiuisibile quomodo possit esse terminus motus, q.3. ar.3.	204
Inhærentia accidentis distinctio, q.9. ar.2.	487
Ad inhærentiæ subiectum quid requiratur, quæst.9. ar.1.	460
Quid sit inhærere.	ibid.
Intensio, & Remissio qualitatū datur. qu.4. art. 1.	211
Sunt vnus motus, q.3. ar.3.	194
Definiuntur, q.4. ar.1.	212
In quibus formis non fiat intensio nec remissio, ibid.	
In sola qualitate inuenitur intensio, sed non in omni specie, ibid.	216
Intensio non fit per additionem nouæ qualitatis, ibid. ar.2.	231
Quomodo fiat per additionem noui modi, ibid.	238
Quomodo per intensionem mutetur Vnio Accidentium. ibid. 239. & ar.3.	255
Diu Thomæ authoritates in hac materia explic.	

## *Index rerum notabilium.*

- plicantur. ibid. ar. 3. 247  
**I**ntensio non est Motus distinctus à prima pro-  
 ductione qualitatis. ibid. 250  
 Quomodo distinguatur ab alijs motibus.  
 ibid. 251  
 Quomodo ratione Intensionis correspondeat  
 qualitati plures effectus. ibid. 251  
 Per Intensionem an augeantur, & per Re-  
 missionem an separentur gradus à quali-  
 tate. ibid. 253  
**I**ntensionis Motus, latitudo, & fluxus explica-  
 tur. ibid. 260  
**I**ridis natura, & significationes. tr. 4. c. 1. 685

## L

- L** Ac an informerur vita animalis, quæst. 8.  
 ar. 3. 420  
 Non resurget cum Corpore. ibid.  
**L**ibrum de Generatione obiectum, & mate-  
 ria. Proem. 2  
 Quare traduntur post libros de Cælo. ibi-  
 dem. 6  
**L**ibrorum Metheororum obiectum utilitas, &  
 locus inter cæteras Philosophiæ partes.  
 Proem. 651  
**L**ignum Vitæ quomodo reddebat hominem im-  
 mortalem. q. 12. ar. 2. 649  
**L**iquores diuersæ speciei inter se miscentur, q.  
 6. ar. 2. 343  
 An etiam eiusdem speciei. ibid. 344  
 Qualitates Liqueorum quomodo maneant in  
 mixto, ibid. ar. 3. 362  
**L**oca terræmotibus magis subiecta, tract. 9.  
 cap. 2. 752

*Index rerum notabilium.*

Lunæ maculæ quam habeant causam. tract. 2.  
cap. 2. 663

Luna quomodo sit causa fluxus, & refluxus Ma-  
ris, tract. 7. cap. 2. 726

Lux an reperiatur in sola superficie. quæst. 5.  
ar. 2. 296

**M**

**M**alum quomodo possit esse intentum. q.  
2. ar. 3. 160

Mali culpæ, & poenæ secundum istam ratio-  
nem diuersitas. ibid. 164

Manna quomodo generetur tract. 6. c. 4. 719

Manna hæbreorum an distincta specie ab alijs.  
ibid.

Maria numerantur. tract. 7. c. 1. 720

Mare ex aquarum congregatione an in tumo-  
rem fuerit elatum. ibid. 722

Est altius Terra. ibid.

Maris motus, & eius causa. ibid. c. 2. 724

Eius salæditio causæ. ibid. c. 3. 729

Cur accessione fluminum non augeatur. tra.  
8. c. 2. 742

Mare an possit congelari. tract. 6. c. 3. 715

Maria Virgo formaliter est Mater Dei. quæst.  
1. ar. 4. 21

Materia apud quosdam Philosophos nihil exi-  
stimata. q. 1. ar. 2. 37

Contrarium ostendit Aristoteles. ibid. & 37.

Materia quia pura potentia ideo recte ex illa  
ostenditur generatio. ibid. 39

Materia quomodo possit esse communis pluri-  
bus. ibid. 45

Et varie speciem iuxta variationem forma-  
rum, ibid. 45

Materia an fiat ex nihilo. ibid. ar. 5. 92

Re-



*Index rerum naturalium.*

Resolutio usque ad Materiam primam. Vide  
Resolutio.

Materia quo ordine recipiat formam substan-  
tialem, & accidentalem. [ibid.](#), [ar. 6.](#) 101

Quomodo ad materiam sequatur quantitas.  
[ibid.](#) 106

Quomodo à quantitate indiuiduetur. [ibid.](#)

Quomodo dicatur manere cum eisdem di-  
mensionibus in composito substantiali.  
[ibid.](#) 110

Materia nihil reale recipit per ablationem for-  
mæ. [q. 2. ar. 1.](#) 139

Ex dicta ablatione non patitur violentiam.  
[ibid.](#) [ar. 3.](#) 157

Materia quomodo suscipiat magis, & minus.  
[q. 4. ar. 1.](#) 226

Quomodo in Materia existente recipiatur  
forma. [q. 9. ar. 1.](#) 463

Materia non potest esse immediatum subiectum  
accidentium. [ibid.](#) 464

Nisi ut quod. [ibid.](#) 468

Materia quomodo dependeat à forma, & illam  
sustentet. [ibid.](#) 474

Materia quomodo sit principium indiuiduatio-  
nis. [ar. 3.](#) 508

Materia quomodo dicatur signata quantitate  
explicatur. [ibid.](#) 320

Mel quomodo generetur. tract. [6. c. 4.](#) 718

De Melle siluestri. [ibid.](#)

Metallorum distinctio à fossilibus. tract. 10.  
[c. 1.](#) 756

Quæ illorum materia. [ibid.](#) 756

Quæ causa efficiens. [ibid.](#) 758

De speciebus, proprietatibus, & locis qui-  
bus generantur Metalla. [ibid.](#), [c. 2.](#) 759

## *Index rerum notabilium.*

- Metheorologici nominis explicatio. Proëm.  
pag. 651
- Metheorologicarum impressionum materia proxima, & remota. tract. i. c. 1. 653
- Hæc materia solum est ex Aqua, & Terra.  
ibid. 655
- Metheorologicarum impressionum duplex causa efficiens. ibid.
- Hæc impressiones accidunt in omnibus elementis excepto Igne. *ibid.* c. 2. 657
- Mixtionis definitio. q. 6. ar. 1. 330
- Est optima. *ibid.* 334
- In illa non committitur circulus cum definitur mistum per miscibile. *ibid.* 337
- Vnio prout est particula huius definitionis explicatur. *ibid.* 341
- Mixtio datur. *ibid.* 333
- Eius conditiones quæ. *ibid.* 331
- Mixtio quomodo differat à Generatione, & illam includat. *ibid.* 343
- Miscibilia manent virtualiter in Mixto. *ib.* 338
- Quomodo fiat Mixtio. *ibid.*
- Mixtio est naturalis. *ibid.* 339
- Mixtio duplex, scilicet, ex liquoribus, & Elementis. *ibid.* ar. 2. 343
- Quomodo inter species Vini consecrati, & alias species consecratas, vel etiam Vinum non consecratum possit fieri mixtio. *ibid.* 348
- Virtus Mixti quomodo producere possit Elementum. *ibid.* ar. 3. 362
- Mixta quæ sint. q. 11. ar. 1. 614
- Alia sunt perfecta alia Imperfecta. *ibid.*
- Constant ex quatuor Elementis. *ibid.* 615
- Quod temperamentum ad Mixtorum constitutionem.

## *Index rerum notabilium.*

stitutionem requiratur. *ibid.* 616

Mixtorum temperamentum quotuplex. *ibid.*  
ar. 2. 620

An in Mixtis detur temperamentum ad pondus. *ibid.* 621

In Mixto quomodo maneant Elementa, & liquores. Vide Elementum, & liquor.

Modus quare non possit separari à subiecto. q.  
9. ar. 2. 484

Montes aliqui excedunt Aeris regiones, tract.  
1. cap. 2. 658

Mors an homini naturalis. q. 12. ar. 3. 648

Motus quomodo distinguatur à Conuersione cum ambo sint inter terminos positiuos.  
q. 1. ar. 3. 59

Motuū ad quantitatem qualitatem, & ubi diuersitas. q. 3. ar. 1. 180

Motus quomodo possit terminari ad indiuisibile. *ibid.* ar. 3. 204

Illud Axioma, omne quod mouetur ab alio mouetur, explicatur. q. 5. ar. 1. 263

Primi motus Viuentium sunt à Generante. *ibid.* 269

Non possunt esse deficientes si generans non sit deficiens. *ibid.* 270

Verum possit quis mouere se ipsum. *ibi.* 262

Quare in omnibus Motibus non fiat reactio. *ibid.* ar. 4. 329

Mundus. Vide Vniuersum.

Mutationis quidditas explicatur. q. 1. a. 1. 32

Eiusdem Conditiones, q. 2. ar. 2. 144. & q.  
3. ar. 3. 193

# Index rerum notabilium.

## N

**N**aturale ; vel secundum naturam explicatur. [q.2. ar.3.](#) 154

Quod est ex principio passio est etiam naturale. *ibid.* 156

Nebula quid sit. [tract.6. c.3.](#) 715

Negatio identificari potest cum forma. [quæ. 2. ar. 2.](#) 150

Nix quomodo generetur. [tract.6. c.2.](#) 210

Nubium natura explicatur. *ibid.* c.1. 701

Nutritio quomodo pertineat ad libros de Generatione. Proem. 5

Datur vera Nutritio in Viuentibus. [quæst.8. art.1.](#) 390

Secus in non Viuentibus. *ibid.* 391

Nutritionis propriæ, & impropriæ distinctio. *ibid.* 395

Nutritio est Motus distinctus ab Augmentatione. *ibid.* 393

Quomodo distinguatur a' Aggeneratione. *ibid.* 401

Nutritionis formalis terminus. *ibid.*

Nutritio quomodo fiat ad partes substantiæ. *ibid.* ar. 2. 403

Ad Nutritionē plures actiones concurrunt. *ibid.* ar.3. 411

In qua actione ex his nutritio consistat. *ibidem.* 415

Nutritiua facultas ubi ponenda sit subiectiue. *ibid.* 416

Nutritio an duret toto tempore Vitæ. *ibidem* art. 4. 426

Nutritio an sit Motus Continuus. *ibid.* 430

Quomodo Viuens maneat idem toto tempore Nutritionis. *ibid.* ar.6. 452

Pa-

# *Index rerum notabilium.*

## **P**

- P** Arelj quomodo generentur in Aere, tract.  
4. cap. 3. 694  
Partes tam aliquotæ quam proportionales quo-  
modo augeantur. q. 8. ar. 5. 444  
Partes quomodo maneat semper eadem for-  
maliter in toto, ibid. ar. 6. 451  
Peccatum quomodo sit contra naturam, quaest.  
2. ar. 3. 157  
Permanentia corrupta an possint reproduci, q.  
12. ar. 1. 691  
Perpetuitas qualiter à corruptibilibus desidera-  
ri possit, ibid. ar. 2. 648  
Pluviarum natura explicatur. tract. 6. c. 1. 701  
Potentia obediens quomodo supernaturalis.  
q. 9. ar. 1. 472  
Potentia recipiendi accidentia quomodo acci-  
dentalis, & substantialis, ibid.  
Preste quid sit, tract. 5. c. 3. 703  
Privatio quomodo existere debeat, vt genera-  
tio sit mutatio. q. 1. ar. 1. 31  
Privatio tria continet, q. 2. ar. 3. 160  
Processio Spiritus Sancti quare non sit genera-  
tio, q. 1. ar. 1. 30. & ar. 4. 74

## **Q**

- Q** Valitatis indivisibilitas explicatur, quaest.  
3. ar. 1. 177  
Quomodo possit terminare Motum Altera-  
tionis, ibid.  
Inter qualitates triplex distantia, ibid. 178  
Ad qualitatem triplex Motus, ibid.  
K k 6 Qua-

*Index rerum notabilium:*

- Qualitatis extensio non fit per Motum, ib. 181  
Qualitatis species traduntur, ibid. ar. 2. 182  
Ad quam ex his speciebus fit Alteratio, ibi-  
dem. 183  
Quomodo fit ad qualitates secundas, ib. 183  
Quomodo in qualitate dentur indiuisibilia,  
ibid. ar. 3. 201  
Qualitatis species ad quas est motus Intensio-  
nis, & Remissionis. q. 4. ar. 1. 216  
Qualitatum augmentum extensiuum explica-  
tur, ibid. 214  
Qualitas quomodo dicatur Intensa, ib. 3. 3. 257  
Qualitatis intensæ Unio explicatur, ibid. 259  
Qualitates quæ sunt Condensatio & Rarefactio.  
Vide Rarefactio.  
Qualitas quomodo dicatur sequi formam, ibi-  
dem. 482  
Qualitates primæ quid sint, & quomodo pri-  
mæ. q. 10. ar. 1. 560  
Definiuntur, ibid. 564. & 568  
Cur aliæ dicantur actiuæ, aliæ passiuæ, ibi-  
dem. 567  
Qualitates contrariæ quomodo se expellant in  
gradibus intensis, & compatiantur in re-  
missis. q. 10. ar. 2. 574  
Quantitas quæ dicit omne augmentum, & de-  
crementum quotupliciter inueniatur in  
qualitatibus. q. 4. ar. 1. 210  
Quantitas Intensionis, & Remissionis incapax,  
ibid. 212  
Ad quantitatem cur non detur nisi vnus spe-  
cie motus. q. 3. ar. 1. 180  
An sine quantitatis additione, & rarefactio-  
ne possit aliquid fieri maius altero. qu. 7.  
ar. 2. 403

Per

## *Index rerum notabilium.*

Per quantitatem quomodo constituentur partes substantiae. [q. 8. ar. 2.](#) ibid.

Quantitas quomodo sit principium recipiendi [Accidentia. q. 9. ar. 1.](#) 471

Quantitas quomodo dicatur sequi materiam. [ibid. 476. & q. 1. ar. 6.](#) 106

Quantitas quomodo dicatur recipi in diuersis partibus Materiae. [q. 9. ar. 1.](#) 482

Quantitas quomodo praestelligatur ad Materiam. [ibid.](#) 483

Explicatur mens D. Thomae de dimensionibus quas dicit aliquando in materia remanere. [ibid.](#)

Quantitas quomodo concurrat ad indiuiduationem. [q. 9. ar. 4.](#) 520

Quomodo indiuiduet materiam. [q. 1. ar. 6.](#) 106

Quomodo seipsa indiuiduetur. [q. 9. ar. 5.](#) 532

## **R**

**R** Adius corporis luminosi triplex. tract. 4. cap. 1. 685

Rarefactionis, & Condensationis effectus. [q. 7. ar. 1.](#) 364

Rarefactio, & Condensatio non important aliquam additionem, vel diminutionem quantitatis. [ibid.](#) 366

Ad quid terminentur. [ibid. 361. & 374.](#)

Sunt Physicae, & naturales qualitates. [ib. 369](#)

Quamuis non omnes. [ibidem.](#)

Cuius speciei sint. [ibid.](#) 371

Non se habent, ut qualitates actiuae, seu passivae. [ibid.](#) 373

An requirant motum localem. [ibid.](#) 382

An sine rarefactione, & sine additione quantita-

## *Index rerum notabilium.*

titatis possit fieri vnum maius alio, *ibid.*  
ar. 2. **383**

Raritas. Vide Densitas.

Reflexio lucis quomodo intendat lucem in eadem parte medij. *q. 5. ar. 1.* **279**

Quomodo ipsam lucē intendat. *ib. ar. 2.* **290**

Relatio intensiōis, & Remissionis incapax. *q. 4. ar. 1.* **212**

An aliqua relatio possit inhærere in materia prima. *q. 9. ar. 1.* **477**

Remissionis causæ. *q. 4. ar. 3.* **455**

Vide Intensio.

Resistentia quotuplex. *q. 5. ar. 3.* **302**

Resolutio vsque ad Materiam primam explicatur. *q. 1. ar. 6.* **97**

Roris materia, & quomodo generetur. tract. *6. cap. 4.* **716**

## **S**

**S**anguis an informetur Vita Animalis. quæst. *8. art. 3.* **417**

Quomodo ex ipso fiat Nutritio. *ibi.* **414**

Quomodo continetur cum cæteris partibus. *ibid.* **417**

Semen an informetur vita animalis. *ib.* **420**

Non resurget cum Corpore. *ibid.* **421**

Quomodo pertineat ad Integritatem humanæ naturæ. *ibid.*

Simile, & dissimile dicitur tripliciter, quæst. *5. ar. 2.* **282**

Stella quæ Anno **1572.** apparuit quomodo generata de nouo. tract. 2. *c. 3.* **666**

Stellæ in aere volitantes quomodo generentur. tract. 3. *cap. 5.* **682**

Sub.



*Index rerum notabilium.*

- S**ubsistentia quomodo faciat subsistere omnia  
quæ sunt in toto. q. 1. ar. 4. 61  
Pertinet ad terminum intrinsecum Genera-  
tionis. ibid. 66  
**S**ubsistentia à Generante non producta quo-  
modo attingatur ab ipso. ibid. 72  
Quomodo resultet impedimento remoto. qu.  
9. ar. 3. 495  
**S**ubstantia intensiōis, & remissionis incapax.  
quæst. 4. ar. 1. 210  
**S**ubstantia quomodo habeat partes. quæst. 8.  
art. 2. 403  
**S**uccessiva corrupta an possint reproduci. q. 12.  
ar. 1. 634  
**S**uppositum pertinet ad terminum intrinsecum  
Generationis. q. 1. ar. 5. 66  
Quomodo in Generatione resultet. ibi. 73  
Quomodo sit subiectum accidentium. quæst.  
9. ar. 1. 470  
**S**piritus vitales an informantur vitæ animales.  
quæst. 8. ar. 3. 417

**T**

- T**Actus quod temperamentum requirat. q.  
11. ar. 2. 628  
**T**emperamentum aliud proportionatum, aliud  
ad pondus æquale, ibid. 620  
An detur temperamentum ad pondus æqua-  
le, ibid. 621  
**T**empus quomodo concurrat ad identitatem  
numericam effectus. ibid. 630. & quæst.  
12. ar. 1. 747  
**T**erremotus quæ causa tract. 9. c. 1. 447  
Eius accidentia, & effectus, ibid. c. 2. 750  
Et

# *Index rerum notabilium.*

Et genera. ibid.	753
Tipho quomodo generetur. tr. 5. c. 3.	703
Tonitru causa. tract. 3. c. 3.	675
Turbines quid sint tract. 5. c. 3.	708

## V

<b>V</b> Apor quid sit. tract. 1. c. 1.	653
Vbi terminat vnum Motum secundum speciem. q. 3. ar. 1.	180
Ventorum causa, & materia. tra. 5. c. 1.	692
Eorundem Motus. ibid.	694
Numerus, & proprietates. ibid. c. 2.	699
Via lactea quid sit. tract. 2. c. 1.	659
Virgæ quomodo generentur in Aere. tract. 4. cap. 3.	694
Viuentia quomodo indigeant moueri ab extrinseco q. 5. ar. 1.	269
Vnio quomodo pertineat ad terminum Generationis. q. 1. ar. 4.	68 & 75
Vnio accidentis requisita ad intensionem an sit indiuisibilis. q. 4. ar. 3.	256
Vnio inter Corpus, & Animam Corporalis. quæst. 8. ar. 1.	398
Vnio accidentis ad subiectum vnica. quæst. 9. ar. 1.	470
Vnitas diuersimode sequitur ad Ens. ibidem ar. 3.	505
Vniuersi Machina ex elementari, & Cœlesti Mundo consistit. tra. 1. c. 2.	652
Elementaris Mundi Corpora traduntur. ibidem.	657

FINIS.



V.D. Fulgentius Orighetus Re-  
ctor Pœnitentiariæ pro Illu-  
stris. & Reuerendis. Domi-  
no Iosepho Musotto Vica-  
rio Capitulari Bononiæ.

*Reimprimatur.*

Fr. Vincentius Vbaldinus Vica-  
rius Generalis S. Officij Bo-  
non. Ordinis Prædicatorum.

